





68
VIII
3

12
18
17

DE
CHYMICORUM

Cum
ARISTOTELICIS ET GALENICIS
CONSENSU AC DISSENSU
LIBER I.

*Controversias plurimas tam Philosophis quam Medi-
cis cognitu utiles continens:*

AUCTORE

Daniele Sennerto, Vratislav. Silesio,
D. & Medicinæ in Academia Witteber-
genſi Professore P.

Sic vires sumi mus ambo.



WITTEBERGÆ.

Apud Zachariam Schurerum. ANNO M. DC. XIX.

8.25. c. 10

MUSG. 11.11.10

11.11.10

11.11.10

11.11.10

11.11.10

11.11.10



*Reverendissimo, Illustrissimoq;
Principi ac Domino,*

DN.

**CHRISTIANO
VVILHELMO,**

Postulato Administratori Ar-
chiepiscopatus Magdebur-
genfis,

Primate Germaniæ,
Coadjutori Episcopatus Hal-
berstadenfis,

Marchioni Brandenburgico,
Duci Borussia, Stetini Pome-
ranorum, Cassubiorum, VVan-
dalorum, & Crossnæ in Silesia,
Burggravio Norimbergensi,
ac Principi Rugiæ, &c.

Domino meo Clementissimo,

Salutem & Felicitatem perpetuam.

P.

REVERENDISSIMÆ
atque Illustrissimæ Princeps,
Domine Clementissimæ.



UAS Republicæ,
regna atque Imperia
mutationes patiun-
tur, ab iis nec Rei li-
terariam immūnem
esse, omnium seculorum historiæ
testatum faciunt. Ut de nostro sal-
tem seculo dicam, quisquis Rei li-
terariæ statum diligentius conside-
raverit, & cum eo, qui ante annos
non ita multos fuit, contulerit: fa-
cilè animadvertet, non levem ne-
que exiguam in eâ mutationem
factam esse, & longè maiorem im-
minere. Ut enim jam alias discipli-
nas non attingam, sed de ea tan-
tum, quæ meæ Professionis est, di-
cam, si quis Artis Medicæ faciem
hodiernam, in Germania nostra,
cum eâ, quæ vel ante 30. annos
fuit,

fuit, comparaverit: agnoscet, longè alium, quam olim fuit, hodie Medicinam & discendi, & docendi, & faciendi ubivis ferè modum esse. Quanquam enim non pauci sunt, qui Galenicam Medicinam, eo, quo superioribus seculis tradita fuit, modo, strictè retineant, nec quicquam de Chymicis sint solliciti: tamen non pauciores esse, opinor, qui longè aliam Medicinæ rationem, quàm quæ superioribus seculis usitata fuit, sectantur. Cum enim superioribus seculis ex Galeni, Avicennæ, aliorumque Græcorum & Arabum libris Medicina doceretur & disceretur; & in Pharmacopolijs ex usu receptis, quæ vocant, dispensatorijs, & maxima ex parte è vegetabilibus, decocta, infusiones, syrupi, pulveres, pilulæ, conservæ, Electuaria, & alia ejus generis medicamenta pararentur;

plurimiq; Medici essent, qui quid
alembic9, retorta, phiola, sublima-
toriũ, reverberatoriũ, & alia Chy-
mica instrumẽta essent, ignorarẽt;
ac qua ratione operationes Chy-
micæ hodie passim usitatæ fieri de-
berent, planè nescirent: Hodie plu-
rimis hæc omnia sunt notissima.

Inter Medicos tamen, qui rerum
Chymicarum peritiã habet, ma-
gna rursus sese offert diversitas, &
cum in opinionibus, tum in modo
Medicinam faciendi, discrepantia.
Alii enim Chymica cum Galenicis
cõjungunt: alii vero Galeni & Avi-
cennæ, eorumq; interpretũ scripta
nunquam viderũt, aut si viderunt,
nunquã legere animũ induxerunt;
sed solũ Paracelsi scriptis inhærẽ-
tes, novã planè Medicinæ rationẽ
sectãtur, ac nõ solũ de morborũ
origine & causis novas opiniones
fovent, sed & omnibus vulgatis di-
spen-

Spensatoriis, & quæ ex iis fiunt, cō-
positionib. neglectis, nihil nisi ma-
gisteria, essentias, spiritus, olea, ex-
tracta, sales, &c. & præparant, & æ-
gris suis propinant. Atq; ex iis qui-
dā, quasi piaculū sit è vegetabilibus
medicamenta parare & exhibere,
nulla nisi ex antimonio, mercurio,
vitriolo, nitro, auro, argento, & aliis
mineralib. & lapidibus parata, aut
certè longè frequentius ista, quam
vegetabilia, usurpant.

Cujus mutationis in arte Medi-
ca longè maximæ primus Theo-
phrastus Paracelsus, Helvetius, au-
tor exstitit. Quanquam enim & an-
te ipsum Chymica à multis cole-
rentur: tamē vix aliquis eorum ve-
terem Medicinam evertere animū
induxit. Ipse præcipue se veteri me-
dicinæ opponere, novamq; sectam
condere, ejusq; se principem, imo
Monarcham, profiteri attus est.

Ingentibus hominis audacis & gloriosi, (qui non solum unius anni spatio eximium Medicinæ Doctorem se perfecturum promitteret, sed & singularem ac novam morbos quosque gravissimos curandi rationem, & quod caput rei est, ac quo plurimorum animos sibi devinxit, lapidis Philosophici, quo omnia viliora metalla in aurum mutaretur, cognitionem præ se ferret ac polliceretur,) promissis moti plurimi, & partim novarum rerum, partim auri avidi, neglecta prisca Philosophia & Medicina, se se Paracello totos addixerunt, eumque ut Magistrum ac Ducem sequi statuerunt.

Quo factum, ut quidem, qui id, quod Paracellus pollicitus est, præstare potuerit, ne unus inventus sit: novarum tamen opinionum & Paracelli sectatores reperti sint plurimi

rimi, atque etiamnum hodie reperiuntur, totaque Europa, & in ea præcipue Germania nostra, portentosis dogmatibus in Medicina, Philosophia & Theologia repleta sit. Quamquam enim Medicinam præcipue profiteretur Paracelsus; & si inter Chymicarum præparationū limites se continuisset, laudem suam mereri potuisset: tamen cum applausores inveniret nō paucos, audacior factus, falcem in alienam messem immisit, novaq; in Philosophia dogmata invexit, nec Theologiam inviolatam reliquit; sed se aliquando Lutherum & Papam, non minus quam Galenum & Hippocratem, in ordinem redacturum, minatus est; neminemq; eorum, qui in sacram Scripturam hætenus scripsissent, sive veteres sive recetiores, scripturæ nucleum rectè eruisse, sed circa corticem tantum

tum hæſiſſe, non ſolum profeſſus
eſt, ſed & ipſe novas in Theologia
opiniones ſcriptis ſuis inſeruit. Præ-
terea Magiam diſcipulis ſuis ſedu-
lò cômendavit; imo iſtud pronun-
ciare auſus eſt; ſi Dei deficit auxili-
um, diaboli ſuccedat. Quam im-
pietatem cum & diſcipuli agnoſce-
rent & reprehenderent, atq; in le-
ctione publica Baſileæ iſtud affir-
mâti D. Wolfius Wiſenburgius cõ-
tradiceret; ne impietate dogmatis
ſectatores ſuos offenderet, Magiã
quandã, ſeu naturalẽ ſeu cœleſtem,
cõmentus eſt: quæ tamen ipſa non
minus impia & in Salvatorem ac
Deum noſtrũ contumelioſa eſt; ut
cum ex alijs, tum ex libris de Philo-
ſophia Sagaci patet, ubi inter alia
ſcribit, *lib. 2. cap. 4.* Secunda Magiæ
ſpecie poſſe transmutari unum in
aliud; ferrũ, in cuprũ; homines, in
lupos; Sapphiros, in Adamantes;
homĩ-

hominē divina virtute invisibilem fieri, quemadmodū Christus, qui se occultavit; & vestiri tali veste, ut Christus transfiguratus est; Tertia, posse quem verba proferre; Sume lectū tuum & ambula; Lazare, surge. Quarta, posse quem facere, ut asinus loquatur, sicut asinus Bileā; posse facere hominem ex Deo natum, ex Deo doctum; posse facere, & potestatem habere faciendi ex viribus divinis, quicquid velit.

Ex Paracelso nimirum, tāquam fonte, dogmata sua hauserunt Weigelius, Crollius; imò illi ipsi Enthiastæ, qui ante paucos annos in Thuringia religionem Christianam turbare conati sunt; & plures alii ex iis, qui hodie Fraternal. C. seu socii seu clientes videri volunt.

VVeigelii, cuius scripta nonnulli, & ex his non infimæ sortis viri, quasi

quasi oracula admirantur, hæte-
nusq; clam propagarūt, & per ma-
nus quasi discipulis suis tradiderūt,
nuper verò publicè typis divulga-
re cœperūt, & incautæ juvētuti ob-
trudere, eamq; periculosissimis in
Theologia erroribus per ea infice-
re conati sunt, Weigelij, inquam,
quam absurda & planè Magistro
Paracelso digna dogmata sint, cū
alia ejus scripta, tūm Dialogus de
Christianismo testatur, in quo in-
ter reliqua absurda dogmata plu-
rima & hæc habet; quod verbum
Dei vocat mortuam literam, mi-
nisterium verbi contemnit, & in
concionibus publicis solam histo-
riam Christi sine succo & potentia
doceri, *pag.* 27. nullumq; Con-
cionatorē hodie ex suggesto Chri-
stum crucifixum integrum prædi-
care, *pag.* 78. scribit; & nos cum
Christo & Deo unione essentiali &

σωμα-

σωματικῶς cōjungi affirmat. Unde procul dubio Enthusiastæ in Thuringia, qui Christum personaliter & essentialiter in se habitare docuerunt, sua deliria mutuati sunt.

Ex eodem fonte Henricus Cōradus, Crollius, *in præfatione admonitoria*, & plurimi alii suas in Philosophia & Theologia opiniones hausierunt, qui Magiæ, quam putant, naturalis, & Cabalæ studiosi, Academias & bonas literas præceptorumque institutionem negligunt, atque in Laboratoriis suis, quæ vocant, vel à sideribus erudiri cupiunt, vel, Enthusiastarum more, occultas inspirationes & revelationes, ac spirituum consortia, colloquia & auxilia expectant, atque Diaboli, qui se in Angelum lucis transformare valet, insidiis incauti sponte sese objiciunt.

Quæ

Quæ omnia cum mecum perpen-
derem, & absurda hujusmodi dog-
mata plurima sub specioso Chy-
miæ nomine hodie spatgi, & hoc
modo Chymiâ multis seu invisam
seu suspectâ reddi animadvertere:
côtra dignitatē ac utilitatem Chy-
miæ agnoscere maximâ: facere nō
potui, & id Professionis meæ ratio
exigere videbatur, ut, quantum à vera
Chymia Paracelsi & Paracelsistarū
somnia & absurda dogmata differ-
rent, mōstrarem. Inprimis cum vi-
derem curiosæ & novitatis avidæ
juventutis ingenia pravis istis dog-
matibus imbui, corrumpi, atque à
multis errores hosce, quasi lac ma-
ternum bibi, quod pravum ingenii
alimentum, tanquam in membra
judiciorum transmutatum, nun-
quam postea deponere possunt.

TIBI verò, REVERENDISSI-
ME ET ILLUSTRIS PRIN-
CEPS, DOMINE CLEMENTIS-

VIME

S I M E, hunc qualem cunque labo-
rem sacrum esse, & I. T. Cels. nomi-
ni inscribere volui: quod I. T. Cels.
Chymiam amare & magnificare
intelligerem; sed ita amare, ut Re-
ligionis Christianæ genuinum sen-
sum, & Cœlestis doctrinæ incorru-
ptā veritatē magno zelo retineat:
atque hoc ipso testatum facere,
Chymiam amari & magni æstima-
ri posse, absq; Paracelsi & Paracel-
sitarū, cum in Philosophia & Me-
dicina, tum in Theologia deliriis &
periculosis erroribus. Quem ut
I. T. Cels. sereno vultu clementerq;
suscipiat, atq; hisce meis conatibus
faveat, etiam atque etiam oro: ac
I. T. Celsit. Salutem & incolumi-
tatem Deo opt. max. commendo.
Witebergæ, pridie Cal. Januar. An-
no Christiano 1619.

Reverendiss. & Illustriss. Tuae Celsitudinæ

Subjectissimus

Daniel Sennertus, D. & Med. Prof.

Lectori benevolo

S.



Eci tandem, Lector
Benevole & Candide,
hanc aleam, & dogmata
inter Chymicos & Peripa-
teticos controversa quadam propo-
sui, atque de ijs meam sententiam ex-
posui. Et si verò nullo alio fine, quam
veritatis investiganda, atque artis
Medicæ propaganda studio istud ne-
gotium à me susceptum esse, noverit
Is, qui novit omnia, & instituti mei
ratio bonos viros, qui me norunt, non
lateat: tamen facile conjicere pos-
sum, non omnium idem de hoc meo la-
bore futurum judicium, nec omnes eo,
quo à me hac profecta sunt, animo ac-
cepturos. Indignabuntur enim procul
dubio quidam rigidi & pertinaces,
& qui in magistrorum verba jura-
runt, ac cum Aristotele, Hippocrate
&

I. de usu respir. c. i. *babet*: το λη-
 τέον τε καὶ ζητητέον τὸ ἀληθές. εἰ
 γὰρ καὶ μὴ τύχωμεν αὐτὰ πάν-
 τως: δὴ πᾶς πωλησιέσσερον, ἢ νῦν
 ἐσμὲν, ἀφιστάμεθα. Quo verò ego
 animo ad scribendum accessi, eo ut alii
 ad legendum accedant, opto: Lecto-
 remq; candidum oro, ut Judices illos
 imitetur, qui post velum caussas co-
 gnoscebant, ut quid diceretur audi-
 rent, quis diceret, non viderent; atq;
 existimet, non hic Aristotelis, Gale-
 ni, Paracelsi, sed Caii, Titii, Sempro-
 nii, vel alterius cujuspiam dogmata
 ventilari, neq; ullum hominem tam
 charum habeat, ut ei veritatem post-
 habendam putet. Quod facile fiet, si
 nemo quicquam approbandum sibi
 proposuerit, nisi quod cum certissimis
 illis veritatis in rebus naturalibus
 ἔξ humanis κριτηρίοις, λόγῳ καὶ
 πείρᾳ, consenserit.

b 2.

Ut

Uti enim, quod sentio, dicam, ex
utraq; parte hic peccari video; dum
ex una parte Aristotelicæ Philosophiæ
sectatores quidam, umbratilibus di-
sputationibus, & in suo crebro nati-
nonnunquam bypotbesibus nimis con-
fisi, quid in Rerum Natura fiat, non
considerant, neq; experientiam con-
sulunt. Verum non nostrum est, Natu-
ræ leges præscribere; sed ex ipsa Na-
turâ Natura describenda. Negavit
olim Antipodas Laërtius, & Phi-
losophos, qui Antipodas statuunt,
multis exagitat, de fals. Sapient. l. 4
c. 24. ineptosq; esse putat, qui pendu-
los istos Antipodas, hominesq;, quo-
rum vestigia sint superiora, quam &
capita, esse credunt. Refert quoq; A-
ventinus, Vigilium quendam, homi-
nem eruditum, quod homines undiq;
terræ globo circumfundi, & conver-
sis sive adversis inter se pedibus sta-
re, asseruisset, excommunicationi
fulme-

Et Galeno errare, quam cum recentiorum aliquo verum dicere malunt, quod Chymicorum quasdam opiniones non planè rejeci, sed, si dextrè explicentur, recipiendas censui: atque Aristotelicam Philosophiam Et Galenicam Medicinam Chymicorum opinionibus contaminari conquerentur. Contrà agrè Chymici nonnulli ferent, quod non omnes Paracelsi opiniones pro oraculis habui. Verum quid aliud facerem, qui, unicum scopum, veritatem præfixam habui, Et tantum quid diceretur, non à quo diceretur, spectavi, veritatemq; omnibus autoritatibus posthabui? In quo exemplum Aristotelis sequendum mihi proposui, qui, lib. i. Ethic. c. 6. Platoniam rejecturus sententiam, Præstat, inquit, atque adeo oportet etiam ita veritati nos addictos esse, ut præ illa vel nostra ipsorummet decreta evertere non dubitemus; itidemq;

Ut enim, quod sentio, dicam, ex
utraq; parte hic peccari video; dum
ex una parte Aristotelicæ Philosophiæ
sectatores quidam, umbratilibus di-
sputationibus, & in suo crebro natis
nonnunquam hypotesibus nimis con-
fisi, quid in Rerum Natura fiat, non
considerant, neq; experientiam con-
sulant. Verum non nostrum est, Natu-
ræ leges præscribere; sed ex ipsa Na-
tura Naturam describenda. Negavit
olim Antipodas Laërtius, & Phi-
losophos, qui Antipodas statuunt,
multis exagitat, de fals. Sapient. l. 4.
c. 24. ineptosq; esse putat, qui pendu-
los istos Antipodas, hominesq;, quo-
rum vestigia sint superiora, quam &
capita, esse credunt. Refert quoq; A-
ventinus, Vigilium quendam, homi-
nem eruditum, quod homines undiq;
terræ globo circumfundi, & conver-
sis siue adversis inter se pedibus sta-
re, asseruisset, excommunicationi
fulmen

Et Galeno errare, quam cum recentiorum aliquo verum dicere malunt, quod Chymicorum quasdam opiniones non planè rejeci, sed, si dextrè explicentur, recipiendas censui: atque Aristotelicam Philosophiam Et Galenicam Medicinam Chymicorum opinionibus contaminari conquerentur. Contrà agrè Chymici nonnulli ferent, quod non omnes Paracelsi opiniones pro oraculis habui. Verum quid aliud facerem, qui, unicum scopum, veritatem præfixam habui, Et tantum quid diceretur, non à quo diceretur, spectavi, veritatemq; omnibus autoritatibus posthabui? In quo exemplum Aristotelis sequendum mihi proposui, qui, lib. 1. Ethic. c. 6. Platoniam rejecturus sententiam, Præstat, inquit, atque adeo oportet etiam ita veritati nos addictos esse, ut præ illa vel nostra ipsorummet decreta evertere non dubitemus; iti-
b demq;

demq; monitum Galeni, qui censet, ut
is, qui solidam eruditionem sibi com-
paraturus est, à teneris summo veri-
tatis amore teneatur, seu, ut ipse lo-
quitur, ἀληθείας ἐρωτικῶν μα-
νίαν, ὥσπερ ἐνθουσιῶν, habeat, tum
dies noctesq; contendat, ut ea, quæ à
clarissimis veterum tradita sunt, co-
gnoscat: In hoc tamen non acquiescat.
Jubet enim porro, ea, quæ cognovit,
κρίνειν ἢ βασανίζειν χρόνῳ παμ-
πόλῳ καὶ σκοπεῖν, πόσα μὲν ὁ-
μολογεῖ τοῖς ἐναργῶς φαινομέ-
νοις, πόσα δὲ διαφέρεται. καὶ ὅ-
τως τὰ μὲν αἰρεῖσθαι, τὰ δ' ἀπο-
σρέφεισθαι. Quanquam verò hoc
mibi non polliceri possum, me ubique
veritatem, quam sectatus sum, asse-
cutum esse; imò ingenuè fateor, me
in quibusdam adhuc hære, atq; eo
potissimum sine ea proposuisse, ut &
alios ad veritatis investigationem
invitarem: tamen ut rectè Galenus,

fulmen evitare non potuisse. Zacharias enim P. ad Bonifacium scripsit; ut Vigilium, tanquam hæreticum, ab Ecclesia depelleret, sacerdotioq; deiceret, nisi perversam doctrinam missam facere vellet. Ita ratiunculis quibusdam Zonam torridam non habitari umbratici quidam superiorum seculorum Doctores disputabant. Verum quis jam iis fidem habeat; cum Recentiores in suis Navigationibus longè aliud experti sint? Eundem errorem in non paucis aliis à plurimis errari existimo, qui satis esse putant, si aliquid in antiquorum libris legerint, an verò cum re ipsa atque experientia consentiat, ne cogitant quidem. Verum, ut rectè Scaliger, exer. 306. censet; Nihil infelicius iis ingeniis, quæ mordicus sentiunt, Majores nostros nihil ignorasse. Dies diem adhuc docet; Et multa in lucem indies protrahuntur, quæ antiquis

parum cognita fuerunt. Unum quin
hic recenseam, facere non possum,
quod Lectori de multis, & imprimis
de principio seminario & vi multi-
plicatrice metallorum, de viribus ca-
loris & facultatis naturalis in ani-
malibus in metalla, de collectione &
preparatione medicamentorum in
certo cœli positu, ansam diligentius
cogitandi præbere potest. Edidit hoc
anno prognosticum Astrologicum Vir
Clarissimus, D. Franciscus Wendle-
rus, Medicus Gorlicensis, in quo mi-
ra quadam de Gallina aurea & ar-
gentea Philosophica, quam appellat,
recenset. Quæ omnia, si forsan ad
manus Autor non sit, hic ex Germa-
nico in Latinum traducta adscribā.
Ita autem ille: Hoc loco facere non
possum, quin mentionem faciam,
qua ratione gallina foliis auri & ar-
genti cum sagina reliqua cibanda
sit, & quam mira meis oculis vide-
rim,

rim, referam. Cum ☉ signum ☿
ingreditur, quod 22. Junii eveniet,
gallinam aliquam, quam fieri po-
test, optimè sagina. Saginæ folia ar-
genti insperge: quorum quo plura
cum cibo ingerit gallina, eò melius
sefe res habet. Primis quidem qua-
tuor diebus argentum cum excre-
mentis per alvum rejicitur; quinto
verò vel sexto die assuescit ventri-
culus argento, idque arripit & im-
mutat in suam quintam essentiam
melius, quam Chymicus aliquis.
Si mensem unum ita gallinam nu-
triveris ac saginaveris, mactare
eam licet, & mira videbis. Quæ do-
mi meæ saginata & mactata est,
candida fuit, instar argenti: Intus
viriditas tanta apparuit, qualem
nec Chymicus arte ex argento pa-
rare possit. In massa illa, quæ ova
continet, innumera ferè ova ma-
gna & parva apparuerunt, quasi ab

artifice aliquo ex argento formata
essent. Postea, quando ☉ in ♌ in-
greditur, quod accidit 27. Julii, alia
gallina eodē modo nutriatur auri
foliis. Hoc modo, meo suasu, nu-
trita & saginata est gallina à Sena-
tore quodam hic primario & lau-
tioris fortunæ, qui cum uxore, Dei
beneficio, adhuc in vivis est. Co-
mederat illa gallina 4. circiter volu-
mina, (4. Büchlein) auri malleando
in folia ducti. Ubi mactata fuit,
mirum, quam pulcra & pura intus
fuerit. In pectore verò tres lineas
purè aureas habuit, quasi ab artifi-
ce aliquo inductæ fuissent. *Hæc D.
Franc. VVendlerus.*

*Contrà & ex altera parte pec-
cant quidam Chymici, qui de rationi-
bus, quibus sua dogmata probabilia
reddant, parū sunt solliciti; sed auda-
cissimè quidem & confidentissimè no-
va dogmata producant plurima, ea-
dem*

*dem verò nullis rationibus probant;
imò nec, an cum experientia consen-
tiant, monstrant.*

Ego quidem ut utrumque effugerem, & medio tutus irem, unice q̃ veritatem inquirere, sedulò laboravi: quod verò ubiq̃ eam invenerim, polliceri mihi non possum. Etenim, ut Galenus ait, χαλεπὸν ἐστὶν, ἀνθρώπων ὄντα μὴ διαμαρτάνειν ἐν πολλοῖς. Ideoq̃ ut Scaligeri, lib. 1. de plantis, verbis utar: Laudem hīc nullam quærimus; culpā vacare volumus: quin enixè petimus atque etiam oramus, ut vicissim absque contentione, sed humanè atq̃ liberaliter unusquisq̃ conferat in medium, quod habet, ad literariæ rei incrementum. Nihil mihi potest esse beatius, quam scire. Discendum verò, ut sciamus. Ego quidem sapientiæ ambitum tantamquam animi nostri ærarium quod-

b 5

dam

dam semper judicavi, in quod communia commetationum nostrarum vectigalia inferenda censeo, sed proba; unde sibi suum quisque in usum sumat sine invidia atque similitate. Unum enim corpus sumus, unusque spiritus huius corporis, qui à Deo profectus, pro communi excubet utilitate.

Age ergo, Lector benevole, hoc agamus, ut seposita omni autoritate & sectarum studio, & anteceptis opinionibus valere jussis, nullo litigandi studio ducti, sed, ut inter bonos bene agier oportet, sine dolo, sine calumniis, sine convitiis, animis utrinque studiorum communitate & veritatis investiganda amore, eodemq; juvandi & de humano genere bene merendi studio conciliatis & de vincis, junctas vires ad artem medicam propagandam & amplificandam, infu-

*infestosq; humana sanitatis hostes,
morbos, expugnandos & evertendos
conferamus. Id quod feliciter fie-
ri atque evenire Deus ter
opt. max. jubeat.*



INDEX

INDEX CA- PITUM.

CAP. I.

De Chymia Naturali. pag. 1.

CAP. II.

De Chymia utilitate, & necessitate. pag. 19.
In Metallorum transmutatione. 20.
In Medicamentorum præparatione. 30.
In Naturæ obscuritate investiganda. 33.

CAP. III.

Antiquitati quantum tribuendum. pag. 35.
De Chymia origine & cultoribus. 38.
De Adamo. 39.
De Tubalcaino. ibid.
De Hermete Trismegisto. 41.
De ejus tabula Smaragdina. 43.
De Maria sorore Moysi. 47.
De Argonautica expeditione &
De aureo vellere. pag. 46.
De Pomis Hesperidum. 49.
De Salomone. 50.
De Democrito. 52.
De Aegyptiis. 53.
De Maximi Olybii lucerna. ibid.
De Arabibus, & qui eos secuti. 55.

CAP.

CAP. XIV.

De viribus Imaginationis. pag. 394.

CAP. XV.

De parte Medicinæ Physiologica. pag. 420.

De corpore hominis duplici. 421.

De Synovia. 425.

De humoribus. 428.

CAP. XVI.

De Pathologia. pag. 439.

De Morbis & morborum causis. 444.

De humoribus. 451.

De morborum differentiis. 470.

De Medicina reformata Scheunemanni quædam. 501.

De Tartaro. 482.

De morborum & symptomatum causis in specie. 487.

CAP. XVII.

De parte Medicinæ Semiotica. pag. 519.

De pulsu. 531.

De urina. 533.

De urinarum deffillatione. 543.

De locis affectis ac temporibus morborum. 545.

De periodis, continuitate & intermissione morborum. 551.

De prognosticis; & an omnes morbi curabiles. 556.

CAP.

CAP. XVIII.

De Medicamentis & methodo medendi.	pag. 562.
De Dieta.	ibid.
De univēſali Medicina.	563.
De Signaturis plantarum.	589.
De verborum & characterum vi.	606.
De curatione Magnetica.	624.
De Medicamentorum Galenicorum vulgari- um & Chymicorum collatione.	638.
De methodo medendi; & an morbi contrariis vel ſimilibus curandi.	670.



DE

CAP. IV.

De Paracelfo.

pag. 57.

CAP. V.

De Nominibus novis, & principiis cognoscendi Paracelsicorum.

pag. 108.

De Luce Naturæ & Gratiæ.

117.

CAP. VI.

De Analogia majoris & minoris mundi.

125.

CAP. VII.

De Materia prima, & mysterio magno Paracelsi.

pag. 138.

De Anima mundi Platonica.

146.

De Spiritu mundi.

148.

De materia prima Aristotelica.

149.

CAP. VIII.

De Elementis.

pag. 153.

De Qualitatibus occultis.

168. & seqq.

CAP. IX.

De formis, seminibus, & Astris & radicibus rerum.

pag. 178.

De origine formarum, & causa formatrice corporis animati.

189. & seqq.

De

Devita; & an metalla ac lapides vivant, ac-
creſcant, & ſe multiplicent. 226.

C A P. X.

De Spiritu, Calido Innato & Calore coeleſti.

pag. 237.

De ſpeciebus ſpiritualibus. 250.

De Magia Naturali. 253.

C A P. IX.

De principiis Chymicorum. pag. 264.

C A P. XII.

De Generatione & Miſtione. pag. 318.

De Transplantatione. 336.

De Erucarum & papilionum generatione. 337.

De Anſerum Scoticorum generatione. 335.

De Plantarum generatione. 342.

De generatione æquivoca. 343.

De miſtione. 349.

De Atomis, συγκεῖσθαι & διακεῖσθαι Democriti. 338.

De fixitate & volatilitate. 364.

C A P. XIII.

De Fundamentis Medicinæ. pag. 367.

De Magia Paracelſi. 369.

De Cabala. 373.

C A P.



DE

CHYMICORUM CUM ARISTOTELICIS ET GALENICIS CONSEN- SU AC DISSENSU.

CAPUT I.

DE NATURA
CHYMIÆ.

CHYMIÆ, CHYMIÆ; *Chymia nō-
men undē*
seu cum Arabico articulo Al-
chymia, vel Alkymia vox un-
de sit deducta, alii aliter senti-
unt. Alii Chymiam *ὑπό τῆς χύμης*
vel *χέσος*, seu *ὑπό τῶν χυμῶν* dictam existi-
mant; quod scilicet metalla dura, visceribus
terræ effossa, liquare, & fundere primū do-
cuerit. Alii *χημία* nominant, quasi, ut qui-
dam volūnt, artem Ægyptiam. Cum enim,
ut refert Plutarchus, in libro de *Iside & Osiride*,
Ægyptus à Sacerdotibus sacrā linguā Chemia
appellaretur; aut, ut est apud Herodotum, in
Ægypto

A

Ægypto oppidum quoddam vetustum, Chemis nominaretur, hinc Chemiam, quasi artem Ægyptiam, in Ægypto scilicet primò seu inventam seu excultam, dictam putant. Alij à quodam Alchymo, seu inventore seu cultore hujus artis, dictam existimant: Sed sine fundamento; imò imperitè. Cum enim ab aliis ars hæc Chemia & Chymia appelleretur: ex Arabicâ linguâ articulum, AL, accessisse facile patet. Alij Halchemiam, quasi salis fusoriam dictam putant; sed etiam eadem de causâ ineptè. Coelius Rhodiginus, *antiquar. Lektion. lib. 7. cap. 2.* Archymiam, quasi *ἀρχύμα* *χυμίας* nominat. Verum cum nondum satis constet, an vox hæc Græca vel Arabica aut Ægyptia sit, de ejus derivatione non multum laborandum.

Spagyria.

Paracelsus & alij recentiores *Spagyria*, nominant; quæ appellatio forsàn *διὰ τὴν σπᾶν*, quod est, divellere, & *ἀγείρειν*, congregare, deducta est, quasi artem corpora naturalia dissolvendi atque iterum componendi, dicas.

Philosophia pro Chymia.

Sunt, qui arti huic Philosophiæ nomen *καθ' ἐξοχὴν*, sed nimis arroganter atque insolenter, attribuant: Vulgatumq; jam est apud Chymicos, eos inprimis, qui circa artificium aurum conficiendi occupantur, *Philosophos*, *Philosophorum filios*, & libros hac de re scriptos, *Libros philosophorum appellare*. Atque hinc

hinc liber, in quem multorum de *χρυσοποιεία* sententiæ collectæ sunt, *Turba philosophorum* inscribitur.

Appellatur & *ars Hermetica*, ab Herme- *Ars Her-*
re, de quo postea dicetur, ubi de Inventoribus *metica.*
& cultoribus Chymie agetur. Et in ipsâ arte
ab eodem *vas Hermetis* & *sigillum Hermetis*,
atque alia denominantur.

Ab officiis tandem & quibusdam ejus *Ars perfe-*
operibus appellatur *ars perfecti Magisterij*, *ars* *et Magi-*
segregatoria, *separatoria*, *destillatoria*, unde *sterij.*
vulgo sæpè idem est Destillator & Alchymista.

Verùm ne in vocabulis & nominibus *Chymie*
diutius immoremur, rem ipsam videamus, & *Finis.*
quid Chymia sit, investigemus. Cum verò di-
sciplinarum distinctio ex fine petatur, primò
quis *Chymie finis* sit, videamus. Finem autem
Inventio Chymie nobis monstrat. Chymie
inveniendæ & excolendæ occasionem præ-
buerunt Metallurgi. Hi enim primò non so-
lum quâ ratione metalla fundi & ab alienis,
quibus admista effodiuntur, corporibus sepa-
rari possint, invenerunt: Sed etiam cum au-
rum inter metalla nobilissimum esse animad-
verterent, spem ignobiliora in id transmu-
tandi conceperunt. Et cum, quod in Chymia
feri solet, Usus atque operationes semper,
aliquid adportent novi, destillationes atque
alias separationes vegetabilibus quoque ap-
plicare, & viam medicamenta artificiosius

præparandi aperire cæperunt: ut sic totius Chymix ambitus metallorum elaboratione & medicamentorum præparatione concludatur. Ac si primum istam Chymix inventionem spectemus, etiam Metallurgi Chymici nomine complectendi essent. Verum cum artificium illud metalla effodiendi, fundendi, à scoriis suis separandi, probandi, & similia agendi, vulgatius & vilius sit, quàm ut splendidum hoc nomen sustinere posse videatur: usus ferè obrinuit, ut non quivis sine discrimine, qui circa metalla & mineralia occupantur, & serviles operas in iis præstant, hodie Chymici appellentur: sed ii solum, qui metalla viliora in aurum & argentum transmutare conantur; vel utilia medicamenta ex metallis & mineralibus elaborant, ut & qui ex vegetabilibus artificiosè idem præstant. Neque enim, quod nonnulli opinantur, circa metalla & mineralia tantum versatur Chymicus: sed etiam copiosam, in quâ artem suam exerceat, materiam vegetabilia & animalia suppeditant. Atque ita circa omnia corpora naturalia composita Chymicus versatur.

*Chymici
quinam.*

*Chymicus
circa quid
versetur.*

*Quomodo
circa corpora
naturalia
versetur
Chymicus.*

Quomodo autem circa corpora naturalia Chymicus versetur, jam dispiciendum est. Qui purum ab impuro separandi artem Chymiam dicunt, nimis generaliter loqui videntur. Dum enim *πικρὸν* vel pharmacopœus radices à fordibus purgat, easdem lavat, dum despumat, colat, succos exprimit, & nihil præ-
terea

terea agit, Chymicum agere non dicitur. Nam etsi & ista Chymico nō omittenda sint: tamen in vulgaribus istis operationibus industria ejus non terminatur & subsistit, sed amplius quid agit, & non saltem externas impuritates, & foris adhærentes sordes remouet; sed ad interiora penetrat, & corpora naturalia composita seu concreta in ea, è quibus naturaliter constat, dissolvit, eorumque partes separat, utile ab inutiles cernit, singula purificat, alterat, perficit, & exaltat, & omnino efficacissima reddit, eaque iterum, si opus sit, conjungit, & componit. Nonnunquam enim, non solum partium singularum vires seorsim, sed totius compositi requiruntur: Imò est, cum è pluribus naturalibus corporibus vires conjunctæ requiruntur, quæ idcirco Chymicus artificiosè resolvere & iterum componere docet. Et aliàs etiam sæpe ad actiones Chymicas perficiendas plurimarum rerum permistio est necessaria. Ita ad metallorum & aliorum corporum solutiones Aquæ solventes è pluribus componuntur. Quæ & similia si ad propria opera Chymicæ pertinere alicui non videntur: pertinent certè ad organa & instrumenta, quæ quælibet ars sibi parat & fabricat.

Ex quibus manifestum evadit, qui Chymicæ finis sit. *Chymicæ finis duplex est: Internus & Externus. Internus finis est, cujus opere perfecto operatio desinit. Et Chymicæ*

A 3

finis

finis internus est, corpora naturalia composita in ea, ex quibus constituuntur, resolvere, purificare, alterare, exaltare, atque omnino ita elaborare, ut vel partes omnes seorsim & singulae, vel iterum conjunctae & compositae, purissimae, efficacissimae, & ad usum in vitam humanam necessarios aptissimae sint, & seu medico, seu illis, qui in metamorphosi metallorum occupantur, utilia adminicula praestent.

*Chymia
per se est
ars.*

Hujus finis respectu Chymiae per se ars est, à medicinâ sejuncta, utpote, quae non solum medico, sed etiam alijs artibus utilem operam praestat, & multis vitae usibus inservit. Chymicus nimirum parat aquas, Spiritus, Olea, Sales, flores, praecipitata & alia, quibus diversi artifices uti possunt. Quia tamen operas suas plerumque ad certum finem & artem dirigit Chymicus, ad eam redigitur.

Hic enim finis subdividitur, & quasi duas partes habet: vel enim Chymicus omnes suas operationes eo dirigit, ut quicquid parat, metallorum transmutationi inserviat, vel medicinæ suam operam dicat. Quatenus medico solum inservire cupit Chymicus, & preparationibus ingeniosis ac subtilioribus, quam alias fieri solet, efficacia & utilia ad sanandum medico instrumenta suppeditat; vel peculiarem artem non constituit, vel certe quod

quod artis suæ est ad pharmacopœjam applicat.

Atque ita Chymicus hoc modo consideratus, & pharmacopœus non differunt; Cum unum utriq; sit propositum: aut certè si inter eos aliquod est discrimen, valdè erit exiguum. Atq; hoc respectu Chymia ad medicinam redigitur; & ad *Φαρμακευτικήν* pertinet. Et licet hodiè pleriq;, qui medicamenta præparant, medici non sint; Ipsa tamen pharmacopœia ad medicinam pertinet, & medicus pharmacopœis, ut ministris, utitur. Et hoc modo Chymicus etiam, quatenus scilicet habitu medicinæ destituitur, ac solum medicamentis præparandis occupatur, medicus minister est. Director verò tum atque *δεξιτέκτων* hujus artis est medicus, qui non solum in simplicium medicamentorum, ex plantis, mineralibus, metallis atque animalibus petitorum noticiam habet, & quid in quolibet medicamento utile, quid inutile sit, novit; sed etiam ultimum præparationis usum, nimirum medicinam, cognitam & perspectam habet, & propterea rectissimè monstrare potest, quomodo quodlibet medicamentum præparari possit, ut, salvis manentibus viribus, quæ expetuntur, & impuritatibus omnibus separatis, medicamentum efficacissimum, utilissimum, & tutissimum præparetur. Hoc enim nisi fiat, & quo fine

*Chymicus
& pharmacopœus in
quo conveniant &
differant.*

quidlibet agatur, præcognitum habeatur. Sed, quod non raro Empirici faciunt, quodcunque fortuito in operationibus Chymicis natum & oblatum pro medicamento arripiatur, noxia potius & damnosa, quam utilis erit Chymia. Ut autem Medicus sit Director, Chymicus minister: ita res suas comparare debet Medicus, ne Chymicarum operationum ipse ignarus sit. Alias enim, & si Medicus à ministro discere debet, eo ipso minister fit Dominus & Doctor. Ipse verò Medicus, si medicamenta Chymica præparat, Chymici nomen adsumit; sicut dum ipse vulnera, ulcera, fracturas & luxationes tractat, Cheirurgus appellatur. Neque dum seu Cheirurgiam seu Pharmacopœiam tractat, aliquid extra sue artis limites agit, sed quod suæ artis est, exsequitur, ut suo loco dicetur.

*Chymia
finis ex-
ternus
duplex.*

*Metallo-
rum trans-
mutatio.*

Externus verò finis atq; usus Chymie duplex est: vel enim ad Metamorphosin & transmutationem metallorum ignobiliorum in nobiliora, vel ad medendum & sanitatem corporis humani adferendam, dirigitur. Priorem usum & finem Chymia si spectes, quatenus nimirum ejus beneficio metalla ignobiliora in nobiliora mutantur, etiam peculiarem ab aliis artibus distinctam artem parit. Neque enim ulla alia ars datur, quæ id promittat. Atque appellatur sæpe hæc ars καὶ ἑοχλὴ Alchymia, ars magni magisterij, Magisterium sapientum, Hermetis ars. Quia tamen

ROR-

nonnulli statuunt scopum præcipuum hujus artis non esse aurum conficere; sed sanitatem corporis humani conservare, lapidemque, quem appellant, Philosophicum non solum metalla imperfecta, sed & corpus humanum perficere, atque hunc finem potius, quàm aurificium spectari: Si hoc, de quo suo loco videbitur, ita se habet, Chymia peculiarem artem non constitueret, sed ut mox dicetur, ad medicinam pertineret, & medicinæ summa perfectio esset.

Quantum enim ad alterum finem exter-
 num, Usus, & medicamentorum à Chymico præparatorum ad sanandum applicatio, soli-
 us medici est; Et qui habitu medicinæ instru-
 ctus, medicamentis Chymicis, seu à se seu ab alio paratis, utitur, nomen Chymici deponit, & medici personam adsumit; qui, si ob peculiaria & vulgatis nobiliora, quibus utitur, medicamenta, nominis aliquam prærogativam habere velit, *χυμιατρεῖα* & medicina talibus medicamentis instructa *χυμιατρεία* appellari potest. Et *Chymiatría* hoc modo summa quasi
 medicinæ perfectio erit, & nobilissimus per
 medicamenta Chymica medicinam faciendi
 modus. Et differentia inter medicum simpli-
 citer ita dictum, & Chymiatrum saltem hæc
 erit, quod ille frequenter integris, sive simpli-
 cibus, sive inde mistis & compositis medica-
 mentis, utitur, & coctione aut infusione atq;
 aliis vulgaribus modis medicamenta ad usum
 præpa-

*Medica-
mētorum
præpara-
tio.*

*Chymia-
tría.*

præparat: *χουλαρε* & vero simplicium vires & virium causas diligentius considerans ac perpendens, atq; actiones omnes nō semper à totius forma pendere, sed sæpe in unius medicamenti integri corpore diversas vires in diversis partibus esse animadvertens, artificiosè illas sejungit, sejunctasque & nulla contrariorum admixtione impeditas exhibet, vel etiam eum aliis, pro ut opus est, componit. Atque hoc modo Chymia si consideretur, novam medicinam non parit. Neq; sat causæ habent hodie quidam, ut utriusque medicinæ Doctores audire cupiant.

Verum ab istis, quæ diximus, sunt qui dissentiant. Quidam enim nec illam quidem, quam ei concessimus, ex artificiosiore medicamentorum præparatione Chymiatriæ prærogativam concedunt: Alii contrâ, tam angustis terminis Chymiam non concludendam, sed longè latius extendendam putant.

An præparationes Chymicæ sint novæ.

Sunt enim quidam, qui nec in ipsis præparationibus aliquod inter vulgarem Medicinam & Chymiatriam discrimen agnoscunt, omnesque præparationes, quibus hodie Chymici utuntur, & quibus à vulgaribus pharmacopœis discernuntur, antiquis medicis & pharmacopœis cognitæ fuisse existimant. Ut de vulgaribus medicamentorum præparationibus; Triturâ, Limaturâ, Ustione, Lotione, Maceratione, Colatura, & similibus

libus nihil dicamus, quæ omnibus medicamenta præparaturis necessariæ sunt: etiam eas, quæ Chymici sibi proprias vendicant, digestiones, sublimationes, destillationes, Calcinationes, reverberationes, extractiones, & similes antiquis non ignotas fuisse probare conantur. Equidem non negamus, antiquos etiam quendam harum operationum noticiam habuisse. Nam Acopa medicamenta diutius macerando componere docet Galenus, 7. de comp. med. sec. gen. cap. 11. & seqq. Et Theriacam, antequam in usum venit, longâ fermentatione perfici notissimum est. χαλκῷ ἀνθρῳ, flos cupri, quomodo per sublimationem fiat, Galeo ignotum non fuit. De Cadmia non solum natura, sed & artificiosa eaque triplici ex Cupri, argenti venis & pyrite, lib. 9. de simplic. medic. facult. agit. Et ipsam sublimationem per τὴν εἰς ἰψῷ ἀναπομπὴν describit. Et, eodem in libro, in Pompholygos præparatione sublimationem manifestè declarat. Quomodo Hydrargyrus sublimatione fiat, docet Dioscor. lib. 5. c. 64. In siltilem, inquit, patinam ferream, habentem concham, Cinnabaris conjicitur; postea verò ἀμβύξα sive ollam imponunt, & luto circumlinunt, Carbonesq; subtus accedunt, quæ Calici sive Alembico postea fuligo inhaesit, derafa refrigerataq; Hydrargyrus est.

Ex

Ex quo loco hoc obiter notandum, Alembici vocabulū ab Arabib9 à Græco ἀμβίξ desumptum esse. Si enim ad vocem ἀμβίκα addatur Arabicus articulus, Al, fit *Alembicus*. Et vocem ἀμβίκα non quamlibet ollam, sed proprium artis hujus instrumentum significare, ex eo patet, quod apud alios Scriptores Græcos ista vox ita obvia non est.

Ita destillationes antiquis nō ignotas fuisse existimant. De quo quidē cum nemine cōtēdero: parva tamē ejus rei indicia apud antiquos exstant. Nam quod Hippocrates, de *flaribus*, scribit, & antiquis aliis ignotum non fuit, ebullientis aquæ vaporem elevatum, si ad solidum quiddam impingat, crassescere & condensari, guttasq; inde decidere, non magni momenti est. Nam hoc etiam Balneatoribus notum est: nec tamen sunt Chymici. Ex appellationibus quoque καταύγματ9 & ροδοσάκτα & ροδοσάγματ9, quæ apud Galenum & alios medicos Græcos occurrunt, vix aliquid solidi deduci potest. Nam, ut Paulus Ægineta, lib. 7. de *remed. cap. 15.* docet, ροδοσάκτον ex rosarum unguibus & melle fiebat: atque ita non erat Aqua Rosarum stillatitia: nisi id aliundē probetur. Hoc etsi alicujus momenti esse videtur, quod Aristoteles, 4. *Meteor. cap. 9.* scribit; Vinum flammam emitte-
re, atque id non de vino iñtegro, sed de Spiritu vini aliquis interpretari posse videatur: tamen nec id alicujus roboris est. Familiare enim

DE NATURA CHYMIE.

enim est hodie etiam Saxonibus vinum calefactum incendere, saccharo & aromatibus cōdire, porumque ita delicatum conficere.

Verum enim verò etsi rudimenta quædam hujus artis apud Græcos (nam Arabes majorem ejus habuisse noticiam, dubium non est) habeantur: tamen ea talia non sunt, ut propterea ipsis Chymiam ita notam fuisse, sicut hodie est, dicere possimus. Et fere quidquid habuerunt ejus noticiæ, eam ex Metallurgis habuerunt, ut apud Galen. *in lib. de Simpl. med. facult.* & Dioscoridem videre est. Nondum verò à Metallurgorum fornacibus & Chymicorum ergasteriis in medicorum officinas deducta fuit Chymia. Neque enim, si vi ignis aliquid in altum attolli dicatur, aut si stillicidii vel *κατακρυμν* fiat mentio; illa artificiosa Chymica per sua instrumenta instituta erit destillatio. Atque ita viris doctis, qui in Chymia hodie excolenda & arte Medica per eam exornanda & amplificanda laborarunt, laudem meritam non invidemus, & aliquid ornamenti & adjumenti Medicinæ veteri ex Chymia accessisse, libenter fatemur.

Sunt ex altera parte alii, qui limites Chymie adhuc latius extendere conantur, & per Chymiam novam Philosophiam & Medicinam condere tentant. Etsi enim antiqui Chymici, sive circa medicamenta præparanda, sive circa metamorphosin metallorum occuparentur, in principia non inquisiverint, sed

An Chymia pariat novam Philosophiam & Medicinam.

Hippo-

Hippocratis, Galeni, & Aristotelis doctrinā contenti fuerint; cum nova medicamenta novam Medicinam non parere scirent: recentiores tamen, inprimis Paracelsus, limites Chymix latius extendere conantur, neq; solā medicamentorum præparatione artificiosiore se à Galenicis discerni patiuntur, sed iidem de principiis quoque disputare præsumunt, & in omnibus fere Philosophiæ & Medicinæ partibus nova dogmata invchere laborant.

Sed sciendum, de principiis disputare, non esse Chymici, quā Chymicus, sed vel Medici, vel inprimis Philosophi. Et Chymia nihil ad eam rem facit, nisi quod suis operationibus observationes vel experimenta quædam suppeditat, è quibus postea vel Medicus vel Philosophus suas conclusiones deducere potest. Si verò Chymici recentiores sectam suam ab alijs discerni cupiunt: commodius, nomine ab auctore quodam, Paracelso vel alio indito, hoc facerent: aut si omnino Chymix nomine ab alijs Philosophis & Medicis discerni cupiunt, id quidem facere possunt; modò alijs, qui ejusdem sectæ & sententiæ non sunt, idem nomen non derogent.

*Chymicus
circa quid
versetur.*

Atque ex his, quæ de fine Chymix diximus, manifestum quoque evadit, *circa quid versetur Chymicus.* Si enim internus finis Chymix

miæ consideretur, circa omnia naturalia corpora concreta, quæ resolvenda, purificanda & elaboranda artificiosè, occupatur. Si verò externi finis & quidem prioris respectu consideretur, solum circa metalla, quorum scilicet transmutationem sibi habet propositam, versatur. Alterius verò finis respectu, non solum circa metalla, sed circa omnia corpora naturalia, quæ medicamenti utilis & efficacis loco esse possunt, occupatur; sive è mineralium & metallorum, sive vegetabilium sive animalium familia sint.

Cum ergò, quæ hæcenus de Chymia *Chymia*
fine dicta sunt, ita se habeant, & Chymia *quid.*
finis opus sit, ex. gr. Oleum, Spiritus, Aquæ
destillatæ, Sal &c. Artem esse inde facile
colligitur; Habitum scilicet *μὲν λόγῳ ἀλη-*
θὲς ποιητικόν, ut definit Aristoteles, *6. Eth.*
Nic. c. 4. Et cum ars sit Chymia, quæ, ut
idem Aristoteles, *1. Mag. Mor. cap. ult.* docet,
περὶ ποίησιν καὶ τὰ ποιητὰ versatur, Scien-
tia esse non potest, quæ, ut, *ibidem*, tradit
Aristoteles, *τῶν μετὰ ἀποδείξεως ὄντων ἐστίν.*
Neque enim Alchymia circa res naturales
versatur, ut eas solum cognoscat; sed
ut aliquid ex ijs efficiat. Et licet habeat
sua principia & conclusiones, secundum
quas in operando progreditur: non tamen
ideo est Scientia, sed hoc ipso est *ἔστι μετὰ*
λόγῳ

*Chymia
non est
scientia.*

*Chymicus
non me-
detur.*

*Chymicus
quid con-
ferat ad
Physicam.*

λόγῳ ποιητικῇ sive Ars. Multò minus circa re-
rum naturalium causas & principia Investi-
ganda Chymia versatur, & proinde non satis
propriè nec satis cautè loquitur Israel Har-
vettus, *demonstrat. veritat. Chymicæ sect. 1. cap. 1.*
dum Alchymiam Scientiam dicit, quæ nò so-
lum medicamentorum præparationem do-
ceat, verum & eorum ceterorumque natura-
lium corporum causas, partes & affectiones
inquirat, humanoq; generi medeat, & quæ
meritò inter Philosophiæ partes numeranda
sit. Habitus enim diversos & diversas discipli-
nas confundit. Neque Chymia, si humano
corpori mederetur, Philosophiæ pars esset.
Verum, ut dictum, Chymicus non medetur,
sed qui medicamenti Chymicè, sive à se sive
ab alio, præparatis, utitur, id facit, non ut
Chymicus, sed ut Medicus. Neque Chymia,
quâ talis, causas & affectiones corporis na-
turalis investigat, sed qui id agit, Physicus est;
licet Chymicis observationibus experimen-
tis utatur. Sicut qui de ventorum natura,
causis & differentiis, vel de magnete disputat,
vel affluxu & refluxu maris, etsi à nautis ob-
servaciones petat, id agit, non ut nauta, sed ut
Physicus. Ideoque licet ad naturæ obscurita-
tem investigandam summopere utilis sit Chy-
mia; adeò, ut vix quemquam excellere hodie
in hoc genere posse putem, qui non artis hu-
jus cognitionem habeat: tamen qui illis Chy-
micis adminiculis ad contemplandas res natu-
ra-

turales utitur, non amplius Chymicus est, sed Physicus.

Ideoque Chymia nec Physicæ pars est, *Chymia non est Physica pars* nec subalternatur Physicæ, ut Rulandus, *Pro- non est Physica pars* *gymnas. Chymic. quest. 1.* statuit. Licet enim cir- *nec ei sub-*
ca idem cum Physico subjectum, corpus scili- *alternatur.*
cet naturale, versetur Chymicus: quia tamen
modus tractandi, id quod ipse negare nō pot-
est, longè diversissimus est à Physica tracta-
tione, nec pars Physicæ Chymia erit, nec ei
subalternabitur: nisi quis etiam artes fabri-
les, quæ circa corpora naturalia, ferrum, li-
gna, lapides versantur, Physicæ subalternatas
esse statuere velit. Ex quibus manifestum eva-
dit, quid de iis sentiendum sit, qui postquam
aliquam operationum Chymicarum cogni-
tionem consecuti sunt, omnes Philosophos &
Medicos præ se contemnunt. Operationum
Chymicarum peritia sola nec Philosophum
nec Medicum facit. Atque assequuntur eam
sæpe non ita longo temporis spatio etiam
Idiotæ; inprimis si magnatum vel aliorum
sumtibus, qui in hoc artis genere omnino ne-
cessarii sunt, & quos tolerare non cujusvis
privati est, adjuventur. Atque tales opera-
rii Chymici semper fuerunt, & hodie sunt
plurimi: Integro verò seculo vix unus & al-
ter fuit, qui in operationum Chymicarum
caussis reddendis, principiisque Chymicis
declarandis, & in morborum caussis, & fa-
cultatibus medicamentorum ad ea reducen-

dis aliquid laude dignum præstiterit. Et plus ingenii ad hoc requiritur, quam in quibusvis operariis Chymicis invenitur.

Hoc tamen hic monendum est, cum Chymici recentiores etiam de principiis disputare præsumant, nos illorum ductum in hac de Chymia tractatione sæpe sequi necesse habebimus, neque semper intra artis limites nos continere poterimus, sed nunc Physici, nunc Medici persona induenda erit.

*Chymia
quid.*

Ex quibus omnibus *quid Chymia* sit, colligi potest. Est nimirum ars corpora naturalia composita sive concreta in ea, è quibus naturaliter constant, resolvendi, resolutaq; pura & viribus validissima reddendi, ut utilia Medico præbeant remedia, vel metallorum perfectionibus & transmutationibus inserviant. Ideoq; operationes illæ Sophisticæ, quibus metalla ignobilia Auri & Argenti colore tinguntur, honestâ Chymicæ appellatione dignandæ vix sunt, sed vel mataotechniæ vel cacotechniæ sunt; vel omnino Metallurgiæ, non Chymicæ propriæ: in quibus tamen tentandi & explorandi varia gratiâ etiam Chymicus aliquid agere potest; nobilioris tamen finis gratiâ. Nec illi Chymicorum nomine digni, qui quid & quo fine agant, nesciunt; sed periclitando, sine omni ratione, sumtus & ætatem perdunt, &, ut ille aiebat, *Querunt, inveniunt Nihil, inventumq; requirunt.*

CAPUT

CAPUT II. DE VERITATE ET DI- gnitate Chymiaë.



Etsi verò Chymia ipsa nec

*Chymia
Physico
utilis.*

de Rerum natura disputet, nec

medeatur: tamen & Physico

multa arcana patefacit, ac utiles

observationes suggerit; & Medico efficacia

Medicamenta suppeditat: unde dignitas &

utilitas ejus facile elucescit. Monendum e-

nim hîc; ut ij, qui solidam sibi Physicæ & Me-

dicinæ cognitionem comparare cupiunt, non

in generalibus illis, quod hodie plurimi faci-

unt, subsistant, sed ad specialia descendant, &

ipsam rerum naturam penitiùs paulò intue-

antur: ita enim in ea amplissimos divinæ sa-

pientix thesauros absconditos esse animad-

vertent. Nam qui ἐκ βέλους κρυφέντος ipsam

rerum contemplationem & inspectionem

negligunt, domiq; conclusi, quibusdam hypo-

thesibus nixi, naturæ leges præscribunt, illi

nunquam ad naturæ abdita penetrabunt,

nec majestatem & admirabilitatem illam Na-

turæ adspicient. Præterea & hoc cavendum,

ne Experientiæ Ratio temerè præjudicet,

sed primò danda opera, ut de re per expe-

rientiam constet, postea ejusdem rationes in-

quirantur. Qua in re à multis hodie vul-

gò peccatur, qui causas rerum quarundam

*Experien-
tia P. yfico
necessaria.*

B

2

Redde-

reddere conantur, de quibus tamen, an sint, nondum certò constat.

*Chymia ve-
ritas & ali-
gnitas.*

Sed ut de veritate, dignitate & utilitate Chymiae dicamus; Cum ea duos scopos sibi habeat propositos, vel metalla transmutare, vel utilia & efficacia medicamenta præparare: utriusque respectu laudem suam meretur, dignitatemque tuetur Chymia. Et si enim è recentioribus quidam Chymiae hostes Chymiam artem præstigiaticam, Diaboli inventum, Culinam Dæmonum, esse dicant; & Chymicos à Magistratu suppliciiis coercendos censeant: tamen longè aliter de ea viri eruditi, quibus animus præconceptis opinionibus obfuscatus non est, sentiunt.

*An metalla
transmuta-
ri possint.*

Et primò quidem metamorphosin metallorum quod attinet, de ea prolixè, inprimis cum Medicinæ propria non sit, in partem utramvis disputare operæ pretium esse non putamus; cum experientiæ repugnare hominis sit pertinacis, & ut Aristoteles rectè 8. *Physic.* censet, *querere rationes & dimittere sensus, infirmitas quadam mentis sit.* Ex cineribus vitrum fieri hodiè notissimum est: de quo si experientiâ non constaret, cui id rationibus faciliè persuaderi posset, aut quid contra dici non posset?

*Historia
transmuta-
tionis me-
tallorum.*

Metalla autem transmutari toties hodiè experientiâ comprobatum est, ut disputando de eo frustra tempus teratur. In Ungaria

garia ad oppidum Smolnitium, in monte *Ferrum in*
 Carpatho, fontes sunt, in quos ferrum conje-*cuprum*
 ctum in cuprum optimæ notæ vertitur. Idem *mutatur.*
 fit hodiè Goslariæ. Neque hoc saltem aquæ
 naturales præstant, sed & arte idem fieri pot-
 est. Ferro enim in aquam vitriolatam conje-
 cto pulvis rubeus adhærescit, qui igne fusus
 cuprum evadit. Ita Mercurium in plumbum *Mercurius*
 verti docet Joh. Rhenanus, in *dissertatione pro in plum-*
Chymie veritate, hoc modo: *Recipe cinerem bum.*
plumbi vel lithargyrū vel miniū, affunde phleg-
ma aceti, & per noctem maceretur. Postea in
aqua forti dissolve Mercurium, in solutionem
aliquot guttas illius aceti infunde, & confestim
pulvis ad fundum præcipitabitur, qui in igne re-
ductus plumbum evadit.

Et propterea *Ἀγνοία* laborat *Cuprum ex*
 Nic. Guibertus, Lotharingus Medicus, qui *ferro est ve-*
 nihilominus ista in dubium vocare, & tot *runt cu-*
 experientis totâ Europâ notissimis convi-*prum.*
 ctus etiam de transmutatione ferri in cuprum
 scribere audet. *Id apud aliquos semidoctos* (ta-
 les scilicet sunt, si Guiberto credimus, Agri-
 cola, Wernerus, Mathesius & alii) *fidem inve-*
nisse; missionem quidem esse & temperaturam
satis exactam, qua dederit mendacio locum,
non esse formæ mutationem. Qui si ad examen
 judicij & rationis prius hoc revocassent, longè a-
 liter sensissent. Quasi verò per totum Impe-
 rium Romanum, fide publica, omniumque
 B 3 artific-



artificum & Docimastarum consensu, non esset notissimum, cuprum illud genuinum esse, imò eo, quod multis in locis è terra effoditur, præstantius; & Guiberto, nescio quas ratiunculas in contrarium afferenti; plus quàm tot artificum censuræ & non unius sæculi experientię fidei habendum, & umbratilis ad pulpitem speculatio experientiæ tot artificum præferenda sit. *Homine imperito nihil est ineptius.* Qua de re pulchrè Lucianus, in *Hermotimo*:

*Experientia magnifici-
facienda.*

Si quispiam fortasse illorum interrogaret, dic mihi, inquit, ò Lycine, si quis Æthiops, qui nunquam alios homines conspexisset, quales nos sumus, propterea quod nunquam peregrè extra patriam profectus sit, in quadam concione & conventu Æthiopum pertinaciter affirmaret, diceretq; ; nusquam gentium homines albos aut flavos reperiri, nusquam ullius alterius coloris, quàm nigras: nunquid fidem alijs dictis suis faceret? Diceret autem ad illum quispiam ex senioribus Æthiopibus: Tu verò unde hæc cognita explorataq; affirmas audacissime? Neque enim unquam à nobis suscepta ad exteros populos profectiōne peregrinatus es. Neque, per Jovem, qualiter apud exteras nationes sint,

*unquam peruestigasti, aut præsens ocu-
larem testimonio didicisti.*

Verum cum de metallorum reliquorum *An metalla
reliqua in
aurum muta-
tari pos-
sint.*
aurum mutatione præcipuè lis sit, & cir-
hanc Chymia maximè occupetur, de ea
quid dicendum. Etsi verò ea plurimis im-
sibilis videatur: testatur tamen contra-

um Experientia. Ut de antiquioribus, Ar-
oldo de Villa Nova, Raymundo Lullio
alijs nihil dicam, talia specimina nostrâ

Patrum memoriâ aliquot edita sunt, ut
ertinacis sit, experientiæ tam certæ refraga-

. Quid Pharmacopola Tarvisinus coram *Historia
Auri Chy-
mica arte
facti.*
enatu Venato; quid Paracelsus, ut postea
icetur; quid ille Alexander Sidonius Sco-
as; quid Anshelmus Boethius Cæsareus Me-

icus, pulvisculo, quem in libri antiqui asse-
e contracto invenerat, effecerit; quid Edo-
urdus Kellejus Anglus, & alii præstiterint,
ide digni testes, non auriti solùm, sed & ocu-
ari confirmant & eloquantur. Qua de re
videantur historiæ transmutationis metal-
licæ ab Ewaldo de Hoghelande descriptæ,
& defensio Alchymie transmutatorie utra-
que ab Andrea Libavio Nicolao Guiberto
opposita; Wolfgangus Dinheim de univer-
sali medicina cap. 4. Nicolai Barnaudi com-
mentaria in ænigmaticū quoddam Epitaphi-
um Bononiense, Bernhardi Penoti præfatio

Apologetica contra Guibertum, tractatui de denario Medico annexa. Ut jam Zwingveri & aliorum, qui vivunt, & nuper vixerunt, testimonia taceam.

Cum ergo de Experientia constet, operæ precium non est, ut multum in rationibus in contrarium allæis laboremus. Et sunt ea fundamenta non ita solida, ut refutari non queant, & ab Andream Libavio, in *defensione utraque Chymie transmutatorie contra Guibertum*, & à Rulando, in *Progymnasmatibus Chymicis, quest. 67.* & aliis satis refutata sunt.

*Quomodo
species trans-
mutentur.*

Hoc præcipuè nonnullos movere solet, quod metalla, quæ specie differunt, inter se transmutari non possunt. Verùm quid obstat, non video. Forma quidem ferri in formam cupri, & plumbi in aurum nõ vertitur; sed formâ ferri decedente forma cupri, & formâ plumbi decedente auri forma introducitur. Et quidem inter metalla faciliior est transmutatio; cum communem habeant materiam, atq; inter ea, quæ symbolum habent, faciliior fiat trāsmutatio. Et si hac de causâ metallorum transmutatio negāda esset, plurimæ aliæ rerum transmutationes negandæ essent. Ut jam de Elementorum transmutatione nihil dicam: triticum & aliæ plantæ in suo censu & sua forma sunt perfectæ species; nihilominus in chylum mutantur: Sanguini sua
forma

forma est, per quam est, quod est: nihilominus in carnem, os, membranam mutatur. Atque idem alijs etiam accidit, & vulgatissimum est, ex rebus in sua specie perfectis ad alias formas suscipiendas dispositis alias res ab alio principio generari.

Absurdum quoque nonnullis videtur, quod tam brevi temporis spacio metalla in aurum transmutari possint. Verum isti vim & potestatem spirituum ignorant, & Chymicarum operationum parum periti videntur. Quanta enim vis fulminis in metalla & alias res; quanta vis aquarum fortium & regalium, & spirituum aliorum metallicorum, ut vel ex Bezoardici mineralis & auri fulminantis preparatione videre est?

Neque est, ut quis ad id confugiat, & aurum Chymicorum speciem quidem externam auti habere, non verò aurum verum esse dicat. Cum enim formæ rerum nos lateant, & nulla alia via res cognoscendi & ab alijs discernendi detur, quam per propria accidentia: Aurum verò à Chymicis factum omnes auri proprietates habeat: pro vero auro omnino agnoscendum est. Sunt autem auri proprietates, esse coloris citrini, nō sonorum, extensile sub malleo, ita ut ejus unica uncia, in bracteas diducta etiam decem terræ jugera tegere queat, & tertia pars grani ejus trahi possit in fila 134. pedum, ut Cardanus, *de varietate rerum*, scribit, incorruptibile in aëre & aqua,

*Aurum
Chymicum
an sit ve-
rum aurū.*

*Auri pro-
prietates.*

aqua, ac tandem omnes probas sustinere; Quarum Chymistæ & Decimastæ plures & exactissimas habent. Geber. *lib. 2. summa perfect. part. 3. c. 31.* novem recenset: Cineritium, Cementum, Ignitionem, Fusionem, super vapores acutorum expositionem, adurentis sulphuris admistione probationem, extinctionionem, calcinationis & Reductionis iterationem, argenti vivi facilem vel difficilem susceptionem: quibus à Recentioribus addita sunt; Quartatio seu probatio per aquas fortes, & Fusio per Antimonium. Cum ergo aurum à Chymicis factum has omnes proprietates habeat, & in omni examine omnes probationes æquè ac aurum, quod è mineris effoditur, sustineat, omnino pro genuino auro agnoscendum.

Sunt quidem nonnulli, ut & hoc addamus, qui cum Cornelio Agrippa, *de vanitate scientiarum*, in ea sunt sententia, ex auro Alchymistas tincturam secernere, quam ita extractam, si alijs metallis adhibeât, aurum quidem facere, sed tantum, quantum illud erat, ex quo tincturam extraxerant, atque ita sine omni lucro. Verum, Experientia contrarium testatur. Nam pulvis ille, quo tingebat metallum nobile ille Scotus, ut habent historiæ transmutationis metallicæ, tantum erat virium, ut uno grano 5000. gran. tingeret, & uno grano 10. circiter auri puri uncias produceret. Et Edoardus Kellejus Anglus Pragæ in ædibus Thaddæi Haggecij libram unam argenti

*Auri arte
facti histo-
ria.*

genti vivi unica guttula liquoris rubicundissimi in aurum convertit, & ita quidem, ut adhuc videre sit signum illius liquoris supra Mercurium in aurum conversum instar rubini hærentis, ut ex illo residuo tantundem auri fieri possit..

Verum etsi artem hanc veram esse experientia testetur, eadem tamen difficilissima est, ut cum ex libro de difficultatibus Alchymia: Theobaldi ab Høghelande, cum multorum irritis laboribus videre est. Ac nemo sibi persuadeat, se vel legendo vel experiundo facile hujus artis cognitionem assecuturum. Et vel unicum & recens quidem Penoti Chymici alias satis celebris exemplum omnes in Chymia tractanda cautiore reddere posset. De quo amicus quidam, mense Nov. anni 1617. Bernam ad me scripsit: *Penatum ut in extremo senio, anno scilicet ætatis 98. ita in extrema etiam paupertate & miseria in Nosocomio Yverduni, in ditione Bernensi, circa mensis Augusti finem diem suum abjisse. Addit idem in Epistola: Dn. Guilhelmus Fabritius Chirurgus ille clarissimus hoc anno bis ipsum invisit & hortatus est, ut si aliquid arcani adhuc sibi suisq; reservasset, boni publici causa communicaret. Sed præter animam ibi nihil. Ex relatione Dn. Fabritij habeo, dixisse aliquando Penatum, se, si alicui male vellet, quem aperta vi aggredi non auderet, saltem authorem ipsi futurum, ut Chymico studio totum se traderet. Inprimis vero nemo*

*Chrysopæia
difficilis &
periculosa.*

ijs fidem habeat, qui pretio hanc artem promittunt: Prius enim sibi, quo carent, aurum conficiant; postea alios artificium, si libet, doceant.

Fallacia

impostorum

Chrysopæi-

am promit-

tentium.

Et cum nonnunquam tales impostores incautos miris modis fallere soleant, aliquas eorum fallacias, ut caveri possint, breviter recensere libet. Primò enim compertum est, tales impostores ligneos baculos, quibus metalla fusa agitare solent, Luna vel Sole aquis fortibus solutis imbuisse; aut in papyro, in qua materiam reducendam & probandam includunt, literas atramento solutione Lunæ vel auri temperato scriptas fuisse; vel literas, vice arenæ, calce Solis vel Lunæ conspersisse; alios pulverem carbonum solutione auri vel argenti imbutum ad fundenda metalla admiscuisse: quosdam catinos duplicato fundo, eoq; auro expleto adhibuisse, ac postea inter agitandum superiorem partem rutabulo ferro confregisse: præterea animadversum est, quosdam carbones majores auro implevisse & catino injecisse: alios baculos ligneos vel alia instrumenta ad agitandam materiam excavata & auro expleta adhibuisse: quosdam plumbum cum auro vel argento mistum ad probandum usurpasse: argentum colore Orichalci tinctum clam pro vulgari Orichalco substituisse: alios pulveri fusorio vel figenti calcem auri admiscuisse: alios in catinos ab igne removendos clam & celeri manu argen-
tum

tum vel aurum injecisse: quosdam in probando auro antimonium cum auro mistum loco vulgaris antimonij adhibuisse: alios pro præcipitato vulgari præcipitatum aurum substituisse: alios loco mercurij vulgaris amalgama Solis substituisse: loco aquæ fortis vulgaris, aquam fortem, in qua argentum antea solutum fuerat, usurpasse: aurum dealbatum loco argenti summisse, & per cœmentum albedine ablata venditasse, id ex argento factum fuisse: Lunam corneam ignorantibus cum Venero immiscuisse, & incautis persuasisse Venerem in Lunam mutatam fuisse. Alij alias fallacias afferunt. Fraus rarò omnium periculosissima est ea, quando nonnulli de vera aliqua Tinctura partem aliquam suffurati, vel quocunq; modo nacti mira artis specimina præstiterunt, atque incautos pecunia emunxerunt: postea verò deficiente tincturâ nihil amplius, cum artificij ignari essent, præstare poterunt. Caveat ergo sibi quisque à talibus impostoribus. Nam si artem callerent, non ita facile & ultro ad eam docendam se offerent; cum in occultanda hac arte omnes sint religiosissimi. Si verò ipsam ignorant, eam docere nequeunt; aut si periculum facere volunt, in suis bonis potius, quàm nostris id faciant. his verò qui talibus impostoribus fidem habent, accidit, quod Neroni, quem ut Corn. Tacitus, *in annal. lib. 16.* hac de re scribit, illufit fortuna per vanitatem ipsius & promissa Cæselli Bâsi,

Bassi, qui origine Pænis mente turbida, nocturnæ quietis imaginem ad spem haud dubiam retraxit, vectusq; Romam, Neronis adiutum emercatus, expromit repertum in agro suo specum altitudine immensa, quo magna vis auri contineretur, non in formam pecuniæ, sed rudi ex antiquo pondere, quod olim Dido, Tyro profuga, abdidisset. Igitur Nero non authoris, non ipsius negotij fide satis spectata, mittit triremes, quæ thesaurum advehcerent. Interim & fama per populum sparsa, & oratores ac vates etiam hæc publicant: consumebanturque veteres opes, quasi oblati, quas multos per annos prodigeret: Quin inde jam largiebatur: & divitiarum expectatio inter causas paupertatis publicæ erat. Nam cum effosso agro, nihil, præter Nihil, reperiret.

*Chymia in
Medicamē-
tis confici-
endis utili-
tas,*

somniator, se ipsum interemit.

Verum hæc, cum artis Medicæ propria non sint, mittamus, & de altero Chymix scopo agamus, ac quam utilis, immò necessaria Medico sit Chymia videamus. Ubi omnia ferè quæ supra in laudem Chymix & Chymicorum, medicamentorum dicta sunt, ex sententia Chymicorum libenter admittimus. Primò enim medicamenta, quæ à natura nobis integra offeruntur, sæpissimè partes diversarum virium habent, & interdum in libra integra medicamenti vix uncia partis, seu spirituosæ, seu oleosæ, quam expetimus, continentur. Immo impuritatibus admistis sæpe medicamen-

camenta integra non carent. Hic ergo in separandis mixtis naturis, ut verbis Schegkij utar, admodum ingeniosa est ars Chymica, ut digna sit admiratione, & minimè contemnenda & negligenda à Medicis. Deinde digestionibus & alijs præparationibus vires medicamentorum perfici, intendi, aut si opus sit, mitigari possunt.

Qua in re rectè Chymici antiquorum in præparandis cibis industriam imitati sunt. Cum enim primi homines animadverterent, cibos planè crudos hominì minus convenire, non solum coctione, sed & varijs præparationibus eos hominì salubriores & gratiores reddere laborarunt, & huc usque in eo genere laborant. Si ergo panis non simpliciter ex contusa siligine & tritico coquitur, sed paleæ & furfures separantur, fermentatur postea farina, & diligenti artificio panis coquitur: si in viño defecando, in cerevisia coquenda magna adhibetur diligentia, ut non solum pura & defecata reddantur, sed etiam gustus grata evadant: cur non eadem adhibeatur diligentia in medicamentis præparandis? In primis cum calor natus & virtus coctrix in ægris sit debilis & cum causâ morbifica pugnet, & medicamenta aliâs nauseabunda sint. Atque ob hanc ipsam causam antiqui etiam Medici, cum multo nutrimento ægri opus habent, vis verè concoquendi debilior est.

Chymia in ciborū præparatione rudimenta.

*Chymica
medica-
menta ef-
ficacia.*

est, jura consummata dicta invenerunt, in quibus, alienis & ad alendum inutilibus abjectis, illud saltem, quod inaximè nutritioni est accommodatum & sine labore confici potest, exhibetur. Atque ita medicamenta Chymica efficaciam, grata & tuta evadunt, & Medicus per ea tutò, citò & jucundè curare potest. Cum enim ab inutilibus & alienis crassis & terrestribus, seu, ut Schegkii loquitur, à suis tanquam excrementis & quiescentibus quodammodo atque impuris partibus partes utiles separentur, & ipsæ subtiliores ac spirituosiores reddantur, in totum corpus citò se penetrant, & vires suas efficaciter, exerunt, & calori antea debili, in ijs in actum deducendis, quantum in integris, laborandum non est. Unde quendam non ineptè medicamenta Chymica comparare memini gladio acuto, polito & evaginato, quem quis in periculo vitæ constituto alicui porrigat; vulgata verò medicamenta gladio ærugine obducto & in vagina condito, in quo educendo multum laborandum sit. Alij comparant medicamenta Chymica securi acutæ, qua faber in secando utitur: eos verò qui medicamenta Chymica negligunt, fabris, qui ad secandum securim hebetem adhibent.

*Chymica
medica-
menta gra-
tia.*

Deinde cum in parva dosi eadem exhibeantur, & à qualitatibus ingratis liberentur, sine minori nausea ab ægris assumuntur, atque ita faciliùs, quàm quæ cum nausea sumuntur, operantur.

operationes suas expediunt. Et cum ab alienis partibus liberentur, & præterea artificiosè præparètur, tutius etià quam cruda plerūq; in usum deducuntur. Tandem etiam diutius *Durabilia.* durant medicamenta Chymica, & vires suas servant, etiam sine mellis vel Sacchari adin-
 stione. Præterea cum in pertinacibus mor-
 bis non rarè *Medicamē- ta ex mi- neralibus & metallis.* & fortia medicamentà è mineralium & metallorum familia petita adhibenda sint: ea ita artificiosè præparat, & in usum humanum elaborat Chymia, ut sine periculo adhiberi possint, & quæ olim pura puta venena habita sunt, jam sine damno homini exhiberi possint. Qua in re naturam ducem habent, quæ nobis, Deo benedicente, ex mineralibus & metallis saluberrimos acidularum, Thermarumque fontes suppeditat, quibus morbi desperati, & in quibus omnis Medicorum diligentia frustra occupata fuit, feliciter curantur.

Ut jam de eo nihil dicam, quantum in *Chymia* naturæ obscuritate investiganda Philosopho *Physico uti- lis & neces- saria.* lucis præferat Chymia: unde rectè à Mesuè, *Chymia in* in *Antidotario, disting. 21. cap. de de oleo ovorum,* Chymici appellantur, qui quæ occulta sunt in *Naturæ ob- scuritate in- vestigan- da utilitas.* rebus, manifestant & detegunt: ut confiden-
 ter dicere ausim, vix aliquem ad penitiorem rerum naturalium cognitionem pervenire posse, qui in Chymicis operationibus, quibus res naturales artificiosè resolvuntur, & quarū beneficio mirandi rerum consensus & dissen-
 sus;

fus, ac omnino plurimi effectus aliis occulti deprehenduntur, exercitatus non est: inprimis vero eos, qui de mineralibus & metallis sine Chymia cognitione scribere aliquid tentant, sapissimè & turpiter impingere necesse est.

*Chymiam
coluerunt
Galenici.*

Quæ cum ita se habeant, clarissimi quique Medici Chymiam, postquam superiore seculo inclarescere cœpit, & coluerunt & laudarunt; Langius, Andernacus, Gesnerus, Crato, Zuingerus, Schegkianus, H. Augenius, Minadous & plurimi alij. Neq; abs re scriptum putamus ab Andrea Libavio, in præfat. nuncup. super Alchymiam: *Illum Medicum non posse esse magnum, cui Alchymia non sit magna.* Nimisq; seu pertinares seu ignavi sunt, qui spretis omnibus medicamentis Chymicis, quæ neq; viderunt, neq; præparare didicerunt, ita antiquorum insistant vestigijs, ut nihil accessionis ab arte Chymica Medicinam accipere posse existiment.

*Pseudo-
Chymici.*

Verum in laudem Chymia hinc plura non addo; cum infra, ubi de collatione medicamentorum vulgariū & Chymicorum, cap. ultimo, agetur, & utra digniora sint, disceptabitur, aliqua adhuc de materia dicenda restent. Unum hic saltem adhuc monendum censemus, nimirum dum nos veram Chymiam laudamus, nullo modo patrocinari Pseudo-Chymicis, qui postquam unum atq; alterum medicamentum Chymicum utrumq; præparare didicerunt, nescio quæ non pollicetur, atq; omnes Galenicis alto supercilio despiciunt, ipsi tamè omnium bona-

rum

rum artiũ rudes & inprimis Medicinæ ignari;
ac nihilominus nullo alio, quàm Hirmetico-
rũ (rectius Hæreticorum) Medicorũ appellari
volunt nomine. Verum ut quæ genuina illa,
& quam laudem mereri cõsemus, Chymia seu
Chymiatria sit, planum fiat, jam ad rem ipsam
& sententiarum collationem atq; examen ac-
cedendum est.

CAPUT III.

DE INVENTORIBUS & Cultoribus Chymiaẽ.

ICET hodiẽ primũ *Antiquita-
ti quid iri-
buendum.*
Chymia inventa esset: dignitati
tamen ejus id nihil detraheret.
Sat enim antiquum, quod sat
bonum: nihilque invenire est,
quod non aliquando novum fuerit; & multa
pro novis habentur, quæ sunt antiquissima.
Quia tamen nonnullis nihil nisi antiquum sa-
pit, alij contrã nimis temerẽ antiquorum scri-
pta rejciũt: cum utrisq; , priusquam de Chy-
mia antiquitate dicam, paucis agendum est.
Principio ergo rerum veritatem à nullo mor-
taliũ omni ex parte explicatã esse arbitror: *Nemo ho-
minum rea-
rum natu-
rã integrẽ
perscruta-
tus est.*

*Non est res unius avi
Contemplatio Natura, nec nititur agris
Unius ingenij fulcris venerabile Verum.*

*Etiā ma-
gni viri er-
rarunt.*

Unde Sapientissimi quique se vel nihil scire, vel ea, quæ scirent, minimam partem esse eorum, quæ ignorarent, candidè professi sunt. De Hippocrate quidem scribit Macrobius, *in somnium Scipionis lib. 1. cap. 6.* quod tam fallere, quam falli nesciat; & de eodem, ut & Aristotele & Galeno, Alexander Mallarias, *Apologia lib. 3. disp. 3. c. ult.* scribit; quod nunquam, si rectè intelligantur, fallere vel falli possint; ideoque Studiosis Medicinæ auctor est, ut in ijs solis legendis, omisissis ferè omnibus recentioribus, ætatem consumant. Nemo tamen hodiè est paulò literatioribus & candidis Philosophis & Medicis, qui non ingenuè fateatur, hos ipsos, etsi magni viri fuerint, non raro etiam errasse. Ideoq; nullius jurandum in verba *Magistri* est. Et servilia quorundam recentiorum ingenia, satis mirari nō possum, qui scribere ausi sunt, se cum antiquis errare malle, quam cum recentioribus verum dicere. Rectius longè sensit Julius Cæsar Scaliger, *l. 3. de causis lingua latine c. 67.* Equidem, inquit, sepe numero miratus sum mortalium vetustitatem vel audaciam vel pertinaciam, qui tudent errores, quos ij, qui commiserunt, si viverent, emendarent. Neque enim errasse semper turpe est. Est enim initium sapientia, si non ei ipsi, qui fallitur; at alijs non fallendi. Verum errores fovere, id verò vel extrema est dementia. Et alibi: Errata majorum dissimulanda non sunt, ne & ipsi posteritati imponamus. Et Exercit. 184. sect. 4. Ego verò, inquit, nequaquam homines

homines nos dicere consuevi, sed partes hominis. Ex omnibus enim aliquid fieri posse; idq; non magnum: ex singulis penè minus quàm nihil.

Interim tamen antiquorum errata non *Antiquorum errores ut tractandi.* acerbè nimis insectanda sunt. Recteq; Hippocrates, *lib. de arte*: Τὸ λέγων ὁ καλὸν τέχνην τὰ τοῖς ἄλλοις διημερῶς αἰσχύνειν προσημέεσθαι, ἐπανορθῶντα μὴ μηδέν, διαβάλλοντα δὲ τὰ τῶν εἰδότην πρὸς τὰς μὴ εἰδότας, ἐξευρήματα, ὅσα ἐν δοκέει ξυνέσιθι πειρήματα καὶ ἔργον εἶναι, ἀλλὰ καταγεγελίη μάλλον φύσιθι ἢ ἀπὲρ τέχνην. *Ea, quæ ab alijs inventa sunt, inhonestorum verborum artificio incescere, non corrigendi, sed quæ à peritis inventa sunt, apud imperitos calumniandi studio, id non scientiæ institutum & opus est, verum petulantis naturæ & ignorantie indicium.* Ea enim est naturæ obscuritas, ut etiam acutissimus quisque in ea investiganda facile errare possit: nihilq; simul inventum & perfectum est. Et sunt aliæ causæ multæ, ob quas veritatem attingere semper non potuerunt. De Galeno rectè scribit Cardanus, *lib. de aqua*: Galenus multa sic obiter scripsit, non defectu ingenij, memoriæ aut eruditionis, vel etiam judicij, quibus fuit admirabilis; sed temporis. Ut enim ipsemet fatetur, totâ die curandis ægris intentus per noctem studijs incumbebat atq; scribebat. Nec tantum refert temporis angustia, quàm si animus jam curis lassatus se applicet studio.

Multò minus antiquorum benè inventa *Antiquorum inventis & laboribus* negligenda aut temerè reiicienda atq; impu- gnanda

*laboribus
carere non
possumus.*

gnanda sunt, abs quibus si esset, in maximis ignorantiae tenebris versaremur. Ipsi enim ad sapientiam duces nobis sunt; & illi sunt magni isti Gigantes, quorum humeris nos homunciones subvecti veritatem adspicimus, quam humi haerentes non cerneremus. Et quid hodiè egregij habemus, quod non è veterum commentarijs sublectum? Imò quis hodiè ad priscorum illorum commentationes interpretandas satis idoneus? Itaq; antiquorum & magnorum virorum scripta & inventa magnifaciamus, & grata mète amplectamur. Iis tamen non tam quia antiqua & à magnis profecta, quàm quia veritati còsentanea sunt, fidem habeamus. Si verò aliquando à veritate deflectant, nostrum esse putemus, nò maledictis eos & convicijs inceslere, sed corrigere, & defectus illos supplere. Amicus sit Hippocràtes; amicus Aristoteles; amicus Galenus; imò amicus Paracelsus: sed nullius tanta sit auctoritas, ut veritati, quæ præ omnibus nobis amica sit, præjudicare debeat. Et hîc etiam consilium Apostoli, *1. ad Thessalon. c. 5.* sequamur: *πάντα δοκιμάζετε: τὸ καλὸν κατέχετε; Omnia probate, quod bonum est, tenete.* His obiter quasi præmissis, de antiquitate Chymiae dicamus.

*Chymia an
ab Arabi-
bus ante
paucos seculis
primum
inven: a sit.*

Fallopïus quidem, *tractatu de metallis seu fossilibus, cap. 11.* Chymiam incepisse demum cum secta Mahometica scribit; & Thomas Erastus, *de metallis p. 101.* omnes hujus generis libros

libros ante tria vel quatuor circiter annorum
 fecula scriptos esse, nec antiquiores Gebro,
 de quibus certò constet, ullos haberi, statuit.
 Idem sentit Nicolaus Guibertus. Sed omnes
 falluntur. Nam, ut postea dicitur, libri Græcè
 scripti de hac arte etiam hodie extant, & plu-
 ra ex historijs documenta, artem Chymicam
 longè esse antiquiorem monstrant: licet ab
 Arabibus valdè excultam esse non negemus:
 quod tamen artis dignitati nihil detrahit; si-
 cut nec Medicinæ, quod Arabes Mahumetani
 eam excoluerunt.

Nonnulli, contra ut Chymiam planè anti-
 quam esse demonstrent, inventionem ejus ad
 Adamum primum generis humani parentem
 referunt, cumq; ejus primum magistrum fuisse,
 Vincentium Bellovacum statuisse, refert
 Joh. Picus Mirandul. lib. 3. de Auro cap. 1. Cum
 enim Adamus Philosophiam suos docuerit
 & alias artes; probabile esse existimant, nec
 Chymicam artem, ut præstantissimam, eum
 præterijisse. Verum sunt hæ conjecturæ, quæ
 historicâ veritate confirmari non possunt,
 in quibus quilibet suo sensu abundare po-
 test.

Probabilius Alchymix inventio & rudi-
 menta ad Tubalcainum referuntur; qui, ut
 habetur Gen. 4. v. 22. fuit magister æris & fer-
 ri; è quo procul dubio Græci suum Vulca-
 num sinxerunt. Sunt quidem nonnulli, qui
 ex isto loco nihil plus colligi posse existi-
 mant,

*An Adamo
 primo pa-
 renti Chy-
 mia nota
 fuerit.*

*Tubalcain
 Chymia in-
 ventor.
 Tubalcain
 Vulcanus
 Græcorum.*

mant,quàm ipsum mōstrasse, qua ratione ista metalla ad agriculturam & alios in vita comuni usus adhiberi possint. Verum si cudere æs & ferrum monstravit: necessum est, ut prius, qua ratione investigari, coqui, fundi, segregari & purificari possint, docuerit, vel ab alijs didicerit. Et si ferro & ære laborare novérat, proculdubio & reliqua metalla ipsi non fuère incognita. Et omininò non vulgarem, sed insignem in metallurgia artificem fuisse ex eo patet, quod Sacrae litteræ ejus honestam, & quidém primo loco in hoc genere mentionem faciunt. Itaque, ut etiam præcedente capite dictū, Metallurgi primam Chymia inveniendæ occasionem præbuerunt. Ridiculum verò est, quod ex recentioribus quidam Chymicarum destillationum originem à Patriarchis deducit; qui, cum sacrificia meditati sublimes flammæ Deo placere intelligerent, scrutati sint: an quid subesset arcanæ bonitatis in sacrificiis, atque hinc adaptis Alembicis, exceperint sublimatos igne Spiritus.

*Chymia
prima
origo.*

Coluerunt procul dubio & posteri Tubalcaini hanc artem, nec à parentibus & majoribus inventa ignaviâ suâ intercidere passi sunt; sed potius summo studio & diligentia excoluerunt & amplificaverunt: verum à quibus hoc factum sit, historiarum monumenta, quæ ad nos pervenerunt, non docent.

Post

Post diluvium à plerisque sive inventio,
 sive propagatio Chymia ad Hermetem Tris-
 megistum refertur; à quo quia ars Chymica
 hodie *Ars Hermetica*, *Vas Hermetis*, *Sigillum*
Hermetis dici putantur, de eo paulò diligen-
 tius dicendum. Fuisse autem plures Mercurios sive Hermetes ex Cicerone, *3. de nat. deor.* *sive Mercurij plures.*
 patet. E quibus Trismegistus dictus est,
 sive quod summus Sacerdos, Philosophus &
 Rex, seu ut alijs placet, Rex, Sacerdos & Pro-
 pheta esset; sive quod, communi Græcorum
 ut & Latinorum more, res summè excellentes
 ter quaterq; maximæ & beatæ appellantur.
 Sive autem unus is Trismegistus fuerit, sive *Hermes*
 duo, Avus scilicet & nepos, ut vult Franciscus *trismegis-*
 Patritius, eum antiquissimis vixisse tempori-
 bus, & ut videtur, circa annum conditi mundi *bus quo*
 2000, certissimum est, eumq; Noachum audi-
 visse, & Chamephis sive Chusi præceptorem
 fuisse docti existimant. Vixisse autem Isidis &
 Osyridis ætate ex eo patet, quod Diodorus Si-
 culus, *l. 1.* refert, Isidem in columna sui sepul-
 chri inscripsisse, se ab Hermete institutam
 fuisse; de quibus videatur Franciscus Patriti-
 us, in *Hermete*. Trismegistum autem Herme-
 tem hunc non solum Ægyptij, sed & Græci *trismegis-*
 propter vetustatem & eruditionem summam *stus doctis-*
 suspexerunt, literarumq; & omnium scientia-
 rum inventionem ad eum referre soliti sunt.
 Plato, in *Phædro* & *Philebo*, eum literas, *μνήμης*
ἡ σοφίας φάσμα, invenisse scribit. Cicero

3. *de nat. deor.* Ægypto præfuisse, atque Ægyptijs leges & literas tradidisse refert. Atque hoc modo cum omnes scientiæ & disciplinæ à Mercurio Trismegisto Ægyptio credantur profectæ, certatim plurimi scriptores aut gloriam ejus celebrarunt, ipsiq; , ut Jamblichus, *de mysterijs Ægyptiorum*, refert, suos libros inscripserunt, atque hinc adeò factum, ut feratur eum viginti quinq; millia librorum scripsisse, id est, sub nomine ejus editos fuisse; aut de nomine & gloria ejus suis scriptis gratiam & famam quæsierunt, multisq; libris Mercurij nomen præscripserunt. Clemens Alexandrinus, *Stromat. lib. 6.* multa quidem & alia eum scripsisse refert; sed præcipuos ejus libros fuisse 42. quorum 36. Ægyptiorum. Philosophiam continebant, sex reliqui ad artem Medicam pertinebant. Εἰς Φυσικὰ etiam nominat Eusebius, in *Chronico Græco*. Galenus, in *præfat. lib. 6. de simplic. medicament. facult.* dum Painphilum reprehendit, eum mentionem fecisse scribit Herbarum nomine, αἰτῶν, seu Aquilæ; de qua Græcorum nulli quidquam sit proditum, verum in libello quopiam ex ijs, qui inscribuntur Mercurio Ægyptio, continente 36. sacras Horoscoporum Herbas, inveniri; quem tamen Galenus non magnificat, sed pro nugis & figmentis habet.

Hermes Arabus an aliquis fuerit.

Fuisse & alium quendam Hermetem, longè illo Trismegisto posteriorem nonnulli statu-

statuunt, cujus apud Mesuen fiat mentio, dum Hiera Hermetis & Pilulæ Alhandal Hermetis apud Mesuen & alios Medicos nominantur. Vulgares enim istas compositiones esse, & quæ Trismegisti Mercurij nomen sustinere non possint. Et sunt quidam ex recentioribus Chymix parùm æqui, qui potius ad hunc Hermetem, quem Arabem fuisse existimant, quam illum Trismegistum, Chymix inventionem referunt. Verum istorum medicamentorum inscriptio non satis probat, unquam aliquem Hermetem Arabem fuisse. Citatur & ab Arabibus Hippocratis medicamenta quædam, quæ tamen ejus non sunt; sed ei saltèm adscripta, ut aliqua ijs auctoritas ab Hippocratis nomine conciliaretur. Idem & in Hermete accidere potuerit. Neque exemplum facilè reperire est, quod Arabes talia peregrina nomina suis indiderint. Et, ut postea dicetur, cum longè ante Arabum tempora Chymia exculta sit, & Hermes Trismegistus de Philosophia & Medicina scripserit: Chymiam ipsi notam fuisse facilè concedimus: quid tamen in ea præstiterit, ex historijs non patet. Neque video quomodo, qui nova hodie dogmata proferunt, Hermetis nomine ea tueri possint; cum, quid de ijs Hermes ille Trismegistus senserit, planissimè ignorent.

*Hermetici
hodierni.*

Extat quidem *tabula Smaragdina* dicta, summæ apud omnes Chymicos Auctoritatis: quæ

*Tabula
Smaragdina
Hermetis.*

quæ in valle Ebron post diluvium inventa; sed incertis auctoribus, fertur; ab alijs, in sepulchro ejus à foemina quadam Zara reperta, sed itidem incertis autoribus, dicitur; & totius magisterij Chymici fundamentū, & modum componendi quandam medicinam universalem quæ non solum metalla ignobilia ad summam perfectionem ducat, sed & morbos & corpore humano tollat, idq; ad ultimum vitæ terminum incolume conservet, continere creditur. Eam hic integram addere libet.

Verum sine mendacio, certum & verissimum: Quod est inferius, est sicut id, quod est superius: & quod est superius, est sicut id, quod est inferius, ad perpetrandum miracula unius rei. Et sicut res omnes fuerunt ab uno, meditatione unius: sic omnes res nata ab hac re adaptatione. Pater ejus est Sol: Mater ejus Luna: portavit illud ventus in ventre suo. Nutrix ejus Terra, Pater omnis Telesmi totius mundi est hic. Virtus ejus integra est, si versa fuerit in terram. Separabis terram ab igne, subtile à spisso suaviter cum magno ingenio. Ascendit à terra in cælum, iterumq; descendit in terram, & recipit vim superiorum & inferiorum. Sic habebis gloriam totius mundi; ideo fugiet à te omnis obscuritas. Hæc est

est totius fortitudinis fortitudo fortis: quia vincet omnem rem subtilem, omniaq; solida penetrabit. Sic mundus creatus est. Hinc erunt adaptationes mirabiles, quarum modus hic est. Itaq; vocatus sum Hermes Trismegistus, habens tres partes philosophiæ totius mundi. Completum est, quod dixi de opere Solis.

Hanc tabulam quidam Hermetis Trismegisti esse negant; quod non inter reliqua *An sit Hermetis.* Trismegisti scripta extet. Contrà omnes Chymici hætenus non solum pro genuino Hermetis Trismegisti scripto agnoverunt; sed & pro lapide Lydio omnium opinionum, quæ de Chymico magisterio circumferuntur, habent; omnibusq; Chymicis in eo convenit, quod falsa sint ea, & ab universali medicina aliena, quæ cum tabula Smaragdina non conveniunt: scribitq; Albertus Magnus, *de metall. l. 4. c. 6.* quod Hermes sit radix, super qua omnes Philosophi sustentati sunt.

Licet verò non exstet inter opera Græca, quæ hodiè habentur: tamen de eo ipso inter doctos dubitatur; An illa Græca Hermetis genuina sint; & si sint, an omnia sint. Nam secretiora non semper cum reliquis edi solent. Ideoq; cum nemine litigabimus: qui hanc tabulam pro genuino Hermetis Trismegisti scripto habet. Ex ea tamen Chymici hodierni suis dogmatibus patrociniū nullum quærere

rere possunt. Generalissimè enim artificium Chymicum describit, atque ita, ut certos canones, juxta quos operatio instituenda sit, & qui operantem in operatione sua certum reddant, non præscribat.

*Hermetis
de Lapid.
Philosophi-
ci secretis.*

Circumfertur & alius liber nomine Hermetis sub titulo; de lapidis Philosophici Secretis: sed certum est, eum librum nullius antiqui Philosophi, ne dum Hermetis Trismegisti esse; cum toties filios Sapientum & antiquos Philosophos ipse Philosophorum, scilicet, Pater primus nominet.

*An libri,
qui hodie
Hermetis
nomine cir-
cumferun-
tur, ejus ge-
neris sint.
Moses an
fuerit Chy-
micus.*

Reliqui libri, qui Græcè Hermetis nomine circumferuntur hodiè, an ejus sint, plurimos viros doctos dubitare, modò dictum est. Ejus non esse, pluribus defendit Isaac Casaubonus, *Exerc. 1. ad Annales Baronij, Diatribæ 10.*

Hermeti Trismegisto proximus fuit, Moses; qui quidem in omni disciplina Ægyptiorum eruditus fuit: sed quod in specie Chymiam calluerit, vix ullo evidenti documento probari potest. Dicitur quidem, *Exodi 32. v. 20.* ipsum vitulum illum ab Aarone conflatum igne combussisse, & in pulverem contrivisse, ac in aquam projecisse; quod sine Chymico artificio factum non esse, nonnulli statuunt; cum aurum per se nullo modo comburi, & in pulverem redigi possit. Refertq; Glossa ordinaria, ut & Nicolaus de Lyra, *super locum allegatum*, Hebræos Doctores tradere; quod filij Israel bibentes aquam isto pul-
vero

vere vituli infectam, qui idololatriciam commiserant, in barbis colorem aureum præferabant; quo signo ab alijs distinguebantur, & rei interficiebantur. Alij verò tradunt; quod aqua pulvere isto infecta reis dolorem & inflationem ventris pariebat, per quam ab innocentibus discernebantur, quibus dulcem saporem exhibebat. Quæ si ita se habent, de quibus tamen sacræ literæ nihil testantur; res procul dubio miraculosa fuit. Verum esto; absit miraculum: an tamen Moſen Chymicum fuisse hinc probari possit, dubito: cum verbum Hebræum *חַיִּים* non solum comburare, sed & fundere & liquare metalla significet: atque ita quocunq; modo in pulverem aurum hoc Moſes comminuere potuerit.

Referunt etiam nonnulli in Chymicorum classem Mariam Prophetissam, Moſis sororem: nec id primum à Monachis superiorum seculorum vel Arabibus factum; sed Græci aliqui tale jam aliquid crediderunt. Refert enim Isaac Causabonus, *loco allegato*, in Galliarum Regis bibliotheca librum de Chrysopœia, sub hoc titulo, *ἱερὰ τέχνη, Ars Sacra*, extare: in quo non solum laudetur Hermes, sed & citetur *Μαριαμ ἡ Ἰσδαϊνὴ γοῦφαι*, Maria & scripta Judaica: qui liber forsitan non est dissimilis ei, qui hodie sub titulo, *Turba Philosophorum*, circumfertur; cui additus est libellus, cui titulus; *Practica Mariæ Prophetissæ sororis Moſis*. Verum tam credibile est, hunc librum esse

esse Mosis sororis, quàm credibile est, alium librum eidem tractatui adjectum nomine; *Practica Aristotelis*, esse Aristotelis, ut pote qui ipsum Aristotelem, qui Avicennam, qui Arabes nominat; & alterum libellum, qui *Epistola Alexandri Regis* inscribitur, esse Alexandri Regis Macedonum. Nimirum usitatum est Chymicis, ut libris suis famam conciliarent, eos sub magnorum virorum nominibus edere, aut si auctores ignorentur, ijs præclarorum virorum nomina præscribere.

Argonautica expeditio.

Aureum vellus quid.

Proximâ antiquitate est Expeditio Argonautica, quam quidem pro Chymia allegare velle, nugas esse indignas, quarum tantum mentio fiat, censet Erasius. Verum non solum Chymici, sed & alij scriptores eam de Chymia explicant. Refert enim Suidas, aureum vellus, quod Jason & Argonautæ, Pontico mari in Colchidem profecti, unâ cum Medea Regis Ætæ filia rapuerint, non fuisse ejusmodi, quale Poetæ fabulantur, sed librum in membranis scriptum, qui continebat artem, qua Aurum fieri possit. τῷτο δ', inquit, ἔχ' ὡς ποιητικῶς φέρεται, ἀλλὰ βιβλίον ἦν ἐν δέσμασι κεκαμμένον, περιέχον, ὅπως δεῖ γίνεσθαι διὰ χημείας χρυσόν. εἰκότως ἐν τῷτε χρυσὸν ὠνόμαζον αὐτὸ δέσμας διὰ τὴν ἐνέσγειαν ἐξ αὐτῆς. Etsi verò nonnulli Suidæ contradicant, atque alij de pelle Arietis fabulosi, super quo sit vecta Helle Phryxi soror, exponant: alij de phiala Aurea, in cujus medio agnus fuerit

fuerit sculptus; alij Aureum vellus ob caritatem; alij ob colorem dictum putent: tamen valdè absurdum est, tot Heroas pro Arietis naturali pelle cujusq; etiam coloris vel pretij, aut aurea Phiala, aut re simili tantam expeditionem suscepisse, & tanta pericula subiisse. Ea fabularum expositio magis commoda est, quæ veritati, sive in rebus naturalibus, sive in politicis magis quadrat. Cum ergo & Medæ & Jasonis vox medicum significet, & Medea senectutem Parentis medicinâ Philosophicâ depulisse dicatur: si reliquæ etiam eidem rei commodè applicari possint, nulla causa est, cur Suidæ expositionem reiijciamus. Quadrant autem omnia aptissimè. Nam Draco ille vigil est Mercurius, quem sopire difficilimum; huic Aurum, quod Phasis in Colchide detulit, custodiendum traditur. Materia ista includitur templo Martis, id est, Athanori sive Fornaci Philosophorum; custodes sunt tauri ignem spirantes, calor nimirum per gradus adhibitus; Draconis dentes, qui in exercitum evadunt, & se mutuis vulneribus conficiunt, est pugna materiæ vasi suo inclusæ, donec ad unitatem redigatur. Ita tandem arte Medæ Jason Draconem sopit, id est, volatile figit, & ex veneno utilem medicinam parit.

De Chymico quoque artificio loqui exi- *Poma Fa-*
stimatur fabula de pomis Hesperidum. *Hesperidum.*

D

tum

tum enim illum custodit Draco, Mercurius scilicet Philosophorum, qui ab Hercule, Herculeo scilicet & indefesso labore, interficiendus & figendus est. Fabula quoq; de Atalanta & Hippomene, de quâ Ovidius, *10. metamorph. fab. 14.* Atalanta enim illa Mercurius Philosophorum est; poma illa aurea ex hortis Hesperij Veneris, Sulphur aureum, in quo in fuga figitur & retinetur Mercurius: quem si quis sistit, sponsam, quam ambit, habebit; sin minus, omnium rerum suam perditionem & interitum. Fabula item de Dracone, quem Cadmus interfecit; de oculis Argi, Mercurij scilicet illius vigilis, in pavonis caudam, Chymicis decantatissimam, conversis; & alijs pluribus.

*Salomon an
fuerit Chy-
micus.*

Salomonem postea Regum omnium, imò mortalium sapientissimū fuisse nemo est, qui dubitat: cujus libri de natura rerum scripti si superessent, facilè Græcorum & Arabum scripta superarent. An autem in specie Chymiam calluerit vel excoluerit, sine absurditate quidem affirmari potest; sed tamen nullo etiam evidenti documento probatur. Nam quod vulgò quidam Chymici afferunt, eum immensas illas, quibus abundavit, opes, arte Chymica acquisivisse, id nullâ probabilitate nititur: cum sacræ literæ modum, quo illas divitias acquisiverit, explicent. Nam, *1. Regum, cap. 10.* clarè scribitur; Classẽ Sa-
lomo-

lomonis cum classe Regis Hiram ex Ophir aurum attulisse, & *ibidem* narratur; quod pondus auri, quod singulis annis Salomoni obtrigit & allatum fuit, fuisse sexcentorum & sexaginta sex talentorum, sine eo, quod Mercatores & Reges Arabiæ attulerunt & transmiserunt.

Ridiculum verò est, quod quidam in Canticum Canticorum artificium Chymicum latere existimant, & per Sponsam Regem sive Aurum; per sponsam Reginam sive Argentum, quæ duo in arte conjungantur, seque amplexentur, intelligendum censent; & cum dicitur, Nigra sum, sed formosa, caput corvi intelligendum putant, quod foris nigrum sit, intus autem summis divitijs plenum: per Turturis collum varietatem colorum & pavonis caudam explicant; per Hyemem tempus Putrefactionis; per imbrem, imbibitionem; per Flores & rosas albas & rubras, colorem aureum & album in Lapide; per amissionem dilecti, Auri occultationem intelligi opinantur. Nugæ hæ sunt; satis aliàs de antiquitate Chymicæ constat, ut non opus sit, ejusmodi dubia, incerta, imò falsa ad eam probandam conquirere.

Quare nec illud, quod *Esdra 1. cap. 8. v. 25.* *Aes Esdra*
Et seq. habetur pro antiquitate Chymicæ faci- *an Chymi-*
 le producere. *Et appendi eis, inquit, argentum* *cum.*

Et aurum & vasa consecrata domus Dei nostri; quas obtulerat Rex & consiliarii ejus, & Principes ejus, & universus Israel. Appendi, inquam, in manibus eorum argenti talenta sexcenta quinquaginta, & vasa argentea centum talentorum, & auri centum talenta, & Crateres aureos viginti, drachmarum mille, & vasa æris fulgentis optimi duo, pulchra ut aurum. Ex quo loco nonnulli colligunt, cum inter tot aurea pocula, vix duo illius æris inter donaria reperta sint, rarum & pretiosum id fuisse æs, & vulgari auro pretiosius, & forsan arte Chymicâ confectum. Verum Aristoteles, in mirabilib. auscul. refert, apud Indos æs adeo splendidum, purum, sincerumq; reperiri; ut colore & specie nequaquam ab auro discerni queat: Inde & inter Darij pocula quædam fuisse, quæ, nisi olfactus judicio ab auro distare, non cognoscerentur. Quid si hæc ipsa pocula essent ea, de quibus Esdras loquitur?

Aes Indicum.

Democritus. Referunt & inter Chymicos Democritum, quem insignem Philosophum fuisse certum est. Nam, ut refert Diogenes Laertius, l. 9. in vita ejus, Magos & Chaldaeos audivit, Xerxe Rege, patri illius, cum apud illum hospitaretur, Præceptores relincente. Profectus etiam in Ægyptum est ad sacerdotes, & in Persidem ad Chaldaeos atque rubrum mare: & Gymnosophistis in India congressus est, atq; in Æthiopiam venit: in quibus locis procul dubio arcanissima quæque didicit. Fuit etiam ditissimus

mus

mus, cum Pater ejus Xerxem Regem, & ut nonnulli referunt, cum exercitu decies centenum millium hospitio exceperit. Et si necessarium non fuerit, si Xerxem Regem hospitio exceperit, ut totum etiam exercitum hospitio exceperit. Circumferuntur autem quædam Chymica ejus nomine; quæ tamen nonnulli non Democriti hujus Abderitæ, sed Arabis cujusdam esse opinantur. Sed exemplum non reperitur, quod Arabes suis Græcorum nomina indiderint: & propterea libri illi vel Democriti hujus Græci sunt, vel certè ideo Democriti nomine inscripti, quod fama esset, Democritum Chymicæ noticiâ habuisse, ut ita de nomine ejus illis libris fama conciliaretur. Non autem libros illos ab Arabibus compositos esse, ex eo patet, quod Græci adhuc superioribus annis in Italia inventi sunt. Magiam certè eum calluisse, refert Plinius, *lib. 30. cap. 1.*

Post Christum verò natum in Ægypto Chymia ita floruit, ut publica etiam fama statueretur, opes publicas, quibus se adversus hostium impetum defenderent, Ægyptios arte Chymicâ sibi comparare.

Hinc, ut refert Suidas, Diocletianus omnes in Ægypto de Chymia & Chrysopœia libros conquiri & comburi jussit: ne ex illa arte ditati Ægyptij & pecuniâ freti in posterum rebellarent. Idem Suidas refert,

*In Ægypto
Chymia flo-
ruit.*

*Diocletia-
nus Chymi-
cos Ægy-
ptiorum li-
bros com-
buri.*

Zosimus. Zosimum Alexandrinum Philosophum scripsisse *χουσμήτα*; cujus libros Græcos manu scriptos adhuc in Regis Galliæ Bibliotheca asservari, ut & Isaaci Monachi *δε γνήσις μέθοδος*, & Blemidæ *ὡς χουσμήτας* refert Robertus Vallengis, *de veritate & antiquitate artis Chymicæ.*

Julius Firmicus. Julius Firmicus, tempore Constantini Magni, circa annum Christi 320. Alchymistas, ut jam diu notorum, & quorum Astrologi in suis prædictionibus mentionem faciant, nominat. Nam, *lib. 3.* in decretis Lunæ in nona domo scribit: *Si Saturni hæc domus fuerit, scientiam Alchymicæ dabit: si Solis, providentiam in quadrupedibus.*

Heliodorus. Circa annum Christi 383. Theodosij temporibus Heliodorus Græcè de Chrysopæia scripsit, teste Cedreno.

Maximi Olyby Lucerna. Notabile etiam artis Chymicæ argumentum exhibet Historia de monumento Maximi Olybij in agro Patavino reperto, in quo inventa est Lucerna, quam arsisse annos 1500. referunt; quod describunt Petrus Appianus, in *Antiquitatibus*; Hermolaus Barbarus, in *Corollarijs in Dioscoridem l. 5. c. 849.* Ludovicus Vives, in *l. 21. c. 6. de Civitate Dei Augustini*, Joh. Lang, *l. 2. epist. 52.* Exteriori urnæ inscripti erant hi versus:

Plutoni sacrum munus ne attingite fures:

Ignotum est vobis, hoc quod in orbe latet.

Namq;

Namq; elementa gravi clausit digesta labore

Vase sub hoc modico Maximus Olybius.

Adsit fecundo custos sibi copia cornu,

Ne pretium tanti depereat laticis.

Interiori hæc inscripta erant :

Abite hinc pessimi fures,

Vos quid vultis vestris cum oculis emisistis ?

Abite hinc vestro cum Mercurio petasato cadu-
ceatog;

Maximus Maximo donū Plutoni hoc sacrū fecit.

Posterioribus seculis Chymia maximè a-

puḍ Arabes claruit, ut, videre est tūm apud a-

lios, tūm apud Mesuen, in *Antidotario*, distinct.

21. c. de oleo ovorum ; De his, inquit, loquuntur,

qui, quæ sunt in rebus, occulta manifestant & de-

tegunt : Eos aggredere, si hujus rei cupidus es.

Hos autem, in principio alleg. distinctionis, Al-

chymistas nominat, & Medicinæ studiosos

cum ijs conversari jubet, si qua ratione, quæ

occulta in concretis caloris vi segreganda

sint, discere velint.

Et floruerunt postea omnibus seculis inter

Arabes & alias nationes multi, qui in hac ar-

te excelluerunt, & de ea scripserunt Geber,

Avicennas, Rhases, Arnoldus de Villa nova,

Raimundus Lullius, Joh. de Rupe scissa, Bo-

nus Ferrariensis, Hortulanus, Isaac Hollan-

dus, Rogerius Baccho, Riplæus, Comes Bern-

hardus, Lacinius, Angurellus, & alii plurimi,

quos enumerare saltē, cū in publica luce sint,

& ordine ab Andrea Libavio, in exam. sentent.

Arabes ma-
ximè Chy-
miam exco-
luerunt.

Anteros,
qui de Chy-
mia scri-
pserunt.

Parisiens. Schol. contr. Chym. lat. recenseantur,
 operæ precium non est.

*Chymici li-
 bri, an sint
 autorum,
 quorum no-
 mina præse-
 ferunt.*

Inter quos tamen si qui libri sunt, qui Au-
 ctorum, quæ præscribuntur, nomina rectè su-
 stinere non posse videantur, id ita multum nõ
 refert; modò Chymix, de qua hîc quæritur,
 antiquitatem & veritatem demonstrent. Fie-
 ri enim potuit, ut Auctor aliquis suum no-
 men studiosè vel suppresserit, vel sibi pro sub-
 sidio memoriæ sine nomine librum conscrip-
 serit: qui, cum postea in aliorum manus per-
 venisset, sub nomine Auctoris, cujus ingenio
 dignus videbatur, in lucem editus fuit. Id
 quod in Medicina etiam evenit; ubi multa
 medicamenta composita præstantium Medi-
 corum, immo & non Medicorum nomina
 habent; non quod ab ijs profecta sint, sed
 quod tantis auctoribus digna videantur:
 quæ tamen ideo deteriora non sunt, quod
 certi Auctoris nomen non habeant. Non e-
 nim ab hominis auctoritate & nomine, sed
 rei evidentia veritas pendet. Deinde, etsi li-
 bri isti Chymici, qui hodiè extant, inter re-
 liqua eorundem auctorum scripta, quæ sem-
 per in publico fuerunt, non reperiantur: ta-
 men id non multum refert. Mystica enim
 ista sunt, & occultantur sæpè diu à suis pos-
 sessoribus, antequam in lucem veniant.
 Ita etsi inter libros Medicos Avicennæ li-
 ber Chymicus nullus extet: tamen refert

Sorfa-

Sorfanus in vita ejus, fuisse eum Chymia studiofum & propagatorem.

Ex quibus omnibus apparet, à veritate alienum esse, quod Nicolaus Guibertus & alij quidem censent, libros Chymicos, qui hodiè circumferuntur, haud multis retrò seculis ab impostoribus & Sophistis confictos esse. Verum plura de his addere supersedeo: qui plura de scriptoribus Chymicis cognoscere cupit, legat viri doctissimi Georgij Agricolaè præfationem ad Mauritium & Augustum Duces Saxoniae fratres; *super lib. 12. de re metallica*, & Andream Libavium, *in defensione utraque Alchymiae Transmutatoriae contra Nicolaum Guibertum*.

Proximis seculis ferè inter Monachos latuit Chymia; quorum non pauci illud, quo abundabant, otium post sacras meditationes & orationes arti huic præstantissimæ honestè tribuerunt: inter quos fuerunt, quorum aliquos jam nominavimus, Raimundus Lullius, Albertus Magnus, Joh. de Rupefissa, Savanorola, Morienus, Rogerius, Trithemius & Frater Basilius Valentinus; quorum scripta multa hoc seculo in lucem edita sunt, & multa adhuc manu scripta passim latent.

Natus est tandem anno Christi 1493, in Helveria Philippus Theophrastus Paracelsus, qui in Chymia Præceptores egregios nactus, ut ipse, *in secunda parte Chirurgiae magnae, tractat. 1. c. 1.* refert, & institutus non solum à pa-

*Paracelsi
sectæ auct.*

rente in Chymia, sed etiam adjutus scriptis Setthagij Episcopi, Erhardi Laventalij, Nicolai Hipponensis Episcopi, Matthæi Schachtij, Suffraganei Freisingensis, Abbatis Spanheimij & aliorum plurimorum, novam sectam condere, Hippocraticamq; & Galenicam evertere conatus est. Quem secuti sunt Alexander Suchtenius, Dornæus, Phædro, Dornheiserus, P. Severinus Danus; qui ipsi tamen nec cum Paracelso, nec inter se planè consentiunt. Plerique tamen, qui hodiè Chymiatri audire volunt, Petrum Severinum, qui dogmata à Paracelso hinc inde disjecta in artis formam redigere conatus est, potiùs, quàm ipsuracellsum, sequuntur. Hinc hodie nova secta nata est, quæ Severiana dici potest.

CAPUT IV. DE PARACELSO.

THeophrastus, inquam, Paracelsus cum vulgò in Medicorum Scholis tùm temporis ferè silentium esset de Chymia, & multa in præparatione Pharmacorum meliùs fieri posse animadverteret, ad reformatam Medicinam animum adjecit. Verum quam reformare voluit, penè cum alijs omni-
bus

bis scientijs evertit. Primò enim, ut Theſſalus *Paracelſi* ille, ſe *ἱατρονομὸν* nominavit: ita hic, *ad ſe per- jaſſantia.* veniſſe Monarchiam omnium artium, in præſatione libri de *Tinctura Phyſicorum*, ſcribere auſus eſt: ſe arcanorum Monarcham, quem omnes, qui naturalis Philoſophia cognitionem appetant, Itali, Galli, Poloni, Germani, Philoſophi, Spagyri, Aſtronomi ut Ducem ſequi neceſſe habeant, ejusdem libri c. 1. & 4. haberi voluit; & in præſatione Paragrani, Avicennam, Galenum, Rhaſen, Montagnanum, Meſuen, Pariſienſes, Monſpelienſes, Suevos, Miſnicos, Colonienſes, Viennenſes, & quotquot Danubium & Rhenum accolunt, Inſulas maris, Italiam, Dalmatiam, Athenas, Græcos, Arabes, Iſraelitas ſe Monarcham Sapientie conſtitutum ſequi jubet. In præſatione libri 1. de Peſte, quem Norlingæ ſcripſit, libros ſuos ſibiis quatuor mille annorum ſpacio ſcriptis præfert.

Contra paſſim Galenū, Avicennā, omnes- *Paracelſi* que Academicos & Medicinæ Doctores acer- *in Galeni-* biſſimis convitijs proſequitur, & de peſtilitate *cos conſi-* tract. 2. Pariſienſes, Patavinos, Monſpelienſes, *tia.* Salernitanos, Viennenſes, Lipſenſes, non Profeſſores veritatis, ſed Cōfeſſores mendaciorū, Mendaces, non Doctores eſſe ſcribit. Qualia cōvitia in Medicos plurima paſſim in ſcriptis ſuis evomuit: quæ omnia hic recensere non libet. Quia tamen inſigne modeltiæ ſpecimen edidit, loco modò allegato, in præſat. Paragrani p. 199. integrū cum tranſcribere placet.

Ihr

*Paracelsi
modestia.*

Ihr müßet mir nach / Ich nicht euch nach / Ihr mir nach / Mir nach / Avicenna, Galene, Rhasis, Montagnana, Mesue &c. Mir nach / vnd nicht ich euch nach / Ihr von Paris / ihr von Rompö-
lier / ihr von Schwaben / ihr von Reissen / ihr von Cöln / ihr von Wien / vnd was an der Donau vnd Rheinstrom lieget / ihr Insulen im Meer / du Italia, du Dalmatia, du Athenis, du Griechen / du Arabs, du Israelita. Mir nach / vnd ich nicht euch nach : Erwer wird keiner im hindersten Winckel bleiben / an den nicht die Hunde seichen werden : Ich werde Monarcha, vnd mein wird die Monarchy sein / vnd ich führe die Monarchy / vnd gürtete ewre Lenden. Wie gefelt euch Cacophra-
stus? Diesen Dreck müßt ihr essen.

Wie wird es euch Cornuten anstehen / so ewer Cacophraustus ein Fürst der Monarchen sein wird? vnd ihr Calefactores werdet vnd Schloßfeger : Wie dünckt euch / so Secta Theophrasti triumphiren wird? vnd ihr werdet in meine Philosophen müssen / vnd ewren Plinium Cacoplinium heißen / vnd ewren Aristotelem Caco-Aristotelem heißen / vnd ich werde sie vnd ewren Porphyrium, Albertum, &c. in meinem Dreck reuffen / mit satyre ewer Gefatterschafft : Das wird mir zu wege bringen die Vis mineralis vnd generatio mineralium, vnd was zwischen den zweyen Polis liegt / wird mein Harnisch sein / ewer Astronomy vnd Iastraffel Kunst in Pilats See zu werffen / vnd die Alchimie mus mir ewren Esculapium, ewren Avicennam, ewren Gaie-

Galenum, &c. vnd ewre Scribenten alle in eine Alkali versieden / vnd in Xeverber bis auff die hindersten Feces verbrennen / vnd seuberer mußt ihr noch gereiniget werden / dann dz Gold durchs Zewer / ihr müßt durch das Spießglas / da wil ich sehen wie ihr vnd ewer König gen Boden setzet / vnd vber den Duffstein wil ich euch pallieren lassen : vnd die Tugendt als die vierdre Seul wird aus euch ein grösses Spectacul machen / denn die Juristen vber keinen Malefactorem erdacht haben. O wie werden ewre verderbte Krancken lachen ! O ewers armen Galeni Seele ! Wer er vntadtsch blieben in der Argeney / so weret seine Manes nicht in Abgrund der Hellen vergraben worden / daraus er mit geschrieben hat / des Datum in der Hellen stand. Ich hette nicht vermeinet / das der Fürste der Arzte dem Teuffel in Arß solt gefahren sein / nemlich sein discipul ihm nach / oder am wenigsten seiner Mutter ins J. L. Solte das ein Fürst der Argeney sein / vnd die Argeney auff ihm stehen / so müssen die größten Schelmen in der Argeney sein / so vnter der Sonnen leben / sie beweisen auch wol / das sie ihm trewlich nachfolgen. Et ut omnino odium suum erga antiquam Medicinam declararet, & asseclarum suorum in Medicos alios odium accenderet, nec Luthero inferior videretur, Canonicum Avicennæ volumen contemptim exussit, ut refert Jacob. Curio Hofemianus, in *Hermastimo*.

Alibi

Alibi tamen novitatis crimen averfari videtur, & ut Galenicus etiam habeatur, narrat, in oppido Bojemorum, Brunovix scilicet, in quodam Cœnobio veriffima minimeq; depravata Galeni & Avicennæ volumina reperiri, ex quibus ipfe fit Galenicus melior, quàm omnes, qui vulgò ita appellantur; perfualurus fcilicet, ea, quæ per manus tradita, & hæcenus fideliter omnium nationum confenfu in tot Bibliothecas affervata, & ad noſ propagata funt Galeni & Avicennæ fcripta genuina non eſſe, fed iſta, quæ vel fingit, vel Galeni & Avicennæ nomen falſo præ ſe ferunt.

*Paracelſi
encomia.*

Nec ſolùm Paracelſus ſe ita jactitat, ſed & ſectatores ejus illum ſummis laudibus in cœlum tollunt. Inter eos Crollius, *p. 7. ſue præſationis*, ſcribere auſus fuit; *Paracelſi periti- am neminem adhuc attigiffe, ne dum ſuperare potuiſſe; eundemq; omnibus hominibus à tempo- ribus Noæ, atque ita Hermeti Trimegiſto, Sa- lomoni & alijs ſatis imprudenter præfert: dum pag. 56. & 67. ſcribit: Nullus mortalium in univerſa Philoſophia & Medicina indubitato cœli favore tam ardua & abdita arcana ſciis & in publicum protulit, ſicut Theophraſtus ille Pa- racelſus, Vir & Philoſophus omni æternitatis me- moria & honore digniſſimus; cujus periti- am nemo inventus, qui attingere, nedum ſuperare potuerit; Verus Medicinæ Monarcha & primus Microco- ſmi Medicus, qui de interno homine, ejusq; officio à Deo creato, item de magnorum morborum in- curabi-*

curabiliū origine tam naturali, quā Metaphysica à temporibus Nos solus scripsit; quod ē superiorum atatum Medicis ne per somnium ulli in mentem venit. Ita etiam Henningus Scheunemannus, in hydromantia Paracelsica in p̄fat. ad Lect. scribit: Paracelsum Hermeticam & Hippocraticam doctrinam peculiari Spiritus sancti assistentia ita complevisse, ut nihil amplius desiderari possit, & ob navatam hanc operam Monarchæ nomen adeptus sit. Et plerasq; ejus laudes discipuli in inscriptione ejus effigiei & Epitaphio comprehenderunt.

Contra Aristotelicos & Galenicos omnibus, quibus possunt, cōvitijs proscindunt. Materialiales & Elementares Ambulatores, Aristotelicos tenebriones, Vulgares de Schola homines, Rabinos, & Thrasones, Athenienses, Philosophiæ Ethnicæ Sectatores, qui lucē tenebras & tenebras lucem vocent, vanissimarū vanitatum defensores nomināt. Quibus recensendis tempus terere nō libet. Neq; enim ad rem aliquid faciunt. Prudēter Aristophanes, in *Ran.*:

Ἐλεγχ' ἐλέγχῃ: λοιδορεῖσθαι εἰς τὴν
Ἄνδρας Φιλοσόφους, ὡς περὶ δὲ τὴν πῶλιν.

Hinc tamen factum, ut non pauci & Paracelsum pro Chymicorū principe habeant & neminem Chymicum esse posse credant, nisi quis sit Paracelsicus. Quia in re multum falluntur.

Neq; enim idem est Chymia & Paracelsia. Quod jam olim monuit vir clarissimus, & triū Imperat. Medicorū, civis meus, J. Crato *Epist.* 137.

et

Paracelsistarum in Aristotelicos & Galenicos convitiis.

Non idem Chymia & Paracelsia.

ad Theodorum Zvingerum: In multis, inquit, Rebus publicis & aulis cum nominis mei quadam jactura Chymica medicamenta sum tutatus. Nihil ante 40. annos oleorum destillatorum, nullum Extractum, nullus succus in Pharmacopolijs est repertus: à me autem Pharmacopœi & Medici, beneficio Dei, successu medicationis edocti sunt, ut nunc ubiq; ea parent, & ijs utantur. Insaniam verò Paracelsi, qui summos in arte Magistros, imò ipsam artem Medicam; propter sua arcana, ut appellat, contemnit; & novam nobis è furnis Medicinam fabricat, atque discentes à bonis auctoribus ad fornaces ablegat, omnem deniq; seculi nostri excellentiam dejicere studet, ut sua medicamenta extollat, nunquam probavi. Hæc Crato. Neq; sine caussa discrimen inter Chymiam & Paracelsiam constituimus. Dudum enim ante Paracelsum à multis doctis viris excultam fuisse Chymiam notissimum est. Et licet ipse eandem coluerit & excoluerit: non tamen ideo, qui Chymia operam dant, necessum habent, ut Paracelso se totos tradant, ejusq; dogmata omnia defendant. Quod tamen à multis fieri videmus, qui cum Galenicis nimiam credulitatem & antiquitatis studium atque amorem objiciunt, ipsi non minus peccant, dum Paracelsi dogmata omnia, etiam sine ullis rationibus prolata, tantum non pro oraculis habent. Quorum exempla cum passim obvia sint, nec ignota illa ingentia Paracelsi præconia, atq; arrogantes tituli,
quos

tuli, quos sibi tum ipse, tum ipsi affectu ejus non satis prudenter tribuerunt, ut modò dictum; ac vix ulli, ullo unquam seculo, Philosopho vel Medico tantas laudes tribui legamus: ne incauti in errorem inducantur, quis fuerit Paracelsus, & an istas laudes sustinere valeat, sine omni affectu videamus.

Parentes ejus qui fuerint, ad rem multum non facit. Ipse se appellat Philippum Theophrastum Bombastum ab Hohenheim seu Paracelsum, ex nobilissima & antiquissima in Eremito Helvetiorum familia. Verum refert Thomas Erastus, in Eremito Helvetiorum nullos esse Paracelsos, nullos Hohenheimios, nullos Bombastos, nullos denique vel nobiles vel ignobiles, qui cum ut sanguine junctum agnoscant. Audivisse se, Pædagogum aliquando vixisse ibi, hominem exterum, & quod natus ille sit in loco, qui vocatur Altmundum, unde fortasse Paracelsum denominaverint.

Vita ejus quasi summam literis quibusdam complexus est Oporinus, civis Basiliensis fide dignus, qui Paracelsi amanuensis fuit; uxoratus jam. Nam, ut Erastus, *parte i. disp. contra Paracelsum p. 238.* refert; Relictâ domi uxore, toto biennio cum secutus est, ut admirabilis doctrinæ, quam jactabat, particeps fieret. Exstant quidē ex literæ in vita Oporini à Josisco descripta: verum cum nō in omnium sint manibus, eas hic proponere libet. Nec refert, quod Levinus Battus, in *epist. ad Henricum Smetium*

E

scribit,

scribit, Orationē illam ab æmulis Theophrasti Basileæ scriptam esse. Sit enim, quod illi, qui vitam Oporini scripserunt, Paracelso non faverint: Epistola tamen vitæ Oporini inserta, in doctorum virorum manibus vivente adhuc Oporino fuit; cum literas illas scripserit ad Medicos clarissimos Solenandrum & Wierum. Et vivebant tunc procul dubio adhuc multi, quibus Paracelsus familiariter notus fuit, ut mendacium locum invenire faciliè non potuerit. Ita autem ille:

Epistola Oporini de Paracelso.

Quod ad Theophrastum Paracelsum attinet, qui jam pridem obiit, non quidem libenter ejus manibus obloquerer: virum tamen talem expertus sum, ut cum tali homine ita unquam familiariter vivere, ut cum ipso vixi, non faciliè cupiam; adeo, præter mirabilem faciendi medicinam in omni morborum genere promptitudinem & felicitatem, nullam in eo neque pietatem, neque eruditionem animadvertere potui. Et mirari non raro soleo, cum tam multa proferri video, quæ ab ipso scripta & posteritati relicta affirmantur, quorum ego ne somnium quidem unquam illi objectum puto. Adeo erat totis diebus & noctibus, dum ego ipsi familiariter per biennium fere condixi, ebrietati & crapula deditus, ut vix unam atque alteram horam sobrium

Paracelsus ebrietati deditus.

cum

eum reperire licuerit ; maximè postquam Basilea discedens in Alsatia inter nobiles rusticos, & rusticos nobiles, tanquam alter Æsculapius omnibus admirationi fuit. Atque interea tùm, cum maximè esset ebrius, Paracelsus
ebrius sua
dilatavit. domum reuersus dictare mihi aliquid sue Philosophiæ solebat, quod ita pulcrè sibi coharere videbatur, ut à maximè sobrio melius non fieri potuisse videretur. Ego deinde iisdem in Latinam linguam vertedis, ut poteram, vacabam. Et sunt ejusmodi libelli partim à me, partim ab alijs latinè conuersi postea editi. Noctu, toto quo ipsi conduxit tempore, nunquam se exiit : plerumque enim non nisi ebrius ad extremam noctem ibat cubitum, atque ita, ut erat indutus, adjuncto sibi gladio, quem carnificis cujusdam fuisse jactitabat, in stratum se coniecit, ac sæpè media nocte surgens per cubiculū nudo gladio ita insaniebat, ita crebris ictibus & pavimentum & parietes impetebat, ut ego mihi non semel caput amputatū iri metuerē. Dies aliquot requirere possem, si eorū omnium, qua me apud ipsum passum esse scio, mentionem facere deberem. Semper habebat officinā suam carbonariā instructā perpetuis ignibus, nūc Alkali aliquot, nunc sublimati oleum, nunc Arsenici

oleum, nunc Martis crocum, aut Oppedo-
 deldoch mirabile, & nescio quæ brodia co-
 quendo. Mibi certè semel coctione sua ferme
 spiritum vitalem oppressit, dum spiritus in
 alembico suo adscendentes cõttemplari iussu
 & naso propius admoto, remoto paululùm
 vitro, quod alembico subiectum erat, viru-
 lentos illos vapores mihi os & nares occu-
 pare curavit, & tantum non suffocare co-
 natus fuit, adeò ut in syncopem delapsus
 frigida aquæ non mediocris superfusione re-
 stitui opus habuerim. Interea se vaticinari
 quædam simulabat, & arcanorum quorun-
 dam cognitionem præ se ferebat, ut clam a-
 liquid, de quo ipsum metuerem, non facili
 aggredi unquam ausus fuisssem. Mulierum
 nullam curam habuit, ut cum nulla unquam
 illi rem fuisse credam. Initio abstemius e-
 rat usq; ad ætatis annum ferè 25. deinde ita
 vinum bibere didicit, ut totas mensas rusti-
 cis plenas propinando provocare & biben-
 do superare ausus fuerit, digito tantum
 gula immisso à crapula se liberans, & rur-
 sum, tanquam ne guttam quidem hausisset,
 potionibus indulgens. Pecunie erat prodi-
 gus profusus, ac ita eà sæpe destitutus, ut ne
 obulum quidem ei superesse scirem. Crastino
 statim die rursus crumenâ se habere bene
 instru-

Paracelsus
 à mulieri-
 bus alienus.

Paracelsus
 pecunie
 prodigus.

instructam ostendebat, ut non raro miratus fuerim, unde ei fuisset suppeditata. Singularis ferè mensibus vestem novam sibi fieri curabat, & priorem cuiusvis obvio donabat, sed ita conspurcâtâ, ut ego nunquam mihi dari petierim, neq. ultrò oblatam, ut gestarem, recepturus fuerim. In curandis ulceribus Paracelsus in ulceribus curandis etiam deploratissimis miracula edidit, nulla vietus præscripta aut observata ratione, sed felix. cum patientibus suis dies & noctes potando ita eos, ut solebat dicere, pleno ventre tamen curavit. Precipitati pulvere, Theriaca, Paracelsi medica-menta. aut Mithridatio aut Cerasorum sive Botrorum succo in pilulas redactò in omni morborum genere ad purgandum utebatur. Laudano suo (ita vocabat pilulas instar murii stercoris, quas impari semper numero in extrema tantum morborum difficultate tanquã sacrã medicinam exhibebat) ita gloriabatur, ut non dubitavit affirmare, ejus solius usu se è mortuis vivos reddere posse; idq. aliquoties, dum apud ipsum fui, re ipsâ declaravit. Orare nunquam audi vi neq. vidi, Paracelsus neq. curabat etiam Ecclesiastica sacra, sed sacra parli curavit. doctrina Evangelica, quæ tum tēporis apud nos excoli incipiebat, & à nostris concionatoribus seriò urgebatur, nò multũ ab eo curabatur. Se aliquando Lutherum & Pa-

*Paracelsi
modestia.*

Ihr müßet mir nach / Ich nicht euch nach / Ihr mir nach / Mir nach / Avicenna, Galene, Rhasis, Montagnana, Mesue &c. Mir nach / vnd nicht ich euch nach / Ihr von Paris / ihr von Römptolier / ihr von Schwaben / ihr von Meissen / ihr von Cöln / ihr von Wien / vnd was an der Donau vnd Rheinstrom lieget / ihr Insulen im Meer / du Italia, du Dalmatia, du Athenis, du Griechē / du Arabs, du Israelita. Mir nach / vnd ich nicht euch nach: Ewer wird keiner im hindersten Winckel bleiben / an den nicht die Hunde fischen werden: Ich werde Monarcha, vnd mein wird die Monarchy sein / vnd ich führe die Monarchy / vnd gürte ewre Lenden. Wie gefelt euch Cacophrastus? Diesen Dreck müßt ihr essen.

Wie wird es euch Cornuten anstehen / so ewer Cacophrastus ein Fürst der Monarchen sein wird? vnd ihr Calefactores werdet vnd Schloßfeger: Wie dünckt euch / so Secta Theophrasti triumphiren wird? vnd ihr werdet in meine Philosophen müssen / vnd ewern Plinium Caeoplinium heißen / vnd ewern Aristotelem Caeo-Aristotelem heißen / vnd ich werde sie vnd ewern Porphyrium, Albertum, &c. in meinem Dreck reuffen / mit sampt ewer Gefatterschafft: Das wird mir zu wege bringen die Vis mineralis vnd generatio mineralium, vnd was zwischen den zweyen Polis liegt / wird mein Harnisch sein / ewer Astronomy vnd Laßraffel Kunst in Pilats See zu werffen / vnd die Alchymy mus mir ewern Esculapium, ewern Avicennam, ewern Gale-

Galenum, &c. vnd ewre Scribenten alle in eine Alkali versieden / vnd in Xeverber bis auff die hindersten Feces verbrennen / vnd seuberer must ihr noch gereiniget werden / dann dz Gold durchs Feuer / ihr müsst durch das Spießglas / da wil ich sehen wie ihr vnd ewer König gen Boden setzet / vnd vber den Duffstein wil ich euch pallieren lassen : vnd die Tugendt als die vierdte Seul wird aus euch ein grösses Spectacul machen / denn die Juristen vber keinen Malefactorem erdacht haben. O wie werden ewre verderbte Krancken lachen ! O ewers armen Galeni Seele ! Wer er vntadtslich blieben in der Arkeney / so werē seine Manes nicht in Abgrund der Hellen vergraben worden / daraus er mir geschrieben hat / des Datum in der Hellen stand. Ich hette nicht vermeinet / das der Fürst der Arzte dem Teuffel in Arß solt gefahren sein / nemlich sein discipul ihm nach / oder am wenigsten seiner Mutter ins F. L. Solts das ein Fürst der Arkeney sein / vnd die Arkeney auff ihm stehen / so müssen die grösten Schelmen in der Arkeney sein / so vnter der Sonnen leben / sie beweisen auch wol / das sie ihm trewlich nachfolgen. Et ut omnino odium suum erga antiquam Medicinam declararet, & asseclarum suorum in Medicos alios odium accenderet, nec Luthero inferior videretur, Canonicum Avicennæ volumen contemptim exussit, ut refert Jacob. Curio Hofemianus, in *Hermatima*.

Alibi

Alibi tamen novitatis crimen averfari videtur, & ut Galenicus etiam habeatur, narrat, in oppido Bojemorum, Brunoviæ scilicet, in quodam Cœnobio veriffima minimeq; depravata Galeni & Avicennæ volumina reperiri, ex quibus ipse fit Galenicus melior, quàm omnes, qui vulgò ita appellantur; perfuafurus scilicet, ea, quæ per manus tradita, & hætenus fideliter omnium nationum consensu in tot Bibliothecas affervata, & ad nos propagata sunt Galeni & Avicennæ scripta genuina non esse, sed ista, quæ vel fingit, vel Galeni & Avicennæ nomen falsò præ se ferunt.

*Paracelsi
encomia.*

Nec solùm Paracelsus se ita jactitat, sed & sectatores ejus illum summis laudibus in cœlum tollunt. Inter eos Crollius, p. 7. *sue præfationis*, scribere ausus fuit; *Paracelsi peritiam neminem adhuc attigisse, ne dum superare potuisse; eundemq; omnibus hominibus à temporibus Noë, atque ita Hermeti Trismegisto, Salomoni & alijs satis imprudenter præfert: dum p. 56. & 67. scribit: Nullus mortalium in universa Philosophia & Medicina indubitato cœli favore tam ardua & abdita arcana scivit & in publicum protulit, sicut Theophrastus ille Paracelsus, Vir & Philosophus omni æternitatis memoriæ & honore dignissimus; cujus peritiam nemo inventus, qui attingere, nedum superare potuerit; Verus Medicinæ Monarcha & primus Microcosmi Medicus, qui de interno homine, ejusq; officio & Deo creato, item de magnorum morborum incurabi-*

mirabilium origine tam naturali, quam Metaphysica à temporibus Nos solus scripsit; quod è superiorum atatum Medicis ne per somnium ulli in mentem venit. Ita etiam Henningus Scheunemannus, in hydromantia Paracelsica in p̄s̄fat. ad Lect. scribit: Paracelsum Hermeticam & Hippocraticam doctrinam peculiari Spiritus sancti assistentia ita complevisse, ut nihil amplius desiderari possit, & obnavatam hanc operam Monarchæ nomen adeptus sit. Et plerasq; ejus laudes discipuli in inscriptione ejus effigiei & Epitaphio comprehenderunt.

Contra Aristotelicos & Galenicos omnibus, quibus possunt, cōvitijs proscindunt: Materiales & Elemētares Ambulatores, Aristotelicos tenebriones, Vulgares de Schola homines, Rabinos, & Thraſones, Athenienses, Philosophiæ Ethnicę Sectatores, qui lucē tenebras & tenebras lucē vocent, vanissimarū vanitatum defensores nomināt. Quibus recensendi tempus terere nō libet. Neq; enim ad rem aliquid faciunt. Prudēter Aristophanes, in *Ranis*:

Ἐλεγχ' ἐλέγχῃ: λοιδορεῖσθαι ἐχρή
Ἄνδρας φιλοσόφους, ὥσπερ δὲ τὴν πώλιδας.

Hinc tamen factum, ut non pauci & Paracelsum pro Chymicorū principe habeant & neminem Chymicum esse posse credant, nisi qui sit Paracelsicus. Quā in re multum falluntur.

Neq; enim idem est Chymia & Paracelsia. Quod jam olim monuit vir clarissimus, & triū Imperat. Medicor, civis meus, J. Crato *Epist.* 137.

Paracelsi-
starum in
Aristoteli-
cos & Ga-
lenicos com-
p̄titia.

Non idem
Chymia &
Paracelsia.

ad

ad Theodorum Zvingerum: In multis, inquit, Rebus publicis & aulis cum nominis mei quadam jactura Chymica medicamenta sum tutatus. Nihil ante 40. annos oleorum destillatorum, nullum Extractum, nullus succus in Pharmacopolijs est repertus: à me autem Pharmacopœi & Medici, beneficio Dei, successu medicationis edocti sunt, ut nunc ubiq; ea parent, & ijs utantur. Insaniam verò Paracelsi, qui summos in arte Magistros, imò ipsam artem Medicam; propter sua arcana, ut appellat, contemnit, & novam nobis è furnis Medicinam fabricat, atque discentes à bonis auctoribus ad fornaces ablegat, omnem deniq; seculi nostri excellentiam dejicere studet, ut sua medicamenta extollat, nunquam probavi. Hæc Crato. Neq; sine caussa discrimen inter Chymiam & Paracelsiam constituimus. Dudum enim ante Paracelsum à multis doctis viris excultam fuisse Chymiam notissimum est. Et licet ipse eandem coluerit & excoluerit; non tamen ideo, qui Chymia operam dant, necessum habent, ut Paracelso se totos tradant, ejusq; dogmata omnia defendant. Quod tamen à multis fieri videmus, qui cum Galenicis nimiam credulitatem & antiquitatis studium atque amorem objiciunt, ipsi non minus peccant, dum Paracelsi dogmata omnia, etiam sine ullis rationibus prolata, tantum non pro oraculis habent. Quorum exempla cum passim obvia sint, nec ignota illa ingentia Paracelsi præconia, atq; arrogantes tituli,
quos

tuli, quos sibi tùm ipse, tùm ipsi affectu ejus non satis prudenter tribuerunt, ut modò dictum; ac vix ulli, ullo unquam seculo, Philosopho vel Medico tantas laudes tribui legamus: ne incauti in errorem inducantur, quis fuerit Paracelsus, & an istas laudes sustinere valeat, sine omni affectu videamus.

Parentes ejus qui fuerint, ad rem multum non facit. Ipse se appellat Philippum Theophrastum Bombastum ab Hohenheim seu Paracelsum, ex nobilissima & antiquissima in Eremito Helvetiorum familia. Verum refert Thomas Erastus, in Eremito Helvetiorum nullos esse Paracelsos, nullos Hohenheimios, nullos Bombastos, nullos deniq; vel nobiles vel ignobiles, qui eum ut sanguine junctum agnoscant. Audivisse se, Pædagogum aliquândo vixisse ibi, hominem exterum, & quod natus ille sit in loco, qui vocatur Altmundum, unde fortassè Paracelsum denominaverint.

Vita ejus quasi summam literis quibusdam complexus est Oporinus, civis Basiliensis fide dignus, qui Paracelsi amanuensis fuit, uxortus jam. Nam, ut Erastus, *parte i. disp. contra Paracelsum p. 238.* refert; Relictâ domi uxore, toto biennio eum secutus est, ut admirabilis doctrinæ, quam jactabat, particeps fieret. Exstant quidè ex literæ in vita Oporini à Josisco descriptæ: verum cum nō in omnium sint manibus, eas hic proponere libet. Nec refert, quod Levinus Battus, *in epist. ad Henricum Smetium*

E

scribit,

scribit, Orationē illam ab æmulis Theophrasti Basileæ scriptam esse. Sit enim, quod illi, qui vitam Oporini scripserunt, Paracelso non faverint: Epistola tamen vitæ Cporini inserta, in doctorum virorum manibus vivente adhuc Oporino fuit; cum literas illas scripserit ad Medicos clarissimos Solenandrum & Wierum. Et vivebant tunc procul dubio adhuc multi, quibus Paracelsus familiariter notus fuit, ut mendacium locum invenire faciliè non potuerit. Ita autem illi:

Epistola Oporini de Paracelso.

Quod ad Theophrastum Paracelsum attinet, qui jam pridem obiit, non quidem libenter ejus manibus obloquerer: divum tamen talem expertus sum, ut cum tali homine ita unquam familiariter vivere, ut cum ipso vixi, non faciliè cupiam; adeo, præter mirabilem faciendi medicinam in omni morborum genere promptitudinem & felicitatem, nullam in eo neque pietatem, neque eruditionem animadvertere potui. Et mirari non rarò soleo, cum tam multa proferri video, quæ ab ipso scripta & posteritati relicta affirmantur, quorum ego ne somnium quidem unquam illi objectum puto. Adeo erat totis diebus & noctibus, dum ego ipsi familiariter per biennium feri convivii, ebrietati & crapula deditus, ut vix unam atque alteram horam sobrium

Paracelsus ebrietati deditus.

cum

eum reperire licuerit ; maximè postquam Basilea discedens in Alsatia inter nobiles rusticos, & rusticos nobiles, tanquam alter Æsculapius omnibus admirationi fuit. Atque interea tùm, cum maximè esset ebrius, domum reversus dictare mihi aliquid suæ Philosophiæ solebat, quod ita pulcrè sibi coherere videbatur, ut à maximè sobrio melius non fieri potuisse videretur. Ego deinde iisdem in Latinam linguam vertedis, ut poteram, vacabam. Et sunt ejusmodi libelli partim à me, partim ab alijs latinè conversi postea editi. Nocturno, toto quo ipsi con-
 dixi tempore, nunquam se exiit : plerumque enim non nisi ebrius ad extremam noctem ibat cubitum, atque ita, ut erat indutus, adjuncto sibi gladio, quem carnificis cujusdam fuisse jaçtitabat, in stratum se conyiciebat, ac sæpè media nocte surgens per cubiculū nudo gladio ita insaniebat, ita crebris ictibus & pavimentum & parietes impetebat, ut ego mihi non semel caput amputatū iri metuerē. Dies aliquot requirere possem, si eorū omnium, quæ me apud ipsum passum esse scio, mentionem facere deberem. Semper habebat officinā suam carbonariā instructā perpetuis ignibus, nūc Alkali aliquot, nunc sublimati oleum, nunc Arsenici

Paracelsus
 ebrius sua
 doctus.

oleum, nunc Martis crocum, aut **Oppo-**
deldoch mirabile, & nescio quæ brodia co-
 quendo. Mibi certè semel coctione sua ferme
 spiritum vitalem oppressit, dum spiritus in
 alembico suo adscendentes cõttemplari jussu
 & naso propius admoto, remoto paululum
 vitro, quod alembico subiectum erat, viru-
 lentos illos vapores mibi os & nares occu-
 pare curavit, & tantum non suffocare co-
 natus fuit, adeo ut in syncopem delapsus
 frigide aquæ non mediocris superfusione re-
 stitui opus habuerim. Interea se vaticinari
 quidam simulabat, & arcanorum quorun-
 dam cognitionem præ se ferebat, ut clam a-
 liquid, de quo ipsum metuerem, non facili
 aggredi unquam ausus fuisssem. Mulierum
 nullam curam habuit, ut cum nulla unquam
 illi rem fuisse credam. Initio abstemius e-
 rat usq; ad ætatis annum ferè 25. deinde ita
 vinum bibere didicit, ut totas mensas rusti-
 cis plenas propinando provocare & biben-
 do superare ausus fuerit, digito tantum
 gula immisso à crapula se liberans, & rur-
 sum, tanquam ne guttam quidem hausisset,
 potionibus indulgens. Pecuniæ erat prodi-
 gus profusor, ac ita eâ sæpe destitutus, ut ne
 obulum quidem ei superesse scirem. Crastino
 statim die rursum crumenâ se habere bene
 instru-

Paracelsus
 à mulieri-
 bus alienus.

Paracelsus
 pecuniæ
 prodigus.

instructam ostendebat, ut non rarò miratus fuerim, unde ei fuisset suppeditata. Singulis ferè mensibus vestem novam sibi fieri curabat, & priorem cuius obvio donabat, sed ita conspurcatâ, ut ego nunquam mihi dari petierim, neq. ultrò oblatam, ut gestarem, recepturus fuerim. In curandis ulceribus etiam deploratissimis miracula edidit, nulla victus præscripta aut observata ratione, sed cum patientibus suis dies & noctes potando ita eos, ut solebat dicere, pleno ventre tamen curavit. Precipitati pulvere, Theriaca, aut Mithridatio aut Cerasorum sive Botrorum succo in pilulas redactò in omni morborum genere ad purgandum utebatur. Laudano suo (ita vocabat pilulas instar muriù stercoris, quas impari semper numero in extrema tantum morborum difficultate tanquã sacrã medicinam exhibebat) ita gloriabatur, ut non dubitarit affirmare, ejus solius usu se è mortuis vivos reddere posse; idq. aliquoties, dum apud ipsum fui, re ipsa declaravit. Orare nunquam audiui neq. vidi, neq. curabat etiam Ecclesiastica sacra, sed doctrina Evangelica, quæ tum tẽporis apud nos excoli incipiebat, & à nostris concionatoribus seriò urgebatur, nõ multũ ab eo curabatur.

Paracelsus
in ulceribus
curandis
felix.

Paracelsi
medica-
menta.

Paracelsus
sacra parti
curavit.

pam non minùs, quàm nunc Galenum & Hippocratem redacturum in ordinem minabatur. Neg, enim eorum, qui hætenus in scripturam sacram scripsissent, siue veteres siue recentiores, quenquam scriptura nucleum rectè eruisse, sed circa corticem & quasi membranam tantum hære. Et nescio quæ alia nugabatur, quorum meminisse piget. Hæc Oporinus.

Heinn. Bullingeri de Paracelsi litera.

Neque saltem ista Oporinus scripsit: sed etiam sæpè alijs narravit, ut Thomas Erastus, *disput. contra Paracels. part. 1.* testatur. Imò idem refert & testatur D. Henricus Bullingerus, qui Paracelsum Tiguri novit, cujus literas citat Erastus, *allegato loco.* Ex omnibus, inquit, ejus sermonibus pietatis nihil intelligere potui; Magia autem, quam iste nescio quam sige' at, plurimum. Si eum vidisses, non Medicum dixisses, sed aurigam: & sodalitio aurigarum mirificè delectabatur. Ergò dum viveret hic in diversorio Ciconia observabat advenientes in hospitium aurigas, & cum ijs vorabat & perpotabat, ita nonnunquam vino sopitus, ut se in proximū scamnum collocaret, crapulamq; edormiret. Breviter: Sordidus erat per omnia, & homo spurcus. Rarò aut nunquam ingrediebatur cætus sacros, & visus est res divinas leviter curare.

Georgij Vetteri de

Narrat quoque Erastus, *Secunda parte disput. contra Paracelsum* Georgium Vetterum virum pium,

pium, doctum & industrium, ac Paracelsi per- *Paracelso*
 quam studiosum & amantem, & qui Paracelsi *narratio.*
 comes individuus fuerit biennio & tribus
 mensibus per Austriam, Transylvaniam alias-
 que regiones eum sequens, ut Chirurgica, quæ
 tum solum profitebatur, ab eo doceretur, qui-
 que se plurima Paracelso debere profitebatur
 (ne fortè ex odio aliquid commemorasse pu-
 tetur) illum, inquam, Georgium Vetterum *Paracelsus*
 severantissime affirmasse, Paracelsum Magiæ *Magia Stu-*
 nefandæ perquam studiosum fuisse, & Caco- *diosum.*
 dæmonem haud aliter quam socium nomina-
 re consuevisse. *Nihil magis*, inquebat idem
 Vetterus, *metui*, quoties ebrius erat (*erat autem*
frequenter,) *quam ut agmen Diabolorum accen-*
seret, quod sæpenumero facere voluit speciem ar-
tis sue editurus, sed à me rogatus onçisit. Cum sò-
 brium monerem, *ut isthæc missa faceret, quod*
Deum graviter offenderet, quodq; ad extremum
stipendium triste persolvere solitus sit famulis suis
Diabolus: respondebat, se non multo post receptui
cantaturum esse. Toto tempore, quo apud ipsum *Paracelsus*
 vixi, *neg; Theologica neg; Philosophica neg; Me-* *tantum*
dica extra Chirurgiam tractabat. *Chirurgus.*

Verum hæc mittamus, quæ fati docent, *Paracelsi*
 Paracelsum fati dissolutè vixisse. Quos *Præcepta-*
 Præceptores habuerit, non adeò certum. *res.*
 Henningus quidem Scheunemannus, in *Hy-*
dromantia Paracelsica, cap. 1. scribit; à Deo
 ter Opt. Max. Theophrastum Paracelsum edoctum
 scivisse, quicquid in rerum natura fuit scibilo; &

satis temerariè exēpla Nabuchdonosoris, Abimelechi, Jacobi, Josephi, Magorum, Pauli, quibus Deus res occultas & futuras in somnio patefecit, allegare pro hac re audeat. Verum enim verò verum quidem est, omnem sapientiam esse à Patre luminū, eamq; primò homini in creatione fuisse inditam, & postea etiam nonnullos à Deo immediatè circa res divinas & alia nonnulla eruditos fuisse: sed ordinarius modus ad sapientiam perveniendi jam est, ut filij à parentibus, juvenes à senioribus, docti ab indoctis discant; ac qui ordinarium hunc modum rejciunt, Deum tentant, & in Diaboli insidias incidunt. Et an dogmata Paracelsi talia sint, quæ à Deo autore immediatè profecta sint, paulò post patebit. Ipse *lib. 1. de Podagricis titulo de Limbo*, Præceptores se habuisse negat: Chirurgiæ tamen magnæ *lib. 2. tract. 3. cap. 1.* refert, se institutum fuisse non solum à parente Wilhelmo ab Hohenhaim, sed & Præceptores agnoscit Episcopū Scheid, Schettagiensem, Erhardum Episcopum Laventaliensem, Episcopum Nicolaum Hipponensem, Episcopū Matthæum Schacht Suffraganeum Frisingensem, Abbatem Spanheimensem & alios.

Unde Paracelsus sua dogmata habuit.

Ex quibus faciliè apparet, Paracelsum nō in publicis Scholis, quas passim exagitat, & usitatā via Medicinam didicisse, sed quicquid cognitionis in ea habuit, è Chymicis libris & operationibus hausisse. Nam non solum anti-

quorum

quorum libri de Chymia extabant; Gebri, Avicennæ, Lullij, Arnoldi de Villa nova & aliorum; sed & circa illa tempora aut paulò antea excoluerunt, & scriptis illustrarunt Isaacus Hollandus, Basiliius Valentinus & alij; & eo ipso tempore Chymia in Germania non adeo erat ignota, ut libri antiqui ante Paracellum hac de re scripti testantur. Magiam etiam tum quidam non solum Judæi, sed & Trithemius, Corn. Agrippa, & alij tractabant, à quibus & ipse procul dubio quædam hausit. Nam novarum & occultarum rerum nimis avidus, & non semper, quid & à quo disceret, satis cautus erat. Nam quales Præceptores habuerit, satis ex libro de Philosophia occulta, in fine, apparet, ubi hæc habet: *Medicus non omnia, quæ posse & scire debet, in Academijs discere & cognoscere potest, sed opus est, ut interdum vetulas, Zigeunos, Nigromanticos, Agyrtas, Seniores rusticos & similes adeat, atque ab ijs discat. Nam tales de talibus rebus (loquitur de morbis per incantationē) plus habent cognitionis, quam omnes Academia.* Et an satis prudenter vel rectè in præfatione Paragrani & in *Thesauro Alchymistarum*, scripserit: se literas à Galenò ex inferno accepisse, & ibidem in *Thesauro Alchymistarum*, se cum Avicenna in vestibula inferni de suo auro potabili, tinctura Physicorum, quinta essentia, lapide Philosophorum, Mithridatio, Theriaca disputasse, quilibet judicare potest.

E 5

Non

*Paracelsi
peregrina-
tiones.*

Nonnulli, ut Bickerus, in *Hermete redi-
vo*, decem annis in Arabia & vicinis regionibus vixisse, reversumq; spolijs Orientis onustum occultam illam Magiam cum arte Spagyrica & vera Hermetis Medicina in lucem revocasse scribunt. Qui tamen cum Fratribus R. C. qui ipsi quoque Patrem & Fraternitatis suæ Fundatorem artes omnes & sapientiam in Arabiâ præcipuè didicisse asserunt, historicis documentis probare debebant, floruisse tempore Paracelsi in Arabiâ bonas literas, atque Arabes Europæis tum bonis literis & artibus antecelluisse. Ipse verò, in *præf. Chirurg. mag.* refert, se diligentem operam dedisse, ut verum medicinæ fundamentum cognosceret, & cum multos ægros malè curari, multos nullo modo curari animadvertet, multa falsa in antiquorum scriptis reperiret, & plerosque Fortunâ potius, quàm arte curare videret, adiisse multis annis Academias Germanorum, Italicorum, Gallorum, & Medicinæ fundamentum quæsisse; postea verò se non solum eorum doctrinæ, Scriptis & libris tradere voluisse, sed porro peregrinatum esse in Hispaniam, Angliam, Marchiam, Borussia, Lithvaniam, Poloniam, Ungariam, Walachiam, Transylvaniam, Croatiam, Illyriam, aliasq; regiones, & de Medicina percontatum esse non solum Doctores, sed & Chirurgos, Balneatores, Mulieres, Magos, Alchymistas, Monachos, nobiles & ignobiles. Et cum multum

tum diuq; de Medicina cogitasset, eam pro arte incerta habuisse & deseruisse, atque alia negotia tractasse: postea tamen rursus eandem in manus sumsisse.

Quæ quomodo inter se cohæreant, & *Paracelsus* cum veritate consentiant, ego quidem non *quo tempore natus.* video. Nam cum natus sit circa annum Christi 1494. & circa annum Christi 1526. & aliquot annis sequentibus, paulò post ætatis annum 30. Basileæ vixerit & ibi docuerit, ut ex programme & libro de Gradibus & compositione receptorum, item libris de Tartaro & urinarum judicijs & pulsibus apparet; & jam tum libros Chirurgiæ confecerat; postea verò anno 1531. ut ex præfatione Paramiri, Sangalli scripta, apparet, vixerit; anno 1535. in thermis Piperinis, ut ex libro de ijs scripto tom. I. pag. 1116. videre est; Chirurgiæ magnæ dedicationem anno 1536. Augustæ scripserit; anno 1537. Villaci vixerit, ut ex libris de natura rerum videre est; anno 1538. in Carinthia, ut ex Chronico Carinthiæ & defensionibus videre est; atque ita ab anno ætatis 30. usque ad annum 1541. in Helvetia, *Paracelsus* Alsatia, Carinthia, Austria, Moravia, Suevia & vicinis locis vixerit, & tandem Salisburgi 1541. ætatis 47. mortuus fuerit: necesse est, ut ante 30. ætatis annum 10. illos annos (si modò unquam in Arabia fuit) in Arabia transigerit; atque ita non multò post annum ætatis 20. in eam profectus sit. Quod si verum est, *quo anno mortuus.* quando.

quando ergo reliquum iter per Hispaniam, Lusitaniam, Angliam, Daniam, Sueciam, Litvāniam, Borussia, Poloniam, Ungariam, Transylvaniam, Walachiam, Illyricum, Croatiam, & ut in libro de vita longa habet, Finlandiam, Lapponiam peregit? in quam præterea ætatem multi illi anni incident, quibus Academiæ Germanorum, Italorum, Gallorum perlustravit? quando bellis Venetiano, Danico & Belgico, ut Medicus, interfuit, & innumeras febres & 40. morborum genera curavit, ut in præfatione libri Hospitalis refert?

Et cum animum ad reformandam Medicinam adicere non potuerit, aut certè non debuerit (aliàs valdè temerarium factum fuisset, illud rejicere, quod quale esset, nunquam cognovisset,) nisi prius antiquæ medicinæ falsitatem & imperfectionem cognitam & perspectam habuisset; nisi in Anatomicis & in simplicium medicamentorum cognitione se exercuisset; vulgatam componendi medicamenta rationem vidisset; successum antiquæ medicinæ in curandis morbis animadvertisset: quo ætatis anno ista didicerit, quā diu in Germaniæ, Galliæ & Italiæ Academijs vixerit, tandemq; usitatæ doctrinæ & antiquæ medicinæ pertæsus melioris discendi gratiā longum illud iter suscepit, non ita facile conciliare est. Ut jam de eo nihil dicam, quando Græcam & Latinam linguam, Philosophi-

am,

am, & alia futuro Medico necessaria adminicula didicerit : quæ judicij maturitas & perfectio in ea ætate esse potuerit, ut Medicinæ reformationem suscipere, & se Medicinæ Monarcham nominare valuerit. Inprimis si jungantur ea, quæ habet in Chirurgia, *in fragmento de morbo Gallico p. 649.* non satis constat, quando Medicinam didicerit, cum ibi non discendi, sed Medicinam faciendi causa in Lithuania, Borussia, Belgio se vixisse scribat. Ita enim habet eò loci: *Jam diu inter nos hoc bellum agitur: expellebant me ex Lithuania, Borussia, Polonia: non placebam Belgis, non Universitatibus, non Monachis, non Judæis.* Imò cum omnibus adminiculis ad eruditionem destitutus fuerit, sicut testatur, *in fragmentis tom. 1. p. 131.* suam Bibliothecam non sex paginas continere, & 10. annis se nullum librum legisse: quæritur, quàm paratus ad reformationem Medicinæ accedere potuerit.

*Paracelsi
Bibliotheca.*

Id ergo, si hæc omnia in omnem partem versemus, vero magis consentaneum est, & res ipsa testatur; Eum nullâ linguarum & Philosophiæ cognitione instructum, artem Medicam antiquam, quam nunquam satis cognoverat, reprehendere & reformare cœpisse, & experimentis saltem faciendis intentum fuisse, atque ea de causa tot loca pervagatum fuisse, & Agyrras, Nigromanticos, & id genus alios frequenter consuluisse.

De Paracelsi judicio.

Atque

Paracelsus
linguarum
ignarus.

Atque id satis ejus scripta testantur, in quibus nulla linguarum peritia, nulla antiquæ Philosophiæ cognitio elucet. ex. gr. p. 1122. tom. 2. in interpretatione vocabulorum Synonimicorum, Cicatrizans interpretatur, das da Blasen auffzeucht/ Flammulam, Nanenfusi; atque ipsemet, in *defensione secunda* scribit, se nihil curare, an Apoplexis vel Apoplexia, Paralysis vel Paralyſis, Epilepsia vel Epilentia dicatur, susque deque se habere, an vocabulum sit Græcum, Arabicum vel Algoicum; solum in id se incumbere, ut origines & curationes morborum investiget. Quod etiam in suis scriptis passim observat. *Et de caduco Matricis parag. 4.* Logicam, quæ unica verum à falso discernere docet, Medico contrariam esse, & lumen naturæ impedire scribit. Cujus exemplum si omnes Medici imitarentur, nã! latissimam Barbarici viam aperirent. Imò nec linguæ Germanicæ vel vernaculæ satis peritus fuit. Vix enim puto, exstare aliquem scriptorem Germanicum, qui tam inscitè, ut gravius nihil dicam, Germanicè scripserit.

Paracelsus
Logicam
non tenuit.

Neque video quomodo famæ Paracelsi quem supra omnes mortales extollere cupiunt, fabulosis narrationibus consulatur, qualem continet prologus cujusdam Valentini Antapraſsi Silorani, qui tomo operum primo insertus est, & p. 476. continetur. In eo prologo scribit, quisquis fuit ille Antapraſsus;

Para-

Paracelsum libros suos latina linguâ scripsisse, eosq; in muro quodam occultaſſe, atque inde indicio ſamulorum surreptos eſſe, quos cum ipſe natus eſſet, imprimendos dediſſe latinis, hinc in 4. linguas vertiſſe. Quæ omnia fabuloſa ſunt. Conſtat enim jam publicè, inprimis ex editione Joh. Huſeri, qui minutiffima quæque Paraceliſcripta conquiſiuit, Paracelſum pleraque Germanicè ſcripſiſſe, & ex ijs poſtea non pauca ab alijs in latinum converſa fuiſſe. Quod verò Cyperinus vel Cyprianus Flænus, ut addit, in Italicam & Gallicam linguam, Bebeus Rambus in Græcam converterit, itidem fabuloſum; cum nemo hominum iſtas verſiones unquam viderit. Eandem fidem mereatur, quod idem ſcribit, quod Athenienſes (quales verò viri docti jam Athenis vivât, notum) deſtructorem omnis erroris & magiſtrum veritatis; Hebrai alterum Rabbi Moſen; Monſpelienſes (quos tamen nunquam doctrinam Paraceliſi amplexos eſſe, tam notum eſt, quàm quod notiffimum) alterum Hippocratem & novum Æſculapium; Græci Monarcham perpetuum nominarint; quod Alexander Perſeus (ſed quis ille?) in quadam epiſtola (ſed quænam illa?) ſcripſerit, Paracelſo eruditione æqualem nullum hominem natum eſſe; quod Puteus Benezevel (& quis iſte?) putarit Paraceliſi doctrinam eſſe naturale Evangelium; quod in Medicina ſcripſiſſe eum 53. & in Philoſophia 235. libros referat Sabaus Dacus; quod Tarbuetus Ariſtotelem.

Para-

Paracelso comparatum dixerit esse instar carbonum extingtorum ad accensam lucernam. Talibus scilicet fabulis ad amplificandam Paracelsi famam opus est.

*Paracelsi
eruditio.*

Verum quàm eruditus Paracelsus fuerit, infra demonstrabitur, ubi de dogmatibus ejus in specie agemus : hoc saltem hic addimus; assentire nos Crollio non posse, qui, in *Prefat. admonit.* scribit : *neminem adhuc Paracelsi peritiam attingere, ne dum superare potuisse, ut qui supra, quam credi possit, omnium scientiarum divinarum & humanarum absolutam habuerit cognitionem, & de origine magnorum incurabilium morborum à temporibus Noa solus ea scripserit, quæ superiorum ætatum Medicorum nulli ne per somnium in mentem venerint.* Fidem majorem habemus sacris literis & D E O, qui de Salomone, 3. Reg. 3. v. 12. testatur : *Ecce feci tibi secundum sermones tuos, & dedi tibi cor sapiens & intelligens in tantum, ut nullus ante te similis tui fuerit, nec post te surrecturus sit.* Ideoq; Paracelsum Salomoni non æquiparamus, nec eum omnium scientiarum divinarum & humanarum absolutam cognitionem habuisse, persuaderi possumus. Si enim tam sapiens fuit, cur vitæ suæ modum habere non potuit? Nam qui proficit in literis, & deficit in moribus, plus deficit, quàm proficit: etiam in trivio inculcatur. Et cum initium sapientiæ timor Domini sit, eum ne omnium mortalium sapientissimum fuisse credamus, quem Oporinus toto,

quo

quo cum ipso vixit, biennio orare nunquam audivit nec vidit; & qui sacra Ecclesiæ non curavit? Et qui vel precibus vel sacris alijs vacare potuit, qui totis diebus & noctibus ebriari & crapulæ deditus fuit, & vix unam atque alteram horam sobrius reperiri potuit? Monet quidem ipse Paracelsus, in *Labyrinth. Med. Errant.* ex Apostolo, ut, qui sapientiam desiderat, eam quærat apud Deum, & scribit, quod prima institutio, & inquisitio hujus Medicinæ sit, quærere regnū Dei: Sed an ipse hoc fecerit, ea, quæ hætenus dicta sunt, perpendenti manifestum evadit.

Et quod absolutam omnium divinorum & humanorū cognitionem non habuerit, absurda quædam, imò impia ejus dogmata testantur. Nam quis sanæ mentis credat, ea vera esse, quæ infra ex libris Meteor. afferem? quis nisi a mens sibi persuaderi patiatur, quod, *lib. Meteor. c. 3.* scribit; Noctem nō ex absentia Solis, sed ex ortu stellarum nocturnarum, quarum fructus sunt tenebræ, provenire? quis credat; stellas quasdam habere se instar cucurbitarum & phiolarum, & suis concavitatibus cōtinere Salem, Sulphur, & Mercurium, atque inde per operationem ætherei Vulcani per emunctoria ventos emittere, non secus, ut cum flatus in corpore humano generantur, & per inferiore gutturem, seu, ut ipse Paracelsus loquitur, dum homo affellat, excernuntur? Ejusdem absurditatis est, quod, *eod. lib. c. 6.* statuit: pluvias non

F

gene-

Paracelsi
absurda
dogmata.

generari è vaporibus è terreno globo in altum sublatis, sed esse quasdam stellas, quarum fructus sint pluviz. In ijs, ceu olla, operari Vulcanum & Archæum, ac tum ex ipsis stellis prodire fumum æthereum seu nubeculâ, quæ postea in pluviam mutetur: ut miram ejus de pluviarû generatione Philosophiam loco alleg. videre est. Ridiculum quoque, quod, *lib. 1. meteor. c. 10.* scribit: Stellas se purgare tum æstivastum hyernas non per fulgura, sed per corpora, quæ excernunt, quæ stellas cadentes vocant: Causa est, inquit, quod alimentum habent in firmamento, quod est elementum, à quo sustentantur. Nihil enim est creatum, quod non quotidiano alimento egeat, ut homo. Ex quo consequitur, ea ex suo elemento edere & cibum capere. Jam quod cibo & potu servatur, excrementa quoque gignit. Aluntur autem igne solo, sicut homo terra, ex qua natus est. Ex igne igitur suam essentiam extrahunt: sicut homo carnem & sanguinem ex terra sumit. Quod transmutari in essentiam nequit, excrementum fit. Non minus est absurdum, quod, *lib. 1. Meteor.* scribit; Irides etiam à suis stellis generari, & quidem ad earum generationem 40. septimanas requiri, & plurimas generari, sed non omnes conspici. Nam requirere Iridum generationem temperatam aeris constitutionem, ideoq; si iridis alicujus generatio incidat in talem temperatam cõstitutionem, absolvi & perfici Iridem; si verò in frigi-

frigidum tempus incidat, à frigore in ipsa generatione destrui; contra in magno æstu exsiccari & comburi. Qualia absurda & ridicula dogmata plurima qui cognoscere cupit, legat libros Meteor. & alios passim, atque inter eos librum de generatione stultorum, in quo non homini hominis generationem tribuit, qui scilicet non plus ad hominis generationem conferat, quàm rusticus, qui triticum seminat ad tritici generationem, sed Vulcano cuidam; in cujus absentia discipuli artis hominem fabricandi nondum satis periti stultum efficiant: atque fabros illos non immortales, sed brevissimæ vitæ statuit. Verum operæ pretium non putamus, nugis talibus & ridiculis & impijs chartas replere. Quanquam nihil tam absurdum aut ridiculum dici potuerit à Paracelso, quod non assidue ejus quasi mysterium admirentur. Non enim hoc genus hominum, quid dicatur, & an cum ratione vel experientia consentiat, attendunt: satis est, si à Paracelso vel Paracelsista profectum sit. Exemplum ejus rei præbet Crollius (ut de alijs jam non dicam) qui, *de signaturis internis rer.* ridiculè planè scribit: *Vitalis Spiritus seu vita in musculis forma refert Animã halecis, ut loquuntur, seu argentum argento vivo super inductum: ubi in sanguine refrixit, evanescit, punctim vel casim vulnerato, ubi in sanguine profluente apparet, sine mora patienti in potu exhibetur, non sine manifesto juvamento.*

*Paracelsi
impia dog-
mata.*

*De homun-
culus.*

*De homini-
bus in novis
insulis.*

*De primo-
rum paren-
tum corpo-
ribus ante
lapsum.*

Ex his ergo satis patet, eum plurima absurda statuisse. An verò impia dogmata nō sparsit, ex his patebit. *Lib. 1. de rerum natural. generatione*, docet, & modum quoque proponit, quo sine patre & matre, artis Chymicæ beneficio, homunculus generetur; atq; hoc secretum maximum esse dicit, quod tamen jam olim Pigmæis & Gigantibus nō incognitum fuerit, ut pote qui talem originem habuerint. Nam ex talibus homunculis, ubi ad virilem ætatem pervenerint, fieri Pigmæos & Gigantes. Atq; tales omnia arcana scire, quæ alij homines ignorant. Nam cum arte vitam & corpus acceperint, artem & scientias ipsas illis connatas esse, nec opus habere, ut eas discant. Quæ de generatione stultorum & eorum fabris scripserit, in peculiari de ea re libro ut modò dictum, legat, qui volet. *Lib. 1. Philosophiæ Sagaci c. 2.* statuit, homines in novis insulis nō esse procreatos ex Adamo nostro primo parente, neq; nobis sanguine conjunctos, sed ab alio quodam Adamo progenitos esse. Cujus notæ sint ea, quæ, in libro *Azoth seu de Ligno & Linea vite*, cuilibet sine affectu judicanti considerandum & judicandum permittimus. Ut alia omittamus, scribit, *ejus libri cap. 2.* Paracelsus, Adamum & Evam ante lapsum non habuisse testes, renes & uterum, & omnino membra genitalia, sed ea post lapsum accepisse, sicut Carinthijs è potu aquæ nivalis strumæ crescunt; imò nec membra nutri-
tioni

tioni dicata, nec dentes habuisse concedit, hominemque post lapsum pro monstro habet, & conceptionem humanam, quæ post lapsum fit, monstrosam appellat. *Ibidem*, Christum non assumpsisse corpus, quale primi parentes habuerint & nos post lapsum habemus, sed corpus suum per Spiritum Sanctum ex cœlesti Aquastro accepisse. Verba Jehovah: *Non est bonum, hominem esse solum, faciamus ei adiutorium*, non de Eva, sed de Christo explicat. Verbum Domini in creatione mundi & Adami latum fuisse in aquis, & aquas fuisse septem Paradisi, & quæ alia de verbo & Spiritu Domini. *p. 530. & seq.* habet. Lapsum primorum parvum & restitutionem hominum in fabula illa de Melosina contineri scribit. Sicut & Fabulam illam Fortunati de lapsu primorum parentum explicat. Suturas capitis, quæ literam T referunt, inverso & contrario modo in fœmina & mare se habere, easque à Diabolo provenire scribit. Johannem Baptistam in deserto summitates arborum tennellas melli silvestri immerxisse & comedisse, verum Angelicè comedisse in ore, non in ventriculo narrat. Neque enim alvum reddidisse. Christum in deserto, postquàm 40. dies jejunasset, esurientem non appetivisse terrenum illum panem, sed poculum, quod cum discipulis in ultima cœna bibiturus fuit, statuit. Adamum in arbore sive creatum esse sive crevisse scribit, sicut anseres illi in Scotia, *pag. 536. & pag. 540.*

De Christi carne.

De Lapsu primorum parentum in fabula Melosina & Fortunati.

De Adamo.

Atque alia de Adamo, Eva, Virgine Maria absurda plurima eodem loci habet, quæ hîc recensere operæ pretium non est.

*Paracelsi
de Mose ju-
dicium.*

Neque ista, quasi ex Mose hausta sint, paliare potest; cum talia in Mose non existent: Mose etiâ in physicis parùm & vix plusquam Galenus tribuat. Ita enim de eo scribit, *in fine allegati libri*: Moses donum intelligentiæ particulariter habuit, nō totum. Nihil enim scribit de proprietate, qualitate, prima materia limbi æterni & limbi Elementorum, sed saltem de materia terræ, è qua homo; & tamen saltem una parte: trium partium, Aeris, Aquæ, Ignis non facit mentionem. Non enim Moses fuit Physicus, sed à Deo vocatus, ut esset Dux sui populi. Ideoq; ejus descriptio Laicis planè obscura est: Et Physicus valdè infirmis fundamentis niteretur, si textui Mosis sine explicatione fidem haberet, imò rem ridiculam ageret.

*Paracelsus
nobis crea-
turas intro-
ducit.*

Hic meritò quæritur, si neque ex sacris literis suam de creatione mûdi & lapsu primorum parentum & mundi systemate sententiâ hausit, neque eam ullibi rationibus vel experientiâ probavit, unde eam acceperit? atque imprimis unde illa opinionum portenta de Melosinis, Diemeis, Durdalibus, Neufarenis, Lorindis, Nesdëris, Gnomis, Lamijs, Nymphis, Syrenibus, quæ *lib. 1. de Philos. ad Atheniens. t. 13. & alibi proponit*, hauserit.

Non

Non meliora habet in alijs libris. *Libro de Caducis parag. 3.* scribit; Adamum cognitionem, artes & lumen naturæ in Paradiso non habuisse; sed dum expelleretur è Paradiso accepisse. *In libro principiorum, seu de mysterijs vermium, cap. 1. tom. 1. p. 1088.* scribit; Adamum ante lapsum lucis naturæ expertem fuisse, nec creaturarum Dei noticiam habuisse; summè verò peritum in luce naturæ evasisse post lapsum, ejusq; divina providentiâ, causam & quasi magistrâ fuisse serpentem: Deumque altiora & majora secreta serpenti in creatione, quàm ulli animali vel viventi creaturæ concessisse. Ideoq; non immeritò lapsum per serpentem accidisse. Deum enim benè novisse, quod serpens habitaverit ad arborē, quam tam severè prohibebat. *Eodem in libro c. 2. Te-* Paracelsus
laudat
Magos.
chellum illum infamem Magum valdè laudat, & à malè feriatīs sophistis (Aristotelicos & Galenicōs intelligit) libros ejus malè suppressos, & vulgo è manibus ereptos esse scribit. *In Philos. sagaci lib. 2. c. 3.* scribit: Mariam nō ex Adamo fuisse, sed ex Abrahâ; nō ex carne Adæ, sed ex carne promissionis. Atq; ita nec Christum ex Adamo carnē assumisse cōcedit.

Mira quoq; de morte & resurrectione mortuorum habet. *Philosophia Sagacis, lib. 2. cap. 1.* Paracelsus
de resurre-
p. 432. in fine, dicit, Deum mortem creasse. *Partione mor-*
ginâ seq. explicans locum Jobi, *In carne mea* tuum.
videbo Deum meum, duō genera carnis in terra constituit, unum ex Adamo, alterum

ex nova nativitate per Christum. Caro, inquit, ex Adamo Deum non videt, Caro verò ex nova nativitate per Christum Deum videt. Et cap. 3. Caro & sanguis ex Adamo in regnum cœli non ingrediuntur. Nihil enim cœlum ingreditur, nisi quod ex cœlo est. Caro autem Adami est ex terra. Ergo cœlum non ingreditur, sed in terram revertitur. Est enim mortalis. Nihil verò mortale cœlum ingreditur. Caro non prodest quidquam. Ergo non venit in cœlum. Est plena omnium vitiorum, nec purificari aut glorificari potest, sed opus est, ut tota ab homine separetur, quod in morte accidit, qua tollit carnem ab homine. Sed quia homo carne ab Angelis differt, Christus ipsi novam carnem dedit, & carnem illam Filius condidit; & Filius creatura cœlum ingreditur, Patris non item respectu carnis. Et in seq. satis clarè innuit carnem à Christo assumptam non esse carnem Adami, neque virginem Mariam ex carne & semine Adami esse. Et c. 2. expressè scribit: Ex Adamicæ carne Christum natum esse, non aliter accipiendum esse, quàm quod dici potest, de eo, quod in vas aliquod infunditur. Hoc enim dicitur ex vase quidem esse, sed non de vase. Spiritum item mundi Filium Dei conspicuū nominat: Quam tamē impietate Paracelsi laudat Crollius, & in Prasat. p. 45. scribit; unicum

De carne
Christi.

unicum Paracelsum Mosaicæ & viventis Philosophiæ discipulum Verbum incarnatum in creaturis reperisse ; cum tamen sacræ literæ Verbum Dei conspicuum & Verbum incarnatum nullum aliud admittant, præter Filium Dei in humanitate patefactum. Ac plura ejusmodi *citato c. 2. & 3.* legi possunt : quæ omnia talia sunt, ut faciliè evincant, falsissimè à Crollio scriptum esse, Paracelsum absolutam divinarum & humanarum rerum habuisse scientiam. Rectiùs Quercetanus, in *responsione ad Aubertum*, scribit : *Paracelsum quod attinet, mihi nequaquam proposui ipsius Theologia patrocinium suscipere, neque ipsi in omnibus adstipulari unquam cogitavi,*

Neque hæc aliquam interpretationem admittunt, quod scilicet idem dicat, quod Paulus *1. Cor. 15.* carnem & sanguinem non posse hæreditatem cœli habere, id est, carnem, quam ex Adamo accepimus, non posse ad hæreditatem cœlestem admitti, antequam supernè sit regenerata. Expresse enim scribit, corpus mortale nullo modo glorificari posse, sed in morte totum ab homine separari. Paulus verò, *loco alleg. v. 53.* scribit, *οὐκ ἐν δυνάμει ἀφθαρσίας, καὶ τὸ θνητὸν οὐκ ἐν δυνάμει ἀθανάτου.* Ita licet Dornæus, in *admonitione ad Erastum*, scribat, Paracelsum saltem de Virginis Mariæ regeneratione locutum esse, quo modo scilicet, *Joh. 1.* dicitur, Filios Dei non ex sanguinibus, neque ex

voluntate carnis, neque ex voluntate Viri, sed ex Deo nasci: tamen si diligenter loca allegata inspiciamus, ista explicatio admitti non potest. Si enim hoc semel tantum dixisset, facile in bonum sensum trahi posset: Verum toties expressè affirmat, hominem habere duo corpora, mortale seu terrenum ex Adamo, alterum cœleste; ejusq; mentem non esse terrenum hoc corpus regenerari & immortale fieri, quilibet candidus lector faciliè animadvertet.

*Paracelsi
blasphemia.*

Verum plura de his, cum ad Medicinam non pertineant, non addo: Prudenti sat dictum. Qui plura hac de re cognoscere cupit, legat Erastum, *disp. 1. contra Paracelsum p. 244.* & seqq. aliquot. & ibid. p. 24. Ubi septem horrendarum blasphemiarum reum peragit Paracelsum. Primò quod fingat cum Ario & Photino, Verbum, quo Deus creavit universa, aliam à Deo essentiam habere, creatum esse & corruptioni adeoq; Dei judicio obnoxium. Deinde quod ponat plures Deos tales, per quos summus Deus hunc mundum architectatus fuerit. Tertiò quod neget palàm Christum esse creatorem, dum eum facit separatorem, & quidem sociis ei additis pluribus. Quartò quod neget Adamum creatum fuisse à Deo perfectum in principio, sed consummatum ipsum asserat, *in lib. de vermibus* ab esu pomi, hoc est, Diabolo, qui per pomum omnem suam sapientiam in hominem transfuderit.

Quintò

Quintò quod contendat hominem non fuisse cum libertate voluntatis creatum, sed cogi à creatoribꝫ illis ad mala & scelera. Sextò quod adimat Christo potestatem judicandi. Demùm quod faciat Christum peccatorem, quique nobiscum cogatur expectare sententiam Dei in extremo judicio. Videatur etiam Conradi Gesneri epist. l. lib. i.

Quales autem in rebus physicis & medicis ejus opiniones sint, paulò post videbimus. Jam quid in Chymicis & curando præstiterit, quæ laus ejus præcipua est, & ob quod tantam famam adeptus est, paucis dispiciamus. Et principiò quod transmutationem metallorum attinet, in ea Paracelsum aliquid præstitisse, negandum non est. De eo enim, in epistola, Oporinus ita scribit: *Pecunia erat prodigus profusus, & eam ita sæpè destitutus, ut ne obulum quidem ei superesse sciret. Crastino statim rursus crumenam bene instructam se habere ostendebat, ut non raro admiratus fuerim; unde ei fuisset suppeditata.* Deinde aurum fecisse Paracelsum ex Plumbo & argento vivo Michael Neander testes producit in sua Geographia tum publicos, tum privatum quendam Franciscum, cujus etiam epistolam affert, quam & And. Libavius, libro 2. defensionis Alchymie transmutatoria contra Guibertum, inseruit. In ea ille Franciscus, annorū tunc 72. pietate, doctrinā & opibus dignitateq; in Bohemia præstās, qui adolescens per semestre Basileæ cum

Paracelsus in medendo qualis.

Paracelsus aurum com fecit.

Para-

Paracelso familiariter vixerat, scribit: Jussisse aliquando Paracelsum pecuniâ destitutum, dato floreno Rhenano, ut ex Pharmacopolio libram Mercurij peteret. Quo allato Paracelsum quatuor lateres in foco composuisse, Mercurium in catinum injecisse, ignemque excitasse. Postea cum inciperet Mercurius fumare, dedisse Francisco huic globulum, ac jussisse, ut pyragra prehensum parumper in Mercurium demergeret, donec liquesceret. Hinc aucto igne utrumq; in hypocaustum rediisse, reverlosq; post dimidiam horam aurum in catino invenisse. Hinc catino fracto jussisse Paracelsum, ut Franciscus aurum istud ad Aurifabrum, qui habitabat super Pharmacopolium, deferret, & pecunia permutaret. Aurifabrum pondere cognito ad stateram (erat aut libræ minus semuncia) crumenam ex serico plenam aureis Rhenensibus detulisse, & Paracelso misisse. Medicamen autem, quod in catinum immergebat Franciscus, erat globulus mediocris avellanæ instar, inclusus ceræ rubræ signatoris. Quæ res autem intus fuerit, se ignorare scribit iste Franciscus, & quare id præstiterit, & an illam Medicinam ipse præparaverit, an aliunde acceperit, non satis liquet. Ewaldus Vogelius Belga in *præfat. in librum de Lapidis Physici conditionibus* ita de Paracelso scribit: *Paracelsus fortè æquo jactantior solus est, qui veterem processum inventionibus suis se prægressum gloriatur, & paucissi-*

mis verbis, ijsq; obscurissimis & supra modum
ambiguis intentionem divinari magis, quàm co-
gnosci maluerit. Et paulò post: Quin imò asseve-
rare ausim, Paracelso Philosophorum lapidem
nunquam innotuisse, eumq; nec Raimundi Lullij,
nec aliorum hujus artis doctorum scripta intelle-
xisse. Quod meum judicium præter rationes cer-
tas, quibus ut id credam, adducor, confirmavit
epistola quapiam sua mihi vir illustri genere na-
tus, cujus Pater Paracelsum familiariter nove-
rit. Et videtur hoc probabile. Si enim lapidem
Philosophorum habuisset, & quoties liberet,
tingere potuisset, non ita invehetur, *tom. 1.
p. 132.* in Philippum Marchionem Badensem,
eumq; ingratitude ob mercedem pactam
non solutam tam acerbè non accusaret.

Quantum verò ad medicamenta Chy-
mica, multa eum ex tenebris in lucem produ-
xisse etiam negandum non est. Utinam sine
invidia id præstitisset, & qualia accepisset,
bonâ fide nobis communicasset. Nam dum
antiquos omnes etiam Chymicos præ se con-
temnit, se valdè suspectum reddit. Ego qui-
dem, ne iniquior in ipsum esse videar, hic eum
non accusabo: illud tamen tacere non pos-
sum, quod Bernhardus Penottus, inter Chy-
micos hujus seculi non ignotus, de eo scribit,
in fine libelli de denario Medico, Si, inquit, exta-
rent Joh. Isaaci Hollandi opera, & in lucem mit-
terentur, Paracelsi opera sepelirentur. Hic ipse
Isaacus Hollandus ille est, de quo Paracelsus va-
sicina-

Paracelsi
medicamē-
ta Chymica.

vicinatus est dicens: Et veniet post me Elias Artista, qui abdita rerum patefaciet. Prævidebat Paracelsus Isaaci opera tandem fore manifesta, & perventura ad manus doctissimorum virorum. Et post: Cum incidissem in Isaaci librum de opere vegetabili, reperi de verbo ad verbum doctrinam de tribus principijs, & de separatione quatuor Elementorum ab eo desumptam. Unde constat, illum præcipua sua opera suffuratum fuisse, atq; hinc inde expiscatum; ut de gradationibus Medicinarum ab Arnoldo; Archidoxa, à Raimundo Lullio ex sua arte operativa; de arcanis à Rupe-cissa; nihil prorsus à seipso, præter quàm convitia & maledicta: à Trithemio varia. Si quis attentè Arnoldum legerit & Raimundum in arte operativa, animadvertet Paracelsum istorum virorum truncasse, & sibi vendicasse scripta. Legite Lanfrancum; animadvertetis Paracelsum ab eo suam Chirurgiam desumpsisse. Cur non citat Arnoldum c. de Paralyti, de Galbaneto suo descripto lib. de morbis Tartareis? Hac Penottus. Quibus etsi per omnia fidem non habeam; & Paracelsi scripta autoribus istis collata non ubique respondeant: omnia tamen non sunt de nihilo, ut allegatos auctores legenti patet. Et Joh. Crato, ad Erasum, ut videre est, part. 4. disp. Eras. contra Paracelsum, ita scribit: Remedia, quibus aliquando usus esse dicitur, non illius esse, ex eo certus sum, quod librum vidi ante 200. fere annos à Monacho quodam Ulma scriptum, in quo

quo eadem medicamenta, qua ille frustulatim nunc in has nunc illas chartas sparsit, perspicue scripta erant. Et Andernacus Chymiae studiosissimus, tom. 2. p. 651. scribit: Fateor sanè Theophrastum Paracelsum insignem Chymiae Magistrum praecleara multa in suis libris prodidisse: sed contra hoc dolendum censeo, quod non pauca vana & falsa ijs miscuit; ne dicam, quod optima quaeque sic obscuravit, ut nemo vel pauci certè fructum aliquem ex illorum lectione percipere possint.

Quantum verò ipse ægros curando *Paracelsus* præstiterit, non eadem omnium est sententia. In Epitaphio ipsi tribuitur, quod dira *quos morbos curaverit.* illa vulnera, Leporam, Podagram, Hydropisin, aliaq; insanabilia corporis contagia mirificâ arte sustulerit. Et Oporinus, *in epistola*, ipsi mirabilem faciendi medicinam, in omni morborum genere promptitudinein & felicitatem tribuit, & quod in ulceribus etiam deploratissimis miracula ediderit, nullâque ratione victus præscripta aut observata, sed cum patientibus suis dies & noctes potando eos pleno, ut solebat dicere, ventre curarit. Ac Franciscus ille, *in Epistola nuper allegata*, scribit; quod cum mulier quædam eum accessisset, virum suum graviter decumbere conquerens, adeò, ut metueret, ne instantē nocte decederet, responderit: Vir tuus cras tecum

tecum prandeat & convalescet, idque præstiterit propinato pulvere quodam albo in calido vino ad sudorem: quod Leprosos, Hydropicos, Epilepticos, Podagricos, morbo venereo infectos sanarit.

Quibz medicamentis Paracelsus usus fuerit.

Quibus autem medicamentis usus fuerit, si quaeratur, ipse quidem, *lib. de Tinctur. Physicorum c. 7.* scribit: Se tincturâ Philosophicâ curasse morbum Gallicum, Lepram, Hydropem, dolores Colicos, Apoplexiam, Esthiomenon, Cancros, Fistulas, omniâq; mala interna. Fides sit penes auctorem. Alij pleriq; Mercurialibus medicinis ipsum usum esse existimant. Franciscus ille, *in Epistola*, pulverem Hydroticum, quo virum illum citò curavit, album fuisse refert. Oporinus testatur, ipsum pulverem præcipitati Theriaca aut Mithridatio aut Ceraforū vel Botrorum succo in pilulas redactō in omni morborum genere ad purgandum usum fuisse; Laudano, quod forma pilularum parvarum impari semper numero extremâ tantum morborum difficultate tanquam sacram medicinam exhibuit, ita gloriatum fuisse, ut non dubitavit affirmare, ejus solius usu se ē mortuis viros reddere posse, idq; aliquoties, dum apud ipsum fuit, re ipsâ declarasse. Refert quoq; Thomas Erasmus, *parte 4. diss. advers. Paracel. p. 301.* Medicum quendam doctum & Chymicæ peritissimum, & qui omnem diligentiam adhibuerit, ut posset verum à falso hac in parte discernere,

nere, postquam Chirurgiam Paracelsi legis-
 set, iudicasse Paracelsum omnes morbos solo
 Mercurio sublimato & calcinato curare vo-
 luisse, ac ne id animadverteretur, varijs nomi-
 nibus appellasse. Et omnino medicamenta
 violenta fuerint necesse est, si verum est, quod
 quod Eraſtus, *disp. contra Paracel. part. 3. p. 211.*
 scribit: *Qui Paracelsum, inquit, familiariter*
noverunt, & quantum in medendo præstiterit,
cum iudicio animadverterunt: curationis ei ulce-
rum malignorum & difficilium laudem non dene-
gant, at aliorum morborum curationem non con-
cedunt. Vivunt hodie Basilea viri doctrinâ &
 prudentiâ ornatisſimi, qui nihil verentur affir-
 mare, omnes intra anni spaciū interijſſe, qui-
 cunque ejus medicamenta venenosa intra corpus
 sumſiſſent. Frobenium viſus est primū curaviſſe,
 sicut alios quosdam etiam: sed res postmodum E-
 naſmum aliosq; docuit, quā periculoso curatio-
 nis genere uti ſolitus fuerit. Usurpant enim phar-
 maca isti homines illis prædicta viribus, quibus
 magna violentiâ cogunt naturam, vitiosos homi-
 nes exturbare, sed interim ita vires debilitant, &
 tam maligna poſt ſe venenata ſue conditionis ve-
 ſtigia relinquunt, ut nec illa ſe recolligere, nec
 impreſſas veneni reliquias abſtergere poſſit. Et,
parte 4. p. 253. teſtem hujus rei citat Theodo-
 rum Zwingerum, qui, in præſatione, quā libris
Santis Ardoyni de venenis præfixit, ita ſcribat:
Multi, quibus pharmaco hoc ſuo benediſto (Lau-
danum intelligit) dolorem omnem exemerat, non

multò post per caloris nativi suffocationem & extinctionem interierunt. Vivunt etiamnum viri dignitate, virtute, pietate & doctrinâ præstantes, qui ad unum omnes intra anni spacium diem suum obiisse affirmant, quicunque Basileæ pharmaca Paracelsi intra corpus sumssissent. Unde etiam Oporinus, in Epistola: Internorum verò affectuum curationem sic administravit, ut nullo in loco ultra anni spacium herere potuerit, quod ipse dicere solitus sit, anno amplius non posse suas artes in uno loco durare. Nimirum in violentorum istorum remediorum usurpatione, id usu venire solet, quod illis accidit, qui ad fructuum maturationem arborum radicibus calcem admovent, qua fructus quidem citius maturantur, sed arbor perditur.

*Paracelsus
Chirurgus.*

Sunt ergo non pauci, qui, ut ex Erasmo dictum, ei ulcerum difficilium curationis laudem non adimunt: tanta tamen in alijs morbis, Hydrope, Podagra, Lepra, Epilepsia & similibus curandis præstitisse, quanta vulgò de eo prædicantur, non concedunt, multò minus quod omnes morbos curare potuerit; idq; nō obscuris documentis probant. Primò enim affert Erasmus, *part. 3. diss. contra Paracel.* Domini Doctoris Marci Recklau, Illustriissimorū Principum, Elector. & Palatini Rheni Domini Ottonis Henrici & Domini Friderici testis oculati Epistolam, in qua, præter alia etiam, hæc scribit ad Erasum: *Cum inter sermones tuosire cum (Paracelsus) ex catarrho animad-*

*Historia
curationum*

vertis-

vertissem, ac virum Medicum affectus tales dede- *Paracelsi*
cere obiter dixissem, sublato poculo; Nisi hoc esset, *carni felt-*
vinum digito monstrans, respondit. Et postea: *cium.*

Verbum ex eo latinum extorquere nullum potui.

Et mox: Monaci ab aulicis deductum ad virum
nobilitate insignem cognomento Monachum, qui
tunc Ducis Bojarie culina prefectus erat, illum
sum Ducis Medici, Doctor Pantaleon & D. Ale-
xander Carteuserus haud infeliciter decocto li-
gni curabant, ut manifestè jam inclinaret mor-
bus. At his dimissis tota curatio Theophrasto com-
mendatur. Eo in curam recepto, mox unguento
ex hydrargyro (quod ei Johannes Voigt Schola
Paracelsica discipulus Augusta tum habitans,
mibi probè notus concinnaverat) persanare ten-
tavit. Verum Paracelsus cum agrum jam morti
proximum videret, pridie quam moreretur, Mo-
naco clam summo mane profugiens in Austriam
descendit.

Opera pretium etiam fuerit, quia in o-
mnium manibus non est Epistolam Medici
Clarissimi Joh. Cratonis trium Imperatorum
Romanorum Archiatri, quam ad Thomam
Erastum scripsit, ex 4. disp. contra Paracel. parte,
afferre. Ita autem ille: Die 25. Maij ad 1570.
cum Praga in cubiculo Caesaris convenissent Me-
dici, videlicet Doctor Julius Alexandrinus, Ego
& Nicolaus Biesius, accessit nos Gentrosus Baro
Dominus Bertoldus à Leippa, Marschallus Regni
Bojemie, Cesar. Majestatis Consiliarius & Came-
rarius, ac cum de Medicis sermo esset, agebat:

*Paracelsum, cum primò de ipso esset pervulgatum, posse ipsum curare Podagricos, à parente suo, Domino Jonahne à Leippa, Marefchallo regni Bojemie, maximis sumtibus ex Helvetia evocatum. Laborasse autem Dn. Johannem per interval-
la, neg, unquam diu lecto affixum fuisse. Hæsisse autem Paracelsum ferè per biennium Cromavia, & varia medicamenta adhibuisse, & parentem suum planè arthriticum reddidisse. Dominum Bertoldum etiam, cui leviter oculus affectus fue-
rat, ita curavisse, ut ne nunc quidem eo oculo vi-
deat. Accersitum tum ad nobilem inprimis fami-
nam, conjugem Domini Baronis, Johannis à Ze-
rotin, filiam generosi Domini à Bernstein, quæ
neg, valde egrotavit, cum ventris tormina habe-
ret, neg, Epileptica unquam fuit. Huic verò cum
Paracelsus quædam medicamenta dedisset, Epilep-
sia correptam fuisse, & supra 20. paroxysmos
passam eodem die expirasse. Paracelsum rever-
sum Cromaviam convassasse quædam, & in Unga-
riam profugisse: parentem etiam non multo post
doloribus summis confectum vitam cum morte
commutasse. Et mox addit; Imperatorem,
quem à maledicentia & falsitate alienissimum
fuisse, sciunt omnes boni, Paracelsum mendacis-
simum & impudentissimum impostorem, qui cum
doctis hominibus nunquam conversari voluerit,
nominasse. Et tandem: Audivi etiam ab ijs,
quibus in Pannonia & Austria notus fuit, per-
paucos & nullos ferè eum curasse.*

Et

Et in specie quosdam morbos quod attinet, eam, quæ illi tribuitur à quibusdam, laudem desperatorum morborum curatorum alij non concedunt. Nam in Podagra quid effecerit, ex epistola Cratonis modò allegata apparet. Quantum ad Leporam, non jam dicam de eo, quod Palmarius & alij quidam ei obijciunt, eum scabiem aliquam fædiorè pro Lepra habuisse: illud dubium negotium reddidit hoc, quod, *Philosophiæ Sagacis*, l. 2. c. 8. scribit: *Sunt quidam morbi, qui non sunt à natura, ut Lepra & omnes ejus species. Qui has curare cupit, querat remedia non in natura, sed in cælo. Ibi enim potestas hæc sita est.* Etsi verò aliquis hic pro Paracelso respondere posset, licet per media naturalia non curari possit lepra: (quod suo loco relinquimus) per medicinam cœlestem adeptam, quam vocat, curatam fuisse à Paracelso: tamen in contrarium militat, quod, *lib. 6. Paragrapborum cap. 8.* in curatione lepræ nullius medicinæ cœlestis, sed naturalis mentionem facit, Auri scilicet & Argenti. Dubios etiam nonnullos reddit id, quod in remedijs ad Epilepsiam tam varius est. Nunc enim curationem Epilepsiæ pollicetur per Helleborum nigrum, nunc per Antimonium, nunc per liquorem Auri, nunc per Corallorum tincturam, nunc Vitriolum, nunc sanguinem humanum præparatum, nunc cranium humanum. Putantq; Paracelsum hinc inde accepta remedia promiscuè memoriæ

An Paracelsus desperatos morbos curaverit.

*Paracelsi
mors.*

gratiâ in chartam coniecisse, ut successu temporis occasione oblatâ singulorum periculum faceret: nescivisse tamen, cui præ reliquis fideret. Atque cum hoc consentire videtur ipsa Paracelsi vitæ ratio, quæ talis fuit, ut tam insignem in tot desperatis affectibus peritiam habere non potuerit. Et quomodo illi omnium morborum curatio adscribi potest, qui se ipsum curare non potuit, sed non solum diu ante mortem convulsus contractusq; vixit; verum etiam vitam, quam alijs longam pollicitus est, ultra annum 47. producere non potuit. Nam nullius momenti est, quod Crollius scribit, ipsum veneno adversariorum sublatû, qui diu per naturam & artem suam vivere potuisset. De fide enim istius Relationis, quæ nullo teste nititur, non satis constat: & probabilius est, eum mortem præmaturam sibi crapulâ & ebrietate attraxisse. Sit verò, quod veneno perierit: certè universalis medicinae laudem ea non meretur, quæ venenis resistere nequeat. Neque venena inter casus violentos, à quibus nulla Medicina præservare potest, simpliciter referri possunt: cum remedia dentur, quæ & à venenis præservant & liberant: ac meritò illa universalis Medicina, si eam habuit, ab omni veneno Paracelsum præservare & liberare debuit.

Quæ

Quæ omnia, ut hoc caput concludamus, *De Paracel-*
quæ hætenus in partem utramque prolata *so judicium.*
sunt, diligentius & sine præjudicio si pen-
temus, aliter judicare non possumus, quàm
Paracelso ingenium atque animi impetum
non defuisse, & si cum talibus ingenij do-
tibus linguarum, Philosophiæ, & Hippo-
craticæ ac Galenicæ Medicinæ solidam co-
gnitionem sibi comparare, & hæc demùm
cum Chymicis conferre voluisset, rem Me-
dicinæ utilem præstare, & magnum inter
Philosophos & Medicos nomen sibi compa-
rare potuisset. Verum neglecto linguarum
studio & accuratiore Philosophiæ cogniti-
one, ipsum, salebris quibusdam & sentibus,
quæ eo seculo in Medicina occurrebant, of-
fensum, novam planè viam quæsiuisse;
quæ proprio impetu & ductu invenerat vel
in Chymicorum libris legerat, multò latius,
quàm res ipsa pateretur, dilataste, & suo
tantùm ingenio ac viribus fretum antiqua
omnia & artem medicam antiquam, quam
nunquam satis cognoverat, subvertere co-
natum esse, & tamen quibus rationibus sua
firmaret vel aliena destrueret, parùm sollici-
tum fuisse. Cum enim vel libros aliquot ra-
tiores Chymicos vel præceptores nactus, ali-
qua medicaméta Chymica efficaciora cogno-
visset, eorum fiduciâ veterem medicinâ sper-

nere, & satis impudenter sibi Monarchiam Medicinæ & omnium artium arrogare cœpit. Et cum ex Chymicorum, qui ipsum antecesserant, & Magorum libris & conversatione quasdam opiniones hausisset, reliquos verò libros negligeret, & per integrum decennium alium nullum librum legeret, & suis tantum opinionibus indulgeret: tam absurda in Theologia, Philosophia & Medicina, opiniones, nullis rationibus adductis, sed quasi Dictator & Imperator rei literariæ, promulgavit, & pleraque ita confusè & ineptè scripsit, ut scopæ dissolutæ potius, quàm libri videantur: ut eum vel omni judicio carere, vel amore Paracelsi planè occæcatum esse oporteat, qui *δοξομανίαν* istam monstrosam probare ausit.

Vita Paracelsi dissoluta.

Vita ejus ita dissoluta fuit, ut illum Medicinæ idoneum reformatorè agnoscere, multò minus absolutam rerum divinarum & humanarum ipsi tribuere cognitionem, aut cum Paracelsistis & Weigelianis, Fratrum Rosæ Crucis nomē præ se ferentibus, inter Heroas & ingenia à Deo summè illuminata ad artes imperfectas restituendas, numerare non possimus. Quomodo enim Homo dies noctesque cum rusticis & aurigis computando consumens, manè crapulâ gravatus, vel etiam adhuc ebrius & quasi *πρωφανή*, in medio hypocausto columnæ assistens, manibus capulo ensis (cujus *κοίλωμα* nonnulli

nulli spiritui alicui familiari hospitium præbuisse suspicantur) comprehenso, virorum doctorum sententias abstrusissimas intelligere, refutare, & illis meliora substituere, & mox ad calamum dictare potuit? Ipse toties Galeno & Avicennæ Ethnicismum objecit: an verò ipse Christiano vitam dignam semper egerit, aut Christiano digna docuerit & scripserit, viri docti & candidi judicent.

Felicitatem in curando quod attinet, *Paracelsus* ulcerum difficultum curationem felicem *in curando* omnes ipsi tribuunt: verum in alijs morbis *feliciter* curandis etsi discipuli multum illi tribuant, infelicitum tamen curationum testes fide dignos supra adduximus. Crediderim Mercurialia quædam eum usurpasse medicamenta fortiora, quibus vehementer natura irritata causas morborum, quas alij Medici mitioribus medicamentis tollere non potuerunt, excussit, atque ita aliquos desperatos, sed non sine periculo curavisse. Quod tamen eadem curatio illi non semper feliciter successerit, historiæ testantur. Ut jam non dicam, ipsum multis de Magia suspectum esse. Sed quid suspectum esse dico; cum plurimi, ut supra dictum, id testati sint, & ipse eam & ejus cultores, *Paracelsus de Magia suspectus* Techellum & alios toties laudet, & multos morbos medicamentis naturalibus incurabiles Magia curari posse statuatur; eamque curandi rationem sibi non ignotam esse, non diffiteatur, & vel à Diabolo medicamenta &


beneficia accipere volupe putet. Sed quo jure id faciat, & an Magia illa, quam laudat, naturalis planè & licita sit, suo loco dicetur.

P. Severi-
num.

Addo tandem & illud, sæpè famam facta superare & fidem, & mundum opinionibus regi, atque apud vulgus indoctissimos sæpe agyrta applausum mereri, & doctissimis Medicis præferri, ut exempla ubivis obvia sunt, de quibus jam non dicam. Illud judicij informandi gratiâ non omitto. Quantæ autoritatis apud multos sit P. Severinus quondam Regis Daniæ Medicus, omnibus notum est; qui & ipse in Idæa Medicinæ p. 341. nec Podagras, nec Hydropes, nec Lepras, nec Epilepsias insanabiles esse scribit; de eo tamen Johannes Paludanus Medicus olim Regis Daniæ viduæ, postea urbis Wipurgensis, in Juthia Septentrionali Cimbrorum Medicus, ita ad Henricum Smetium scribit: *Quod inquiris de miraculosa & certa deploratorum & incurabilium alijs affectuum curandorum solertia & successu, quanquam homini docto & apud multos magni habito nihil detrabere volo, ingenuè tamen fateor, famam factis superiorem. Varijs medicamentis ad varios morbos usus est, sed sæpè vehementioribus, in quorum usu hoc per sæpè evenit, quod illis accidere solet, qui ad fructuum maturationem arborum radicibus calcem admovent. Medicamentis Paracelsicis non semper usus est, verum & compositionibus Galenicis sæpe;*
sed

sed extremis morbis extrema adhibebat remedia. Intelligenti satis. At cum morbus Epidemius Hafnia multum faviret, circiter annum 1602. ipse quoque peste extinctus fuit. Ita ipsi Paracelsici suorum medicamentorum, quæ ita prædicant, & vulgatis omnibus præferunt, imperfectionem in seipsis sæpe experiuntur: quod & ipsi Paracellio accidisse supra dictum. Sed de Paracellio satis dogmata jam ejus præcipua videamus & examinemus. Omnia enim examinare velle & difficilis laboris, nec fructuosæ operæ res foret. Nā cum Paracelsus & assecclæ ejus in probandis & confirmandis suis nihil operæ posuerint, sed pro libitu finxerint & sine rationibus proposuerint, quid in ijs examinandis multum operæ locetur? præsertim cum raro unam de una Paracelsus sententiam posuerit: ut quam potiore habuerit, nescias. Fecit tamen maxima ex parte id jam olim Th.

Erastus, qui nihil ferè dogmatum Paracelsi intactum reliquit.



CAPUT

CAPUT V.

DE NOMINIBUS NO-
VIS, ET PRINCIPIIS CO-
GNOSCENDI ET DISCEN-
DI PARACELSICO-
RUM.

*Novi Pa-
racelsi vo-
cabula.*



Principiò autem id non
prætereundum, Sectę hujus pro-
prium esse nominibus ludere,
& nomenclationum novitatē
aliquam sapientiæ laudem captare. Hinc li-
bros suos inscripsit Paracelsus Paragranum,
Paramirum: apud eundem occurrunt sæpe
Ens Pagoycum, Cagastricum, Iliastrum, Ar-
chæus, Relolleum, Cherionium, Evestrum,
Ylech, Trarames, Turban, Lessas, Stanrar, Pe-
renda, Zenda, & sexcenta alia nova & omni-
bus seculis inaudita vocabula; & talia omni-
nò, ut ad quam linguam pertineant, & cujus
originis sint, nemo sectatorum Paracelsi ad-
huc explicare potuerit. Et cum Paracelsus &
sectatores ejus utuntur usitatis vocabulis, ali-
um tamen ferè sensum ijs affingunt: & sym-
bolismis & parabolis perpetuò utuntur; nec
cum Mannam, Essentiam, Ens, Astrum, & alia
plurima nominant, id, quod hætenus apud
Medi-

Medicos & Philosophos per ea intelligitur, sed aliud quidpiam per parabolam aut symbolismum innuunt.

Crollius, ut istam nominum sive novitatem sive barbariem excusaret, in *præfat. pag. 77.* scribit; *Paracelsum expertis stylo magico scripsisse, non vulgo, sed sibi & intelligentibus in Schola magica educatis sapientie filiis, mysteria sua sub vulgaribus & varijs nominib. occultasse.* Thomas Muffetus verò, in *Dialogo Apologetico de medicamentis Chymicis*, scribit: Chymicos consultò & magno jure novis nominibus uti. In novis enim artibus *ἐν νεωτέροις* nullam legem vetare: res sacras prophanis hominibus obscurè tradendas esse; idq; exemplo naturæ, quæ castanæ nucleum non nisi cortice & asperso tegumento abditum offerat. Recentior verò scriptor quidam nec inutilitatis nec obscuritatis nomine ista Paracelsi vocabula nova posse damnari existimat. *Primo* enim inutilia non esse, sed habere ista nova Paracelsi vocabula certum finem; cum res nominibus veris destitutas vocabula ista nova convenienter ob oculos ponant, illustrent, & notiores reddant: deinde obscura non esse, cum res significatas non intricent; idque ideo, quia per Paracelsicorum nominum inventionem non fiat aliorum & verorum terminorum abrogatio: siquidem nulli vulgariter recepti unquam fuerint, qui id, quod

*An iustis
de causis
Paracelsus
nova nomi-
na usurpa-
verit.*

quod Paracelsus per talia nomina denotavit, explicarint & enodarint.

*Sermonis
usus.*

*Orationis
bona clara.*

*Oratio ob-
scura vitio-
sa.*

Verum enim verò cum bonitas cujusq; rei in eo, cujus causa facta est, consistat: sermo verò Dei insigne donum sit, hominibus ob id concessus, ut aliter alteri mentis sensa & cogitationes communicare & interpretari possit: dubium nullum est: illam orationem maximè laudabilem esse, quæ animi sensa clarissimè exprimit, & veluti conspicienda proponit: quæ verò hoc non præstat, sermonis nomen vix mereri; Atque ideò idem esse mihi loqui vel scribere. & loqui vel scribere, quod nemo intelligit: ac vitio & culpa non carere eam orationem, in quam plus laboris & temporis impendendum est, ut verba intelligas, quàm ut res verbis denotatas percipias. Sat enim in hac vitæ brevitate & Naturæ obscuritate rerum est, quibus cognoscendis tempus impendatur, ut obscuris sermonibus intelligendis illud consumere opus non sit. Et proinde rectè dictum putamus à Platone in Gorgia, *ὅς ἂν διὰ τὸν ὀνόματ' εἰδῇ, ἴσεται καὶ τὰ πράγματα*; cognitionem nominum sequitur ipsarum rerum cognitio; & ab Epicteto; *δέχῃ παρὰ δούλους ἢ τῶν ὀνομάτων ὁπίσχεψις*, initium cognitionis est nominum consideratio. Ideoq; secundum Aristotelem 2. Top. c. 2. *ἀμαρτάνουσιν οἱ τῆς ἀλλοτρίοις ὀνόμασι τὰ πράγματα προσαγορεύοντες*. Et Prudentissimè Galenus 3. de simpl. med. facult. c. 12. scribit: *ἢ τῶν ὀνομάτων ἧς ἂν τις ταρῇ*
θεῖται

Θεῶν καὶ τὴν τῶν πραγμάτων διαταράττει γνώ-
σιν. *Conturbatur nominum usus & rerum ipsa-
rum cognitionem conturbat; & 3. de Puls. diffe-
rentijs c. 6. Si nomina propria suppetant, his uti
nos par est; si non, definitione præstat res singulas
explicare, quàm à metaphora nomina mutuari,
siquidem docere instituas, non obtundere. Et, de
viñ. rat. in neut. com. 4. t. 18. ex omnium ho-
minum consensu τὸ μὴ σαφένειαι δεξιῶ
εἶναι τῆς ἐρμηνείας, τὸ δὲ ἀσάφειαν κακίαν
censet. Et egregiè J. C. Scaliger, in lib. 1. de
plantis. Est primum, inquit, Sapientis officium,
benè scribere, ut sibi vivat: proximum benè loqui,
ut patriæ vivat. Quippe quod animal sit jure
sociabile, ne utiquam suos ager conventus im-
pulsu naturæ scriptæ formicarum, apumvè,
aut etiam locustarum more, sed ratione ad-
ductus induet sese in commune jus, patietur-
que ipse, patique alterum jubebit simul.*

Ergò si rebus novis nova nomina cōveni-
enter Paracellus & Paracelsici imposuerunt,
culpandi non sunt. Verum si rebus non novis,
nominib. usu tritis & satis cōvenientibus re-
jectis & spretis, ipsi nova, impropria, inepta &
barbara nomina imposuerūt, excusationē nō
merentur. At posterius in plerisq; verum esse,
statuim9. Quæ enim necessitas adegit P. Seve-
rinū, quem Paracelsici hodiè nō minis, quàm
ipsum Paracellum sequuntur, ut pro rei con-
stitu

*Quando
nova voca-
bula fingere
liceat.*

*Anatomia
Vox apud
P. Severi-
num.*

stitutione vel natura toties, ut in usu hujus vocabuli sibi quodammodo placere videatur, vocabulum *Anatomia* planè ineptè usurparet? Ex. gr. pag. 29. scribit: *In radicali humiditate totius seminis anatomia & potestas* (id est, natura & vis) *viget.* Pag. 38. *Multa in mundana Anatomia dubia & incomprehensa*, id est, multa in rerum natura obscura. Et mortis & morborum *Anatomia*, pag. 193. *In humana Anatomia*, pro, in corpore humano. Pag. 124. *Quæ sanitatis Anatomiam gerere videntur*, id est, Sanitatis speciem habere videntur. Neque tamen istam significationem vocis *Anatomia*, etsi sibi familiarissimam, semper retinet, sed æquivocatione errandi causam præbet, dum interdum hanc vocem pro rei ἀναλύσει & resolutione usurpat; itidem pro rei loco, ut dum, p. 168. dicit, *Semen ad testium Anatomiam*, id est, ad testes, *confluere*.

*Tinctura
vocabulum
apud P.
Severinum.*

Quæ causâ eundem impulit, ut *Tinctura* vocabulo pro rei proprietate, à qua vis agendi fluit, seu ipsa potestate agendi, aut actionum fonte tam improprie, toties tamen & singulis ferè paginis, uteretur? Nam p. 138. dixit: *Alimenta varijs tincturis imbuta*, id est, ut ipse quidem explicat, facultatibus validis prædita. Pag. 150. *Seminalis Tinctura* id est: vis seminalis vel principium Seminale. Pag. 222. *Tincturam morbi*, id est, causam vel principium morbi evanescere. *Ibidem: Tincturas morborum invalidas*, id est, principia morborum

rum

rum in valida. *Pag. 223. Tinctura Pleuritidis*, id est, causæ Pleuritidis. *Pag. 235. Tinctura sub-*
riles & stabiles, id est, causæ morborum sta-

Ita Paracelsus à quo ista hausit Severinus sæpè res antiquas novis nominibus appellat. Sed malè. Nam si *δυνάμεις*, Hippocraticæ & *Charion-um Para-*
Charionia Paracelsi sunt idem, ita interpretan-
 te Severino, *p. 133.* cur non antiquum, usu tri-
 tum & idoneum vocabulum hoc retinuit, &
 hoc quod nemo, cujus originis sit, novit, sub-
 stituit? Si *Rerollaceum* est inefficax, impotens *Relolla-*
 & sterile: cur aliquod antiquorum non reti-
 nuit, & hoc ineptum & barbarum introdu-
 xit? Si Orcus Hippocratis, Nox Orphei, A-
 byssus & Iliadus Paracelsi sunt idem, ita etiam
 interpretante Severino, *pag. 97.* cur non an-
 tiqua ista retinuit, & novum istud & inusita-
 tum usurpavit? Quæ necessitate adductus Pa-
 racelsus vocabulum Archæi introduxit; cum
 si rem diligenter perpendamus, nihil aliud
 istud vocabulum significet, quàm quod in
 Scholis Philosophorum & Medicorum facul-
 tatem & virtutem naturalem, aut, si mavis,
 spiritum naturalem, facultatis naturalis mi-
 nistrum, nominamus. Non sunt certè tanti
 vel Paracelsus vel Severinus ut relictis con-
 suetis, & quibus maximi viri hætenus usi sunt
 nominibus, pro eorum libitu, quod prius hoc
 dixeramus, jam aliud vocemus.

*Chymia rō
opus habet
novo Stylo.*

Nec Chymia nova est, & à Paracellso primum invēta, ut ipsi hæc cura novis rebus nova nomina imponendi incubuerit; sed vocabulis, quæ antiqui Chymici usurparunt, commodè uti potuisset. Neq; Chymia sola tam sacra est, ut illa præ reliquis disciplinis omnib; etiā Sacra Scriptura, peculiari stylo, quo profani à sacris ejus arcerentur, indigeat. Antea satis obscuritatis in natura nobis objectū est: monstrosis nominibus eam augere nullo modo opus est. Cum ergo nullā causam habeant Paracelsici, ut novis istis & obscuris nominibus utantur: forsan ijs ita loqui placuit, ne intelligeretur, atq; hoc modo reconditæ & singularis cujusdam eruditionis & sapiētiae opinionē apud imperitos & rudes sibi compararent; & ne facile ab alijs refutari possent. Si enim verbis clavis & perspicuis ea, quæ novis & fictis vocabulis ac inauditis nominibus Paracelsus, & ampullantibus ac sesquipedalibus verbis Severinus involvit, clarè sine verborum involucris proposita fuissent: non tot admiratores invenissent, sed dogmatum multorum absurditas dudum omnibus innotuisset. Nunc cum ignotis verbis & obscura oratione sua dogmata proponunt, etsi refutentur & reprehendantur, semper hoc obtendere valent; Non satis intellecta fuisse, quæ scripsissent. Ubi verò novis rebus (sepe tamen talibus, quæ in rerum natura non dantur, ut suo loco videbitur) nova nomina imponere libuit, cur non signi-

significantia & emphatica, & ex lingua aliqua nota rectè & secundum analogiam deducta indidit; sed talia finxit, quorum origo & derivatio ex nulla lingua monstrari potest. Quid enim est Ens Pagoycum, Cagastricum? quid Evestrum, quid Nostoch, quid Scafolæ, quid Zonetti, quid similia alia infinita? Nam qui nova & prius inaudita, qualia Paracelsus habet, plurima proponere & persuadere conatur, verborum perspicuitate rerum novarum obscuritatem illustrare debet, non affectatâ nominum obscuritate & monstrosis nomenclationibus rem antea obscuram & suspectam obscuriorem reddere, & ut minus dextrè accipiat & intelligatur, in causa esse.

Quod verò stylum Magicum Crollij attinet, si intelligit ea vocabula, quæ Chymici etiam ante Paracelsum suo consilio suis rebus indiderunt, ut cum metalla Planetarum nomine appellât; cum Aquilæ, Draconis, Leonis & similia nomina rebus metallicis & mineralibus imponunt, aut cum multa vocabula à Metallurgis in suam artem introducunt: id non improbamus; & illa talia esse concedimus, ut facile intelligi & explicari ab initiatis hujus artis possint. Verum an ad hunc stylum omnia à Paracelso conficta, & quæ è nulla lingua derivari rectè possunt vocabula, pertineant, quivis, qui Paracelsum legere cupit, facile animadvertet. Deinde ubi involverè & obscurare

Stylus Magicus.

rem opus non est, istæ parabolicæ locutiones aut ignota vocabula non adhibenda. Ideoque ubi docere animus est rem planè & perspicuè, cur non potius ἐμφυτον θεῖον & calidum innatum, quàm Sulphura appellent, & nominibus usitatis neglectis ad obscurum parabolismum confugiant. Explicare quidem res Physicas & Medicas ex Alchymia licet; interim tamen usitata evertenda non sunt, ac novitates in artibus non necessariæ fugiendæ. Et si ex principijs ipforum omnia denominanda essent, ut jam non amplius dicatur Sanguis, Bilis, Melancholia, sed Sal, Sulphur, Vitriolum vel aliud quid: cur non etiam in alijs rebus nomina usitata abolent, & cur panis, vini, Rhæbarbari, Senæ & similes appellationes retinentur.

*Orationis
ut virtus
perspicuitas.*

Summa ergò hæc est: ἡ συνήθεια, ut Galenus ait, δεῖται τῆς ἐμπνεύσεως, ἥδε ἀσπίφεια κακία, & sermo animi character, & monstruosus sermo monstruosi ingenij index. Ac proinde in antiqua disciplina tropis & inusitatis vocabulis ludere, & consuetudinem artis immutare, imò ad talia artem alligare, vel id tolerari non potest. Retineantur potius appellationes, quas usus comprobavit, quem penes arbitrium & vis & norma loquendi.

*Modus cognoscendi
& discendi
Paracelsorum.*

Verum mittamus ista, & delectari talibus, quibus placent, sinamus: res ipsas jam videamus. Ubi primò de modo cognoscendi occurrit controversia. Nam novum discendi & cognoscen-

gnosendi modum proponere videntur. Etc- ^{Cognoscen-}
nim cum hactenus λόγος & πείρα, Ratio & ^{di princi-}
Experientia omnis cognitionis origo & fun- ^{piā.}
damentum fuerit, & quicquid cum his con-
sentit, pro vero habitum, quicquid dissentit,
rejectum fuerit; & Hippocratis, Aristotelis,
Galenī, & plurimorum aliorum virorum do-
ctorum libri, quia maximam partem cum his
κερμεσίς consentiant, in magno pretio ha-
biti fuerint; Paracelsus & ejus asseclæ, cum pa-
rùm solliciti sint, quomodo cū his κερμεσίς
sua dogmata consentiant, & pleræq; ipsorum
assertiones principium petant, ne sine omni
fundamēto sua proponere videantur, novam
cognoscendi viam comminiscuntur; de qua
tūm alijs, tūm Crollius, in *Præfat. admon.* pro-
lixè differit. *Medicus, inquit p. 3. nasci debet ē*
Lumine Natura & Gratia, ab interno & invisibi-
bili homine, interno Angelo, luce natura.

Jam si quærat, quid sit *Lux natura*, dicit *Lux Natu-*
Crollius, pag. 25. Firmamentum est lumen na- ^{rae Para-}
turæ, quod homini omnia naturaliter influit. ^{celi.}
Sicut enim corpori suus crescit ē terra, ita etiā si-
dereo hominis spiritui sive homini invisibili, qui
exterioris domus incolā est, ab igne firmamenti
crescit suus eibus, artes omnes, opificia, linguæ,
facultates. Cælum enim est Pater & Doctor o-
mnium artium, exceptā Theologia, quæ a Spiritu
Sancto discitur, spiritusq; sidereus hominis a ra-
dijs superiorum siderū omnē sapientiam humanā,
omnes artes, scientias & facultates attrahit.

Si iterum quærat; qui fiat, quod ijs, qui in Academijs docent, quos toties suggillat Crollius, alijsque, qui ab ipso dissentiunt, Philosophis non æquè lumen naturæ influat, ac suæ sectæ Philosophis, non video, quid clare respondeat: nisi forsan ad imaginationem fixam, quæ sapientiam è cœlo attrahat, vel ad lumen gratiæ confugiat. De Paracello quidem ait, pag. 63. *ipsum indubitato cœli favorem Monarcham Medicinæ factum, sed modum non addit.*

Lumen gratiæ Paracel.

Luminis autem gratiæ sæpius mentionem facit. Pag. 13. *Medicum nasci debere è lumine gratiæ & naturæ dixit.* Pag. 67. *Christianè debemus philosophari, non Ethnicè in linguis & artibus caducis & temporaneis.* Et pag. 69. *Nota sunt duo lumina, intra quæ omnia, extra quæ nihil, & nulla perfectæ rerum cognitio. Lumen gratiæ verum Theologum gignit, non tamen sine Philosophia. Lumen naturæ verum Philosophum efficit, non tamen sine Theologia, quæ fundamentum est veræ sapientiæ.* Et postea; Inter eos, qui post Paracellum compendiosè hoc tramite ad veram sapientiam pervenerint, laudat *Valentinum Weigelium*, qui cum suis institutus & illuminatus sit, non in sensuali incipientium, nec in rationali proficientium, sed in tertia mentali sive intellectuali Pentecostes Schola, in qua Prophetæ, Apostoli & omnes verè docti in vita & vesti-

Valentinus Weigelius.

vestigijs Christi ambulantes sine labore & tædio didicerint. Si quæ verò doctrina illius Valentini Weigelij fuerit, inquiramus: eam fuisse Enthusiasticam, clarè patet; tùm ex alij sillij scriptis, quæ hodie ab assæclis ejus eduntur non pauca, tùm ex libello Germanico, cui titulus: *Der güldene Griff alle ding zu erkennen*. In quo cognitionem rerum non ex libris, non ex objecto cognoscibili, sed ex cognoscente pendere, omnemque veritatem & sapientiam antea in homine reconditam esse, non verò ab objecto externo homini insinuari tradit. Ubi inter alia, *cap. 16.* scribit: *So oft einer sich mit ernst vom eussern entschlegt / vnd einkhret zu Gott in ihm selber / so findet er Liehtes vnd Erkentnis genugsam / er weiß mehr als alle Bücher.* Et *cap. 14.* scribit: *Wer alle seine Vernunft vnd Verstand einsondert in den inwendigsten Grund / in stiller gefasftheit seines Hertzens / seiner Seele / vnd wartet auff Gott / der wird erfahren / was der inwendige Grund vnd Zeugnis des Geistes sey.* Quæ eadem Paracelsi, Heinrici Cunradi in Amphitheatro, & ipsius Crollij est sententia. Nam *pag. 26.* ita scribit Crollius: *Essentialis intrinfeca cognitio non est ex carne & sanguine, nec in multitudine librorum & lectionis, nec in pluralitate Experientia, & antiquitate dierum, nec in persuasionibus humani verbi & contentione Rationis, sed in ipsa passio-*

ne divinorū; non in discendo, sed in patiēdo hominis mens perficitur. Et clarius pag. 70. quem locum integrè adscribere libet: *Miseri mortales quarunt extra se permultos libros, permultos Praeceptores, per longinqua itinera proficiscentes, summo & diuturno labore, studio & defatigatione, illa, qua tamen intus apud se possiderent abundanter, si videlicet planè sibi ipsis mortui, & per Sabbatum, & temporalem oblivionem toto animali suppresso homine, qui nihil nisi terra est, ingressi in seipsos cum Davide Psal. 40. Expectando expectantes Deum. Magistrum in sancto suo templo, in cordis abyssu, sive in intimis animae nostrae habitantem, suo Spiritu in nobis loquentem, & omnia in nobis operari, mentemq; illuminare cupientem, non impedirent.* Et pag. seq. *Anima si recurrit intra seipsam, & convertitur in mentem, appropinquat Deo, omnia videt, nec opus habet externā disciplinā, angelorum more, qui omnia ab intra discunt, audiunt, vident: conversa in sensus elongatur à Deo, & discedit à Deo, ut impurum à puro. Hoc, inquit, tandem, Mystrium Spiritus Academicus capere non potest.*

*Veritas
quid.*

Verum ut hac de re nostram sententiam breviter aperiamus, rectè principio scriptum putamus à Scaligero *Exercitat. 307. sect. 9.* Veritatem esse adæquationem notionum, quæ sunt in intellectu, cum rebus, seu ut habet *lib. 1. de re Poëtica cap. 1.* æquationem orationis cum re. Omnis enim cognitio & scientia naturalis

turalis eatenus vera est quatenus cum rebus consentit. Res enim mensurant cognitionem nostram, non contra: neque quia nos ita cogitamus, res ita se habent, sed quia sic se habent, ita eas cognoscimus, cum rectè cognoscimus. Cum verò notiones rerum omnium, adeoq; scientiam rerum naturalium nobis insitam non habeamus; aliunde nobis eam advenire necesse est. Etsi enim Adamo ea inerat rerum antelapsum, Cognitio, ut ijs omnibus secundum suam scientiam vera nomina imponere posset: nulli tamen homini post lapsum à naturæ hoc amplius concessum est.

Ideoq; quicquid sciunt homines; vel immediate à Deo per peculiarem revelationem & illuminationem ipsis communicatur, vel alio modo, ut jam dicetur, discitur. Peculiarem illuminationem cum secta Paracelsica, *Verus discendi modus.* nec sibi ut propriam arrogare, ausit nec eam ipsi concedere possimus: reliquorum hominum more discant necesse est, & ex rebus ipsis cognitionem hauriant.

Duplex autem data est homini cognoscendi facultas; sensus & intellectus. Per sensum enim exteriores res phantasæ, & per hanc intellectui offeruntur, atque anima, dum est in corpore, sine phantasmate non intelligit. Initiumq; cognitionis est à sensibus: atque ex illis, quæ absque errore sensus comprehenderunt principia statuimus: à principiis deinde *Duplex cognitio.* H 5 progredi-

progredimur ad ignota, quæ ex ijs concludi possunt. Atque hic est ordinarius discendi modus, quo ætas tenera & rudis à parentibus & præceptoribus, indocti à doctis discunt, & vel sermone ac præsentis traditione, vel per literas & libros erudiuntur. Et hoc ipso modo post lapsum Adami omnes, quotquot fuere, institutos fuisse & doctos evasisse, omnes historiae & gentium consensus testatur: imò hoc ipso modo Paracelsi omnes instituti fuerunt. Et hac ipsa de causa Paracelsus tot peregrinationes suscepit; Crollius suam Chymiam varijs ac diuturnis peregrinationibus, laboribus & vigilijs indefessis & longâ observatione se congestis, ipse, in *Epistola dedicationis*, scribit. Ac propterea alterum falsum est, quod postea, in *præfatione admonitoria*, pag. 70. scribit, *Miseros mortales ex cecitate & ignorantia querere extra se per multos libros, per multos præceptores, per longinqua itinera, summo & diuturno labore, studio & defatigatione, qua tamen intus apud se possideant abundanter.* Ridiculi certè homines, qui quam ipsi nunquam ingressi sunt vel calcaverunt viam, illi ut se alij committant, persuadere conantur. Monstret saltem Crollius aliquid, quod in Spiritu in se didicerit. Quicquid enim boni de medicamentorum Chymicorum præparationibus habet, illud ex peregrinationibus, laboribus & diuturna observatione se acquisivisse rectè & ingenuè fatetur: reliqua ex Paracelso, Seve-

Severino & Weigelio ac similibus hausit & mutuatus est. Idem de alijs ejus generis hominibus dicendum est, qui omnes à suis præceptoribus didicerunt, & non raro de varijs peregrinationibus & conversatione cum varijs artificibus gloriantur, & non pauci ex ijs Docturæ ex privilegijs Academicis titulo se jactant. Etsi non discendo, sed patiēdo & in Spiritu in se, ut Crollius loquitur, homo discere potest, nec doctoribus & libris opus est: quorum libros edunt Paracelsici?

Si ergo; quod res est, dicendum, ut paradoxis suis fidem faciant, & alijs in ea inquirendi ansam eripiant, se aliam, quàm Aristotelici vel Galenici, ad eruditionem perveniendi viam habere scribunt, & nescio quod Lumen Naturæ & Gratiæ fingunt, quo sui cerebri figmenta, quæ rationibus & experientiâ probare non possint, pallient. Quod si admittatur, cuilibet pro libitu nova dogmata ab omni experientia & ratione aliena fingenti, & illa ad Lumen Naturæ & Gratiæ referenti fides habēda erit, & verū erit quod cuiq; videbitur. Ex quo quæ omnium disciplinarum confusio oriri possit, nemo non videt.

Nec tamen quid Lumen illud Naturæ sit, quo tantoperè gloriantur, & alijs se præstare putant, inter se consentiunt, aut satis explicare possunt. Paracelsus, *Paragranum tract. 1. p. 208.* Lumen naturæ accendi per Spiritum Sanctum scribit; & *tom. 2. p. 329.* idem statuit.

Libro

Libro 5. de origine morbor. invisibil. asserit, Magos Pharaonis arte ex lumine naturæ miracula edidisse, atque ægrè fert, quod à sacra scriptura Magi (Zauberer) vocantur. In Philosophia de generatione hominis tom. 2. p. 67. lumen naturæ dicit esse tantum intellectum sive rationem (die Vernunft) & nihil aliud. Muffettus Lumen Naturæ dicit esse primæ naturæ sive integritatis judicij veluti fulgur quoddam non innatum, sed inditum nobis à Deo, quo falsum à vero diviniore mentis oculo discernamus. Crollius, p. 1, 4. dicit, quod lumen naturæ nihil aliud sit, quàm mundi illius invisibilis cum corpore microcosmico divina quædam analogia; quod idem statuit Quercetanus, in Tetrade c. 5. Idem tamen Crollius, p. 25. scribit; firmamentum esse lumen naturæ, quod omnia homini naturaliter influit. Pag. 36. vero hæc habet: Altera hominis pars sive sidereum corpus vocatur hominis genius, lar domesticus, familiaris sopherum homunculus, Dæmôn seu Genius bonus, internus Paracelsi Adech, Natura lumen.

Donec ergo ipsi secum de lumine naturæ convenient, nos interea viæ omnibus seculis à sapientibus tritæ insistamus, & lumen intellectus nostri accendamus, id est, non quid sapiens sopherum homunculus suggerat, sed quid λόγος καὶ πείρα dicat, attendamus, & κριτήρια illa doctrinæ ab omnibus sapientibus probata sequamur: & inprimis

κριτήρια
doctrin.

τέκνον

τέχνην Ἰατρικήν & Logicam non errorum
magistram & lucis naturæ obscuratricem, sed
ad omnes errores vitandos, & veritatis abdi-
tæ & occultæ investigationem summè uti-
lem & necessariam nobis commendatam ha-
beamus.

CAPUT VI.

DE ANALOGIA MA- JORIS ET MINORIS MUNDI.

SI verò rem ipsam specte-
mus, tota ferè Præcellia & Para-
cellicorum Philosophia ac Me-
dicina innititur Analogiæ ma-
joris & minoris mundi, atq; eam
ipsi valde latè extendunt. Nèque enim Para-
cellus cum suis asseclis contentus est ijs com-
parationibus, quæ vulgò inter hominem &
majorem mundum institui solent, sed in lib. 4.
de origine morborum invisibilium initio, scribit: *Quomodo*
In homine esse astrorum motus, naturam terre, Homo sit
aqua, aëris, omnia vegetabilia, omnia mineralia, Microcos-
omnes constellationes, quatuor ventos. Et, Para-
grani tractat. 2. scribit: Medici esse scire in ho-
mine Caudam Draconis, Arietem, Axem pola-
rem, Lineam meridionalem, Orientem, Occiden-
tem. Et in Paragrano primo nō ad humores re-
ferendos esse morbos dicit, sed dicendum, hunc
mor-

*Analogia
Majoris &
minoris
mundi.*

*Quomodo
Homo sit
Microcos-
mus sec.
Paracels.*

*morbum esse Acorinum, alium Anthera, Pulgij, Meliffa, Savina, Terebinthina, Sileris montani, Hellebori. Et in libro de Lunaticis tractat. 1. c. 1. scribit: In limbo nostro est Cælum & Terra & omnium animalium proprietates. In Labyrintho Medicorum errantium c. 4. omnia mundi majoris in homine esse dicit, eumq; verum esse Medicum scribit, qui possit dicere, Hoc in homine est Sapphirus, hoc Mercurius, hoc Cupressus, hoc flos Cheiri. Ita Crollius, in prefat. p. 30. scribit i Circulus dicitur Homo, quod in se omnes Creaturas contineat. Pag. 31. In homine omnia sunt comprehensa, & ipse fert omnia in se. Pag. 32. Est in nobis totum firmamentum cum Planetis & stellis. Pag. 35. Homo totius mundi partes habet, & nihil est in majori mundo, quod in ipso mundo realiter non reperiatur. Et postea: Totam mundi machinam collectam & reductam est in Microcosmum, ita ut nihil in toto mundo reperiatur, quod videre etiam non sit in homine. Nec aliter Marpurgenses, disput. 8. Chymicorum sententiam recensent, dum scribunt: Chymicos hominem Microcosmum appellare, non ob superficialem quandam similitudinem, sed quod re ipsa & secundum speciem (etsi invisibiliter) omnia & singula in se complectatur, quacunque visibili formâ in triplici illo regno vegetabili animali, minerali, totiusque mundi amphitheatro explicata continetur. Communi-
care nimirum dicit Crollius hominem cum
Deo*

Deo mente; cum Angelis animâ rationali, & corpore invisibili sidereo; cum astris eodem corpore invisibili; cum Elementis corpore terrestri visibili.

Ut enim hoc (ut quæ mox dicentur, re- *Hominis corpus duplex sec. Paracels.*
ctius intelligantur) addam, in quolibet homi-
ne statuit duo corpora, unum physicum, ele-
mentare, visibile, & tangibile ex terra, & quod
primus homo ex limo terræ acceperit: alte-
rum invisibile, iusensibile, sidereum, ex astris
deductum: atque hoc Crollius p. 36. appellat
hominis genium, Larem domesticum, homi-
nem umbratilem, familiarem Sophorum
homunculum, Evestrum, & nescio quid
aliud.

Severinus etsi reipsâ forsâ non dissenti-
at: paulò tamen cautius hac de re loquitur.
Cap. enim 13. p. 319. ita hac de re scribit: *Nec oportet formas ipsas & externas signaturas rerum naturalium in Microcosmi anatomia inquirere: sufficiunt proprietates, scientiæ, dona, prædestinationes, Tinctura seminales, vitæ & potestatis custodes. Vanum est, bovem in homine inquirere; cupressum, fagum, triticum, vitem, aurum, Smaragdum: proprietates verò & tincturas radicales, actionum fontes, uvarum, tritici, bordei, auri, Smaragdi, rosarum, violarum, qui querit, invenit. Neque horum solummodò proprietates, sed etiam in quibusdam Vitrioli, Sulphu.*

Sulphuris, Salis petrae, Mercurij, Arsenici, Antimonij, Napelli, Urticae, Aronis, Opii, Mandragorae, Cicutae deprehendet. Resoluta verò sunt semina rerum naturalium & spiritalia in generationibus & transmutationibus microcosmi & transplantatione externas illas signaturas figurarum, coagulationum, magnitudinum amiserunt, intrinsicis servatis.

*Quomodo
Homo sit
Microcos-
mus sec. Pe-
ripateticos.*

Contra Aristotelici & Galenici utuntur quidem & iisdem interdum verbis, sed non eadem mente. Nam inter alia scribit Laurentius l. 1. *Anatom. c. 2.* hominem in se continere omnia, quæ universus hic mundus amplissimo suo sinu coerçet, ut parvus mundus & universi exemplar & Epitome meritò dici possit. Verum mentem suam longè aliter, quàm Paracelsus & ejus assedæ explicant. Etsi enim passim ab omnibus Philosophis homo microcosmus appelletur, ut loca citare superfluum sit; tamen causam appellationis hujus longè aliam reddunt. Ita autem vocari consent, ut Erasmus, *disp. 3. contra Paracelsum*, eorum sententias collegit: vel quia similitudo quædam in eo inveniatur totius universitatis rerum; vel quia nexus est & medium utriusq; naturæ corporeæ & incorporeæ; vel quia divinæ dispensationis & moderationis hujus universi illustris est imago. Nam corpus habet visibile & Elementare, animam coelestem; potentiam vegetandi & nutriendi, qualis est in plantis; sensus, ut bruta. Demùm ad-
est

est mens instar Angelicæ naturæ. Imò membrorum ordine & positu universum refert. Cum enim majorem mundum pleriq; Philosophi in tres partes dividant, inferiorem hunc Elementarem, cœlestem, & suprà cœlestem: cum omnibus his tribus homo convenit, tribus, quibus & ipse divisus est, regionibus; Capite, thorace & ventre inferiore. Inferiore enim ventre, qui continet membra nutritioni & generationi dicata, respondet homo regioni Elementari, in qua perpetua generationum & corruptionum vicissitudo est: Thorace, in qua cor vitalis caloris fons & officina residet, cum regione cœlesti, in qua Sol caloris in mundo fons & reliquæ stellæ continentur, convenit: Capite verò, in quo mens residet, & è quo omnes sensus originem suam habent, non solum mundo illi supercœlesti seu àngelico, ut alij appellant, similis est, sed etiam in hac parte imago Dei in homine & olim ante lapsum, & quæ sunt ejus reliquæ post lapsum, se in primis conspiciendas exhibent. De qua mundi majoris & minoris secundum omnes partes comparatione plura addere non libet; cum passim de ea multa extent.

Hoc saltem addimus nonnullos præcipuè ex cœli cum homine convenientia hanc Analogiam deducere: cum membra quædam corporis cum quibusdam stellis convenientiam habere statuunt, & cor cum ☉; cerebrum cum ♀; splenem cum ♄; Pulmonem cum ♀; Renes

*Qua partes
Homini
quibus partibus
Mundi
respondent.*

*Partiū
Homini
cum
Planetis
convenientia.*

& testes cum ♀; Epar cum ♂; cum felle ♂ cognationem habere scribunt. Quæ opinio non nova est, sed ex antiqua Astrologorum doctrina petita. Atque explicat hanc eleganter Leo Hebræus, *Dialogo 2. de Amore*.

Divinæ etiam gubernationis exemplum in homine conspicitur. Nam ut creaturæ tum corporeæ, tum spirituales universæ subjiciuntur imperio & rectioni divinæ: ita & corpus nostrum & facultates animæ omnes à mente reguntur, ut quod ad visibilem mundi dispensationem attinet, id ferè mens sit in homine, quod Deus est in mundo.

Itaq; si juxta similitudinem vel analogiam aut etiam genericè omnia, quæ mundus complectitur, in homine inesse dicantur: id non improbant Aristotelici & Galenici: verum quod secundum speciem omnia in homine sint, non admittunt. Habet nimirum in se homo virtutem vegetantē universè & eatenus cum plantis convenit: non verò habet vires & facultates, multò minus essentiam cujuslibet plantæ in specie. Præterea & sensu præditus est; at non quomodo speciatim animalia hoc vel illo sensu præstant.

Incōstantia Obijcit porrò Paracelsistis inconstantiam
Paracels. de Erasus. Cum enim hominem Paracelsus tan-
Microco- tum Microcosmum esse dicat: tamen talia ali-
sma. bi docet, è quibus res quælibet Microcosmus dici potest. *De Caduco Matricis, §. 2. in pane omnes Creaturas cum suis astris esse dicit. Et de modo*

modo pharmacandi tract. 2. scribit: Quoties homo in manu bolum cibi habet, toties in ea Cælum & Terram tenet in eodem bolo. Quoniam in ipso latent omnes partes hominis, & in eo creata omnia sphaera globorumq; perfecta sua habent corpora. Sic in manu comedentis est cælum & terra. Quod si ita est, & omnia in omnibus continentur, causa nulla erit, cur homo saltem Microcosmus appellandus sit, ipsique soli prerogativa hæc debeat, sed innumeri erunt Microcosmi.

Has utriusq; partis sententias si diligenter perpendamus, animadvertemus primò, Chymicos nimis latè istum majoris & minoris mundi consensum extendere: imò non analogiam & consensum, sed ferè identitatem querere; seu, ut Crollius scribit, statuere in essentia & interna forma planè unum & idem esse, & saltem externa discerni: Mundum & Hominem & magnum mundum cum parvo per unum omnia esse, instar prolis cum parente suo. Cum enim plantarum & animalium, imò aliarum rerum naturalium tantus sit numerus, ut nec in majore mundo omnes species satis cognitæ putem: quis easdem in homine nobis monstrabit? Requirit quidem Paracelsus, in *Labyrin. Medic. fernnt. c. 4.* in vero in Medico, ut dicere possit; hoc in homine est Sapphirus, hoc Mercurius, hoc Cupressus, hoc flos Cheiri: verum nullus adhuc Paracelsicorum inventus est, qui id præstare poterit,

Decisio questionis de analogia macrocosmi & microcosmi.

tuerit, & tot plantarum in homine, ut & animalium species, monstraverit: Immo vix aliquis est, qui ea in re aliquid tentaverit. Ut jam non dicā de innumero stellarū numero, quem quomodo realiter & secūdum speciem in homine inesse monstrare possint, nō video. Non dicam etiam jam de eo, quod Crollius, *p. 15.* ex Paracello scribit; Deum singulis Elementis indidisse peculiare incolas, Spiritus, Nymphas, Undenas, Melosynas, Sirenes, Gnomos, Lemures, Silphes, Montanos, Zonettas, Pygmæos, Umbratiles, Sylvestres, Satyros, Gigantes, Vulcanales, Penates, Salamandras, Superos, Zundel, Flagas, Eosq; rursus in multa millia generū divisos: qui certè, si modò sint, omnes ex hac sententia ad maiorem mundum pertinebunt: sed quomodo eos in homine monstrare possit Crollius, cum Paracello viderit.

Inter alios Valent. Weigelius, sectæ hujus facile antesignanus, in libello cui titulum fecit, *ἡ ἀνθρωπίνη*, cum speciosè de majoris & minoris mundi consensu multa dixisset, ubi tandem ad rem ventum est, c. 4. hæc affert: *Wenn ich solte vollständig beschreiben den Microcosmum, das ist den Menschen / so müste ich auch vollständige Erkenntnis aller Creaturen in der ganzen Welt haben / das ist / Ich müste totam mundi machinam, Himmel vnd Erde kennen / sampt den Geschöpfen. Denn aus aller Creaturē ist der Mensch formieret nach seinem sterblichen vñ tödlichen theile / Dieweil dieser Erden-*
flos /

flor / daß ist / die grosse Welt ganz gebracht ist
zusammen in einen Menschen. Denn alles was
im Himmel vnd Erden ist / desselbe ist auch im
Menschen / *Id est* der Mensch ist die Welt selber.
Darumb er auch *μικρόκοσμος* geheissen wird.
Wenn ich nun / sage ich / den Menschen vollkômlich
solte beschreiben / so müste ich diese stücke als die
ganze Welt erkennen vnd wissen. Denn ich ken-
nere den Vater / vnd aus dem Vater köndte ich
beschreiben den Sohn / welches ist der Mensch.
Aber ich erkenne mich nicht genug zu sein zu be-
schreiben ein solch hohes kunstreiches Werk.
Quibus hisce Salvatoris nostri verbis, Matth.
23. v. 4. respondeo: *Ligant onera gravia, diffi-*
lida, portatu & imponunt in humeros hominum,
digito autem suo movere ea nolunt.

Interim ex altera parte nonnulli etiam ni- *Quomodo*
mis superficialiter hunc majoris & minoris *homo sit*
mundi consensum tractant. Nam negandum *microco-*
non est, non solum secundum *ἀναλογίαν*, sed *σμικρον.*
etiam revera multa, quæ sunt in majore mun-
do in homine reperiri. Inest certè in homine
secundum plerorumq; sententiã, ut suo loco
docebitur, calidum illud cœleste; insunt in
eodem Elementa realiter; nutritur & vegeta-
tatur, sicut plantæ; videt & alios sensus habet,
ut reliqua animalia, & proinde in eo est ani-
malitas; insunt in eo alia accidentia, quorum
quodlibet propriũ & primum subjectũ habet.
Quæ omnia in unum hominẽ mixta & com-
posita sunt. Et per reliqua rerum naturalium

134 CAPUT VI. DE ANALOGIA

genera omnia quasi per gradus ad Hominis Creaturæ perfectissimæ formationem Creator progressus est.

Hic verò per mundum majorem non solum intelligo Cælum & Elementa, metalla & mineralia; verum etiam plantæ & animalia ad eum pertinent. Ideoque Paracelsi & Severini argumentū nō valet: Non datur bilis, Pituita, Melancholia in majore mundo: Ergo nec in homine. Nam revera humores in animalibus brutis reperiuntur, ut in homine; adeoq; rerum, quæ in homine perfectissimè apparent, rudimenta in animalibus imperfectioribus & brutis reperiuntur.

Immo affirmare, & istud Chymicis concedere ausim: multas proprietates in homine esse occultiores, quæ cum plurimis rebus naturalibus non solum secundum genus, sed etiam cum speciebus earundem & specierum individuīs, mirabiles consensus & dissensus habent, ut multarū rerum cum partibus corporis nostri Sympathia & Antipathia testatur. Non jam dicam de stellis, quæ à nobis remotiores, quarumq; effectus occultiores sunt. Peculiares tamen stellas cum privatis & peculiaribus corporis nostri partibus cognationem habere, quod Astrologi affirmant, non negaverim. Sublunaria notiora sunt. Lepus marinus pulmones, Cantharides Vesicam, partibus alijs illæsis, lædunt. Pæonia etiā collo appensa Epilepsiæ medetur. Non sunt omnia

*Sympathia
& antipa-
thia exem-
pla.*

de

de nihilo, quæ de lapide Nephritico à quibusdam dicuntur. Quantam cum corde cognationem habeant Sapphirus, Margaritæ, Lapis Bezoar, jam multis notum: & sunt etiam aliarum gemmarum cum alijs partibus cognationes. Quantam etiam convenientiam habeat cum corde Melissa, malum Aurantium, Citrium; cum Epate, Epatica, Agrimonia; cum Liene; Ceterach, Polypodium; cum Testibus, Satrium, Orchides; cum alijs partibus aliæ plantæ: Quanta quoque inter animalia quædam & hominē ac ejus partes inveniatur Sympathia & antipathia notum est. Nonnulli scilicet caseum averfantur, alij vinum, alij pisces, nonnulli præsentiam felis in occulto etiā latentis ferre nō possunt: qualia exempla passim apud auctores annotata sunt. Atque hoc si voluit P. Severinus, dum, *pag. 319.* in homine non bovem, non cupressum, sed proprietates horum querere jubet; ipsi nō planè adversamur, imò summè necessarium esse putamus, ut Medicus inquirat, quæ gemmæ, mineralia & metalla, plantæ ac animalia, imò si fieri posset, stellæ cum homine & singulis ejus partibus consensum & dissensum habeant: atque hoc si diligenter annotaretur, quod omnino fieri deberet, mirandæ curationes perfici possent. Et si causas hujus consensus & dissensus, & *Occultæ proprietates unde.* unde illæ occultæ proprietates ortum habent, invenire sit difficilimū. Severinus quidē, *allegato loco*, scribit: Resoluta semina rerum natura-

*Unde rer.
natur. Sym-
pathia &
antipathia.*

naturalium & spiritualia in generationibus & transmutationibus Microcosmi, & transplatione externas illas signaturas figurarū, coagulationum, magnitudinum amisisse intrinsecis servatis. Verum si hoc ita se habet, & homo illas proprietates non à primo ortu haberet, sed demum ex victu & transmutatione rerum naturalium jam genitus acquireret: cum tamen illæ ipsæ proprietates homini à primo ortu inditæ sint, & homo ab ipso ortu Microcosmus sit. Ideoq; sympathias illas & antipathias potius à calido innato sive Spiritu insito, aut quocunq; modo appellare libeat, cujuscunq; partis cum Spiritu insito rerum naturalium externarum cognationem & affinitatem habere provenire crediderim. Atq; hoc modo si Paracelsus in homine si. Cheiri, Melissam & alias plantas quærat, tolerari posset: Imò rem utilem Medicinæ fecisset, si, modò eum cognitum & perspectum habuit, omniū rerū naturalium cum homine consensum & dissensum annotasset. Et cū rectissimè scripserit Thomas Erāstus, *part. 3. diss. contra Paracels.* de hac ipsa materia agens; quod vi naturali fieri nullā possit, ut alicujus rei proprietates & actio in alia re insit, quàm in ea, cujus est proprietas & actio: & propterea nō esse in homine proprietates rerum naturalium aliarum, vel simul inesse in eodem earū subjecta & causas inde cōcludatur: si Chymici aliquid præ alijs præclari præstare vellent, prima proprietatum qua-

quarumlibet subjecta, & ubi in homine latent, monstrare deberent. Sicuti enim calor, frigus, humiditas, siccitas in homine insunt; quia eidem Elementa insunt, Et sicut calorem illum vitalem cœlesti analogum ex corde quasi humani corporis sole in omnia reliqua membra diffundi notissimum est; ita etiam quia Melissæ, quia aliarum plantarum proprietates in homine esse dicunt, quibus subjectis insint, & quo loci hæreant, monstrare deberent. Hoc enim nisi facere possunt, frustra sunt, & malè incrim vulgatam corporis humani anatomiam & considerationem, qua partium corporis structura & admirandæ operandi facultates reperiuntur, negligunt.

Sicut & in eo peccant; quod solum ab extraneis hominis cognitionem petendam censent. Plus enim est in specie, quàm in genere; & plus habet in se homo, finis & meta ultima rerum naturalium, quàm res naturales aliæ; & quæ in se habet homo, humano modo habet. Habet nimirum carnem, ossa, sanguinem cum brutis suæ quidem modo communem: veruntamen caro, ossa, sanguis in homine humana sunt.

Domestica itaq;, ut hæc concludamus, *Comparationibus & analogia quantum tribuendū.* argumenta externis firmiora & evidentiora sunt; & animus veritatis amans, & *ῥεπρον ἰν-σινυς* callens, non obliquis & obscuris comparationibus contentus & similitudinibus & inanibus opinionibus saturatur, sed solidas

demonstrationes expetit, & unumquodque proprijs principijs, non alienis & extraneis æstimat. Opinari & similia adducere, scientiam non parit; sed scire est rem per causam cognoscere. Et cum eos, qui apodictica argumenta se habere putant, & demonstrationibus nituntur uti, sæpe falli cōtingat: quid accidet ijs, qui comparationibus & symbolis solum utuntur? Nullum enim est simile, quod non etiam aliqua ex parte sit dissimile. Præterea cum rectè Aristoteles scribat, *in principio 1. Posterior. analyt. πᾶσι διδασκαλία καὶ πᾶσι μάθησις θεωρητικὴ ἐκ προπαραχέουσι γίνεται γνώσις*: Si ex majoris mundi in homines cognitionem deducere nos cupiunt Paracelsici, ipsi majorem mundum undique cognitum & perspectum habeant necesse est. Quod an sibi arrogare possint, sese ipsi excutiant & examinent. *ἡδεῖς ἀνθρώπων ἔσαν ἀπαντὰ σφόδρα.*

CAPUT VII. DE MATERIA PRIMA.



T ergo ad rem ipsam accedamus, & quælibet ex suis principijs æstimemus: primò de principijs disquirendum. Et primò materiam primam

primam Aristotelis quod attinet, eam Recentiores Chymici rejiciunt & falsè derident & exagitant, nominantque Versipellem Proteum, libidinosam Thaida, informe monstrum, ridiculum Ebulidis somnium, suave delirium, futes & inutiles subtilitates, & nescio quid non aliud.

Si verò Paracelsi & asseclarum de re-
 rum omnium prima materia sententia qua-
 ratur, ita Paracelsus in Philosophia ad Athe-
 nienses scribit: *Omnium rerum, quæ creata &*
corruptioni obnoxie sunt, unum fuit principium,
in quo conclusa sunt omnes Creatura intra cæ-
lum comprehensa. Intelligendum quidem ex una
materiæ cuncta creata prodixisse & non obtigisse
cuique propriam. Hac materiæ rerum est myste-
rium magnum, & non perceptibile quid, non
ullius sensibilis essentia, neque sub aliqua formæ
vel proprietate inclinatum, non alicujus colo-
ris, nec Elementariæ naturæ. Quam latè se ex-
tendit æthereæ regio tota; tam ampla fuit spha-
ra mysterij magni. Hoc mysterium magnum
fuit mater omnium Elementorum, & pariter
avæ stellarum omnium, arborum & creatura-
rum carnis. Nam ut ex matre proles nascitur:
haud secus ex mysterio magno cuncta creata
nata sunt; estq; mysterium magnum una ma-
ter omnium rerum corruptibilium & mortali-
um, & suam ex ea duxerunt originem non
quidem

*Materia
 prima Pa-
 racelsi.*

*Mysterium
 magnum
 Paracelsi.*

quidem successive, sed in una creatione, substantia, materia, forma, essentia, natura & inclinatio data sunt. Dorneus verò, in Physica Genesios, *Mysterium magnum* ita describit: *Aeternum æternæ sapientiæ verbum in immensi & infiniti sui centro æterno finiti & quandoq; transitori centrum collocare voluit, ut in eo sibi materiam præpararet absque ulla præjacente materia quæpiam ad mundi creationem idoneam.* Recentiores verò materiam primam dicunt esse *subjectum* *essentiale*, formas omnes actu possidens, elargiens & conservans; sive punctum quoddam, a quo omnia emanant, ad quod tanquam Centrum omnia collineant, a Creatore Deo in rudem olim massam impositum, quod sit communis illa mater, fons vite inexhaustus, actionum omnium naturalium, generationum, mixtionum, transplantationum origo, quæ universam Anatomiam corporis occupans pro diversitate Tincturarum impressionum & confluentiarum diversas operationes producit, morborum omnium pepasmos, Crises & sanationes moderatur, ac digestu temporibus consumtis Elementis ipsa ad novorum Individuorum procreationem permanet.

Jac. Zöbingeri de Paracelsi dogmat. judicium.

Hic initio proponendum videtur aut præmittendum Jacobi Zvingeri, qui in Chymia excolenda procul dubio utilem operam, nisi immaturâ morte præventus fuisset, præstitisset, judicium, qui in *Epistola ad Guil. Fabricium*, quam citat Andreas Libavius, in præfatione *Examinis Philosophiæ vitalis Crollij* scribit:

bit: *Philosophemata Paracelsi, sua sententiâ, vel eadem esse cum Græcis, vel deteriora. Eadem quidem interdum, sed affectata verborum peregrinitate, ut aliud dicere videatur, immutata. Diversa verò vel pejora, cum falsis opinionibus veritatem obscurat, & allegorijs alienis nititur, potissimumq; fundamento Microcosmi, quasi in hoc sint omnia Macrocosmi: quo destructo omnia superstructa collabuntur.*

Rem ita sæpè se habere vel ex Paracelsi asseclarum doctrina de materia prima & mysterio magno videre est. Nam quæ primò de mysterio magno & materia prima à Paracelso & asseclis afferuntur, ut modò dictum, vel pro meris figmentis habenda sunt, & cum sine omni ratione proferantur, eadem facilitate, qua proferuntur, rejiciuntur; vel ex Græcorum libris petita, & peregrinis nominibus involuta sunt.

Ipsos fingere & proponere, quæ libet, ex eo patet: quod aliter de materia prima loquitur Paracelsus, aliter ejus sectatores; & utriq; sine omni ratione prolata. Nam Paracelsus, & cum eo Dornæus, ex materia prima & Mysterio magno omnia creata prodijisse; Recentiores verò materiam primam in rudem illam massam impositam fuisse, & ita rudem massam ante materiam primam fuisse statuunt. Deinde hîc non afferam, quæ de creatione mundi, *disp. 1. contra Paracelsum*, disputat Erastus; nec etiam quæ alijs in locis de Mysterio magno

magno scribit Paracelsus. Lib. 1. Philosoph. ad Atheniens, ex professo hac de re agit Paracelsus, & omnia creata corruptibilia è mysterio magno increato provenisse scribit.

*Mysterium
quid Para-
celso.*

Mysterium autem, si ejus mentem diligenter attendamus, nihil ipsi est aliud, quàm materia, quæ occulto & invisibili modo aliquid in se continet; sive ex quo aliquid provenit, quod in ea non animadvertatur. Ita enim stercus esse mysterium Scarabæorum; Lac, Casei, Butyri, Serii; Caseum, vermium, scribit, *alleg. lib. tex. 3.*

*Quotuplex
Mysterium
Paracelsi.*

Mysteria verò facit duplicia; Specialia, seu singulorum singula, & mysterium magnum increatum, è quo res omnes creatæ corruptibiles sublunares provenerint. Fuisse autem res omnes creatas corruptibiles in eo mysterio non formaliter, non essentialiter, non qualitativè (ut ita dicam) *tex. 4.* scribit: sed sicut in ligno est imago, quæ non videtur, donec superflua ligna abscindantur; cum hoc tamen discrimine, quod ligni segmenta abjiciantur; in mysterio verò increato, nullâ re abjecta, quodlibet suam formam & essentiam acceperit. Atque ita separatione res omnes è mysterio magno productas fuisse censet.

Optandum verò esset, ut de Paracelso hic & alibi dicere possemus, quod Scaliger, *exerc. 61. sect. 3.* de Platone scribit, eum optima quæquæ illa, quæ sunt in magna hominum admiratione, ab alijs sumpta nectare suo condita posteris reliquisse. Verum si, quod res est,

dicendum, Zvingeri iudicium hîc potius locum habet, & videmus, cum antiqua, affectata verborû peregrinitate aliqua, ut aliud dicere videretur, immutasse; imò falsis opinionibus antiquorû sententias sæpius obscurasse. Legit procul dubio Paracelsus, quæ Moses de creatione mundi scripsit; innotuit illi fortassè aliquomodo Chaos illud Philosophorum antiquorum, etiam à Poetis decantatum; imò aliquid fortassè de idea mundi Platonica inaudivit; nec etiam, si unquam in Scholis Aristotelicorum & Galenicorum versatus fuit, materia illa prima *ἀμορφος, ἀόρατος, πανδεχής, χώρα ἢ υποδοχή ἢ μητήρ τῶν ὅλων*, ipsi incognita esse potuit. Verum cum ipsi, ut supra, *é libro de ligno & linea vite pag. 542.* dictum, Moses parum crudité & perfectè creationem Mundi descripsisse videretur, neque philosophica illa satis caperet: *Myſterium iſtud magnum unde Paracelſus finxit.* Myſterium iſtud magnum finxit; quid tamen ſit explicare non potuit.

Si verò, ut aliquo modo intelligi poſſit, explicari debeat: nihil aliud erit, quàm vel Idea vel Anima mundi Platonica, vel Chaos, cujus plerique antiqui Philoſophi meminerunt. Et quidem Ideæ mundi Platonice magis cōvenire videntur, quæ Paracelſus dicit de Materia prima omniū rerū ſive myſterio magno. Plato enim, *in Timæo*, ſcribit: *Si pulcher eſt hic mundus, ſi bonus ejus opifex: perſpicuum eſt, ipſum ad ſempiternum quoddam & permanens exemplum factum eſſe*; quod in libro de Anima mundi, *Ideam*

Ideam vocat: Paracelsus verò, *lib. Philosophia ad Athenienses t. 4.* Myſterium magnum increatum vocat, & ex eo omnes res prodijſſe paſſim totq̃ illo libro docet: atque ita quatenus increatum eſſe dicit, cum Idea mundi Platonica convenit. In cæteris eſt Chaos illud, cuius paſſim antiqui Philoſophi mentionem faciunt.

Duplex
Creatio
mundi
Dornai.

Atque ita nihil novi dicit Paracelsus. Ut tamen aliquid novi dicere videretur, nominis peregrinitate id affectavit. Interim tamen antiqua dogmata corrumpit, & res diverſas ab antiquis propositas confundit, & ſibi planè non conſtat Paracelsus. Principiò enim abſurdiſſimus eſt, quod Myſterium magnum increatum eſſe dicit. Quid enim magis à ſcriptura, imò omni recta ratione alienum, quàm aliquid increatum ſtatuerè, præter Deum. Nam quod Dornæus, in *Admonit. ad Eraſtum*, Paracellum excuſare conatur: eo ipſo eum magis accuſat, & abſurda abſurdis cumulat, dum ſcribit; *Creationem primæ diei fuiſſe ſupernaturalem & in divina mente ſolum a Deo per verbum ſuum conceptã.* Et in phyſic. *Genef. Eternum Sapientiæ verbum æternæ in infiniti & immenſi ſui centro æternò, finiti & quandoq; tranſituri Mundi Centrum collocãſſe, ut in eo ſibi materiã præpararet, abſq; ulla præjacente materia quapiam, ad Mundi creationem idoneam.* Et iterum, *Dei Sapientiã conceptione mentali adaptãſſe ſibi materiã idealem inviſibilem &*
incom-

incomprehensibilem, Et in hac creasse res omnes unite & non confusè junctas, donec per divisionem à Creatore tandem patefactæ sunt. Quibus omnibus nihil novi docet, sed Ideam mundi Platonicam, deinde Chaos illud omnibus notum proponit. Sed forsàn Paracelsus & Dornæus Dei in creando consiliarij fuerunt; quoniam tam exactè sciunt, Deum in tempore & primâ quidem die Ideam Mundi, quem creaturus erat, demum concepisse.

Recentiores verò dum describunt Materiam primam esse subjectum essenziale, formas omnes actu possidens, elargiens & conservans, *Materia prima Récent. Chymie.* sive punctum quoddam, è quo omnia emânât, & ad quod tanquam Centrum omnia collinant, quod à Creatore Deo in eundem olim massam impositum sit fons vitæ inexhaustus, actionum omnium naturalium, generationum & mixtionum origo: Si de Materia loquuntur, parùm consentanea, nec sibi cohærentia, & non nisi verba, quibus res non subest, quibus tamen, quasi *divinitus* sint, nullâ ratione prolata fidem habere cupiunt, proferunt. Quæ enim sit ista materia, quæ formas omnes actu contineat, quæ actionum omnium naturalium, quæ tamen à suis formis quæque proveniunt, causa & origo sit? quomodo res una omnes formas actu possidere potest?

Si autem, quod semper à veritatis amatoribus faciendum, opinio ista in sensum aliquem meliorem trahi debet, nihil aliud per eam in-

*Anima
Mundi
Platonis.*

telligere possumus, quam vel vim seminariā, cunctis rebus à creatore in prima creatione inditam, cujus beneficio à re minima & puncto quasi res quælibet naturalis in molem suæ speciei convenientem sese augere potest: vel Animam Mundi Platoniam. De ea enim Plato, *lib. de Anima Mundi*, scribit, quod ipsam Deus in medio ipsius mundi indiderit, & extra eduxerit, ipsumq; universum ea contraxerit. Seu, ut in *Timæo* habet, quod animam Deus in medio mundi collocarit, & per totum extenderit ac circumdederit corpore, & vestiverit corpore extrinsecus, eamque ut Dominam & Imperatricem obedienti præfecerit corpori. Et *lib. 10. de legibus* scribit: $\psi\chi\eta\gamma\epsilon\iota\sigma\alpha\iota\ \kappa\alpha\iota\ \epsilon\pi\omicron\iota\kappa\epsilon\iota\sigma\alpha\iota$ in omnibus, quæ moventur, eamque universi mundi curam gerere. Est enim Platonis Anima Mundi nihil aliud, quam $\delta\epsilon\zeta\mu\omicron\varsigma$ ille contrariarum rerum $\sigma\upsilon\nu\alpha\gamma\omega\gamma\omicron\varsigma$, omnis $\kappa\omicron\tau\alpha\lambda\iota\alpha\varsigma$ in hoc mundo, fons & principium.

Quâ in re iterum nihil novi adferunt; sed antiquissimum dogma sub schemate peregrini nominis occultant. Anima enim mundi apud omnes est celeberrima, omnesque libri veterum & recentiorum Platoniorum ejus commendatione pleni sunt. Quorum sententias egregiè complexus est Virgilius, *6. Æneid.* *Principio Cælum ac Terras camposq; liquentes
Lucentemq; globum Luna, Titaniaq; astra,*

Spiri-

*Spiritus intus alit, totamq; infusa per artus
Mens agitat molem & meo no se corpore miscet.*

Et, 4. Georgic.

— Deum namq; ire per omnes
Terrasq; Tractusq; maris; Cælumq; profundum.
Animam nimirum mundi ubiq; per terram &
aquam spiritualia ac vivifica semina in se cōti-
nere, & per se gignere, ubicūq; semina corpo-
ralia desunt; Semina rursus derelicta ab ani-
matis fovere, atq; ex putrido vinaceo semine
variā, ordinatā, pretiosamq; gignere vitem, &
ubicūq; generās deest, solāq; apparēt qualita-
tes accidētales, generationē efficere, vicēq; ge-
neratricis substantiæ gerere statuūt, ut Marf. Fi-
cinus pluribus docet, *lib. 4. Theolog. Platon. c. i.*

Sed non placet hæc sententia Aristotelicis *De Anima*
plerisq; qui nullā evidētē rationē persuade- *mundi Aristotelicorū*
re, vel necessitatē cogere statuunt, ut Animam *sententia.*
Mundi dari concedant, nullamq; actionem in
Mundo apparere, quæ peculiariter ab aliqua
totius Mundi anima proficiat; sed omnes
mundi partes peculiare formas habere, &
per eas suas operationes exsequi; Ideoq; Entia
temerē multiplicanda non esse censent.

Verum de hac controversia hīc pluribus
disputare locus non est. Duo saltem monui-
se sufficiat: Primò, ut etiā modò dictum, ni-
hil novi hīc adferre Chymicos, sed antiquum
dogma novis nominibus occultare. Deinde
δεχαιον νιν α λόγον & antiquissimum dogmā
esse, Mundum seu Animam seu Spiritum

habere: quod nec Aristoteles planè negasse videtur, dum *lib. 3. de gener. anim. c. 11.* scribit: *ἐν γῇ παύχην τὸ ὑγρὸν, ἐν δὲ ὕδατι πνεῦμα, ἐν δὲ πνεύματι θερμότητα ψυχικὴν: ὡς τε ὅπου τίνα πάντα ψυχῆς εἶναι πλῆρη.* Id est, *Humorem in Terra, Spiritum in humore, Calorem animale in universo inesse: ita ut quodammodo plena sint Anima omnia, quæ verba πάντα πλῆρη ψυχῆς, & in libro Hermet. Trismegist. cui titulus: ὡς πρὸς Εὐμῆ, existant.*

*Spiritus
mundi.*

Et qui probabilius aliquid statuere, nec tamen animam Mundi concedere volunt, Spiritum quendam communem & vitalem ponunt, qui per universum hunc Mundum diffusus omnia conservet & foveat: quem nonnulli cælum cælorum commune appellant. Quem & Aristoteles agnovisse videtur, *lib. de Mundo c. 4.* dum scribit: *λέγεται πνεῦμα ἢ τὸ ἐν φυτοῖς ἢ ζωοῖς, καὶ ἂν πάντων διήκοντα ἔμψυχα καὶ γόνιμα ὄντα.* Imò sunt, qui illud in Tabula Smaragdina Hermetis; *Quod est inferius, est sicut id, quod superius, Et quod est superius, est sicut id, quod est inferius, &c.* de isto Mundi Spiritu explicandum censent.

Ad hanc mundi animam seu spiritum Recentiores admirandorum quorundam seculi nostri artificiorum causas referunt: quorum quædam recenset Marcellus Vranckheim, in *Epist. Lampadi vitæ & mortis Jo. Ernesti Burggravij præfixa*. Scribit enim in ea epistola, stupendam & prodigiosam in Anglia exsta-

re Spharam, à Cornelio Drebbelio Batavo
fabrefactam, qua mobilis sempiterni virtute
perennes exploratiffimique siderum cœle-
stium motus, æstus item Oceani, marisque af-
fluxus & refluxus repræsententur. Organum
quoque Musicum recenset, quod cœlo puro,
Sole libero, sola radiorum ab eo strictura ex-
citato intus citharædo illo genio, nulla orga-
nicis manu admota, Symphoniam edat cœle-
stissimam: cœlo nubilo, Sole obstricto, fileat.
Atque ista omnia moventis æterni, atque ani-
mæ mundi virtute perfici narrat: quanquam
addat: Eam esse artificis felicitatem, ut ratio-
nem ejus reddat nemini.

Tandem Materiam primâ Aristotelis quod *Materia*
attinet, contra quam hætenus acriter pugna- *prima secū-*
runt plerique Ramæi, & Recentiores quidam *dum Ari-*
Chymici, eamq; ut dictum, varijs convitijs in- *stotelem.*
sectati sunt, & versipellem Prothea, libidino-
sam Thaida, informe monstrum; Ridiculum
Eubulidis somnium, suave delirium, fuitiles &
inutiles subtilitates, ignavissimum maleferiati
hominis Cerebri, aut Cerberi potius figmen-
tum, Ens rationis irrationale, in Utopiam &
gehennam relegandum appellant: Videant il-
li, qui hoc faciunt, ne in Creatorem rerum o-
mnium injurijs sint, atq; id, quod illi pulcrum
& bonum visum fuit, ita vituperent & insectē-
tur. Nam ut rem in pauca cōtraham, cum dif-
ferētia inter materiam & formā, atq; genera-
tio & corruptio, rerumq; naturalium trāsmu-

ratio negari non possit: nec materia prima negari potest. Cum enim sola forma, etiam in Elementis, totam rei essentiam non compleat, nec ut res sit quanta, à forma habeat: necesse est, aliquid adhuc in rebus materialibus inesse, quod cum forma totum constituit, formamque sustinet: quod quid aliud esse possit in Elementis, quam materia prima, non video. Et cum omnia naturalia corpora materiata dicantur: necesse est, ut communem materiam participant. Deinde quicquid fit, fit vel ex nihilo simpliciter, vel ex aliquo. Prius hic locum habere non potest: Id enim est Creationis, non generationis. Ergo fit ex aliquo. At verò illud, è quo generatur, vel est tantum forma, vel totum Compositum, vel aliquid præter hæc duo. Non duo priora. Nam in nova rei generatione forma prior interit. Ergo adhuc aliquid præter formam est. Materia nimirum, quæ habet privationem rei, quæ gignitur, & tam formam, quam jam actu possidet, quam illam, quæ priori abolitâ introducitur, recipere apta nata est. Quæ licet sensu non deprehendatur: Tamen idcirco neganda non est. Et hac de causa eam negantibus Plato & Aristoteles procul dubio responderent; Oculos, quibus materiam ultimam videtis, habetis, quibus primam videatis, oculos mentis non habetis. Cogitare debebant hi, qui materiam primam negant, aliud esse generari, aliud creari; aliud corrumpi, aliud in nihilum redigi. Illa
fiunt

sunt ex aliquo in aliquod; hæc è nihilo & in nihilum: Et propterea cum ex alio aliud fit, & forma aboleatur, aliquid manere, quod sit ejus mutationis subjectum: Id quod Plato & Aristoteles vocant Materiam primam. Atque ita Materia prima subjectum est primum transmutationis, nullam ex se habens formam, omnes tamè recipere apta nata. Quemadmodum enim æs vel lignum, quatenus æs vel lignum, in se actu nullam formam artificialem possidet; potentiâ tamen omnes recipiendi prædita est: Ita Materia prima in se nullam definitam & specificam naturalem formam habet; apta tamen est omnes recipere.

Licet verò hæc ejus essentia à forma distincta sensu comprehendi non possit, sed tantum ratione: non tamen propterea est Ens rationis, vel merum rationis nostræ figmentum; sed Ens reale, & ut Scaliger, *Exercitat. 5.* loquitur; *Materia per essentiam sibi propriam est id, quod est.* Et *Exercitat. 17.* *Materia est sua quidditas, qua est aliquid, & aliud ab alijs.* Et quidem est substantia seu Ens ab Accidente distinctum: Et quidem substantia corporea. Etsi verò Materia prima propriam sibi essentiam & Entitatem habeat, quâ à forma quiddam diversum est: Existentiam tamen per se nullam habet, quæ propriè est tantum compositi; Sed tota est potentiâ, ἀπορροή, ἀναρροή.

Non quod sit in potentia ad suum esse, quod ipsa sibi est per essentiam, sed ad esse hoc tale, ut ait Scalig. *Exerc. 17.* Neque αὐτοῦ Φῶς & ἀπὸ τοῦ Φῶς dicitur, quod nullam formam & qualitatem habeat; (nunquam enim est sine forma & qualitativis) Sed quod omnis forma & qualitates, quæ ei insunt, sunt extra & præter ejus essentiam. Est enim, ut Scalig. *Exerc. 61.* scribit: *Materia prima unum individuum, sicuti v. gr. Cera massa, cujus pars alia Candela formam gerat, pars simulacri, alia pile, alia tessera, potestq; massa illa tam hanc quam illam formam habere, nullamq; sibi peculiarem vindicat; ut aliquam tamen semper habeat, necesse est.* Neque enim Materia prima à Deo fuit creata, ut species quædam definita & distincta rei naturalis: Sed est potius rebus naturalibus concreata, & est quasi rudimentum & pars omnium rerum naturalium, neque per aliquod tempus absque forma exstat, sed solum sub illa; nulli tamen peculiariter adstringitur.



CAPUT

CAPUT VIII.

DE ELEMENTIS.

Proximum est, ut quæ de Elementis Chymici recentiores sentiant, dicamus: quæ in re ita perplexi, obscuri & varij sunt, ut etiam in mente eorum saltem explicanda Oedipo opus esse videatur; Lectoriq; id inprimis difficultatem parit, quod non, Aristotelicq; & antiquorum Philosophorum more, ex Præcognitis quibusdam & notis ad ignota progrediuntur, & ea, quæ asserunt, rationibus munire conantur, sed saltem, quæ statuunt, affirmant, affirmationiq; nudæ sine omni ratione allatæ fidem adhiberi cupiunt. Multi enim hîc sibi ipsis nimium confisi, nequaquam res ipsas naturales earumq; virtutes intuiti, non eam rebus naturam & facultates, quibus à Deo donatæ sunt, tribuunt, sed veluti cum Deo de Sapientia contententes, Mundum pro suo arbitrio construunt. Itaq; nec eum rerum naturalium numerum, qui à Deo optimo maximo constitutus, retinent, nec eas rebus naturalibus vires, quibus præditæ sunt, tribuunt, Sed pro libitu, modò, quæ reperire est, è rerum naturalium numero excludunt; modò illa, quæ nullibi sunt, in eadem reponunt; Atque ita Deo & Naturæ quasi Sapi-

*Unde ex-
struenda
doctrina
Physica.*

entiâ præcæntes, Mundum pro suo arbitratu fingunt & refingunt. A quorum instituto cum meritò simus alienissimi, Naturam, qualem se conspiciendam & sensibus & rationi exhibet, ut contemplemur, laboremus, eamq; huius mundi constitutionem asseramus, non quam cujuslibet opinio sibi fingit, sed quam Creator rerum optimus & sapientissimus nobis contemplandam proposuit, & quam sensus & vera ratio nobis monstrat.

Et principio quidem Elementa non negat Paracelsus; & ejus asseclæ. Et si ea negarent; non tam contra Aristotelem, quam contra antiquos Chymicos omnes, Lullium, Arnoldum de Villanova, Alb. Magnum, & alios disputarent, apud quos non minus crebra fit Elementorum mentio, quam apud Aristotelem.

*De Elementis
sententia
Paracelsi.*

Verum longè aliter de ijs loquuntur & sentiunt, quam hætenus in Philosophorum Scholis receptum fuit. Nam cum hætenus ex Elementis mista omnia corpora inferiora constitui creditum sit, & plerarumque naturalium rerum causæ ex Elementis petitæ sint: ipsi etsi hæc Elementa rebus sublunariis inesse non negent, parum tamen ipsis tribuunt, actionumq; causas esse negant.

*Elementa
duplicita
Paracelsi.*

*Elementa
visibilia.*

Ut verò Chymicorum opinio rectius percipiatur, sciendum, ipsos, duplicia Elementa constituere, Visibilia & Invisibilia, sive sensibilia, & Insensibilia. Ea, quæ hætenus in
Philoso-

Philosophorū Scholis pro Elemētis sunt habita, visibilia & sensibilia nominant, & vix Elementorum verorū nomine dignantur, & corpora mortua, carētia arcanis, nihil nisi Retollaceas & passivas qualitates possidētia, vilia & servilia pecora, perenni fluxu generationibus inservientia, & ob id infimū subselliū occupātia appellāt, atq; eos, qui ijs inhærescūt, corticē & siliquas pro nucleo, vestē pro Matrōna, Acrē pro Junone, Ancillas pro Domina cū Penelopes procis arripere & amplexari dicunt.

Elementa verò sua invisibilia esse dicunt, & *Elementa invisibilia*, plerumq; cum Elementa nominant, non illa vulgò nota, sed hæc sua invisibilia & insensibilia intelligunt, atq; ea essentiā, vitam & actum Entium univerforū esse dicunt. Paracelsus, in *præfat. lib. Meteororū, & Philosoph. Sagacis l. 1.* ¶ *Generatiq.* Elemēta matrices nominat, quæ fructus gerant & foveāt, quibus homo nutritur; & ejusd. *l. 1. c. 1.* scribit: *Elementū nihil aliud est, quam subiectū, per quod aliquid perfici debet: & Elementa sunt ea res, in quibus Vivū collocatū est.* Et, in *Philosophia ad Athenienses, l. 2. t. 6.* scribit: *Ut rectius intelligatur, quid sit Elementū, sciendū Elementū nihil esse aliud, quā Animā quandā, non quod ejus essentia sit sicut Anima, sed quod similis sit Animæ.* Et mox: *Anima Elementorū est vita Creaturarum.* Et, in *libro Meteororū c. 2.* Ut sciat: 19, inquit, quid Elementū sit, hoc exemplū summū: *Homo habet magnū corpus; quod verò homo est, est Anima, est Spiritus & parvū quid. Quod*

vera

verò Corpus appellamus hominem, ideo accidit, quod homo in corpore est, & Anima sine corpore non est, sed cum eo. Ita terra appellatur Elementum; cur tamen sit corpus tantum, in quo verum & invisibile terra Elementum inest. Et mox: Ita quatuor Elementa sunt corporea, sed in sua essentia & natura sunt spiritus: Et postea: Si dicatur, hoc provenit ex Terra, intelligendum est de vero, spirituali & invisibili Elemento, non de corpore. Et iterum: Caro & sanguis non est homo, Spiritus verò est homo. Ita quatuor sunt Anima vel Spiritus, unus Terra, alter aqua, tertius aeris, quartus Caeli. Terra nimirum habet corpus, sed in corpore est Spiritus. Omnia verò, quæ ex terra crescunt, à Spiritu proveniunt.

Atque ista Elementa non misceri, neq; ex Elementis mistis, quod in Scholis Philosophorum vulgò docetur, generationes fieri statuit, sed in singulis Elementis semina latere, quæ certis temporum periodis in generatione progrediantur. Ita enim. lib. 2. ad Atheniensem. 1. 2. Elementa non possunt simul consistere, neque ulla res est, quæ ex quatuor Elementis constet; vel ex tribus, vel ex duobus, sed quodlibet

*Elementum
Paracelsi
quid.*

Creatum habet unicum Elementum. Atque ita Paracelso est Elementum, quicquid fructus, id est, certam rerum naturalium sive creaturarum speciem subministrat & fovet.

*Elementorum
fructus.*

De fructibus autem Elementorum, de Caducis parag. 2. ita scribit: Terra fructus sunt omnes herba, arbores & gramina: Aquæ fructus sunt

*sunt metalla, lapides, & similia: Aeris, Ros Man-
na, Ignis Pluvia, Nives.* Et si alibi Stellas Ignis
fructus esse dicat, & ignem & firmamentum
pro eodem habeat. Eadem verò est sententia
recentiorum, quibus presso pede Paracelsum
potius sequi, quàm in rerum fundamenta &
rationes inquirere placuit.

Petrus Severinus, c. 5. *Idea Medicina Ele-* *P. Severini*
menta dicit esse loca, Matrices, domicilia, vi- *de Elemen-*
tali validâq; potestate munita, quæ semina *tis senten-*
generationi consecrata foveant, suscitant, ad *tia.*
maturitatem promoveant, emeritis recepta-
cula concedant; & quia loca sint, in corporea
esse dicit & vacua; aliâs enim & nisi à dimen-
sionum legibus absoluta essent, nequaquam
corporum & principiorum tantam multitu-
dinem tam facile reciperent.

Dividit autem Elementa in duos glo- *Elemento-*
bos, & utrique globo duo Elementa tribuit, *rum divisio*
Superiori firmamentum, Cælum vel Ignem *secundum*
& Aerem; inferiori terram & Aquam; & *Severinum.*
quodlibet Elementum suos fructus edere sta-
tuit: Firmamenti fructus esse, quos vulgò va-
poribus & Exhalationibus adscribunt; Aeris
mannæ & Roris species; Aquæ Mineralia;
metalla, lapides; Terræ herbas & Animalia, &
ista Elementa non misceri etiam statuit.

Recentiores ex eodem Severino iisdem
ferè verbis Elementa dicunt esse Invisibilia
& Incorporea, quæ tanquam loca, matrices &
domicilia vitali valitaq; potestate munita se-
mina

*Crollij de
Elementis
sententia.*

mina generationi destinata in Abyssis suis & Orco foveant, digestis temporibus suscitent, ad maturitatem promoveant, ac emeritis diversoria & receptacula concedant immutabili quiete beatâ. Crollius caliginem & tenebras legentium oculis ab obscuritate Severini offusam discussurus, ut pollicetur, ferè majores addit. Ita enim de Elementis philosophatur, p. 21. & seqq. *Vera Elementa cum suis proprijs astris non sunt visibilia aut sensibilia, sed sicut anima in corpore est insensibilis, ita etiam Elementa in suis corporibus. Corpus Elementorum est res mortua & tenebricosa.* Et postea: *Nostri visibilia Elementa sunt aliorum saltem corpora & domicilia, & vim illorum impediunt & remorantur. Terra est duplex, Externa visibilis; Interna invisibilis. Externa non est Elementum, sed est corpus Elementi, & est Sulphur, Mercurius, Sal. Elementum autem terra est Vita & Spiritus: in quo astra terre jacent, quæ per corpus terra producant omnia crescentia.* Idem de reliquis statuit.

*Paracelsi
sua principia
priora
Elementis
constituunt.*

Ex quo loco apparet, Crollium tria principia adhuc ante Elementa constituere; quod & Paracelsus, in *Labyrintho Medicorum errantium*, c. 3. fecit, & illa prima simpliciter facere, postea ex his tribus quatuor Elementa condere per quatuor modos, ita scilicet, ut Cælum sit factum uno modo ex Sulphure, Sale & & ; alio modo ex iisdem aer; alio modo Aqua; alio Terra. In qua re à Severino & plerisque alijs Chymi-

Chymicis dissentit, qui Elementis addunt principia, non ut constituentia ea, sed ut in corpore constituendo sociâ. Ex corporibus hisce postea prodire Crescentia scribit, & ex his fructus mediantibus astris provenire statuit. Ex corpore ignis, inquit, emicueſcere astra visibilia sive stellæ firmamenti; ideo ignis est nutrimentum & conservatio stellarum; ex corpore Aquæ concrescunt metalla, Salia & mineralia: Ex corpore Terræ crescunt arbores & herbæ. Firmamenti fructum dicit esse Nivem, eamq; generari in igne.

Quercetanus, in defensione contra Anonymum c. 14. etiam Elementa alia invisibilia, alia visibilia esse statuit. De invisibilibus ferè ut Paracelsus & Severinus sentit. Visibilia duò esse dicit, siccum sive terram damnatam, & humidum sive phlegma. Facit tamen postea quoq; Aeris mentionem, sed qui seorsum capi aut separari nequeat, sed vel Sulphuri vel Mercurio permixtus sit, atque inprimis Mercurio adhæreat. Igneum verò Elementum nullum aliud, præter Cælum, agnoscit.

Beguinus, in Tyrocinio Chymico, Elementa tantum duò esse statuit, dum ita scribit ferè ex Quercetani sententia: *Observandum est, quod in Spagyrica mistorum ἀναστοιχείωσις præter tria commemorata principia verè activa duo alia resultant corpora, quæ principiorum numero à Chymicis non adscribantur, quod illorum tantum sint integumenta, omnia δὲ ἀπὸ τῶν Ἱπποκράτει*

Quercetani opinio de Elementis.

Beguni opinio de Elementis.

ticā destituta, quorum alterum siccum, alterum humidum, & accidentaliter Aereum, nempe phlegma insipidum & inodorum, quodq; tantum humectat citra ullam aliam ἐνέργειαν aut activitatem Medicam. Et hoc modo cum plurimis Chymicis duo tantum Elementa corporea constituit. Terram nimirum; Corpus à Sulphure Mercurio & Sale separatum, quod terram damnatam, maledictam, & Caput mortuum appellant; & Aquam, omni Sulphure Mercurio & Sale destitutam, insipidum, phlegma.

Quæ omnia hætenus ab his tradita si in pauca contrahantur, Constituunt, quod etiam supra dictum, Paracelsici duo Elementorum genera, alia vera invisibilia & incorporea, quæ corporeis istis visibilibus vulgò dictis Elementis insint, tanquam Anima in corpore, vitali potestate prædita, seminumq; conservationi & rerum generationi destinata: alia visibilia, crassa, mortua, & non nisi qualitates passivas habentia, in quibus illa invisibilia insint. Utrorumq; pleriq; quatuor statuunt; sed Ignem & Cælum pro eodem habent; alij tamen Elementa corporea & passiva admittunt, nimirum Terram & Aquam, & Aquam accidentaliter quoque Aerem fieri dicunt.

Petrus tamen Severinus nescio quæ adhuc Elementa molitur, dum scribit: *Esse in natura Ignem terrestrem, Aerem terrestrem, Aquam terrestrem: rursus terrā cælestem, Aquam cæle-*

cælestem, similiter Terram Igneam, Aëream, Aquæam: postremò Aërem Ignem, Aquam, Terram. Quo modo Elementorum numerus valde augebitur. Habebuntur enim quatuor terræ, quatuor Aquæ, quatuor Aeres, ut sic dicam, quatuor Ignes. Et cum rursus quodlibet Elementum sit duplex, Visibile & Invisibile, magis adhuc Elementorum numerus augebitur.

Verum multa sunt, quæ in hisce probari *Elementum non possunt. Primò enim abutuntur Paracelsi nomine Elementi, cōtra usitatum morem loquendi omnium seculorum & hominum. Cum enim Elementum propriè significet minimam partem ejus, ex quo res tanquam materia constat: ipsis Elementa saltem sunt loca, matrices, receptacula. Maximè autem differunt locus & materia rerum.*

Deinde, quod Paracelsus, *in Labyrint. Med. errant.* Non ut reliqui saniores Chymici, qui *Principia sua male ponunt, principia, vel Elementis posteriora & ex ijs orta, vel ut in corporibus naturalibus cōstituendis socia statuunt, sua tria principia ante Elementa ponit, & ex alia Salis, Sulphuris & ꝑ commistione ignē; ex alia Aerem, ex alia Aquam, ex alia Terram constituit: Id admitti nō potest: Neq; ullā saltem probabili ratione defenditur, sed eādē facilitate, qua ab illis sine ratione ponitur, hæc opinio rejicitur. Et propterea alij Chymici saniores eam defendere ausi non sunt; Sed ut modò*

L dictum,

dictum, vel tria ista Chymicorum principia ex Elementis mista esse, vel in corporibus naturalibus constituendis socia esse, sentiunt.

*Elementa
non contem-
nenda.*

Deinde non video, quomodo tolerari possit, quod nonnulli Recentiores, Elementis, quæ æquè, ut aliæ res naturales, Dei creaturæ sunt, ita iniqui sunt, & illa vilia ac servilia pecora appellant. Cedunt enim ista in ignominiam Naturæ, & Authoris Naturæ Dei, qui vidit omnia, quæ fecerat, & erant valde bona. Et propterea in Elementa, quæ etiam inter Creaturas Dei sunt, in quibus is suam omnipotentiam, sapientiam & bonitatem declaravit, & sine quibus ne momento vivere possumus, ita joculari non decet. Serviunt Deo & hominibus, & omnibus Creaturis sublunaribus, atque eo nomine non vituperanda, sed laudanda sunt; qua in re nobis præit Psal. 114. qui laudat Deum, quod omnia in Sapientia fecerit, atque interea etiam Elementa. Neque etiam ita ignobilia sunt, & nullius actionis. Quantæ enim illorum actiones sint, & sana & morbida corpora experiuntur. Et quanta commoda Calor & Frigus Elementorum moderata, rursusque immoderata damnum afferant; experientia satis testatur. Non sunt ergo ita Rerollacea, nulliusque precij. Imò quantæ eorum actiones sint, ipsi Chymici satis norunt, qui sine calore & frigore nihil perficere possunt.

Elementorum vires.

Peccant

Peccant quoque in eo, quod Elementa corpora crassa nominant. Sit terra crassa: non propterea Ignis & Aer crassa sunt. Ejusdem notæ est, quod Elementa ista Visibilia nominant. Viderint enim terram & Aquam: quando verò vel Aerem vel Ignem viderint, nescio. Ineptè etiam Mortua appellant: cum enim nunquam vixerint vel vivere debuerint; non rectè Mortua nominari possunt. Absurdius est illud, quod quidam in specie Terram maledictam nominant.

De numero autem Elementorum hîc pluribus non disputabimus, cum ea controversia non propriè Paracelsistas cōcernat, sed etiam inter alios Philosophos agitetur. Argumenta, quæ pro numero Elementorum proferuntur, alij loco relinquimus: cum ipsum nobis sensus satis monstret; & supervacaneum sit, argumentis ea operosè demonstrare velle, quæ sensus ipse evincit. An non Tetram & Aquam videmus? An non Aerem amplissimum istud spacium supra terrenum globum explentem haurimus & spiritu ducimus? Quis ignis vim non vidit & sensit? etsi de loco ejus dubitant Authores. Ut & aliæ graviores quæstiones & controversiæ circa Elementa agitantur, quas explicare potius debebant Recentiores, quàm Elementa ita contemnere. Ut de alijs jam non dicam, de Aere aliqui contra communem opinionem statuunt, Aerem esse frigidissimum.

Elementa

TETRA QUAT

TUS.

Aeris Quatuor
lites.

Et probare id eo conantur: Quod aer sibi derelictus semper frigidus, ut nullibi Aer calidus ex se ostendi possit, omnisque aer calidus à Causis externis Calorem acquisiverit. Deinde quod Aeris causa & Aqua & Terra congelatur; & quidem eo usque tantum, quousque Aer penetrat.

*Elementa
invisibilia
Chymicorū.*

Ipsorum verò Invisibilia Elementa quod attinet, dictum antea, nec Aerem, nec Ignem visibilia ex se esse. Deinde ignotis istis Elementis alia adhuc occulta contineri credemus, si quod sint talia Elementa probaverint, & quomodo cognoverint ea dari, demonstrarint. Solæ Paracelsi, Crollij, Severini & similium affirmationes nova Entia parere non possunt. Et non est de nihilo, quod Libavius, in *Examine Philosoph. Hartm.* de Severino scribit: *Bonus vir multa dicit, quasi nuper ex The-sauris & abyssis Natura prodixisset, & omnia nuda vidisset; sed nihil probat.*

Et certè mira sunt Elementa, quæ secundum Severinum, *cap. 5.* sunt naturæ incorporeæ, à dimensionum legibus absolutæ, inanes, vacuæ. Corporum enim corporea principia hætenus omnium virorum eruditorum consensus credidit. At isti, nescio quæ, inania & vacua, imò incorporea nobis Elementa fingunt. Dum tamen infinita non esse, & virtutem vitalem terminos & fines ijs præscribere ait Severinus, ipse sibi contradicit. Nam si terminos habent, hoc ipso dimensione non carent.

earent. Sicut nec cohæret, quod hæc Elementa hæc incorporea inania & vacua appellat, ijsque nihilominus contrarietatem & repugnantiam tribuit, *cap. 2.*

Neque etiam internorum istorum ac invisibilium Elementorum naturam satis explicant. Vidit forsan eminens Paracelsus, non corpus agendi principium esse, & corpora sine formis & qualitatibus incorporeis nihil agere: at quod vidit & forsan rectè sensit, rectè explicare non potuit, & pro forma agendi principio & Qualitatum omnium origine aliud elementum in elemento posuit. Aliud verò si sensit vel Paracelsus vel Severinus, parum probabilia asseruerunt, nec quid velint, satis explicare potuerunt. Nam cum Elementa ista externa & vulgaria, quibus sua interna longè præferunt, suas qualitates satis nobiles & efficaces (ut ut ipsis Relollaceæ videantur) habeant, & caliditate, siccitate, frigiditate, humiditate, levitate, gravitate, perspicuitate, opacitate sese ostendant: Illa interna Elementa (eorum opinione longè nobiliora) omnibus qualitatibus, & hinc emanantibus actionibus non erunt destituta. At nullas adhuc horum Elementorum qualitates & actiones monstrare & explicare potuerunt. Nam quod dicunt, vitali, validâq; potestate munita esse, & semina generationi consecrata fovere, nimis generale est: Imò hoc ipsum quaeritur, quæ ista valida vitalisq; potestas sit.

*Semina re-
rum natu-
ral. nō sunt
in Elemētis.*

Præterea nec hoc probant, quod tamen maximè probare debebant, quod ullibi semina sint extra suam speciem: Neq; enim Deus semina Elementis in Creatione indidit; sed speciebus naturalium rerum, quæ sunt in Elementis. Neq; semina conspiciuntur extra Individua Specierum suarum in Elementis, sed tantum in suæ speciei Individuis. Deus enim cum res crearet, dixit: *Germinet terra herbam virentem & ferentem semen, & lignum pomiferum faciens fructum juxta genus suum: cujus semen in semetipso sit super Terram.* Non verò dixit; Semen plantarū sit in Elementis. Eadem ratio est in animalibus. Nec Severinus hætenus monstrare potuit, quod Animalia ex Elementis sine parentibus progenita sint; Sed ad hunc usq; diem per semina parentum propagantur; & per Individua fit specierum cōservatio. Neq; anima Bucephali, antequam generaretur Bucephalus, in Elementis istis invisibilibus, Abyllo vel Orco fuit, sed in parentibus suis. Omnes nimirum res semina sua in se continent, quæ Dei benedictione & vi verbi divini; *Crescite & multiplicamini*, multiplicantur, & hoc modo per Individuorum multiplicationem species cōservantur, non verò ex progressu seminum ex Orco vel beatis illis sedibus Elemētorum. Et licet tempore Verno ex Terra & Aqua plantarū & animalium multa genera, quæ tempore hyberno emortua videbantur, vicissim prodeant: Non tamē ex Orco Hippocratis progrediuntur, sed è suis semini-

bus aut radicibus, quæ à consimilis speciei Individuis ibi quasi in Matrice relictæ fuerunt.

Neq; refert, quod ex Orpheo vel Hippocrate quædam loca, quæ ab hac doctrina aliena nō videntur, afferunt. Nam scimus, antiquos Philosophos sæpe ex vulgi vel aliorū sententia locutos esse; ac multa, quæ Hippocrati attribuantur, Hippocratis genuina dogmata non esse. Nō ignoramus etiam, nō pauca apud antiquos Philosophos absurda dogmata reperi; quorū plurima ex ignoratione Creationis rerum nata sunt. Et si in hisce Hippocratis autoritas ijs est tam sacrosancta: Cur nō etiam in alijs ejus dogmata sequuntur? Verum cum ad ea, quæ Medicinæ propria sunt, properemus, hic plura in hunc sensum non addimus. Prolixè Paracelsi & Severini hac de re dogmata examinat Erasius, *disp. contra Paracel. part. 2.*

Qualitates verò primas quod attinet, quæ *Qualitates* nulliq; ferè pretij sunt Paracelsicis, & mortuæ, *prima non* invalidæ, ac Relollaceæ appellatur: rectè hic il- *sunt in eff-*
lud Diogenis ipsis obijcitur; Qui, Zenone ali- *cates.*
quādo in Scholā subtilis. rationib; morū negante, surrexisse & inambulasse dicitur, & Zenoni, quid ageret, interrogāti respōdisse: Se ipsius rationes cōfutare. Et quod Scal. *Exer. 18.*
Cardano, Frigus nihil nisi Caloris privationē esse, asserenti respondit: Soleas abijce ac pileum, Cardane, quo tempore ex alpi-
bus Rhetici urit nos Boreas. Stultum nimirum est contra sensuum experientiam pugnare, quā

constat, ad rerum naturalium generationem & corruptionem qualitates primas maximam habere vim & potestatem, ac non minoris esse momenti quam vel odores, vel sapes, vel colores. Validissimæ sunt istæ qualitates, non invalidæ.

*Elementis
non solum
inhæren-
dum.*

Interim tamen dum Elementa defendimus, ijs solum inhærendum non censemus. Et si eâ de causâ Paracelsicis Elementa & Elementorum qualitates exosa sunt, quod putent, Aristotelicos & Galenicos omnes ijs solis inhære, atque ideo Elementarios ambulatores & Philosophos nominant: injuriam Aristotelicis, & qui ante Paracelsum fuere, Philosophis & Medicis plurimis fieri dico. Fuerint sanè aliqui, quicunque etiam, qui solis Elementis inhæserint, & nihil ultra ea sapuerint: at non tales omnes Philosophi & Medici fuerunt. Neq; tam infantes & rerum omnium imperiti omnium seculorum Philosophi fuerunt, ut crederent, ex solâ Elementorum permissione tam præstantes Naturas, tam nobilium qualitatum & actionum autores, provenisse, Aristoteles certè multum supra Elementa sapuit; quod non solum ex libris de Anima patet, verum etiam ex insigni illo, 2. de generat. anim. cap. 3. loco, quem omnes rerum naturalium scrutatores perpetuò ob oculos habere debebant, quemque propterea, & cum multis alijs lucem allaturus sit, hic integrum inserere libet. Ita autem ille:

ωδὸν

πάσης ἂν ψυχῆς δύναμις ἑτέρα σώματος ὅμοια
 κοινοῦνται, καὶ θειοτέρη τῶν καλῶν
 στοιχείων, ὡς ἡ Διὰ Φέρεσι τιμότητι αἱ ψυχαὶ
 καὶ αἰμία ἀλλήλων, ἔτι καὶ ἡ αὐτὴ Διὰ Φέρεσι
 Φύσις. πάντων μὲν γὰρ ἐν τῷ ἀέρι μὲν ἐνυπάρ-
 χει, ὅπερ ποιεῖ γόνιμα εἶναι τὰ ἀέριμα, τὸ
 καλὸν θερμόν. Τὸ δ' ἔτι καὶ πῦρ, ὅδ' οὕτως
 δύναμις ὅτιν, ἀλλὰ τὸ ἐμφανισθέν μόνον ἐν
 τῷ ἀέρι, καὶ ἐν τῷ ἀφρώδει πνεῦμα, καὶ ἡ
 ἐν τῷ πνεύματι Φύσις ἀνάλογος ἔστι τῶν
 ἄσπερων στοιχείων. διὸ πῦρ μὲν ἔδεν γενεᾷ ζῶν, ὅδ'
 φαίνεται σιωπῶν πνεύματι, ἔτι ἐν ὑ-
 γροῖς, ἔτι ἐν ξηροῖς ἔδεν. ἡ δ' ἔτι ἡλίκ' θερμότης
 καὶ ἡ τῶν ζῶν, ἡ μόνον Διὰ τῆς ἀέρος, ἀλλὰ καὶ
 ἐν πνεύματι τύχη τῆς Φύσεως ὅν ἐπ-
 ἔχει, οὕτως ἔχει καὶ τὸ ζῶν δέχεται. ὅτι μὲν
 ἂν ἡ ἐν τοῖς ζῶσι θερμότης ἔτι πῦρ, ἔτι ἀπὸ
 πυρὸς ἔχει τὴν δέχεται, ὅτι τῶν τοιούτων ὅτι φα-
 νερόν. *Omnia animae sive virtus sive potentia cor-
 pus aliud participare videtur, idq; magis divi-
 num, quam ea, quae Elementa appellantur. Verum
 pro ut nobilitate & ignobilitate animae inter se
 differunt; ita & natura ejus corporis differt. In-
 est enim in semine omnium, quod facit, ut facun-
 da sint semina, videl. quod Calidum vocatur. Idq;
 non Ignis, aut talis aliqua facultas est, sed Spiritus,
 qui in semine spumosoq; corpore continetur,
 & Natura, quae in eo Spiritu est, proportionem re-
 spondens Elemento Stellarum, Quamobrem
 Ignis nullum animal generat, neque constituit
 quicquam densis vel humidis vel siccis videtur.*

At verò Solis calor & animalium, non modò, qui in semine continetur, verum etiam si quid excrementi, quanquam diversum à natura, tamen id quoque principium habet vitale. Caterum calorem in animalibus contentum nec ignem esse, neque ab igne originem ducere, apertum ex his est.

Ex Qualitatibus primis omnium rationes reddi non possunt.

Alexander Aphrodisæus; in *Proem. Problematum*, infinita in rerum Natura existare scribit, quæ solâ experientiâ cognoscantur, & propterea à Medicis arcanae proprietates appellantur. Atque eos reprehendit, qui talium effectuum Causas ex Elementorum Qualitatibus afferre conantur, eosq; pravè solutiones proponere quamplurimas, quæ inutiles penitus sint & improbables, docet.

Galenus ipse, *lib. 11. de simpl. med. fac.* Pelopem Præceptorem reprehendit, quod omnia ad manifestas qualitates reducere conaretur. Et ut reliquos Græcos omittam; Avicennas, *sen. 2. pr. Canon. doctr. 2. c. 15.* ubi de ijs, quæ totâ substantiâ agere dicuntur, tractat, illam operationem non provenire ex qualitatibus primis, neque ex temperamento inde orto, sed à forma specifica post complexionem adveniente, scribit: quem Mesues & alij Medici plurimi secuti sunt.

Occulta Qualitates.

Inter Recentiores Philosophus acutissimus Jul. Cæs. Scaliger. *Exerc. 218. sect. 18. ad manifestas omnia deducere qualitates summam impudentiam esse scribit. Et exercit. 101. f. 14.* Carda-

Cardanum ita alloquitur: *Quis te malus genius Alexandreus adegit eò, ut miserè diceres, Sola elementorum permistione fieri posse, ut ferrū trahatur à Magnete? Et lib. 1. de plantis hæc habet: Prime Qualitates penè ab omnibus existimate sunt saporum causa: tamen si nobis aliter videtur. Nam si sapor à calore fit: ergo calidum elementum primo & per se sapidum existet. Quid quod multa mista calida insipida. Quod si quis dicat ex quatuor Qualitatum temperatione confici saporem: respondeat, an in Elemento quopiam, quæ Elementum est, sapor insit. Non sanè inest. Cæterum quemadmodū neg, vita prodit ab Elementis, neg, risus, neg, sensus, neg, intellectio, neg, cremētum, neque motus voluntarius, sed à formis alijs, quam elementaribus: ita sapor quoq;. Si non est ab Elementis gustare: quare sit gustus? Atq; ita Aristotelici & Galenici planè Elementarij non sunt, neq; qualitatib; primis penitus immersi.*

Imò Sympathias & antipathias rerū, quod attinet, ita eæ non sunt ignotæ Peripateticis & Galenicis, ut etiam pleraq; earum exempla, quæ hodie adducuntur à Chymicis, ab Aristotele, Galeno, eorūq; discipulis annotata acceperint. Si qui tamen sunt vel ex Philosophis vel Medicis, qui nihil supra Elementa & Qualitates primas sapiunt, ab eorum partibus non stamus. Et qui tentāt omnia ad qualitates primas reducere, illis plerumq; evenit, quod de Epicuro & Asclepiade Galenus lib. 1. de nat. fac. 6. 14. scribit, ut rationes vel ineptas & ridiculas afferant;

aſſerant, vel ea negent, quæ etiam Experientiâ confirmata ſunt. Et certè ſi nihil eſſet, quod id nobis perſuaderet, ſaltem in venenis decuit acquieſcere, ut Scalig. *Exer. 218. ſect. 8. ait.* Eorum namque multa diverſas habent ab Elementorum qualitatibus proprietates, quæ omninò latent animos temperatos, illudunt curioſis.

*Qualitas
eum occul-
entum ſu.*

*Venenorum
ſu.*

Nam primò quæ à qualitatibus manifeſtis fit alteratio & læſio, tam ſubitò, quod venena faciunt, hominẽ interimere non pot-eſt. Secundò in minima quantitate maximas vires non habent qualitates primæ, Ignis quidem eſt calidus, nix frigida: Sed ut rectè ſcribit *Galenus 3. de Temper. c. 4.* Si quid horũ proriſus exiguum eſt, nullam evidentẽ in corporibus noſtris excitat affectum. At venena etiam in minima quantitate non ſolũ maximarum operationum auctores ſunt, ſed etiam eneant. *Quis enim credat, inquit Galen. 3. de loc. aff. c. 7. vel à Scorpione infixo aculeo, vel à phalangiorum icibus totum Corpus ingenti & inuſitata mutatione affici, niſi ſæpè numero id accidere videret? præſertim minimam quandam rem feris in ipſum demittentibus:* Et paulò poſt: *Marina Turturis, quemadmodum & terreni Scorpij aculeus in partem acutiſſimam quidem illam finitur, ubi nullum foramen eſt, per quod venenum deſcici poſſit: Neceſſe tamen eſt, ut excogitemus ſubſtantiam eſſe aut Spiritualem aut humidam, quæ, ut mole minima ita facultate quàm maxima eſt.*

eff. Et *Ælianus*, lib. 9. cap. 5. de animal. refert, *Morsus vestigia, quæ aspis imprimit, tam obscura & parva esse, ut indicia uix acri oculorum acie deprehendantur.* Præterea in minima quantitate venena in corpore illæsa latere possunt, tandemq; longo post tempore vires suas exerunt; Id quod qualitates Elementares præstare non possunt. Sic exigua sputi canis rabidi quantitas illæsa in corpore manere, & contra caloris nostri actionem sese tueri potest; tandemq; post menses non solum sex, sed longè plures etiam gravissimas corpori nostro mutationes inducit.

Et quod de venenis diximus, de alijs rebus plurimis dici posset, quarum vires sunt longè majores & nobiliores, quam ut ad qualitates primas referri possint. Quis actiones magnetis ad qualitates primas commodè reducet? Quis, quomodo purgantia suas actiones obeant; quæ ratione medicamenta peculiare nostri corporis partes roborant; quod Alexipharmaca venenis resistent, ex qualitatibus primis rationes sufficientes dabit? Aut quis miras rerum plurimarum Sympathias & Antipathias ex qualitatibus primis deducet?

Confugiunt hîc quidam nonnulli ad id, ut dicant, occultas qualitates ex variè mistorum singulari temperie nobis planè incognitâ, Deo & Naturæ soli notâ oriri, neque aliud esse, quam latentem variè mistorum *idiosyncrasiam*. Verum falsum est, occultas Qualita-

*Qualitates
occultas
quæ.*

tes eâ de causa sic dici, effectusq; toto genere differentes satis monstrant, nullo modo, quæcunq; etiam mistio & temperies fingatur, à Qualitatibus primis oriri posse. Et rationes paulò ante allatæ æquè contra temperiem seu notam, seu occultam, qualitatum primarum, quam contra singulas seorsim pugnant. Nam ut modo ex Scaligeri, *lib. 1. de plantis*, dictum; In nullo Elemēto, quæ Elementū est, sapor est. Et proinde nec in cōposito sapor ex elemētis est. Et si occultas qualitatē, quæ in reb9 naturalibus deprehenduntur, à singulari Elementorum mistura deducere licet: annon ab ipsdem Elementis vita, risus, sensus, motus voluntarius, imò ipsa anima, ut venenavit hanc Philosophiæ partem Alexander, ut verbis Scaligeri utar, deducatur? Sed nec hîc acquiescunt; Et cum dicitur nihil agere ultra virtutem suę Speciei, & proinde cum occultæ Qualitates longè alios effectus producant, quam qui à temperie primarum qualitatū possint proficisci; Respondent; *Uti ex mistorum Elementorum varia mistione nascitur indicibilis qualitas, quæ in nulla re alia extet; Ita quoq; esse magnæ & latentis efficaciæ, præcipuè cum à forma dirigitur. Ita calorem ab ignis forma directum urere, ab anima coquere.* Verum prius quod attinet, petitur principium. Hoc enim ipsum in quæstione est, An ex quacunq; etiam seu manifestâ seu occulta qualitatū elementarium mistione oriri possit aliqua quali-

*Occultæ
Qualitates
non oriun-
tur ex pri-
mis.*

qualitas, quæ sit tantæ efficaciz, qualis in venenis, & alijs rebus pluribus invenitur. Et hoc meritò negatur, iterumq; illis regeatur: *Nihil agere ultra virtutem suæ speciei.* Effectus autem, qui in venenis & alijs rebus, quæ occulto modo agere dicuntur, deprehenduntur, supravires Elementorum pluribus modis esse, supra monstratum est.

Deinde, quod dicitur tam miras actiones edere, quatenus à forma dirigantur, sciendum: Et si Qualitates sint formarum instrumenta, & à Formis dirigantur, nunquam tamen amittere suas vires, aut Naturam, sed eas ipsas solummodo exercere: si quid nobilius editur, ab alijs Facultatibus & concurrentibus Qualitatibus fieri; Et proinde dum à Formis suis diriguntur, præter, vel ultra suæ speciei vires non agere. Ut res essentijs differunt: ita operationibus & instrumētis. Id quod ipse Aristoteles docet, *lib. 2. de Gen. Animal. c. 1.* ὡς περ, inquit, εἰδ' ἂν πῖλεω, εἰδ' ἄλλο ὄργανον φῆσαι μὲν ποιῆσαι τὸ πῦρ μόνον, ὥτως εἰδ' ὅσα, εἰδ' ἡ χεῖρ. τὸ αὐτὸν ἢ τρόπον εἰδ' ὅσα. καὶ γὰρ ταύτης ἔργον τί ὅτι. σκληρὰ μὲν ἂν καὶ μαλακὰ, καὶ γλίσχρα, καὶ κρεῖαυρα, καὶ ὅσα ἄλλα πᾶσι ὑπάρχει τις ἐμψύχοις μορφοῖς, θερμότης καὶ ψυχρότης ποιήσιν αὐτὰν. Τὸν δὲ λόγον, ὡς ἤδη τὸ μὲν σπέρμα, τὸ δὲ ὅς ἂν, ἐκεῖ, ἀλλ' ἡ κίνησις, ἡ δὲ τὸ τὰ γεννήσαντος τὰ ἐνταλχεῖα ὄντος ὃ ἐστὶ δυνάμει, ἡ ἐξ ἧς γίνεσθαι, ὡς περ καὶ ἐπὶ τῶν γανομῶν κατὰ τέχνην. εὐκλεῖον

*Qualitates
prima non
agunt nisi
suas vires.*

σκληρὸν μὲν γὰρ καὶ μαλακὸν τὸν σίδηρον ποιεῖ
 τὸ θερμὸν καὶ τὸ ψυχρὸν: ἀλλὰ ξίφος ἡ κίνη-
 σις ἢ τῶν ὀργάνων, ἔχουσι λόγον τὸν τῆς τέχνης.
 Calor nimirum etiam dum est animæ vege-
 tantis instrumentum, solum calefacit, & so-
 lum calefaciendo coctioni inservit. Quod au-
 tem in ventriculo & Cibo fit Chylus, non so-
 lum à calore proficiscitur, sed à facultate ven-
 triculi coctrice, seu vi chylica, ut appellant.
 Sicut idem calor, etsi in diverso gradu, & co-
 ctioni in Epate inservit, in quo non solum
 ob Calorem, sed innatam vim sanguificandi
 Chylus in sanguinem convertitur: Nunquam
 verò Anima calore ad frigefaciendum, aut
 humectandum, aut humiditate ad calefaci-
 endum & siccandum; aut aliquid ultra suas
 vires agendum, utitur: qualitatesq; primæ
 quocunque etiam indicibili modo mixtæ, in
 animali venenato non evadunt venenatæ, aut
 veneni naturam induunt, sed veneni natura
 longè ab alio principio pendet. Et ut diversæ
 actiones à diversis formis fiunt: Ita quoque
 formis diversis ad diversas actiones edendas
 Natura diversa instrumenta dedit. Magnes
 non attrahit ferrum calido, frigido, humido,
 sicco, aut temperie quocunque modo & ἀρρή-
 τως mixta; sed occulta & nobiliore qualitate.
 Materia & particula veneni à Scorpione im-
 missi, nō calefaciendo, frigefaciendo, hume-
 ctando, siccando, aut his omnibus quocunq;
 modo mixtis; sed peculiari vi humores corpo-
 ris

ris nostri corrumpit, tandemq; hominem jugulat, quod nulla qualitas Elementaris seu sola, seu cum alijs quocunque modo mista, præstare valet.

Sed nec in his acquiescunt, ac dicunt, quod plus sit in cōposito, quam in simplicibus. Verum concedimus quidem, plus esse in composito, quam in quolibet simplici seorsum sumto: Interim non sequitur, quod plus sit in Composito, quam in simplicibus omnibus, quæ compositionem ingrediuntur. Si plures Colores miscentur, fit quidem Color alius ab omnibus seorsim sumtis simplicibus: Sed tamen solum Color inde fit; nunquam verò ex coloribus, quocunque modo mistis, fiet odor, vel sapor, vel alia diversæ speciei qualitas. Ita temperamentum est quatuor qualitatibus primis aliud quidem est, quam simplices qualitates seorsim sumtæ: Non tamen alia alterius speciei qualitas inde oritur. Et quocunq; modo qualitates primæ misceantur, nunquam ex ijs fiet Color; nunquam ex ijs emerget vis trahendi humores, qualis est in purgantibus; aut ferrum, qualis est in magnete; vel alia Specie differens qualitas.

Verum nec ipsi sibi constant, & tandem consentiunt, per formæ introductionem nasci novas qualitates & virtutes à forma oriundas, quæ Elementorum seu rerum miscibilium (ut pote quæ tantum sint materialia principia) conditionem longè superent: vir-

M

tutes.

178. CAPUT IX. DE FORMIS, SEMI-
rutesq; , quæ insunt rebus naturalibus, & con-
ditionem Elementorum transcendunt, non
Elementis seu materiæ rerum, sed formæ suis-
que qualitatibus adscribenda esse. Quam con-
fessionem, quod scilicet dentur in rebus natu-
ralibus virtutes & qualitates, quæ Elemento-
rum conditionem transcendant, hoc loco
acceptamus; unde verò oriantur, alio loco
disquisituri.

CAPUT IX. DE FORMIS, SEMINI- bus seu astris rerum.

*Semina &
Astra Cor-
por. natur.
Paracelsi.*

IN his autem, quæ statu-
unt, Elementis vacuis & inani-
bus, sive, ut loquitur, in abyssu,
Orco Hippocratis, nocte Or-
phei, in Iliado vel Iliastro Para-
celsi, semina & astra, quæ appellant, radicesq;
rerum omnium generabilium & corruptibi-
lium contineri statuunt: quæ semina nec mo-
lis magnitudine, nec partium distantia, nec
ullis dimensionum vinculis alligata sint, Ele-
menta ubique penetrent, servantia sine con-
fusione leges à natura præscriptas: cum prin-
cipijs tamen juncta partium distantias & ex-
tensiones admittere, locorumque angustijs in-
cludi. Ab his seminibus generationū omnem
vicissitudinem absolvi statuūt, atq; ab iisdem
corpo-

corporibus omnibus magnitudines, colores, sapores, odores, universasq; qualitates, vitâq; ipsam donari, & hinc omnium actionum vigorem & potestatem provenire existimant.

Atq; hinc semina Severinus, c. 8. describit: *Semina Quod sint vitale principium, in se continens Spiritus Mechanicos & tinturas universæ anatomiz propriæ speciei, quibus suum sibi fabricant corpus, colores, sapores, qualitates, magnitudines, figuras, & reliqua officijs consentanea.* Atq; hæc semina & astra in Elementis illis invisibilibus, tâquam in patria, pura & sola habitare ac beatâ quiete frui; corporum verò commixtione quasi contaminari docent. *Semina* autem appellant, quod ijs generationum & transplantationum processus in universo mundo absolvatur, & quod perenni vicissitudine decretis digestisq; temporibus fructus & individua suæ speciei è fontibus suis producant.

Astra appellât, quod motuum omnium ordinatas leges & statas periodos in omnibus naturalibus actionibus, herbarum animalium & mineralium; in alimentorum coctione, excrementorû separatione; in tota nutritione, in augmentis, in procreationibus, in se cõtineant & constanter custodiant. Nihil enim esse, ajunt, in universâ inferioris hujus naturæ familia, quod non innatis astris ætatum discrimina constituere, quietis & laborum tempora gubernare, actionum, durationumque terminos constanter definire possit.

M 2

Radices

*Radices**quid Paracels.*

Radices tandem appellant, quod in ijs fructus dispensationis, maturitatis, totaque fecunditas inundantæ arboris contineatur. Et quemadmodum fructuum durationes momentaneæ stabilitate radicum reparantur: ita in seminibus generationum & procreationum omnium origines delitescere statuunt.

*Semina in**Elementis**sec. Paracel.*

Porro quodlibet Elementum sua semina habere statuunt. In Elemento cœlesti sive igneo, quia semina illa corpora perfectissima nacta sint, etiam individua similia in seculum duratura produxisse statuunt, Solem, Lunam, Planetas & astra omnia; atq; in hoc Elemento aëstorū invisibilium in reliquis Elementis motus & leges visibili specie representari ajunt. Nec mortua illa esse corpora; & licet, ut reliquorum Elementorum individua, corruptioni obnoxia non sint; fructus tamen vitæ testes & munera edere, pluvias, nives, tonitrua, grandines, ventos.

Inferiora autem Elementa etsi tam pura corpora & perfecta individua nō habeant: nihilominus in suis thesauris obtineri corpora in seculum duratura, quibus seminum vel specierum perpetuitas ab interitu vindicetur. Et licet astra visibilia non habeant: quæcunque tamen in cœlo explicata conspiciuntur, in cæteris quoq; Elementis virtute & vitali potestate contineri statuunt, à quibus actiones proficiunt, & in quibus scientiæ mechaniciq; rerum progressus vigeant, & temporum decreta moment-

momenta custodiantur. Sic æstatis, hyemis, veris, autumnus sidera in terra contineri, in aqua, in aere cum astris firmamenti conspirantia: mutuaq; seminum conspiratione & familiaritate totius naturæ fecunditatem stabiliri.

Corpora autem astra inferiorum Elementorum duplicata esse docent. Puriora, quæ cœlestium perfectionem æmulentur, & in cōspectum non veniant, nisi artificum industria. Quemadmodum verò inter se differunt semina officijs & proprietatibus; ita hæc quoque corpora differre; herbarum corpora ab arborum, animalium, mineralium, metallorum, gemmarum. Et in herbis aliud esse corpus Melissarum, aliud Valerianarum, aliud Urticarum; in animalibus aliud hominum, aliud Leonum, & sic in cæteris. Et ex his quædam perenni individuorum successione in seculum custodiri statuunt; quo ordine continentur semina omnium perfectorum animalium, plantarum, arborum, & quæcunq; nova sobolis suffectione æternitatem æmulantur. Alia corporum quidam conjugium admittere, sed instabile, & absoluta officiorum dispensatione certis temporum intervallis decrepitum corpus destituere, & se in patriam ac diviniora diversoria recipere; recidivis verò generationibus & constanti circuitu iterum in lucem prodire.

Ista autem omnia quæ de Seminibus & Astris à Severino & alijs Chymicis ex eo traduntur, si in genere species, nova non sunt, sed vul-

*Semina &
Astra Severini sunt
Formæ rer.
nat.*

M ;

ga am nat.

gatam de formis, in primis viventium, quæ Animæ dicuntur, doctrinam continent. Atq; ita rursus nihil novi hic proferunt, sed notis rebus saltem nova nomina imposuerunt.

*Formæ
quid.*

Senserunt nimirum saniores Philosophi hæcenus, formas rerum naturalium esse principium divinum & immutabile, & instrumentum, at quasi manum sapientissimi opificis ac creatoris Dei, qui hanc efficaciam his suis instrumentis largitus est. Licet enim Galenus & alij Gentiles Philosophi admirati sint stupendas formarum & admirandas animarum operationes, nec satis assequi potuerint, quomodo, ut Galenus loquitur, anima vegetabilis ἢ

*Formæ un-
de suas vi-
res habeāt.*

μόνον ἢ σοφῇ, ἀλλὰ καὶ πάντα παρὶν ἄλογον, tam admirandarum operationum in generationibus, in quibus τέχνη καὶ σοφία μεγίστη apparet, & ἀνευ σοφίας ταῦτα, καὶ διωρατῶν ταῦτα ὁμηγερέων fieri non possunt, autor esse possit: Tamen Christiani Philosophi norunt, non ex se habere hanc potentiam, sed à Creatore in prima Creatione accepisse, cum diceret: *Generet terra germen, herbam producentem Semen; arborem fructiferam, facientem fructum juxta Speciem suam, cui insit semen suum.* Et apud Christianos Philosophos Galenus sui voti cōpos fieri potuisset. Is enim, *lib. de fac. formas.* frustra se id à sui seculi Philosophis discere conatum fuisse, nec quo animus discendi cupidus satiaretur, apud eos invenisse, atq; ideo tristitia magna affectum fuisse conqueritur, &

proin-

proinde secum investigare cœpisse scribit, ἀνὰ λόγον ἰσχυρὸν ἐπὶ ταῖς τῶν ζώων κατὰ κε-
 ναῖς invenire potuerit; invenisse autē nullam,
 & se μὴδ' ἄξει δυνάτ' ἰθνηοίας, εἰδ' ἄξει ἔπι-
 θανῶ pervenire potuisset: Ideoq; omnes Phi-
 losophos rogat, ut si quid veri invenerint, id
 sine invidia secum communicent.

Forma nimirum rerum & Anima, seu se- *Forma*
 men, Astrum, Radix, ut suis de causis, Severi- *quid.*
 nus nominat, aut quocunq; modo appelletur,
 est actus seu ἐντελέχεια rei, est causa ut mate-
 ria, quæ ex se nequit subsistere, sit actu hoc: Est
 omnis rei perfectio & quidditas: est Causa o-
 mnis motionis in corpore; Et breviter, est
 quædam divinæ essentiæ imago.

Animæ verò, quæ est forma viventium, pro- *Anima vi-*
 prium est, vivificare corpus: per animam fit, *res.*
 ut Corpus moveatur secundum alium motum
 à motu proprio. Eadem totum corpus fabri-
 catur, ipsumq; omni perfectionum genere in-
 struit, ipsi magnitudinē, figuram, omnes qua-
 litates, numeros ordinem, situm, omnemque
 apparatus & pulcritudinem tribuit. Præter- *Anima cur*
 eā admirandus ordo & periodus in motibus ab *Astra dicā-*
 Anima proficiscuntur: quam ob causam, ut *tur Severi-*
 supra dictum, recentiores Chymici eas Astras *no.*
 appellare solent: quod scilicet sicut astra cer-
 tis temporibus & periodis suos motus absol-
 vunt: ita & Animæ in viventibus certas mo-
 tum leges observent. Florent, ipsa hyeme

Illeborus niger; primo vere, Narcissi; Martio, Violæ; Majo, Rosæ; Junio, Sambucus, Vitis; Julio, Lupulus; & aliæ alijs temporibus; habentque postea stata maturitatis tēpora, post quæ, motu quasi absoluto, quiescunt, donec sequēti anno eandem periodum incipiant. Et quidem aliæ plantæ citius post florem ad maturitatem perveniunt; aliæ tardius. Id quod etiam in animalibus accidit. In hominis perfectione novem menses cōsumūtur; in plurimorum aliorum animalium perfectione pauciores. Singulorum tamen animalium Species in fœtus perfectione certum & determinatum tempus observant. In summa; Omnes motus, qui tam in plantis, quàm in Animalibus fiunt, certas periodos & stata tempora observant; quo ipso Creatoris sapientia maxima nobis conspicienda exhibetur.

Atq; utinam plurima & obscurissima quæque de hac Natura & formarum ac animarum essentia & proprietatibus sciremus, libenter ea in publicum proderemus; nec moraretur nos hic Severinus, qui, *in fine Capituli 6.* scribit: *Rudimenta hujus nature posui; nec fas est, omnia palam interpretari.* Simulat quidem plura & secretiora de hac Natura sibi cognita esse: sed procul dubio & ipse hic hæsit in Ignorantiæ luto toti humano generi communi. In hoc enim fonte ij divinæ potentiæ, sapientiæ & bonitatis Thesauri absconditi latent, quos nemo hominum unquam eruet.

Porro

Porro ab hisce seu Seminibus seu Astris, *Anima*
 seu formis Severinus qualitates, numeros *Corporis*
 conformationem, & signaturas cæteras, quas *formatrix.*

appellat, in mechanico processu provenire,
 rectè quidem scribit. Et miror Libavium i-

stam doctrinam tam acerbe insectari, & in
Exam. Philosoph. viv. Hart. p. 118. scribere: Ri-

diculum esse, formam internam, dum sibi
 suum corpus format & fabricat, etiam Quali-

tates cedere. Sive enim Severinus, sive alius id
 docuerit, nihil id refert; modò verum docuo-

rit. Et si Severiniana omnia tam facile in bo-
 num sensum trahi possent, quam hæc de fa-

brica corporis naturalis: res expedita esset. Et
 quod Libavio mirum, imò ridiculum videtur,

quomodo formæ corporis fabricatrices seirc
 possint, in qua parte debeat collocari auris, in

qua manus, pes, nasus & reliqua: quantum ca-

put fieri debeat, quantum reliquum corpus,
 quibus mensuris Geometricis, ulnis, pedibus,

& palmis utatur, ut tantus fiat nasus, tantum
 os, quomodo idem faber nasum, aures, caput

fabricare possit: id mihi nec mirum nec ridi-
 culum videtur. Nam non vi sua formæ tam

mira præstant, sed sunt instrumentum & ma-
 nus quasi sapientissimi opificis ac Creatoris

Dei, qui ipsis hanc vim & efficaciam tribuit.
 Nam Deus quidem omnia & ab æterno de-

terminavit, & pro sua sapientia, bonitate, po-
 tentia & voluntate in tempore mundum hoc

modo constituit, & post creationem quoque
 M 5 sua

*Anima
 potestas in
 corpore for-
 mando un-
 de.*

sua providentia omnia gubernat: (quæ omnia libenter cum Libavio admittimus) non tamen immediatè rerum generationes administrat, sed formis & seminibus rerum hanc vim indidit, qua ex benedictione divina hæc omnia peraguntur: sive Naturam, sive alio nomine appelles; non multum labore. Modò constet de re: de appellatione faciliè conveniemus. Et licet anima ac forma rei cujuscunque sit uniformis ac simplex: tamen est principium multiplicis potestatis, nec solum diversa potest, sed etiam contraria facit, ut Scaliger, *exerc. 6. sect. 8.* rectè scribit.

Anima potentia multa.

*Scientia Anima Sebe-
rino quid.*

*Natura
vie.*

Neque vocabulum *Scientiæ* hîc tantoperè offendere debebat Libavium, cui alias ἀκυρολογία Severinianæ satis notæ sunt. Cum enim dicitur animam habere scientiam corpus fabricandi, sumitur scientia pro naturali vi, potentia & instinctu à Deo creatore concessio. De qua Hippoc. *6. epid. sect. 5. 1. 2. ἀπαιδευτος ἢ φύσις εἶναι καὶ ὁ μαθοῦσα τὰ δέοντα ποιεῖ.* Et Galenus, *1. de fac. natural. αὐτὴ ὅξ αὐτῆς ἀδιδάκτως πρὸς πάντα τὰ δέοντα.* Et, *in libro, an animal sit, quod in utero est. πάντα πρὸς πάντα αὐτὸς διδάκτως τὴ καὶ αὐτομάτως.*

Et tamen vocabulo *Scientiæ* alij etiam Philosophi utuntur, scribitq; Galenus, τέχνην καὶ σοφίαν μεγίστην in formatione fœtus apparere; & Scalig. *exerc. 6. sect. 5.* virtutem tam nobilis templi architectam sapientissimam.

tissimam ab omnibus Philosophis judicatam esse dicit. Idemq; planè, ut solet, egregiè hac de re, in 1. de plant. scribit: *Natura*, inquit, *animali anima est. Ipsa sibi fabricat calces, dentes, cornua ad vitam tuendum. Itaque ipsa & utitur, & scit, quo sit utendam modo, sine objecto, aut phantasia ulla. Qui animam fecit, certis eam præceptis oneravit, partim generalibus, partim contractioribus. Illa sunt, quæ pertinent ad unionem suam cum corpore conservandam: cujus nullus autor extimus esse debet. Ejus itaque studiosa movet cor: coquit in ventriculo: recoquit in jecore: perficit in venis: digerit in membris: mutat in corpus: suffert, unit, instaurat, redintegrat. Imò divinè, in lib 2. de plant. Grave, inquit, etiam ascendit. Fit enim opus illud à vi distributrice; quæ & terram sursum levat, & ignem deorsum vel pellit, vel trahit; Terra scilicet atque ignis domina, Domini ipsius opificis primo jussu. Non enim dubita vos existimare, non alium rerum esse conditorem, alium, qui condita tueatur, spiritum. Et illum, ubi ista condidit à seipso, qui à se non potest abesse, ab his abesse noluisse. Deus Deus, A Deo o viri optimi, neque otiosus, neque negotiosus; neque in opere, neque extra opus: sed sine opera operis caput, principium, medium, finis, totum, & ut uno verbo omnia tum expleam, tum ambiam, tum superem: IPSE; cujus simplicissima atque indivisibili sui intellectu seculi facta universa: is a suum quæque finem atque ordinem omnia nanciscuntur.*

Ergo

*Anima sui
Corporis
formatrix.*

Ergo non primus ista docuit Severinus : Sed non solum ante ipsum id docuit Scaliger, qui, *exerc. 6. f. 5.* ab Anima & qualitates, & quantitates & numeros & ordines & situs apparari, eamq; tam nobilis templi architectam esse scribit: verum jam olim Themistius, qui Animam sui domicilij architectam esse scribit. Imò ipse Libavius id confiteri necesse habet, dum, *eadem pag. scribit*, Creatorem jussisse singula sese propagare pro sua natura: *seminum. Et cum ex semine oriuntur & perficiuntur; unumquodq; suam dispositionem & Naturam habere: Eam immutare effluentes attractosq; ex terra vel aqua; aut inde petitos enatosq; succos, & calore alijsq; adminiculis coquere, maturare, assimilare.* Hoc enim proculdubio nec Scaliger nec Severinus negabit. Et quæ est ista Natura, quæ hæc facit, nisi forma & Anima. Reddat enim rationem Libavius, cur in eodem agro crescant beta rubra, carotta, rapum, calore radicum inprimis differentes plantæ; ribes & pruna sapore & calore differentes; nisi forma plantæ harum Qualitatum autor est. Et cum figuræ plantarum diversæ à formarum diversitate pendeant: cur non & sapes, colores, odores? Verum quod corporis rerum naturalium fabricam & originem formarum attinet, cum Scaligeri sententiam hætenus secuti simus, eamq; postea approbarit & laudarit doctissimus Petrus, in *disp. de orig. form.* & alij docti viri; ex professò verò hanc Scaligeri sententi-

tentiam impugnandam sibi sumserit vir Clarissimus, *Andreas Libavius*, in Exam. Philos. viv. Hartm. sect. 19. & quidem acerbius; dum Scaligeri phantasiam appellat, sententiam ridiculam, & sacris literis contrariam, Scaligerumq; superficialiter in Philosopho versatum dicat: veritatis investigandæ gratiâ istam opinionem amplius perpendere, & de origine formarum disquirere; ideoq; quæ jam olim hac de re, in Instit. lib. 1. cap. 10. proposui, hic repetere & declarare, & in rem omnino difficilem accuratius inquirere liber.

DE ORIGINE FORMARUM.

Opus generationis & in plantis & in animalibus maximè omnes Philosophi semper admirati sunt; cum, ut Galenus loquitur, τὴν ἐν σοφίᾳ μεγίστην in eo appareat: fateturq; Galenus, c. 6. lib. de fætus formatione, τὴν τήχην τὴν κατὰ σκευάπαντος ἡμᾶς εἰς τήχην ἀλόγον referri non posse; & se persuaderi non posse, ut credat, ἀνευ σοφοτάτης καὶ δυνατώτατης δημιουργίας opus ita affabre factum existere.

Non verò tantum omnium seculorum Philosophi generationem animatorum admirati sunt, sed & in causâ illa formatrice investiganda laborarunt; atque quæ siverunt, quid illud sit, quod omni perfectionis genere materiam instruat, magnitudines, numeros, figuras, ordinem situmq; & alia, quæ in corporibus animatorum conspiciuntur, apparet. Verum simul in labore hoc difficultatem sum-

Opus generationis admirandum.

Forma formatrix investigare, difficile.

summam agnoverunt. Nam, ut Scaligeri *in 1. de plant.* verbis utar; *ne inter primos quidem Philosophos satis constet, quis sit formarum dator, aut unde proficiantur: ἐκ τίνος ἐκ μαγείας depromantur ille.* Neque facilis patere videtur ingenijs humanis aditus ad hujusce sacrarj penetrabilia. Adeo verò exagitati sunt sapientes, ut Deum quendam (loquar illorum more) subalternum creavit Avicenna, cujus tum beneficio facta, tum officio data forma reciperetur in materiam.

Unde factum est, ut nonnulli de veritate invenienda planè desperarint; alij aliter senserint. Galenus, *lib. de fetus form.* studium suum & diligentiam in investiganda hac causa summam proficetur. Et cum, ut antea etiam dictum, à Philosophis sui temporis frustra id discere conatus esset, nec, quo animus discendi cupidus satiaretur, apud eos invenisset: scribit; se trilitia magna affectum secum investigare cœpisse, an πινὰ λόγον ἔχον ἢ τὰς τῶν ζώων κατασκευαῖς, invenire potuerit: invenisse autem nullum: id quod scripto hoc se confiteri testatur; rogatq; omnes Philosophos, ut si quid veri invenerint, εἰς σοφὸν εὐρίσκοιεν, id sine invidia secum communicent. Et paulò post addit: *σε μὴδ' ἄξει δωατῶ ὀπνοίας, μήτις βεβαίας γνώσεως,* aliquid πρὸς τὴν ἀπλάουντος ἡμᾶς πλύνειν invenire, ὅδ' ἄξει τὴν πιθανὴν pervenire potuisse. Nam cum videat ἀρεὰν ἐν τῇ ἀπλάσει σοφίαν

σοφίαν ἄμα, καὶ διώαμιν: non se credere posse, τὴν ἐν τῷ σπέρματι ψυχὴν διὰ πλάττειν τὸ ἐμβρυον, ἢ μόνον ἐκ ἑσῶν σοφὴν, ἀλλὰ καὶ παντάπασιν ἄλογον.

Qui verò de cognitione formationis animatorum non desperarunt, in varias sententias abierunt. Quamquam enim nec ipsa forma, nec materia seorsim propriè generetur, sed ipsum compositum: tamen cum generatio fieri non possit, nisi per formam, ut principium, quo omnia in generatione perficiantur: meritò, unde illa proveniat & originem habeat, quaeritur.

Ut autem omnes opiniones non recenscam, præcipuas saltem proponere libet. Alij quidem extrinsecus formam immitti statuerunt: inter quos Fernelius, *qui lib. 1. de abdit. rer. causis. pluribus in locis*, cum calore & spiritu semini vires committi docet, quæ uteri vi ac benigno calore impulsæ subjectam sibi materiam omni præparationum genere instruant, ut substantiæ tandem particeps forma extrinsecus assumatur. Ubi enim jam omnis ad plenum absoluta sit præparatio, tum extrinsecus speciem accedere naturali quadam & inevitabili necessitate. Atq; unde formas advenire existimet, docet, *cap. 10. Cælum*, inquit, *nullo semine, multas profert tum animantes, tum stirpes; at semen nihil quicquam sine cælo generat: semen gignendis rebus materiam continne*

Varia de origine Formarū sententia.

Fernelij opinio.

*cinne duntaxat: & convenienter apparet & in-
struit: cælum in apparatus illam speciem sum-
mamq; perfectionem immittit, vitamq; suscitât
in omnibus. Et pôit: Animantium, stirpium, lapi-
dum & metallorum omnium, quæcunq; & fue-
runt & esse possunt, formas una cæli forma, pote-
state comprehendit, & innumerabilibus illa,
quasi gravida formis omnia gignit & fundit ex
se.*

Verum nihil probabile ad istam opinio-
nem stabiliendam affert. Nam licet superio-
rum & inferiorum consensum libenter ad-
mittamus, nec negemus, inferiora hæc a su-
perioribus gubernari & foveri: tamen hinc
non sequitur, quod rebus naturalibus omni-
bus vires & formæ a cælo imprimantur. Re-
rum ortus promover, ac res ortas fovet cæ-
lum, & causa remota, communis, externa &
administrans generationum est, non rebus
oriundis species largitur. Sed cum ipsimet, qui
hanc opinionem sequuntur, necesse fateri ha-
beant, Deum opt. max. cum stirpes & anima-
lia crearet, ea divinis viribus & suis quæque
fecundisq; seminibus implevisse; imò Deum
omnino herbas & arbores ac omnia vege-
tabilia ante stellas creasse, atque ita omnia
vegetabilia semina sua fecunda, antequam
astra condita essent, obtinuisse: quomodo ne-
gare possunt, eodem ejusdem creatoris jussu
per semina illa sese propagare? Et si possunt,
ac stirpes & animalia fecunda semina, qui-
bus se

bus se propagent, obtinent: quorsum à cœlo formas, quæ seminibus jam insunt, petere opus est? Et si omnes formæ à cœlo defluerent, nulla in hisce inferioribus esset univoca generatio; sed & stirpes & animalia cœli tantum soboles essent.

Deinde vulgata est sententia inter Peripateticos, procul dubio ex ignoratione Creationis Mundi orta; Formas educi è potentia materiæ. Verum quid verbis istis, si ita simpliciter accipiantur, rei subsit, nemo adhuc, quod ego quidem sciam, ita monstrare potuit, ut animus veritatis cupidus in ijs acquiescere potuerit. Neque enim in ulla materiæ potentia latent formæ. Et si in suo sinu materia formas contineret, ac formæ originem suam materiæ deberent: Materia esset Ens nobilissimum, nobilius principium, quam forma: imò formæ principij nomine vix dignæ essent.

Peripateticorum plerorumq; de origine formarum opinio.

Forma an educantur è potentia materiæ.

Aut si ita velint rem explicare; Materiam quidem actu in se non continere formas, sed in materia esse quâdam dispositionem & pro-
pensionem ad formam, quæ ubi compleatur, tum rem jam fieri actu, quod erat antea potestate: seminisq; hanc esse naturam, ut antecedente adæquata causâ efficiente ex sua potentia quasi edat actum seu formam, quæ ante actionem agentis nondum actu aderat; atque ita potentiam hanc nihil esse, quam certam determinationem, ut ex hac materia fiat hoc, non aliud, ex. gr. ex ovo pullus, non equus:

N

Nihil.

Nihilominus quæritur, quomodo ista potentia compleatur, & unde actus seu forma, quæ substantiæ est, ad actionem agentis proveniat & originem habeat; an nimirum illa potentia, & dispositio, quæ Qualitas est, mutetur in substantiam; an verò ex nihilo fiat forma, ita ut agens nihil de sua essentia illi, præter actionem, tribuat. Quorum utrumq; absurdum est & à veritate maximè alienum; formam scilicet vel ex nihilo fieri, vel actum ex materia & substantiam ex accidente, & λόγον ὁσίας ex Qualitatum crasi quacunq; deducere. Quocunq; enim modo illa ad formā dispositio explicetur, cum successivè & per partes illa præparatio fiat, & gradus ultimus ejusdem sit generis cum præcedentibus: actum rei cōstituerè, & substantiæ essentiam dare nō potest. Neq; formarum inchoatio datur. Neq;, quid agentis actio ad formæ productionē faciat, patet; cum ad unius agentis actionem diversissimæ formæ sese exserant. Idem enim calor Solis tempore verno facit, ut ex plurimis & diversissimis seminibus in eodem campo vel horto plurimæ & diversissimæ plantæ crescant. Præterea secundū hanc opinionem generatū non à generante haberet suam formā, & generans non ipsam formam, sed dispositionem saltem ad formam; quæ postea sua spōte ad actionem agentis alicujus extranei, caloris puta, & qui dem varij generis (Nam ova gallinarum non solum calore incubantium gallinarum, sed & ignis

ignis calore excludi è Scaligero notum : plantasq; tum calore Solis tum ignis in hypocau-
sto è seminibus produci, itidem notum) è po-
tentia materiæ, nihil communicante agente,
emergeret. Quod à ratione alienum esse, præ-
stantissimi etiam Peripatetici agnoverunt.
Unde Jacob. Zabarella, *de facult. anim. cap. 11.*
scribit: Viventia, dum generant sibi simile, largiri Viventia
& communicare aliquid de suamet materia, & quomodo
aliquid de suamet forma, quatenus exhibent se-generent.
men animatum ac vitali eadem facultate, qua in
generante erat, præditum.

Neq; ex ista opinione dici posset, quod ani-
matum sibi simile generet, & forma omnis sit
sui multiplicativa: quod tamen omnes sanio-
res Philosophi concedunt. Si enim nihil de
sua essentia generans in generatum transfer-
ret, sed saltem materiam, determinaret ad si-
milem formā; efficiens postea (quod nō ejus-
dem speciei est) faceret, ut actu prorumpat:
quomodo, quæso, dici posset, formā sese mul-
tiplicare? Certè si planta aliqua in India, dum
semen producit, nihil aliud dat, quàm mate-
riā cum determinata potētia ad similem for-
mam recipiendam; è qua post annū, duos vel
plures, ipsā plantā jam cōbustā vel putrefactā,
forma erumpat vi caloris, nō tantum solaris,
sed & ignis in hypocauſto, ut agente: plantam
illam sibi simile generasse, & formam illam
sese multiplicasse, dici non potest. Neq; enim
ad univocam generationem & veram similis

*Omnis for-
ma sui mul-
tiplicativa.*

essentiæ productionem sufficit dare materiam cum aliqua proclivitate & propensione ad formam suscipiendam. Et hoc modo agens calor, isq; accidens plus ad generationem conferret, quam generans, qui scilicet facit, ut forma actu jam sit, quod per generans saltem in potentia erat.

Atque ita inexplicatum relinquitur, unde forma rei substantialis & specifica, seu potior illa, diviniore & præcipua rei pars resultet & originem suam habeat: quam tamen ex nostra sententia monstrare facile est. Ideoq; si in bonum sensum trahi debet illud axioma, explicari debet, quomodo illud explicat Scalig. *exerc. 6. sect. 5. Emergio potius est, quameductio*; Ex paulò ante; *Forma est in semine Canino, cujus in potestate dicitur esse, quia semen est potens dare formam, quam in se continet. Eductur autem de ea potentia remota, qui est actus primus, ad potentiam propinquam, qui est actus secundus, scilicet ut forma sit in eadem materia ad eum modum, qui nullis egeat adminiculis, ut sine suo fruatur, ad quem comparatum est totum Compositum.*

Omne forma sui multiplicativa.

Et si admittatur id, quod rectè ex Alberto adducit Zabarella, *de sensu agente, cap. 5.* Omnem formam esse sui multiplicativam: non opus est ad educationem formarum è potentia materiæ confugere. Ex ista enim multiplicatione specierum conservatio pendet. Et forma ut principium est, essentia à Materia distans, ipsaq; longè nobilior: ita peculiarem & nobi-

nobiliorem habet originem, quam ut eam
materiæ debeat.

Atq; ita omnino statuendum videtur, For-
mas, vi benedictionis divinæ, factæ in prima
creatione, cum Deus diceret; *Germinet terra
germen, herbam producentem semen; arborem
fructiferam facientem fructum juxta speciem su-
am, cui insit semen suum super terram; Et: cre-
scite & multiplicamini*, à generante, mediante
semine, per traducem quasi propagari, & velu-
ti lumen à lumine accensum, ubi idoneam
materiam & instrumenta nacta fuerit, opera-
tionibus sese manifestare.

Cum enim potentiæ & operationes animæ
propriissimæ in semine appareant: animam ei
inesse, negandum non est. Nam cum potentiæ
non sint separabiles ab anima, cujus sunt po-
tentia: impossibile est, potentiam aliquā ali-
cui propriam esse in subjecto, in quo non est
forma, à qua fluit potentia. Et cum ex opera-
tionibus ad latentis essentia: noticiam perve-
niamus: quid causæ, cur semini animam non
tribuamus, quæ suis in eo operationibus satis
se prodit? Sunt autem illæ duæ: seminis & co-
ceptus vivificatio; & partium omnium, quæ
ad vitæ actiones edendas necessariae sunt, ef-
formatio. Quodvis enim semen, ut in plantis
manifestum est, vegetante anima conservatur
& aliquandiu prolificum permanet: & quam-
diu integrum & incorruptum est, in loco ido-
neo, & præsentē alimento, ut vivens operatur

*Formarum
origo.*

*Anima est
in semine.*

*Anima ope-
rationes in
semine.*

& exercet suas actiones in eam, quæ præstò est, in materiam, non secus, ut ipsum vivens integrum omnibus partibus: quod nò solum in animalibus in auctione & partium nonnullarum regeneratione, sed præcipuè, ut postea dicitur, in plantis videre est. Nam eadem operationes in semine, & in planta omnibus numeris integra còspiciuntur: quæ propterea idem in utroq; principiũ & movens indicat. Eadẽ enim est omnino operatio, cum anima in semine latens ex attracta materia corpus plantæ fabricat: & cum eadem postea singulis annis amissa folia & flores instaurat, novos furculos, ramos, radices protrudit; & propterea ejusdem omninò facultatis, ejusdemq; animæ indicium est.

Neq; hoc solum fit in plantis, sed & in animalium perfectiorum seminibus idem fieri cõcedendum est. Nam si nò fit ex sanguine caro, nisi caro ipsa animata sanguinem in carnem mutet: multò minus fiet ex sanguine animal, si semen anima careat; neque attrahere posset semen sanguinem maternum, nisi esset animatum. Cum enim incipit attrahere alimentum semen, jam actu operatur.

Tribuendas verò esse has actiones semini, Arist. 2. de gener. anim. cap. 1. docet; & rationes idem evincunt. Ἄλογον enim videtur, inquit Philosophus, ἐξωθεν ἢ ποιεῖν ἑκάστου, ἢ τῶν πλάστων, ἢ τῶν ἄλλων μέρων. κινεῖν τε γὰρ μὴ ἀπὸ μέρους, ἀδιύστατον, καὶ μὴ κινῆναι τὸ πλάσιν τι
 ὡς τὸ

ὑπὸ τῆς. Nimirum efficiens immediatū necessariō cōjungitur cum patiente, dū sit actio. In formatione autem partiū nihil cōjungitur cum materia, quam semen. Ergō illud generat, & agens hic est principale.

Ideoq; Jac. Schegkij Philos. & Medici aliās *Jac. Schegkij opinio.* doctissimi opinio admitti nō potest. Is, *lib. 1. de ky opinio.* *plast. sem. facult.* semini λόγον πλαστικόν tribuit, docetq; se τῷ λόγῳ vocabulo intelligere formā substantialē, ut quæ nullo sensu, sed dūtaxat mente & ratione percipiatur. Semen tamē & hunc actū substantialē nō ē principaliū agentīū, sed ex instrumentalium numero esse, atque instar manus artificis corpora animata efformare, statuit. Iterum dicit: *quod sit actus substantialis à substantia primi actus separabilis, qui habeat propriū subjētū humorē spermaticū.* Et rursus: *quod sperma sit instrumentalis causa, & λόγῳ quidam ποιητικὸς seu πλαστικὸς, sed nō ἐνυλῶς, efficiēs seu generans corpus animatū, & nō etiā ipsum animatū existens, medium inter animatū & inter animādum interpositū, sine informatione alicujus materia ad efficiendum efficac, ut actus & ἐνεργεια quadam secunda.*

Verum quod hīc semini solū partes instrumentarij agentis, & generatī principes tribuit: id ex eo falsum apparet: quod generās, & à quo semen cōmunicatū est, vel longē abesse vel perijisse potest. Sed ὅσα φύσιν γίνονται, ἢ τέχνη, ὑπὸ ἐνεργείας ὄντι γίνονται. Et: τὸ κινεῖν ἐνεργεία εἶναι δεῖ. Deinde cum omnia agentia

*Semen non
est solum a-
gens instru-
mentarium.*

univoca non sint, è numero caussarum instru-
mentalium, sed principalium, & sibi simile ge-
nerent: semen verò ab Aristot. 7. *Metaph. c. 9.*
inter agentia univoca rectè numeretur: pro
instrumentali causa propriè dicta tantum ha-
beri nō potest: nisi ita appellare alicui placeat,
quod medio & beneficio seminis generans si-
mile generare dicatur. Sed is etiam sciat, semē
non esse instrumentū, ut alia, quæ cum princi-
pali agente necessariò conjunguntur, & ab eo
subordinantur, sed separatum à generante, eò
quod in se virtutem & omnem vim agēdi ha-
beat. Ideoq; , ut ipsius Schegkij verbis utar,
cum instrumentum per se nullam habeat effi-
cacia, utpote quod non nisi *ἡγεσις* princi-
palis efficientis definiatur: & cum movēdi prin-
cipium, ut in instrumētis artificum externum
est; ita in naturalibus abditū recondatur intra
ipsa instrumenta: hinc colligitur, plasticā vim
in ipso semine esse; & quidem ipsum princi-
pale efficiens in semine, non extra semen esse.

Et quidem illud agens omninò est anima.
Nam (iterū utor Schegkij verbis) animatū cor-
pus cum sit præstantius & perfectius: sequitur,
non animatum non esse principalem anima-
ti corporis causam; sed animatum ab anima-
to ut principali causā produci.

*Principi
formationis
causæ est in
semine.*

Ac nisi agens illud principale in ipso se-
mine esset, & anima esset: multa absurda se-
querentur. Ita enim nulla erit generatio uni-
voca, & generās nihil nisi materiam generan-
do

do dabit, ejusq; soboles erit animatum, quod animam dederit. Et quomodo anima ibi non præsens sit; ubi operationes animæ eduntur? Cum omnes facultates cujuslibet formæ, atq; inprimis animæ, emanantes sint proprietates ab ipsius animæ essentia propria, & inseparabiles qualitates: & proinde ubi facultates & actiones animæ reperiuntur, meritò ibi etiam animam adesse, concludi potest. Quod ipsum voluit & docuit Aristot. 2. de gener. anim. cap. 3. *ἔτε γδ ὡς ἀψυχον, inquit, θεήεις τὸ κύνημα, κατὰ πάντα τρόπον ἐξεξημῶν ζωῆς. ὑδὲν γδ ἦτιον ταῖς σπέρματι καὶ τὰ κηύματα τῶν ζώων ζῆ τῶν φητῶν, καὶ γόνιμα μέχρι τινός ἐστιν, ὅλα μὲν δὲ τὴν θετηκὴν ἔχουσι ψυχὴν, φανερόν.*

Ex quo facile videre est, eorum sententiam à vero alienam esse, qui vim formandi partes in semine inesse concedunt, animam autem inesse negant, eamque nescio unde deducunt. Quomodo enim adsit ibi facultas animæ, atque ipsa anima non adsit? Nam accidenti alicui soli officium hoc deferri non potest; cum nihil ultra suas vires operetur, & nullum accidens agat, nisi per vim substantiæ, & à forma, à qua pender, dirigatur. Sed & hic ad aliquam formam præsentem recurrere necesse est, eamq; anima non inferiorem & ignobiliorem: cum omnia illa opera in corpore formando præstet, quæ anima in corpore jam formato, ut ex augmentatione, carnis amissæ instauratione, & similibus videre est.

*Accidens
nō est prin-
ceps forma-
tionis caus-
sa.*

Et quod antea etiam dictum, quomodo ab eo, quod actu non est, fieret generatio, nisi ipsi semini actus atque animæ essentia tribuatur? Et quomodo generatio esset univoca, aut unde anima deduceretur, nisi generans adhuc vivens semini animæ essentiam immisisset; dum scil. ex ovo, etiam fornacis calore, pullus excluditur; aut dum in plantis & animalibus semine ad generationem communicato generans moritur?

Schegkij

λόγος

πλαστικός

vejsicetur.

Quod verò Schegkijus peculiarem huc λόγον πλαστικόν, actum substantialem, ἡσίαν ἡσίας efficientem, αὔλον, qui tamen anima non sit, introducit: nā ille frustra nobis videtur multiplicare entia. Cum enim huic substantiali actui operationes animæ tribuat: cur non concedat eundem animam esse? Et cur actum hunc alium ab anima statuere sit necessarium; cum anima in semine sufficere possit? Aut quid opus est, λόγον hunc πλαστικόν quasi actum secundum alterius actus primi, & vicarium quasi generantis in semine statuere, qui, desinente motu generationis, ipse etiam desinat? Statuere enim ἄλλο ἢ εἶναι κωχεύμενον, ἄλογον: & φθείρεσθαι πύνησαν ἢ τε πάντα τὰ μέρη, εἴτε τινα, ἄτοπον.

Anima in
semine est
formatio-
nis causa.

Atque animam in semine hæc omnia efficere, neque formationem corporis animati alterius res opus esse: satis quoque videtur probare plantarum nonnullarum generatio, quæ ex parte à planta avulsa propagatur;

tur; cum scil. particula animæ cum parte materiæ cohærens avellitur, unde planta priori similis ex crescit. Neque enim hic aliam vim formatricem ab anima rosæ vel salicis diversam communisci licet : sed potius hoc inde colligitur, sicut in hoc propagationis modo ab animæ parte cum parte corporis avulsa plantæ formantur : ita etiam in semine vim formatricem partium non ulli alij attribuendam esse.

Nimirum formæ animatorum etsi per se non sint quantæ & divisibiles : tamen quantæ dicuntur, imò etiam dividuntur ad divisionem materiæ, unde aliquid animæ, cum corporis parte avulsum, simile & sibi necessarium corpus fabricare, atque ita novum animatum emergere solet. Verùm non cum qualibet corporis parte animæ aliquid avulsum ad hoc aptum est : sed talis sit materia, in qua anima avulsa commodè delitescere, & ad suum opus sese accingere possit. Jungitur enim anima corpori, junctaq; retinetur, intercedentibus quibusdam dispositionibus, quæ subjectum aptum faciunt ad suscipiendam & retinendam animam : inter quas præcipuè est calor nativus sufficiens, & in certo gradu constitutus. Unde etiam Aristoteles generationem dixit, esse primam vegetantis animæ cum calore participationem.

Hinc varius est propagationis animatorum modus. In plâtis quidè si salicis ramus editus à matre

*Propagatio-
nis ani-
matorum
modi.*

tre ab eadem avellatur, dividitur anima ad divisionem materiæ, & manet in ramo; unde ex ramo in terram cōdito arbor ejusdem speciei cōstituitur. Idem fit in alijs per radices; in alijs per semen; in alijs per alios modos fit propagatio, ut apud rei rusticæ scriptores videre est. In quibus tamen omnibus id necessarium est, ut materia avulsa cōveniens domicilium animæ præbere possit; quod non in quibusvis plantis quodlibet præstare potest. Exempli gratia; per ramum avulsum terræ commissum propagatur, ut dictum, salix; sed non pyrus.

In animalibus verò et si quoq; varius videatur propagationis modus, dum alia ova pariunt; alia vivos fœtus: tamen in eo convenire videntur omnes, quod animalia per nullam corporis partem avulsam, sicut plantæ, sed per semen, aut semini quiddam analogum generant. Hoc enim, quod Epicurus, ut est apud Plutarchum, *de plac. philosoph. lib. 5. c. 3.* *Ψυχῆς καὶ σώματος ἀπόσπασμα* dicebat, à corpore reliquo deciso, ad subjecti divisionem & ipsa anima dividitur, & aliquid ejus cum semine ab animali deceditur: quæ cum ejusdem speciei sit cum anima, à qua deceditur; jam verò ob subjectum numero differat: ex semine ob hanc animam jam novum animal exoritur, dum anima in semine latens sese exferit & suas virtutes explicat, & operando sese manifestat, calidoq; & spiritibus utens, omnia, quæ ad animalis constitutionem necessaria-

Semē quid.

*Anima est
sui domici-
lij archite-
cta.*

cessaria sunt, fabricare exorditur, subjectamq;
materiam distinguit, disponit, ordinat, for-
mat, & effingit: ut ita integrum & aptum do-
micilium, simile illi, è quo decesserat, habere
possit, atque instrumenta in promptu sint, qui-
bus omnes suas vires exercere actionesq; na-
turales exereere possit; quod domicilium post-
ea occupat, eodem modo, quo in accretioni-
bus induit sese in alimenti materiam novam.
Nimirum, ut ex Themistio loquitur Scaliger,
Anima est sui domicilij architecta, quæ sibi
fabricatur conveniens accommodatumq; in-
strumentum:& ut scribit Aristotel. 2. de gener.
*anim. c. 1. τὸ ἀέριμα τοῖς τιν, καὶ ἔχει κίνησιν καὶ
δέχην τοιαύτην, ὥστε παυομένης τῆς κινήσεως
γίνεσθαι ἕκαστον τῶν μορίων, καὶ ἐμψυχον.*

Neq; quem exiguum illud seminis cor-
pus offendat, sed potius Creatoris sapienti-
am, potentiam, bonitatem, qui cum exiguo
corpore formas ad specierum conservatio-
nem ad finem usque mundi transferri & mul-
tiplicari in prima creatione & voluit & iussit,
hic attentius admiremur: formarumq; præ-
terea nobilitatem æstimemus, quæ in mini-
mo corpore æquè suam essentiã & potentias
integras retinere possunt, ac in maximo. Et si
forma quercus in exiguo germine, quod è
planta pullulat primùm, æquè integra est,
quod nemo negare potest, ac in annosa post-
ea & procera quercu: cur non eadem quoq;
in glande esse possit?

*Semini
natura ad-
miranda.*

Quan-

*Quomodo
semen po-
tentia ani-
matum di-
catur.*

Quanquam verò Aristoteles potentia solum semen animam habere dicat: id cum Scaligero ideò dictum putamus, non quia egeat aliqua substantia sese eliciente atq; perficiente; sed quia caret instrumentis expressis, quæ sunt in ejus potestate: seu, non quia non sit ipsa essentia animæ in semine, semenq; actus primi respectu non animatum esse dicatur; sed solum de potentia secunda, quæ perficitur actu secundo, id accipiendum est, nimirum respectu operationum, quas nondum edere potest ob defectum organorum. Nam in semine non est re ipsa apparatus ille organorum ac partium distinctus, deestq; femini non illa ab anima, sed illa à corporis structura, & partium compositione, ac conformatione perfectio, ob cujus defectum semen planta perfecta, vel animal perfectum nominari non potest. Nam cum semen ex efficientium numero sit, l. *de gen. animal.* c. 18. atque omne agens operetur, non quatenus potentia, sed quatenus actu tale est: animam actu in semine inesse negandum non est. Et nisi actu inesset, à quo, quæso, in actum deduceretur? cum illud non nisi tale esse possit, quod similem actum haberet.

*Anima a-
ctu in se-
mine.*

Quod verò Galenus animam ad hoc officium formandi partes corporis ineptam putat, quod sit *ἡ μόνον ἡ σοφὴ, ἀλλὰ καὶ πανταποσι ἀλογος*, errasse in eo videtur, quod for-
mis

mis naturalibus simpliciter ἀλογίαν adscripsit. Quanquam enim intellectus & mentis expertes sint: nihilominus sunt principium divinum & immutabile, quod determinat omnes actiones & passionis rei naturalis, & sunt quasi instrumentum & manus sapientissimi opificis ac creatoris Dei, qui hanc vim & efficaciam his suis instrumentis, quibus nihil mirabilius ne cogitari quidem potest, largitus est in prima creatione, cum diceret: *Germinet terra germen, herbam producentem semen, arborem fructiferam facientem fructum juxta speciem suam, cui insit semen suum super terram*. Et, *crecite & multiplicamini*. Quæ cum Galeno fuerint incognita: mirum non est, quod ex his sese expedire non potuerit. Hoc magis mirum est, quod multi, quibus hæc cognita sunt, ea non diligentius perpendunt.

*Formarum
potentia
unde.*

*Creationis
ignoratio
caussa erro-
rum.*

Neque tandem ij ex hisce difficultatibus sese extricare possunt, qui & formandi partem officium animæ maternæ tribuunt, & ab anima materna animam deducunt. Nam si hæc opinio vera esset, cur fœminæ non absque viris conciperent? cur ova subventanea, quæ à fœminis absq; mare concipiuntur, fœtui producendo sunt inepta? & quid omnino de oviparis dicemus, quæ vivum integrum fœtum non pariunt? quid etiam de plantis, quæ utero non concipiunt, sed maris solum munere fungun-

*Anima
matris non
est forma-
tionis causa.*

funguntur, & semen maturum in terræ gremium conjiciunt, à qua tanquam intra uterum fovetur, ut inde suo tempore planta integra edatur. Unde enim in his anima? Quis hîc admirandarum illarum operationum autor? quis omnibus partibus numerum, ordinem, situm, figuram, qualitatem & similia tribuit, nisi illa ipsa anima, quæ in planta postea omnibus partibus integra, si quid avulsum est, illud instaurat & reparat, & singulis annis, cum novos ramos producit, & flores & folia reparat, formationis opus quasi de novo aggreditur; eodem planè modo, quo cum primum in parvo seminis corpore lateret, ex attracta materia plantæ architecturam inchoaret.

Semina vivunt.

Et omninò in Plantis, ubi mare & fœminâ ad generationem opus non est, rem putamus esse manifestam; ob rationes modò allatas: & miramur, quod viri docti nonnulli veritatem istam apprehendere non potuerunt. Neq; absurdum nobis videtur, (etsi absurdum videatur Libavio,) quod semen tritici in granario actu vivat. Nisi enim viveret, sationi aptum non esset; Et quæ jam emortua sunt, infœcunda sunt, & sationi inepta: quæ verò adhuc vivunt, humiditatē aliquā nacta & calore fota, etiam in hypocausto vel media hyeme germinant. Ubi certè illa vis germinandi non est ab Aqua, vel à Calore ambiente, sed ab anima in semine latente. Præter-

ca ex

ea ex India & alijs peregrinis locis multa semina ad nos afferuntur, quæ post plures etiam annos terræ iterum credita plantas suæ speciei producant. Ubi, si in semine non est Anima, à quo, quæso, agente plantæ anima communicatur, aut à quo agente fabrica illa corporis artificiosa exstruitur? Cum planta, à qua Semen generatum est, longè absit, aut jam etiam emortua sit.

In animalibus verò, in quibus uterq; sexus ad generationem requiritur, etsi res videatur nonnihil intricatior: tamen si diligenter perpendatur, non adeo magnam difficultatem habet. De quo videatur Scalig. *Exerc. 6. Sect. 5. 7. 8. 9. 10. 11.* Primò enim, qui Aristotelis doctrinam sequuntur, & masculino femini solùm vim generandi tribuunt, illi facile se expedire possunt. Omnia enim, quæ de Seminibus Platarum dicuntur, etiam de Semine masculino dici possunt. Verùm cum alteram sententiam sequi placeat, cum ob alias: tum eam imprimis ob rationem, quod mas & foemina non differunt specie; formas autem ejusdem speciei sequuntur potentia ejusdem speciei, ac proinde potentia generandi in foemina est ejusdem speciei ac natura, cum ea, quæ est in mare: nec ea quicquam absurdum includit: Si illud observetur, quod Aristot. 1. de gener. anim. cap. 18. ex Empedocle scribit: *Maris ac feminae quasi Symbolum esse; totum vero à nentro proficisci.*

cisci. Et illud, quod Scaliger, *Exerc. 106. Sect. 6.* scribit: *Majus tibi dicam, quod tibi scire praestiterit, ad generationis modos perscrutandum, quam Cylindrorum omnium jura inutilia persequi: Palmularum ossa tria serito, totidem orientur inde palma, ita demum distincte, ut erant ossa ipsa. Iti tres stipites actu unum hoc, quod est existens sibi quisq., in unum actu coibunt; unica denique uno contenta stipite palma fient; atque ex ijs, non alio sat, exit arbor illa, quemadmodum prodit Theophrastus. Unus, inquam, stipes numero externis truncis, ortu, materia, quantitate, loco separatis. Hæc Scaliger. Habet nimirum quilibet stipes & primò exoriens palma quæq; suam animam: nihilominus hæ tres palmæ in unam numero palmam coalescunt. Idq; non solum videre est in palma, sed & in omnium plantarum insitione, in qua suâ animâ præditus est stipes, in quem furculus inseritur; sua itidem furculus: ex furculo & stipite una planta & arbor fit, una anima prædita. Allusit procul dubio huc fabulâ illâ Plato, cum, in Convivio, scribit, hominem, qui nunc geminus est, in principio unum fuisse, postea à Jove discissum in marem & fœminam fuisse. Et hinc provenire mutuum illum amorem, qui sit τῆς ἀρχαίας φύσεως συναγωγὴς καὶ ὁπλίσσεωσιν ποιῆσαι ἐν ἑαυτοῖν. Et unumquemque nostrum esse ἀνθρώπου ἑυμβολον, & unumquemque quærere semper τὸ ἑαυτοῦ ἑυμβολον.*

Jam quæ Libavius contra hanc Sententiam *Libavij ob-*
 afferat, videamus. *jectiones*

Primò ergò quod miratur, imò ridet Liba- *solvantur.*
 vius, ut paulò ante etiam dictum, Semen Tri- *Semina at-*
 tici in Granario sicco actu vivere, id non mi- *viuant.*
 ror: Sed hoc potius miror, virum tam doctum
 id perspicere non potuisse. Et si enim in grana-
 rio sicco aliæ vitæ operationes in Semine tri-
 tici non appareant: tamē nec tunc planè otio-
 sa est anima, Sed semen vegetum, incorruptū,
 & prolificum aliquandiu conservat. Quam-
 primùm verò locum convenientem, & alimē-
 tum idoneum nanciscitur, in plantam perfe-
 ctam excreſcit. Et si non vivit Semen tritici,
 quæso, unde Triticum, quod ex eo semine pul-
 lulat, animam suam nanciscitur: Cum Triti-
 cum, ex quo hoc semen collectum est, jam præ-
 cedente æstate exaruerit?

Deinde quod dicit, hoc modò fœminam *Fœmina*
 nihil ad generationem conferre, nisi locum, *quid ad ge-*
 forum, & nutrimentum: Id nihil contra no- *nerationem*
 stram sententiam facit; Sed pugnat contra e- *conferat.*
 os, qui Semen prolificum saltē à mare pro-
 venire scribunt. Nos, ut Platonis verbis uta-
 mur, statuimus, utrumque sexum suum ad ge-
 nerationem conferre *σύνβολον*, & neutrius
 sexus semen seorsim sumtum, sed utriusque
 conjunctum, & in utero fœminæ ritè unitum,
 esse Semen prolificum & fœcundum. Sed
 cum ex his plura argumenta exstruat Libavi-
 us, ea ordine videamus.

Q 2

Primò,

1. *Libatij
obectio.*

Primo autem ita argumentatur: Si mas est, qui gignit in altero vel alterum, non in seipso aut seipsum, falsa est Scaligeri generatio, quā mas in seipso dicitur generasse essentiā formali, per quam res est id, quod est, constans anima:

*Responsio.
Mas quos
modo in a-
lio generet.*

Ad quod Respondemus: Licet mas in alio gignat; quatenus tamen primò Semen, quod in foeminæ uterum mittit, in se generat, nec illud Semen anima destruitur: eatenus, suo tamen modo, etiam in se gignere dici potest: Semen tamen potiùs, quàm animal; cum, ut dictum, ad Semen prolificū, è quo animal formatur, utriusq; sexus semē requiratur. Et respondit aliquid ad hoc jam Scaliger, *Exerc. 6. Sect. 10. Generat arbor, cum producit semen: non autem generatur arbor, cum pullulat è semine, sed tum generatum, quod erat imperfectum, perficitur.* Cum enim forma quævis habeat sese multiplicandi vim, & hoc in animalibus fiat per Semen, ut & in plantis plerisq; Nō sine causa animal, ut & plantæ, generare dicuntur, cum semen istud prolificum quod Epicurus (ut est apud Plutarchum, *de Placit. Philos. l. 5. c. 3. Ψυχῆς καὶ σώματος ἀπόστασμα* esse dixit) generant, materiam nimirum talem, per quam aliquid suæ animæ propagare, & hoc modo sese multiplicare possit. Etsi enim formæ animatorum per se non sint quantæ & divisibiles: tamen quantæ dicuntur, imò etiam dividuntur, ad divisionem materiæ. Unde animæ aliquid cum corpore idoneo avulsum, facili sibi rursum

sum necessarium corpus fabricare potest. Sed non quælibet materia, sicuti dictum, ut cum ea anima propagetur, apta est; Sed certa: quæ est in animalibus & plantis semen; in quibusdam taleæ & surculi; in alijs radices.

Atque hoc ita se habere, ex eo manifestum est, ut antè etiam dictum, quod Semine genito & emisso, & planta & animal emori potest, antequam foetus vel planta perfecta produci-
tur. Et nihilominus, etiamsi jam emortua sit planta vel animal, generasse dicitur, & post-
huma quoq; proles parentis sui proles est.

Secundò ita argumentatur: Si mas in seipso, *1. Obiectio.*
dum Semen gignit, simul animam procreat, fœ-
mina est, non mas. Fœmina enim est, qua in sei-
psa vel seipsam gignit.

Verum respondeo. Fœmina dicitur in sei- *Responsio.*
psa gignere, quod Semen, quod generat, & ad *Fœmina*
foetus constitutionem cōmunicat, in se cōtinet, *quomodo in*
nō verò, ut mas ex se emittit. Præterea etiam, *se generet.*
quod generatū, quod imperfectū est, in fœmi-
na perficitur, ut sic forma sit in eadem materia
ad eum modum, qui nullis amplius eget ad-
ministrulis, ut loquitur Scaliger, loco all. Id
quod non fit in mase.

Tertiò, Si, inquit, mas in seipso formam foetus *3. Obiectio.*
efficit; quia forma sine materia non est: necesse est
etiam singularem & determinatam efficere materiā.
Id quod totū concedimus. Sed hinc nō sequi-
tur, quod annectit; Et sic integrum essentiā ani- *Responsio.*
mal gignere. Nam ad id generandum utrumq;

semen requiritur, & ut supra ex Empedocle & Aristotele dictū, Maris & fœminæ quasi σύμβολον est; totum verò à neutro proficiscitur. Et præterea Corpus animalis in fœmina perficitur.

4. *Obiectio.* Eadem ferè est solutio *quarti* argumenti, quando dicit: *Si mas intra se gignit & materiam & formam, fœmina non potest esse principium generationis, sed per accidens saltem, & absolute*

Responsio. Hoc enim nos non petit, sed eos, qui fœminæ Semen activè ad generationem concurrere negant, Præterea nec totam materiā, quæ ad corpus animalis absolvendum requiritur, in mare generari dicimus, sed saltem tantum materiæ, quantum sufficit ad animam traducendam & propagandam: Reliquā materia in utero à sanguine materno communicatur.

5. *Obiectio.* Cum *quinto* dicit: *Si mas est principium id, quod originem motus & generationis habet, nō in se integram materiā & formā gignit. Aliud enim est principium motus ad formam, aliud est forma.*

Responsio. Nullam cōnexionem video. Principiū motus est mas, dum in se habet formā, quæ sui multiplicativa est: Interim nihil obstat, quin aliquid ejusdem cum semine cōmunicare, & ita suam Speciem propagare possit. Præterea non dicimus; quod mas in se animam efficiat, sed quod aliquid suæ essentiae communice: Sicut nec hoc dicimus, Quod animal integrum formā & materiā in mare generetur.

Ad

Ad id quod sexto affert. Cum unus canis, unus 6. *Obiectio.*
 porcus plures possit procreare uno satu, unicoq; se-
 mine, in se jam multitudinē materiæ & formæ a-
 nimaliū gestaret; Jam Respondit Scalig. Exer. 6. *Responsio.*

Secl. 10. Sed obijciunt, inquit, Ergo canis ani-
 marū plenus est. Non sequitur. Unam enim
 habet animā, quæ pluriū sufficit generationi.
 Sic in ramis oleæ, in quibus multæ sunt taleæ,
 unica tantūm est anima, à quā multæ. Frustra
 proinde quærit Libavius, in exam. Phil. viv.
 Hart. p. 117. Si dixit Deus; Germinet terra her-
 bam virentem, cujus semen in ipsa sit super terram
 juxta genus & speciem suam; Num ergo in plan-
 tis anima omnium deinceps futurarū actu erant?
 Ita de aquatilibus & aëreis: Crescite & multi-
 plicamini. Si actu emint multiplicia, quid opus erat
 de futuro sancire? Uniuscujusque Individui &
 plantarū & animalium una erat actu anima,
 quæ pluriū generationi sufficit, & quæ, ubi per
 semē prolificum cōmunicatur, individuū sese
 multiplicare & generare dicitur. Manetq; ni-
 hilominus anima una & integrā actu; quem,
 admodū dum à lampadis flamma flammā ex-
 cipimus, illa nihilo secius integrā manet. Et si-
 cut dū anima in accretionibus & augmētatio-
 ne, dū sese in alimēti materiā novā induit, nō
 major fit: ita in generatione nō imminuitur.

Septimo inquit: Si Semen ex mare & femina 7. *Obiectio.*
 simul secernitur, impossibile est, Mare intra se gi-
 gnere animal formatum, idq; postea transferre in
 feminam. Deest enim alterum generationis prin-
 cipium.

Responsio.

Verùm Respondeo. Si Scaliger animalia à masculino semine, sine foeminino, generari statueret, in eo ipsi non assentimur.

*Semen an
dici possit
animal.*

Sed cum locutio illa Scaligeri, quâ Semen dicitur esse animal, inprimis offendere videatur Libavium, illa explicanda est: *Primò* si Scaliger solum masculinũ semen habet prolificum, in eo, ut dixi, ipsi non assentimur: Sed utrumque Semen ad generationem necessariũ esse concedimus, & totum à neutro proficisci, Sed maris & foeminæ Semen conjunctũ, demũ Semen prolificum, & ad animal suæ Speciei procreandum idoneũ esse statuimus. Quod verò *secundò* Semen hoc prolificum animal appellat Scaliger, & Semen caninum, Canem imperfectũ, carentem tantũ articulationibus appellat, in eo adeò reprehendendus non videtur. Nã cum denominatio à parte potiore desumatur: Semen verò actu formã integram habeat, (nam cum forma per se non sit quanta, potest æquẽ esse integra in parvo corpore, ac in magnâ mole: Ac licet in infante recens edito vis major sit: infans tamen æquẽ perfectã atq; integrã habet formã) & præterea aliquid materiæ: Scaligero animal appellare placuit, Si quis tamẽ ideò, quod maxima materiæ pars adhuc desit, & corporis fabrica nõdum absoluta sit, neq; omnib9 mēbris animal perfectũ sit, animal appellare nõ velit, cum eo nõ pugnamus: modò hoc largiatur, animã integram sui domiciliij architectã Semini inesse.

Neque

Neque enim negandum, non levem inter semen & plantam vel animal ex semine generatum esse differentiam. Nam semen corpus homogeneum est (quanquam enim in plantis semina plures partes habeant: externæ tamen saltem internæ illius homogeneæ, quæ propriè semen est, quasi theca sunt) aptum natum, ut per illud anima traducatur & propagetur; Animalis verò corpus ex pluribus partibus constat, quas anima partim ex semine, partim ex attracto sanguine materno in animalibus; in plantis verò ex alimento è terra attracto fabricat; quæ partes singulæ, ut peculiariora mista, cum suas formas habeant, atque alia forma sit corticis, alia folij in arbore; alia cordis, alia cerebri in animali: non leve apparet discrimen inter semen & plantam vel animal perfectum, si scilicet utriusque corpus & corporis utriusque, quatenus ut mistum consideratur, forma consideretur. Forma tamen specifica utrobique eadem est.

Octavo, quod dicit, *Cælum in æquivocis* 8. *Obiectio.*
etiam hoc modo in se animal generare: nulla est
 Consequentia. Nam in æquivoca generatione *Responsio.*
 ne Cælum de sua essentia formam non largitur. Et de æquivoca generatione alibi dicitur.

Nonum argumentum idem est cum 9. *Obiectio.*
quarto.

Decimo, si, inquit, *intra se genitam formam animam in se transfundit, non confert se-* 10. *Obiectio.*

funguntur, & semen maturum in terræ gremium conjiciunt, à qua tanquam intra uterum fovetur, ut inde suo tempore planta integra edatur. Unde enim in his anima? Quis hic admirandarum illarum operationum autor? quis omnibus partibus numerum, ordinem, situm, figuram, qualitatem & similia tribuit, nisi illa ipsa anima, quæ in planta postea omnibus partibus integra, si quid avulsum est, illud instaurat & reparat, & singulis annis, cum novos ramos producit, & flores & folia reparat, formationis opus quasi de novo aggredditur; eodem planè modo, quo cum primum in parvo seminis corpore lateret, ex attracta materia plantæ architecturam inchoaret.

Semina vivunt.

Et omninò in Plantis, ubi mare & fœminâ ad generationem opus non est, rem putamus esse manifestam; ob rationes modò allatas: & miramur, quod viri docti nonnulli veritatem istam apprehendere non potuerunt. Neq; absurdum nobis videtur, (etsi absurdum videatur Libavio,) quod semen tritici in granario actu vivat. Nisi enim viveret, sationi aptum non esset; Et quæ jam emortua sunt, infœcunda sunt, & sationi inepta: quæ verò adhuc vivunt, humiditatē aliquā nacta & calore fota, etiam in hypocausto vel media hyeme germinant. Ubi certè illa vis germinandi non est ab Aqua, vel à Calore ambiente, sed ab anima in semine latente. Præterea ex

ea ex India & alijs peregrinis locis multa semina ad nos afferuntur, quæ post plures etiam annos terræ iterum credita plantas suæ speciei producunt. Ubi, si in semine non est Anima, à quo, quæso, agente plantæ anima communicatur, aut à quo agente fabrica illa corporis artificiosa exstruitur? Cum planta, à qua Semen generatum est, longè absit, aut jam etiam emortua sit.

In animalibus verò, in quibus uterq; sexus ad generationem requiritur, etsi res videatur nonnihil intricatior: tamen si diligenter perpendatur, non adeo magnam difficultatem habet. De quo videatur Scalig. *Exerc. 6. Sect. 5. 7. 8. 9. 10. 11.* Primò enim, qui Aristotelis doctrinam sequuntur, & masculino semini solùm vim generandi tribuunt, illi facile se expedire possunt. Omnia enim, quæ de Seminibus Platarum dicuntur, etiam de Semine masculino dici possunt. Verùm cum alteram sententiam

sequi placeat, cum ob alias: tum eam inprimis ob rationem, quod mas & foemina non differunt specie; formas autem ejusdem speciei sequuntur potentia ejusdem speciei, ac proinde potentia generandi in foemina est ejusdem speciei ac natura, cum ea, quæ est in mare: nec ea quicquam absurdi includit: Si illud observetur, quod Aristot. *1. de gener. anim. cap. 18.* ex Empedocle scribit: *Maris ac foeminae quasi Symbolum esse; totum vero à ventre proficisci.*

cisci. Et illud, quod Scaliger, *Exerc. 106. Sect. 6.* scribit: *Majus tibi dicam, quod tibi scire præstiterit, ad generationis modos perscrutandum, quam Cylindrorum omnium jura inutilia persequi: Palmarum ossa tria serito, totidem orientur inde palma, ita demum distinctæ, ut erant ossa ipsa. Si tres stipites actu unum hoc, quod est existens sibi quisq., in unum actu coibunt; unica denique uno contenta stipite palma fient: atque ex ijs, non alio satù, exit arbor illa, quemadmodum prodit Theophrastus. Unus, inquam, stipes numero externis truncis, ortu, materiâ, quantitate, loco separatis. Hæc Scaliger. Habet nimirum quilibet stipes & primò exoriens palma quæq.; suam animam: nihilominus hæ tres palmæ in unam numero palmam coalescunt. Idq; non solum videre est in palma, sed & in omnium plantarum insitione, in qua suâ animâ præditus est stipes, in quem surculus inseritur; sua itidem surculus: ex surculo & stipite una planta & arbor fit, una anima prædita. Allusit procul dubio huc fabulâ illâ Plato, cum, in Convivio, scribit, hominem, qui nunc geminus est, in principio unum fuisse, postea à Jove discissum in marem & foeminam fuisse. Et hinc provenire mutuuum illum amorem, qui sit τῆς δὲ χαίρας φύσεως συναγωγεὺς καὶ ὁππότε ἂν ποιῆσαι ἐν ὅκ δυοῖν. Et unumquemque nostrum esse ἀνθρώπου ἑυμβολον, & unumquemque quærere semper τὰ ἑαυτοῦ ἑυμβολον.*

Jam

Jam quæ Libavius, contra hanc Sententiam *Libavi ob-*
 afferat, videamus. *jectiones*

Primò ergò quod miratur, imò ridet Liba- *solvuntur.*
 vius, ut paulò ante etiam dictum, Semen Tri- *Semina at-*
 tici in Granario sicco actu vivere, id non mi- *erant.*
 ror: Sed hoc potius miror, virum tam doctum
 id perspicere non potuisse. Etsi enim in grana-
 rio sicco aliæ vitæ operationes in Semine tri-
 tici non appareant: tamè nec tunc planè otio-
 sa est anima, Sed semen vegetum, incorruptum,
 & prolificum aliquandiu conservat. Quam-
 primùm verò locum convenientem, & alimè-
 tum idoneum nanciscitur, in plantam perfe-
 ctam excrefcit. Et si non vivit Semen tritici,
 quæso, unde Triticum, quod ex eo semine pul-
 lulat, animam suam nanciscitur: Cum Triti-
 cum, ex quo hoc semen collectum est, jam præ-
 cedente æstate exaruerit?

Deinde quod dicit, hoc modò fœminam *Fœmina*
 nihil ad generationem conferre, nisi locum, *quid ad ge-*
 fotum, & nutrimentum: Id nihil contra no- *nerationem*
 stram sententiam facit; Sed pugnat contra e- *conferat.*
 os, qui Semen prolificum saltèm à mare pro-
 venire scribunt. Nos, ut Platonis verbis uta-
 mur, statuimus, utrumque sexum suum ad ge-
 nerationem conferre *σύνεσολον*, & neutrius
 sexus semen seorsim sumtum, sed utriusquæ
 conjunctum, & in utero fœminæ ritè unitum,
 esse Semen prolificum & fœcundum. Sed
 cum ex his plura argumenta exstruat Libavi-
 us, ea ordine videamus.

Q 2

Primò,

1. Libavij
objectio.

Primo autem ita argumentatur: *Si mas est, qui gignit in altero vel alterum, non in seipso aut seipsum, falsa est Scaligeri generatio, quā mas in seipso dicitur generasse essentiā formali, per quam res est id, quod est, constans anima:*

Responsio.
Mas quos
modo in a-
lio generet.

Ad quod Respondemus: Licet mas in alio gignat; quatenus tamen primò Semen, quod in foeminæ uterum mittit, in se generat, nec illud Semen anima destituitur: eatenus, suo tamen modo, etiam in se gignere dici potest: Semen tamen potiùs, quàm animal; cum, ut dictum, ad Semen prolificū, è quo animal formatur, utriusq; sexus semen requiratur. Et respondit aliquid ad hoc jam Scaliger, *Exerc. 6. Sect. 10. Generat arbor, cum producit semen: non autem generatur arbor, cum pullulat è semine, sed tùm generatum, quod erat imperfectum, perficitur.* Cum enim forma quævis habeat sese multiplicandi vim, & hoc in animalibus fiat per Semen, ut & in plantis plerisq; Nō sine causa animal, ut & plantæ, generare dicuntur, tùm semen istud prolificum quod Epicurus (ut est apud Plutarchum, *de Placit. Philos. l. 5. c. 3. Ψυχῆς καὶ σώματος διότι αὐτὰ esse dixit*) generant, materiam nimirum talem, per quam aliquid suæ animæ propagare, & hoc modo sese multiplicare possit. Et si enim formæ animatorum per se non sint quantæ & divisibiles: tamen quantæ dicuntur, imò etiam dividuntur, ad divisionem materiæ. Unde animæ aliquid eum corpore idoneo avulsum, facillè sibi rursum

sum necessarium corpus fabricare potest. Sed non quælibet materia, sicuti dictum, ut cum ea anima propagetur, apta est; Sed certa: quæ est in animalibus & plantis semen; in quibusdam taleæ & surculi; in alijs radices.

Atque hoc ita se habere, ex eo manifestum est, ut antè etiam dictum, quod Semine genito & emisso, & planta & animal emori potest, antequam fœtus vel planta perfecta produci- tur. Et nihilominus, etiamsi jam emortua sit planta vel animal, generasse dicitur, & post- huma quoq; proles parentis sui proles est.

Secundo ita argumentatur: Si mas in seipso, s. Objectio.
dum Semen gignit, simul animam procreat, fœ-
mina est, non mas. Fœmina enim est, quæ in sei-
psa vel seipsam gignit.

Verum respondeo. Fœmina dicitur in sei- *Responsio.*
 psâ gignere, quod Semen, quod generat, & ad *Fœmina*
 fœtus constitutionē cōmunicat, in se cōtinet, *quomodo in*
 nō verò, ut mas ex se emittit. Præterea etiam, *se generat.*
 quod generatū, quod imperfectū est, in fœmi-
 na perficitur, ut sic forma sit in eādē materia
 ad eum modum, qui nullis amplius eget ad-
 miniculis, ut loquitur Scaliger, loco all. Id
 quod non fit in mase.

Tertio, Si, inquit, mas in seipso formam fœtus 3. Objectio.
efficit; quia forma sine materia non est: necesse est
etiam singularem & determinatam efficere materiā.
 Id quod totū concedimus. Sed hinc nō sequi- *Responsio.*
 tur, quod annectit; *Et sic integrum essentiā ani-*
mal gignere. Nam ad id generandum utrumq;

semen requiritur, & ut supra ex Empedocle & Aristotele dictū, Maris & fœminæ quasi σύμβολον est; totum verò à neutro proficiscitur. Et præterea Corpus animalis in fœmina perficitur.

4. *Obiectio.* Eadem ferè est solutio *quarti* argumenti, quando dicit: *Si mas intra se gignit & materiā & formā, fœmina non potest esse principium generationis, sed per accidens saltem, & absoluti-*

Responsio. Hoc enim nos non petit, sed eos, qui fœminæ Semen activè ad generationem concurrere negant, Præterea nec totam materiā, quæ ad corpus animalis absolvendum requiritur, in mare generari dicimus, sed saltem tantum materiæ, quantum sufficit ad animam traducendam & propagandam: Reliquā materia in utero à sanguine materno communicatur.

5. *Obiectio.* Cum *quinto* dicit: *Si mas est principium id, quod originem motus & generationis habet, nō in se integrā materiā & formā gignit. Aliud enim est principium motus ad formā, aliud est formā.*

Responsio. Nullam cōnexionem video. Principiū motus est mas, dum in se habet formā, quæ sui multiplicativa est; Interim nihil obstat, quin aliquid ejusdem cum semine cōmunicare, & ita suam Speciem propagare possit. Præterea non dicimus; quod mas in se animam efficiat, sed quod aliquid suæ essentiae communique: Sicut nec hoc dicimus, Quod animal integrum formā & materiā in mare generetur.

Ad

Ad id quod sexto affert. Cum unus canis, unus 6. Obiectio.
 porcus plures possit procreare uno satū, unicoq; se-
 mine, in se jam multitudinē materiæ & formæ a-
 nimaliū gestaret; Jam Respondit Scalig. Exer. 6. Responsio.

Secl. 10. Sed obijciunt, inquit, Ergo canis ani-
 marū plenus est. Non sequitur. Unam enim
 habet animā, quæ pluriū sufficit generationi.
 Sic in ramis oleæ, in quibus multæ sunt taleæ,
 unica tantūm est anima, à quā multæ. Frustra
 proinde quærit Libavius, in exam. Phil. viv.
 Hart. p. 117. Si dixit Deus; Germinet terra her-
 bam virentem, cujus semen in ipsa sit super terram
 juxta genus & speciem suam; Num ergo in plan-
 tis anima omnium deinceps futurarū actu erant?
 Ita de aquatilibus & aëreis; Crescite & multi-
 plicamini. Si actu erant multiplicia, quid opus erat
 de futuro sancire? Uniuscujusque Individui &
 plantarū & animalium una erat actu anima,
 quæ pluriū generationi sufficit, & quæ, ubi per
 semē prolificum cōmunicatur, individuū sese
 multiplicare & generare dicitur. Manetq; ni-
 hilominus anima una & integra actu; quem,
 admodū dum à lampadis flamma flammā ex-
 cipimus, illa nihilo secius integra manet. Et si-
 cut dū anima in accretionibus & augmētatio-
 ne, dū sese in alimēti materiā novā induit, nō
 major fit: ita in generatione nō imminuitur.
 Septimo inquit; Si Semen ex mare & femina 7. Obiectio.
 simul secernitur, impossibile est, Mare intra se gi-
 gnere animal formatum, idq; postea transferre in
 feminam. Decet enim alterum generationis prin-
 cipium.

Neque enim negandum, non levem inter semen & plantam vel animal ex semine generatum esse differentiam. Nam semen corpus homogeneum est (quanquam enim in plantis semina plures partes habeant: externæ tamen saltem internæ illius homogeneæ, quæ propriè semen est, quasi theca sunt) aptum natum, ut per illud anima traducatur & propagetur: Animalis verò corpus ex pluribus partibus constat, quas anima partim ex semine, partim ex attracto sanguine materno in animalibus; in plantis verò ex alimento è terra attracto fabricat; quæ partes singulæ, ut peculiariora mista, cum suas formas habeant, atque alia forma sit corticis, alia folij in arbore; alia cordis, alia cerebri in animali: non leve apparet discrimen inter semen & plantam vel animal perfectum, si scilicet utriusque corpus & corporis utriusque, quatenus ut mistum consideratur, forma consideretur. Forma tamen specifica utrobique eadem est.

Octavo, quod dicit, Cælum in æquivocis 8. Obiectis. etiam hoc modo in se animal generare: nulla est Consequentia. Nam in æquivoca generatione Cælum de sua essentia formam non largitur. Et de æquivoca generatione alibi dicitur. *Responsio.*

Nonum argumentum idem est cum 9. Obiectis. quarto.

Decimo, si, inquit, intra se genitam formam animati mas transfundit, non confert se- *10. Obiectis.*

- men ad generandū in fœmina, sed jam formā conficiās animal.* Verum qua ratione admitti possit vel nō possit, Masculum in se animal gignere, jam dictum. Dictum enim jam sæpius; Solius maris semen ad generationem non sufficere.
- 10. Obiectio.* Deniq; absurdissimū fore, ait, cum Equus ex asina generat mulū, dicere, Eum intra se, dum Semē faceret, formā non equi, & sic nō simile sui, sed muli genuisse. Ita est, inquit, de Leone & Pardali, de cane & vulpe, de Cane & Lupo, & similibus; quibus apertissimè refutari putat Scaligeri circa generationē subtilitatem. Verum nisi firmioribus argumentis refutetur, hoc non refutabitur. Primò verò notandum, Mulum & similia animalia (quæ ex duabus Speciebus proveniunt) non esse rerum naturalium Species à Creatore conditas, Sed specierū confusiones, quas & Deus, ut *Levit. 19. v. 19.* videre est, & Natura abominatur. Deinde cum Equus ex asina gignit mulum, non in se Muli formam vel Semen gignit Equus, sed semē Equi, & hoc modo sibi simile generat. Quia verò hoc semen non cum semine Equæ, quod fieri debebat, ad Equum generandum, sed Asinæ miscetur: Fit inde nō Equus, sed mulus. Et hoc modo Equus gignendo Semē quidem sibi simile gignit, sed ut fiat dissimile quid, fit ob admisionē Seminis alieni. Et quia ex diversorū Seminum confusione & formarū mistione, ut habet Scaliger *exerc. 1.* talia animalia generantur, fit inde fœtus, qui neutrum parentē planè refert, scilicet

ex Equo & Asina neq; Equus neq; asinus fit, sed mulus. Qualis mistio in plantis frequētiore est.

Offendit quidem hic non paucos formarum mistio, quam Scaliger appellat, ob quādam metaphysica (quæ tamen an ex rerum natura, quod fieri debēbat, in Metaphysicam intulerint; an verò in suo cerebro quidam Aristotelis Interpretes. finxerint, dubitare quis posset) axiomata: verum ejus rei non pauca neque obscura in Rerum natura existare indicia antea dictum. Et quod non unica solum, seu asinæ seu equi forma in productione muli concurrat, ex partium conformatione manifestum est. Ubi enim potentia est animæ, ibi est ipsa anima. At in conformatione muli utriusq; animæ & equi & asinæ actiones apparent. Ideoque; illud J. C. Scaligeri, in lib. I. de plantis, hic etiam merito locum habet; *Ubi res, inquit, constat, si opinio adversetur rei, querendum rationem, non rem ignorandam.*

Reliqua omnia, quæ affert, fermè contra illam locutionem Scaligeri pugnant, quâ Semē Canis dicit esse Canē imperfectū. De quā paulò antè dixim⁹, ita locutū esse Scalig. propter formæ, nobilioris partis, præsentiam. Interim si cui ita loqui non placet, quia membrorum articulatio nondum adsit, me non offendet. Hoc tamen admittere non possumus, quod Libavius defendit, formam non posse esse nisi in Corpore planè perfectō, & propterea in Scamine non esse, quia membrorum structura nō adsit.

adfit. Contrarium enim res ipsa loquitur, dum videmus in radice, in bulbo, in surculo, in talea plantæ æquè esse animam, ac in tota planta; etiam si multæ partes adhuc desint, & propterea eadem operationes plantæ postea apparent, & ex bulbo, vel radice, vel surculo, integrum plantæ corpus pullulat. Neque tamen hinc sequitur, quod existimat Libavius, quod Aqua aut Cucurbita facile homo possit dici, Scaligerianâ subtilitate. Nam non quodlibet corpus ad animæ propagationem idoneum esse, antea jam diximus. Et licet in plantis plures modi generandi & transplantandi sint: In animalibus tamen solum per Semen ea propagatur & multiplicatur. Multò minus hoc inde sequitur, quod nonnulli huic sententiæ male imputant, quasi anima gradus habet, & in semine primo sit quodam imperfectiore gradu, in quo potentia tantum nominatur, quæ deinde paulatim & particulatim adscendendo, & ubi plures perfectionis gradus acquisiverit, actus dicatur. Non enim hæc mea, non Scaligeri mens est: sed ut forma eandem perfectionem habens est in infante & viro, in annosa quercu & germine primum ex glande pululante: ita eadem forma, quæ est in perfecta planta, est in semine, nec per gradus vel perficitur vel acquiritur, sed tantum organorum apparatus & distinctio deest.

Nihil eternum est.

Tandem ad Objectionem, qua dicitur; Externum quid Causam formationis partium

um esse non posse, cum quod non tangit, non moveat; Et proinde internum principium esse, idq; aut partem aliquam animæ, aut animam, aut habens animam: Respondet; partim ab exteriori aliquid effici potest, partim non potest. Nihil enim interest, inquit, sive semen efficere dicatur, sive is, à quo est Semen; modò Semen in se habeat *την κίνησιν, ἣν ἔχειντο ἐκείναι*: quasi dicatur, Si semen in se habeat movendi potentiam, quam ille, qui semen contulit, habuit, perinde esse, sive à semine dicantur effici partes, sive à genitore. Verum Respondeo, Sit sanè, nihil interesse, sive Semen dicatur efficere partes, sive Genitorem, à quo est Semen: hoc tamen in Quæstione est; An Semen, si animalium non sit, ut vult Libavius, in se habere possit eam movendi potentiam, quam ille, qui semen contulit, habuit. Rectè enim Scalig. *Exerc. 6. Sect. 5. nullum accidens agit, nisi per vim suæ substantiæ. Et si tribuitur vis formatrix Semini, necesse est & Animam vegetantem ei tribuî, cujus ea vis potentia est.*

An verò hæc, ut quæstionem hanc concludamus, quæ de anima in semine existente hactenus, diximus, & quibus animæ vegetantis, ut & sentientis præsentia in semine probavimus, de Rationali quoque anima intelligenda sint: hic non decidimus, sed alterius loci est illa quæstio. Nam sufficit nobis hoc loco, si de plantis & brutis solum id, quod demonstrandum suscepimus, verum esse obtinueri-

nuerimus, & in seminibus horum animam Corporis architectam inesse mōstraverimus.

Ut ergo ad inititutum redeamus, appellant Chymici Recentiores, Altra Semina, & Radices rerum, quæ Philosophi & Medici hætenus appellarunt formas & animas. De nomine cum ijs non litigabimus: Hoc tamen monemus, eos sine caulla Radices & Semina in Cælum inferre, & Parabolismis res obſcurare potius quam explicare. Has formas per se nec molis magnitudinē habere, nec partiū distantias, nec dimensionū vinculis alligatas esse. Fieri tamen quantas, & dimensionib9 obnoxias, ob materiam, quam informant, rectē docent. Sicut & illud, ab his omnē generationum vicissitudinem absolvi, ab ijsdem corporibus omnib9 suas magnitudines, univasq; qualitates tribui, vitāq; ipsam, & hīnc omniū actionum vigorem & potestatem provenire.

*Seminum
in scenam
mundanam
progressio.*

Unde & illa, quæ de progressionē seminum in scenam mundanam dicunt, in sensum bonum trahi possunt. Quod enim scribunt, semen quodq; suæ naturæ suisq; usibus accommodata corpora & convenientes Qualitates assumere, non secus ac histrio in theatrum proditurus vestem personæ, quam acturus est, aptam seligit: id modò dextrè explicetur, & semina ab Individuis suarum specierum, non ex orco aut invisibilibus elementis, progredi dicantur, absurdum non est. Quis enim Peripateticorū negare potest, plantam, cum primum ē semine duobus foliolis saltem prodit,

nondum universi corporis structuram perfectam habere, sed attractio est terra alimento idoneo indies augeri & omni perfectionis genere instrui & absolvi, & ita corpus suæ naturæ conveniens animam plantæ fabricare? Nec in hoc ab ipsis dissentimus, quod scribunt, multos Philosophos hætenus ferè omnes actiones soli firmamento ascriptisse, in reliquis Elementis vicissitudines, non ab innatis astris, sed à cœlestibus absolvi prodidisse; Imò etiam Seminales virtutes & fecunditates ex Cœlo inconsideratè deduxisse: modò rectè accipiatur.

Peccârunt nimirum in eo nō pauci Philosophi hætenus *primò*, quod, postquam viderūt hæc inferiora benigno cœli calore foveri, & quasi suscitari, etiam ipsas formas rerū à Cœlo deducere conati sunt; cū singulis rebꝯ suæ formæ sint insitæ, quæ se multiplicandi potentiâ habent. *Deinde*, quia cœlorū motus ordinatissimos esse observârunt, si quid ordinatū, certisq; periodis recurrentem motum servare in sublunaribus viderunt, Causas illius motus mox è Cœlo petendas putârunt; cum tamè illa motus constantia & ordinata vicissitudo ab insitis rerū formis proveniat; ut in plantis videre est, quarum aliæ alijs temporibꝯ florent, fructusq; edunt, & Semina proferunt, eumq; ordinè singulis annis cōstantissimè tuentur.

Nec hîc astrictimur Libavio, qui Chymicos iterū reprehêdit, quod astris seu formis coctiones alimentorū ordinatas, excretiones, nutritiones,

Rer, natural, ordo & action. non omnes à cœlo.

Formarum via & potentia.

*Actiones
Naturæ
sunt ordi-
natae.*

tiones, Generationes, autiones, pulsum vitalem, Morborum circuitus, Mensium fluxus in foeminis, æstus maris, & similia tribuit. De mensium fluxu ordinato in foeminis & æstu maris hîc non disputabo: Cur Coctionem alimenterum ordinatam, ordinemq; in excretionem, nutritionem inesse, eumq; ab animâ provenire, negare debeam, causam non video. Nam quod dicit, istas actiones non esse statas, & unicam Cœnam luxuriosam posse ordinem & tempus coctionis intervertere, facilis est responsio. Cum enim actionibus istis ordo tribuitur, præsupponitur, & constitutionem corporis, seu partium, per quas perficiuntur, sese rectè habere, & objectum esse cõveniens. Excluduntur verò Errores externi, quibus Coctiones, Excretiones & similes actiones turbari, nemo ignorat. At si externa talia omnia sese rectè habeant, naturam & in coctionibus & excretionibus absolvendis ordine uti, & definitis temporibus actiones suas absolvere, notissimum est: de quo videatur Galenus *lib. 2. de diff. febr. c. ult.* ubi pluribus docet, non solum in coctione, sed & in excretionem naturam rectè agentem, neque impeditam statis temporum terminis actiones suas perficere. Inprimis verò, quod generationes ordinatas esse negat, id valde miror. Et si enim in regione elemētari mutabilitas sit magna, & in Meteoris præcipuè multa *καὶ φύσιν αἰσχυρίσθαι* fiant: Animalia tamen certa habent

bent generationum tempora & definitis terminis foetus suos absolvunt & edunt : & qui ignorat, plantas in producendis floribus, seminibus, fructibus ; exarescendo quasi & rursus repullulascendo & revirescendo, stata tempora observare, rei botanicæ planè ignarus est. Quod tandem dicit, hospitem esse in Medicina, qui morborum circuitus statos facit : id etiam valde miror, & contrarium verum esse dico ; & qui id negat, nunquam febre tertiana vel quartana laborasse aut laborantem vidisse existimo ; aut certè, quid in febricitantibus accidat, non observasse : cum frequenter febres tam exactè suos circuitus observet, ut ordinis ac periodorum constantia ac certitudine sæpe cum horologijs certare videantur. Et licet febres sæpè anticipent, aut postponant : tamen & id non sine ordine accidit.

Verum in eo Chymicis non assentimur, *Formæ non* quod hæc semina & astra in elementis illis, *sunt extra* quæ statuunt, invisibilibus, tanquam in patria, *individua* pura & sola habitare ac beatâ quiete frui & *suarum specier.* hinc corporibus misceri statuunt. Formæ enim rerum naturalium nusquâ sunt, nisi in suæ speciei individuis, & per ea custodiuntur & propagantur, ut supra dictum. Neque aliter generationem animatarum fieri, non solum omnium seculorum consensus docuit ; sed & sacræ literæ testantur, è quibus constat, Deum mundi creatorem omnipotente verbo

P impe

imperavisse plantis & animalibus, ut intra se & ex se generent semina, quibus, individuum propagatione & multiplicatione, specierum conservatio fieret; non verò intra elementa abscondisse, & ex nescio quibus abyssis, certis temporum periodis, ad hanc mundanam fabulam agendam progredi iussisse.

Sicut & in eo non rectè loquitur Severinus, aut certè non satis cautè, quod scribit: Semina in Elemento cœlesti individua in seculum duratura produxisse, solem, lunam, & astra; quia semina obtinuerint corpora perfectissima: Cum ex sacris literis sciamus, DEUM creasse luminaria & astra, eaque cœlo imposuisse: non verò, sicut plantæ è terra crescunt, ita stellas è suis seminibus crevisse.

*Vita quid
Aristoteles
licet.*

Hoc loco meritò excutienda est sententia Chymicorum recentiorum *de Vita*; cum omnia, quæ ista, quæ appellant, semina obtinent, vivere dicant. Hactenus quidem Philosophi Aristotelici & Medici Galenici vitam tantum animatis tribuerunt, vitamq; animæ quendam actum & vigorem esse dixerunt: & nihil vivere concesserunt, nisi in quo aliqua animæ, ad minimum vegetantis, operatio appareat; & quicquid vivit nutriri, & contra quicquid verè nutritur, vivere docuerunt.

Verum

Verum Chymici recentiores vitæ nomen *Vita quid*
 multo latius extendunt, & cum stellis vitam *Chymicæ.*
 tribuunt, easq; vitali seminum potestate per-
 fundi, nec mortua esse corpora, ut Sever. c. 6.
 scribit; docent; tum etiam metalla, minera-
 lia, gemmas, lapides, vivere statuunt, & omni-
 no quicquid semen vel astrum, quod appellât,
 in se continet & agendi vim habet, seu ut alij
 loquuntur, omne corpus, quod Spiritum ha-
 bet, vivere dicunt. Scilicet, ut Thomas Moufet-
 tus, in dialogo apologetico, habet; *Vita ipsis nil a-*
liud est, quam ἐνεργεῖα cunctis rebus insita, id
 est, hominis ad humanas actiones, astrorum
 ad astrales, angelorum ad angelicas, bruto-
 rum ad brutales, plantarum ad plantares, mi-
 neralium ad minerales, metallorum ad metal-
 licas, alimentorum ad alimentares, medica-
 mentorum ad medicas operationes disposi-
 tio. Ita vivit Sal, Sulphur, Mercurius, vi-
 triolum, arsenicum, metalla, gemmæ, lapi-
 des; quia sapes, odores & alias ἐνεργείας ac
 potentias habent. Hinc è Recentioribus qui-
 dam scribunt, vitam magnetis esse Spiritum
 ferri; arsenici, auripigmenti Spiritum. quen-
 dam Mercurialem venenatum; vitam excre-
 mentorum hominis & cæterorum animalium
 esse ipsorum fœtorem & halitum mali-
 gnum; aromatum in odore consistere amabi-
 li; rerum dulcium in aerea quadam dulce-
 dine; ligni vitam esse resinam; ignis ae-
 rem. Hinc sua principia appellant vitalia.

prout rebus naturalibus odores, saponores, aliasque vires & facultates tribuant: quod verò nihil efficaciz habet, ipsis est mortuum.

Vivere & agere differunt.

Verum enimverò & hic nimis licentiose sibi jus nomina rebus imponendi, aut potius usitata abrogandi, & nova substituendi arrogant, & vitæ nomen nimis latè extendunt, ac res diversissimas confundunt. Longè enim generalius est agere, quam vivere. Et nemo plantam jam aridam & emortuam commodè vivere dicet: At nihilominus etiam emortuæ habent suas vires & agendi potestatem: & hoc modo è sententia Paracelsicorum dicendum esset, emortuas plantas vivere, eademque res esset & mortua & viva. Imò res combustæ sæpenumero saponores atque odores, qui Paracelsicis vitæ indices sunt, validiores habent, quam integræ; atque hoc modo cineribus vita magis tribuenda esset, quam corporibus naturalibus integris. Quod de plantis dictum, etiam de animalibus dici potest; quorum jam mortuorum partes non omnem agendi vim amiserunt. Nam ratione caret, & ab usu, quem penes arbitrium & vis & norma loquendi, planè abhorret, quod Thomas Moufettus, in *Dialogo apologetico*, scribit: vitam splenis bovini non solum esse, quæ in corpore bovis attrahit, concoquit & expellit, sed etiam quæ in morbis expedit lienis obstructions, mensæque provocat. Etenim quis hanc licentiam nominat

nomina rerum mutandi Moufetto tribuit? Et si cuilibet hoc liceret, etiam bovem vel asinum rationalem dicere fas esset. Et aliud esse vitam, ac specialius quid, quam rei *ἐνέργεια* & ad sui generis actionem dispositionem, patet in animalibus, quæ vivere possunt, licet multis actionibus destituantur, ut in apoplecticis, epilepticis, cæcis, surdis & similib. videre est. Neque ipsi sibi hac in re constant. Nam si vita, ut Moufettus definit, nihil aliud est, quam *ἐνέργεια* cunctis rebus insita: mortificata vim agendi habere non deberent. Cum tamen quidam scribant, multa esse, quæ dum vivunt mala sunt & perniciofa, sed ubi sunt mortificata, insignem usum suppeditare. Ut mercurium vivum nullum vel verè exiguum in Medicina usum habere; imò plus damni quam commodi afferre: mortificatum verò i. e. sublimatum, præcipitatum, insignes in Medicina usus habere. Ubi certè nimis magna licentia vita non solum pro agendi vi sumitur, sed ad usus Medicorum saltem adstringitur, ut illud saltem dicatur vivere, quod utiles & insignes in medicando vires obtinet.

Rectius verò Aristoteles & ejus sectatores *Vita quid* sentiunt, qui inter Naturam & animam distinguunt, & ab ijs etiam in Natura rebus, quæ animata non sunt, vi à Creatore indita, definitas & ordinatas actiones provenire statu-

unt; vitæ verò principium tantùm animam esse, quibus vitæ principium est anima, & ubi anima non est, ibi vitam non esse docent: & propterea plantarum & animalium emortuorum partes, etiamsi aliquam adhuc agendi vim habeant, amplius vivere non dicuntur.

*An metalla
& lapides
vivant.*

De metallorum tamen, gemmarum & lapidum vita res adhuc majori consideratione digna videtur: tum non solum Chymici, sed & Cardanus, & alij quidam vitam metallis tribuant. Argumenta Cardani videantur in ejus libris de subtilitate & apud Scaligerum, *Exercit.* 102. Et Gabriel. *Fallopium in tract. de metall. & fossilibus cap. 8.* ubi eadem examinantur. Et cum antea rectè dictum sit, animam esse vitæ principium, hoc præcipuè nonnulli in controversiam vocant; quæ nam animata sint.

*An omne
corpus ani-
matum sit
organicum.*

Nam licet ex Aristotele dicatur, quod anima sit *ἐντελέχεια ἡ πρώτη σώματι* *ὁ οὐσικὴ ὁργανικῇ*: tamen alij necessarium esse negant, ut omne corpus animatum organicum sit: alij quidem concedunt organa corpori animato, sed negant, necessarium esse, ut omne organum è diversis & heterogeneis partibus componatur, neque admittunt omne organum dissimilare esse; id quod etiam in corporibus animalium apparet, in quibus multæ sunt partes similes, ut dentes, in quibus non est partium compositio, nihilominus tamen inter Organicas meritò habentur.

Ut

Ut ergo meam de ista quaestione sententiam breviter aperiam, primo in eo vulgè à multis philosophis errari existimo, quod metalla, mineralia, gemmas, aliosque lapides pro mistis tantum & simpliciter habent, & ea nihil præter elementa certo modo mista in se continere statuunt, ac formam, quâ quodlibet metallum ab alio metallo vel lapide differt, tantum mistionis formam esse dicunt. Aliud longè effectus mineralium & metallorum demonstrant, qui nobiliores sunt, quàm ut solis elementis adscribi possint.

Præterea singula metalla, gemmas & similia formas específicas, præter elementa ob-
 tinere, vel ex eo patet, quod singula non solum suos peculiare colores & alias qualitates, sed pleraque etiam proprias figuras obtinent. Alia enim figura Crystallus; alia Adamas; alia aliæ gemmæ crescunt & coagulantur: Sic alia etiam figura vitriolum, alia niterum, alia alumen coagulatur. Cum falem è minera vitriolata Schmideburgensi coagulare tentarem, Crystalli provenerunt, perspicuitate adamantem, figura octaedrum tam exactè referentes, ut ab incautis ex aspectu solo adamantes haberentur; cum figura esset tam exacta, ut artifex sculpendo exactiorem vix inducere posset. Quæ certe à solo

calore vel frigore provenire non potuit; sed à forma interna, quæ ut in plantis & animalibus, ita & hic sui domicilij architecta est. Unde non sine causa Severinus, *cap. 8.* scribit, non esse majus artificium in formis & figuris animalium, quam in proprietatibus & qualitatibus metallorum ac gemmarum, & æquè mirandum esse colorem Sapphiri, duritiem adamantis, perspicuitatem Crytalli, pulchritudinem auri, ac organa vespertilionis. Et alijs formis coagulationes vitrioli, alijs marcasitarum, alijs nitroforum, alijs Crytallorum, berillorum & adamantis representari, qui dubitat, gemmas saltem aspiciat, & earum colores & figuras consideret, & ab alia, quam miltionis forma eas provenire, facile concedet.

*Mineralia
metalla &
gemma sese
multipli-
cant, & re-
nascuntur.*

Ergo etsi metalla, mineralia, lapides & gemmas vivere & animata esse vel nutriri, quoniam in eorum augmento partibus partes accrescunt, non autem, quæ prius erant, ob nutrimentum per omnes dimensiones augentur, non facile dixerim: formam tamen quodlibet horum specificam, præter formam miltionis, habere puto, à qua, uti & in vegetabilibus & animalibus, omnia hæc, figura scilicet & qualitates reliquæ proveniāt & oriantur. Imò suam cuiusque formam sese vim multiplicandi habere, absurdum esse non existimo. Etsi enim aurum igne excoctum aut fusum in agrum conjectum & satum se non multiplicet: quin tamen in

terræ

terræ cavernis, & locis, ubi metalla crescunt, id fiat, nihil prohibet: Cum aurum & reliqua metalla non semper eâ formâ, quam fusa habent, generentur, sed sæpe immatura reperiuntur, ac temporis progressu maturentur. Præterea certum est, exhaustas venas aluminis, vitrioli, imò metallorum post aliqua temporum intervalla, iterum fœcundas reddi, & metallis ac mineralibus repleri.

Qua de re doctorum virorum observationes collegit, in *extracto questionum Chymicarum de lapide philosoph.* Joh. Conradus Gerhardus, M. D. contra eos, qui statuant, omnia metalla, quæ hactenus è terrâ effossa sunt, & posthac effodientur, simul in prima creatione condita esse, & nulla amplius crescere. Aurum Corbachix in Westphalia crescit & recrescit in cumulis singulis quadriennijs. Sic argentum in cumulis plumbi cinerei, ubi prius nullum inerat argentum, certo tempore maturatur & perficitur. Item venâ plumbi in Sclavonia quadragesimo anno transit in argentum. Squama acris in arenâ sicca anno trigesimo in aurum. Ferrum in Silesia ad Saganum oppidum decimo renatum anno denuò foditur; non aliter ac in Ilya ferrum, quæ est Italiæ Insula in Thyrræno mari. In Misnia limus ruber palustris quinquennio; In Suecia similis limus uno anno Soli expositus, in bonum ferrum abit. Idem in cumulis ex lapide fissili usu venit, circa aurifodinas

*Historie
metallorum
renascentium.*

Mansfeldiæ, ubi æs similiter maturatur & renascitur. Fessularum mons in Hetruria lapides plumbarios habet, qui si excindantur, brevi temporis spacio novis instaurantur incrementis, ut tradit Bocatius Certaldus, qui id compertissimum esse scribit. Plinius etiam, *lib. 34. c. 17.* scribit: mirum in his solis plumbi metallis, quod derelicta fertilius reviviscant. Sed id non in solis plumbi, verum in omnibus metallis usu venit; imò & mineralibus. De ferro, quod in Ilva Thyrreni maris Insula effoditur, refert Andreas Cæsalpinus, *lib. 3. de metall. c. 6.* terram inanem metalli, quæ eruitur, dum vena effoditur, totam procedente tempore in venam converti. Sulphuris vena quadriennio reparatur, ut refert Fallopius, *de Thermis c. 5.* Terra detracta halonitro in cumulum redacta post 5. aut 6. annos nitrum reddit, ut scribit Cardanus, *lib. 5. de subtilitate.* In India montē esse Oromenum appellatū salis nativi, in quo lapidicinarū modo cedatur sal renascens, refert Cæsalp. *de metall. l. 1. c. 16.*

Neque est, ut quis hic subterfugium aliquod quærat & obtendat: forsan lapides illos rejectos in cumulos metalla jam olim in se continuisse. Aliud enim exploratio exactissima Probatorum docet, qui ne minimum ferè granū in scorijs relinquunt. Et planè insigne ac notatu dignum est, quod Garcias ab Horto, *simplic. in Ind. nasc. lib. 1. cap. 47.* de adamante ita scribit: *Adamantes, qui altissime in*

terra

terra visceribus, multisq; annis perfici debebant, in summo ferè solo generantur, & duorum aut trium annorū spacio perficiuntur. Nam si in ipsa fodina hoc anno ad cubiti altitudinem fodias, Adamantes reperies. Post biennium, rursus illic excavato, ibidem invenies Adamantes.

Nèque absurdum videtur, in mineris spiritum aurificum vel argentificum cum materia idonea coalescere & aurum vel argentum fieri; aurumq; & argentum hoc, antequam solidescat, & excoquatur, iterum à se posse spiritus argētificos & aurificos emittere, qui materiam dispositam in aurum vel argentum, convertant; & hoc modo perpetuari metallorum fodinas. Quod certè ipsi ductus & fluxus venarum metallicarum monstrare videntur, in quibz ἀνάλογον quid naturæ vegetabili apparet. Idemq; & hoc cōfirmare videtur, quod à Medico quodā experientissimo, qui diu Fribergæ, fodinis metallicis nobili Misniæ oppido, Medicinā fecit, relatū scio. Is enim cū aliquos ex fossoribus metallicis mortuos aperuisset, in pulmonibz ea ipsa metalla cōcreta reperit, in quibus effodiendis vivi laboraverāt.

*Spiritus
metallifici.*

An tamen propriè crescere dici possint, dubitatur. J. C. Scaliger, in lib. 1. de plant. lapides crescere negat: *Lapides*, inquit, *non crescunt, sed auferuntur.* Sic obtinebit augmentum generis proportionem ad incrementum. Ut illud sit appositae cujuscuq; modi quantitate: incrementum fiat per occupationem, quoquo versum

*Metalla au-
crescant.*

capa-

capacioris loci ex promotione ambitus extimi, admissis intro partibus, mutatis, atque unitis.

*Metalla an
semen ha-
beant.*

Unde semen metallis & mineralibus si non univocum, certè analogum nonnulli tribuendum censent. Hoc certum esse puto, formas istas, seu semina seu seminarias rationes, ut aliarum etiam rerum, à Deo primum creatas esse, ut rerum sui generis sint principia. Et licet formæ istæ ac seminaria principia in animalibus & plantis plerisque per certa corpora, quæ semina dicuntur, propagentur, & peculiari corpore spiritus ille Architectonicus concludatur: in metallis tamen per totum corpus dispergitur. Quod enim in salice & alijs plantis fieri videmus, ut per ramum avulsus fiat propagatio, ut pote in quibus seminale principium per totam plantam, dispergatur: idem in metallis & gemmis accidit, in quibus formale illud, aut si libeat appellare, seminale principium, seu spiritus architectonicus in materia metallica seu lapidescente occulto modo conclusus est. Qui plura hac de re cognoscere cupit, legat *cap. 13. lib. 1. de lapidibus & gemmis*, Anselmi Boetij, in quo postquam multis de figura sexangulari Crystallo- rum & alijs gemmarum figuris disputavit, tandem concludit; se autumare, Naturam, ut Crystallus hac nota ab alijs gemmis distingueretur, ipsi hexagonam figuram dedisse, non secus quam arborum frondibus & herbarum floribus peculiares suas figuras dedit, quæ

quæ ab architectonico spiritu & formatricæ facultate ignoto nobis modo fabricentur.

CAPUT X. DE SPIRITU ET CALIDO innato.

TAndem quia hoc ipso in capite P. Severinus corporum astralium & vitalium principiorum mentionem facit, & inter cætera scribit: Quemadmodum inter se differunt semina officijs & proprietatibus, ita hæc quoque corpora differre asserimus; Herbarum corpora ab animalium, mineralium, metallorum, gemmarum: Et in herbis aliud corpus esse Melissarum, aliud Valerianarum, aliud Calamintharum &c. In animalibus aliud hominum, aliud leonum, aliud boum. In mineralibus aliud vitriolorum, aliud aluminum, & in his universam medicinam fundari dicit: & passim apud Severinum & alios Chymicos fiat mentio Balsami naturalis, vitalis sulphuris, Mumiae vitalis, quibus omnibus nominibus nihil aliud intelligitur, quam quod Peripatetici & Galenici Spiritum insitum & Calidum innatum vocant: Eo ipso nobis in mentem revocât, quod Aristot. 3. de generation. animal. c. 3. scribit: ὡς Ἀλφ. Φέροντι πνέοντι

μιότητι καὶ ἀλιμμία αἱ ψυχαὶ ἀλλήλων, ὅτε καὶ
 ταύτη διὰ Φέρεσι Φύσις: Sicut anima nobilitate
 & ignobilitate inter se differunt: Ita & natura
 huius corporis differt: atq; addit, quod sit ἀνάλο-
 γος τῷ τῶν ἄστρον σοιχοίῳ, nimirū τὸ καλὸν μὲν
 θερμόν: quid Spiritus insitus & calidum innat-
 um sit, dispiciendum: Atque ita vix alio loco,
 quam isto, commodius explicari poterit quæ-
 stio de calido, quod alijs innatum, alijs cœleste
 appellât. Cum hoc ipsum esse dicat, ὅπερ ποιεῖ
 γόνιμα εἶναι τὰ σπέρματα, quod facit ut fec-
 unda sint semina, de quibus hætenus eg-
 mus. Nimirum ut supra dictum, Omnis forma
 & anima quidem sui est multiplicativa; non
 tamē cum quolibet corpore se propagare pot-
 est, sed quælibet οἰκείαν ὕλην, propriam mate-
 riam requirit, & subiectum ad animā propa-
 gandam & transferendam idoneum. Inprimis
 autem ad idoneum animæ domicilium con-
 stituendum facit calidum, alijs innatum, alijs
 cœleste dictum; de quo etsi non pauca lib. I.
 Instit. c. 5. dicta sint, de eo tamen & hîc quæ-
 dam dicenda; cum ferè universa medicina su-
 per ista doctrina fundetur,

*Calidum
 innatum
 an sit Ele-
 mentaris
 Natura.*

Et principio quidem si autoritatibus res
 transigenda esset, non magnam haberet diffi-
 cultatē. Etsi enim Aristotelici plurimi calidum
 istud nativum alterius originis, quam elemē-
 taris esse negent, idq; ab igne deducant: Tamē
 illis non solum Platoniorū ferè omnium, sed
 ipsius

Ipſius Ariſtotelis authoritas opponi poſſet, qui *Locus Ari-*
 hoc calidū, loco allegato, quem ſupra c.8. in *ſtotelis de*
 tegrum citavimus, expreſſè alterius, quam ele- *Spirit. &*
 mentaris originis eſſe ſcribit. Quanquam enim *Calido in-*
 Zabarella verba iſta Ariſtotelis in alium ſen- *nato.*
 ſum detorquere conetur, dum, *lib. de calore cæ-*
leſti cap. ultimo, ſcribit, calorem iſtum quidem
 naturâ ſuâ eſſe igneum, atq; elementarē, verū
 eo uti virtutē vitalem, cœlo proportionē re-
 ſpondentem, & propterea cœleſtem appella-
 ri; Et Capivaccius, *in comm. in aphor. 14. ſect.*
1. ſcribat; calorem illum non eſſe igneum, id
 eſt, non regulari ab igne: Tamen verba Ariſto-
 telis tam manifeſta ſunt, ut talem interpreta-
 tionem non admittant. Etenim non docere
 vult Ariſtoteles, cujus rei Inſtrumentum ſit
 iſtud calidū: ſed cujus Originis. Expreſſè enim
 ſcribit; *σῶμα hoc ἔστι πῦρ, ἃδὲ ποιάντη δύναμιν*
εἶναι. Et mox; *ἔστι πῦρ, ἅτε ἀπὸ πυρὸς ἔχει τὴν*
δέχνην. Ubi expreſſè de origine loquitur, &
Φύσιν nominat, quæ ſit *ἀνάλογον τῇ τῶν ἀ-*
στρων ποιχείῳ. Et ſi calidum hoc elementaris
 originis eſſet, licet ab anima regeretur, non
 diverſæ in diverſis eſſet naturæ. Ideoq; dicere
 non potuiſſet, corpus hoc *τῶν καλῶν ποι-*
χείων θεϊότερον in omnibus non eſſe ejusdem
 naturæ, ſed ut animæ inter ſe nobilitate &
 ignobilitate differunt, ita etiam naturam hu-
 jus corporis differre. Neq; ſatisfacit, quod Era-
 ſtus, *part. 2. diſp. cont. Paracelſ.* ſcribit; dici corpꝝ
 aliquod

aliquod divinius alijs propter diviniorem formam; nec esse necessarium, ut ob id materiam habeat à reliquorum materia aliam. Etenim si propter formam corpus aliud alio esset divinius, forma corpus redderet divinius. At Aristoteles formam non reddere corpus divinius, sed participare dicit, & sicut formæ nobilitate & ignobilitate differunt, ita & corpora inter se differre.

Neque refert, quod, *loco allegato*, scribit Erasius, quatuor solum esse Elementa, neque plura, neq; pauciora sæpissimè Aristotelè affirmavisse, & aliquando etià demonstravisse. Factū hoc quidē ab Aristotele, dum de elementis mundum constituentibus agit: interim istis omnibus salvis, ubi de principijs proximis animalium tractat, hoc corpus addere potuit. Sicut & dum de elementis & mistorum principijs in genere agit, nullam Animæ mentionem facit. Verum auctoritatibus in quæstione tam gravi ac difficili solum non fidere, sed veritati unicè intentos esse decet.

Calidū innatum est corpus.

Spiritus insitus.

Primò autem cum de Calido hoc quaeritur, non de qualitate nuda, sed de corpore quæstio est. Ipse enim Aristoteles *σῶμα* appellat. Ac id ipsum alias Spiritus appellatur. Et ut Scalig. scribit, *Exerc. 280. scriptum reliquere sapientes, nihil aliud esse calorem naturalem, quam spiritum.* Et rectè quidem. Nam ipse Aristoteles, *loco allegato*, τὸ θερμὸν, quod facit, ut fecunda sint semina, nominat τὸ ἐμπεφυμένον.

λαμβανόμενον ἐν τῷ αἵματι καὶ ἐν τῷ ἀφροδι-
 δῷ πνεύματι. Et *cap. 4. lib. de mundo*, scribit; quod
 τὸ πνεῦμα dicatur ἢ τὸ ἐν ψυτοῖς καὶ ζωοῖς ἢ ἀφ' ὧν
 τὰ ἀντὶν διήκουν ἐμψυχόσιν ἢ ἐκ γόνιμου ὄντος.
 Et Galenus, *3. de Simpl. Med. fac. cap. 9.* scribit;
 calorem innatum esse, quem in quoq; anima-
 li nativum Spiritum nominamus. Atq; omni-
 no consultius videtur cum Aristotele substan-
 tiam hanc Spiritum appellare, quam cum
 Medicis calidum nativum. Quanquam enim
 vox Calidum Innatum non nudam Qualita-
 tem, sed substantiam significet: tamen procul
 dubio eam appellationem accepit in anima-
 libus perfectioribus, quæ ad tactum calida
 apparent, & quorum actiones calore etiam
 sensibus obvio perficiuntur: Cum tamen in
 plantis idem Spiritus insit, sed sensu non per-
 cipitur; imò in ijs frigore rigentibus inve-
 niatur. Ideoque licet Erasmo & alijs, (si ita li-
 beat) concedatur, animalium calorem, quo
 ad videlicet calor est, esse ab igne cum alijs e-
 lementis misto & temperato: tamen non de
 nuda hîc Qualitate quæstio est, sed de Spiritu,
 seu substantia. Atq; ita hic una opera dicen-
 dum aliquid erit de Spiritibus corporeis: o-
 ptandumque esset plerosque solum corpori-
 bus, quæ tangi & videri possunt, intentos no-
 bilissimas istas substantias non neglexisse.

Ne autem æquivocatio errorem pariat, *Spiritus*
 principio sciendum, Spiritus vocabulum plu- *quid.*
 ribus modis usurpari. I. enim πνεῦμα aerem

Q

vel

vel ventum significat, ut est *c. 4. lib. de mundo.*
 2. In specie aërem, qui respirando attrahitur
 & expellitur. 3. Ipsam respirationem, quæ aë-
 ris inspiratione & expiratione constat; quæ
 significatio Hippocrati familiarissima est.
 4. *πνεῦμα* quandoque simpliciter positum a-
 pud Hippocr. difficultatem spirandi signifi-
 cat. 5. Flatus in corpore *πνεύματα* appellan-
 tur. 6. Exhalatio aut vapor à corpore aliquo
 quomodocunque resolutus, Spiritus appella-
 tur; Quæ appellatio Chymicis familiaris est.

Verum istæ significationes omnes à nostro
 proposito alienæ sunt. Cum enim hîc de spi-
 ritibus loquimur, intelligimus quandam sub-
 stantiam tenuissimam & subtilissimam, quæ
 ad animalium & vegetabilium imò etiam a-
 liarum rerum constitutionem pertinet: Et
 qua Forma ac Anima, tanquam præcipuo in-
 strumento ad actiones suas obeundas utitur.
 Quos Spiritus Hippocrates in animalibus *εἰς-
 μύνηται* appellat.

ψυχῆς
 vox quid
 significet.

Hos ipsos Spiritus *ψυχῆς* vocabulo apud
 antiquiores appellatos fuisse, quandoque exi-
 stimo. Neq; enim *ψυχῆς* vocabulū apud an-
 tiquos semper animam ipsam corporis ani-
 mati formam significat, sed interdum etiam
 sanguinem, ut apud Galenum, *lib. 2. de placit. in
 fine*, videre est. Hinc Aristophanes, in *Nubibus*
Act. 2. Scena 1. de Cimicib. loquens, καὶ τὴν ψυ-
 χὴν

ἔκπνυσι, *exsugunt animam*, inquit, id est,
 sanguinem. Et Virgilius: *Purpuream vomit il-
 le animam*. Interdum Spiritus illos proximum
 animæ instrumentum, ita dictos, sive ἀπὸ τῆς
 ψυχῆν à refrigerando; sive quod sint substan-
 tia ἐψυχῶ & proximum animæ instrumen-
 tum. Quod nisi observetur absurda dogmata
 tribuentur Hippocrati, cum tum alibi, tum
 etiam in 6. *Epidem. Sect. 5.* scribit: *Hominis ani-
 mam ad mortem usque nasci*. Et omnino si ψυ-
 χῆς ἐν μὲν spectemus, probabile videtur, à
 Spiritibus ad formam seu εἶδος translatum, &
 forsân ab ijs, qui præter Spiritus illos corpo-
 reos nihil in homine incorporeum & αἰδιον
 crediderunt & agnoverunt. Quæ varia vocis
 ψυχῆς significatio procul dubio multis, imò
 forsân etiam Galeho imposuit, & in causa
 fuit, ut interdum satis incaute de anima lo-
 queretur, Et quomodo anima à Spiritibus,
 imò temperie differret, satis percipere non
 posset. Verum hæc obiter de vocabulis mo-
 nuisse sufficiat. Jam ad calidi istius & Spiritu-
 um naturam explicandam revertamur.

Et principio quidem hoc admonendum
 censemus: Antiquum plane dogma esse, quod
 ab Aristotele; *loco allegato* proponitur; vide-
 turque Aristoteles illud ab Hermete Trisme-
 gisto desumisse, à libro, qui Clavis inscribitur,
 in quo inter alia scribit: ἐνδυμα εἶναι τὸ νοῦσ-
 τὴν ψυχὴν, τῆς δὲ ψυχῆς τὸ πνεῦμα. Et

Q 2

mox:

mox: ἡ ψυχὴ καὶ αὐτὴ θεῖα πρὸς ὅσα καθ' ἡμέραν
 ἐκτρέφεται τῷ πνεύματι χρεῖται, τὸ δὲ πνεῦμα
 τὸ ζῶον διοικεῖ.

*Spiritus in-
 situs cujus
 natura sit.*

Deinde, quod ad quæstionem: An Spiritus ille, de quo loquitur Aristoteles, sit naturæ elementaris vel alterius: Non quidem negamus, conjunctum esse hunc Spiritum, qui à calore, qui in animalibus in eo evidentissimus est & efficacissimus, Calidum appellatur, cum elementari calore, ut seorsim ab eo fere reperiri nequeat, quemadmodum facultas animalis absque naturali non reperitur; Et æthereum illum calorem, sicut instrumento, elementari uti: Tamen si quærat, an Spiritus ille nihil nisi elementare in se contineat, cum multis doctis viris, Fernelio, Valeriola, Schegkio, & alijs plurimis probabiliter asserimus; *Esse quid spirituosum in rebus naturalibus, præter elementa.*

*Anima non
 est ex ele-
 mentis.*

Atque ad id probandum utor argumento Scaligeri, quo ille contra Alexandrum & alios elementares animæ Carnifices, ut appellat, ad probandum, Animam non esse ex elementis, utitur, & Herculeum appellat. Ita autem ille, *Exercit. 307. Sect. 20. Quin istis edico simul, omnem formam cujuscunque, perfecte mixtae etiam si non est anima, ut in adamante, Naturæ esse quintam longè aliam à quatuor elementis. Quo ex loco deducitur Herculeum argumentum contra Alexandrum, qui animam ex quatuor elementis constituebat. Est in anima potest atibus quod nunquam*

quam fuit in potestatibus elementi cuiuspiam. At nihil est in quapiam re, quod non fuerit actu in suis principijs. Principia namq; sunt actus eorum, quorum sunt principia. At in anima est facultas ad movendum antrorsum, retrorsum, dextrorsum, sinistrorsum; quod in elemento nullo. Aliæ quoq; longè illustriores sunt anima potentia, quæ non sunt in elementis. Quod argumentum instituto nostro ita applicamus. Est in Spiritus seu calidi hujus potestatibus, quod *Spiritus insitus non est ex elementis.* nunquam fuit in potestatibus elementi cuiuspiam. Et in Spiritu isto calidi innati illustriores sunt potentia, quæ non sunt ex Elementis. Ergo Spiritus iste non est tantum ex elementis. Atque hoc ipso argumento uti videtur Aristoteles, loco illustri illo antea allegato, 2. de generat. anim. cap. 3. Etsi saltem seminibus id applicet. Ita enim concludit Aristoteles, ut ipse Erastus textum hunc, disput. 2. contra Paracels. resolvit. Quod Spiritum participat, in quo natura cœlesti caliditate proportionem quadam respondens, inest, Corpus participat elementis præstantius. Omnis porro anima participat talem Spiritum. Quocirca participat corpus elementis præstantius. Etenim virtus diviniore elementis in corpore inest elementis præstabiliore. Nam oportet inter se respondere, virtutem & subiectum. Quo fit, ut pro animarum nobilitate & ignobilitate, tum virtutis earum generatricis, tum corpus subiectum, similiter differre necessum sit. Seu potius, se-

cundum textum, si illud, quod foecunda facit semina, nobilius est virtute elementorum, subiectum quoque hujus nobilius esse oportet elementis. Quod autem procreatrix facultas, seu illud quod foecunda facit esse semina, praestet elementorum virtutibus eo probat: Quod elementum nullum generat animal. Sumit autem tanquam concessum cunctis, illud quod foecunda facit esse semina, caliditatem quandam esse. Quod semina foecunda efficit, inquit, calor est, & nominatur non igneus, sed coelesti calori proportionem respondens. Quo posito sic porro argumentatur. Calor coelesti calori respondens diviniore est elementorum calore: At calor seminis est talis: Ergo diviniore est. Majorem probat ex efficientia utriusque caloris. Ille calor similior est coelesti calori cujus operatio propius accedit ad efficientiam coelestis caloris: At seminis calor propius in agendo accedit ad coelestem calorem, quam calor elementorum: Et proinde calori coelesti similior est. Non enim calor ignis tam suavis est ac benignus, quam coelestis.

Res scilicet eo redit, ut cum Scaligero dicamus, Ubique nobiliores & illustriores potentiae & qualitates apparent, quam quae ab elementis proficisci possunt: Ibi nobiliora principia statuenda esse. Esse autem tales actiones multas, supra satis probatum est. Et si non essent talia agentia nobiliora, Unde

contra.

contagium, Sympathiæ, & antipathiæ rerum, venenorum, purgantium, & multarum aliarum rerum rationes deduci possent? Ut non sine causa videatur scripsisse Libavius, *Alchym. Triumph. cap. 9. Nec elementa vulgaria, nec omnis eorum virtus, aut qualiscumq; coalitio potest præstare ut Rhabarb purget, & ne quidem, ut Musca fiat.*

Eludere quidem conantur hoc aliqui, & cum Erasmo, loco allegato, ad id confugiunt, ut dicât: Ignem quidem simplicem talia efficere non posse; sed in compositis mistum refractum ac temperatum id præstare: vel ignem quidem solum non generare, & nobiles illos effectus non solum ab elementis provenire? Sed à forma: Et calorem hanc agendi vim, non ex sua natura, sed ab anima habere. Atque simili hoc utitur Erasmus. Sic propemodum, inquit, se res habet, ut in instrumentis artis. Malleus verbi gratia, poculum facit, non quoad ferrens est, sed quoad potentiam hanc ab artifice accipit. Ut malleus sit ex ferro habet, ut poculum faciat, ab artifice adipiscitur. Sic animalium calor ab elementis habet, quod calor est: At quod fecundus est, à nobiliore causa nascitur.

Verum enim verò ad primum respondemus. Etsi ignis in mistis utpote temperatus, alio modo agat, quam simplex: tamen nec tum ultra suas vires agit. Et nihil præstat,

Q. 4

nisi

Coloris potest as quæ.

nisi quod in sua & reliquorum, cum quibus mixtus est, elementorum potestate est.

Et si à mixture elementorum & temperatione Qualitatum primarum nobiles illarum actiones deducere licet: cur non ab eadem mixture & temperatione deducuntur vita, motus voluntarius, visus & omnes actiones animales, imò cum Alexandro ipsa anima? Nam si illud Scaligeri; Nihil est in quapiam re, quod non fuerit actu in suis principiis, alicui non satis firmum in hac, in qua nunc versamur, disputatione, nec alicujus momenti ad qualitat. occultas adstruendum esse, videtur: monstret is, qua ratione locum adversus Alexandræos, animam ex elementis componentes, atque ita omnes animalium actiones ad elementa reducentes, habere possit. Æquè enim tum alicui ad occultum & singularem mixture elementorum modum confugere liceret.

Deinde concedimus quidem, calorem multa operari, ut animæ instrumentum, quæ solus non efficeret, & propterea etiam diversa efficere; in ventriculo Chylum, in Epate sanguinem, aliud alibi: Et proinde tales actiones non soli calori, sed animæ potius calore utenti attribuendas esse. Non tamen omnes actiones, quæ elementis nobiliores sunt, ab anima proveniunt, ut etiam Scaliger monuit, exercit. 101. sect. 8. & exercit. 102. sect. 5. Id quod ex multis patet. Primò enim anima extra corpus

Dantur a-
tion: s, quæ
neg. ab ele-
mentis sunt,
neg. ab ani-
ma.

pus non agit : at multæ sunt operationes & mutuae actiones inter se rerum naturalium, quarum corpora se mutuo non tangunt, ut in mirandis rerum Sympathijs ac Antipathijs, ut & contagio videre est. Secundò res multæ, quæ ex communi sententia pro animatis non habentur, nobiliores, quam elementa habent operationes. Tertiò Partes animalium emortuæ, & plantæ vitæ jam destitutæ, nihilominus eas vires habent, & operationes, quæ ad elementa nullo modo reduci possunt. Quidni ergò & in ipsis viventibus dentur actiones & accidentia, quæ ab anima non proveniant? Ut jam de alijs nihil dicam. Quid animæ cum saporibus, odoribus, coloribus & alijs multis?

Frustra ergò illi, qui calidum istud elementum stellarum analogum negant, statim ad animam confugiunt, Nimirum diversæ & distinctæ qualitates, affectiones & actiones in rebus naturalibus ad distincta, à quibus fluunt, Principia referenda. Habet anima suas potentias; alias vegetans, alias sentiens: Et sunt suæ cuique speciei propriæ qualitates & potentiae, ut in homine Ratio, in alijs aliæ. Ab elementis fluunt calor, frigus, humiditas & siccitas, & hinc emergentia temperamenta varia; levitas item & gravitas. Quicquid verò ad ista referri non potest, ab alio fluat principio, necesse est. At tales qualitates & actiones multas esse, facile animadvertet, qui rerum

Sympathias & antipathias, atque facultates miras & varias in usu medico consideraverit.

*Species spiri-
rituales.*

Quibus & hoc accedit, quod species illæ Spirituales seu intentionales, ut appellantur nonnulli, quales sunt species visibiles, alias reales & principales qualitates à quibus fluant, præsupponant, & hæc rursus sua subiecta, quorum sunt affectiones. At multæ dantur tales rerum species præter species sensibiles vulgò notas, per quas multi occulti rerum consensus & dissensus fiunt. Ergò & reales alias qualitates, quarum sint species, præsupponere necesse est: Et hæc rursus habeant sua subiecta, quibus insint, oportet, & à quibus fluant. Notum est Magnetem trahere ferrum, quod per aliquem contactum omnino perficitur. Canes vestigia ferarum deprehendunt per speciem aliquam à qua afficiuntur. Multi felis vel cistæ inclusæ, quam nec vident nec audiunt, præsentiam ferre non possunt: Quod & ipsum per aliquem contactum fieri necesse est. Ac sunt tales rerum Species & *δυνάμεις* multò plures, quam nonnulli credunt.

*Species Spirituales
multa sensibus non
deprehenduntur.*

Neque ideo negandæ vel rejiciendæ sunt, quod difficiliores cognita sunt: *ἀμυνταὶ γὰρ εἰσι*, inquit Plato in Theæteto, *οἱ μὲν ἄλλο οἷον μὴ ποτε εἶναι, ἢ ὃ ἂν δύνῃαι ἀπείξαι τὰν χερσὶν λαβεῖν*: Profani sunt, qui nihil esse putant, nisi illud, quod manibus palpare & prehendere possunt. Et ut Scalig. Exerc. 25. ait: Optima ac subtilissima

tilissima quaque rerum aut fugiunt aut fallunt sensum. Etenim non omnes rerum species & effluvia talia homo suis sensibus percipere potest. Occultæ sunt corporum cœlestium influentiæ multæ, quæ & ipsum hominem afficiunt, nec tamen visu, auditu, odoratu, aut alio sensu externo illo, sed tantum ex effectu deprehenduntur. Ut aliquid à magnete ad ferrum effluat, quo mediante fiat contactus, negandum non est. At nullo sensu ab homine illud deprehenditur. Ita cum canes heri vestigia, à leporis, cervi, vel alterius feræ vestigijs discernere valeant, est procul dubio quidam, quod ipsos moveat, & quidem diversorum diversa simulacra ut ipsis objiciantur, necesse est. Neq; nihil est, per quod feles nonnullos in lipothymiam conjiciunt. Sæpe videmus boves in loco, quo bos mactatus est, etiam nullus amplius sanguis ibi conspiciatur, nec ullum aliud mortui bovis vestigium deprehendatur, consistere & vehementer moveri & conturbari. Taxi umbram noxiam esse refert Plin. lib. 4. cap. 75. & alij idem tradunt. At certè non umbra, quatenus talis, id effecerit, sed peculiaris *ἀντίποσα*. Hoc modo omnia amuleta, & quæ extra corpori applicantur, ut radix pœniæ, & similia, officiant. Cū enim corpore suo humores & partes in corpore latentes non afficiant: necesse est, ut aliquid ab ijs effluat, quo mediante in penitiores corporis partes agât. Et quanquam abstrusa sit istorum efflu-

effluviolorum natura: Eadem tamen obscuritas in Speciebus sensibilibus occurrit: de qua jamdudum elegantissimis hisce versibus conquestus est vir doctissimus Hier. Fracastorius

Quid dicam miserum me agere, & quam ducere vitam.

Irrequietum animi, & quarentem indagine vana.

Naturam semper fugientem: qua se ubi paulum.

Ostendit mihi, mox facies in mille repente, Ceu Proteus conversa, sequentem eludit, & angit.

Merentem senijq; horas, cassumq; laborem? Nuper enim tenues species, simulachraque rerum,

Qua fluere ex ipsis dicuntur, perq; meare Omnia, dum sector meditans, tacitusq; requiro Avia sylvarum, & secreta silentia solus, Cognovi tamen his spectris illudier ipsis: Ut sensus feriant nostros, semperq; laceessant, Perq; fores caulasq; anima ludantq; meentq; Ac remeent, ipsamq; nec inter somnia linquant.

Et si specierum istarum, quæ sensibus nostris percipiuntur, natura tam occulta & abstrusa est: multo magis earum, quæ sensus nostros latent, natura abdita erit.

Species Spirituales non moventur ad motum aeris.

Neque etiam de subjecto harum specierum quis sit sollicitus. Qualitates quidem materiales ita recipiuntur in subjecto, ut ad ejus motum

tum

tum moveantur; non sint totæ in quavis parte
 subjecti, nec in eodem subjecto plures ejus-
 dem speciei numero tantum differentes, non
 confusæ & distinctæ, servantur. Spiritualia
 verò ejusmodi & species istæ non recipiuntur
 in subjecto, ut ad ejus motum moveantur; sunt
 in quavis parte totæ; in subjecto eodem plures
 ejusdem speciei, numero tantum differentes,
 inconfusæ & distinctæ servantur. Sicut hoc
 cum in alijs, tum in speciebus visibilibus vi-
 dere est. Licet enim aer ventorum flatu mo-
 veatur: ipsæ tamen directè circumquaque à re
 visibili radiant. Quodlibet etiam punctum
 sp̄ciei ejusmodi totum visibile repræsentat,
 radijqu; visibilium sine confusione medium
 illustrant: & licet in eodem loco sunt plurimæ
 res visibiles numero distinctæ: tamen omnes
 per quodlibet punctum medijsui species mit-
 tunt, easqu; inconfusas & impermixtas, ut ab
 oculis videntium aut speculis omnes distin-
 ctæ recipi possint. Fiuntqu; per hos seu spiritus
 seu species mirandæ rerum sympathiæ & an-
 tipathiæ.

Atque hîc Magiæ naturalis, si qua est, præ-
 cipuum fundamentum proculdubio situm
 est. An enim sit aliqua Magia naturalis, apud
 autores controversum est. Nonnulli Magiam
 naturalem esse statuunt, eamque Philosophiæ
 naturalis perfectionem, consummationem &
 finem esse dicunt, quæ conveniente applica-
 tione agentium & patientium incredibilia
 perfici-

*Magia na-
turalis.*

perficiat. Verum Th. Erastus *parte 1. disput.* contra Paracels., ut & alij quidam, planè negat, ullam dari Magiam naturalem; Primò quod Physica sit scientia; Magia autem hæc Ars seu operatio dicatur, & proinde Physicæ finis & perfectio esse non possit: Deinde quæ à Baptista Porta de Magia naturali traduntur, & similia, non fiunt supra & præter naturæ conditionem, nec eam admirationem sui continent, quam habent, aut habere saltem omnes putant Magica, & à peritis & ingeniosis agricolis rectius efficiantur, quam ab eruditissimo & consummato Philosopho. Et quod nullus unquam vixerit excellens Philosophus & in Naturæ cognitione versatus, qui Magus appellari voluerit.

*Magia
quæ duplex.*

Rectissimè autem hac de re sentire videtur Joh. Frac. Picus Mirandulanus, *de rer. prenot. l. 7. c. 2.*, ubi monstrat, magiâ aliam ex dæmone pendere, palam expressoq; fœdere, ut necromantium atque etiam veneficarum & strigarum incantatorumq;: aliam, quæ à multis colatur, ut naturalis, à suppresso dæmonum pacto derivari; atque ad hanc classẽ etiam pertinere, & verè naturalem non esse Magiam apud Persas à Zoroastre derivatam, & quæ apud Ægyptios & Chaldaeos olim floruit (quam tamen Paracelsistæ hodiè plurimum commendant) tum alijs tum eo imprimis probat, quod Plato *in Alcibiade 1.* scribit, Magi-

am

am Zoroastri in cultu Deorum versari: Cum enim Persarum & Thracum Dij Dæmones essent, & eorum cultus non religio, sed superstitio, illam ipsam inter superstitiones reponendam colligitur; quibus tamen ne facile animadvertetur superstitio, aliquid naturalium virium miscuerunt. Tandem verò nullam aliam admittit, naturalem Magiam, *Magia naturalis.* quam quæ naturæ limites non excedit, & quæ sympathia quadam rerum naturalium constat. Quam rerum naturalium considerationem nec nos rejicimus, & omnino censemus, quæ ab hisce occultis Qualitatibus, rerum *ἀνύπιστας*, speciebus, aut spiritibus, aut quomocunque appellare libeat, prodeant in Rerum natura effectus, nec pauciores, nec minores esse, quam quæ à manifestis Qualitatibus fieri animadvertuntur. Quarum naturam & differentiam si nossemus, multarum rerum in Natura, quæ occultæ hodiè sunt, causam reddere possemus. An autem quæ circa ista versatur scientia, Magia appellari debeat jam non disputat: atque an ob rerum naturalium scientiam tantum ullus unquam Philosophus Magus appellatus fuerit, videatur apud J. Fr. Picum Mirandulanum & Th. Erastum locis allegat.

Præterea conditiones hujus caloris aliæ sunt, quam elementares. Nam primò id, quod *Caloris innati à calore elementari.* in mixtis superat elementum, ejusq; qualitas reli-

*calori differe-
rentia.*

*Calori cœ-
lesti frigus
elementare
non est con-
trarium.*

reliquorum actiones infringit & deprimat. At in multis animalibus & plantis, quæ frigida sunt, respectu elementaris missionis ac temperaturæ, nihilominus calor ille innatus omnium actionum, attractionis, coctionis, excretionis, auctoris, generationis, vitæq; adeo dator & dispensator est: quod fieri non posset, si esset elementaris, tantillus sc. & ab abundante frigidity victus & in agendo impeditus. Dantur enim multæ plantæ, quæ valde frigida sunt, quæ nihilominus alimentum attrahunt, coquunt, aluntur, augentur, fecunda semina generant: quæ omnia cum caloris opera sint; temperamentum verò ejusmodi plantæ, respectu caloris elementaris, frigidum obtineant: alium adhuc & nobiliorem calorem subesse necesse est. Atq; is calor non frigori contrarius est, sicut nec frigus ipsi; sed ut de calore cœlesti scribit Joh. Picus Mirandulanus, lib. 3. contra Astrolog. c. 4. Hujus beneficentissimi caloris vim in toto corruptibili mundo videmus, tam inchoatis, quam absolutis, tam animatis quam inanimatis. Nam elementa quidem continet & conservat sicut locus eorum, & forma quasiq; artifex omnia quidem ambiens, sed per omnia quoque intimè se diffundens. Et si cœlesti calore destituantur, nec frigidityatem agere frigus poterit, nec calor calidityatem. Non enim calor ille sidereus frigori contrarius, sicut i calor igneus vel aereus, sed omnes continet Qualitates elemētares eminentia simplici. Et postea:

Verum

Verum fallit nomen caloris, quod cum audimus, rem intelligimus statim adversam frigiditati. At cœlesti illi calori proximior quidem natura calor elementaris, quam elementaris frigiditas, sicut etiam est perfectior: sed nihil prohibet illum ab utriusque elementi proprietatibus exaltatum utraque virtute complecti, sicut candorem cum dicimus, rem adversam videmus dicere fusco nigroque colori: nec tamen negaverit quispiam non secus nigrum colorem quam album candore lucis & conservari & efficacem esse; licet alius luci nostra proximior, nomen etiam habeat ferè commune, ut & candidus appelletur interdum.

Deinde nec frigiditatem huic calori & Spiritui esse contrarium ex eo patet, quod plantæ, earumque Semina & Radices tempore hyberno in medio gelu & glacie, nihilominus vires suas integritas conservant; imò sæpè ab nivibus crescunt & pullulant: Ubi certè elementaris tantum adesset calor, tanto tempore à tanto frigore facile superaretur.

Præterea cum elementorum motus sit cœtus, vel ad centrum deorsum, vel à centro sursum: Calidi istius motus potius cœlestia corpora imitatur, & sicut lumen in orbem funditur: ita & iste calor in orbem diffunditur.

Insuper Spiritus ille ac corpus ætheri analogum levius & celerius est omni elemento, & omnes actiones suæ speciei convenientibus aptum continet in se calorem, à

R

quo

quo etiam in animalibus denominationem accipit. Idem etiam corpus summam penetrandi vim habet. Unde ab Aristotele, *cap. 4. lib. de mundo*, appellatur Spiritus, *πνεῦμα καὶ ἀέρ* *διήκοντα*. Et ut Hermes, *in tabula Smaragd.* loquitur, (de Spiritu enim isto inprimis in ea tractari, nonnulli non sine ratione censent) *Hic sita est totius fortitudinis fortitudo fortis, quia vincit omnem rem subtilem, omnemq. solidam substantiam penetrat. Et refert Quercetanus, de Prisc. medic. mater. cap. 4.* Spiritum salis petræ per Alembicum vitreum solidissimum penetrare.

*Spiritus an
se mutuo
penetrent.*

De penetratione dimensionum, quæ à Philosophis subtiliter disputantur, hîc afferre nō libet: Non tamen planè absurdum nonnullis videtur, Spiritus se mutuo penetrare. Cum Spiritus animales, naturales & vitales sese mutuo, sine confusione tamen, permeent. Nam & oculus nutritur, & vivit, & sentit ac videt. Ac lingua nutritur, vivit, sentit, gustat. Quæ actiones per diversos Spiritus perficiuntur. Qui quidem in una parte omnes præsentés sunt, sine tamen confusione. Quod si alicui planè absurdum videatur: is tamen perpendat & consideret, quomodo lucis radij & visibiles Species, quæ Geometricis dimensionibus nō carēt, & quantitatis participes sunt, ut apud Opticos planum est, se multis modis penetrare, sine tamen omni confusione, possint. Modum enim qui inveniet, etiam ad spirituum naturam explicandam aliquid investi-

gabit : & an se mutuo penetrare possint, rectius edocebitur.

Licet verò Aristoteles saltem de animatis *Spiritus* tractans hujus Spiritus mentionem faciat, ut *nō tantum* in quibus ob evidentissimas animæ facultates *sunt in animatis.* & actiones maxime apparet : tamen metallis, mineralibus, Gemmis & lapidibus Spiritus denegandi nō videntur. Etsi non omnibus innotescāt, ea de causa, quod formarum suarum organa sint, & non nisi formis & actionibus cognitis cognoscantur. Formę autem per suas facultates & actiones in his se tam evidenter nō prodūt, sicut in plantis & animalibus. Qui tamen diligentius res naturales perscrutabitur, nec Spiritus nec seminales rationes omnino his denegabit. Et qui hoc fecerit, nihil de Nitrariis officinis, nihil de metallorū generatione, nihil de fontibus lapidificis vidisse vel inaudivisse videtur. Cum generationes omnes hæ, spiritibus etiam in solidissima corpora sese penetrantibus, perficiantur. Quæ omnia si nōnulli, qui domi latitantes, quod ipsi nō viderūt, in toto mundo fieri posse negāt, diligentius perpenderēt, multò rectius de multis judicarent.

Argumentum autē Zabarellæ, quod contra ea, quæ hætenus de calore cœlesti dicta sunt, *in fine libri de Calore cœlesti*, affert, solvere non ita difficile est. Putat ille, nō esse in vivente duos Calores, alterum elementarem, alterum vitalem ; siquidem fieri non possit ; ut in uno subiecto insint duo accidentia ejusdem speciei

R 2

distin-

distincta numero. Negatur enim primò, quod illi calores sint ejusdem Speciei. Secundò quod sint in eodem subjecto. Nam habet uterque calor suum subjectum: Elementaris, ignem; vitalis seu cœlestis dictus, Spiritum seu Corpus illud analogum elemento stellarum. Interim si subjecta misceantur & in unum componantur, nihil impedit, etiam hos duos calores uniri. Præterea quomodo, quæso, se res habet, cum in eodem loco duæ aut tres candelæ accenduntur. Qualibet enim suum lumen effundit: (quæ tamen lumina Specie non differunt) & nihilominus numero distincta manent, ut ex Opticis notum, ac imagines in Speculis & umbræ testantur.

*De calore
cœlesti do-
ctorum
quorundam
sententia.*

Atque hæc si cui non arrident, is ut suo sensu abundet, per me licet: Interim sciat, hanc sententiam non esse novam, sed quæ antiquissimos Philosophos, Platonicos, Stoicos, Aristotelem autores habet: Et nostro sæculo proposita est à Fernelio imprimis, *lib. 2. de Abdit. Rer. Caus. cap. 7.* Valeriola, Schegkio, alijsque doctissimis viris. Ut optarim Erastum, *part. 2. disput. contra Paracels.* istis verbis se temperasse, dum scribit: eum, qui dubitat, an congenitus animalium calor, qui sub imperio formæ omninò actionum naturalium omnium author est & effector, ex elementis conflatus sit, indignum esse, qui inter eruditos vel nominetur solum. De alijs jam non dicam: Schegkio, optimus Peripateticus, *in lib. de Calid.*

Calid. & humid. nat. ita scribere audet: Αἰθερώδες illud corpus, seu anima ὀχημα neque ignis est, neq; elementum quoddam, neque concretum quid ex elementis, Sed corpus, quod est proprium essentia animæ. Et iterum. Reprehensione dignum est, quod ferè semper veteres Physici causas, sine quibus non sit aliquid, ut primas & precipuas habuerunt, ut Empedocles mixturem, & Empedoclei isti nostrates, Crasin arbitrantur esse ἁπλῆς inanimata rei. Ex quo Schegkij loco facile etiam responsio sumi potest, si de origine huius τοῦ τῶν ἄστρον στοιχείω ἀναλόγῃ Φύσεως quærat. Non enim opus est, ut ea à cælo defluat (siquidem non eadem est cum corpore cælesti, sed ei ἀνάλογος; neq; corpus hoc est αἰθήρ sed αἰθερώδες, ut Schegkij appellat) sed ut formæ & animæ rerum è prima creatione primam suam habent originem, & hinc propagantur: ita & hoc corpus & quinta ista essentia. Creator enim rerum generationis fundamentum posuit seminium cujusq; rei, per quod generabilia propagantur, ac ipse primitus totum miscuit; atque ita in rerum generatione hoc, quod ab initio rebus inditum corpus, in generatione propagatur, & ab ijs, quæ primò condita sunt, principijs adhuc hodiè constituitur, regitur & conservatur. Frustra ergò est Erasius, dum, *part. 2. disp. contra Paracel.* probaturus, non dari quintam essentiam, Cælum hisce inferioribus non inesse probat.

*Calidum
cælesti ana-
logum un-
de.*

Conclusionis loco notatu dignam, & quæ ad naturam spirituum investigandam, nō parum animum informare, & multo plura in naturæ ambitu concludi, quam nonnulli existimant, persuadere possit, historiam proponere libet, ex Quercetano, in *defens. contra Anonym. c. 23.* Refert autem in eo loco Quercetanus, se aliquando vidisse Medicum quendam, Cracoviens. Polonum, qui adeo artificiosè novcrat ex omnibus plantæ cujusvis partibus pulverem parare, qui Spiritus plantæ, facultatum & functionum autores, contineret: Ita ut si quis rogaret sibi rosam aut Calendulam, aut papaver monstrari, pulverem illius plantæ, vitreo vasculo, Hermetico sigillo obfignato, inclusum, lucernæ admoveret, ut in fundo incalesceret. Quo facto illum pulverem sensim, in Speciem plantæ se extulisse & crevisse refert, plantamque omnibus partibus absolutam exhibuisse, ut planè quis corpoream putarit: Cum tamen saltem Spiritus esset, & vase refrigerato, & tepore languescente iterum in cineres vel pulverem resideret; non sine Resuscitationis & regenerationis ad alteram vitam imagine. Atq; talia vitra plura, quam 30. habuisse scribit. Cui non est dissimilis historia, quam recitat Libavius, *Syntagmat. Arcanorum Chymicor. lib. 1. cap. 22.* communicatam à Jeremia Cornario, Archiatro Brandenburgico Culmbachij. Is enim cum anno Christi 1608. mense Junio, aquam quan-

dam

dam destillari cūrasset, eamq; in vitro, qualibus asservari solent aquæ destillatæ, asservasset: mense Novembri in vitri ejus fundo plantula crevit; cujus picturam & totam historiam loco allegato videre est.

Johannes Freitagius quidem, in *Noctibus Medicis*, cum non viderit rosam illam in vitro è cinere pullulantem, eam pro fabulis vel præstigijs habet; & rationibus nescio quibus, *cap. 64.* monstrare conatur; id quod Quercetanus se vidisse testatur, fieri non potuisse. Verum confirmat historiam Quercetani altera Cornarij, ideoque rectius fecisset, si quod prudentissimè Scaliger, in *lib. 1. de plant. p. 218.* scribit, perpendisset. *Longè, inquit Scaliger, sapientius Aristoteles: Ubi res constat, si opinio adversetur rei, quarendum rationem, non rem ignorandam.* Si nimirum Chymix osores & ἐκ βίβλης κρυβερήται manum ipsi operibus Chymicis admoverent, viderent procul dubio multa, quæ jam non credunt.



CAPUT

CAPUT XI.

DE PRINCIPIIS CHYMICORUM.



Ermina ista, astra & radices, de quibus præcedenti capite dictum, in suis scientijs & occultis thesauris insitas habere omnium rerū rationes, easq; ubi explicatura sunt, è sua patria, locis atq; abyssis in mundanā scenam prodire statuunt. Verum non nuda, sed corporibus quibusdam ceu vestimentis induta, ut apud Severinum *cap. 7.* videre est. Eaq; principia appellant, è quibus divisibilitatis, temporum, locorum, omniumq; dimensionum, figurarum, saporum, colorum, odorum, qualitatūq; omnium & conspirationum & repugnantiarum ratio explicari possit. Atque principiorum istorum tria constituerunt Isaacus Hollandus, Frater Basilius Valentinus; quos postea secutus est Paracelsus, & hunc Petrus Severinus, Quercetanus, ac hodiè plurimi. Nam apud antiquos vix illorum fit mentio. Atque Salis, Sulphuris & Mercurij, nominibus scilicet specierum, in quibus facultates uniuscujusque maximè vigent, principia ista exprimunt; liquores, Mercurij; oleosa, Sulphuris; crassiora verò Salis nomine appellantes. Neque enim, quod ipsi met

*Principia
Chymico-
rum.*

*Chymicā
unde suis
principijs
nomina in-
diderint.*

I. CHY-
met monent, per Sal Sulphur & ☿ vulgò ita dicta intelligenda sunt; cum ista non sint rerum principia, sed sui generis composita, & unumquodq; horum tria principia in se contineat. Sed quia differentia trium substantiarum, ex quibus universa corpora constant, proprietates & conditiones in nullis totius naturæ speciebus magis explicatae animadvertantur, ex iisdem appellationes mutuatos esse Chymicos, scribit Petrus Severinus. Et cum tres ordines sint corporum inferioris mundi globi, Animalium, Vegetabilium, mineralium; in singulorum ordinum horum individuis ista tria principia reperiri, & dari Sal animale, Sulphur animale; ☿ animale, Sal vegetabile, Sulphur vegetabile, ☿ vegetabile, Sal minerale, Sulphur minerale, ☿ minerale; rursusq; dari Sulphuris proprietates, conditiones, & differentias plures in pinguedinibus & oleosis animalium partibus, in resinis, oleis & gummatibus: in genere etiam mineralium species salium, sulphurum & mercuriorum plurimas reperiri statuunt. Atque in hæc principia corpora omnia à Medico artificiosè esse resolvenda docent. Neque enim dari ullam proprietatem ullius corporis, quæ non vel in sale, vel in Sulphure, vel in ☿ ejus deprehendatur.

Qua ratione autem ista principia differant, & quæ sint singulorum in constitutione rerum naturalium officia non ita planè explicant.

Principiorum Chymicorum proprietates.

plicant. Severinus, c. 8. Salis esse dicit, dare consistentiam, soliditatem & coagulationem rebus; Sulphur verò pingui oleosaque sua substantia Salis congelationem temperare; & denique assiduâ irrigatione duo priora actionum frequentia ad siccitatem & senium in horas festinantia fovere, fluidâque & labili substantia missionem omnem faciliorem reddere.

Quercetanus, *de rerum signaturis externis*, saporum diversitatem à salibus; odorum è sulphure; colorum ex utrisque, præcipuè tamen à Mercurio, qui. salem rerum omnium volatilem sibi admistum habeat, deducit. Idem Quercetanus, in *defensione contra Anonymum* c. 14. ita ea describit: & est liquor ille acidus, permeabilis, penetrabilis, purissimum & æthereum illud corpus & omnes, æria subtilissima ac spirituosâ substantia, pabulum vitæ & formæ proximum instrumentum. Sulphur est humidum illud dulce, oleaginosum, viscidum, substantificum, primigenium, ignis sive caloris pabulum, leniendi & aggludinandi vi præditum. Sal est corpus illud siccum, salsum purè terreum, Salis naturam representans, mirandis virtutibus præditum, dissolvendi, coagulandi, detergendi, evacuandi & similia agendi vim habens. Quæ parùm accuratè scripta esse, quivis agnoscit facillè. Ibidem etiam asserit hæc tria ab Hermete olim dicta fuisse Spiritum, Animam & Corpus:

Mercurius

*Mercurius
quid Chymicus.*

*Sulphur
quid Chymicus.*

*Sal Chymicus
quid.*

Mercurium quidem Spiritum, Sulphur animam, Sal corpus.

Eodem ferè modo, quo Quercetanus, tria ista principia descripsit Beguinus, in *Tyrocinio Chymic. lib. 1. c. 2.* Scheunemanus, in *Paracelsia de morbo Mercuriali contagiosa*, Salem dicit esse vinculum sive nexum priorum corporum, ne ☿ & Sulphuri diffuant. Sulphur Solem æmulari, digerere, concoquere, nutrire, generare, olfactum oblectare, superflua in corpore consumere, attrahere: Mercurium esse mundi spiritum è mysterio magno procreatum, qui ad se recipiat omnes facultates tam animales, quam vegetabiles & minerales, cum omnia conservare, regenerare, vivificare, in eo & per eum omne, quod est, capere incrementum, nutriri & augeri, Auctor Tyrocinijs Chymici, loco *allegato*, scribit: Principia propriè loquendo nec corpora esse, quia ob cœlestium seminum influxum, quo imprægnata sunt, planè sint spiritualia; nec spiritus, quia sint corporea, sed inter utriusque naturam ambigere. Atque ita Chymici plerique vix sibi constant in principijs tradendis, nec quid sint, satis explicant. Nec satis evidenter ea inter se distinguunt; imò quæ principia constituisse videbantur, nunc sibi mutuò inesse dicunt, & in Sale, Sulphur & Mercurium; in mercurio, Sale & Sulphur; in Sulphure, Sale & Mercurium esse scribunt.

Vocant

*Principia
Vitalia.*

*Vitale &
mortuum
quid Chy-
mici.*

*Philosophia
Vitalis.*

*Principium
quid.*

Vocant autem ista *principia* Chymici *Vitalia*, per vitam non intelligentes, quod hactenus Philosophorum Scholæ docuerunt, animæ propriam *ἐνέργειαν*, quæ, ut actus secundus, animæ, ut actui primo, perpetuò comes sit, & propterea ubi anima non est, nec ipsa inveniatur: sed vivere ipsis dicitur omne, quod internas & essentielles vires & potentiam agendi habet. Quod verò nihil virium habet, mortuum ipsis dicitur: atque hinc *vitalia* hæc *principia* dicuntur, quod vires, facultates, potestatemq; rebus conferant & fundamentum sive causæ sint actionum. Et sic vivere, & Sal, & Sulphur dicitur, quod sapes, odores aliaq; energias habeant. Hinc etiam hodiè Chymici plerique suam *Philosophiam Vitalem* appellant; Aristotelicos verò Elementares & Materiales nominant. Eandem ob causam, quod nimirum rebus vim largiantur agendi, appellant quoque *Principia Formalia*. Hæc enim, ut recentiores de ijs loquuntur, temperamentorum, Craseon, separationum, coctionum, aliarumq; actionum causæ sunt propinquæ, abditosq; agendi modos aperiunt, & occultarum proprietatum, quæ vulgò inscitæ asylum esse soleant, explicationem suppeditant.

Hæc cum de Principijs Chymicorum Recentiorum sit sententia, proximum est, ut quam bene vel vi quam bene vel male, de ijs sentiant explicemus. Primò autem de voce *princi-*

principij hoc monendum censemus, nos non ignorare, quomodo distinguant pluri-
mi inter principium & Elementum qui ele-
menta dicenda putant, corpora naturalia,
simplicissima, ex quibus mixta omnia confla-
ta sint: Principia verò Elementorum quasi
Elementa & primordia, quæ scilicet non sint
partes Corporum separabiles, sed in quæ so-
lùm cogitatione corpora dividantur. Contra
tamen etiam cognitum habemus, istam *axgi-
ßesar*, nec à Medicis, nec à Philosophis semper
observari: Cum ipse Aristoteles, *lib. Metaph. d.
c. 1.* Equivocum esse principij vocabulum do-
ceat, tandemq; concludat; *Omnius principijs
esse commune, primum esse, unde aut incipiat, aut
fiat, aut cognoscatur aliquid.* Unde & hîc, ubi
quærentur principia, è quibus fiant res natu-
rales, si principij vocabulum usurpetur, non
adeo peccari puto: Cum alias etiam Medici
ipsos humores corporis principia appellent.

Initiò verò ne disputatio hæc frustra su-
scipiatur, quærendum, an dentur talia princi-
pia, qualia describunt Chymici; Et quomodo;
Et quarum rerum sint principia? Ubi mox
Paracelsi, *in Labyr. Med. Errant.* & aliorum
quorundam opinionem ineptam rejicimus,
qui ista principia non solum ante elementa
constituunt, sed & cælum ex ijs componunt.
Nam cum rerum generationi & resolutioni
obnoxiarum principia inquirant, qua, quæso,
ratione investigarunt, hæc tria principia in
cælo

*Principia
Chymica
non sunt
ante Ele-
menta.*

cœlo esse. Deinde qua resolutione eadem in elementis esse deprehenderunt. Nam quod de Aqua putrefacta dicitur, quis nescit Aquam, qua utimur, non purum purum Elementum esse, sed plurima admista continere. Neque alijs rationibus id probant. Nisi forsitan rationes illæ, quas Henningus Scheuermannus, in *Hydromantia* c. 12. affert, id alicui persuadeant. Theologicæ primum. *Sicut Deus est unus & trinus: sic omne, quod à Deo Archetypo factum, ut unum & trinum sit, necesse est.* Et: *Prima corpora solo Dei NUTU absque ulla sermonum commutatione in principio sunt creata; tertio vero die divina majestas. DIXIT: Congregentur Aqua, quæ sub cælo sunt, in locum unum.* Deinde Philosophicæ, quibus primo probat, ignem ex tribus principijs constare, ex actionibus ejus diversis: quod urat, habere à Sale; quod luceat, à Mercurio; quod ardeat, à sulphure dicit. Aquam verò iisdem constare probat, quia forma aquæ, cum educitur è potentia materiæ, subjectum præexistens requirere. At præter mirabilitatis, pulchritudinis, & necessitatis subjectum, Mercurium scilicet, Sulphur & Salem, nullum fuisse Elementis prius. Ergo ex illis formam aquæ, tanquam subjectis præexistentibus, productam fuisse. Quasi verò Deus pro formis Creatione producendis subjecto præexistente opus habuerit. Item, Rem quamlibet, ex ijs constare, quarum proprietates habet. At Aquæ aliam proprietatem esse,

esse, qua suo non clauditur termino; aliam, qua humida est; aliam, qua liquida existit: A Mercurio interminabilem esse; à Sale resolutam, humidam; à Mercurio resoluta, liquidam.

Ideoq; doctiores quidam Chymici recen-
tores istam opinionem defendere non audent:
sed statuunt, Elemēta esse ante hæc principia,
in ordine corporum naturalium: Et principia
ita potius in Elemēta, quā elementa in prin-
cipia resolvi. Ergo de hoc jam erit quæstio: *An
in rebus sublunaribus, metallis & mineralibus,
gemmis & lapidibus, plantis & animalibus, alia
adhuc, quā elemēta vulgò nota, dentur principia.*

Principiò verò placet meam sententiam
reviter proponere: de qua in hac Naturæ ob-
scuritate cuivis liberum judicium relinquo,
sed rectiora monstranti non refragabor. Ita au-
tem, re hinc inde diligenter pensitata, de prin-
cipijs Chymicis sentio. Esse illa non corpora
quædam ante elementa simplicia, ut modò di-
ximus, sed vel prima mista, vel peculiāres na-
turas in prima creatione, cum alijs rerum na-
turalium speciebus conditas, seu principia sui
generis, quæ cum inter se, tum etiam cum ele-
mentis, vario modo mista, alijs rebus natura-
bus, generationi & corruptioni obnoxijis,
metallis puta, mineralibus, gemmis, Lapidibus,
Plantis & animalibus, dant convenientem
materiam.

Mista cum dico, ad eorum etiā constitutio-
nem, Elementa concurrere nō nego; sicut hoc
ipsa

*Principia
Chymicorū
quid sint.*

*Principia
Chymic.
unde suam
naturam
acceperint.*

ipsa resolutio Chymica testatur. Veruntamen non simpliciter mista esse dico, aut ex elementis tantum varie mistis conflata statuo: Sed peculiare formas habere; Et suam cuique formam à Deo Omnipotente in prima creatione, ut alijs rerum naturalium speciebus datam esse, existimo. Atque hic etiam Scaligeri illud, *Exerc. 137. sect. 20.* scribentis, *omnem formam cuiusque perfectè mixti, etiamsi non est anima, ut in adamante, naturam esse quintam, longè aliam à quatuor elementis, locum habere,* credo.

Ab his verò variè mistis, concurrentibus tamen etiam elementis, varia rerum naturalium corpora constitui puto: Ab iisdem tanquam primis & proprijs subjectis, varias qualitates & accidentia immediatè fluere existimo, quæ alijs rebus naturalibus propter hæc insunt, quæ hætenus à solis elementis, aut elementorum & eorum qualitatuum mixture ac temperatura varia, nonnulli frustra deducere conati sunt: Cum nulla in elementis, ad qualitates has producendas sit potentia; Ut in odoribus, coloribus & alijs qualitatibus ab ipsis quoque Peripateticis doctissimis satis monstratum est. Imò si quis in hisce corporibus inesse Spiritus, & aliquid Corporis illius, quod Aristoteles ἀνάλογον esse τὰ τῶν αἰσθητῶν εἰρηξίῳ dixit, contendat; cum eo valde non pugnarim. Neque enim credendum, quod nonnulli sibi imaginantur, quasi cum res aliqua

gène-

*Mistorum
generatio.*

generanda est, ex omnibus quatuor elementorum regionibus materia ad missionem conquirenda sit: Sed cum res crearet DEUS Optimus Maximus Verbo, elementa miscuit, & mistis suas formas peculiares, ac seminales rationes & essentias Cœlo analogas indidit. Atque ita cursum Naturæ per propagationem specierum in Individuis conservat & tuetur. Jam verò post creationem ista principia in aqua & terra, ad corporum naturalium constitutionem & nutritionem, ubivis obvia sunt, ex varijs rerum corruptionibus. Neque enim quis sibi persuadeat, cum ex combustis unum ascendere videt, aut ex alijs rebus vaporem, mox in prima elementa factam esse resolutionem; sed in illo ipso fumo ac vapore principia plerumque adhuc integra sunt. Quod ex Chymicis operationibus satis patet, si recipientibus vasis fumi ac vapores ejusmodi excipiantur. Si enim evaporat vel accendatur sulphur, Sulphuris Oleum vel Spiritus inde colligitur; è vinò, Spiritus vini; ex alijs plantis alijs Spiritus vel oleum; ex accensa papyro oleum papyri vel lini; ex Antimonio, flores antimonij.

Ordo nimirum est in rebus naturalibus, ut *Ordo corporum naturalium.*
 perioribus & nobilioribus serviant inferioribus. Et sicut in animatis, ab anima vegetantem ad sentientem; hinc ad varias Brutorum; tandem ad animam rationalem; tanquam unum gradum, sit progressus, & anima rationalis.

tionalis omnium Animatorum inferiorum potentias complectitur; Ita idem fit in corporibus. Primo sunt elemēta: Hinc Sal, Sulphur, & ☿; quæ quidem & ipsa elementa in se continent, sed non sola, verum aliquid amplius; Cum habeant suas, quibus differunt, formas, non à formis elementorum inter se mistis ortas, sed à Creatore in prima creatione inditas. Ex his postea var è mistis, concurrentibus tamen rursus Elementis, mineralia, metalla, lapides, gemmæ, plantæ, animalia sua corpora accipiunt; in quibus per speciei cuiusque Formam variè determinantur. Sicut videmus Salem è terra à Plantis attractum peculiari modo in plantis elaborari: rursus cum plantis animalia vescuntur, mutationes quasdam subire, naturam tamen suam nunquam planè exsuere.

*Corporum
naturalium
proxima
principia.*

Neque hæc doctrina antiquis omninò est contraria. Etsi enim creationem ignoraverint gentiles Philosophi & medici: tamen, præter elementa, principia quædam propiora, è quibus res naturales constituantur, alantur, & variè afficiantur, admiserunt. Hippocrates, *lib. de Natur. Human. text. 31.* Plantas non solum Calidum, frigidum, humidum, siccum, aut quid ex his simpliciter mistum, attrahere scripsit: sed ita scribit; *ἡ φύσις τῶν ἑρῶν ὁπόταν εἰς τὴν γῆν ἐλθῇ, ἐλκεῖ ἑκά-*

γον τὸ κτ' φύσιν ἐαυτῶ ἐνεὸν ἐν τῇ γῇ. ἐνὶ δὲ
καὶ ὀξύ, καὶ πικρὸν, καὶ γλυκὺ, καὶ ἀλμυρὸν,
καὶ παντοῖον: quæ crescunt & feruntur, quando
in terram veniunt, attrahit unumquodq, quod
secundum naturam sibi familiare in terra inest.
Est autem acidum, & amarum, & dulce, & sal-
sum & omnigenum. Et, in lib. de Prisc. Medicin.
ubi prolixè hac de re agit, ista principia ap-
pellare videtur ^{δυνάμεις} non inusitato vo- ^{δυνάμεις}
cabulo; cum ut Galenus, lib. de plenit. c. 3. do- ^{quid Hip-}
cet, ^{δυνάμεις} etiam ^{δραστικῶν αἰτίων, ἢ ἔσται} ^{procrati.}
significet. Quam significationem & Aristo-
teles usurpat, dum, loco allegato è lib. 2. de gene-
rat. Animal. cap. 3. Elementa ^{δυνάμεις} appel-
lat. Docet autè eo in libro Hippocrates, ut in
homine, & in alijs rebus; quæ eduntur & bi-
buntur, vel foris illinuntur, vel quæcunq; for-
ma corpori admoventur, non solum ad calidum
frigidum; humidum & siccum esse re-
spiciendum, sed potius ad amarum, salsum,
dulce, acidum, & similia: Hæc enim homini
inesse & in alijs, & ex ijs mistis corpora na-
turalia constitui; Et ubi invicem bene con-
temperata sunt; neque videri; neque ho-
minem molestia afficere: Ubi verò non
bene temperata; sed ab ijs secreta fuerint;
hominem molestia afficere. Ita enim scri-
bit. ἐνὶ ἀνθρώπῳ καὶ πικρὸν, καὶ ἀλμυρὸν,
καὶ γλυκὺ, καὶ ὀξύ, καὶ στυφνόν, καὶ πλα-
ταγόν, καὶ ἄλλα μυρία παντοίας δυνάμεις

ἔχοντα, πληθύνει τε καὶ ἰσχυρῶς. Ταῦτα μὲν μι-
 γνύμενα καὶ κεκρημένα ἀλλήλοισιν, ἔτε Φανερά
 εἶναι, ἔτε λυπείαι τὸν ἄνθρωπον. Ὅταν δὲ τι τυχόν
 δοκῇ κριθῇ καὶ αὐτὸ ἐφ' ἑωυτὴν γένῃται, τότε καὶ
 Φανερόν εἶναι, ἔτε λυπείαι τὸν ἄνθρωπον. Τῆτο δὲ
 τῶν βρωμάτων ὅσα ἡμῖν ἀνεπιτηδεύει εἶναι, καὶ λυ-
 μαίνειν τὸν ἄνθρωπον ἐμπεσόντα, τυχόν ἐκα-
 στον, ἢ πικρόν τι, καὶ ἀκρητόν εἶναι, ἢ ἀλμυρόν, ἢ
 ὀξύ, ἢ ἀλλότι ἀκρητόν δὲ καὶ ἰσχυρόν. καὶ διὰ
 τῆτο παρασώμεθα ὑπ' αὐτῶν. ὡς περ καὶ ἐκ
 τῶν ἐκ τῶ σώματος δοκῇ κριθῶν. πάντα γὰρ
 ὅσα ἄνθρωπος ἐσθίει, ἢ πίνει, τὰ τοιαῦτα βρώ-
 ματα ἤκιστα τυχόν χυμῶ ἀκρήτη δὲ καὶ διὰ φέ-
 ρειν, δὴ λαβεῖν μετέχοντα. Οἷον ἄρτι δὲ
 καὶ μάλα, καὶ τὰ ἐπόμενα ἰσχύουσιν, οἷσιν εἴθισται
 ἄνθρωπος πλεῖστοίς τε καὶ αἰεὶ χεῖροσιν. In
 homine inest & amarum, & salsum, & dulce &
 acidum & acerbum & insipidum, aliāq; sexcen-
 ta, quae praecopia & viribus varias habent facul-
 tates. Et hac quidem mixtione & mutua in-
 ter se contemperatione, neque cernuntur, neque
 molestia quenquam afficiunt. At ubi horum,
 quippiam secretum fuerit & per se exstiterit,
 tunc & conspicuum fit & hominem molestia af-
 ficit. Quin etiam in cibis, qui minime nobis con-
 veniunt, quicquid in corpus ingesti homini sunt
 noxia, eorum quilibet aut amarus est, aut minime
 temperatus & vehemens; ideoque perturbationem
 in Corpore efficiunt: non secus ac ea, quae
 corpore excernuntur. At edulia, quae homo edit
 aut bibit, ea huius intemperati & excedentis
 succi

succi minimam partem habere constat: Panem dico & Mazam, ac his similia, quibus homines copiosissimè ac frequenter uti consuevit. Et postea scribit: ὃ τὸ θερμὸν ὄντι τὸ πλεονεχὲς δυνάμει ἔχον, ἀλλὰ τὸ στυφνὸν καὶ πλαδαρὸν, καὶ τὰ ἅλα, ὅσα μοι εἰρηλαί, καὶ ἐν τῷ ἀνθρώπῳ, & ἔξω τῶ ἀνθρώπῳ, καὶ ἐν θιόμυρῳ, καὶ πινόμενῳ, καὶ ἔξωθεν ὁπιοχρυσόμενῳ καὶ πῶς πλάσσειν. Non calidum est, quod magnam vim habet; verum acerbum & insipidum, cateraque, de quibus dixi, cum in homine, tum extra hominem, in ijs quæ eduntur aut bibuntur vel foris illinuntur, vel quacunque forma corpori admoventur.

Explicatione quidem aliqua locum hunc Hippocratis obscurare potius, quam declarare conatur Erasius, *Disp. 3. contra Paracels.* dum scribit. Hippocratem non reprehendere quatuor elementorum mistionem pro principio ponentes, sed adversus illos disputare, qui artem medicam construere volentes, hypothesin protulerunt non rectam, dum unum scilicet aut duo saltem ex his principia posuerunt. Ideoque docere voluisse, Hominem constare non ex uno solum elemento, sed ex omnibus quatuor. Verum enimverò concedimus quidem Hippocratem hoc loco Elementa rejicere non voluisse; An verò id solum reprehendere voluerit, quod nonnulli simplicia saltem Elementa principia corporis humani posuerint; cum omnia simul mista

ponere debuissent: non adeo planum est; nec
video ubi in hoc libro scripserit: quod ipsi
proclive fuerat facere; sed toties repetit; Mor-
bos & magnas in corpore perturbationes,
non à qualitatibus illis elementarijs fieri,
sed τῶ ἀνθρώπῳ παθήματα διὰ δυνάμεων

δυνάμεις
Hippocrati-
stis.

αὐτοῦ ἐκχέσθαι. Δυνάμεις autem appellat ἑξ τῶν
χυμῶν ἀκροτικὰς δὲ καὶ ἰχθῦς. Neque est, quod
quis dicat, illum loqui de simplicibus quali-
tatibus; compositarum esse maiorem effica-
ciam. Negat enim id expressè Hippocrates,
& dicit, qualitates primas permixtas, minus
lædere, quam simplices, dum scribit: ὅν μὲν ἀν-
δήπυ χροῖον μειγνύμενα αὐτὰ ἀντίοισιν ἅμα
τὸ ψυχρὸν ἔθέρμον ἢ οὐ λυπτεῖ. χρεῖσις γὰρ καὶ
μετριοῦς τῶ μὲν ψυχρῷ γίνεσθαι διὰ τὸ θερμῶς,
τῷ δὲ θερμῷ διὰ τὸ ψυχρῷ. ὅταν δὲ διαπορευ-
θεῖν χωρὶς ἐκάστη, τότε λυπεί. *Quamdiu ca-
lidum & frigidum inter se permixta sunt, mole-
stia non afficiunt. Temperamentum enim & com-
modationem habet frigidum à Calido, & ca-
lidum à frigido. At ubi alterum ab alio sejun-
ctum fuerit, tunc offendit. Simul etiam mon-
strat hoc loco Hippocrates, quod ij ipsi mor-
bi & læsiones, quæ ob excessum qualitarum
primarum homini obvenire solent; non sint
tantæ, quales sunt, quæ ab amaris, salis &
acidis. Nam, inquit, si amarus humor aliquis,
quem flavam bilem nominamus, effusus fuerit,
quanta anxietates, astus & impotentia detinent?
Et quibus acuti, acres, & eruginosi humores in-
stant,*

stant, quinam furores & viscerum & thoracis lancinationes animiq; abjectiones oriuntur? Neque hæc prius quiescunt, quam evacuati, dejecti & alijspermisti fuerint. Quale quid solæ elementorum qualitates, nunquam inducere possunt. Quæ etiam ab ijs oriuntur alteratione longè facilius tolluntur. Et quantum ad alexerics, partesq; misti ab alijs, cum quibus temperatæ erant, separatæ possunt, etiamsi nihil alterius rei accedat: vel ex Spiritu vini patet. Potior enim aliquis Cantharos vini quatuor vel quinque sine insigni damno exhaust: At Spiritum vini, qui inde elici potest, non sine præsentis incommodo exhaust.

At objiciat aliquis, inquit Hippocrates, multi febris ardentibus, aut pulmonum inflammatione, vel alijs morbis vehementibus detinentur, qui tamen calore citò non liberantur, neque frigori calor statim succedit. Sed respondet Hippocrates; Illud ipsum magno argumento est, quod neque calidum simpliciter, neque ipsum solum affectus causa sit: Sed est & amarum & calidum idem, & calidum & acutum, & falsum & calidum, aliaq; innumera; Et rursus frigidum alijs facultatibus commissum. Hæc sunt, inquit, à quibus noxa provenit. Sed & calidum adjunctum est robur ac veluti principatum habens, quod incitat, & vim ejus, cui conjunctum est, auget: Nullam tamen peculiarem vim, quam conveniat, majorem obtinet.

*Qualitates
primæ in
causâ mor-
bor. reddē-
dis nō sem-
per suffici-
unt.*

Qui insignis Hippocratis locus utinam à multis in doctrina febrium putridarum ac malignorum ac ipsa adeo peste & alijs morbis venenatis diligentius animadverteretur. Non enim satis est scire, adesse febrem, id est, calidam intemperiem, vel ipsam foveri à putrescente humore: Sed illud ipsum præcipue animadvertendum, in qualem & cujus generis naturam humor in qualibet febre ac morbo corrumpatur. Hinc enim pestilentium, malignorum ac venenatorum morborum, pendet differentia & cura: Et hinc diversa Symptomata in malignis ac pestilentibus febribus ac constitutionibus proveniunt: Ita ut nunc dysenteria, nunc vomitus, nunc Angina, nunc pleuritides, nunc parotides, nunc Babones, nunc deliria, nunc Vetrinus, nunc dolores capitis, nunc alia Symptomata oriuntur: Quæ ex sola intemperie vel putredine deduci non possunt; Sed omnia, ut loquitur Hippocrates, hæc τὰ ἀνθρώπων διτὰ δυνάμειν ἔρχεται: & ὅσα κακοπαθεῖ ἄνθρωπος πάντα διτὰ δυνάμειν ἔρχεται.

Verum cum nonnulli proculdubio hic multa effugia quæsituri sint, neque in sola auctoritate Hippocrates acquieturi & id obiecturi, illas ipsas δυνάμεις Hippocraticas, amarum, salsum, acidum, & similia à qualitatibus Elementaribus variè mistis oriri: mittamus jam auctoritatem Hippocratis & rem ipsam videamus.

Primò

Primò autem protestamur, etsi principia ista, suo & quem antea proposuimus, & mox explicabimus, modo, admittenda censeamus: nos tamen omnium absurdorum & ineptorum dogmatum, quæ in hac doctrina à Paracelsistis immiscentur, patrocinium non suscipere. Operæ pretium non putamus omnium opiniones recensere & examinare; Inprimis cum pauci idem hæc de re docuerint.

Primò nimirum, ut etiam supra monui, non tam latè extendenda sunt principia Chymica cum Paracelso, ut ante elementa constituantur, & Elementa ac cælum ipsum ex ijs componatur.

Deinde per ea elementa ac principia Aristotelica nullo modo reiicienda sunt, sed suus locus materiæ, formæ, & privationi; suus elementis, suus his principiis dandus: Et tam Elementa, quàm hæc principia Chymica in mixtorum constitutione admittenda: Et ex illis Caliditas, frigiditas, humiditas, siccitas; Ex his dores, sapes, & hujus generis qualitates alæ deducendæ.

Tertò & hoc monendum, inter principia alia esse propinquiora, alia remotiora; alia communia, alia minus communia: Et unum mixtum è puribus principiis diversæ naturæ posse componi. Sicut ergo cum dicitur; Semen & materiam sanguinem esse corporis principia: eo non negatur, hominem constare ex quatuor elementis: Ac contra sicut

cum dicitur; hominem constare ex elementis: non negatur humores quatuor esse hominis principia: Ita cum dicitur, tria esse rerum istarum principia, non negatur, easdem constare ex elementis.

Corpus duplex.

Ac hinc nonnulli in mistis duplex corporum genus inesse dicunt; unum elementare, alterum *essentiale*, & utrumque ad misti constitutionem pertinere. Ubi res quidem satis bona est, sed locutio non satis exacta; Cum elementa quoque ad essentiam rei pertineant,

Principia essentialia.

Verum (ut ad bonum sensum ista attrahamus) appellare videntur *principia essentialia*, ob nobiliores qualitates & actiones, quæ in majore apud ipsos sunt pretio, & ita ad essentiam præcipue medicamentorum, quæ inprimis quærunt, magis pertinere videntur, quam elementa. Neque enim quod sæpe jam monuimus; cum Paracelsistis facimus, qui statuunt ista tria principia esse planè prima, vel etiam ante elementa: sufficiat, si obtineamus, esse post elementa, & talia à quib9 plerq; facultates, quas medicus in medicamentis expetit, oriantur, & ultra quæ resolvere Corpora naturalia non tentat Chymicus. Cum neq; natura hic facilem sese in resolvendo, si quis ulterius progredi cupiat, præbeat: Nisi forsitan destruere planè potius, quam resolvere res cupiat.

Quo-

Quomodo autem probari possit, talia dari Principia, jam dispiciendum. Primo autem *Principiorum Chymicorum probatio.* hoc argumento utimur: Ubicunque pluribus eadem affectiones & qualitates insunt, per commune quoddam principium insint necesse est: sicut omnia sunt gravia propter terram, calida propter ignem, At Colores, Odores, Sapores, esse $\phi\lambda\omicron\gamma\alpha\varsigma\omicron\nu$ & similia alia, mineralibus, metallis, gemmis lapidibus, plantis, animalibus insunt. Erga per commune aliquod principium & subiectum insunt. At tale principium non sunt elementa. Nullam enim habent ad tales qualitates producendas potentiam. Ergo alia principia, unde fluant, inquirenda sunt. Et licet nonnulli monstrare conati sint, Colores, odores, sapores, ab elementis provenire: irrita tamen conatu id fecerunt, ut à doctissimis Philosophis & Medicis jam monstratum est. Quomodo enim, quæso, à caliditate, frigiditate, humiditate, siccitate, quomodocunque etiam mistis, color, quomodo odor, quomodo sapor proveniat? Imò color etiam cælestibus corporibus quodammodo competit.

Deinde utimur argumento, quo & Aristoteles. 3. de Cæl. cap. 3. text. 35. Et Galenus lib. 1. c. 3. de elementis usus est. Ex ijs corpora naturalia constant, in quæ resolvantur, Sed resolventur in ista tria principia. Ergo ex iisdem constant. Non jam resolutionum talium multa exempla

pla asseram. Salem omnibus inesse, & ex ijs fieri posse, omnibus in resolutionibus Chymicis versatis, notissimum est. In metallis etiam ac mineralibus Sulphur manifestè apprehenditur. Et ut Clarissimus Philosophus, Cornelius Martini, in *prafatione in Georg. Agricolam*, scribit: *Sulphur apprehendi in omnibus metallis, excepto Auro; Sulphur, inquam, combustibile, quod & flammam concipiat & odorem Sulphuris vulgaris exhalet, vero verius est.* Perpendatur etiam hoc exemplum. Si lignum viride igni admoveatur, flammam non concipit, donec humiditas aquea, aut secundum Chymicos Mercurialis substantia exhalet. Neque quisquam opinetur, nihil nisi aquam è ligno viridi igni admoto exhalare. Nam mordicatio illa, quam oculis infert ille vapor, satis doceat, aliud quid, præter aquam resolutam, huic vaporì inesse. Postquam ista aqua & Mercurialis humiditas absumpta est maxima ex parte, oleaginosum illud & pingue inflammari, & flammam liberiozem, nec ita fumo permistam, dare incipit. Restant tandem cineres, in quibus Sal residuus est, & aqua affusa à terra facile separatur.

*An corpor.
natural. re-
solvantur
in ea, è qui-
bus constāt.*

Verum contra hæc multi multa obijciunt. Primò Erasius, 2. *Part. Dissut. contr. Paracels.* Principium illud & propositionem, quæ tamen est Hippocratis, Aristotelis & Galeni, qua dicitur; *Res quasvis in ea resolvi, è quibus constant*, non ita simpliciter admittendam esse

se censet; cum multa in ea corrumpantur, è quibus non sunt composita: ut humores in crementa vitiosa, vel caro in vermes. Verum adhibeatur sanè aliqua limitatio, & dicatur, de ultima resolutione esse propositionem tam accipiendam, vel rem quamcunque solvi in ea, ex quibus actu inexistentibus, inquam partibus materialibus, composita est: non verò in ea, è quibus res per substantialem materiæ transmutationem generata est. Nihilominus subsumimus: Ex hisce principijs actu inexistentibus (sicut nimirum Elementa actu inexistant in misto; caseus, Butyrum, serum, in lacte; oleum in Amygdalis vel uice moschata) constare corpora naturalia; ita ut per resolutionem & separationem inde discernantur, non verò per substantialem materiæ transmutationem, quod vult Erasmus, ex his omnimodo generentur. Alias enim libenter concedimus, res naturales per corruptionem in multa transmutari posse, ex quibus non constât, v. g. sanguinem & partes corporis in pus; caseum & carnes in vermes. Verum non de corruptione & transmutatione, sed de resolutione Axioma illud loquitur. Ultimam tamen; cum dicimus resolutionem, non eam plane intelligimus, quæ fit in elementa: Cum natura tam facilem in resolvendo sese non semper præbeat: Et in hisce principijs Chymico sæpe subsistendum sit.

Quæ

*Materia
duplex.*

Quæ omnia ut rectè intelligantur, duæ distinctiones notandæ. Prima est, duplicem esse materiam, aliam immanentem, aliam transeuntem. Immanens est, quæ in re materiata & effecta permanet; suam naturam retinens: ut lapides, ligna sunt materia domus; elementa corporis misti. Transiens est, quæ non manet in re effecta, sed mutatur & formam accipit aliam. Ita Chylus est materia sanguinis; sanguis corporis humani.

*Perma-
nens.*

Transiens.

*Principia
duplicita.*

Altera est, duplicia esse rerum naturalium principia; alia communia, quæ omnibus æquè inhiunt, alia propria, quæ cuique generi peculiariora sunt.

Cum ergo jam de corporum naturalium resolutione quæritur; verum est illud axioma; *Res qualibet resolvitur in ea, & quibus constat*, de Materia Immanente, non de materia transeunte. Ita corpus naturale mistum quodvis resolvitur in elementa; resolvitur in principia Chymica; quæ licet alterentur in misto, non tamen in eo planè abolentur, sed uniuntur, ut rectè docet Aristoteles. Non verò caro vel os in sanguinem resolvi potest: quia dum ex sanguine fit caro vel os, sanguis naturam suam amittit, & aliam formam induit. Ideoq; male argumentatur P. Palmarius, *de lapide Philosoph. dogmatic. cap. 10.* Si omnia in aquam, oleum & salem abeunt, ex illis illa non venisse. Non enim hæc sunt transiens, sed immanens materia. Resoluta
nimi-

imírurñ sunt ex mīsto, non generata. Nam ut e resolutione naturali nihil dicamus, sed de iolentā solūm per ignem. Ignis non nisi igem generat, nullumq; mīstū producit. Et qui it quæso, si generata ista sunt aliorum corruptione, non resolutione, quod omnia corpora naturalia in ista æquē non abeunt? Non enim generatur quodlibet ex quolibet, sed hoc ex illo; neq; corrumpitur quodvis in quolibet.

Deinde verum est idem axioma plerumq; le principijs saltem communibus, nō de proximis. Miscibilia enim illa communia manent in mīsto (an actu vel potentia jam non disputo) proxima autem generationis principia plerumq; non manent, sed omnino nomen, naturam, ac definitionem mutant. Totum hoc in totum hoc mutatur, ut sanguis in carnem. Et proinde regressus & resolutio ad proxima principia non datur. Ita ex ovo fit pullus, & omnia ovi in pullum mutantur, omnemq; potentiam amiserunt, qua regressus fieri, & ex pullo iterum ovum fieri possit. Plerumq; tamen hoc fieri dixi, & in animatis omnibus hoc locū habere existimo, ubi anima alimento attracto novam formam induit: in mīstis non animatis, quousque hoc extendendum sit, suo loco dicetur.

Deinde illud hic nonnulli objiciunt; Chymicas resolutiones nō esse naturales, sed artificiales: Axioma illud; Omnia his constant, in quæ resolvuntur, de naturali resolutione accipi-

*Chymica
resolutiones
an sint, tantum
artificiales.*

*Res natu-
rales quæ.*

accipiendum esse. Malè à Chymicis hîc artem substitui. Ejusdem enim esse miscere & dissolvere: & quæ natura miscuit, ea artem non posse dissolvere. Verumenimverò, si proximum agens respicias, negandum, quod resolutiones Chymicæ non sint naturales; etiam si artifex suo modo concurrat. Fiunt enim ab igne & calore, causa naturali. Exempli gratia. Cum planta comburitur Salis faciendi gratia, illa actio planè naturalis est, non artificialis: Cum à Calore ignis Spiritus vini in altum attollitur, non minus naturalis est actio, quam cum idem Spiritus, calore ventriculi & epatis, in Cerebrum attollitur, aut cum calore Solis res in vaporem resolvitur. Et proinde res, quæ hoc modo generantur, naturales sunt, non artificiales. Quomodo autem Ars Naturæ ministra sit, & quæ Natura, quæ Artis partes sint, ubi utriusque operationes concurrunt, bene docet Scalig. *exercit. 101. sect. 12.* Longè verò alterius generis sunt res artificiales, ut mox dicetur, quæ secundum suam essentiam, & quatenus tales, non à natura, sed proximè ab artifice dependent; quales sunt sculpturæ & similia.

*Corruptio
duplex.*

*Natura-
lis.*

Debebant potius distinguere, qui ista obijciunt, cum Aristotele, *5. Physic. c. 6. text. 5. & 4. Metaph. text. 3.* Corruptionem in naturalem & violentam. Naturalem enim corruptionem appellat Aristoteles *εἰσαγωγή* seu Fato determinatam, quæ scilicet accidit secundum

undum legem & communem naturæ cur-
 m, qua animalia per naturalem mortem;
 ista per putredinem pereunt & corrup-
 untur. Violentam autem illam, quæ præter *Violentæ*
 rsum naturæ universalem & præter naturæ
 gem accidit; qualis est mors violenta &
 ombustio. Quæ corruptio naturali opponi-
 r: non quod ipsa per causas naturales agen-
 s non fiat (nam & violenta corruptio, si cau-
 s naturales spectes, planè naturalis est) sed
 ia contra universalis naturæ cursum acci-
 t.

Et si ergo Chymicæ actiones quædam hoc *Operatio-
 nes Chymicæ
 quomodo
 sint natura-
 les & quo-
 modo arti-
 ficiales.*
 modo naturalibus opponuntur & violentæ
 unt, ut cum plantis, quæ comburuntur, &
 uaque eis, combustæ fuissent, aliquandiu
 dhuc crescere & tandem emori ac putresce-
 e poterant: ex eo tamen non sequitur, quod
 ere artificiales sint, & quæ hinc fiunt, non
 aturalia, sed artificialia. Quis enim ignem
 ligno accenso generatum naturalem esse
 eget? Artificiales sunt istæ actiones, quatenus
 n artificialibus vasis materia elaboranda cer-
 o ignis gradui objicitur. At actio Caloris in
 ateriam planè naturalis est. Et proinde op9,
 mod producitur, respectu efficientis & ma-
 erie naturale est. Et si illud, in quo humana
 ndustria & labor concurrat planè artificiale
 illet, etiam arbores, quæ insitione producun-
 ur, artificiales essent.

*Res natu-
rales quæ.*

*Res artifi-
ciles quæ.*

*Corruptio
duplex.*

*Natura-
lis.*

accipiendum esse. Malè à Chymicis hîc artem substitui. Eiusdem enim esse miscere & dissolvere: & quæ natura miscuit, ea artem non posse dissolvere. Verumenimverò, si proximum agens respicias, negandum, quod resolutiones Chymicæ non sint naturales; etiam si artifex suo modo concurrat. Fiuñt enim ab igne & calore, causa naturali. Exempli gratia. Cum planta comburitur Salis faciendi gratia, illa actio planè naturalis est, non artificialis: Cum à Calore ignis Spiritus vini in altum attollitur, non minus naturalis est actio, quam cum idem Spiritus, calore ventriculi & epatis, in Cerebrum attollitur, aut cum calore Solis res in vaporem resolvitur. Et proinde res, quæ hoc modo generantur, naturales sunt, non artificiales. Quomodo autem Ars Naturæ ministra sit, & quæ Natura, quæ Artis partes sint, ubi utriusque operationes concurrunt, bene docet Scalig. *exercit. 101. sect. 12.* Longè verò alterius generis sunt res artificiales, ut mox dicetur, quæ secundum suam essentiam, & quatenus talès, non à natura, sed proximè ab artifice dependent; quales sunt sculpturæ & similia.

Debebant potius distinguere, qui ista obijciunt, cum Aristotele, *5. Physic. c. 6. text. 5. & 4. Metaph. text. 3.* Corruptionem in naturalem & violentam. Naturalem enim corruptionem appellat Aristoteles *εἰμαγυλῶν* seu Fato determinatam, quæ scilicet accidit secundum

undum legem & communem naturæ cursum, qua animalia per naturalem mortem; ista per putredinem pereunt & corrumpuntur. Violentam autem illam, quæ præter *Violentia;* naturæ universalem & præter naturæ legem accidit; qualis est mors violenta & combustio. Quæ corruptio naturali opponitur: non quod ipsa per causas naturales agens non fiat (nam & violenta corruptio, si causas naturales spectes, planè naturalis est) sed quia contra universalis naturæ cursum accidit.

Etsi ergo Chymicæ actiones quædam hoc *Operationes Chymicæ quomodo sint naturales & quomodo artificiales.* modo naturalibus opponuntur & violentæ sunt, ut cum plantis, quæ comburuntur, & æque eis, combustæ fuissent, aliquandiu huic crescere & tandem emori ac putrescere poterant: ex eo tamen non sequitur, quod ere artificiales sint, & quæ hinc fiunt, non naturalia, sed artificialia. Quis enim ignem igno accenso generatum naturalem esse get? Artificiales sunt istæ actiones, quatenus artificialibus vasis materia elaboranda cerignis gradui objicitur. At actio Caloris in materiam planè naturalis est. Et proinde opus, quod producit, respectu efficientis & materię naturale est. Etsi illud, in quo humana industria & labor concurrat planè artificiale sit, etiam arbores, quæ insitione producantur, artificiales essent.

T

Aut

*Artificiale
quid.*

*Chymica
principia
arte non fi-
unt.*

Aut si idēd opera Chymica sunt artificia-
lia, quia calor externus, quasi instrumentum,
adhibetur: cur non etiam pullus gallinaceus
artificialis erit, qui externo gallinæ incuban-
tis calore in actum producitur? Id artificiale
proprie est, quod Formam in mente artifi-
cis prius conceptam ab artifice accipit: At,
Chymico etiam de principiis non cogitante,
nec formam eorum prius mente concipien-
te, in resolutione sponte ea proveniunt: quia
scilicet jam inerant. Artisq; nullius est formas
rerum naturalium producere. Et ut Aristote-
les 2. Phys. c. 1. text. 2. habet, ὅταν ὅτιν δ' αὖ ποτέ τεχ-
νης, ἔδεμίαν ὁρμήν ἔχει μεταβολῆς ἐμφυτοῦ.
*Quæ ab arte proficiunt, nullum insitum mu-
tationis impetum habent.* At quæ à Chymia fi-
unt, omnia istum internum impetum habent:
calorq; saltem externum agens est, qui illam
ἐμφυτον ὁρμήν ad actum deducit.

Neque etiam quæ à Chymicis sunt ope-
rationes semper fortiore & adurenti igne in-
stituuntur: sed per putrefactionem saltem &
digestionem non rarò materia resolvenda
vasis suis inclusa, elaboratur. Nec rem ad ci-
neres semper deducere opus est, ut ex igne
exhalatione saliam qualitatem accipiat, ut
vult Schegkius; sed in succini & cornuum &
ossium destillatione, antequam fiat incinera-
tio, sal educitur volatilis; Et is quidem non in
cineribus remanet, sed cum ipso humore evo-
lat, ac vel collo Retortæ, vel lateribus Reci-
entis adhærescit. Imò sal urinæ volatilis levu-

no calore sursum ex ipso humore attollitur, ipsum vini spiritum volatilitate antevertit. Contra si terram, à qua Sal affusa aqua separata est, uras & aduras, nihil inde salis ampliusicies. Ita corpus, è quo Sulphur inflammabilem exhalavit, nunquā iterum flāmam concit: Præterea nō è qualibet re æquali copia Sal licitur; sed ex alijs copiosus, ex alijs paucus.

Imò ista principia non tantum ab arte, sed *Natura* *principia* *Chymia* *ostendit.* *ostendit.* nunquam etiam à natura seorsim conspicienda ostenduntur. Perpendat quisq; saltem sectiones in animalibus & excrementa, & videat, an non sulphur foetidum in fecibus alvi, Sal in urina reperiat. Inquirat etiam, quid alibi in natura fiat. Resinosæ arbores resinam suam sulphureæ naturæ sponte fundunt: Ex nuce Moschata, semine lini, amygdalis & plurimis alijs seminibus ac fructibus olea exprimentur, quæ natura inerant. Sal naturaliter redditur è cinerum & calcium exhaustis cumulis, circa officinas nitrarias. Columbarū simus Salem acrem & copiosum cōtinet, sine ulla præcedenti calcinatione. Imò sine adustione ex plantis in ipso humido sal fieri potest, modumq; tradit Beguinus, *in tyrocinio Chymico, lib. 2. cap. 17.* In vino ad latera doliorum sal copiosus in tartarum cōcrescit. Spiritum vini natura procreavit, non Ars; quod nemo potatorum ignorat, qui, quo plus spiritus vinum habet, eò facilius inebriantur: nemo Oenopolarum nescit, quib9 cognitum, parte hac eva-

nescente, reliquum faciliè corrumpi. Neque ab arte solum is separatur, sed & brumale frigus eum à suo Phlegmate separat.

*Resolutio
corpor. na-
tural. non
semper fit
in Elemen-
ta.*

Præterea quod nonnulli obijciunt, non dari principia propria rerum naturalium, quam elementa; quia nihil videatur à natura in ista principia resolvi, non magni momenti est. Nam superficiales isti naturæ scrutatores nimis cœcutientibus oculis naturales istas resolutiones aspiciunt, & , ut Scaligeri joco, *Exercit. 307. sect. 12.* utar; Sæpè murem farina aspersum eundem putant cum Domino pistrini. Cum cadaver, inquit, aliquod putrescit, ignis & aer in auras evaporat; humidum diffluit; finus loco terræ relinquitur. Quæso, quisquis es, qui ita judicas, cadaveri putrescenti nares propius admove, & vel fætor ille te docebit, non purum ignem & aërem esse, quod exhalat, sed compositum adhuc; aliumq; odorem cadaver equi, alium bovis, alium hominis cadaver, aliam plantam hanc vel illam putrescentem exhalare. Fimum si terram puram putas, multum erras. Putrida urina, vel finus, postquam computruit, salem terræ admistum plurimum continet; quod facilima resolutione deprehendi potest.

Idem error in violentis resolutionibus committitur. Si enim isti fumum vel flammam vident, tantum ignem vel aërem esse putant. At si Alembico ea exciperent, deprehenderent, non tantum elementa esse, sed mista adhuc.

adhuc. Et quidem non imperfecta & meteoræ, sed longè alterius naturæ; & aliud quid continere fumum ex Sulphure accenso intelligerent, quàm fumum ex ligno querno vel tartaro, vel vitiolo. Aut si saltem metallorum fossiores & coctores consulerent, aut eorum caminos inspicerent: aliter se rem habere, quam putant, facile doceri possent. Ita cum cinerem vident, terram esse dicunt imperitissimè. Separatio enim facilima per aquam affusam, quid Sal & terra differat, & utrumq; in cinere contineri, ostendit.

Non ergo ita obiter & superficialiter de naturæ operibus judicandum. Sed paulò penitus ea introspectienda sunt. Et quod nobis fortuito non objicitur, Arte & industria inquirendum. Nimirum in naturæ externis resolutionibus judicandis, multa occurrunt impedimenta: Neque partes resolutæ ad examen sese sistunt, ut cognosci possint, An elementa pura sint, vel alterius generis, sed in auras diffunduntur & aufugiunt. Major autem certitudo est in operibus artis, ubi nihil perit, sed vasis clausis omnia administrantur, partesq; resolutæ inclusæ colliguntur & heterogenea ab homogeneis discernuntur, ut rectum de omnibus possit fieri judicium. Et quidem in utraque resolutione tam naturali, quam violenta, id præstare potest Chymia. Priorem quod attinet, cum putredo fieri dicatur, vi externi caloris educentis externum: idem fit in

De Corpor. natural. resolutionibus quomodo rectè judicandum sit.

Resolutionum Chymicorum certitudo.

Cucurbita vel alio vase clauso, calore lento in fimo vel Balneo administrato. Hac tamen differentia, quod, ut dictum, de partibus resolutis in externis naturæ operibus ita certò judicare non liceat; cum hinc inde dispergantur: in operibus verò Chymicis, vasis clausis omnia excipiantur, ut rectius de ijs judicium fieri possit. Idem præstat in violentis corruptionibus, ubi vehementiore igni adhibito resolutæ partes aqueæ & oleosæ in recipiente vase excipiuntur: in fundo verò, quod combustum est, salem & terram continet.

*Chymica
principia
an revera
mixta in-
sint.*

Nonnulli aliud quærunt effugium; & cum negare non possint, à Chymicis vel ad oculum monstrari ista, quæ appellant, principia, Dicunt non inesse mixtis ea, nec inde separari, sed vi ignis fieri. Putatque Schegkiius, quem Riolanus, & alij sequuntur, Salem revera seu *Φόσφωρος* rebus non inesse, sed accidere saltem hoc terrenis partibus, ut mutantur propter igneam exhalationem in falsam qualitatem. Verum longè aliter sentit hac de re Hippocrates, qui, *loco supra allegato*, salsum, amarum, & hujus generis alia, revera rebus inesse, atque inde ἀποκρίνεται docet. Idem Scaliger, in l. 2. de plant. concedit, dum scribit: *Si è quercus cinere sit Sal: (fit enim) haud quaquam ejus alimento repugnare videtur.* Et certè; qui putant ea, quæ à Chymicis producuntur, ab ipsis fieri, non natura inesse, suam in Chymia imperitiam produnt: Et si aliquas Chymicas resolutiones vidit-

vidissent, aliter sentirent. Si tamen Chymicis fidem habere nolunt, metallurgos adeant. Si enim istud argumentum contra Chymicos valeret, valeret etiam contra metallurgos, atque evinceret, metalla & mineralia non existisse, sed à metallurgis producta fuisse. Sopparat Chymia diversas rerum partes, non generat; & nisi à natura subjiciatur materia, eam producere non potest.

Tandem aliqui, principia ista, quæ è mistis separari dicimus, potentia saltem inesse, non actu dicunt. Verum id nostræ sententiæ nihil officit. Nam cum nemo neget, elementa revera in mistis inesse: nihilominus Physici disputant, an actu vel potentia mistis insint. Quæ ergo istam controversiam composuerit, facile videbit, an potentia vel actu inesse dicenda sint hæc principia. Nobis sufficiat hic dixisse revera inesse: non absimili modo, sicut in lacte inest butyrum, caseus & serum. Hippocrates dicit, quod ainatum, salsum acidum, & hujus generis alia, μεμιγμένα & κεκρυμένα ἀλλήλοις ἢ Φανερὰ εἰναι: ὅταν δὲ τὰ τέων διακριθῇ, τότε Φανερόν ἐστίν. ubi secretionis vocabulum usurpat. Et Aristoteles tam de ijs, quæ actu, quam quæ potentia insint, vocabulum secretionis retinet. 3. de Cælo et pp. 3. text. 35. ἐν τῇ κρέμει καὶ ζύλῳ καὶ ἐκάστῳ τῶν ποιεῖσθαι ἐστὶ ἐνδύμενον πῦρ καὶ γῆ. Φανερά ἢ πάντα ἐξ ἐκείνων ἐκκρινόμενα. In carne & ligno, & unoquoque, talium inest potentia ignis vel terra. Manifesta

*Principia
Chymic.
quomodo
rebus in-
sint.*

autem sunt hæc ex illis segregata. Ergo si ex eo, quod potentia, secundum hunc locum Aristotelis, Ignis & terra insunt mistis, concludi non potest, quod non sint mistorum principia: ita etsi concedamus, potentia suo modo esse ista principia in mistis: inde tamen inferri non potest, quod non sint mistorum principia. Sed potius, sicut hoc loco argumentatur Aristoteles: In carne & ligno insunt ignis & terra; quia inde segregantur: ita etiam argumentari possumus; Principia Chymica separantur ex mistis: Ergo ijs insunt.

*Discrimen
inter Ele-
menta &
principia
Chymicor.*

Tandem & hoc affert Erastus contra principia Chymica, *parte 2. disput. contra Paracelsum p. 74.* Frustra nova Principia Chymicos comminisci; cum nihil aliud dicant, quam jam olim per tot sæcula alij Philosophi dixerunt & demonstrarunt, nullum alium habere usum nominum istam novationem, præter quam quod quæ clara & intelligibilia prius erant, obscura, intricata, & incomprehensibilia nobis reddantur. Quæ aquæ propria esse, inquit, omnium eruditorum oculi omnibus ætatibus conspexerunt, fumosi isti Philosophi, ut novisse plus alijs viderentur, mercurio adscribere voluerunt. Quæ aeris maximè conveniunt, sulphuri tribuunt. Quæ terræ aptissimè congruunt, sali suo accomendant.

Verum enim verò quis non agnoscit differentiam inter salem & terram: sal in humido liquefcit; terra non item. Aqua & Mercurialis
pars

pars Chymicorum longè differunt. Ita & sulphur & aer. Neque ita inflammatur & ardet aer, sicut Sulphur. Nam quod aliqui dicunt, facilimè rara omnia multùm in se aeris continentia, pinguedinis autem minimum in largissimam flammam converti; difficilius verò pingua penè omnia corripere flammam, quam arida stramina, ex quibus pinguedinis vix minima particula separari possit: sciendum pinguedinem & sulphur, quod Chymicorū principiū est, non idem esse Sulphur: Sulphur enim suum, ob quod inflāmatur, habet Spiritus vini, pinguis tamen non est. Et Sulphur quidem in pinguedine esse, sed alijs partibus admistum, quæ inflammabilitatem prohibere possunt. Et siccitatem & raritatem corporis ad facilem inflammabilitatem in quibusdam facere Chymici etiam concedunt: Potestq; res parùm Sulphuris & oleositatis in se continens, si rara, aridaq; sit, & nihil in se habet, quod inflammationem prohibere possit, facilius inflammari, quam alia, quæ sulphure abundat, alias tamen partes inflammationem prohibentes admistas habet: sicut in pulvere papyrio alias summè inflammabili apparet, qui si spiritu aliquo acido imbuatur vel humectetur, inflammabilitatem amittit. Et Spiritus vini, qui facilimè inflammatur, si aquam & phlegma admistum habeat, non inflammatur. Et hinc accidit, ut alia bitumina & olea alijs facilius vel difficilius inflammen-

*Inflam-
bilitas unde.*

tur. Talia autem arida Sulphur in se cōtinere satis docet oleum, quod è papyro conficitur. Res tamen aridæ & raræ non inflammantur ob raritatem & ariditatem, sed ob Sulphur, quod in se continent. Hinc etiam res non aridæ facile inflammantur; ut naphtha & Spiritus vini.

Principiorum Chymicorum usus.

Uſus igitur principiorum Chymicorum est, ut ex ijs tanquam proximis & proprijs principijs proprietates, quæ corporibus mixtis insunt, & ex elementis proximè demonstrari non possunt, deducantur, & demonstrantur, ut præcipuè in proprietatibus & facultatibus medicamentorum inquirendis patet. Aliæ nimirum proprietates à Sulphure, aliæ à sale & quidè semper proveniunt. Et proinde in quocunque misto talis proprietas reperitur, ibi principium illud, à quo fluit, inquirendū: unde artificiosæ & utilissimæ Chymicorum separationes ortum habent. Si enim proprietas aliqua à Sulphure fluit, illud extrahendum, sal removendum, ut medicamentum à heterogeneis separatim efficacius reddatur: contra si à sale, Sal inquirendus, Sulphur separandum. Id quod in omnibus narcoticis apparet, quorum vis à Sulphure, non Sale pendet: acrimonia omnis à Sale.

Quæ verò multis Erasius contra Paracelsum de Elementorum in tria principia resolutione disputat, *parte 2. disput. contra Paracelsum*, adducere supervacaneum est; cum vix aliquis

aliquis saniorum Chymicorum tria illa principia ante Elementa constituat. Et omnino de omnibus, quæ hic afferri poterant, prolixius disputare, operæ pretium esse non puto; præsertim cum ijs, qui rerum & operationum Chymicarum planè ignari sunt, de quibus rectè dici potest; Homine imperito nihil est ineptius, qui quod ipse non vidit, à nemine videri vel observari potuisse, putat.

Sed jam ad numerum principiorum Chymicorum veniamus, & quot talia sint primo videamus. Chymici cum mista & corpora naturalia ad simplicissima, in quæ quidè possunt, redigere conantur, triplici specie corpora illa apparere dicunt, nempe salis, oleosi, & liquidi; quæ Salem, Sulphur & Mercurium appellant. Verum enimverò, quod diligenter notandum, dubitare quis posset, an æquè prima sint, & ad eandem planè classem pertineant.

*Principio-
rum Chy-
micorum
numerus.*

De sale quidem rem planà esse puto, & post elementa inter mista perfectà primum esse, cuius veritatis studioso non ignotum esse posse, plane persuasum habeo: Ut etià Plinius, *lib. 31. Histor. nat. c. 7.* salè elementū necessariū esse dixerit. Nā in omnib. rebus inesse facilè deprehenditur. Nec solū adustione & partiū terrenarū propter igneā exhalationē in qualitatē falsam mutatione, generari; Sed etià siue adustione è rebus separari posse, paulò ante dictū & mōstratū: Ideoq; etià secūdū Hippocratem mistis secūdū naturā inesse falsum. Et Plinius,

loca

loco allegato docet salem etiam sponte sæpe nasci. De qua re, *lib. 2. Instit. part. 3. sect. 3. c. 15. dictum*. Non est facere salem, cum ex Urina animalium separata saltem aquositate educitur. Non est facere salem, cum è fimo interventa aquæ secernitur. Et ubi accedit ustio non eo fine adhibetur, ut per eam sal fiat, sed ut partes sulphuræ & aliæ secernantur, solusque sal relinquatur. Et certè pertinacem esse oportet, & à Chymia planè alienum, qui salem in rebus naturalibus agnoscere non potest. Plantarum saltem generationem & augmentum quilibet diligenter consideret, & quid ad earum fœcunditatem & felicem proventum & augmentum faciat, perpendat; & inquireat, cur in agro stercoreto felicius plantæ proveniant: Causam inveniet esse, imprimis urinam animalium, quæ maximam partem salis continet: & non ignorare poterit, nihil hic artificij Chymici concurrere, sed totum illud opus naturale esse.

Salis proprietates,

Salis autem proprietates quod attinet, sal primò est primum sapidum & gustabile. Et omnia, quæ saporem habent, eum propter salem habent. Secundò salis proprium est. In humido liquefcere & in sicco coagulari. Tertiò à sale rerum naturalium cōcretionē & coagulationem provenire Chymici docent; & à sale Cristalli concretionem, adamanti duri-
tatem, metallorum robur, Auri soliditatem,
Ossi-

Ossium, Arborum & Herbarum consistentiam absolvi statuunt.

Qua de re, & quid veri hic statuunt, Chymici, omninò disquirendum. Cum magni momenti, & quæ multos exercuit, quæstio sit & ad doctrinam degenerat calculorum in

*De causis
concretio-
nis & coa-
gulationis.*

corpore humano & aliorum animantium & plurimorum aliorum explicationem faciat.

Verum quæstionem hanc aliquomodo difficiliorem nobis reddit Libavius: in quo hic, non sine causa, constantiam in sententia desi-

dero. Nam dum contra Riolanum disputat, in *Sal an sit*
Alchym. Triumph. c. 90. p. 851. & seqq. Eorum *concretio-
nis & coa-
gulationis
caussa.*

opinionem admittit, qui salem primam cau-

sam concretionis statuunt, & mirabilem esse

formationem in salium generibus vel oculis

etiam in vitriolo, salenitro, & alijs cerniscri-

bit; imò invehitur in eos, qui experientiam in

talibus non consulunt. Contra ubi contra

Hartmannum Chymicum Clarissimum scri-

bit, in *examine Phil. vital. c. 31. & 32.* prolixè

eandem sententiam impugnat: Et concretio-

nis, coagulationis, solidationis causam salem

esse negat. Nec illud admittit; quod Cryalli

salis propter salem concrecant figuris culicis,

oblongis, Angulosis.

Ut autem brevitati studeamus, Chymici

pro sua sententia stabilienda, plurima, quæ à

natura fiunt, adduunt: ea scilicet, quæ in

mari concrecant plurima, Corallia, ovorum

testas, aquas lapidificas vitriolum, alumen; &

alio-

aliorū saliū coagulationes, & in ipsa aqua concre-
 tiones: Salinū ex Ossibus animalīū & cor-
 nibus in distillatione proventū copiosum, &
 Calculorū in Corporibus animalīū cōcreti-
 nē. Sape etiā Calculosi urinā reddūt, quæ mu-
 cū planē & albumē ovi refert: qui humor mu-
 cosus linteo exceptus in lapidem concre-
 scit; quem sale copiosissimo abundare, ex eo patet,
 quod acris est, erodit & summos dolores uri-
 nam reddentibus parit: Et licet vulgō multi ē
 qualitatibus primis, talium concretionum &
 coagulationū causas reddere cōtētur: tamen
 frustra laborant. Nam nec exsiccatio, nec ca-
 lor, nec frigus hic locū habere possunt; Cum
 in aquis quibusdā res lapidescant: quarum hi-
 storias Collegit Anshelm. Boet. *de Gemm. lib. 2.*
c. 300. Et in renibus ac vesica; ubi nunquā hu-
 mor deest, & talis exsiccatio cogitari non po-
 test, lapides generantur. Et lotia excepta in
 frigido loco asservata, citius lapidescūt, quam
 in calido. Idem probant lapides Ruptorij, à
 Chirurgis parati, qui ex lixivio cōponūtur &
 ferē merus sal sunt. Ipse quoq; Libav. *alleg. lo-*
co in Exam. Phil. Vital. p. 220. dum cōtra Chy-
 micorum sententiam disputat, hujus rei do-
 cumentū, quod Chymicorum sententiam cō-
 firmat, affert. *Avium*, inquit, *ventriculi resolvūt*
lapillos & gemmas satis duras, quæ aves deinde fi-
num reddunt sale nitroso pragnantē, quo & cal-
culi humani atteruntur. Sicut & ea pro Chy-
 micis facere videntur, quæ, *lib. 2. Epist. Chym. E-*
pist. 8.

pist. 8. & 9. habet: Et inter alia & hoc, quod scribit, *Oleum plumbi coagulari nō ita ab aqua, ac acerrimo vitrioli spiritu; & adhuc acriore oleo stanni.* Quibus experimētis omnibꝫ adducti Chymici, frustra semper & præcipuè in rerū cōcreatione ad externas causas recurri cēsent. Cum potius & magis plerūq; ad internā materię dispositionē respiciēdū sit: qua tā in corpore humano, quam extra lapidescere res statuunt.

Non tamen ex solo sale duritiem proveni- *Duritię causa.*
re, sed ex sale & terrestri materia conjunctis,

& quidem utriusq; certam proportionem requiri existimant. Terrestris scilicet portionis quantitatem eam, quæ impedire possit, ne sal ille unitus solvatur: salisq; rursus tantam, ne terra pulveris instar dilabatur & diffluat. Ideoq; maximā salis quantitatem nō posse nimis parvā terrestrē portionē in lapidem vertere. Quò tamen, debita proportionē servatā, plus salis habet materia terrestris, eò magis cōpingitur & indurefcit. Simili modo rem se habere dicūt, ut in ijs, quæ frigore cōgelantur. Sicut enim lutrum aquæ mistū, à frigore duritiē ferè lapideā acquirit; & Glacies absq; glutine cohærentiam ac duritiem acquirit: ita in lapidibus idem præstare dicunt sale, qui in glaciei vel Chrystalli speciem congeletur atq; induretur. Idq; etiā probare videtur hoc, quod si quis accipiat Cineres, eosq; abluat, & sale inde separēt, deinde igni committat, nūquam lapidescere animadvertet: Si verò Salē à cineribus

ribus non auferat, admista aqua, lapidescere ad ignem deprehendet.

*Concretio
& coagu-
latio.*

Libavius verò contra hanc sententiam, in *Examine Philosophiæ vit. c. 31.* prolixè disputat, Et salem seu fixationis, seu compactionis, seu coagulationis, seu solidationis, causam esse negat: Quæ omnia hic in medium afferre, prolixum nimis foret. Rem paucis completi libet. Primò verò hic multæ æquivocationes occurrunt, & propterea frustra in causis coagulationis & concretionis investigandis laboratur, nisi æquivocatio tollatur. Nam concreta & congelata non sunt ejusdem generis. Dicuntur enim & succi concreescere & gummata & aqua, & alia plurima: Solida etiam multa. Est solida glacies, & lutum gelu concretum; Sunt Cristalli; sunt vitra; sunt metalla solida; quæ omnia ab una causa non fiunt. Nam nimium simplex est, qui aquam & Crystallos ab eadem causa duritiem habere & concrevisse putant. Ut ergo de his distincte agamus, non hic quæstio est, de ijs, quæ sola siccitate coagulantur & dura fiunt, absumta humiditate, quæ antea diffuebant aut emolliebantur; aut quæ sua natura concreta fuerant, calore verò fluida reddita, quæ rursum frigore accedente concreescunt: Sed cum multa etiam in humido coagulari & concreescere videamus, & causam neque in exiccationem, neque in calorem, neque in re-
frige-

frigerationem referre valeamus: de alia potius & interna causa cogitandum est.

Dux autem Concretionis species hic nobis *Concretio duplex.* perpendendæ sunt, quæ accidunt, nulla parte materiæ demtâ vel addita, sed tota è liquida fluiditate consistentiâ accipiente & concreſcente. Ad quas distinguendas etsi nominibus commodis destituamur: non tamen parum differunt. Unam concretionis speciem Chymici, Germanico vocabulo appellant: **Schiessen**: Quæ coagulatio propria est salium. Quo modo videmus vitriolum, alumen, nitrum, sales ex plantis paratos, Salemin destillatione succini, Urinæ, Cornuum & ossium concreſcere; & ex fluiditate in consistentiam mutari. Neque solum concreſcunt hoc modo & coagulantur sales: sed & certis figuris concreſcunt, & mirabilem formationem habent, ut ipse Libavius, in *alchym. triumph. pag. 851.* loquitur. Aliam nimirum nitrum, aliam vitriolum, aliam aliud.

Atque hæc concretio salium propria est, & *Salium concretio.* natura sua ad talem coagulationem & concretionem tendunt. Quod cum neget Libavius, in *Exam. Phil. vit.* Experientiæ & sibi ipsi obloquitur. Oculis enim cernere licet, quomodo sua sponte, in ipsa aqua, sales illi ChrySTALLINI, & quidem certis figuris concreſcant. Nec sequitur, quod objicit Libavius; si sal esset causa concretionis, omnia eandem figuram haberent. Cōcreſcere enim & coagulari salis omnis

est proprium : sed hac vel illa figura coagulari, hujus vel illius. Omnes enim sales suâ naturâ ad coagulationem tendunt, & Spiritum coagulantem habent : sed cum alia forma & natura specifica sit nutri, alia vitrioli, alia aluminis, alia salis cômunis: quilibet sal secûdum suam formâ, à Spiritu formativo sibi proprio, hac vel illa figura concrefcit & coagulatur.

*Soliditatis
& duritiei
caussa.*

Verum cum sales per se soliditatem non habeant, sed facîle frangantur, & liquefcant : Gemmæ verò, lapides & fluores, ut appellantur Metallici, lapides in animalibus, ac similia non solum concrefcant ac certa figura constent, sed & solida ac dura sint, nec in humido liquefcant : An illa non solum concretio ac figura, sed & soliditas ac firmitas, ac ut sic dicam, lapidescentia, à solo sale fiat, porro inquirendum. Si quis & hanc à sale deducere velit, cum eo non pugnauerim. Nam licet sales per se duritiem ac soliditatem non habeant : ex partibus tamen terrenis, & alijs admistis, eam accipit corpus, quod beneficio salis concrefcit : & terra sali unita præstat, ne sal facile liquefcât & solvatur : Contra sal præstat, ne terra pulveris instar diffuat, id quod in muris, è calce lapidibus ac arena extractis, videmus. Ubi firmitatis quidem, duritiei ac soliditatis causa sunt lapides ac arena : Ferruminatio verò & concretio à sa-

le

le est. Quod vel ex eo patet, quod calx elota, ut & lutum tam firmos parietes non præstat.

Si quis tamen in sale tantum acquiescere *Lapides* nolit & aliam causam præterea addendam *scientia* censeat, nec eum reprehenderim. Imò valde probabile esse statuo, lapidescentiam, firmitatem & soliditatem in Lapidibus & Gemmis, à Spiritu vel succo lapidescente provenire: ita ut plus sit lapidescere, quam simpliciter coagulari, & lapidescere lapideus, & quæ ijs cognata sunt, proprium sit; reliqua verò omnia ob spiritum hunc vel succum lapidescentem, lapidescant. Non amen vis lapidescendi sine sale esse debet, sed saltem plurimum ad eam facere, concretionis exempla plurima docent, & inter cætera & hoc: Quod licet calculi etiam in animalium partibus generentur: frequentissime tamen in renibus ac Vesica, ubi sal opiosissimus. Verum concurrat in lapideus peculiaris natura & Spiritus quidam lapidificans, seu fixativus, qui omnibus, quæ intrat, lapideam duritiem tribuit: alijs tamen majorem, alijs minorem, pro dispositione materiæ. Hic Spiritus lapidificus aut scus lapidescens cum passim in terra & aëre reperiatur, & terræ quævis plantarum fœtus plurimum salis in se contineat, qui plantis in alimentum cedit: non mirum est, quod scus ille lapidescens, aut sal coagulans,

si non rectè separetur & excernatur, postea in Corpore humores excrementitios, quibus conjungitur, in lapideam duritiem facile cōvertat. Ex hoc etiam Spiritu & succo semina quædam lapidea, quæ coctione nec eliquantur, nec emolliuntur, maximam partem constare, credibile est. Imò cum pars quælibet sibi simili succo nutriatur, quicquid in alimentis est ejusmodi succi & Spiritus & Salis coagulativi, in animalibus ad ossium, testarum, lapillorum, quales in Hirundinibus, Conchis, Astacis, & alijs plurimis inveniuntur, constitutionem & generationem consumitur; Id quod ipsa Resolutio ostendit. Cum talia pleraque; ferè nihil sint, nisi Sal; aut certè copiosissimum Salem exhibeant. Atque ejus rei documentum præbet lapis, quem osteocollam nominant, qui admirabilem in ossium fracturis sanandis vim habet, si drachmæ dimidiæ pondere cum vino aliquoties exhibeatur. Cum enim proculdubio carnibus & alijs partibus mollioribus assimilari non possit: ab ossibus ob majorem cognationem attrahitur; qui fracta ferruminat. Quamvis enim quod de ossibus, cornibus & testis animalium diximus, in dubium vocare conetur Libavius; dum Salem copiosorem ex carnibus & alijs mollioribus partibus, quam ex ossibus sæpè à Chymicis elici posse scribit: tamen fidem in hoc non meretur. Consulatur experientia, & rem contrario modo se habere planum fiet.

Atque

Atque hic Spiritus lapidescens & concretivus postea etiam metallis, jam uno gradu post lapides constitutis, inest. Unde à spiritu plumbi Argentum vivum coagulari videmus. Et hinc facile est causam reddere, cur passim in Thermis, Acidulis, Fontibus salis, gypsi, vitriolo & similibus, styriæ, tophi, & lapides canalibus accrescant. Ex iisdem etiam jam causam reddere non difficile erit, quomodo ex cineribus & arena vitra fiant; quomodo ex luto, seu terra, non quavis, sed sui generis, lateres & ollæ conficiantur.

Cum autem salium magna sit differentia, *Salium differentia.* & quidā sint amari, quidam acidi, quidam austeri, inquirendum est, quænam sint prima, quæ à natura nobis suppeditantur, salium genera. Occurrit autem nobis primò sal esculentum, nitrum, vitriolum, alumen, sal ammoniacus. Quæ enim aliæ passim apud Chymicos occurrunt differentia, compositi sunt è pluribus sales, ut Borras factitius, Alembrot & similes. Neque, qui ex plantis eliciuntur, sales planè simplices videntur, sed ex primis compositi. In plantis enim & animalibus variè alterantur & miscentur sales: Et plantarum aliæ plus salis Aluminosi, aliæ vitriolari: aliæ plura genera salium mista participant. Thomas Moufettus de salium differentijs, hæc habet, in *Epistolis Chymicis*, quæ quilibet perpendere & examinare poterit. Hoc enim sine ea ducimus, non ut cuiquam

ea obtrudamus, neque quod omnī ex parte ea approbemus: Sed cum farraginem quandam salium contineant, ut quilibet considerare possit, quænam primæ sunt salium differentiarum. Sal, inquit, quicumque est vel domesticus, vel peregrinus; ille gratus, mitis, præservans à putrefactione, & proprium quasi condimentum corporis. Hic verò atrimoniam, aciditatem, ardentem, amaritudinem, erosionem, punctiōem, stimulationem proforationemq; ex saliorum seminis vitio aut propria intemperantia contraxit. Omnium tam internorum, quam externorum ulcerum, exiturarum, Apostematum, cutisq; apertionum autor. Salis autem species in homine variae dicuntur. Alij ex mineris orti Arsenicales, ferruginei, venerei, vitriolati, Aluminosi, Gemmei, Ammoniaci, Crystallini: Alij à plantis sumti, Urticales, persicarij, piperini, opiat, Tartarei, Aronici, Zingiberini: Alij verò ab animalibus, Viperini, Lupini, Canini, Stellionaves, Cantharidei, Scorpionei, Tarantulares &c. Nec sanè immerito. Nam velut aliter afficitur homo à Tarantula morsus, atque à Stellione aut vipera: Sic etiam Sal quidam risum, titillationem, pruritumq; gravissimum excitat: Alius verò ingentem corporis dolorem, inquietudinem, insaniam, hydrophobiam, ut hominem non à stimulo interno punctum, sed à Cane rabido extra vulneratum existimes. Atque ut dipsades morfu suo ingenerant sitim, Hemorrhoids sanguini

guinis fluxum, Amphibena inflammationem, aspis soporem, dryinus Cardilogmon, Stellio livorem, Salamandra congelationem, solifuga pestem, Scolopendra putredinem inducit: Sic etiam Sal Hydropicus, menstrualis, pleuriticus, Mercurialis, Anthracinus, Narcoticus, Pestilentialis eadem facit Symptomata, ubicunque in nobis sibi hospitium post factam separationem paravit.

Sulphur Chymicorum alterum principium est. An autem æquè primum, an verò jam magis, quam sal compositus sit, quis non sine causa dubitaverit. Cum Sulphur jam saporem habeat & proinde de sale participare videatur. Sulphuris autem proprium est esse *λογιστόν*: & nil sine Sulphure inflammatur. Eidem attribuitur odor; & Sulphur primum odorabile statuitur. Reliqua omnia talia sunt propter Sulphur. Nonnulli etiam primum coloratum faciunt, & probabilius, quam illi, qui sali colores tribuunt.

Sed & Sulphurum plura occurrunt genera: *Sulphuris præcipua sunt Sulphur commune, petroleum differentia, seu Naphtha; quò & succinum pertinet; sperma ceti dictum, seu pinguedo mari innatans, Carbones fossiles, Auripigmentum. Arsenicum. Thomas Mouffettus, loco allegato, de Sulphuris differentiis hæc habet. Sulphur est vel animale, vel vegetabile vel minerale (verum quas recensuimus Sulphurum species, adhuc cõ-*

muniores esse videntur: Cum solæ extra animalia, vegetabilia & mineralia reperiantur) *Animalium & vegetabilium Sulphur est vel naturale vel artificiale.* Naturale, quod ipsa natura sensibus tractandum emittit; qualia sunt pinguedines omnium animalium, Cerificia apum, Resina arborum, lacryma tamaricis, pinus, Terebinthis, Abietis, styracis, piceæ, lentisci &c. gummi (sed de hoc non sine causa dubitari potest, An ad Sulphur seu oleum pertineat; cum ab alijs ad succos Mercuriales referatur) cerasorum, Lacca Lasepitij, Cedri &c. Artificialia vero sunt olea, Spiritus ardentes, resina, Lacryma & Gummata vegetabilia, ex utrisq; tam animalibus quam vegetabilibus extracta. Mineralia quoque Sulphuri artis & nature beneficio eliciuntur. Natura, ut succini, Bituminis, oleorum, pinguedinum, omniumq; corporum unguosorum sub terra spontanea efflorescentia. Artificialia quoque Sulphura multa eliciuntur, ex pyrite, Gagete, Carbone fossili, Bitumine, & cæteris. Postea Sulphuris in corpore humano differentias recenset. Et quomodo ex eo pluri morbi generentur, docet: quæ brevitatis studio hic omitto, & loco allegato legi possunt. Imprimis videatur *pars 3. singularium Libavij*, ubi prolixè & doctè de Bituminis speciebus disserit. Bituminis autem voce generalissime & latissime utitur, eadem planè significatione, qua Chymici vocem Sulphuris usurpare solent.

Bitumen.

In

In tertio principio ꝯ scilicet, ut quod sentio, candidè dicam, non nihil hæreo. Non quidem Paracelsus est horum principiorum autor, sed faciunt jam eorum mentionem Isaacus Hollandus, & Fr. Basilius Valentinus, qui vixit circa initia morbi Gallici, excitati in Europa, circa annum 1493. Nemo tamen, quod sciam, quid per ꝯ intelligendum sit, ita explicat, ut animum veritatis avidum expleat, aut quomodo ab aqua vel sale volatili; imo Sulphure subtilissimo inflammabili differat, monstret. Severinus, *cap. 8.* ꝯ ideo reliquis principiis addendum esse scribit, ut assidua irrigatione duo priora, sal scilicet & Sulphur, actionum frequentia ad siccitatem & senium in horas festinantia foveret & mistione fluidam substantiam redderet facilem. Quercetanus, in *defens. contra Anonym. c. 14.* ꝯ dicit esse liquorẽ illum acidum, permeabilem, penetrabilem, purissimum & athereum: illud corpus ὁμοῦ δὲ αἰθέριον, subtilissimum, viviscum, ac Spirituosum, vitæ pabulum & ὁμοῦ δὲ seu formæ proximum instrumentum, Spiritum antiquissimi Hermetis. Eodem ferè modo Beguin, in *Tyrocin. Chymico*, ꝯ dicit esse liquorem illum acidum, permeabilem, penetrabilem, athereum, purissimum: à quo omnis nutritio, sensus, motus, vires senectutisq; præpropere retardatio. E quibus postea recentiores alij suas descriptiones mutuati sunt.

Verum in ijs omnibus non pauca sunt, quæ non satis sibi constare videntur. Primò enim, cum liquorem acidum esse dicunt, suorum dogmatum non satis memores videntur. Cum enim sapor, secundum doctrinam Chymicorum, à sale proveniat, si in liquore aliquo aciditas percipiatur, ille potius erit à sale armoniaco quodam acido, quam à Mercurio; & plurima liquida pro Mercurialibus habentur, quæ acida non sunt: Sicut in Spiritu vini plurimum inesse Mercurij docent Chymici, in quo tamen aciditas nulla percipitur.

Deinde Mercurius modo ipsis est aqueus, modo Aereus, modo Æthereus (quod mirum si acidus est) & sic etiam igneus. Nam æthera & ignem pro eodem habent plerique Paracelsici. *Præterea* si est proximum animæ instrumentum, si pabulum vitæ: quid de Spiritu naturali, vitali, animali fiet? quid de calido innato, & humido radicali? Aut quomodo hæc à Mercurio distinguuntur. Nam & Spiritus proximum animæ instrumentum sunt. Et calor natus, ac humidum primigenium, oleaginosum & Aereum, in isto spiritu, totius formæ custode ac propagatore, perfusum, facit ut omnia vivant & vigeant. Et certe esse vitæ pabulum, Sulphuri potius, pingui, quam Mercurio, aqueæ substantiæ convenire videtur. Imò nutrire non est principiorum: sed potius nutrimenti è principijs compositi.

Tribu

Tribuunt etiam Mercurio colores: Verum *Colores*
nec in eo ipso sibi consentiunt. Paracelsus *unde.*
enim cum alibi, *tum tract. 1. de pestilent. tit de*

cabala: Salem omnibus rebus, colorem & formam dare statuit; quod tamen vero parum consentaneum videtur: Et neque à sale, neque à Mercurio colores provenire probabile. Cum enim sal benè purificatus sit candidus & perspicuus; multo magis talis erit liquor Mercurialis Aereus, Æthereus, purissimus: & proinde rectius color Sulphuri attribuitur. Libavius tandem, cum reliquas definitiones omnes, in *Examine Phil. vit. c. 29.* examinasset, hanc profert. *Mercurius est liquor essentialis, arte Chymica, ex misto, separatis elementaribus impuritatibus, extractus, Sulphuri salisq., ejusdem misti oppositus.* Verum nec hæc satis clara definitio est, nec quas proprietates ille liquor essentialis habeat, & quomodo ab alijs discernatur, satis explicat. Exempli quidē loco producit aquas & vegetabilibus destillatas: Verum si Spiritum inde separet, non video quid remaneat, nisi aqua. Ut uno verbo dicam, Davus hic sum, non Oedipus; & clariora, quæ animum veritatis avidum exsaturent, audire cupio.

Si tamen quod mihi probabile videtur dicendum, si quis est Mercurius, Aut concedendum, eum esse liquorem aliquem Spirituosum, vel Spiritum, qui tamen à Sulphure subtili ac sale volatili vix ac ne vix quidem separari possit, ut solus
conspi-

conspiciatur. Unde de ϕ vini & Rosarum scribit Libavius, *loco allegato*. Quod ϕ à phlegmate separatus, non sit solus, sed habeat secum quintam essentiam, Spiritum nimirum inflammabilem, quem aliqui Sulphur esse dicunt. Aut statuendum ϕ esse corpus adhuc magis compositum, quam sit sal & Sulphur, quod sit proxima metallorum materia: Unde etiam omnia metalla resolvi possunt in ϕ , ut in Elia Artista monstravit Raphæel Eglinus. Atque adeo ob hanc doctrinæ obscuritatem factum puto, ut Mouffettus, in *Epistolis Chymicis*, cum salis & Sulphuris in majore mundo longum catalogum & plurimas differentias recenset, nihil ferè aut pauca de ϕ habeat. Ac proinde non sine causa scripsisse videtur Libavius, in *Exam. Philos. vit. Sect. 6. Chymicos recentiores notis quidem quibusdam Sulphur, ϕ , sal describere: Verum quando urgentur, & cum certitudo queritur, ac quidnam sit ϕ , quid sal, quid Sulphur, exactius queritur, omnia confundere, ac in sale ϕ & Sulphur; In Sulphure ϕ & salem: In ϕ salem & Sulphur inesse contendere.*

De principiis Chymicorum sententia.

Quæ omnia ut concludam, salva eorum, qui meliora monstraverint, sententia, ita de principiis dum mihi videtur sentiendum. De sale & Sulphure esse rem clariorem, eaque separationibus Chymicis ad oculum demonstrari posse. De ϕ clariorem doctrinam à Chymicis desiderari. Et re hinc inde pensitata, quid statuam, aliud non habeo, quam, si præter

ter salem & Sulphur & elementa, seu ut appellant, phlegma & terram mortuam, aliquid amplius in corporibus naturalibus omnibus (nam non in specie de mercurio metallorum principio hic quaeritur) reperitur: illud esse *Mercurium* Spiritum illum & ὅσῃαν ἀνάλογον τῷ τῶν ἁ- *quid.*
 ρων στοιχείῳ secundum Aristotelem. Ita enim entia temerè non multiplicabuntur. Et omnia, quæ Aristoteles Spiritui tribuit, quod scilicet sit *Ἡ δὲ πάντων διήκοντα ἐμψυχὸς τε καὶ γόνιμη ὅσῃα, καὶ φύσις ἀνάλογος ὅσῃα τῷ τῶν ἁρῶν στοιχείῳ*: ea omnia Mercurio suo tribuunt. Hic enim, ut Quercetanus & Beguinus eum definiunt, est substantia seu corpus permeabile, penetrabile, æthereum, purissimum, subtilissimum, vivificum, & formæ proximum instrumentum; imo Spiritus antiquissimi Hermetis.

Atque hæc de principiis paulò prolixius proponere volumus; cum in principiis considerandis nulla diligentia nimia esse posset.



CAPUT

CAPUT XII.

DE GENERATIONE & Miftione.



Am quomodo ex his feminibus, principijs & Elementis rerum generatio & miftio ex sententia Chymicorum recentiorum fiat, inprimis è cap. 8. P. Severini videamus.

*Generatio
quid Chy-
micis.*

Fundamenta generationis in feminibus, de quibus antea dictum, consistere statuunt; generationemq; nihil aliud esse, quam progressionem seminum è suis fontibus, abyssis, & vitalibus principijs in hanc mundanam scenam, qua ex invisibilibus visibilia fiant, & colores, saporès, odores, caliditatem, frigiditatem, humiditatem, siccitatem, magnitudines, situs, conformationès & omnium corporum ornamenta producant, & hoc modo individuorum renovatione specierum perpetuitatem custodiant. Atque ita, quæcunque hic alterationes, mutationes, motusque apparent, eos non nisi fluxus seminum, corporum consumptionibus, instaurationibus, transplantationibus vicissitudines definitas ostendit.

dantium esse statuunt. Et quæcunque nova
indies fieri videntur, in suis abyssis & semine
antra delitescere melioriq; vitâ frui dicunt:
& rursum quæ hîc corrumpi videntur, non
felinare ad non-Ens, sed, destinatis muneribus
absolutis, ad fontes suos recurrere. Et
hoc modo ad generationem necessaria esse
Elementa vel matrices seminalibus rationibus
fecunda & corporum principia. Et quidem
loca, matrices, Elementa, corpora seminibus
consentanea requiri. Semina enim potestatem
hanc habere, ut adfiscant sibi consentanea: neque
in quolibet subjecto habitare, sed in tali calido,
frigido, humido vel sicco; in tali Sale, Sulphure,
Mercurio, talia semina habitare. Et pro hujus
sententia assertionem citant Hippocratem, qui, *lib. 1. de
Dieta* scribit: *δοτόλυνται μὲν ἕθεν ἀπάντων
ζημμάτων, ἕθεν γίνονται, ὅτε μὴ καὶ πρόσθεν ἦν.
Ζυμμιζόμενα δὲ καὶ ἀεκερινόμενα, δόπολλοι
οἰσται; νομίζεται δὲ ὡς τῶν ἀνθρώπων, τὸ
μὲν ἐξ ἁδὸς ἐς Φῶς αὐξηθὲν, γένεσθαι: τὸ δὲ ἐκ
τῆς Φάως εἰς ἁδὴν μειωθὲν, δόπολέσθαι, Ὁφθαλμοῖσι
δὲ δεῖ πιστεύεσθαι, μᾶλλον, ἢ γνώμεσθαι.
ἐγὼ ὅτι ταῦτα γνώμη ἐξηγέομαι. Ζῶα γὰρ κακεί-
να, καὶ ταῦτα, καὶ ἐπὶ τῷ ζῶον ἀποθανεῖν οἶοντε μὴ
μὲν πάντων, καὶ γὰρ ἀποθανεῖται, ἕτερον μὴ ὅν γενέ-
σθαι, μὴ ὄντι ὅθεν ὡς γινώσκεται. Nihil quidem
omnino perit nec, oritur, quod prius non erat:
verum in indicem commixta & discreta alterantur.*

At

Orcus Hip-
pocratis.

At homines existimant, id quod ex Orco in lucem
augetur, oriri: quod verò ex luce ad Orcum im-
minuitur, perire: magisque oculis quam rationi
fidem esse adhibendam. Ego vero ista ratione ex-
ponam, Animalia namque sunt & illa & ista,
neque animal interire potest, quin omnia inter-
eant, neque quod non est, generari, cum non sit,
unde generetur. Εἰς mox: Φάσκει ζῶν: σκότος
ἀδῆ. Φάσκει ἀδῆ, σκότος ζῶν. Ποῦτα καὶ μετα-
κινεῖται, κεῖναι ὡδὲ, καὶ ταῦδε κείναι πάλιν ὡρῶν
Να πρὸς οὐδρα. κείνα τὰ τῶνδε. τὰ δὲ ταῦτα,
κείνων. καὶ θ' ἂν μὴ πρὸς ὅσιν, ἐκ οὐδασιν. ἂν δὲ
πρὸς ὅσιν, δοκέσθιν εἰδέναι. καὶ θ' ἂν μὴ ὁρῶσι,
ὃ γινώσκουσιν. Ἀλλ' ὅμως αὐτοῖσι πάντα γίνε-
ται, δι' ἀνάγκην θείαν, καὶ ἂν βύλονται καὶ
μὴ βύλονται. Lux Jovi, Tenebra Orco; Lux
Orco, Tenebra Jovi; commeant & trans-
mutantur illa huc & hac illuc; & omni qui-
dem tempore illa horum, hac verò illorum res
peragunt: & qua quidem faciunt, non sciunt;
qua verò faciunt, scire videntur, & qua quidem
vident, non cognoscunt: & tamen hac omnia ne-
cessitate divina contingunt, & qua volunt, &
qua nolunt.

Lux Hip-
pocratis.

Nimirum signaturis seminum ornata cor-
pora & pulchritudine vestita lucis imaginem
repræsentare; deflorescentia verò seminum-
que vigore destituta caligine obduci, & hinc
tenebras appellari, docet Severinus: hineq;
feminibus refluentibus & cætus mortalium
relin-

relinquentibus, tenebrarum nomen imposi-
tum fuisse.

Absolvere autem suos progressus & ope-
rationes semina sentiunt spirituum mecha-
nicorum, quos appellant, ope. Appellant au-
tem Spiritus Mechanicos, qui scientia innata
decorati, & artificiosa Mechanica instructi,
Saporis, coloris, odoris, figurarum, magnitu-
dinum, ordinis & proportionum in rebus na-
turalibus causa sunt: cum spiritus, qui artifi-
cio & ista scientia instructi non sunt, nudi va-
pores & fumi inanes sint.

Prout autem Elementa subtilitate, crassitie,
mobilitate, pondere, & semina ipsa inter se
differunt: ita quoque generationum diversi-
tatem accidere, & quasdam habere celeres
periodos, alias longioribus intervallis circui-
tus suos absolvere.

In globo inferiore tres insignes differentiæ Generationum
occurrunt; Animalium, Vege-
tabilium, & Mineralium, quas hoc modo ex-
plicant. In animalibus seminalem materiam
in Balsamo animali, in vitali Sulphure, in spi-
ritu vitali, in Mumia, in Radicali & prima ma-
teria animalium, quam appellant, contineri
statuunt, quæ in homine, non ut in reliquis ani-
malibus. certis anni temporibus turgat & flo-
res emittat, sed æquè hyeme ac æstate, vere,
autumno. Esse autem diversos generationis
Animalium modos. Perfecta enim animalia
ex proprio solum semine generare & genera-

*Spiritus
mechanici.*

*Generatio-
nes in globo
inferiori.*

*Animalium
generatio.*

muniores esse videntur; Cum solæ extra animalia, vegetabilia & mineralia reperiantur) *Animalium & vegetabilium Sulphur est vel naturale vel artificiale.* Naturale, quod ipsa natura sensibus tractandum emittit; qualia sunt pinguedines omnium animalium, Cerificia apum, Resina arborum, lacryma laricis, pinus, Terebinthia, Abietis, stiracis, picea, lentisci &c. gummi (sed de hoc non sine causa dubitari potest, An ad Sulphur seu oleum pertineat; cum ab alijs ad succos Mercuriales referatur) cerasorum, Lacca Laserpitij, Cedri &c. Artificialia vero sunt olea, Spiritus ardentes, resina, Lacryma & Gummata vegetabilia, ex utrisq; tam animalibus quam vegetabilibus extracta, Mineralia quoque Sulphuri artis & naturæ beneficio eliciuntur. Natura, ut succini, Bituminia, oleorum, pinguedinum, omniumq; corporum unctuosorum sub terra spontanea efflorescentia. Artificialia quoque Sulphura multa eliciuntur, ex pyrite, Gagate, Carbone fossili, Bitumine, & cæteris. Postea Sulphuris in corpore humano differentias recenset. Et quomodo ex eo pluri morbi generentur, docet: quæ brevitatis studio hic omitto, & loco allegato legi possunt. Imprimis videatur *pars 3. singularium Libavij*, ubi prolixè & doctè de Bituminis speciebus disserit. Bituminis autem voce generalissime & latissime utitur, eadem planè significatione, qua Chymici vocem Sulphuris usurpare solent.

Bitumen.

In

In tercio principio ꝯ scilicet, ut quod sentio, candidè dicam, non nihil hæreo. Non quidem Paracelsus est horum principiorum autor, sed faciunt jam eorum mentionem Isaacus Hollandus, & Fr. Basilius Valentinus, qui vixit circa initia morbi Gallici, excitati in Europa, circa annum 1493. Nemo tamen, quod sciam, quid per ꝯ intelligendum sit, ita explicat, ut animum veritatis avidum expleat, aut quomodo ab aqua vel sale volatili; imo Sulphure subtilissimo inflammabili differat, monstret. Severinus, *cap. 8.* ꝯ ideo reliquis principijs addendum esse scribit, ut assidua irriguatione duo priora, sal scilicet & Sulphur, actionum frequentia ad siccitatem & senium in horas festinantia foveret & mistione fluidam substantiam redderet facilem. Quercetanus, in *defens. contra Anonym. c. 14.* ꝯ dicit esse liquorẽ illum acidum, permeabilem, penetrabilem, purissimum & athereum: illud corpus ὁσώδες, æreum, subtilissimum, vivificum, ac Spirituosum, vita pabulum & ὁσία, seu formæ proximum instrumentum, Spiritum antiquissimi Hermetis. Eodem ferè modo Beguin9, in *Tyrocin. Chymico*, ꝯ dicit esse liquorem illum acidum, permeabilem, penetrabilem, athereum, purissimum: à quo omnis nutritio, sensus, motus, vires senectutisq; præpropera retardatio. E quibus postea recentiores alij suas descriptiones mutuati sunt.

Verum in ijs omnibus non pauca sunt, quæ non satis sibi constare videntur. Primo enim, cum liquorem acidum esse dicunt, suorum dogmatum non satis memores videntur. Cum enim sapor, secundum doctrinam Chymicorum, à sale proveniat, si in liquore aliquo aciditas percipiatur, ille potius erit à sale armoniaco quodam acido, quam à Mercurio; & plurima liquida pro Mercurialibus habentur, quæ acida non sunt: Sicut in Spiritu vini plurimum inesse Mercurij docent Chymici, in quo tamen aciditas nulla percipitur.

Deinde Mercurius modo ipsis est aqueus, modo Aereus, modo Æthereus (quod mirum si acidus est) & sic etiam igneus. Nam æthera & ignem pro eodem habent plerique Paracelsici. *Præterea* si est proximum animæ instrumentum, si pabulum vitæ: quid de Spiritu naturali, vitali, animali fiet? quid de calido innato, & humido radicali? Aut quomodo hæc à Mercurio distinguuntur. Nam & Spiritus proximum animæ instrumentum sunt. Et calor natus, ac humidum primigenium, oleaginosum & Aereum, in hoc Spiritu, totius formæ custode ac propagatore, perfusum, facit ut omnia vivant & vigeant. Et certe esse vitæ pabulum, Sulphuri potius, pingui, quam Mercurio, aqueæ substantiæ convenire videtur. Imò nutrire non est principiorum: sed potius nutrimenti è principijs compositi.

Tribu-

Tribuunt etiam Mercurio colores: Verum *Colores*
 nec in eo ipso sibi consentiunt. Paracelsus *unde.*
 enim cum aibi, *tum tract. 1. de pestilent. tit de*
cabala: Salem omnibus rebus, colorem & for-
 mam dare statuit; quod tamen vero parum
 consentaneum videtur: Et neque à sale, neque
 à Mercurio colores provenire probabile. Cum
 enim sal benè purificatus sit candidus & per-
 spicius; multo magis talis erit liquor Mercuri-
 alis Aereus, Æthereus, purissimus: & proin-
 de rectius color Sulphuri attribuitur. Libavi-
 us tandem, cum reliquas definitiones omnes,
in Examine Phil. vit. c. 29. examinasset, hanc
 profert. *Mercurius est liquor essentialis, arte Chy-*
mica, ex misto, separatis elementaribus impurita-
tibus, extractus, Sulphuri salis, ejusdem misti op-
positus. Verum nec hæc satis clara definitio est,
 nec quas proprietates ille liquor essentialis
 habeat, & quomodo ab alijs discernatur, satis
 explicat. Exempli quidē loco producit aquas
 ē vegetabilibus destillas: Verum si Spiritum
 inde separe, non video quid remaneat, nisi a-
 qua. Ut uno verbo dicam, Davus hic sum, non
 Oedipus; & clariora, quæ animum veritatis
 avidum exsaturent, audire cupio.

Si tamen quod mihi probabile videtur
 dicendum, si quis est Mercurius, Aut
 concedendum, eum esse liquorem ali-
 quem Spirituosum, vel Spiritum, qui ta-
 men à Sulphure subtili ac sale volatili vix
 ac ne vix quidem separari possit, ut solus
 conspi-

conspiciatur. Unde de ϕ vini & Rosarum scribit Libavius, *loco allegato*. Quod ϕ à phlegmate separatus, non sit solus, sed habeat secum quintam essentiam, Spiritum nimirum inflammabilem, quem aliqui Sulphur esse dicunt. Aut statuendum ϕ esse corpus adhuc magis compositum, quam sit sal & Sulphur, quod sit proxima metallorum materia: Unde etiam omnia metalla resolvi possunt in ϕ , ut in Elia Artista monstravit Raphæl Eglinus. Atque adeo ob hanc doctrinæ obscuritatem factum puto, ut Mouffettus, in *Epistolis Chymicis*, cum salis & Sulphuris in majore mundo longum catalogum & plurimas differentias recenset, nihil ferè aut pauca de ϕ habeat. Ac proinde non sine causa scripsisse videtur Libavius, in *Exam. Philos. vit. Sect. 6. Chymicos recentiores notis quidem quibusdam Sulphur, ϕ , sal describere: Verum quando urgentur, & cum certitudo queritur, ac quidnam sit ϕ , quid sal, quid Sulphur, exactius queritur, omnia confundere, ac in sale ϕ & Sulphur; In Sulphure ϕ & salem: In ϕ salem & Sulphur inesse contendere.*

De principiis Chymicorum sententia.

Quæ omnia ut concludam, salva eorum, qui meliora monstraverint, sententia, ita de principiis dum mihi videtur sentiendum. De sale & Sulphure esse rem clariorem, eaque separationibus Chymicis ad oculum demonstrari posse. De ϕ clariorem doctrinam à Chymicis desiderari. Et re hinc inde pensitata, quid statuam, aliud non habeo, quam, si præ-

ter

ter falem & Sulphur & elementa, seu ut appellent, phlegma & terram mortuam, aliquid amplius in corporibus naturalibus omnibus (nam non in specie de mercurio metallorum principio hic quaeritur) reperitur: illud esse *Mercurium* Spiritum illum & εἶαν ἀνάλογον τοῖς τῶν αἰ- *quid.*

σρων στοιχείω secundum Aristotelem. Ita enim entia temere non multiplicabuntur. Et omnia, quae Aristoteles Spiritui tribuit, quod scilicet sit *Ἄφ' πάντων διήκοντα ἐμψυχὲς τε καὶ ζῶντα* εἶα, καὶ φύσις ἀνάλογος εἶα τοῖς τῶν αἰσρων στοιχείω: ea omnia Mercurio suo tribuunt. Hic enim, ut Quercetanus & Beguinus eum definiunt, est substantia seu corpus permeabile, penetrabile, æthereum, purissimum, subtilissimum, vivificum, & formæ proximum instrumentum; imo Spiritus antiquissimi Hermetis.

Atque hæc de principiis paulò prolixius proponere volumus; cum in principiis considerandis nulla diligentia nimia esse posset.



CAPUT

si non rectè separaretur & excernatur, postea in Corpore humores excrementitios, quibus conjungitur, in lapideam duritiem facile cōvertat. Ex hoc etiam Spiritu & succo semina quædam lapidea, quæ coctione nec eliquantur, nec emolliuntur, maximam partem constare, credibile est. Imò cum pars quælibet sibi simili succo nutriatur, quicquid in alimentis est ejusmodi succi & Spiritus & Salis coagulativi, in animalibus ad ossium, testarum, lapillorum, quales in Hirundinibus, Conchis, Aftacis, & alijs plurimis inveniuntur, constitutionem & generationem consumitur; Id quod ipsa Resolutio ostendit. Cum talia pleraque; ferè nihil sint, nisi Sal; aut certè copiosissimum Salem exhibeant. Atque ejus rei documentum præbet lapis, quem osteocollam nominant, qui admirabilem in ossium fracturis sanandis vim habet, si drachmæ dimidiæ pondere cum vino aliquoties exhibeatur. Cum enim proculdubio carnibus & alijs partibus mollioribus assimilari non possit: ab ossibus ob majorem cognationem attrahitur; qui fracta ferruminat. Quamvis enim quod de ossibus, cornibus & testis animalium diximus, in dubium vocare conetur Libavius; dum Salem copiosorem ex carnibus & alijs mollioribus partibus, quam ex ossibus sæpè à Chymicis elici posse scribit: tamen fidem in hoc non meretur. Consulatur experientia, & rem contrario modo se habere planum fiet.

Atque

Atque hic Spiritus lapidescens & concretivus postea etiam metallis, jam uno gradu post lapides constitutis, inest. Unde à spiritu plumbi Argentum vivum coagulari videmus. Et hinc facile est causam reddere, cur passim in Thermis, Acidulis, Fontibus salis, gypsi, vitriolo & similibus, styriæ, tophi, & lapides canalibus accrescant. Ex iisdem etiam jam causam reddere non difficile erit, quomodo ex cineribus & arena vitra fiant; quomodo ex luto, seu terra, non quavis, sed sui generis, teres & ollæ conficiantur.

Cum autem salium magna sit differentia, *Salium differentia.* quidā sint amari, quidam acidi, quidam austeri, inquirendum est, quænam sint primæ, & à natura nobis suppeditantur, salium genera. Occurrit autem nobis primò sal esculentum, nitrum, vitriolum, alumen, sal ammoniacus. Quæ enim aliæ passim apud Chymicos occurrunt differentia, compositi sunt è tribus sales, ut Borras factitius, Alembrot similes. Neque, qui ex plantis eliciuntur, simpliciter simplices videntur, sed ex primis compositi. In plantis enim & animalibus se alterantur & miscentur sales: Et plantarum aliæ plus salis Aluminosi, aliæ vitrioli: aliæ plura genera salium mista participant. Thomas Moufettus de salium differentiis, hæc habet, in *Epistolis Chymicis*, quæ libet perpendere & examinare poterit. enim sine ea ducimus, non ut cuiquam

ea obtrudamus, neque quod omni ex parte ea approbemus: Sed cum farraginem quandam salium contineant, ut quilibet considerare possit, quænam primæ sunt salium differentiarum. Sal, inquit, quicumque est vel domesticus, vel peregrinus; ille gratus, mitis, præservans à putrefactione, & proprium quasi condimentum corporis. Hic vero acrimoniæ, aciditatem, ardo-rem, amaritudinem, erosionem, punctiorem, stimulationem proforationemq; ex saliorum seminis vitio aut propria intemperantia contraxit. Omnium tam internorum, quam externorum ulcerum, exituarum, Apostomatum, cutisq; apertionum autor. Salis autem species in homine variae dicuntur. Alij ex mineris orti Arsenicales, ferruginei, venerici, vitriolati, Aluminosi, Gemmei, Ammoniaci, Crystallini: Alij à plantis sumti, Urticales, persicarij, piperini, opiat- ti, Tartarei, Aronici, Zingiberini: Alij vero ab animalibus, Viperini, Lupini, Canini, Stellionaves, Cantbaridei, Scorpionei, Tarantulares &c. Nec sanè immerito. Nam velut aliter afficitur homo à Tarantula morsus, atque à Stellione aut vipera: Sic etiam Sal quidam risum, titillationem, pruritumq; gravissimum excitat: Alius vero ingentem corporis dolorem, inquietudinem, insaniam, hydrophobiam, ut hominem non à stimulo interno punctum, sed à Cane rabido extrà vulneratum existimes. Atque ut dipsas- ses morsu suo ingenerant sitim, Haemorrhoids san- guinis

guinis fluxum, Amphibena inflammationem, aspis soporem, dryinus Cardilogmon, Stello livorem, Salamandra congelationem, solifuga pestem, Scolopendra putredinem inducit: Sic etiam Sal Hydropicus, menstrualis, pleuriticus, Mercurialis, Anthracinus, Narcoticus, Pestilentialis eadem facit Symptomata, ubicunque in nobis sibi hospitium post factam separationem paravit.

Sulphur Chymicorum alterum principium est. An autem æquè primum, an verò jam magis, quam sal compositus sit, quis non sine causa dubitaverit. Cum Sulphur jam saporem habeat & proinde de sale participare videatur. Sulphuris autem proprium est esse *λογιστον*: & nil sine Sulphure inflammatur. Eidem attribuitur odor, & Sulphur primum odorabile statuitur. Reliqua omnia talia sunt propter Sulphur. Nonnulli etiam primum coloratum faciunt, & probabilius, quam illi, qui soli colores tribuunt.

Sed & Sulphurum plura occurrunt genera: præcipua sunt Sulphur commune, petroleum seu Naphtha; quò & succinum pertinet; sperma ceti dictum, seu pinguedo mari innatais, Carbones fossiles, Autipigmentum Arsenicum. Thomas Mouffettus, loco allegato, de Sulphuris differentiis hæc habet. *Sulphur est vel animale, vel vegetabile vel minerale* (verum quas recensuimus Sulphurum species, adhuc cõ-

muniores esse videntur: Cum solæ extra animalia, vegetabilia & mineralia reperiantur) *Animalium & vegetabilium Sulphur est vel naturale vel artificiale.* Naturale, quod ipsa natura sensibus tractandum emittit; qualia sunt pinguedines omnium animalium, Cerificia apum, Resina arborum, lacryma taricis, pinus, Terebinthia, Abietis, styracis, picea, lentisci &c. gummi (sed de hoc non sine causa dubitari potest, An ad Sulphur seu oleum pertineat; cum ab alijs ad succos Mercuriales referatur) ceraforum, Lacca Laserpitij, Cedri &c. Artificialia vero sunt olea, Spiritus ardentes, resina, Lacryma & Gummata vegetabilia, ex utrisq; tam animalibus quam vegetabilibus extracta. Mineralia quoque Sulphuri artis & naturæ beneficio eliciuntur. Natura, ut succini, Bituminia, oleorum, pinguedinum, omniumq; corporum unguosorum sub terra spontanea efflorescentia. Artificialia quoque Sulphura multa eliciuntur, ex pyrite, Gagate, Carbone fossili, Bitumine, & cæteris. Postea Sulphuris in corpore humano differentias recenset. Et quomodo ex eo plurimi morbi generentur, docet: quæ brevitatis studio hic omitto, & loco allegato legi possunt. Imprimis videatur *pars 3. singularium Libavij*, ubi prolixè & doctè de Bituminis speciebus disserit. Bituminis autem voce generalissime & latissime utitur, eadem planè significatione, qua Chymici vocem Sulphuris usurpare solent.

Bitumen.

In

In tercio principio ꝑ. scilicet, ut quod sentio, candidè dicam, non nihil hæreo. Non quidem Paracelsus est horum principiorum autor, sed faciunt jam eorum mentionem. Isaacus Hollandus, & Fr. Basilius Valentinus, qui vixit circa initia morbi Gallici, excitati in Europa, circa annum 1493. Nemo tamen, quod sciam, quid per ꝑ. intelligendum sit, ita explicat, ut animum veritatis avidum expleat, aut quomodo ab aqua vel sale volatili; imo Sulphure subtilissimo inflammabili differat, monstret. Severinus, *cap. 8.* ꝑ. ideo reliquis principiis addendum esse scribit, ut assidua irriguatione duo priora, scilicet & Sulphur, actionum frequentia ad siccitatem & senium in horas festinantia foveret & mistione fluidam substantiam redderet facilem. Quercetanus, in *defens. contra Anonym. c. 14.* ꝑ. dicit esse liquorẽ illum acidum, permeabilem, penetrabilem, purissimum & æthereum: illud corpus ὁσιώδες, æereum, subtilissimum, vivificum, ac Spirituosum, vitæ pabulum & ὁσία, seu forma proximum instrumentum, Spiritum antiquissimi Hermetis. Eodem ferè modo Beguinus, in *Tyrocin. Chymico*, ꝑ. dicit esse liquorem illum acidum, permeabilem, penetrabilem, æthericum, purissimum: à quo omnis nutritio, sensus, motus, vires senectutisq; præpropera retardatio. E quibus postea recentiores alij suas descriptiones mutuati sunt.

Mercurius.

Verum in ijs omnibus non pauca sunt, quæ non satis sibi constare videntur. Primò enim, cum liquorem acidum esse dicunt, suorum dogmatum non satis memores videntur. Cum enim sapor, secundum doctrinam Chymicorum, à sale proveniat, si in liquore aliquò aciditas percipitur, ille potius erit à sale armoniaco quodam acido, quam à Mercurio; & plurima liquida pro Mercurialibus habentur, quæ acida non sunt: Sicut in Spiritu vini plurimum inesse Mercurij docent Chymici, in quo tamen aciditas nulla percipitur.

Deinde Mercurius modo ipsis est aqueus, modo Aereus, modo Æthereus (quod mirum si acidus est) & sic etiam igneus. Nam æthera & ignem pro eodem habent plerique Paracelsici. *Præterea* si est proximum animæ instrumentum, si pabulum vitæ: quid de Spiritu naturali, vitali, animali fiet? quid de calido innato, & humido radicali? Aut quomodo hæc à Mercurio distinguantur: Nam & Spiritus proximum animæ instrumentum sunt. Et calor natus, ac humidum primigenium, oleaginosum & Aereum, in fito spiritu, totius formæ custode ac propagatore, perfusum, facit ut omnia vivant & vigeant. Et certe esse vitæ pabulum, Sulphuri potius, pingui, quam Mercurio, aquæ substantiæ convenire videtur. Imò nutrire non est principiorum: sed potius nutrimenti è principijs compositi.

Tribu

Tribuunt etiam Mercurio colores: Verum *Colores*
nec in eo ipso sibi consentiunt. Paracelsus *unde.*
enim cum alibi, *tum tract. 1. de pestilent. sit de*
cabala: Salem omnibus rebus, colorem & for-
main dare statuit; quod tamen vero parum
consentaneum videtur: Et neque à sale, neque
à Mercurio colores provenire probabile. Cum
enim sal benè purificatus sit candidus & per-
spicuus; multo magis talis erit liquor Mercu-
rialis Aereus, Æthereus, purissimus: & proin-
de rectius color Sulphuri attribuitur. Libavi-
us tandem, cum reliquas definitiones omnes,
in Examine Phil. vit, c. 29. examinasset, hanc
profert. *Mercurius est liquor essentialis, arte Chy-*
mica, ex misto, separatis elementaribus impurita-
tibus, extractus, Sulphuri salis, ejusdem misti op-
positus. Verum nec hæc satis clara definitio est,
nec quas proprietates ille liquor essentialis
habeat, & quomodo ab alijs discernatur, satis
explicat. Exempli quidè loco producit aquas
è vegetabilibus destillatas: Verum si Spiritum
inde separe, non video quid remaneat, nisi a-
qua. Ut uno verbo dicam, Davus hic sum, non
Oedipus; & clariora, quæ animum veritatis
avidum exsaturent, audire cupio.

Si tamen quod mihi probabile videtur
dicendum, si quis est Mercurius, Aut
concedendum, cum esse liquorem ali-
quem Spirituosum, vel Spiritum, qui ta-
men à Sulphure subtili ac sale volatili vix
ac ne vix quidem separari possit, ut solus
conspi-

ter salem & Sulphur & elementa, seu ut appellan-
 tur, phlegma & terram mortuam, aliquid
 amplius in corporibus naturalibus omnibus
 (nam non in specie de mercurio metallorum
 principio hic quaeritur) reperitur: illud esse *Mercurius*
 Spiritum illum & ἑστὶν ἀνάλογον τοῖς τῶν ἀ- *quid.*
 στρων στοιχείω secundum Aristotelem. Ita enim

entia temerè non multiplicabuntur. Et om-
 nia, quæ Aristoteles Spiritui tribuit, quod
 scilicet sit *ἡ δὲ πάντων διήκοντα ἐμφυχὲς τι*
καὶ ζώνοντι ἑστὶν, καὶ φύσις ἀνάλογος ἑστὶν
τοῖς τῶν ἀστρῶν στοιχείω: ea omnia Mercurio
 suo tribuunt. Hic enim, ut Quercetanus &
 Beguinus eum definiunt, est substantia seu
 corpus permeabile, penetrabile, æthereum,
 purissimum, subtilissimum, vivificum, & for-
 mæ proximum instrumentum; imo Spiritus
 antiquissimi Hermetis.

Atque hæc de principijs paulò prolixius
 proponere volumus; cum in principijs con-
 siderandis nulla diligentia nimia
 esse posset.



CAPUT

dentium esse, statuunt. Et quæcunque nova
indies fieri videntur, in suis abyssis & semine
antea delitescere melioriꝝ vitâ frui dicunt:
& rursum quæ hic corrumpi videntur, non
festinare ad non-Ens, sed, destinatis muneri-
bus absolutis, ad fontes suos recurrere. Et
hoc modo ad generationem necessaria esse
Elementa vel matrices seminalibus rationi-
bus fœcunda & corporum principia. Et qui-
dem loca, matrices, Elementa, corpora semi-
nibus consentaneâ requiri. Semina enim po-
testatem hanc habere, ut adsciscant sibi con-
sentanea: neque in quolibet subjecto habi-
tare, sed in tali calido, frigido, humido vel
sicco; in tali Sale, Sulphure, Mercurio, talia
semina habitare. Et pro hujus sententia as-
sertione citant Hippocratem, qui, *lib. 1. de*
Dieta scribit: *διόλουται μὲν ὅθεν ἀπάντων*
χημάτων, ὅθεν γίνεται, ὅτι μὴ καὶ πρὶ ὅθεν ἦν.
Συμμιγρόμενα δὲ καὶ διακρινόμενα, διπολ-
λοῦνται; νομίζεται δὲ ὡς τὰ τῶν ἀνθρώπων, τὸ
μὲν ἐξ ἁδὸς ἐς Φῶς αὐξήσῃ, γένεσθαι: τὸ δὲ ἐκ
τῆς Φάως ἐς ἄδην μειώσῃ, διπολέσθαι, Ὁφθαλ-
μοῖσι δὲ δεῖ πιστεύεσθαι, μᾶλλον, ἢ γνώμῃσιν.
ἐγὼ ὅτι ταῦτα γνώμῃ ἐξηγέομαι. ζῶα γὰρ κακί-
να, καὶ ταῦτα, καὶ ἔτι τὸ ζῶον διποθανεῖν οἶοντε μὴ
μὲν πάντων, καὶ γὰρ διποθανεῖται, ἔτι τὸ μὴ ὄν γενέ-
σθαι, μὴ ὄντι ὅθεν ὡς αὖτε γιγνέσθαι. Nihil quidem
omnino perit neqꝫ, oritur, quod prius non erat:
veram invicem commixta & discreta alterantur.

At

relinquentibus, tenebrarum nomen imposi-
tum fuisse.

Absolvere autem suos progressus & ope-
rationes semina sentiunt spirituum mecha-
nicorum, quos appellant, ope. Appellant au-
tem Spiritus Mechanicos, qui scientia innata
decorati, & artificiosa Mechanica instructi,
Saporis, coloris, odoris, figurarum, magnitu-
dinum, ordinis & proportionum in rebus na-
turalibus causa sunt: cum spiritus, qui artifi-
cio & ista scientia instructi non sunt, nudi va-
pores & fumi inanes sint.

Prout autem Elementa subtilitate, crassitie,
mobilitate, pondere, & semina ipsa inter se
differunt: ita quoque generationum diversi-
tatem accidere, & quasdam habere celeres
periodos, alias longioribus intervallis circui-
tus suos absolvere.

In globo inferiore tres insignes differentiæ
generationum occurrunt; Animalium, Vege-
tabilium, & Mineralium, quas hoc modo ex-
plicant. In animalibus seminalem materiam
in Balsamo animali, in vitali Sulphure, in spi-
ritu vitali, in Mumia, in Radicali & prima ma-
teria animalium, quam appellant, contineri
statuunt, quæ in homine, non ut in reliquis ani-
malibus, certis anni temporibus turgescat & flo-
res emittat, sed æquè hyeme ac æstate, vere,
autumno. Esse autem diversos generationis
Animalium modos. Perfecta enim animalia
ex proprio solum semine generare & genera-

*Spiritus
mechanici.*

*Generatio-
nes in globo
inferiori.*

*Animalium
generatio.*

custodiri in Mineralibus, sed semina eorum & species in seminalibus materiæ rationibus vivere, conservariq; in nocte illa Orphei, in Or- *Nox Orphei.*
 co Hippocratis, in Iliastro Paracelsi, in locis & Elementorum beatis recessibus, ibidemque destinatum expectare fatum, & præscriptis temporibus, vitalibus principijs & spiritibus Mechanicis comitatas, mundanam provinciam ingredi, & loca alimenta consentanea petere. Vitamque Mineralibus non denegandam esse *Vita mineralium scilicet Chymic.*
 existimant; idque ex maturitatis temporibus, ex paroxysmorum ratis periodis, ex venarum ordinatis progressionibus, corporum consentaneis compositionibus, saporibus, coloribus, probare conantur. Neq; enim majus artificium esse dicunt, in formis & figuris vegetabilium sive animalium, quam in Colorum, Saporum, Odorum, Coagulationum, actionum, proportionum, quæ in his præcipue vigent, ordinatâ explicatione: atque æquè admiratione dignum esse Colorem Sapphiri, duritiæ Adamantis, perspicuitatē Crystalli, pulchritudinē Auri, ac organa Vespertilionis. Quin etiam formas externas naturales in his non esse prætermittas. Alijs enim formis Coagulationes Vitriolorum, alijs Marcasitarum, alijs Nitrosorum, alijs Crystallorum, Berillorum, Adamantis repræsentantur.

Quod autem globū superiorem attinet, ejus generationes etiam certas esse, sed longè alias *Generationes globi superioris*
 statuunt. In Elemento enim cœlesti Indivi-

etus emittant. Singulis mensibus novā generatione fructus Lunam proferre: sed & reliquas stellas habere suas effervescentias, & fructuum dispensationes: quasdam bis in anno Orientes scilicet & occidentes: quasdam semel, ut Zodiaci signa. Ita & in Aeris regione quamvis astra non conspiciantur, nihilominus & ibi esse Vitalia generationis principia, destinatis temporibus fructuum dispensatione effervescentia, opinantur.

Neq; hæc ita explicare licet, ut dicatur, superiorum siderum influxu materiam inferioris mundi moveri, atq; inde excitatis vaporibus & exhalationibus varijs Meteoris materiam præberi. Alia longè est Paracelsi & asseclarum ejus sententia, ut ex Paracelsi *libr. de Diei & noctis causis*, videre est. De diei enim & noctis causis ita docet, *libro Meteor. cap. 3. sec. Paracelsi*. Solem esse stellam diurnam, quæ lucem procreet: nocturnas verò tenebras non ab absentia Solis provenire. Lucis enim ejus tantam vim esse, ut etiam apud antipodes constitutus Sol per reflexum nihilominus nostram terram illuminare possit: Verum esse quasdam stellas nocturnas, quarum fructus peculiare, ut pyri pyra, pomi poma sint nocturnæ tenebræ. Eodem modo de æstate & hyeme philosophatur. Vicissitudines enim has temporum ex humiliore vel altiore Solis positu, radiorumq; ejus obliquitate aut rectitudine fieri negat; sed asserit esse quasdam stellas æstivas, quasdam

dam hibernas. Inter æstivas quidem principatum obtinere Solum: absq; reliquis tamen si esset, perpetuam futuram hyemem. Inter hibernas Lunam præcipuam esse, æstivas stellas hiberno tempore non secus ac arbores, quæ floribus & fructibus carent, ac velut emortuæ videntur, effectas quasi torpere: Et ut arbores verno tempore primò gemmas, mox folia, deinde flores, & tandem fructus producant, rursusq; ea amittunt & quasi emoriuntur: ita & stellas illas æstivas verno tempore reviviscere, & paulatim incrementa coloris sumere, tandemq; ubi ad summum calorem pervenerint, rursus exarescere. His consenescentibus reviviscere & revirescere stellas hibernas & suos fructus, frigus nimirum progignere, donec & ipsæ tandem suæ generationis periodum absolvent. Atque ut arbores non omnibus annis æquè fertiles sunt, ita etiam illas stellas nunc esse steriles, nunc magis fœcundas, & hinc calorem æstatis nunc intensiorem, nunc remissiorem esse. Eandem rationem esse frigoris hiberni. Ventorum similem generationem tradit: de pluvijs, nivibus, fulgure, tonitru, Iride, Aurora, idem, *in libro Meteororum*, docet.

*Mistio sec.
Clymic.*

Ita cum de generatione sentiant, *Mistionem* quoq; huic consentaneam statuunt, vulgatâq; de mistione doctrinam reprehendunt, quaruntq; cum mistio sit motio quædam, quis sit motor, qua potestate ad mistionem Elementa

ac tam iusto pondere & mensurâ confluant?
adjungendumq; censent esse motorem, prin-
cipium vitale scientiâ instructum, formam,
speciem, semina, astrum, cujus potestate & in-
fallibili scientia tam divina mistionis officia
administrantur.

Porrò accidens quoddam generationis *Transplan-*
Transplantationem esse docet Severinus. Si *tatio fec.*
enim alimenta, quæ semina pro sui corporis *Chymius.*
conformatione, augmento & conservatione
attrahunt, validis facultatibus & potestatibus
destituta fuerint, & spiritibus seminum ob-
temperaverint: justam & debitam generatio-
nem fieri. Si verò & alimenta ipsa validas po-
testates habuerint, seminumque proprietati-
bus viguerint, miscebuntur quidem, sed si-
gnaturæ variabuntur, nec fiet, quod volunt
semina, & fiet pro generatione Transplanta-
tio, quam appellat. In genere quidem perfe-
ctorum animalium Transplantationes raro-
res fiunt; & non nisi in ijs, in quibus semi-
num & naturæ est affinitas. Ita lupi & canes,
Equi & Asinæ, Perdices & gallinæ miscentur.
In genere insectorum & animalium, in qui- *Transplan-*
bus sexuum discrimina non manifestè appa- *tatio in a-*
rent, frequentiores fieri Transplantatio- *nimalibus.*
nes docet; cum seminalia eorum princi-
pia multarum specierum scientiâ instructa
æquivocas generationes dictas admittant.
In vegetabilibus & mineralibus Transplanta-
tiones quasi comites generationum existe-

hil aliud esse dicunt quam progressionem seminum è suis fontibꝫ & abyssis in hanc mundanam scenam: Nova equidem non est hæc *Generatio quid sec. antiquos.* sententia, sed vetustissimorum Græcorum. Neque eam saltem proponit Hippocrates, *in lib. de dietis*, locisque à Severino allegatis, sed alij plurimi senserunt; Ex rebus nihil perire, neque nasci, nisi quod prius fuit. Hippocrates autem illud, unde res omnes prodire existimat, vocat *ἀδλῶ*, quasi rem invisibilem dicas. Res autem inde prodeuntes, *Φάσ* lucem. Et quod Hippocrates nominat, *Lux Hippocrati.* *ἀδλῶ*, Orpheus noctem appellat, Hermes *Nox Orphei.* Trismegistus *τὸ ἀφανές*; sicut & Dionis. Arcopagita, *in Ecclesiastica Hierarchia cap. 2.* Apollonius Thyaneus, *χοῖαν*; Seneca, Rerum naturam; Servius, Generalitatem, *in tertium Æneid.* Poetæ Chaos & Orcum. Quod verò *Chaos.* Hippocrates & Orpheus *Φάσ* vel lucem appellant, Apollonius nominat *Φύσιν*. Ita enim Apoll. Thyaneus, *in Epistola ad Valerium*: *θάνατος ὁδεῖς, ὃ δὲν ἔσθ' ἢ μόνον ἐμφάσει. καθάπερ καὶ γένεσις ὁδεῖς ἔσθ' ἢ μόνον ἐμφάσει. τὸ μὲν γὰρ ἐξ ὁσίας τεσσάρων ἐς Φύσιν ἔδοξε γένεσις: τὸ δὲ ἐκ Φύσεως εἰς ὁσίαν καὶ ταῦτα, θάνατος.* Hermes verò Trismegist. *sermone II. ἐς ἀφανές χωρεῖ τὰ ἡλαλυμένα.* Senec. *Epist. 36.* Cogit eorum nihil, quæ ab oculis abeunt & in Rerum naturam, ex qua prodierunt & mox processura sunt, reconduntur, consumi. Desinunt ista, non pereunt. Servius *in 3. Æneid.* Romani contra faciebant,

ciebant, comburentes cadavera, ut statim anima in Generalitem, id est, in suam redeat materiam.

*Origine
vni natu-
ralium &
propagatio.*

Verum enim vero etsi peruetustum est hoc dogma, quod hodie in lucem revocavit Severinus: veritati tamen consentaneum non est, & error iste, ut plerique omnes Gentilium Philosophorum, ex ignoratione Creationis mundi fluxit. Cum enim de vera origine mundi, & unde quælibet res habent suam essentiam & naturam, ipsis nihil certi constaret: res ex Nocte, orco & Abyssio invisibili in lucem prodire, & hinc rursus in eadem reverti crediderunt. Verum aliud nos docent Sacrae literæ, è quibus constat; Deum dixisse: *Germinet terra germen, Herbam producentem semen, arborem fructiferam ferentem fructum, juxta speciem suam, cui insit semen suum super terram & ita factum fuisse.* Dixisse DEUM; *producat aqua reptilia anima viventis & volatile volet super terram insuperficie expansionis cæli.* Dixisse DEUM; *producat terra animam viventem secundum speciem suam, jumenta & reptilia atque bestias terra, secundum speciem suam: factumq; fuisse ita.* DEUM creatis rebus benedixisse dicendo; *Crescite & multiplicamini.* Creavit nimirum DEUS Omnipotens omnium rerum naturalium species, plantas & animalia: Atque ita singulis suas formas cum corporibus dedit. Quæ Corpora cum non sint simplicia, is qui creavit, miscuit, ut voluit, pro sua sapientia elementa & cum
princi-

principijs illis intimis ac Spiritu & calido, Elemento stellarum analogo, conjunxit. Hoc modo ex elementis & principijs debito modo constituuntur individua; & vires suas habent, quibus non tantum aluntur, augentur & crescunt, sed etiam benedictione divina multiplicantur, & ad hanc usque diem conservantur. Ita ut plantarum & animalium omnium species nullibi sint, nisi in suis individuis. Atque hoc modo voluntate Creatoris ad hunc usque diem conservata est, ac porro conservabitur Rerum natura.

Primum ergo, ut nonnulli è vulgo Philosophi sentiunt, tam nobiles naturæ, tot insignibus qualitatibus præditæ, saltē ex concursu, conflictu, pugna & tandem attemperatōne elementorum nata sunt. Et vix satis mirari possum eorum pertinaciam, qui post Scaligeri, *Exerc. 307. Sect. 12. & 20. & alibi*, aliorumq; Philosophorum admonitiones, nihil præter elementa sapiunt, & ut recentiores quidam scribunt, *Cetera, præter hominem, omnem, juxta animam & corpus, materiam & formam, ex terra & aqua seu elementis creata esse*, & in secunda creatione, seu rerum conservatione materiam continuam iisdem ab elementis suppeditam dicunt. Licet enim terra & aqua in Genesi solum nominantur: tamen cum ut ipsimet fatentur, cetera non excludantur elementa: etiam per eadem nec nobiliora, de quibus hætenus dictum, prin-

*Elementa-
res philoso-
phi.*

*Anima
nulla ex
elementis.*

principia, vel animæ plantarum & animalium excludentur, quas alterius, quam elementaris esse originis, supra è Scaligero demonstratum. Creatio fuit ea, non generatio: & Creando DEUS. formas omnibus rebus indidit; non eas ex elementis composuit; creatisq; benedictione vim multiplicandi tribuit.

*Forma &
semina rerum
nat. non
latent in
Abyssu.*

Deinde nec ex Abyssis primò prodeunt rerum formæ & per Spiritus Mechanicos sibi adiscunt corpora idonea: sed creando DEUS. omnibus suas formas indidit, quæ ejusdem benedictione sese multiplicant. Itaque jam species rerum non nisi in Individuis conservantur. Et in individuis semina, per quæ propagantur, generantur: Non verò ex Abyssis vel orco Hippocratis prodeunt. Neq; credo, Severinum unquam vidisse, vel canem, vel aliud animal, progressu ex orco Hippocratis in mundanâ scenam, genitum fuisse. Neq; semina & Species rerum naturalium in Elementis mundi visibilibus per vim sunt, sed per naturam, quam à DEO Optimo maximo in prima creatione acceperunt. Et certe mirum, Severinum & ejus Sectatores, ea, quæ de patria sede, in qua beata quiete & vitæ ac essentia inestimabili copia fruuntur; hinc verò ad hos calamitosos, carceres pervenire & principiorum infelici conjugio plurima perpeti scribunt, ita audacter proferre ausos fuisse, quasi pridem ex illis locis venerint. Via, qua ista semina ex abyssis veniunt in mundanam

danam scenam, & hinc in abyſſos abeunt, procul dubio eſt porta illa, qua Æneas ex Averno redijt, id eſt, mera ſomnia ſunt, aut certè non talia, quæ ſine omni ratione admitti & probari debeant. His, & rebus naturalibus omnib. aſſerendis, ſenſibus & demonſtratione opus eſt: cum λόγος & πείρα in rebus naturalibus unicum veritatis ſint. *κρηττερον*; ſequimurq; rectè Scaligerum, *Exerc. 307. Sect. 20.* ſcribentem. *Rationibus agendum eſt viro veritatis ſtudioſo, non Tullianis Platoniciſq; pigmentis. Declamationes enim ambitioſorum opera; otioſorum cibi ſunt. Nature divinitatiſq; negotijs impedito animo, ſtudendum eſt ei brevitati, quæ res æquet verbis. Demonſtrationes certas pro Neſſare habeat. Quales cū hic nullas, ino nec probabiles conjecturas videam, ijs aſſentiri non poſſum. Sed pluribus iſta examinare operæ præcium non eſt. Fecit id ſatis prolixè Libavius, in *Exam. Philoſ. vital. Sect. 21.* Et olim jam Eraſtus, *part. 2. Diſp. contra Paracelſum.**

De paucis tamen quibuſdam adhuc quædam monenda ſunt. Quæ de generationibus & fructibus ſeminum Globi ſuperioris & de meteoris habet Paracelſus & Severinus, ea recitaſſe ſupra ſatiſ fuerit. Tam enim abſurda & ridicula ſunt, & cum ratione & Experientia pugnant, ut narrationes Luciani his probabilioreſ ſint. Ut non ſine cauſſa hac de re ſcripſerit Th. Eraſtus, *part. 2. diſp. contra Paracelſum.*

Princi-

*Meteorologia
Paracelſi abſurda.*

Principium, inquit, quo universa ejus doctrinā de Meteoris nititur, præter quā, quod impium est, & cum sacris literis palā pugnāt, tam est insulsum, ineptum, stultum, fatuum, absurdum, ridiculum, falsum, ut sine metu alicujus infamiā vix aliquis ausit recitare, nedum de ejus refutatione corā doctis agere.

Semina rerum in sunt Individuis Specier,

De cæteris, quæ habet Severinus, pauca dicemus. De plantarum & animalium generationibus facillè cum Aristotele conciliari potest. Modò primò seminum non in Individuis, non in Abyſſo & Orco Hippocratis conservatio, & per eadem specierum propagatio fieri statuatur. Id quod ipse Severinus nolens volens admittit, *p. 102. & seqq.* Ubi animalia ex semine maris & foeminæ generari, & *pag. 108.* perfecta animalia ex proprio solum semine gigni scribit. Et de Plantis, *pag. 114.* quod seminalis materiæ propagatione traducantur. Deinde, ne ea, quæ de plantarum generatione, & corporis earum cōstitutione dicuntur, Spiritibus Mechanicis solum, ut facit attribuatur, sed animæ potius. Ea enim corporis Architecta est; Spiritus verò animæ instrumentum:

An ex incorporeis corporeis fieri possint; & contra.

Sicut & illud non omnem conciliationem respuit (quanquā pro insania id habeat Erasmus) quod dicunt; Ex incorporeis fieri corpora, & contra ex corporeis incorporea. Si enim penitus rem inspiciamus, verbis potius, quā sensu ab Aristotelicis & Galenicis discrepant, dum corpora illa appellāt, quæ crassiora sunt, & tactu ac visui obvia: Spiritus verò, quæ sub-

tiora sunt, hosq; effugiunt. Eorū ergō mens est: Spiritus (sed & ipsos, si propriè loqui libet, corporeos) in corpora condensari, & contra corpora in spiritus attenuari. Quod nec Aristotelici vel Galenici negāt, qui & ipsi docent: ex sanguine spiritus vitales & animales generari, & contra spiritus crassescere & cōdensari posse. Et doctissimus Medicus Andreas Planerus, *lib. 2. meth. med. p. 72.* docet, quod ex cibo & potu excitentur halitus & vapores, quorū melior portio in venas meseraicas subeat & inhalet, ibiq; in speciem sanguinis concretione quadam cōmutetur. Testanturq; idem multa, quæ passim in rebus naturalib; fieri videmus, atque inprimis operationes Chymicæ, quibus fixa, volatilia, & corpora spiritus fiunt, ut loquuntur. Ex tritico, avena, cerasis & alijs multis spiritus Φλογισός extrahitur; idq; ut facilius fiat, fermentatio præcedens efficit. Eadem fermentatione panis præparatur, ut facilius concoquatur, & spirituosus fiat: sine fermentatione autē difficili; cōcoquitur. Cū ergo Paracelsici nec soli nec primi ita senserint (quāvis more suo parum cautè à cōmuni loquendi modo recedant) nō rectè cōciliationē aliquā hīc fieri posse negat Erasius, *part. 2. diss. contra Paracels.* Si ex ijs quidā absurdiores sunt, & aliquid quid sentiunt, eos nec defendendos nec cū Aristotel. & Galenic. cōciliandos suscipim;.

In specie verò de *Transplantatione* & mixture aliquid dicendū. Transplantationē autem

Transplantationis quid Chymicis.

tem appellant, cum non id, quod intenditur, sed aliud quid finitimum generatur, idq; duobus modis. Cum scilicet vel semina confunduntur, ut sit in perfectis animalibus; exempli gratia, cum ex equo & Asina mulus generatur, aut cum ex pluribus plantarum seminibus una planta generatur: Vel cum ex uno quidem semine aliud, quam fieri debebat, generatur; ut cum Triticum in Lolium degenerat. Hanc autem transplantationem fieri statuunt, ubi semina sunt æquivoca, id est, pluribus speciebus quasi communia. Esse enim statuunt in tritici semine, tam tritici, quam Lolij formam; sed illam principem, hanc ministram, & quasi comitem: atque illam tam diu Domini munia obire, quandiu omnia sese rectè habent, & alimentum, quod assumitur, & locus, in quo degunt. Quod si contrarium accidat, ex aliorum confluxu & conspiratione: tum ministram illam formam dominium accipere; istam verò quasi in servitutem redigi.

Forma sub-
ordinata.

Quæ doctrina planè improbanda non videtur: Cum multis, quæ in natura fiunt, probabile reddatur, unam formam sub diverso schemate corporis in naturæ theatrum progredi posse: Aut certe in uno semine posse esse plures formas, sed subordinatas; ita tamen, ut una sit princeps & Domina, reliquæ quasi ministræ. Perperdantur saltem diligenter Bombyces, in quibus una anima diversa corpora induit, & ut Aristoteles *5. de histor. Animal.*

Bombyces.

c. 19. & Plin. *lib. 11. hist. nat. cap. 22.* habet, Varia fit formarum successio. Primò enim ex ovo fit eruca, deinde Bombyx, hinc necydalus. De quare videatur Hier. Vidas, & Libavius, *singular. part. 2. Bombyciorum libr. 1.* Imò *Erucarū & papilionum generatio.* non solum ex ovis, sed & ex plantis putrescentibus Erucæ, & ex his papiliones generantur: & ut Aristoteles *de hist. animal. lib. 5. cap. 19.* habet, Erucæ ex virentibus folijs, maximeq; ex Brassica fiunt; ex erucis papiliones. Reprehendit quidem Aristotelem, ut & Plinium, Ulysses Aldrovandus, *lib. 2. de insect. c. 1.* quasi minus rectè de erucarum generatione senserint. Verum quid in ijs desiderare possit, aut quid ipse novi adferat, non video. Hoc quidem verum est, Erucas & similes vermes ex ovis papilionū nasci: Interim etiam, quod Aristoteles scribit, Papiliones ex Erucis, Erucas ex virentibus folijs, & alia talia animalcula *αἰσχροῦ* seu alata ex vermibus, qui ex herbis & lignis putrescentibus generantur, fieri, experientia testatur. Ipse cum ante annos jam plures hujus rei periculum facerem, & tempore hyberno, cum aliæ herbæ virentes ad manum non essent, brassicam rubram contusam in hypocausto, donec in ea vermes generarentur, observarem: Vermes illos in Chrysalides mutari cōperi; quos cum in arcula custodirē, eamq; postea aperirem, multæ parvæ muscæ evolabāt, quæ ex Chrysalidibus seu

Y aure

aurelijs natæ erant, & ex putamine abrupto proruperant.

Non tamen ex quavis planta, quilibet vermis generatur, sed ex certis certi; videnturq; talium Insectorum formæ plantarum & animalium formis subordinari. Et ex quibus quales vermes fiant, inter alios etiam recenset Scaliger, *Exercit. 59. sect. 2. Et exerc. 190.* Ita ex moro fiunt Bombyces, mediante tamen juvenco. Si enim defecerint, aut corrupta fuerint, hiberno tempore, ova, Juvencum 20. diebus solis mori folijs pascere jubent, eumque interfectum putredini relinquere, ut ex carnibus putrescentibus vermes nascantur, qui in Bombyces abeant. Ita etiam Virg. *in fine 4. Georg.* ex Bobus apes gigni docet. Quæ de re multa egregia & omnino ijs, qui Physici audire volunt, cognoscenda, habet Aristoteles, *l. 5. de historia animal. in primis cap. 19.* ubi docet in genere ex plantis vermes & erucas, ex his chrysalides, ex istis papiliones, & alia *ωπερωτά* & alata animalia nasci. Neque enim tantum papiliones, sed alia *ωπερωτά* & alata animalcula ex plantis nascuntur. Descripsit eodem libro inter alia, *cap. 32.* vermiculum, quem à corrupendis lignis *ΞιλοΦθόρον* nominat, quem nō alium puto esse, quam quem nostri *Stockwurm* appellant, quod ex corruptis lignis & caudicibus in aquis nascatur: qui vermiculus fluviatilis est, & tempore verno cum gobijs fluviatilibus capitur.

pitur. Descripsisse autem videtur Aristoteles potius vermiculum illum, cum jam chrysalidis formā induit, quam dum in aquis vivit. Idem Aristoteles quid ex eo animalis alati fiat, coniectum nondum esse, *loco allegato*, scribit. Verum mutatur in insectum illud vulgo notum, quod Ulysses Aldrovandus, *lib. 2. de insectis c. 10.* Perlas nominat; populares mei Silesij, Schneider/ Misnici Bolzen appellant.

Neque hoc loco prætereunda generatio *Anseres* anserum Scotiorum, quos incolæ *Clakguyse* *Scotici* nominant: qui etsi aves sint: non tamen aliarum avium more ex ovis excluduntur, sed in mari Scotico, prope Hæbrides insulas oriuntur, & nunc in conchis, nunc in lignis longiore in mari illo mora corruptis oriuntur. De quorum ortu Hectoris Boëtij, in *descript. regni Scotia*, narrationem inferere libet. Restat, inquit, ut de anseribus *Scoticis*, quos *Clachis* appellant, quosq; vulgo *perperam* in arboribus nasci in his insulis credunt, ea, quæ huius rei cognoscenda multo jam tempore studiose, & diligenter exploratâ perspectâq; cognovimus, differamus. Mari enim illi interjecto mihi magis eos procreandi via quædam inesse videtur, quam alicui alij rei. Varijs enim modis, semper tamen in mari, eos provenire conspeximus. Etenim si lignum in id mare projicias, temporis tractu primum in eo vermes excavato ligno nascuntur, qui sensim formati capite pedibusq; atq; alis; plumas postremo edunt: demum anseribus

T 2

magni-

magnitudine aequales, cum ad justam pervenerunt aetatem, cœlum petunt avium aliarum more remigio alarum per aëra delati. Id quod luce clarius anno à partu virginis 1490. plurimis spectantibus in Butbphania visum est. Nam cum in eam ad Petbslege castellum fluctibus huiusmodi quoddam lignum ingens delatū esset, rei novitate, qui primi conspexerant, admirabundi ad loci illius dominum accurrentes rem novam nunciant. Is adveniēns trabem ferrā dividi iubet; quo factō, ingens confestim apparet multitudo partim vermium, quorum alij adhuc rudes erant, alij membra quadam formata habebant, partim etiam jam formatarum perfectē avium, inter quas quedam plumas habebant, quedam implumes erant. Itaque rei miraculo stupefacti, iubente Domino, in templum Divi Andrea Tyre (pago cuidam id nomen est) lignum deportant, ubi & hodiē manet undique veluti à vermibus perforatum. Huius simile biennio post in Taumastu appulsum ad Bruthe castellum multis accurrentibus ostensum est. Nec diversum est, quod exinde duobus rursus annis Letbi portu Edimburgenſi, universo populo spectare contigit. Ingens enim navis, cui insigne ac nomen Christophori erat, ubi tres perpetuos annos ad unam Hebridum in anchoris constitisset, huc reducta, atque in terram subducta exesistatibus, quā mari semper mersa fuerat, partim vermium huiusmodi rudium perfectamvè avis for-

nam nondum habentium, partim jam absolutarum avium magnum numerum ostendit. Ceterum cavillari quispiam possit, arborum illis in insulis natarum truncis ac ramis virtutem hanc inesse: Christophorum quoque illam ex trahibus Hebridianis contextam fuisse. Itaque quod ipsemet septem ab hinc annis vidi, haud gravabor in medium adducere. Alexander Gallonidianus, Kilkendensis Ecclesie Pastor, vir praeter insignem probitatem rerum administrandarum studio incomparabilis, cum extractâ algâ marinâ inter caulem & ramos à radice statim usque ad cacumen conchas adnatas videret, rei novitate attonitus, mox cognoscendi studio eas aperit, ubi multò magis, quam antea, obstupescit constitit. Non enim piscem in testis conclusum, sed, dictu mirabile, avem & pro illius magnitudine testas quoque inauctas conspexit; quibus enim parvae inerant, & ipsae quoque apertae eas pro quantitate amplectebantur. Itaque ad me extemplo, quem huiusmodi rerum cognoscendarum jam olim magnâ cupiditate detentum noverat, celeriter accurrit, remq; omnem mihi monstrat, non magis rei miraculo obstupescit, quam rei tantae ac tam inaudite conspectu lato. Hac enim satis constare arbitror, non hac procreandarum avium semina aut truncis aut arborum inesse fructibus; sed ipsi Oceano, quem Maro, ut Homerus, patrem rerum haud temerè appellavit. Verum quoniam id fieri videbant cadentibus in aquam

arborum ad littus positarum pomis, ut temporis
eractu ex illis ea apparerent volucres, in eam sen-
tentiam adducti sunt, ut poma illa in ipsas com-
mutari arbitrentur; sed falso. Nam tempore
adnatis vi maris primum vermibus, atque ijs sen-
sim excrecentibus, vicissimq; pomis illis humidi-
tate corruptis disparentibusq;, non satis accuratè
perspicientibus, ex illis in has transmutari formas
visæ sunt. Hæc Hector Boëtius.

Degenera-
tio plan-
tarum.

Degenerant & Plantæ in plantas. Sic de-
generat Triticum in lolium; Sysimbrium, in
mentham; Rapum, in Raphanum; Ocymum,
in serpillum; vitis alba, in nigrara; nigra in
albam mutatur; Zea, in triticum, & cōtra tri-
ticum in Zeam; Caryophylli, Rosæ, violæ, sæ-
pe colores florum mutant. Unde Virgil. de se-
minibus scribit:

*Vidi lecta diu, & multo spectata labore
Degenerare tamen.*

Et de patre suo scribit Galenus, 2. de alimentor.
facultatibus Clas. 2. pag. 30. Quod Cum decli-
nante ætate agricultura delectaretur, triticum
ac hordeum aliquando feverit, omnibus di-
versi generis seminibus, quæ ipsis erant admi-
sta, selectis, quò certò cognosceret, num ex
ipsorum mutatione, lolium & agylops nasce-
rentur, an proprium hæc quoque semen ha-
berent. Cum autem fortè & una cum puris se-
minibus in tritico quidem frequens lolium,
in hordeo autem magnam agylopi vim na-
tam conspiceret, in alijs quoque seminibus
idem

idem est aggressus. Reperit igitur in lente quoque ex mutatione ipsius, durum, rotundumq; aracum & securinum, præterea Aparinē enatam.

Quæ omnia cum Agricolis notissima sint, miror Th. Eraſti, aliās viri doctissimi, pertinaciam, qui ut in Chymicis nihil concedat, istas plantarum transmutationes in dubium ferè vocare audet, dum de metallis scribit; plantas, quæ hoc modo transmutari dicuntur, natura & specie nullo pacto, sed accidentibus quibusdam communibus solummodò, ut tenuitate, pondere, colore & consimilibus alijs, à locorum, in quibus nascuntur, diversitate fermè provenientibus, differre. Utinam eam, quam Galeni pater, adhiberent in talibus diligentiam multi. Fieret enim ita, ne rusticis se deridendos propinarent. Certum ergo, plantas mutari, sed non quamvis in quamlibet, sed has in illas. Quæ omnia si diligentius perpendantur, & quæ in natura quotidie occurrunt studiosè observentur, multarum generationum causa reddi posset.

Recurrunt quidem multi hīc statim ad generationē æquivocā & putredinem, qua, sine *Generatio æquivoca an deſit.* semine, plura generare statuunt, cum plantas, tū animalia: Verum cum, qui ista statuūt, ipsi facile agnoscant, putredinē solā ad talia produci nō sufficere, & principali agente opus esse, alij Soli & cœlo, alij animæ mundi, alij intelligentiæ cuidam hoc munus tribuūt: sed nō

monstrant, unde & quando seu Sol, seu anima mundi, seu intelligentia vim hanc animalia producendi acceperit, & qua ratione ea producant. Erastus quidem potestatem divinam toti materiæ in creatione rerum Deo insitam authorem & effectorem ponit, *part. 2. disput. contra Paracels.* Sed monstret Erastus, quando Deus toti materiæ hanc potestatem indiderit. Ex terra & aqua plantas & animalia produxit Deus, omnibusq; formas suas indidit, iussitq; ut singulæ plantarum & animalium species sese multiplicarent, & secundum speciem suam semina & fructus ferrent: at quod materiæ toti, extra species, potestatem animalia producendi Deus indiderit, nusquam in sacris exstat.

*Propagatio-
num di-
versas.*

Ideoque de istius opinionis veritate, & *an ulla sit generatio verè equivoca*, quæ sine ullo planè semine fiat, si ea, quæ quotidie in natura fiunt, considerentur attentius, non sine causa dubitari posse videtur. In quam rem ut rectius inquirere possimus, propagationum variorum differentiæ considerandæ sunt. Ad omnem quidem propagationem plantarum & animalium, requiritur certa & peculiari modo disposita, seu *οικία ὕλη*, per quam forma se propagare possit: in alijs tamen ille apparatus materiæ est major & operosior, in alijs minor: & propagatio in alijs artioribus & angustioribus legibus & limitibus circumscripta & conclusa est: In alijs latior.

latioribus & laxioribus, Animalia perfecta pleraque saltem per commistionem seminis paterni & materni, in utero materno generantur. Alia ova pariunt, è quibus calore fotis pulli excluduntur. In animalibus ignobilioribus verò & plantis generatio non ita angustis legibus conclusa est. Plantæ quædam per semina solum terræ commissa propagantur: aliæ saltem per bulbos aut radices; aliæ utroque modo; aliæ per surculos, sed tamen eos solum, qui jam ad flores dispositi sunt; in alijs humor ille seminalis per totam plantam diffusus est, ita, ut quocunque ramo seu radice avulsâ & terræ commissa propagatio fieri possit, sicut id fit in salice, & ferè etiam in vite. Imò fungi si decoquantur, aut succus exprimatur, & succus vel decoctum radicibus arborum affundatur, fungi inde nascuntur. A viro quoque fide digno accepti, è spuma canis rabidi in veste hærente animalcula quædam canibus similima progenita fuisse. Nimirum illud seminale principium rerum minus nobilium in materia lenta & tenaci sæpe quasi sopitum diu latere, & externis injurijs ac impressionibus resistere, tandemq; iterum emergere, & suas actiones edere potest. Quod vel illud docet, quod multarum rerum essentia in multis mutationibus integra & sub alterius formæ dominio delitescere potest. Exempli loco sit nobis istud. Alatur capra herbis quibusdam purgantibus; lac capræ illius bibat nutrix, fiet

ut infans, qui lac fugit à nutrice, inde purgetur. Ubi primò in ventriculo Capræ herbæ illæ mutantur in Chylum: Ex Chylo fit sanguis in Epate; ex sanguine in mammis lac; Lac hoc ubi nutrix bibit, rursus fit ex lacte in vetriculo Nutricis Chylus; ex Chylo sanguis; ex sanguine lac; Lac hoc fugit Infans & purgatur. Atq; ita vis purgatrix, cum sub proprio subiecto & Spiritu, in tot mutationib. integra & incorrupta manet Aut cui hoc non sufficit, cogitet saltē illud, quod seu anima, seu λόγος πλαστικός tempore hiberno in tantillo semine in terra gelu concreta conservari potest. Cogitet etiam, quomodo sperma ranarum & piscium in ipsis aquis saluum cōservari possit.

Semē analogum.

Qui tamen illud semen, è quo talia generantur, non univoceum dicere velit, sed ἀνάλογον, cum eo non pugnarim: modò hoc concedat; Non ex putredine simpliciter talia generari. Sicut hac de re scribit Scaliger, in 1. de plant. *Universali ratione plantas agere, inquit, falsum est; nisi ex aquo & bono judicetur. Scilicet ut semen etiam sit ἀνάλογον. Nam stirpes, quæ semen ferunt nullum, nullo item semine possunt suam speciem propagare. Analogum intelligo, quod non planè directò, suscipit cum specie primaria prædicationem. Non enim simius, ex quo mus nascitur, est ejusdem naturæ specifica cum semine maris & femina murium. Ut enim in animalibus principium & fons vitæ unum est analogia; non in omnibus eor, sed in quibuldam*

busdam cor, in quibꝫdam quid cordi proportionē respondens, & quod eo munere fungitur, quo cor: ita & in ijsdem in alijs semen est perfectum, in alijs proportionē respondens, succus scilicet vel aliud quid, in se tamen feminale principium cōtinens. Ut verò illud, quod analogia cordi in animalibus respondet, revera vitæ principium est, & eo munere fungitur, quo in alijs cor: ita illud, quod semini est analogum, & per quod æquivocæ vulgò dictæ generationes perficiuntur, revera in se feminale principium continet, & ex eo planta vel animal producitur, non ex putredine simpliciter. Unde etiam animalia, quæ ex putredine gigni dicuntur, & quæ ex semine perfecto fiunt, sunt ejusdē speciei, ut postea dicetur.

Deinde non planè à ratione & experientia alienum videtur, quod semina quædam sint quasi ambigua & formas plures in se includāt: ita tamen, ut una dominari debeat, altera servire; nisi occasione oblata, aliud fiat: Aut certe semina quædam ad plures formas esse disposita, ut in Bombycibus, imò & Apibus appareat. Quod & J. C. Scalig. concedit, dum, *in l. de plantis*, cōfusa quorundā principia in seminibus esse dicit, ut rapi, & brassicæ, & aliorum,

*Semina
ambigua.*

Ex quo aliud adhuc perpendendum suggeritur: Nimirum insecta & animalia quædam ignobiliora ex nobiliorum partibus & excrementis generari: sed tamen certæ certis. Vermiculantur quidem arbores, alij tamē vermes

*Vermes ex
animalibꝫ.*

in,

*Vermes ex
animali-
bus.*

in alijs nascuntur. In robore Cossi appellati; sorbus infestatur vermibus pilosis, ruffis, ut habet Plini *lib. 17. c. 24.* Pityocampe eruca picearum & pinorum est; vermiculi sui generis in caseis nascuntur; scarabæi peculiares in fimo equino, alij in alio; Millepedes sub aquario vase; Cimices in lectis; Grylli in limo ad fornaces; pediculi & pulices in animalibus; lumbrici in intestinis animalium; bhlattæ in vestimentis & pellibus; gurgulio in frumento; mydas in fabis.

*Putredo
animalia
ex se non
generat.*

Neque hic ullo modo ex putredine causa, quomodo species certæ producantur, dari potest. Seminalis vis ad certam speciem producendam requiritur. Putredo verò saltem calorem suppeditat, à quo vis seminalis excitatur. Quod ipsum fatetur Scalig. *Exerc. 59. Sect. 2.* Ut in terra, inquit, mutantur plantæ aliæ in alias: ita supra terram gignunt è seipsis animalia. Idque non è putrefactione, sed quedam quasi semina foventes ad generationem. Neque solum in ipsis fructibus, quales in tritico sunt gurguliones, in nucibus vermiculi, in alijs aliæ bestiola, de quibus Theophrastus: sed ut è folliculis lentisci, quos fert, præter baccas, oblongiusculos facie siliquarum: ut non sine consilio. Natura apperati esse videantur, quasi futura matrices primò, mox etiam domicilia illorum volucellorum, sicut in ulmorum quoque vesicellis non absimiles ijs. Quapropter Arabes arborem cimum ulmum appellarunt. Sic è medulla cardui ful-

lonij,

lonij, cum maturuerit, vermiculus fit &c. Idem, Exerc. 190. statuit: Animalia, inquit, non è plantis putridis, sed tanquam succisvis operis soboles nascuntur. Nam neque fabas esse putridas, cum in ipsis bestiole gignuntur, certum est.

Ac proinde frustra, ac contra experientiam Avenrois & ejus sectatores disputant, Animalia ex putredine genita specie differre ab eis, quæ semine propagantur. Neq; enim omni semine destituuntur, ut jam dictum; nec putredo sola sufficiens est ullum animal producere. Et sit, ut ex putredine producantur animalia; tamen quæ indicare solent veritatem formæ specificæ, ea omnia in his animalibus cernuntur: Tota corporis conformatio, naturalis indoles, actiones omnes, & in primis animalium ejusdem speciei ex se propagatio & generatio.

An animalia ex putredine genita sint cum aliis ejusdem speciei.

Cum autem mistio & generatio parum differant, aut certe nulla generatio sine mistione fiat: tandem, ut caput hoc concludamus, aliquid de *Mistione*, dicendum. In vulgata autem Aristotelis & Galenicorum de Mistione doctrina, reprehendit hoc in primis Severinus, quod motorem non addiderint, & principium vitale, scientia instructum, Formam, Speciem, semen, Astrum, aut quomodocunq; appellare libeat; Cujus potestate & infallibili scientia tam divina mistionis officia administrari possunt: Cum elementa per se non sufficiant, nec sine tali motore & superiore principio

Mistio.

cipio pateat, qua ratione tam iusto pondere & mensura ad quodlibet mistum constitutum confluant.

Quæ accusatio non videtur esse planè de nihilo. Nam etsi multi docti peripatetici & Medici sint, qui longè sublimius de rerum generatione sentiunt: nec in rerum constitutione saltem ad elementorum pugnam, sed imprimis ad animam vegetantem suis facultatibus instructam, & formam cujusque specificam respiciunt, ut postea ex Scaligeri exerc. 307. sect. 20. dicetur: tamen quidam ita elementis immersi sunt, & nihil ultra illa sapiunt, ut non solum de metallis, quæ plurimi quidem, sed malè tamen, pro mistis simpliciter habent: Verum etiam de animalibus omnibus, præter hominem, nonnulli scribere audent, ut antea quoque dictum; Ea juxta animam & corpus, materiam & formam, ex Elementis quatuor orta esse. Et ut jam saltem de mitione, quod nobis propositum est, dicamus. Nimis audacter mihi pronunciare videtur Erasius, *disp. 2. contra Paracels. pag. 196. qualitatem in tota universitate hac rerum reperiri nullam, quæ admota sibi corpora tota alterare possit, extracaliditatem, frigiditatem, humiditatem, siccitatem.* Nullam ne enim qualitates occultæ in corporibus alterandis vim habent? De spiritibus quoq; , quorum maxima vis est, quique omnia penetrant & afficiunt, an qualitatibus primis omnia peragant merito dubitatur.

*An sola
qualitates
primæ in
mitione
perentur?*

tatur. Exemplum faltem nobis fit venenum canis rabidi, cujus in minima etiam quãtitate, quanta vis in corporibus alterandis fit, notiffimum est. At quis omnem illam alterationem, quam corpori inducit, in qualitates primas referre poterit? Consideretur etiam fermentum, cujus tantilla portio, rei alienæ admista, illam totam alterat: An verò ista alteratio solum per qualitates primas fiat, cuiuslibet considerandum relinquo.

Omnis verò rei obscuritas & difficultas è duobus ortum habere videtur. *Primum est*, quod Gentiles Philosophi, ut jam sæpius dictum, Creationis rerum ignari, & unde primus formarum & animarum, imò rerum omnium ortus esset, nescij, ex Elementorum mutuo concursu & pugna omnia mista, secundum materiam & formam provenisse crediderunt. Alterum, quod semper resolutione usque ad elementa, imò etiam quidam ad materiam primam usq; fieri statuunt, & nullum, nisi de novo elementa misceantur, novum mistum produci posse dicunt. Unde Eras. *loc. allegat. pag. 216.* falsum, acidum, amarum & similia revera misceri negat, quoad sunt salsa, acida, amara: Non enim, quatenus talia sunt, inquit, se mutuo per tota sic alterant, & naturas mutât, ac aliud fiunt. Confunduntur saltem integris servatis naturis: Cum verò propriè miscentur, quatenus calida, frigida, humida, sicca miscentur, non quatenus salsa, amara, vel acerba: Verum

*Mistionis
princeps
causa.*

Verum res in non paucis sese aliter habere deprehenditur. Nam primò non ita ex mutua pugna elementorum res crescunt, sed in prima creatione, non solum quælibet suam formam, sed & conveniens formæ corpus, Omnipotente verbo accepit. Et hanc suam naturam, Creatoris voluntate & benedictione, usque ad ultimum terminum observant. Idcoque in rerum propagatione specifica forma requiritur, quam Elementorum concursus & mistio illa temeraria præstare non potest. Forma ergò & anima cujusque rei architecta est: & primus motor in mistione est anima ac forma cujusque rei. *Δημιουργός* communis & commune naturæ instrumentum, quo ad virtutes rerum fovendas utitur, calor est & spiritus cujusque rei insitus, & *Φύσις* illa *ἡ ἐν παντί διήκουσα*. Habet nimirum anima suas facultates ministras; Attractricem, quæ sibi utilia & similia attrahit; Retentricem; Concoctricem & Alteratricem, quæ attracta sibi similia reddit; Secretricem & Expultricem, quæ id, quod alienum est, separat & ejicit. Eaquæ omnia caloris & nativi Spiritus beneficio peragit. His directoribus Elementa pro cujusque rei natura miscentur, quæ alias suo concursu & pugna nunquã tale mistum producerent. Atque id & Erasius confiteri necesse habuit, dum, *loco allegato*, qualitates primas saltem esse instrumentales causas mistionis, non verò principes: Mistionis autem opificem

cem esse mandatum divinum, quo in creatione præcipit elementis, ut inter se concinnè ad singularum rerum generationem convenirent; scribit. Commodius tamen dixisset, si, mandato divino; à rei cujusq; anima vegetante materiam convenientem attrahi dixisset. Non enim materia ad res generandas & nutriendas eo pondere ac mensura, qua debet, spontè accurrit, sed à facultate Attraçtrice attrahitur. Et cum res naturales non solum in mundi creatione primùm productæ sint, sed adhuc per generationum & corruptionū vicissitudines misceantur, addere debeat; Hodie etiam in rerū generationibus misionem non ab Elementis spontè ad cujusq; rei constitutionem concurrentibus, sed à forma omnia dirigi. Formæ enim sunt principium divinum & immutabile, quod determinat omnes actiones & passionnes rei naturalis; & sunt quasi instrumentum ac manus sapientissimi Creatoris ac Opificis Dei, qui hanc vim & efficaciam his suis instrumentis, quibus nihil mirabilius excogitari potest, largitus est in creatione. Id quod rectè etiam J.C. Scalig. docuit, *exer. 307. sect. 20. Nisi, inquit, quatuor illa Elementa Rectorem habeant, temerè ac sine modo metaq; ulla & jactabunt & jactabuntur. Quid enim illud est, quod tantum terra tantum commiscet caterorum? At oportet in unoquoque motum esse unum & primum. Non enim illa sese movere ullum ad opus queunt, sed in compositis à forma excellentiore, in mistis*

Z imper-

imperfectis, ab externo principio cientur ad mutuam connexionem. Et in 2. de plant. Si ignis, inquit, elementa tria tanquam partes in plantis unit: quiderit, quod uniet ipsum tribus illis? Et adductis in hunc sensum verbis Aristotelis concludit: Per ignem non fiet coitio & unio ad generationem in Aristotelis officina, sed per formam.

*An semper
fiat resolu-
tio ad ele-
menta.*

Alterum deinde quod perpendendum, est, *an semper fiat resolutio in rerum generatione usq; ad elementa*, ita ut nulla vera mistio fieri posset, nisi inter Elementa, & an nulla, acidi, falsi, amari, & similium sit mistio; & porro nihil aliud alterari, & proinde ad mitionem concurrere possit, nisi quatenus calidum, frigidum, humidum, siccum. Certè res ipsa aliud videtur loqui. An enim dum ex pane fit Chylus, è Chylo sanguis, è sanguine Caro, Os, nervus, vena &c. in qualibet generatione & nova mitione, & dum unum in aliud convertitur, resolutio semper usq; ad Elementa fit? Et an tota illa mistio solum à qualitatibus primis perficitur? Aliter sensit Hippocrates, qui, *lib. de Prisc. Medic.* scribit, quod πῦντα (falsa scilicet, amara, acida) μεμιγμένα ἐκ κρημνῶν ἀλλήλοισι & φανερόν ἐστιν. Et postea humorem falsum & acrem, crassum fieri dicit concoctione & permitione. Ac de eodem humore acri loquens dicit: τὸ πεφθῆναι γίνεται ἐκ τῶν μικθῶν ἐκ κρημνῶν ἀλλήλοισιν: Concoquitur, ubi mutua sit mistio & contemperatio cum alijs.

Postea

Postea an solæ qualitates primæ proxima
 mitionis causa sint, non immeritò quis dubi-
 tat. Cum enim occultarum qualitatum ma-
 gna sit efficacia, & in corpore alterando ma-
 gnâ vim habeant; præterea Spiritus sint
 ἡ ἀνὰ πνεύματος διήκουσα ἐστία, nec illi planè ex-
 cludendi videntur. Quod qui ignorat, sal-
 tem labores Chymicos inspiciat, & videbit,
 quanta fiat in momento mutatio, ubi Spiritus
 vitrioli & oleum Tartari miscentur, & spiritus
 nitri oleo ex Mercurio & antimonio parato
 affunditur; quomodo ex spiritibus & succis
 lapidescentibus ligna & res aliæ in lapides cō-
 vertantur. Imò spiritu è cavernis terræ erum-
 pente, res obvias quasq; in saxa conversas esse,
 testantur historiæ. Quis effectus & mutatio-
 nes & quidem tam subito factæ, quomodo
 qualitatibus primis solum ascribi possint, non
 video. Et illi ipsi, qui tam pertinaciter pro
 qualitatibus primis scripserunt, omnes affec-
 tionēs misti à qualitatibus primis deducere
 ausi non sunt. Erastus, *part. 2. disput. contra Pa-
 racels. pag. 172.* scribit; Calorē & frigus esse
 omnium affectionum, quæ in animalium par-
 tibus insunt, autores: Conformationē tamē,
 seu figuram & formā excipit. Et omnino hoc
 rectē facit; Quod antè etiam monuit Scaliger,
exerc. 6. sect. 7. dum scribit: *Nullam qualitatem
 homini novam posse esse instrumentum ordinatio-
 nis, situs, numeri, figurae & aliorum ejusmodi.*

*An solæ
 qualitates
 primæ mi-
 stionis causa
 sint.*

An autem naturalis potentia talia sine instrumento ullo agat, quod vult ibidem Scaliger, cuilibet perpendendum relinquo.

Quod verò reliquas omnes mistorum affectiones, excepta tamen cōformatione, ad calorem & frigus refert Erasius: de eo non immeritò dubitari potest: Cum multæ sint mistorum affectiones, quas à qualitatibus primis æquæ, ut conformationem vel numerum, deducere, impossibile videtur. Neque est, ut quis statim hic ad animam confugiat. Rectè enim monstrat Scaliger, *Exerc. 102. Sect. 5.* Actiones multas, quæ qualitatibus primis attribui nequeunt, ut quod magnès trahit ferrum, Rhabbarum purgat bilem flavâ, quod Cardanus animæ attribuebat, ab anima non proficisci: Cum anima extra corpus suum non agat, & quod non tangit, non afficiat. Præterea in inanimatis quoque actiones & qualitates tales occurrant.

*Elementa
quomodo in
misto ma-
neant.*

*Mistio
quid.*

Ipsum autem mistionis naturam quod attinet, de ea, & quomodo Elementa in misto maneant, pluribus disputatur apud Philosophos, ut cum apud alios, tum Zabarellam, in *lib. de mistione* videre est. Ego, ut Scaligeri verbis, *Exerc. 101.* utar, si cogar effari, quod in hac humana caligine sese offert mihi, fateor, me jam vinci à sententia Scaligeri, qui mistionem definit, *motum corporum minimorum ad mutuum contactum, ut fiat unio.* Ad mistionis enim naturam requiritur, ut per eam continuum cor-

pus atque unum fiat. Et quidem propriissime mistio dicitur, cum quid unum fit, non solum continuatione, sed & forma, seu, ut Galenus loquitur, cum mistio fit *εἰδονίως*, & ex omnibus partibus misti fit unum ens formaliter.

Quomodo autem minimorum fiat unio, & an forma miscibilium maneant integra in misto, an misceantur & refringantur, an verò planè aboleantur, tam difficile est in hac humana caligine perspicere, ut quam sententiam magis probare debeant viri doctissimi & acutissimi, ac inter eos Scaliger, facillè dicere non potuerint. Vero magis consentaneum existimo, in mistione miscibilia in minimas partes redigi, atque ita sibi per minimas partes unita, per contrarias qualitates mutuo agere & pati: non tamen formas suas plane amittere (aliàs enim, & si formæ planè abolerentur, non esset miscibilium alteratorum unio, sed miscibilium omnium corruptio) sed ex omnibus unam conflare, aut potius omnes mistas & in unum quasi redactas sub superioris alicujus formæ, à qua fiat unum specie, dominio manere. Sunt enim, ut Scalig. *loc. citat.* loquitur, *formæ hæc actus materiae quisque suæ. Quæ materiae quia sunt à natura ad operosiores compositionem constitutæ, factum ab eadem est, ut quemadmodum ipse, sic & earum formæ commisceri queant. Ignobilia enim propter nobiliora facta sunt.* An verò formæ integræ maneant, vel

refringantur, quod Avenrhois & Zabarella sentiunt, alijs discutiendum relinquo. Hoc certum est, Mistum quodlibet in ea, è quibus primo constitutum est, resolvi posse; & proinde formas elementorum non aboleri. Alias enim in resolutione & putredine fieret nova elementorum generatio.

Quæ cum ita docemus, ijs non patrocinamur, qui in rebus naturalibus nihil præter elementa quarunt. Materiam dant elementa, non verò formam. Mistum, quæ mistum, formis elementaribus informari, non repugno. Verum cuiusque rei formam specificam, quæ rei dat suam essentiam & nomen, ab elementis provenire, nego. Est enim in unaquaque re naturali & partibus corporis præter materiam, quam elementa suppeditant, divinius quoddam principium & Natura quinta, quæ sunt id, quod sunt, & in certam speciei naturalis familiam reducuntur. Elementa enim materia sunt; ideoque actum dare non possunt.

Atomis Democriti.

Democritus.

Atque hæc, quam proposuimus, est proculdubio antiquissimorum Philosophorum de mixture opinio, & ipsius Democriti, qui ex Atomis res omnes componi, & generationem nihil aliud, nisi σύγκειν & διάκρισιν, esse statuit. Non enim probabile est, αἰσθητικῆς φύσεως καὶ κοινῆς ἐρμηνεύτην, optimum naturæ

turæ & mundi interpretem, ut eum appellat in *Epistola* Hippocrates, & qui in Persia, Arabia, Æthiopia, & Ægypto versatus, Magos & sapientes illorum locorum consuluit, ut habet Plinius, *lib. 30. cap. 1.* tam absurda de Atomis & rerum generatione sensisse, qualia vulgo ipsi attribuuntur. Videatur Pererius, *lib. 4. Phys. in fine cap. 9.* Tradiderunt nimirum Philosophi prisce sua dogmata sub verborum involucris: unde postea factum, ut adversarij eorum, contra verba potius, quam mentem illorum, quam vel non intelligebant, vel intelligere nolebant, scriberent, ipsisque, quæ nunquam senserunt, affingerent; & inter cæteros etiam contra Democritum rationibus logicis disputarent: Cum tamen ipse non his, sed proprijs, & naturalibus, οἰκίοις καὶ φυσικοῖς λόγοις, persuaderi & vinci voluerit, ut Aristoteles, *1. de gen. & corr. cap. 2.* testatur. Nimirum quæ contra dogma Atomorum producuntur, pleraque non sunt Physica, sed Mathematica, de continuis, de lineis infectilibus & similibus. Atomos enim corpora ponit etiam Democritus, & quidem in ijs non negat proprietates corporis Mathematici; per eas tamen etiam proprietates Physicas non tollit. Et cum dicit, concretionem istorum corpusculorum generationem fieri, non negat misionem, sed saltem hoc vult, vel non penetrare se Elementa, vel in

Z 4. misionem

mitione non semper ad elementa & materiam primam usque recurrendum esse, sed ex corpusculis jam antea mistis & in sua essentia constitutis nova mista generari posse. Et procul dubio id sensit Scaliger, cum *loco allegato* scribit, mitionem esse motum corporum minimorum ad mutuū contactum, ut fiat unio. Id quod & Hippocrates, *in libr. de prisca Medicina*, docuit, ubi non solum elementa, sed falsum, amarum, acidum & similia misceri & contemperari scribit. Imò ipse Aristoteles *Διάνευσιν & σύγκρισιν* in rerum generatione & corruptione plane rejicere non potest; Cum passim res *συστάσθαι, διαπονεῖσθαι καὶ πῶς* generari doceat. Et 1, *Meteor. cap. 9.* expresse scribat, quod præcipuum movens in generandis meteoris sit ἡ τῆς ἡλίου Φορὰ *Διάνευσου καὶ συγκρίσεως*, solis latio, quæ segregat congregatq;. Neque minimas particulas ipse Galenus rejicit. Etsi enim, *lib. 1. de elementis cap. 2.* contra Democritum disputet, ac si ea mens fuit Democriti, quam ibi proponit Galenus, à Galeni partibus contra Democritum libenter stemus: tamen Atomos simpliciter rejicere non potest, dum, *lib. 1. de Elementis cap. ult.* postquam quæstionem movisset; Quomodo per totum temperentur ea, quæ recipiunt temperaturam, an qualitibus solis vicissim agentibus & patientibus, vel etiam corporis substantijs cōeuntibus, concludit: Quod miscibilia ad minimas parti-

διάνευσιν
& σύγ-
κρισιν
Democriti.

particulas confringantur, unde illis mutua actio & passio contingit, & qualitatum invicem participatio, quæ tanto promptior est & facilior, quanto ad minores particulas confringuntur. Et Avicenn. *prima primi doct. 3. c. 1.* Temperamentum definit esse qualitatem, quæ ex actione & passione contrariarum qualitatum in elementis repertarum oriatur; cum partes ad tantam parvitatem redactæ sunt, ut cujusque earum plurimum contingat plurimum alterius.

Et certè, si quæ in natura fiunt, diligenter perpendamus, aliter se rem habere, vix statuere licet, sive corruptionem, sive generationem rerum species. Corruptionem *Διάκρισις* fieri multa testantur. Ubi enim ex re aliqua, quæ vel putrescit, vel comburitur, vel alias à calore resolvitur, vapor aut fumus attollitur, Visus quidem è longinquo corpus continuum esse judicat; Cum tamen non sit continuum, sed atomorum multa millia inter se confusa, ut *Διάκρισις* fieri *in corpor. natur. corruptione.* Idem operationes Chymicæ testantur; imprimis sublimatio, ubi *Ατομί* illæ in Alembico colliguntur. Nequè enim corpuscula illa minima resoluta, ut antea etiam dictum, semper pristinam formam amittunt (quod aliquis pro opinione Democriti, dicentis; Atomos esse impassibiles, usurpare pos-

fer) sicut in operationib9 Chymicis videmus, in quibus vapores illi excepti, seu in Alembico, seu in recipiente, ex diversis corporibus, diversam naturam retinent, ut *σύνχρσις* docet. Videre idem est in Thermis, acidulis, & alijs, quæ mineralia secum ferunt, fontibus. In ijs enim styriæ quædam & tophi canalibus accrescunt: cum tamen aqua, quæ decurrit, limpidissima sit, ut quis mirari possit. quomodo ex tam perspicua & clara aqua corpus tam crassum fieri queat. Proculdubio in talibus aquis mineralis & lapidea materia in minimas particulas resoluta fuit, quæ postea suo concursu & *σύνχρσις* saxum & durum corpus constituunt. Si aurum & argentum simul liquecant, ita per minima miscentur, ut visu deprehendi aurum in argêto nullo modo possit: si vero postea aqua fortis affundatur, ita solvitur argentû, ut ullum metallum in ea aqua deprehendi visu non possit: cum tamen revera insit & hinc segregatum emergat; & quidem ita, ut & aurum & argentum suam naturam retineat; & hoc modo in subtilissimam calcem, quæ nihil aliud est, quam congeries aliqua innumerabilium atomorum, redigatur, quæ in aurum & argentum purissimum fusione iterum reducitur. Ita in lixivio & muria, è qua sal, nitrum & vitriolum coquitur; in urina, in vino, sal qui inest, non conspicitur: at separato humore, facile se conspicendum præbet. Ita in lacte est Butyrum, Caseus

Cafeus, serum. Et quid aliud sunt digestiones & cōctiones, cum ex, quæ arte instituantur, tum quæ à natura in corporibus plantarū & animalium fiunt, quàm primò *Μετρεσις* & corporum miscendorum in minimas partes resolutio: iterumq; pro rei cuiusque natura & usu *συγκρισις* & concretio.

Non tamen (si forsan ita sensit Democritus) ex fortuito atomorum concursu res naturales fiunt; nisi forsan Meteora, quæ etiam Aristoteli generantur *κατὰ Φύσιν ἀτακτοῦραν*: sed à formâ superiore dirigente, quæ Caloris instrumento & ope attrahit, retinet, miscet, & disponit omnia, prout opus; ut paulò ante dictum.

Res autè in corpuscula minima & atomos *Corporum naturalium forma externa variatur manente interna.* redactæ, pro vario cōcretionis modo, variam externâ speciem induunt; etsi forma internâ non differant. Aurum, ut & alia metalla, retinent suam naturam in aquis fortib; in forma pulveris, nunc attriti, nunc flavi, nunc alterius:

Quis *πολυτρόπος* Mercurij variationes ignorat, qui seu præcipitatus, seu sublimatus, seu in oleum, seu in pulverē redactus, suam naturam retinet, & facillè ad ingeniū redit & reviviscit? Ut jam non dicam de eo, quod res inflammata, non semper pristinam naturam exsunt & ignē verè mutantur, sicut in oleo Sulphuris ex Sulphure accenso per campanā factò, & in Spiritu nitri, qui sine additamento fit, nitro in retortam particulatim injecto & accen-

accenso apparet. Dicunt quidem nonnulli, flammam nihil aliud esse, quam aerem accensum; sed parum rectè: atque an aer purus inflammari possit satis dubium. Nam in magnis sylvarum & urbium incendijs dudum inflammatum & in ignem mutatum esse oportuit. Quæ omnia eo fine in medium adduxi, ut quilibet, quæ in natura fiunt, consideret diligentius, & hinc de missione attentius cogitet.

*Fixum &
volatile
Chymicis
quid.*

Atque hoc loco cum de *συνεῖσαι & ἀγεῖσαι* egerimus, aliquid etiam de fixitate & volatilitate dicendum videtur, re Chymicis valde trita, & in qua pleræq; Chymix operationes suum fundamentum habent; imò qua ferè totus Chymix ambitus continetur, secundum vulgatum illud; *fac fixum volatile, & volatile fixum, & totum habebis Magisterium*. Et licet in Physicis vulgò hac de re nihil ferè tradatur: tamen magni omnino momenti est, inprimis in Medicina; cum res eadem, quæ dum volatilis erat, præsentaneum venenum erat, ubi fixa evasit, nihil amplius damni inferat, sed medicamenti loco sit, ut de antimonio, Mercurio, arsenico Chymicis notissimum est. Est autem fixum, quod in igne durat; Volatile, quod ignem non tolerat, sed calor vi in altum elevatur; & fixatio dicitur volatilitatis ablatio.

Fixatio.

Differt autem fixitas & volatilitas, etsi non rarò confundantur, à coagulatione & rarefactione.

atione. Coagulatum enim est, quod ex spiri- *Coagula-*
 tuoso & rarefacto spissum & tangibile cor- *tum quid.*
 pus evadit; quod tamen omne fixum non est:
 contra rarefactum & resolutum est; quod ex *Resolutum*
 tangibili & spisso corpore spirituosum & sub- *quid.*
 tile evasit: quod Chymicis est, è spiritu fieri
 corpus, & è corpore spiritum. Licet enim Spi- *Corpo quid*
 ritus etiam corpora sint: tamen Chymicis il- *Chymicis.*
 lud, quod *αἰνυρον*, crassum & tangibile est,
 in specie corpus appellatur; quod contrario
 modo se habet, Spiritus. Hinc quoque fit, ut à *Spiritus*
 Chymicis mineralia quædam, quæ ignem mi- *quid Chy-*
 nimè serunt, & facile fumant, & sublime pe- *micis.*
 tunt, imò & alia secum in aerem abripiunt,
 Spiritus in specie appellent, quales sunt arse-
 nicum, sulphur, cadmia, argentum vivum, an-
 timonium &c.

Cæterum fixorum est quædam differentia. *Fixorum*
 Alia enim sunt simpliciter fixa, quale ex au- *differentia.*
 rum; quod igne non resolvitur, sed quo magis
 uritur, eò pulchrius & præstantius evadit: alia
 secundum quid saltem fixa appellantur, &
 comparatè ad Spiritus, ut quæ in igne quidem
 mitiore sunt fixa, si forti tamen urantur, ipsa
 etiam comburuntur, & in altum elewantur,
 ut ferrum. Quanquam verò pleraq; quæ fixa
 sunt, cum à calore nostro resolvi & propterea
 in actum deduci non possint, corpus non affi-
 ciant: tamen quædam etiam, licet integra
 maneant & non resolvantur, spiritali tamen
 & magnetica vi corpus afficiunt, ut in anti-
 monio

monio fixo, bezoardico minerali, & gemmis videre est. Verum de his, ubi de operationibus Chymicis tractatur, pluribus agendum, & quomodo fixa volatilia, & volatilia fixa facienda, docendum. Hæc enim sic certis præceptis, quod fieri potest, comprehenderentur, de multis laboribus certius judicari posset.

Hæc etiam de fixitate & volatilitate doctrina non parum facit ad vires medicamentorum recte dijudicandas. Longè enim alia falis fixi aut vim figendi habentis est operatio, qualis est in carnibus, & piscibus, sale & fumo induratis, quam volatilis, qualis est in cochlearia, nasturtio, armoracia.

Inter Recentiores Johan. Hennemannus Reyling, civis meus, in tractatu de peste, hisce duobus, Rarefactione sc. & condensatione, omnem rerum generationem & corruptionem absolvi docet: duplicesq; Spiritus constituit, quibus Natura utatur in conservandis rebus elementaribus. Rarefacientes & condensantes: spiritumq; rarefacientem habere igneum coeleste subjectum & accidens inseparabile caliditatem, igneamq; substantiam generare: Spiritum verò condensantem habere subjectum acreum, ipsiq; proprium esse frigus.

Reliqua quæ ex Paracelsò & Severino de varijs generationum differentijs, & in primis de meteoris & hoc capite, & supra, allata sunt, tam absurda sunt, ut saltem recitasse sufficiat: cum dubitatum jam olim sit, uter sit ineptior, qui

qui ejusmodi absurda dicit, an qui operosius
impugnanda suscipit.

CAPUT XIII.

DE FUNDAMENTIS Medicinæ.



Um hætenus præcipua
de Rerum natura Chymicorum
dogmata excusserimus: proxi-
mum jam est, ut idem in omni-
bus Medicinæ, quam istis principijs super-
struunt, partibus faciamus. Istam autem suam
Philosophiam, ut etiam supra dictum, Vita-
lem appellant, ut pote quæ non ex materiali-
bus, Elementarijs & mortuis, quæ Aristoteles,
Galenus & Avicennas habeant, principijs de-
ducta sit; sed circa explicationem vitalium
principiorum, seminum & potestatum verse-
tur: Medicinamq; quæ ex ista Philosophia vi-
tali deducta sit, Medicinæ Galenicæ multis
modis præponunt. Galenicos enim Elemen-
tarios Philosophos appellant, quod scili-
cet omnia ad Elementorum qualitates refe-
rant, aut cum hærent, ad ignorantiaæ asylum
occultas qualitates confugiant, nihil de
principijs essentialibus, in quibus scientia
& rerum causæ fundentur, sciant, & pro-
inde corticem intacto nucleo habeant, li-
brum parvi & magni mundi non legant, ve-
ram

*Philosophia
vitalis Chy-
micorum.*

monio fixo, bezoardico minerali, & gemmis videre est. Verum de his, ubi de operationibus Chymicis tractatur, pluribus agendum, & quomodo fixa volatilia, & volatilia fixa facienda, docendum. Hæc enim si certis præceptis, quod fieri potest, comprehenderentur, de multis laboribus certius judicari posset.

Hæc etiam de fixitate & volatilitate doctrina non parum facit ad vires medicamentorum rectè dijudicandas. Longè enim alia falis fixi aut vim figendi habentis est operatio, qualis est in carnibus, & piscibus, sale & fumo induratis, quam volatilis, qualis est in cochlearia, nasturtio, armoracia.

Inter Recentiores Johan. Hennemannus Reyfing, civis meus, in *tractatu de peste*, hisce duobus, Rarefactione sc. & condensatione, omnem rerum generationē & corruptionem absolvi docet: duplicesq; Spiritus constituit, quibus Natura utatur in conservandis rebus elementaribus. Rarefacientes & condensantes: spiritumq; rarefacientem habere igneum coeleste subjectum & accidens inseparabile caliditatem, igneamq; substantiam generare: Spiritum verò condensantem habere subjectum acreum, ipsiq; proprium esse frigus.

Reliqua quæ ex Paracelso & Severino de varijs generationum differentijs, & inprimis de meteoris & hoc capite, & supra, allata sunt, tam absurda sunt, ut saltem recitasse sufficiat: cum dubitatum jam olim sit, uter sit ineptior, qui

ejusmodi absurda dicit, an qui operosius
agnanda suscipit.

CAPUT XIII.

E FUNDAMENTIS Medicinæ.



Um hætenus præcipua
de Rerum natura Chymicorum
dogmata excusserimus: proxi-
mum jam est, ut idem in omni-

Medicinæ, quam istis principijs super-
unt, partibus faciamus. Istam autem suam *Philosophia*
Philosophiam, ut etiam supra dictum, Vita- *Vitalis Chy-*
miam appellant, ut pote quæ non ex material- *micorum.*
Elementarijs & mortuis, quæ Aristoteles,
Avenarius & Avicennas habeant, principijs de-
ducta sit; sed circa explicationem vitalium
principiorum, seminum & potestatum verse-
Medicinamq; quæ ex ista Philosophia vi-
deducta sit, Medicinæ Galenicæ multis
modis præponunt. Galenicos enim Elemen-
tarios Philosophos appellant, quod scili-
cet omnia ad Elementorum qualitates refe-
runt, aut cum hærent, ad ignorantiam asylum
cultas qualitates confugiant, nihil de
principiis essentialibus, in quibus scientia
rerum causæ fundentur, sciant, & pro-
inde corticem intacto nucleo habeant, li-
am parvi & magni mundi non legant, ve-

GALE

ram astrologiam, quæ consistat in Sympathia & Antipathia siderum Cœli & mundi inferioris, ignorent. Chymicos verò & Paracelsicos penitus in naturam introspicere affirmant.

Verum dictum jam supra, licet quidam è Peripateticorum & Galenicorum numero sint, qui supra elementa animum non attolunt: tamen hoc scommate immeritò omnes verberari; cum plurimi doctissimi Philosophi & Medici sint, Scaliger, Schegkii, Valeriola, & alij plurimi, quos hic recensere supersedeo, qui in elementis non acquieverunt & penitus rerum naturam inspexerunt. Atque ijs vitalia rerum principia, & anima, à qua omnis vita, ignota non fuit. Idem librum naturæ diligenter legerunt, & quid cum experientia & ratione consentiret, inquisiverunt. Imò ipse Galenus dudum ea, quæ cum ἐναργῶς Φαινομένοις consentiunt, amplecti; quæ dissentiunt, rejici jussit. Si verò Philosophiæ vitalis nomine sua dogmata dignantur, ob principia illa tria, Salem, Sulphur & Mercurium: καταχρηστικῶς illos voce vitæ uti, etiam supra dictum. Sed gloriantur titulo quocunq; velint, rem ipsam videamus, & quid cum illis veritatis κερτηρίοις, λόγῳ ἢ πείρᾳ, cōsentiat, porro despiciamus.

*Funda-
menta Me-
dicinæ.*

Fundamenta autem Medicinæ quod attinet, in Medico plura media, quibus ad penitiorem naturæ cognitionem pervenire possit, à Chymicis requiruntur. Paracelsus, in *Para-*

grano

grano primo, in Medico quatuor requirit, Philosophiam, Astronomiam, Chymiam & Proprietates. Alibi plura requiritur.

Primò Chymiam, unde & suam Medicinam nominari voluit: de qua hîc nihil addimus, cum tota ista tractatio de ea instituta sit. Et si rectè ea, ad medicinam amplificandam, nō evertendam, utantur Chymici, facile ipsis assentimur, Chymiaq; necessitatem & utilitatem supra defendimus, ut plura hic addere opus non sit. Uno verbo rem complectar: Elegantis Medici nomen hodie vix sustinere potest, qui Chymia ignarus est.

Secundum deinde Medicinæ fundamentum Magiam ejusq; species cōstituit Paracelsus, & in *Labyrinth. Medicor. errant. cap. 9.* Artem Magicam Medicinæ Anatomiam esse docet, & Magistram, Præceptoricem, & doctorissam Medicinæ eorumque, quibus morbos depellimus; non autem Galenum. Quid autem Magia antiquorum cūm licita & honesta, tum illa abominanda & Diabolica sit, & quas species habeat, recensere hujus loci non est: videantur hac de re Joh. Francisci Pici Mirandulani doctissimi libri de rerum Prænotione, & post eum Peucerus de divinatione; Erastus *disput. contra Paracels. part. 1.*

Quid Paracelsus de Magia doceat, breviter attingamus. Omnia enim, quæ de Magia in suis scriptis sat copiosè & prolixè affert,

*De Magia
Paracelsi
sententia.*

A a hic

hic recensere, nec instituti nostri est, nec operæ pretium. Qui plus temporis in hæc cognoscenda impendere cupit, legat inprimis libros ejus de Philosophia Sagaci, Archidoxeos Magicæ, de Philosophia occulta. Libro quem inscripsit Labyrinthum Medicorum errant. *cap. 9. Magiam dicit artem artium aliarum, omniumq; rerum aliarum occultarum inventriem, ex eaq; non autem Galeno, non Avicenna, aut talibus discendam esse Medicinam. Et, de Pestilente tractat. 2. pag. 345. Medico discendam esse Magiam & cognatas artes, Astronomiam, Pyromantiam, Chiromantiam, Hydromantiam scribit: asseritq; Johannem Evangelistam, Mosén, Aaronem, Eliam, Enoch, Davidem, Salomonem, Danielelem, Baruch, Jeremiam, Hezechielem, & omnes Prophetas Magos fuisse. Præterea in fine lib. de occultæ Philos. Magiam esse per se occultissimam artem, & summam sapientiam rerum supra naturalium: Et quicquid humana ratione aliàs agnosci non potest, id Magia investigari posse scribit, eandemq; Theologis esse cognitu necessariam putat, nullumq; Theologum fuisse, qui sine Magia cognitione Diabolum ejecerit & spiritum expulerit. Idem affirmat, lib. 5. de morbis invisibilibus pag. 113. Magos Ægyptios arte hac miracula edidisse. & licet scriptura illis artificibus duriora nomina imponat: (rauhe Namen giebet) artem tamen illam à Deo fuisse. Ibidemque docet;*

Deum

Deum arte hac Diabolum donasse, & valde per-
 ritum in lucem naturæ posuisse: hanc autem
 ipsi eripi posse: artem usurpandam, Diabolum
 relinquendum esse: ideoq; nos in hoc mundo
 versari, ut minor à majori discat: atque ita u-
 sum artis, qualis in se est, transgressionem legis
 sive peccatum non esse. Ibidemque scribit
 Hoc nobis persuasissimum esse debere, Deum con-
 didisse Medicinam, nobisq; ob oculos consideran-
 dam posuisse, ideoq; si per Characteres nobis ali-
 quid boni fiat, eodem loco eos habendos esse, ac
 si planta essent; ac etiamsi diaboli sint, eodem lo-
 co id habendum esse, ac si essent pixides ex Phar-
 macopolio. Et si diabolus verbum pro herba su-
 mit, sit, inquit, nobis instar herbe, verba ejus
 sunt species, Characteres ejus composita & Syru-
 pi. Ibidemque docet: Si Deum toto corde ame-
 mus, etiamsi diabolus nobis afferat argentum,
 aurum, juvet nos, exhibeat nobis medicamenta,
 eripiat nos ex carcere, credendum esse, hoc jussu
 Dei fieri.

Et ut breviter ejus mentem explicemus, ac totius ejus Magiæ fundamenta in pauca con-
 trahamus, summam suæ sententiæ Paracel-
 sus, ibidem pag. III. exponit: Salus, inquit, ex
 inimicis nostris, & à manibus eorum, qui ode-
 runt nos: & cogitandum esse dicit: Deus me
 creavit, Deus me redemit, pro omnibus bonis,
 quæ mihi vel ab inimicis vel amicis (puta Dia-
 bolis & Angelis) accidunt, ipsi sit laus & gratia.
 Et si, quæ alia passim de Magia tradit, in

omnem partem versemus: res tandem eò redibit: Effectus magicos pendere vel à cœlo, vel à spiritibus sive bonis sive malis: utraque, cœlum scilicet sive astra & Spiritus, homini subijci, & cœlorum ac astrorum vires cogi in Characteres, verba, ceram & alia posse: Spiritus quoque ipsos, ut serviant hominibus, eogere atque adigi posse: & hoc modo Magiam, quam veram, concessam & legitimam putat, non differre opere à Sagarum illicita Magia, sed saltem modo quodam. Verum enim Magum fide & imaginatione, (alibi & preces addit,) cœlum & Spiritus sibi subijcere: sagas verò idem conjurationibus facere.

*Magia
species sec.
Paracel.*

I.

Magiæ autem sex species constituit Paracelsus, *lib. 1. Philosophiæ Sagacis cap. 4.* Primam dicit esse interpretationem signorum præternaturalium, quæ inter res naturales quidem appareant, naturaliumq; corporum speciem habeant; præternaturali tamen modo à Deo in natura constituentur. Talemq; Magiam fuisse interpretationem stellæ, quæ Magos ex Oriente in Judæam deduxit. Huc etiam pertinere interpretationem Prophetiarum & Apocalypsum.

2.

Secundam speciem statuit esse transformationem corporum viventium; qualis coram Pharaone tempore Mosis accidit: quò etiam Christi transfigurationem refert.

3.

Tertiam speciem, ait, docere, facere verba, quæ omnes vires habeant, quæ à cœlo in herbas

bas demittuntur, quæ omnia, quæ Medicus per medicamenta efficit, verbis præstari possit; eamque appellat *Charactenalem*.

Quartam speciem dicit docere facere Gamahæu, Gamahæa, Gamahæos vel Gamahæas, (alij enim aliter appellant) id est, imagines & sculpturas, quibus mirandis Characteribus & figuris cœli vires imprimantur; quæ omnia præstent, quæ alias ex rebus naturalibus composita instrumenta faciunt. Sicut enim clavis seram aperit, gladius vulnerat, thorax ferreus munit: ita eadem invisibiliter peragi posse per imagines ex influentia super cœlesti lapidibus insculptas.

Quinta species est, quæ imagines conficit similes his, quibus eæ destinantur, quibus quicquid infligitur, ij patiantur, quorum sunt imagines. Hæc Magiæ specie dicit in imagine Cereæ vel alia posse quem assari, configi, paralyticum, cœcum, impotentem ad Venerem reddi, rursumq; sanari, hæcque Magia illi dicitur *Alteræ in Alteram*.

Ultimam speciem constituit Cabalisticam: Cabala autem apud antiquos doctrinam non propria inventionē aut meditatione inventam, nec ex libris aut scriptis aliorū haustam, sed vivā voce à patribus acceptam & quasi per manus traditā significabat, nihilq; aliud erat quam mystica quædam, symbolica, & ænigmatica Theologia; Cabalistarumq; erat, traditionibus majorum fidem habere, licet nul-

lam rationem protulerint, nec in dogmata inquirere. Et triplicem eam quidem faciunt, primam, qua Adamum dicunt doctrinā à Deo acceptam tradidisse filiis, qui eam reliquis patribus tradiderint. Alteram, qua Deus in monte Sinai Mofi 40. illis diebus, quibus cum eo commoratus est, legis explicationem tradiderit, quam ipse rursus Josuam docuerit: hæc tamen conditione & mandato addito, ut eam paucis tantum quibusdam, iisque sapientibus revelarent, quam illi rursus alijs sapientibus, sed paucis communicarent. Factumq; id continua successione usque ad Esdras, qui convocatis omnibus senioribus de singulis, quod à majoribus acceperant, exceperit, & in 70. libros retulerit, quos tamen paucis, & non ante annum ætatis quadragesimum legere licuerit. Tertiam à Rabinis inventā, qui literas & syllabas Bibliorum in numerum vertunt, mutant, & occultos inde sensus eliciunt. Exempla videantur in Lexico Schindleri.

Verum cum de Judæorum Cabala non agat Paracelsus atque ipse, *eadem in libro cap. 6.* Hebræis parum tribuat, eosque in natura nihil cognitum habuisse, stupidissimosque asinos fuisse scribat; Judæorum illa somnia examinare quod Erasius, *part. 2. diss. contr. Paracels. pag. 275.* fecit, hoc loco opus non est, sed de Paracelsi Cabala dicendum. Cabala autem Paracelsi rationem ac modum tradit, quo chara-

*Cabalistica
Magia Pa-
racelsi.*

characteribus, sigillis, figuris, verbis admiranda & alijs impossibilia perficiantur, ac Magiâ Cabalisticâ præstari posse docet, ut quis possit audire vocem ultra mare, aliquis habitans in Occidente loqui cum aliquo habitante in Oriente. Quæ enim voces naturaliter exaudiri possunt per passus 100. easdem beneficio Magiæ dicit exaudiri posse per 100. milliaria Germanicâ. Item quod iter cursor vel equus naturalibus viribus mensis spacio absolvit, id per hanc Magiæ speciem uno die posse absolvi. Ac tales equos habuisse Magos Sabæos, eosque Magica non naturali vi equorum Bethlehemum venisse, *lib. 1. de Vita long. cap. 9.* scribit. Et quicquid natura operatur annuo spacio, id ipsum mense perfici posse etiam in fructibus maturandis pollicetur. Hoc modo Trithemium coenam ex Italia vel Gallia petiisse prolato verbo: Affer, referunt.

Consentit cum his Crollius, in præfatione pag. 36. & seq. ubi pag. 38. scribit: *Quicquid oculis videmus in majori mundo, hoc idem imaginatio potest producere. Sic omnes herba, omnia crescentia, omnia metalla per imaginationem & veram Gaballam possunt produci.* Nominat autem Crollius hanc Magiæ speciem non Cabalisticam, sed Gabalisticam à Gabale homine interno, sidereo, olympico, qui sit idem cum astrorum firmamento, atq; ideo propter

virtutum magnericarū affinitatē omnes astro-
rū vires ad se attrahere possit. Et cum in astris
firmamenti omnem sapientiam, omnesq; ar-
tes latere putet, per spiritum istum fidereum
ex cœlo hominem attrahere posse omnem re-
rum cognitionem, scientiam & sapientiam.

*Fundamen-
tum Magiæ
Cabalisticæ.*

Atq; hanc partem Magiæ Cabalisticam di-
ctam tribus columnis niti dicit: primò veris
precibus, in spiritu & veritate factis, ubi in
sancto sanctorum fiat unio Dei & Spiritus
creati; ubi Deus interno spiritu, non vi vo-
cabulorum, sed in silentio sacro, absque oris a-
perture atq; anhelitu, compelletur. 2. Fide nō
illa salvifica, ut ipse *tom. 1. pag. 90.* scribit, sed
naturali sive sapientia omnibus hominibus
æqualiter in prima Creatione communicata,
quæ hominibus cum dæmonibus sit commu-
nis, quam in lib. de peste incantatoriam
nominat: & de qua Christum, *Luc. 17.* opina-
tur locutū, & de qua tum alibi, tum *lib. 1. de o-
rig. morb. invisibil.* agit: & 3. Imaginatione for-
titer exaltatā. Idem, *pag. 46.* scribit: *Quicquid
Medicus naturaliter sive herbis per moram tem-
poris successivè operantibus efficit: illud Magus si-
ve Medicus cœlestis Characteribus & lapidibus,
Gamabaa scilicet influentialis conjugij terrestri
signo, per combinationem superiorum & inferio-
rum astraliter, validissima impressione subito &
longè citius perficit.*

Appro-

Approbantur ista à recentioribus alijs, & Cabala Paracelsistarū commune perfugiū est, & sub Cabalæ nomine omnia tegunt, quorum rationē reddere nequeunt. Ernestus Burggravius Martiam armaturam & gladios, in valida dispositione Martis ex septem Metallis sub suis sideribus assumtis & preparatis, opere ipso fabrili, intentione, verbis & halitu, omnibus martialiter se habentibus, ad vim hostilem avertendam, hostesq; in fugam vertendos pollicetur, in libro, cui titulum fecit, *Achilles πένονπλ. rediplus*. Idem lampadem vitæ & mortis promittit, in qua, tanquam in fatali lumine, omnis hominis fortuna, affectus, morbi, & tandem ipsa mors observari possit. De quibus qui plura cognoscere cupit, legat allegatum Burggravium, Rogerium Bacchonem de mirabili artis & naturæ potestate, Paracelsi libros Archidoxeos Magicæ, & alios.

Armatura Martia.

Omnia autem, quæ Magicæ opera Paracelsistæ promittunt, breviter proponit Andreas Libavius, contra Crollium p. 55. *Lucia natura*, inquit (nam hoc splendido titulo omnia excusare conantur) est *precipere spiritibus immundis, ut adsint ad ministeria; tempestates ciere; sata transferre; caput demere homini, iterumq; imponere; unico momento cœnas Magicas exhibere; affigere cornua; bibere ex cribro; sistere prius defunctos; tribus jaculis ex arcu aut globulis ex bombardis emissis, omne, quidquid velis,*

Magia Paracelsi. opera.

Aa 5

etiam

etiam non visum confodere; in speculis videre omnia præterita & præsentia, futura, facta, dicta, scripta, cogitata; sanare per maximas distantias; colloqui cum eo, qui est in Persia, cum tu sis in Hispania; in Luna legere scripta ejus, qui mille milliaribus abest; in homine destinato absente ea imaginatione perficere, quæ in hominulo cæreo, vel alio aguntur, quo iste representatur; ligaturas physicas inducere, iterum demere; inimicitias & favores constituere, affectusq; hominum mutare ad libitum; detrudere uni vires, & alteri inferre; victorias transferre; magnos exercitus voce, fistula vel imaginatione in fugam vertere; mures & muscas congregare, ut & sagas; Characteribus, Pentaculis, Sigillis & alijs ab omni injuria se immunem reddere; armaturas, globos, clypeosq; Martios facere, quibus saltem visis hostiles fundantur exercitus; adjurare bombardas, ne explodantur; equos ita afficere, ut summa celeritate etiam per precipitia ferantur, & ex hostibus saluum referant sefforem; facere tintinnabula, quibus meretrices discernantur; mutare hominum figuram in Leoninam, Ursinam & alias, sic ludere posse tesseras, chartas & alijs, ut nunquam succumbas; avium voces intelligere; novacula cotem disseccare; baculum in serpentem mutare, & alia multa incredibilia perpetrare.

Magis Pa-
racelsi im-
pia

Verum enim verò, si hæc diligenter perpendantur, omnia ferè impia & blasphema sunt.

sunt. Quāquam enim protestetur Paracelsus, se non illam infamem & quæ diaboli ministerio fiat, Magiam, sed naturalem & licitam commendare, tamen ex ijs, quæ jam ex eo allata sunt, & passim ex ejus scriptis satis patet, qualem Magiam sectatus fuerit. In *lib. principiorum seu de mysterijs verm. cap. 5.* Infamem illum Magum Judæum Techallum commendat ac defendit, & vix fuit ullus ullo seculo Magus famosus quem Paracelsus non laudet. *Lib. 15. de morb. invisib. pag. 183.* defendit, ut antea dictum, Magos Pharaonis, artem quæ ipsorum à Deo fuisse scribit; & ægrè fert, quod scriptura sacra durioribus nominibus eos appellat *Zauberer* / dum scribit inter alia: *Wiewol die Schrifte den Künstlern rauche Namen gibt: so ligt es doch nicht an den Namen. Denn die Kunst vermag die Namen anders darzuthun.* Et mox: *Darumb haben die Künstler der Kunst halben Gott nicht erzürnet.* Idem, in *lib. de Occult. Phil. pag. 289.* de Bileamo sentit. Quamvis etiam eo ipso loco Magiam veram à Nigromantia distinguere conatur & nigromantiam per ceremonias & conjurationes fieri dicit; Magiam verò sine ceremonijs, conjurationibus, & consecrationibus sed sola fide illa, quæ secundum salvatoris dictum, montes transferri & in

& in mare projici queunt, quæque spiritibus posset imperare, & eos ad servitia cogere: tamen qualis illa, quam veram putat Magiam, sit, & quam malè & impiè fides miraculosa illi attribuatur, ex sequentibus patet, eum scribit. Si homo arte Magica, sit laesus, durch Zeubererey/ hoc modo esse curandum; *Esse fabricandum vel effingendum pedem vel manum, vel aliud membrum ad formam ejus, quod egrotat & dolet, vel etiam imaginem totius corporis, atque illam esse inungendam & obligandam, non dolentem hominem.* Si homo per incantationem usum sermonis, visum, auditum vel virilitatem amiserit, totius hominis imaginem è cera esse faciendam; forti fide & fixa imaginatione; atque illam imaginem debito modo curandam esse. Et mox. Medicus non omnia, quæ scire debet, in Academijs discere potest: sed opus est, ut interdum anus, Zygainos, Nigromanticos, Agyrtas, Rusticos seniores & ejusmodi viles homines alios consulat & ab ijs discat. Plura enim de talibus norunt, quam omnes Academia. Et quis de Magia non suspectum habeat eum, qui Campanam Virgilij & cujusdam Hispani Diabolos advocantem & repellentem, Speculum Magicum, in quo omnia videri possunt, & similia probat?

*Vis Magia.
Paracels. à
Diabolo.*

Atque ita omnem suæ Magiæ vim à Diabolo pendere, diffiteri non potest Paracelsus. Hanc saltem differentiam inter illicitam & licitam Magiam constituit: quod illa incantationibus & ceremonijs quibusdam Diabolo quasi blan-

blandiatur: Hæc verò Diabolo artes suas vi quasi eripiat, & fide ac fixa imaginatione cum servire cogat.

Verum nunquam probavit Paracelsus, li- *A diabolo
cerè à Diabolo aliquid petere vel auxilium
num liceat
exspectare. Rectèque Chrysostomus statuit,
auxilium
potius mortem homini Christiano subeun-
petere.*
dam, quam vitam ligaturis redimendam. Et
DEUS ab initio mundi, *Gen. c. 3. v. 15.* Inimici-
tias inter hominem & Diabolum posuit. Ne-
que ullum exemplum in sacris literis vel hi-
storijis habetur, quod Diabolus homini un-
quam quid benefecerit. Sat multæ legiones
Angelorum sunt, quorum ministerio DEUS,
ubi vult, homini benefacere potest.

Secundò, Frustra & loco allegato *Et Lib. de Fides mira
occult. Phil. p. 289.* Magiæ vires & potentiam *culosa.*
ex fide deducit. Nam primò fides illa miracu-
losa inter *χαρίσματα* Spiritus sancti ab Apo-
stolo *1. Corinth. 12. v. 9.* recensetur, quam non
quilibet sibi polliceri potest. Et inter Magos
recenset tales Paracelsus, quos fidem illam
miraculosam non habuisse certum est; ut Te-
chellum illum Judæum, magos Pharaonis,
aliosq; Paganos: Et proponit talia Magiæ o-
pera, qualia etiam in Virgilij Pharmaceutria
describuntur. Deinde fides & preces secun-
dum verbum & promissionem DEI institui
debent. Ita Elias, *2. Reg. c. 1.* dicit. *Si vir DEI
sum, cadat ignis de Cælo & devoret te cum tuis
quingenta.* Nimirum qui per talem fidem
mira

mira præstare cupit, is de successu nullus dubitare debet, sed persuasissimum habere, even-
 turum esse, quod vult. At ne dubitet, omnino
 promissio præcellerit, necesse est. At talis hic
 nulla est. Imò multa peraguntur à talibus,
 specie, istius fidei, quæ verbo DEI planè sunt
 contraria. Et certe horrenda est impietas
 Crollij quod scribere audeat; *preces veras in
 Spiritu & veritate factas esse primum Magiæ
 Cabalisticæ fundamentum.* Cum enim preces
 cultus DEI sint, & secundum illud 1. Joh. c. 15.
 v. 14. αὐτῇ δὲ ἢ παρερησία, ἢν ἔχομεν πρὸς
 αὐτὸν ὅτι ἐὰν τι αἰτιομεθα καὶ τὸ θέλημα αὐτοῦ,
 ἀκούει ὑμῶν preces tantum secundum permis-
 sionem & voluntatem Dei institui debeant,
 non decet hunc cultum ita profanare. Mon-
 stretur in sacris vel jota saltem, ubi Magia,
 quam ex Paracelso defendit Crollius, promif-
 siones exauditionis habeat. Videantur saltem,
 quæ antea de curationibus magicis adduxi-
 mus, & facilè erit judicare, an ista à DEO pe-
 tere liceat, & si quis talia præstet, an DEI, an
 Diaboli auxilio ascribendum sit. Ut alia non
 repetam, an non impium est confidenter
 scribere, quod Crollius, pag. 38. facit; *Quic-
 quid oculis videmus in majori mundo, hæc ima-
 ginatio potest producere: sic omnes herbe, omnia
 crescentia, omnia metalla (cur non etiam ani-
 malia?) per imaginationem & veram Gaba-
 lam possunt produci.*

Fides verò illa naturalis, quæ sit potestas faciendorum opum mirabilium, in creatione omnibus hominibus æqualiter concreata & ingenua, merum figmentum est. Vera enim miracula tantum Ecclesiæ Dei propria sunt. Neque tamen potestas faciendi miracula omnibus concessa est: nec Abraham, David, Salomon & plurimi alij ediderunt miracula. Solus nimirum Deus autor miraculorum est; qui hoc donum, cui vult, largitur, & ut rectè Nicodemus ait, nemo potest signa ista mirabilia facere, nisi DEUS sit cum eo. Quæ verò ab infidelibus & Magis fiunt, miracula, opes Diaboli fiunt, nec sunt vera miracula, sed *ορμῆα καὶ τέρατα ψεύδους*, ut Paulus nominat.

Impium etiam est, quod scribit Crollius, pag. 46. *Verum Cabalistam facere omnia, quæ vult; velle autem quæ ipse Deus.* Nullibi enim in sacris aliquid de ista Magia exstat, neque ullo apice ex sacris probari potest, Deum ista Magica velle. Salvator noster equidem, Job. 15. v. 15. ad discipulos ait: *Vos dixi amicos meos, quia omnia, quæ audivi à Patre meo, nota feci vobis;* & Paulus, Act. 20. v. 27. Omne consilium Dei se annunciasse profitetur. Ac de magia nullibi quicquam exstat; imò toties in sacris prohibita est.

Quæ verò de Imaginatione scribit Crollius, p. 36. 37. 38. 39. Enthusiatarum somnia sunt. *Imaginationis viras sec. Paracels.*

sunt. Magnam vim imaginationis esse nemo negat, sed ea præstare posse imaginationem, quæ Crollius scribit, fabulæ sunt. Nimium proprium corpus transmutare, atque interdum etiam alienum; plures imaginando effecisse, ut subito sint facti templum DEI; imaginationem esse magnetem attrahentem ultra mille milliaria, & in exaltatione attrahere ex elementis quatuor, quicquid vult; per imaginationem posse attrahi operationes astrorum in imagines, lapides, gemmas, ut eandem cum astris exerceant potentiam; Imaginationem posse producere, quicquid in majori mundo oculis videmus, ut omnia vegetabilia & metalla; Imaginationem potestatem habere gignendi & producendi corpora visibilia; & quasunque operationes mirabiles præsentem, absentem supra humanum Rationis captum proferre posse. Manus nostræ sunt oculatæ, Crolli, credunt, quod vident. Quando, quæso, tu vel omnes tui Gabalisti & Magi (absque Diaboli ope) tale aliquid præstitistis? Itaque mirari satis non possum Crollium, qui tam benè novit, quam suos digitos novit, nec à se unquam, nec à quoquam alio, ut modò dixi, ea, quæ tam gloriôsè de Gabalistica prædicat, præstita fuisse, aut etiamnum præstari posse, sola scilicet imaginatione, sine vi divina vel Diabolica (qua multa admittenda præstita fuisse non negamus :) nihilominus tam audaciter ista scribere, & incautam juven-
tem

tem laqueis & præstigijs diaboli obijcere. Si omnes artes, scientiæ, rerumque cognitio in cœlo est, cœloque omnia, ut scribit Crollius sunt notissima, & Crollius hujusque Sectæ alij modum sciunt, quo ista è cœlo ab homine attrahi possint: cur nullus eorum hujus Magiæ beneficio omnium artium peritus evasit, & omnem Physicæ, Chymicæ & Medicinæ scientiam è cœlo attraxit, & inprimis tanto labore quasitum lapidis Philosophici artificium affecutus est? cur in communi Ignorantiæ luro cum alijs mortalibus hærent? Si Crollius imaginatione sua morbos curare potuisset, cur in medicamentorum Chymicorum laboriosam præparationem tantum temporis impendit? Verum figmenta ista sunt & meræ principij petitiones. Nam qua ratione probant, in cœlo omnes artes esse omnemque sapientiam & scientiam? Nulla. Qua ratione demonstrant, si ibi essent omnes scientiæ, posse ab homine attrahi? Itidem nulla.

Ut ergo uno verbo, quid de Magia, quam *A Magia dehortatio.* Crollius in præfatione sua Medicinæ studiosis obtrudere conatur, sentiam, dicam:

Callidus, ô Pueri, fugite hinc, latet anguis in herba.

& sub melle medicamentorum Chymicorum fel venenatum in præfatione occultatur. Neque sapientiæ specie se quisquam decipi patiatur, sed norit, diabolum versipellem esse, & nonnunquam sub doctrinæ specie homines

Bb deci-

decipere, ut prudenter monet Joh: Franc. Picus Mirandulanus, *de ludificat. demoni. Dialogo 1.* Ut enim, ait, mulieribus, compotationibus lascivysq; trahebat olim, & nunc etiam homunciones allicit: ita Philosophos, quorum multos ab hūc abhorruisse constat, ijs, quibus tamen facile possent, laqueis cepit, doctrina sc. specie, illosq; (Pythagoram, Empedoclem, Apollonium & alios) multifariam pellexit ad se colendum sub velamento sapientiae, sub tectorio superstitionis religionem mentita. Siquidem per doctrinae gradus ad preces, hymnos, oracula se conferebant, quibus assequi videbantur, ut futura praeoscirent, ut ad diversa ferrentur loca per aërem. Fiebat enim id ministerio demonum, quod illi deputabant hominum divinitati. Nam quo pacto aliter Pythagoram modo in Taurimino Sicilia, modo in Metaponto, parvo intercedente temporis spatio, discipuli spectavissent disputantem? Caveat ergo quisque, ne, praetextu Magiae naturalis & divinae cujusdam Philosophiae ex lumine Naturae, execrandam illam Magiam exerceat.

*A diabolo
auxilium
non peten-
dum.*

Licet verò in sacris exempla habeantur, quod Apostoli diabolo imperarint, eumque e-
jecerint: nullum tamen exemplum uspiam extat, quod quisquam sanctorum diaboli servitio in finem bonum & hominum utilitatem usus sit. Et quomodo ille homini inserviet, inter quem, & humanum genus Deus ab initio constituit inimicitiam; propter quam adversarius noster factus est, & circumit tanquam Leo rugiens, quærens quem devoret. Unde A-

olus *1. Corinth. 10.* vetat nos fieri socios
 noniorum. Et non sine caussa ab antiqua
 esia institutum, ut baptizandi renuncient
 solo & omnibus operibus ejus. Ideo de-
 or Ecclesiæ Christi est & castrorū Dei, atq;
 istra diaboli concedit, qui quocunq; mo-
 auxilium à diabolo petit, cumq; in re qua-
 peragenda sibi socium adjungit.
 t quamvis quis pro Paracelso istud urgere
 t: non adeo incommodum videri, si quis
 icamenta, eaq; efficaciora, quam Medicis
 ò nota sint, à diabolo discat, quibus mul-
 norbos curare possit, alijs Medicis incu-
 les. Licet enim à diabolo communicatum
 le medicamentum: nihilominus mul-
 commodi in homines inde redundare
 im enimverò nec hoc tutum vel pium.
 nquam enim negari nō possit, diabolum
 medicarū satis esse peritū: tamē omnia
 quæ pollicetur auxilia, fraudulenta sunt,
 rpori, atq; animę imprimis, hominīs per-
 ola, & plus incōmodi & damni ab ijs, quā
 tatis exspectandū. Dictūq; antea ex Chry-
 omo, potius mortē homini esse subeundā,
 n vitam ejusmodi remedijs redimendam.
 s, qui percutit, sanare potest, & si ex ægri
 odo sit futurum, benedicit medicamentis
 narijs, ut in salutē ægri cedant, ne diaboli
 lio opus sit. Ideoq; à solo Deo auxiliū pe-
 m, nec eo relicto ad hostem ejus diabolū
 seundū. Nec refert, quod æger implorato

Dei auxilio sanitatem semper non consequatur. Potest equidem semper opem ferre; verum quia è re ægri esse intelligit, à morbo non liberari: in ejus voluntate acquiescendum, nec ad media prohibita contra Dei voluntatem accedendum; nec ille Virgilianus imitandus, qui agebat:

Flectere si nequeo superos, Acheronta movebo.

Et insigne exemplum, quod non fas sit, à Diabolo auxilium petere, præbet nobis Rex Ahasias, 2. Reg. cap. 1. Qui cum ad Baalzebub Ecronitarum idolum quosdam de valetudine sua consultum misisset, ijs obviam factus Elías Propheta ita eos alloquitur: *Numquid, quia non erat DEUS in Israel, mittis, ut consulatur Baalzebub Deus Ecron. Idcirco de lecto, supra quem ascendisti, non descendes, sed moriendo morieris.* Quo exemplo clarè docemur, in morbis solum à Deo, nullum verò à diabolo auxilium petendum esse. Summa; fugiendus est diabolus; & non facienda mala ut eveniant bona, neque diabolo fores ad majores conatus patefaciendi. Et quomodo qui homicida & mendax erat ab initio, testante Salvatore, *Johan. 8.* aliquid boni, & quod hominibus verè prodesse possit, *homini communicaverit?* Aliquid ne boni à fraudiū omniū Architecto sperandum? una manu panem ostendit, altera lapidē præbet, & id unice agit, ut animā ejus, qui societate cum eo inijt, eumq; in auxiliū vocat, lucretur, atq; ita suū, nō hominū, quos omnes perditos cupit, commodum quærit. Pos-

Posset quidem Dæmon quosdam integre
 scire: at tantum beneficium in hominē,
 em perpetuo cōsectatur odio, cōferre haud
 bit: Fictam duntaxat simulatamque præstat
 rationem, cujus admiratione hominū men-
 fascinet; idq; inprimis agit, ut ab his, quos
 sui admirationem traxit, divino cultu &
 more afficiatur, atque ita hominem à Deo
 rtat & ad se convertat. Rectè proinde Leo,
mil. 19. Beneficia Damonum cunctis esse nocen-
ta vulneribus, & præstare illorū odium, quam
em meruisse, scribit. Quo enim magis blan-
 ar, eò magis fallere cupit, ut testantur hi-
 tiæ cum aliæ, tum illa apud Nicol. Remi-
 m *lib. 1. Damonolat. cap. 9.* Cum enim Dæ-
 n Adolescentem quendam in societatem
 sturus esset, in primo colloquio ipsi edixit
 urtis, crapula, libidinibus, blasphemia, cæ-
 sq; vitijs abstinere, pietatem coleret, ino-
 facultatibus sublevaret, seipsum in hebdo-
 de bis jejunio maceraret, solennes preces
 i intermitteret, atq; sedulo obiret omnia,
 hominem Christianum equum est facere.
 Præterea nec media, quibus utuntur, ordi-
 ia & naturalia sunt, ut passim ex Paracelso
 re est: Sed verba, characteres, cereæ ima-
 es & supersticiosa alia diaboli inventa.
 ò in medicamentis, quæ magica vi natura-
 odesse dicuntur, dijudicādis, magna cau-
 ie opus est, ne vel quæ à natura vires suas
 ent, pro Magicis & Diabolicis habeantur,

*Magica ut
 dignoscenda.*

vel contra talia magica pro naturalibus ob-
trudantur. Multi enim, si effectus alicujus cau-
sam nō intelligunt, mox eum pro Magico ha-
bent, satis imperitè & præcipitanter. Quem
errorem ne erremus, experientia diligenter
consulenda est, effectusq; , quem experientia
frequens & certa pro indubitato habet, pro
naturali habendus; licet de causa nobis nōdum
constet. Nam quis crederet Magnetem ad po-
lum converti, trahere ferrum; lapidemq; Ne-
phriticum extra appensum calculū frangere,
nisi id experientia cōprobasset? Et multi sunt
tales consensus multarum rerum, quos ma-
gneticos hodie appellant. Ex altera parte vi-
dendum, ne superstitiosa pro naturalibus ha-
beantur. Licet enim effectum sæpius eodem
modo respondere videamus, si tamen talia
media adhibeantur, quæ hujus causa esse non
possunt, certi sumus, magici aliquid subesse.
Et licet ille, qui talia media adhibet, extra o-
mnem Magiæ suspicionem sit: probabile ta-
men est, talia fieri ex pacto cum eo, qui pri-
mus eam disciplinā à Diabolo sancitam hau-
sit. Cujus exemplum satis ij præbent, qui ne ab
armis violentur prohibere possunt. Quan-
quam enim ipsi nullum pactum cum diabolo
inierint: tamen cum certum sit, ea, quæ adhi-
bent, media esse non naturalia, nec ab ijs tan-
tam vim provenire posse, præstant hoc ex pa-
cto, quod is cum diabolo inijt, qui primus
hanc artem à diabolo accepit. Atque ita talia
juvant

ant ex pacto cum diabolo; si non expref-
amentacito & omnino vi primi cum dia-
o pacti.

Ergo ne superstitioſa, & quæ de occulto a- *Mediam-
io cum diabolo pacto ſuſpecta ſunt, uſur- ta natura-
nus, ſequentia diligenter notanda ſunt. lia à magia
mubi nec miraculi, nec naturæ viſ, ne ar- cut di-
cij ſolertia adest: pactum cum diabolo in- ſcernenda.*
cedit; cum quocunque etiam illud ſit ini-
n. Deinde ubi adhibentur Characteres, vel
ba ignota, obſcura, non cohærentia, aut
ra, ſed ad alienum ſenſum detorta, aut cum
ti ritus & ceremoniæ nullius momenti, vel
a ejus generis adhibentur: res omnino ſu-
cta eſt. Quale eſt illud Paracelſi, *de Philo-
b. ocul.* ubi ſcribit, à morbis ex incantatio-
ous quem tutum eſſe poſſe, ſi quis induſum
i tritum inverſum induat.

Verum plura hac de re addere non libet. *A Magia
quis novitatis avidior ſe in aliquod peri- dehortatio.*
um conjiciat, videat in Sacris graviffima
ndata, quibus Magia prohibetur, præcipuè
od. 22. Levit. cap. 19. v. 13. cap. 20. & Deut. 18.
cb. 5. Eſa. c. 8. præterea legat, quæ hac in
te diſputat Eraſtus, *parte 1. contra Paracelſ.*
Libavius, qui ſatis prolixè contra Crollium
Magiam Paracelſi agit, præcipue *in exercit.*
horribili impietate Magiæ Paracel. juxta Croll-
entent.

Tertium Medicinæ Fundamentum Astrologiam statuit. Ubi quidam recentiores per Astronomiam & Astrologiam non illam cœlestem intelligunt, sed peculiarem Microcosmi & astrorum in homine cognitionem. Alij eam in Sympathia & antipathia siderum cœli & mundi inferioris consistere dicunt. Verum latius eam extendere videtur Paracelsus, qui *libro 1. de Philosophia Sagaci cap. 4.* totam Magiam sub Astronomia concludit, miramq; Astronomiæ partitionem, quæ ibi videri potest, instituit. Verum Astrologiam quod attinet, Medico eam si genuina sit & naturalibus fundamentis innitatur non superstitiosa, qualis in Arabum libris habetur plurima, non solum non inutilem sed & necessariam esse libenter concedimus: atque id ipsum jam olim docuit Hippocrates *lib. de aëre, aquis & locis.* *Præcipuè, inquit, anni mutationes observanda sunt, ut neque medicamentum purgans libenter exhibeatur, neque partes circa ventrem aut uramus aut secemus ante dies decem, aut etiam plures. Maxime tamen sufficiunt decem. Ac maxime periculi plena sunt ambo solstitia præcipueq; æstivum: periculosa etiam æquinoctia æstimantur; maxime autem autumnale. Syderum quoque ortus observandi, præcipueq; canicula, deinde arcturi & Virgilium occasus. His enim potissimum diebus morbi indicationem subeunt, & alij quidem perimunt, alij desinunt, alij in aliam formam mutantur.*

Et

Et omninò plures causæ sunt, cur Me-
o Astrologia negligenda non sit. Verif-
um enim est, quod Asclepius ad Ammo-
n Regem scribit: τὰ ἡλίου ἀγαθαὶ ἐνέργειαι
μόνον ἐν ἕρμῳ καὶ αἴθρῃ, ἀλλὰ καὶ ὑπὲρ γῆς εἰς
κατώτατον βυθὸν καὶ ἄβυσσον διήκουν: &
tè sensit Psellus: πωμαθεῖν τὸ ἄνω τοῖς κάτω.
que solum calore & lumine stellas, hæc in-
iora afficere, sed & occultis influentijs, &
ysicis doctissimis satis jam probatum est.
que facilè hîc assentior Recentioribus, qui
nsensum illum non saltem generalem esse
cent, sed & singulas ferè rerum naturalium
cies certis stellis subjectas esse: atque hinc
stellæ pro vario positu & cum alijs aspectu
ne fortius nunc debilius in hæc inferiora
es suas exserunt: ita & vires plantarum &
arum rerum stellis illis subjectarum nunc
tentiores nunc debiliores esse statuunt.
o non malè Astrologi certas corporis par-
certis stellis attribuere videntur; id quod
luma satis videre est, quam maximas vires
ebrum afficiendi habere, experientia do-
. Concesserunt etiam dudum Clarissimi
edici, morbos epidemios plurimos ex a-
orum influxu ortos fuisse.

Verum multa hic latent, & paucissimarum
llarum vires perspectæ sunt; imò etiam in
quæ satis explorata videntur, multa adhuc
scura occurrunt. Et omninò utilem Medi-
æ operam præstarent Paracelsus, Crollius

& alij, qui Paracelsistas præ alijs hac in resapere putant, si consensum illum Mundi superioris & inferioris explicarent clarius. Sed & hic in communi Ignorantiæ luto hærent cum Aristotelicis & Galenicis; quorum multi egregij fuerunt Astrologi, multumq; laboris in stellarum viribus cognoscendis posuerunt, suam tamen imperfectionem ingenuè confessi sunt. Rectè Cardanus, *aphorism. astrolog. seg. 1. aph. 34.* scribit: *Astrologia ut pulcherrima, sic laboriosissima & difficilima est; & aphor. 3. Astroorum motus nunquam perfecte fieri possunt; nec iudicia, quæ ex his.*

CAPUT XIV. DE VIRIBUS IMAGINATIONIS,



Æterum quia Magiæ naturalis, quam putant, & de qua capite præcedente actum, effectus plerosque ex Imaginatione deducunt Paracelsici; & non solum in morbis inducendis, sed & curandis, alijsq; rebus efficiendis mira planè Imaginationem præstare posse docent; & non planè de nihilo esse, quæ de admirandis Imaginationum effectibus dicuntur, res ipsa loquatur, & historiæ à Philosophis & Medicis annotatæ doceant: omnino quantæ Imaginationes

vires

res sint, & quomodo effectus illi mirandi
Imaginatione dependeant, uno in loco in-
grè explicandum videtur; quod hic com-
modissimè fieri posse existimo.

Plurimos autem & admirandos esse Ima-
nationis effectus, notissimum est, ejusq; hi-
storiæ postea recitabuntur. Et si nihil aliud
set, quod, quàm admiranda possit Imagina-
tio, doceat, saltem ea, quæ in gravidis acci-
dunt, satis id monstrant.

*Imagina-
tionis effe-
ctus miri.*

Verum hoc statim in principio monen-
dum, effectus illos proximè ab Imaginatione
pendere, nec Animam tales effectus per
Imaginationem edere, atq; imaginationem
per se, directè & propria virtute illos effectus,
ut ab ipso proficisci dicuntur, non produ-
cere, nec in alia corpora agere. Est enim Ima-
natio potentia saltem cognoscens, ejusq; ac-
tio est immanens, neque transit in alia, ne-
que præter cognitionem effectivè aliquid
agit: potentiarum vero vegetantis & moven-
tis est agere in aliud. Et licet ad motum loca-
lem cognitio & Phantasia concurrat: non ta-
men proxima motus causa est, atque ita in
corpus seu proprium seu alienum non agit,
neque ullo motus genere alterat, movet vel
mutat. Sed cognitionem sequitur appetitus,
cujus loco est appetiti persecutio vel
pursu, quæ fit per motum localem, cujus causa
est potentia loco motiva ab Imaginatione
distincta.

*Imaginatio
quid præ-
bet.*

*Imaginatio
non agit in
corpora.*

Neque

*Imaginatio
quomodo
humores &
Spiritus mo-
veat.*

Neque etiam humores & spiritus per se directè & immediatè ab Imaginatione moventur, sed per accidens solùm excitando & movendo illas potentias naturales, attractricem, recentricem & expultricem, quarum munus est, humores & spiritus movere ad corporis nutritionem; inprimis verò illam Cordis facultatem, quæ *θυμωδης* dicitur, cujus pro varietate affectuum in humoribus variè agitando maximam vim esse, notissimum est. Dirigit scilicet Imaginatio humores & Spiritus, ut versus hanc vel illam partem moveantur, & facultatem motricem determinat, ut ad hanc vel illam partem Spiritus & humores moveat. Ita qui venereis cogitationibus intentus est, ei versus genitalia humores & spiritus moventur: in alijs affectibus ad alias. A quò motu humorum & spirituum corpus etiam alteratur; non verò ab ipsa phantasia per se. Imaginatio enim, ut dictum, est tantùm cognitio. Neq; species phantastica realem Qualitatem producere, nec formaliter alterare potest; cum ejus esse & formalis ratio in representando saltem consistat; & proinde ultra suam perfectionem & gradum agere non possit.

*Imaginatio
quomodo
corpus alterat.*

Itaq; quanquã ab Imaginatione varij effectus & alterationes videantur in corpore produci: tamen id non fit, quod species sensibus aut imaginationi oblata reales in corpore producant Qualitates: sed quia per sensus & imagi-

aginationem rerum aliquarum potentia naturalis in consensum trahitur & ad agendum excitatur; unde accidit, ut humores in corpore variè moveantur, illudq; alterent. Ita perceptione & sensu aut imaginatione rei laetæ aut abominandæ nausea vel vomitus citatur, totum corpus horrore concutitur: ex medicamento purgantis imaginatione buisdam aluum laxatam esse, observatum ut refert Nicol. Flor. sen. 3. t. 1. sum. 1. c. 15. in quod species medicamento purgantis viri agendi habeat, sed quod ab imaginatione altas motrix naturalis in cōsensum tracta nores agitat; qui agitati facultatem expulsem ad excretionem stimulant: præcipuè si hi humores in corpore abundant. Ex quibus omnibus manifestum evadit; etsi imaginationi multi & admirandi effectus adscribuntur: tamen Imaginationem eorum omnino non per se, sed per accidens causam esse, videntur sc. alias animæ potentias, corpus movendi & alterandi vim habentes.

Movet verò primò appetitivam potentiam, per mediantibus animæ pathematis corpus citatur. Animi enim pathemata cognitionem capiuntur, & ex cogitatione rei lætæ gaudent; ex ingrata cogitatione tristitiâ afficiuntur. Animi autem pathemata maximam vim habent corpus alterandi, certissimum est.

Non tamen per appetitum immediatè Imaginatione corpus alterat, sed mediatè, quatenus scilicet

scilicet appetitus mōvet potentias motrices naturales membris & præcipuè cordi insitas, quæ motæ movent humores & Spiritus; Spiritus verò suo ad partes accessu & recessu eas alterant. Atq; ita proxima causâ alterationis & mutationis corporis sunt humores & Spiritus: prima verò & remota causâ est Imaginationo.

*Imaginatio
quomodo
morbos pa-
riat.*

Hoc autem modo proprium corpus afficit, & varios morbos in eo excitat: per se verò & per nudum ac solum Imaginationis actum, nullum morbum inducit. Si enim solo Imaginationis actu morbum aliquem induceret, morbum imaginatum induceret. Quod tamen non fit. Melancholici enim, qui imaginantur falsò, se morbo aliquo laborare, ut habere magnum nasum, magnum corpus, se esse claudos; non idèò in morbos istos incidunt: verum si morbos aliquis melancholia contrahitur, is aliquis communis est, qui per mœrorem, somni defectum, sollicitudinem aut alium animi affectum per accidens inducitur. Et

*Imaginatio
quomodo
pestem in-
ducit.*

quanquam nonnulli in pestem incidunt ex imaginatione: tamen imaginatio hoc non præstât per se, sed per accidens, ob timorem & terrorem, qui humores malignos in corpore latitantes movent, qui moti pestem inducunt, atque hoc modo non nisi in corporibus dispositis imaginatio & timor pestem inducit.

Inciderunt quidem & alij in alias morbos ex imaginatione; ut Vincentius quidam, sicut refert Marcell. Donat. lib. 2. hist. med. mirabil.

imaginabatur se tam magnum corpus
ere, quod per ostium transire non posset,
cum Medicus per ostium transportari
flet, æger conquestus est, se in ista transpor-
tatione totum fuisse intus contractum, & pau-
lo post mortuus est. Alius cum inter sepulcra
entum obambulet, & forte calcaret la-
tum sic, ut calceis fortiter adhereret, imagi-
natus est, se à manibus parentum trahi, & in-
diem septimum ex illa imaginatione mor-
s esse. Verum accidunt talia, non idcirco quod
gignantur ægri, se tales morbos habere; sed
gignantur, quia ijs morbis jam laborant,
umque initia percipiunt; moriunturque ex
rebo illo, non ex imaginatione: aut si ima-
gatio aliquid ad morbum illum facit, fit
per accidens, ex tristitia scilicet, metu &
ilibus animi passionibus.

Morbi autem, qui per accidens, mediant
animi affectibus motuque humorum &
ituum, proximè inducuntur, varij sunt, pro
norum & spirituum varia natura & motu.
no quidem dum Imago est causa va-
rum animi affectuum. Quantum enim ira;
itia, lætitia nimia in humoribus corrup-
dis & mutandis possit, notissimum. Deinde
nis diuturna & intenta imago multo-
morborum causa esse potest; quod Spiritus
apores plurimi in caput attrahantur, ab alijs
partibus nutritioni dicatis avocentur, ut
ones illarum partium non rectè expediantur.

Non

*Imaginatio
quomodo
morbos cu-
ret.*

Non solum autem morbos inducere, sed & curare potest Imaginatio hoc modo. Hoc modo, inquam, per accidens scilicet, non per se. Etenim si non potest morbos per se inducere, neque curare poterit: neque calida intemperies curari potest, nisi inducatur frigida & contra. Et ad sanitatem consequendam non unus & simplex motus & actio, qualis est Imaginatio sufficit, sed plerumque plures motus requiruntur, ut humoris alteratio, coctio, expulsio, dispositionum in parte mittente & suscipiente mutatio.

Per accidens tamen ad curationem facit Imaginatio: quia confidentia reddit ægrum Medici præceptis & consilijs obsequentem; præcipue verò quia Imaginatio aliquos animi affectus inducit, per quos humores & spiritus moventur, qui moti ad morbum vincendum & debellandum faciunt. Ita confidentia in animo ægri generat læticiam; læticia autem excitat calorem nativum & spiritus; unde fit, ut & cibi rectius coquantur, humores vitiosi vincantur & morbus expugnetur. Videmus enim eorum, qui animo læto & hilari sunt, cibum facilius & celerius concoquere; contra verò cibos ab ijs, qui sollicitudine aliqua, timore ac mœrore detinentur, non recte coqui, sed corrumpi, atque ita cruditates & humores vitiosos cumulari, morbosq; generari & augeri.

Eadem

Eadem etiam caussa est, quod nonnulli, si *Cibi suaves*
 s, quos summa cum aviditate & desiderio *car utiles*
 etunt, potiantur, convalescant; etiam si
 illi satis salubres non sint. Siquidem, ut
 pocrat. 2. *aph. 38.* scribit, paulò deterior,
navior cibus & potus, melioribus quidem,
usuavioribus preferendus est: talisque in-
 nis convalescentibus utilis. Etenim cibos
 es & quos valdè appetit ventriculus, avi-
 arripit, complectiturque & melius con-
 it, ac si quid vitij habent emendat, eos-
 quantum possibile, in bonum alimen-
 convertit, à quo & corpus uberrimum
 imentum accipit, & pristinas vires citius
 perat, morbiq; reliquias facilius & fe-
 s vincit & superat. Contra verò cibi in-
 es & quos homo averfatur, quamvis opti-
 nt, morboque contrarij, nauseam & flu-
 tionem in ventriculo pariunt; quòd eos
 riculus nec amplexetur rectè, nec conco-
 : unde flatuum & crudorum ac vitioso-
 humorum copia cumulat, ac morbus
 getur, vel saltem ægri tardius convale-
 t. Imò sæpius observatum est, nonnullos
 bo non malo sed cum nausea assumto in-
 em incidisse, nulla alia de caussa, nisi
 cibus cum nausea assumtus in ventricu-
 ruptus fuit. Aliæ tamen etiam caussæ
 , cur cibus avidius sumtus nonnunquam
 re liberet: quia scilicet vel revera, et si
 ægrum aut Medicum lateat, morbo ad-

versatur; vel quia cum sumtum sequitur vomitus, alvi dejectio, aut sudor; vel quia natura aliquandiu copia cibi opprimitur, ut morbo sese non opponat, qua ratione nonnunquam potu nimio ingurgitato paroxysmi febiles ad tempus intercipiuntur.

Neque solum cibi grati avidè assumti, sed & quædam cum lætitia & voluptate & ex voto ægrorum peracta eos quandoque à morbis liberare valent: nullam aliam ob rationem, quàm quia vel in læticia spiritus, qui per morbum torpebant quasi, excitantur & recreantur, qui recreati & excitati commodissimum naturæ in coquendis & superandis vitiosis humoribus & morbo vincendo instrumentum sunt; vel quia ægri, ubi voti sui compotes fiunt, de Imaginatione illa desistunt, & de morbo, quem falso imaginati fuerant, curam deponunt. Cujus rei passim multæ occurrunt historiæ. Refert Thomas à Vega, in *commentario in artem Medic. Galeni cap. 84.* quendam causo detentum & delirantem obnixè postulasse, sibi concedi natationem in stagno illo. (monstrabat autem pavementum,) Ajebat enim, se certò scire, ex ea natatione se convalesciturum. Quod cum à Medico concederetur, & post aliquantum spatij summa cum jucunditate supra pavementum illud volveretur, ajebat, jam aquam sibi accedere ad genua optare se tamen, ut sursum conscenderet.

Paulo

ulò post lætior jam, inquit, attingit ingui-
ta. Ita ascendente juxta imaginationis con-
ptum paulatim usque ad guttur aquâ, hilari-
tie gestiebat, pronunciabatq; jam se sanum
stum, atque ita febre liberatus fuit. Mulier
rò, referente Alex. Tralliano, *lib. 2. cap. 17.*
se serpentem devorasse arbitrabatur, ex-
bito medicamento vomitorio, clamq; in re-
ta per vomitum serpente imposito, ab ima-
ginatione illa liberata fuit. Ita qui cornua
gestare putabat, capiti cervinis cornibus
ligatis ferraque resectis & ostensis ea misel-
liberatus fuit. Alius verò, qui se in cor-
re septem passerculos habere imaginaba-
r, Medico per nares eos se extracturum si-
alante, & passerculum, quem in vestis ma-
ta absconderat, monstrante, sanatus fuit;
aginatione scilicet falsa per contrariam
olata. Alius quoque qui se mortuum esse
aginabatur, & cibum propterea asperna-
tur, focij comitate, qui cum eo se in sepul-
o mortuum esse asseribat, & quod ipse mor-
us cibum caperet, ad cibum capiendum
rsuasus fuit, ut refert Holer. *lib. 1. de morb.*
er. cap. 15.

Si ergò Imaginatione per se suum & pro-
ium corpus afficere non potest, multò
nus per se, id est, per actum Imagina-
onis res externas afficiet, eosque muta-
t: sicut nonnulli statuunt, Imaginationem,
in quidem omnem, sed eam, quæ fortior &

*Imaginatio
an agat in
externa.*

nobilior sit è à corpore magis abstracta, posse res etiam longè remotas permutare, absentibus morbos inducere, eos ab equo deijcere. Nam anima non potest agere in externa, nisi mediante suo corpore: & in primis actus Imaginationis, ut antea dictum, immanens est.

Per accidens tamen Imaginationem aliquid hic præstare posse non negarim. Etenim notum est, quomodo corpora à se distantia nihilominus se mutuo afficiant. Menstruo laborantes foeminas specula inficere & corrumpere, extra dubium est. Quæ de fascino dicuntur, etiam planè de nihilo non sunt: Referunt etiam Catablepam venenatis oculorum radijs homines enecare. Quæ omnia accidunt à spiritibus, vaporibus & occultis illis ἀνορρῖαις, quibus intermedijs occultas rerum sympathias & contactus fieri, supra dictum est. Hos spiritus aliquo modo dirigere potest Imaginatio. Cum enim Imaginatio spiritus & humores certo modo, ut dictum, ad partes quasdam dirigat: in invidia, odio, ira, malefici humores, qui in corpore moventur, ad oculos etiam diriguntur & movètur, & proinde occultæ illæ ἀνορρῖαις per oculos copiosius effluunt: qui quando maligna Qualitate sunt affecti, externas res, ad quas pertinent, afficiunt & lædunt. Et cum oculi aliàs etiam spiritibus subtilissimis pluribus abundant: non mirum, menstruo laborantes foeminas

minas plus per oculos, quàm alias partes, corpus afficere. Quamquam hoc ipsum Erastus, *disputat. contra Paracels. part. 1.* neget, & à spiritibus vel ab oculis vel ab alijs partib9 procurrentibus specula tingi non concedat; sed si fiat, à vaporibus ex naribus, ore, partibusque alijs egredientibus accidere; & si fæminæ saltem caveant, ne ore aut naribus specula afflent, nihil noxæ terribilissimis etiam speculis inferre, statuat.

Requiritur tamen in hac re certa distantia, & planè absurdum est, hoc modo Imaginatione per multorum milliarium intervalla aliquem ab alio affici posse. Absurdissimum etiam est, alia Imaginationi, quæ supra ejus vires sunt, & ad quæ nullo modo concurrit, adscribere; ut quod dicunt, Imaginatione posse aliquem equo deiici; segetem ex uno agro in alium transferri.

Ultimum superest, ut quid in foetu Imaginationis matris agere possit, videamus. Etsi verò aliqui sunt, qui negant, Imaginationem matris in foetum aliquid posse: tamen tot & certæ observationes probant, propter Imaginationis operationem sæpe foetum mutari, ut de eo dubitare hominis vel imperiti vel pertinacis sit.

Tradidit id Hippocrates, *in lib. de superfet.* Galenus *de Theriac. ad Pisonem*, Avicenn. *sen. 2. lib. 1. doct. 2. cap. 14.* Atque existant ejus rei hi-

storiæ infinitæ, quarum paucas recensere libet. Factum Patriarchæ Jacobi, *Gen. cap. 30.* notissimum est. Heliodorus, *lib. 1. histor. Æthiopica*, scribit, Reginam Æthiopem ex marito Hydaspe pariter Æthiope peperisse albam prolem Carycleam, eò quod intuita fuisset picturam quandam, in qua Perseus & Andromeda alba facie depicti erant. Refert Sebastianus Münsterus, *lib. 3. Cosmographia*, prope Moguntiam suo tempore accidisse, cum duæ mulieres in platea confabularentur, alteram ex improvviso venientem à tergo frontes utriusque coltississe, & postea alteram earum, quæ prægnans erat, inde filias duas peperisse frontibus ad nasum usque coherentes, quæ sic decem annis continuis conjunctæ vixerint.

Balduinus Ronsseus, *lib. de primordijs hominis cap. 10.* scribit, Gaudæ in Hollandia mulierem quandam videntem greges gallinarum Indicarum, consternatam fuisse, ut postea pepererit foetum habentem faciem multis excrecentijs carnosis multiformis coloris galli Indici instar defœdatam. Ipse memini mulierem quandam cum sub moro versaretur, & mora plura in ipsam deciderent, filiam genuisse, quæ in ijs corporis partibus, in quas in matre mora deciderat, verrucas instar mororum habuit. Novi & aliam feminâ, quæ adhuc in vivis est, quæ cû vidisset à lanio caput suillum securi dividi, filium genuit, cui tota superior

rior palati pars cum maxilla superiore, & labio superiore ad nares usq; divisa erat. Et plurimi passim conspiciuntur, qui rubras vel alias maculas in facie habent, ortas, quod matribus gravidis incendiū, sanguis, vel aliud quid inopinatum spectandum subito oblatum sit.

Sed quomodo ad foetus immutationem faciat imaginatio, ita obscurum est, ut omnes doctissimi viri in causa reddenda hic hærent. Hoc certum est, Imaginationem per se, immediatè atque per simplicem imaginationis actum foetum non immutare; cum, ut supra dictum, sit potentia cognoscens atque immanens: & Quantitatis, figuræ, numeri, situs colorisq; causa proxima sit facultas conformatrix.

Neque etiam à specie phantastica foetus immutatur; cum ea per se nullam Qualitatem realem producere possit, nec ullam vim habeat, nisi movendi potentiam Imaginandi, eiq; repræsentandi objectum suum. Et si species phantastica eam vim haberet, nullo plures mutationes in foetibus acciderent: & imprimis melancholicæ mulieres, & quæ de rebus aliquibus habent intensas cogitationes foetum mutarent; quod tamen non accidit.

Vero magis consentaneum est, foetum immutari ab Imaginatione vel mediantibus animi affectibus, per humorum & spirituum motum, vel dirigendo facultatem conformatricem.

*Mutationes
in fœtu du-
plices.*

Mutationes & læsiones, quæ in fœtu accl-
dunt, sunt duplices, communes & determi-
natæ. Communes, ut abortus, mors, morbi a-
liqui interni & debilitates, partis alicujus par-
vitas vel magnitudo, defectus vel exsuperan-
tia in numero. Determinatæ sunt eę mutatio-
nes & signaturæ, quæ cum re aliqua externâ
determinatam habent similitudinem, v. g.
cum sanguine, cerâs, moro, vel alio fructu,
vel animali aliquo.

*Animi Pa-
thematâ
quomodo
fœtum affi-
ciant.*

Priores quidem mutationes contingere
possunt à phantasia, mediantib9 animi pathematis & motu humorum ac spirituum. Verum
notas & signaturas determinatas, quæ respon-
dent rebus externis determinatis, Imagina-
tioni oblati, per animi pathemata & motum
humorum ac spirituum inducere non potest
Imaginatio. Etenim cum animi passiones
spiritus ac humores agitent; humores agi-
tati vel impetu vel nimia Quantitate ad ute-
rum ac fœtum ferri vel ab eodem revocari
possunt: quo modo fœtus tenerum corpus
valde afficitur. Atque hinc accidere potest ab-
ortus, facultate uteri expultrice ex illa humo-
rum perturbatione irritata; in varios mor-
bos incidere, tandemque emori fœtus solet.
Contingit etiam eadem de causa, ut spiriti-
bus & sanguine, qui instrumentum & materia
sunt, quib9 facultas formatrix in fœtu formâ-
do utitur, agitatâ & perturbatâ, facultas for-
matrix in opere suo turbetur, & vel humorum
copia

copia obruta impediatur, vel spiritibus & humoribus alio conversis destituta partes non rectè efformet, easq; vel majores vel minores, quam par est, efformet, vel ijs debitam figuram, numerumque non tribuat, alijsq; modis spirituum & sanguinis culpa in opere suo aberret.

Verum talia errata non sunt determinata, nec cum rebus externis aliquibus similitudinem peculiarem habent; cum fiant saltem à fortuito in hanc vel illam partem humorum per animi passiones agitatorum motu, & non modo quodam peculiari secundum species in Imaginatione receptas determinantur. Ideoque potius animi passionibus, quam Imaginationi talia errata & mutationes fœtus adscribi debent; neque phantasia verè & effectivè ad eas concurrit, neque aliter, nisi quatenus appetitum excitat.

Quando verò signaturæ illæ sunt peculi- *Signaturæ*
res, & determinantur secundum species in *determina-*
imaginatione receptas, exempli gratia, quan- *tes.*
do ex aspectu sanguinis sanguinea macula fœtui imprimitur, aut per imaginationem mori verruca mori fructui similis in fœtu generatur: tales signaturæ & mutationes meritò phantasie adscribuntur; neque animi passiones per se eas producere possunt. Sive enim gravida ab hoste, sive à glire, sive à cane terreatur: idem fit motus humorū, ab ambitu scilicet corporis ad interiora; & proinde eodem

modo signatur foetus; quod tamen non accipit; sed quæ à glire terretur foemina, gliris notam foetui imprimit; quæ ab alio, aliam. Et fieri potest, ut eadem signatura in foetu à diversis animi pathematis contingat, potestq; foemina parere infantem simiæ aliquomodo similem, tam quæ simiam amavit, & cum ea lussit, quam quæ eadem territa fuit. Quod indicio est, aliud quiddam in determinatis & definitis illis signaturis accedere; Imaginationem scilicet, quæ conformatricem dirigit. Conformatrix enim sola proximè totum corpus foetus conformat, sive bene, sive malè id fiat. Phantasia verò seducit aliquando conformatricem, & dirigit ad quid, quod non est naturæ seminis conforme; sed simile ei, quod est imaginatum, conformandum. Atq; ita harum notarū & signaturarū meritò causa esse dicitur; cum ad eas determinando concurrat.

*Quomodo
imaginatio
foetus notas
imprimat.*

Quomodo autē Phantasia determinādo & dirigendo conformatricem facultatem taliū in foetu inutationum causa sit, explicare longè difficilimum est, atque alij aliter hac de re sentiunt. Tutissima autem videtur illorum esse opinio, qui statuunt conformatricem ab Imaginatione dirigi per species exemplariter seu objectivè, ut loquuntur, objiciēdo scilicet speciem conceptā, ad quam tanquam exemplar seu regulam opus conformationis exequatur cōformatrix facultas. Si autem quis miretur, quod facultas formatrix, quæ ad vegetantem

poten-

potentiam pertinet, exemplar illud ac speciem cognoscere possit: ille æquè admirandum esse cogitet, quod opus hoc, in quo, ut Galenus loquitur *τέχνη καὶ σοφία μεγίστη* apparet, & quod *ἀνευ σοφότητος καὶ καὶ διωρατικότητος ὁμολογεῖται* fieri non potest, ab eadem facultate perficiatur; sciatq; animam non sua vi, sed indita sibi à Creatore sapientissimo hæc perficere, Deumq; opt. max. nostra hæc utenda nobis dedisse, ut Scalig. *ex. 6. sect. 5.* loquitur. Atq; licet facultas cognoscens à formatrice differat; aliqua tamen & sui generis notitia & cognitio huic etiam tribuenda est, ut, *ibid.* apud Scalig. videre est, ut etiā supra cap. 9. dictum. Ita plantæ cognitione ista cognoscunt & discernunt in terra alimenta, & cōveniens attrahunt, relicto reliquo. Ita partes omnes alimentarium humorē cognoscunt & attrahunt; excrementitium respuunt. Vide Scalig. *exerc. 307. sect. 29.*

Quomodo autem species in phantasia in cerebro recepta afferatur Conformatrici in utero, itidem valdè obscurum. Putant nonnulli hoc fieri mediantibus animi passionibus. Quod ut simpliciter non nego; cum certū sit, illa objecta, quæ animi pathemata inducunt, maximā vim habere fœtum signandi: ita dubito, an simpliciter sit necessariū, & semper requiratur, ut mediantibus spiritibus & humoribus, à cerebro ad uterū species deferatur. Nā cum sit anima una in toto corpore, ubiq; omnibus suis instructa facultatibus, etsi omnes in omnibus

non

non exserat, sed singulas per propria organa perficiat: fieri potest, ut in una parte excitata aliqua & in actum deducta potentia eadem etiam aliam in alia parte excitet, in actum deducat, imò in agendo dirigat & determinet: cum eadem utrobique sit anima. Ideoq; licet in semine ad animalis novi constitutionem suo modo segregata sit anima, suo tempore novum individuum constitutura: tamen cum adhuc fœtus matri cohæreat, ejusque vitam participet, ea, quæ potentias animæ in matre movent, eadem quoque in femine facultates excitare, & plus afficere fœtum, quam ipsam matrem mirum non est. Matris enim corpus jam absolutum est, & non nisi nutritione indiget: quia verò in fœtus corpore formando adhuc occupata est anima, facile fieri potest, ut aliquid externi sese admisceat, & ad hoc vel illud agendum dirigat aut seducat.

Atque ita rem sese habere, neque animi pathemata semper necessaria esse, sed solam fixam intentionem, & quæ cum admiratione aliqua sit, imaginationem ad fœtum signandum sufficere, multa indicant. Ita Regina Æthiopiz, ut supra dictum, ex intuitu tantum & consideratione picturæ albæ Andromedæ filium album peperit. Ita oves Jacobi signaverunt fœtus suos intuendo & imaginando virgas diversicolores. Et si quis hic miraculum accidisse putat: experientia testatur, aves & bruta alia conceptus & fœtus suos ex aspectu &

& imaginatione colorum objectorum mutare.

Fiunt autem istæ mutationes in fœtu tempore conceptus (qua ratione non solum matres, sed & patres fœtū signare posse nonnulli existimant) & graviditatis; sed tempore graviditatis frequentius, eò scilicet, quo facultas formatrix in opere est, & post conceptum in partibus corporis formandis occupatur. Non tamen omni tempore omnes notæ imprimuntur. In fine possunt colores mutari, carneæ quædam excrescentiæ aut tubercula adnasci, magnitudo partus mutari, imò & figura aliquando: at tota conformatio, ut scilicet fiat pes equino similis, caput porcino vel canino, vel numero mutatis vel alia insignis in figura mutatio; posterioribus mensibus mutari non potest: quia omnia jam sunt conformata. Natura verò cum semel fœtum conformavit, non potest eum aliter figurare, dividere, numerum mutare. Ex quibus patet, multa, quæ à nonnullis recensentur, fabulosa esse. Inter quæ & illud, quod nonnulli scribunt, pullos produci varij caloris, si ova inter excubandum varijs coloribus pingantur, aut matris excubantis oculis panni variorum colorum objiciantur. Post pulli enim productionem nulla imaginatione mater pullum signare potest, nihilq; post ovum exclusum gallin pullo impertit, nisi quod calore facultatem formatricem excitet.

Quo tempore fœtus notas Imaginatio imprimis.

Neque

*Quales no-
tas Imagi-
natio foetus
imprimere
possit.*

*Paracelsi
de Imagi-
natione o-
pinio exa-
minatur.*

Neq; etiã qualvis mutationes potest Imagi-
natio foetus imprimere, sed illas saltem, ad
quas materia corporis est disposita, & ad quas
efficiendas facultas formatrix apta nata est, &
ordinem naturæ habet. Etsi enim species ab
Imaginatione plurimè possint conformatrici
objici: tamen omnium directionem in con-
firmando sequi non potest: neque potest for-
mare quicquam, nisi ad quod habet materiam
idoneam, & ad quod formandum apta nata
est: ita veras plumas, squamas, cornua vera,
colores perfectè virides, flavos, cæruleos non
potest. Neq; enim scientiam naturalem talia
formandi, neque materiam idoneam habet.
Et licet ruditer talia, quæ Imago obijciat,
interdum adumbret: perfectè tamen effingere
& imitari nunquam potest. Quod autem nota
istæ foetus potius, quam utero matris imprin-
tantur, causa est, quod facultas formatrix
circa foetum, non circa uterum occupata est.

Ex quibus omnibus jam patet, quid de ijs,
quæ Paracelsus ejusque asseclæ de Imagi-
nationis viribus docent, sentiendum sit. Nimi-
rum in corpus proprium quidem Imagina-
tionem aliquid posse; alienum verò afficere
non posse. Quanquam enim foetus Imagina-
tio matris afficiat: tamen foetus matri arctissi-
mè conjungitur, & ejus veluti pars quædam
est, dum ei per vasa umbilicalia & uterum
connectitur. Longè verò alia ratio est rerum
extra corpus constitutarum. Et proinde er-

rant

tant omnes, qui Imaginationem etiam aliena & remota corpora afficere posse existimant, ut Avicennas, Alchindus, Pomponatius, Paracelsus, Crollius, & qui hos sequuntur, quamcunque etiam hujus rei causam fingant. Nam in reddendis causis discrepant. Avicennas quidem animam hominis cum intelligentijs habere similitudinem existimat, & sicut illæ hæc inferiora afficiunt: ita illam virtute imaginationis sic attolli posse, ut etiam in remota sine medio aut instrumento agere possit; posse morbos inducere & sanare quos velit, hominem in puteum deicere, miracula edere. Alchindus res in imaginatione conceptas re ipsa in ea subsistere putat, ac per radios quoque versum exeuntes propagari posse. Paracelsus eosdem sequitur, imò absurda absurdum cumulat, ut tū ex alijs ejus scriptis, tum ex lib. de orig. morb. invisib. videre est; verum in causis reddendis nec ingeniosior nec felicior.

Verum hoc omnibus istis demonstrandum erat, Phantasmata alio modo movere, quam repræsentando, atq; aliud officium esse Phantasiæ, quam simulachra & species rerum à sensibus accipere, judicare, easq; intellectui offerre, & per consequens, scilicet objectione specierum, boni malive aliquid repræsentantium, appetitum ad persequutionem aut fugam excitare: quod nisi faciant, sine ratione dogmatibus tam absurdis fidem haberi postulat. Cui enim persuadeant, imaginem, speciem &
repræ-

repræsentationem aliud posse, quam significare & repræsentare rem, cujus est species? & actionem in homine immanentem aliquid extra hominem immutare posse? Quàm enim auditio & visio alium non afficit: ita nec Imaginatione. Et quæ de Imaginatione gravidarum & notis ac nævis, quæ per eam fœtui inducuntur, afferunt, non plus probant, quam animam ab imaginatione quocunque etiam modo motam in suo corpore peculiarium motuum causam esse: sed quod in alienum corpus agere possit, non probant.

Ideoq; refutatione digna non sunt Paracelsi somnia statuentis & scribentis, Imaginationes nostras ad cœlum usque elevari, eosq; inficere; cœli sidera nos imaginatione nostra cogere posse; quendam ex morbo decumbentem & tantum non mortuum robusti adolescentis vitam & vires ab illo ad se per imaginationem attraxisse: & Archasum quendam aliorum doctrinam & prudentiam imaginatione ad se evocavisse.

Ut & Crollij, qui, *in præfat. admon.* scribit; vehementem imaginationem & proprium corpus transmutare posse & alienum; plures imaginando effecisse, ut subito sint facti templum Dei; Imaginationem esse magnetem attrahentem ultra mille milliaria, quicquid vult; miracula operari.

Ut uno verbo dicam, caput & cauda, fonsque operationum Magicarum, & cardo, in
qua

qua Magia tota Crollij, & quam recentiores non pauci sectantur, & clàm propagant, ac non nisi ijs, qui his sacris digni putantur, per manus tradunt, est falsa ista de imaginationis viribus opinio.

Estque ista Magia satis antiqua, (eo ta- *Magia Gen-*
men nomine non melior) & Platonice, qui *terum.*
officiosissimi dæmonum cultores fuere, non ignota, ab Ægyptijs & alijs superstitioni idolatricæ deditis gentibus profecta. A Platonice eam hausit Avicennas, qui Imaginationem istas, quas putat, vires ab Intelligentia, quam homo per imaginationem sibi conciliarit & veluti amicam obsequentemq; reddiderit, accipere statuit. Ejus Magiæ fundamenta, *lib. 3. de vita calit. compar.* proposuit. (an probaverit, an verò narraverit saltem, quod in præfat. innuerè viderur, jam non inquitro) Marsilius Ficinus, in quo docet, ex applicatione quadam spiritus nostri ad spiritum mundi per artem physicam affectumque facta trajici ad animam corpusq; nostrum bona cœlestia. Quæ Marsillij Ficini dogmata si intra naturæ limites sese continerent, & de stellarum influentijs agerent: tolerari possent. Verum enim est, quod, *alleg. lib. cap. 15.* scribit: Tu si concedis, Deum rebus infra Lunam mirabiles inferuisse virtutes, mirabiliores concede cœlestibus. Sed cum, *cap. 4.* scribat, hoc medio non solum quædam beneficia corporis mundani & stellarum, sed & dæmonum re-

portare posse; neq; improbet, quod de Apollonio Thyaneo Indorum sapientum princeps Hiarchas dixit; eum divinandi scientiam cōsecutum, quod tantum ætheris in anima gesserit: ad superstitionem illam Ægyptiacam & Platoniam delabi videtur, quæ in libro Arbatel de Magia veterum proposita est. Is septem gubernatores secundum septem Planetas cum suis exercitibus constituit, qui à Mago vocati veniant, ei obediant ac iussa exsequantur, doceantq; , de quibus interrogati fuerint. Cum autem spiritus illi diversa officia & potestates habeant, integrum esse cuiq; , qualem velit Spiritum seu Angelum, Medicum, aut Philosophicum, aut Mathematicum, aut Angelum prudentiæ civilis, sapientiæ supernaturalis vel naturalis petere, & modò seriò, maximo animi motu, fide ac constantia ac sine dubio petat, accepturum à Patre omnium spirituum Deo, tradit. Verum noctuæ sunt hæc ad aucupium animarum à diabolo propositæ. Imaginatio ista Arbatel, Paracelsi, Trithemij, Agrippæ, Crollij, & eorum, qui hos sequuntur, ad illam Melancholiam pertinet, quæ diaboli balneum esse, vulgò & rectè dicitur. Cum enim diabolus se in Angelum lucis transformare possit, & circumeat, ut leo rugiens, quærens, quem devoret: quantam fenestram isti diabolo aperiunt, qui spiritus, ut sibi serviant, sine mandato Dei advocant? Verum quidem est, quod allegant, Deum daturum

turum dona petentibus: sed si ea petantur,
 quæ Deus se daturum promissit. At mon-
 strent illi, ubi in sacris literis Deus promise-
 rit, se spiritus vel angelos hominibus missu-
 rum, qui Philosophiam, Medicinam & quæ-
 cunque velint, docerent. Unde etiam iste spi-
 rituum numerus, ordo, ac potestas ipsis inno-
 tuit? Producant & monstrent tandem unum,
 qui imaginatione ista forti, fide & oratione,
 spiritum aliquem consecutus sit: sed talem
 monstrent, qui non infamis Magus fuerit.
 Itaque, ut hæc concludam, unio illa & con-
 junctio animæ hominis cum Intelligentijs &
 & spiritibus, quæ Imaginatione fiat, & spiri-
 tum ad servitia homini præstanda, convo-
 catio, Magorum idololâtricum in-
 ventum est.



CAPUT XV.

DE PARTE MEDICINÆ Physiologica.



Um hætenus satis prolixè, quid in plerisque de rebus naturalibus Chymici hodierni sentiant, & quid ea de re statuendum nobis videatur, explicaverimus: jam in parte Physiologica brevioribus licebit esse. Et principio quidem hoc monendum est, Severinum & alios Chymicos in plerisque quidem divortium quærere à Galenicis: cum tamen, si rem ipsam spectemus, idem doceant, & novis verborum saltem involucris velata vel vestita pro novis venditent. Ubi tamen revera quidam dissensus est, de eo monebitur.

Et primò quidem eadem tria principia in homine ponunt, sed longè præstantiora. Et quidem Quercetanus, *contra Anonymum*, ea in tres partes principales collocat: Naturalem aut Vegetatricem facultatem, cujus sedes est in Epate, à sale primo illo radicali principio & basi aliorum cōservationē & fomentum recipere scribit; Vitale in corde sitam à liquore sulphureo foveri & sustineri; Animalē facultatem principio Mercuriali, quod totū æthereum est & spirituale, conservari & stipari.

Dein-

Deinde in homine constituunt corpus du- *Corpus du-*
plex. Unum visibile ex quatuor Elementis, ex *plex homi-*
carne & sanguine formatum; alterum verò *nis sec. Chy-*
invisibile. Hoc corpus invisibile appellatur *mic.*
ab ipsis etiam *Sidereus Homo, internus, incorpo-*
reus, Gabalis, hominis genius, Penatis, Umbra vi-
sibilis corporis, Lar domesticus, Homo umbratilis,
familiaris Sophorum homunculus, Damon sive
genius bonus, internus Paracelsi Adeptus, Spectrū,
Naturæ lumen, Evestrum præfagiens & Prophe-
ticum in homine: item, *Imaginatio, quæ in se*
claudat omnia astra, sitq; omnia astra, & eundem
cum cælo retineat cursum, naturā & potentiam.

De hominis quoque creatione mirè philo-
sophatur P. Severinus, dicitque hominem esse
quintam essentiam ex firmamento & elemen-
tis extractam, seu subtilissimam essentiam to-
tius machinæ mundi in unum corpus extractā
& concretam seu compactam, adeoque com-
pletissimam totius universi imaginem, Deum-
que in creatione mundi Spagyrum egisse.

Verum ista nisi sano modo accipiantur, to-
lerari non possunt. Nam duæ sunt partes, è
quibus homo constituitur, Corpus & anima:
quarum neutra per se homo appellari potest.
Sunt quoq; in corpore Spiritus, præcipuum *Spiritus an-*
animæ instrumentum: qui quidem à plerisq; *imant.*
Medicis inter corporis partes non referuntur.
Si quis tamen, cum Scaligero, *exerc. 280. sect. 2.*
eos inter partes corporis referre velit, cum eo
non pugnaverim. Imò, cum proximum ani-

mæ instrumentum sint, id valde probabile videtur. Quomodo enim anima, quæ corpus vivificat, spiritus, quibus proximè in agendo utitur, non vivificaverit? Et ipse Aristot. *lib. de mundo cap. 4.* πνεῦμα ἐμψυχον εἶας nominat.

Homo invisibilis Chymicis.

Spiritus ergo cum sint invisibiles; corporei tamen. Si hos Chymici pro homine illo invisibili habent, nihil novi dicunt: nisi quod improprie loquuntur, partem totius nomine appellantes. Dari enim in corpore hominis & animalium, præter animam & corpus istud aspectabile & tactile, Spiritum, Aristotelici & Galenici etiam docent. Si verò aliud quid, præter Spiritus, per hominem invisibilem intelligunt: sine causa Entia multiplicare videntur. Ideoque ipsorum simplici affirmationi fidem habere non possumus, sed probationem ab ipsis solidam expectamus, qua persuadeant, præter corpus, animam, & spiritus, aliam adhuc in homine dari substantiam. Quod cum hætenus non fecerint, causam non habemus, cur ipsis assentiamur. Nec operæ pretium esse putamus, ut quæ hac de re pluribus affert Crollius, in *prefat. admonitor.* proxime refutemus: cum non solum nulla ratione probentur, sed & enormiter cum in Philosophiam tum in Theologiam impingant, ut à Libavio satis monstratum est.

Crea-

Creationem verò hominis quod attinet, in *Creatio ho-*
minis. ea describenda Crollius est temerarius. Sacrae
 literæ nos docent, hominem formatum fuisse
 ex limo & pulvere terræ: at quod ille pulvis
 quintâ essentia totius mundi fuerit, nullibi ex-
 stat in sacris, & Paracelsistarum somnium est.
 Deusque sua infinitâ potentia hominem crea-
 vit, eiq; vires, quas voluit, indidit; non neces-
 se habuit, ut Spargyrica arte tota mundi ma-
 china vires extraheret, & homini inderet.
 Hominem etiam ad sui imaginem à Deo fa-
 ctum legimus, non ad imaginem mundi.

Quæ postea de hominis generatione, nu-
 tritione & corporis gubernatione dicuntur,
 pleraque Hippocratica & Galenica sunt, alijs
 saltem pigmentis nonnihil colorata. Quæ-
 dam tamen etiam falsa. Nam quod tertio sta-
 tuunt, à spiritibus mechanicis hominis gene-
 rationem, & post generationem, corpore abso-
 luto, omnes actiones naturales administrari,
 verum loquuntur: sed iterum nihil novi pro-
 ferunt. In duobus autem peccant: primò
 quod temperamentum è qualitatibus primis
 planè rejiciunt, quasi nihil ad actiones natu-
 rales obeundas faceret; siquidem experientia
 contrarium testatur, qua constat partes nimium
 refrigeratas, vel calefactas, vel humectatas, vel
 exsiccatas, æquè ad actiones perficiendas im-
 potètes reddi, ac si spiritus nō rectè sese habeat.
 Cum enim pars animata tēperie sua prædita,
 calido innato. perfusa, ac spiritibus instructa,

adæquatum actionis cujusque Organum sit: nihil horum deesse debet. Deinde & in eo errant, quod spiritibus scientiam agendi in animarum simpliciter attribuunt. Non enim vi sua agunt, quod agunt; sed ab anima directi: & illa scientia animæ potius, quam spiritibus competit; atque anima est primaria omnium in corpore animato actionum causa.

*Sanguinis
usus.*

Quartò de sanguine quoque non recte sentiunt, cum eum corporis alimentum esse negant, ipsumque supra partium dignitatem collocant, & in societatem gubernationis Reipublicæ humanæ admittunt. Primò enim contra experientiam pugnant, dum sanguine nutrirî partes negant. Cur enim Cibus in Chylum, Chylus in sanguinem mutatur; nisi ut totum corpus eo alatur? Et quo fine alio sanguis per venas in totum corpus distribuitur, nisi ejus alendi gratia? Ideoque cum tam planam rem in dubiû vocare placuerit Severino: rationibus agere debebat: cum quod ipse affirmat, ab alijs eadem facilitate negetur. Sed hoc Paracelsi & Severini perpetuum vitium est, quod dogmatibus planè paradoxis & absurdis, nulla ratione, quod decet Philosophum, allatâ, fidem haberi volunt.

*Spiritus an
esuriant.*

Quintò quod dicit, Spiritus esurire, saturari; absurdum. Refici quidem Spiritus absumpti debent, quam refectionem & instaurationem, si quis nutritionem appellare velit, per me licet. Sed sitire & esurire animalis proprium

prium est. Et aliud est indicare, aliud appetere. Spiritus absumpti instaurationem sui indicant: At appetitus animalis proprius est, quod per similia conservari, & id, quod molestum, est ac contrarium, tolli desiderat.

Sextò quod sanguinem in partium numero adsciscunt, tollerari posset, si eo modo partes intelligerent, quo Hippocrates; cum corpus dividit in continentia, contenta & Spiritus. Aliàs sanguis corporis non pars est, sed nutrimentum. Male etiam gubernationem corporis humani sanguini simpliciter tribuunt, Spiritus quidem, qui in arterijs & venis continentur, corpus sub animæ dominio gubernant: humor verò sanguineus solum corporis nutritioni dicatus est.

Septimò de Synovia, quam ut rem novam & Galenicis incognitam proponunt, ipsi, quid statuendum sit, incerti sunt. Nam P. Severinus lentum illum humorem, qui in articulis maximè apparet; ac secundum ipsius sententiam, omnium ossium membranis adhæret, Synoviam nominat, eundemq; ab Hippocrate, in lib. de locis in homine, *ῥέματι* id est, mucum vocari existimat, gravissimorumq; morborum sedem esse, & hinc gravissima symptomata committi censet. In hac enim Synovia contingere Cephalalgiam, *κέφαλον* Hippocratis, Arthritides, Podagras, Chiragras, & similia mala. Verum si hic lentus humor Synovia est: nihil novi afferunt, sed quod

toti scholæ Galenicorum fuit notissimum; ideoque malè Galenicos hic socordix arguunt. Neque etiam locus Hippocratis, quem *pag. 181. ex libro de locis in homine*, quem citat Severinus ipso latuit. Neque ignorarunt hæcenus Medici gravissimos articulares morbos fieri cum ad articulationes, (articuli enim, non ille mucus sedes est illorum morborum) ex vicinis locis humores excrementitij confluunt. Et quæ hætenq; de arthritide ab ijs tradita sunt, injuriam ipsis fieri, & sine causa negligentix eos accusari, docent. Imò ipse Severinus hic erroris accusandus, quod omnium ossium membranis hanc *μύξα* & mucum inesse scribit: cum tamen Hippocrates cum saltē articulis tribuat, & quidem eo fine, ut articuli sint ad motum faciliorem apti, ideoque alijs in ossium locis nullus ejus usus est.

Paracelsus, *lib. 7. paragr. paragr. 2.* Synoviam esse dixit partis suæ nutrimentum & conservationem retentivæ & motivæ virtutis ex viribus virtutis digestivæ. Ex recentioribus quidam Synoviam definit, internam virtutem & agendi agilitatem. Scheunemannus, *in medicina reformata c. 8.* Synoviam dicit esse lac dulce, quo corporis partes aluntur ac nutriuntur. Quæ omnia inter se non concordant. Aut si idem dicere volunt, & peculiarem aliquam in partibus naturalem humiditatem (qualem tamen præter humidum nativum cujus

cujusque partis non monstrabunt) inesse statuunt, à qua pars suum robur & virtutem habeat: malè id ex eo probare conantur, quod è partibus nervosis & articulis vulneratis multum humiditatis effluat. Habet equidem pars quælibet suum humidum radicale, & calorem insitum, à quo omne partis robur, quod Galenicis æquè notum ac Paracelsicis: non tamen quod ex partibus nervosis & articulis vulneratis sæpe magna copia effluit, est humor cuiuslibet parti insitus & naturalis: cum longè plus effluat, sæpe una nocte, quam pars humoris naturalis in se contineat: sed est humor excrementitius & sanies. Nam cum pars vulnerata debilis reddatur, alimentum probe concoquere nequit, atque inde fit, ut illud in sanie mutetur: & quo major est debilitas: eò copiosius tale quid effluit. Ideoq; non semper ex articulis vulneratis hic humor emanat, sed ubi inflammationes in articulis & partibus vicinis nervosis accidunt, tum ichor ille, quem Chirurgi nominant **das Gliedwasser**, copiosius emanat, & vulneris se malè habentis, periculumq; minantis, indicium est. Præterea ad partem dolentem & debilitatam plus humoris affluit, & propterea cum partes nervosæ vulneratæ majoris doloris causæ sint, plus humoris ad eas affluit, quam ad reliquas. Quibus accedit, quod partes illæ excarnes sanguine, & calore minus abundant & propter-

propterea læsæ pus tam benè concoquere, ut carnosæ, nequeant.

Fel.

Octavò quoque Galenum reprehendit Severinus, quod Fel inter corporis partes non numeraverit: verum immeritò. Est quidè inquilinus vesicæ fel, sed non talis, qui ad constitutionem corporis pertineat, sed ex eo ejici debet; excrementum nimirum.

*Stomachus
quid Chy-
mici.*

Nonò quod Stomachum in Epate & alijs partibus constituit Severinus, est ineptus lusus in vocabulo *Stomachi*, in arte non ferendus; similis plane illi, quo Paracelsus, *lib. 3. de morb. tartar. cap. 4.* Pleuritidem in capite ponit. Res alias per se plana & non nova est: non solum ventriculo, sed omnibus partibus vim inditam esse, qua alimentum sibi idoneum attrahere, retinere, concoquere & sibi assimilare possit. Hanc Chymici recentiores appellant Stomachum; certumq; est, nisi plane absurdi esse velint, nihil aliud intelligere posse. Itaque pleraq; , quæ *cap. 10.* habet Severinus sunt Galenica, aliter paulò proposita.

*Humores à
Paracels.
rejecli.*

Humores verò quod attinet, mirè eos exagitant Paracelsici & nihil nisi inania nomina esse dicunt, Galenicosq; inde Humoristas nominant. Causam autem si quæras, cur humores rejiciant, hanc reddit Severinus: quod multas Salium, Sulphurum, Mercuriorum species in mundana Anatomia reperire sit, easq; artis ministerio ostendere possimus: Pituicæ verò, Bilis, Melancholiæ, anatomia nesciatur: eum

nec

nec species nec proprietates in natura possideant, & ob id nihil sint, nisi inania nomina; à quibus si Sal, Sulphur & ☿ suas proprietates repetant, imaginaria solum futura sint. Verum in eo valde errant. Nam non est opus, ut cujusque rei principia propria ubivis in mundo reperiantur. Sanguinea massa, quæ hic quatuor humorum nomine venit, non aliarum rerum, ut plantarum & metallorum, principium est, sed saltem animalium perfectiorum: ideoq; extra istas animalium Species eam reperiri opus non est. Et proinde nihil ineptius scribere potuerat Paracelsus, quam hoc, *quod in labyr. Med. errant. cap. 3. dicit. Neq; cælum neque terram novit phlegma, bilem vel melancholiam. Ergo neque in homine est.* Verum-
Dantur humores.
 ramen non solum homini proprius sanguis & humores sanguinem constituentes, sed & alijs animalibus, & in ijs reperiuntur: ideoq; falsum, quod in majore mundo non reperiuntur quatuor humores, seu sanguis. Reperitur enim in perfectis animalibus omnibus, quæ certè majoris mundi pars sunt. Et quid opus est, ex analogia majoris & minoris mundi probationem humorum quærere? Ineptum est, relictis sensibus & experientia, qua constat, sicut in animalibus alijs, ita & in homine sanguinem inesse, atque eo illum nutriri, ad obliquas ex analogia probationes confugere. Sensus certè docet, ex alimentis assumptis sanguinem, non sal, sulphur & mercurium generari;

rari, & secta vena non sal, sulphur & mercurium, sed sanguinem effluere, atque ita in omni corpore, omni tempore, ætate, loco, regione sanguinem inveniri. Ergo distinguendum est inter principia rerum naturalium communia & proxima; illa omnibus rebus æquè insunt: & sunt Elementa; & illa Chymicorum; si dextrè explicentur, principia. Hæc variant; ut ipsa rerum naturalium genera variant; sua sunt plantis; sua metallis; sua animalibus. Animalia (de his enim & præcipuè de homine sermo est) sanguine è quatuor humoribus constante consistunt. Verum ipse Paracelsus sibi hac in re non constat, passimq; in libris suis sanguinis & humorum mentionem facit.

Sed respondebunt præcul dubio hic quidam, se non ignorare & sensibus id patere, sanguinem in venis contineri: verum se non esse contentos sensuum, in exteriori cortice hærentium, arbitrio, se omnia ad vivum rescare, & artificiosa resolutione in sanguine tria principia aperius demonstrare, & à qua parte seu fonte actiones promanent, docere. Verum enim verò nimium hic sapere videntur. Nam dum de sanguine & humoribus quaeritur, non de primis rerum principijs, sed de proximis corporis humani & animalium perfectorum, primaria quaestio est. Alia enim quaestio est, quæ sit totius compositi natura; alia

alia quæ principiorum singulorum, è quibus constat. Sit sanè ut sanguis & humores reliqui è tribus principijs Chymicorum, eo, quo supra explicavimus, modo componantur: an tamen ideo sanguinis, bilis, pituitæ, melancholiz tot seculis trita nomina sunt rejicienda? Lac potest resolvi in butyrum, serum & caseum: & nihilominus totum compositum Lac rectè appellatur. Si hæc humorum nomina rejicienda sunt, eodem jure rejicientur ossis, membranæ, carnis & aliorum nomina, omniumq; omnino partium appellationes. Nam ex Chymicorum sententia hæc æque ac sanguis ex tribus principijs constant: & ineptum est, ab uno saltem principio talia denominare velle. Nunquam enim sanguis ex uno principio constat, sed ex omnibus principijs & elementis simul mistis, habetque suam formam, per quam à Chylo carne ac reliquis differt, & ab ea sanguis denominatur, partesque sanguinis diversæ merito etiam diversa nomina sortiuntur.

Et proinde res eò redit, explicandam esse Chymia medicinam antiquam, non evendandam. Idque fiet commodissimè, si nomina primis inventoribus indita & usu ac omnium seculorum cōsensu approbanda, quibus Hippocrates, Aristoteles, Galenus, Avicenna, Mesues, & reliqui medici omnium seculorum,

*Nomina
non temere
mutanda.*

lorum, Chymici & non Chymici usi sunt, retineantur, res verò è Chymia declaretur. Nova enim nomina imponere rebus, non cuiusvis est; nec tantus fuit Paracelsus, ut hoc ei licuerit.

*Humor
quid Galenicu.*

Injuriam etiam maximam faciunt Chymici Galenicis, atque inter eos Quercetanus, in consilio de *Arbitride & calculo*, dum ipsis tribuunt, quasi per humorem intelligant quidam aqueum saltem, omni nobiliore potestate destitutū. Non sunt inania nomina humores, non sua essentia & proprietatibus destituuntur, sed ex principijs prioribus mista formam habent specificam, proprietates, potestates, colores, sapes & similia, quibus ab alijs rebus differunt. Quæ omnia nomine sanguinis & humorum includuntur. Semen, caro, os, & reliqua omnia ex sanguine oriuntur: quia tamen novam formam induunt, nova etiam nomina accipiunt. Ita licet principia & elementa in omnibus alimentis & quæ ex ijs in corpore fiunt, insint: quoties tamen nova forma introducitur, novum nomen imponitur, & quod prius panis nominabatur, jam Chylus nominatur; hinc sanguis, bilis, pituita, melancholia, caro, os, nervus dicuntur.

*Sanguis an
multiplex
in corpore.*

Neque illud quoque admitti potest simpliciter, quod statuit Severinus: Sanguinem in diversis venis & locis non ejusdem naturæ esse. Nam licet sanguis in venis minoribus, parti-

partibus jam assimilandus, alterationem accipiat: tamen ab eo, qui in majoribus est ramis natura non differt; neq; uno in loco semper & parte una quiescit, sed pro varia occasione in partibus hinc inde movetur.

Errat & in eo Severinus, nec video quomodo excusari possit, cum statuit in Balsamo inesse sanguinem, spiritum, carnes, ossa, ligamentum, nervos; eaq; spirituum mechanicorum opera ex eo secerni & separari. Inest quidem in omnibus alimentis quid nobis familiare, quod in corporis nutritionem cedit, & varias pro partium, quibus apponitur, varietate, formas induere potest: quod sive Muriam sive Balsamum appellare velit, de nomine cum eo non litigabimus. Quod verò ta, quæ diximus, omnia in eo contineantur, saltem inde separentur, & ut supra ex Paracelsi dictum, quod unicus, quem comeditus, bolus omnia membra corporis humani contineat, quæ manifestentur & separentur saltem spirituum Mechanicorum industria: id admitti nullo modo potest. Si de Elementis & principijs illis Chymicis, aut saltem, amaro, acido Hippocratis id statueretur: immodica explicatione adhibita tolerari posset: at cum sanguinem, os, carnes, & partes ceteras actu in pane inesse statuit, id nullo modo salvari potest. Hoc modo enim cum Alexander omnia in omnibus inesse dicendum

An in alimentis omnes partes in sunt.

dum erit; & nulla esset vera generatio. At revera dum ex pane fit Chylus, ex Chylo sanguis, ex sanguine os, membrana, caro: in quolibet mutatione nova forma introducitur, habetque quælibet pars assumptum alimentum in suam naturam mutandi vim, quæ animæ vegetantis peculiaris potestas est: neque sanguis vel os spiritus Mechanici latentia separantis, sed animæ vegetantis, & in specie facultatis *αἵματοποιητικῆς* & *ὀστοποιητικῆς* opus est. Et cum secretiones Ars satis æmulari possit: generationes tamen nullo modo potest: Neque in potestate artis est, vel sanguinem vel os generare. Licet enim instrumentarium agens, calorem scilicet, in promptu habeat: primario tamen, quod est anima, destituitur. Sed hæc, quæ hætenus de sanguine & humoribus dicta sunt, de humoribus alimentarijs accipienda, quæ massam sanguinis constituent. De excrementitijs verò capite sequenti, ubi de causis morborum dicetur, agetur.

An humores alimentarij & excrementitijs specie differant.

Neque assentiri possumus Erasmo, qui *aisput. 3. contra Paracel. pag. 121.* scribit: Humores, qui sunt corporis nostri Elementa, & eos, qui sunt excrementa, ejusdem esse speciei, & perfectione saltem, & imperfectione, alijsque accidentibus talibus differre. Dum enim sanguis generatur, partes aliquot intra, aliquot supra modum coqui: hasque tanquam inutiles sanguini futuros excerni.

Nam

Nam cui hoc persuadeat Erasius, sanguinem & bilem in vesicula fellis specie non differre, quæ ita omnibus qualitatibus, actionibus & usu differunt? Neque humores illi excrementitij & sanguis istam naturæ diversitatem saltem à causa agente, sed etiam ex alimentorum natura accipiunt, in quibus non omnes partes æquè aptæ sunt, ut boni sanguinis naturam induant. Quid verò dicet de excrementitijs humoribus præternaturalibus morborum causis: illinè etiam à sanguine, non specie sed saltem perfectione & imperfectione different.

Tandem duplicem Anatómiam constituunt, ut ex Paracelso, *libr. 1. de origine morborum è tribus primis substantijs, cap. 6. & part. 2. libr. 2. de tumoribus pustul. & ulceribus gallic. cap. 1. Severino cap. 3. & passim alibi videre est; Unam, quam vocant Localem, qua cadavera artificiosè dissecantur, omniumque partium situs, conformatio, magnitudo, numerus investigatur. Quam etsi non planè rejiciant: tamen etiam non magnifaciunt, sed mortuam appellant, quæ vel lanijs communis sit; & quæ, quod vacca etiam facere possit; saltem cadaver hominis adspiciatur, non verò, ut Naturæ & Medicinæ studiosum deceat, ad interiorē & abditam hominis naturam acie mentis penetretur:*

*Anatómia
localis.*

Ecce 2

Alteram

Vitalis.

Alteram appellant *Essentialem, Vitalem, Formalem*, qua unumquodq; corpus in sua principia, quæ statuunt, dissolvatur: quam qui tentare velit, in primis seminum naturas & proprietates, Elementorum & principiorum officia, generationum trans plantationumq; radices Astronomizque leges & totius corporis, non mortui sed viventis, dispositionem, quam ipsi tradunt, cognitam habere debere statuunt. Unde ipsis non solum cor est, quod vulgo ita vocatur, sed cor ipsis est, ubicunq; calor vitalis est: ventriculus non solum, qui vulgo ita appellatur, sed omnis cavitas, imò omnis locus, in quo sit concoctio; Matrix non solum vulgo ita dicta pars, sed omnis locus, in quo est semē alicujus fructus. Et præcipuè, quod ubiq; faciunt, Majoris mundi considerationē in hac Anatomia conjungendam censent, & quicquid in majori mundo est, ut supra quoq; dictum, in homine quoq; esse non solum secundum superficiale quandam similitudinem, sed re ipsa & secundum speciem omnia & singula hominem in se complecti (licet invisibiliter) quæcunque in triplici illo regno, totiusq; mundi amphitheatro explicata continentur, tradunt. Atque ex hac Anatomia tria illa principia in homine dari statuunt; quia eadem in majore mundo reperiantur: Humores verò non dari, quia in majore mundo non inveniantur.

Anatomia utilis.

Verum sciendum primò eos de anatomia illa locali, seu quæ vulgo appellatur anatomia aut

aut cadaveris humani artificiosa dissectione, minus honorificè, quam debebant sentire. Quod enim scribunt, eam vel lanij esse communem, & per eam, quod vacca quoque facere possit, cadaver hominis obiter inspicere saltem: eo testantur, vel nunquam anatomicæ alicui se interfuisse; vel contra conscientiam hæc scribunt. Longè enim alia est Lanij, alia Anatomici sectio: alio modo à vacca, alio ab anatomico cadaver adspicitur. Nam Anatomicus omnium partium figuram, magnitudinem, cavitates & ductus, numerum, situm, cum alijs connexionem, consensum, diligentissimè, artificiosâ sectione, rimatur, atq; hinc omnium usum investigat. Quod eruditissimè facit Galenus cum in alijs libris, tum in libris de usu partium, & post eum multi alij Medici: Quos si legisset Paracelsus, longè aliter de anatomia ista, quam appellat, locali, sentiret, neque tam absurda de usu partium libris suis passim infernisset.

Quam verò vitalem seu viventis corporis anatomiam appellant, eam audacè nimis sibi solis arroganti: cum eam Galenici Medici non omiserint: ut cum ex alijs, tum ex Galeni libris de facultat. natur. de semine, de fœtus formatione, libris pluribus de respiratione, de pulsibus, de temperamentis, de elementis & alijs videre est. In quibus omnibus de animæ facultatibus corpus nostrum regentibus, & de ejusdem in agendo instrumentis agitur. Si

quid tamen lucis ex doctrina principiorum Chymicorum addi potest, id libenter acceptamus. Verbis tamen hic, quam factis proprios plerosque Chymicos esse video, & potius in id incumbere animadverto, ut vocabulis ludant, & sub novis vocabulis antiquorum sententias, quasi novas & suas, venditent, atque interim ex suis principijs eas parum amplificent & illustrent. Ut dum cor esse dicunt, ubicunque calor vitalis est; ventriculum, ubi coctio: Cum nemo Peripateticorum vel Galenicorum influxum caloris in omnia membra nesciat, aut facultatem coctricem, non solum ventriculo, sed omnibus partibus insitam esse ignoret. Sed cum coctio tam epari, quam ventriculo competat: cur ventriculum potius, quam epar omnibus partibus inesse dixerunt? Philosophi est suis nominibus res appellare, ventriculum ventriculum, epar epar, vim coctricem etiam suo nomine: non nominibus ita ludere, & res diversissimas confundere.



CAPUT

CAPUT XVI.

DE PATHOLOGIA.



Edut ad ea, quæ Medicinæ propria sunt, veniamus; ordine ita requirente jam Chymicorum de morbis & morborum causis doctrina perpendenda: inprimis cum totius Medicinæ Paracelsicæ fundamenta hîc sita sint.

Et principio quidem non magni momenti esse existimant, distinguere morbum, Causas *Paracelsicæ Morbos,* & Symptomata; & hæc tria, causam Antecedentem, Morbum, Symptoma nō differre genere, essentia vel proprietatibus specificis, sed *Causas & Symptomata confundunt.* potestate & actu solum Severinus, *cap. 13.* statuit: quemadmodum Medicus dormiens à vigilante; Sulphur non accensum, ab accenso; Sal non resolutum, à resolutum; Mercurius non sublimatus, à sublimato, Ideoq; ex Radicibus potiùs, quam aliunde nomina imponenda censet. E. G. in corpore latere Radices, semina & impuritates nitrosulphureas vel febriles, quæ digestis temporibus separatæ, exaltatæ & accensæ, vel in actum deductæ horrores, rigores, frigiditates, calorem in corde, pulsum mutationes producere possint: atque ab ijs morbo nomen imponendum esse. Et radicibus adhuc silentibus, & occultè in

E c 4 corpore

corpore latitantibus, ac in paroxysmorum intermissionibus, ubi nullus est in corde accensus calor, nihilominus febrem in corpore latere rectius, quam antecedentem causam, dici statuunt. Epilepsias quoque in corpore circumferri, quamvis longa habeant paroxysmorum silentia, existimat Severinus.

*Morbis,
causa &
symptomata
differunt.*

Verum enim verò rectè omnino Galen⁹ omnia, quæ in corpore humano præter naturā sunt, in tres classes redegit; Morbos, causas & Symptomata. Et magna vel inscitia est Severinianorum, si ex ignorantia distinctionē hanc negligunt; vel malitia, si scienter eam rejiciunt. Quam enim distinctio inter causam & effectum rejici non potest in ulla disciplina: tam ista distinctio in Medicina omitti non potest: siquidem Humores causa sunt; morbi istorū effect⁹: rursus symptomata utrorumque effectus. Neque solum causa antecedens, morbus & symptomata differunt potestate vel actu, vel sicut Sulphur accensum & non accensum, aut sal resolutus & non resolutus: sed longè major est differentia: resque hæc tota natura & essentia discrepant. Et vix ineptius quid scribi potuisset, quam illud, quod Severinus, cap. 12. habet. *Quod remotissimum*, inquit, *est ab effectu producendo, generis rationem obtinet: Quod verò proximum, Individua speciei: Effectus verò ordinatione individuorum rationem gerit.* Nempe muc-

mucilagines lapideæ, bolares, tartareæ, quæ in leguminibus, frumentis & alijs cibis continentur, genera generalissima esse dicit: Mucilagines inde coacervatas in ventriculo, intestinis vel alia cavitate, genera subalterna; Ubi exaltantur & morbos & symptomata inducunt, species esse individuas & postremas: Actiones verò læsas & impeditas individuas. Quæ quam absurda sint in omni Philosophia, quis non videt? Licet enim verum sit, sæpe longam esse, & quidem ordinatam, causarum & effectuum seriem: non tamen sub eodem genere sunt; & causa effectus neque genus neque species est. Et DEUS, qui est causa omnium rerum aliarum, earum neque genus neque species. Et quis tam ineptus est, ut dolorem apitis, & flatum membranas cerebri distendentem, aut calculum vesicæ & urinę suppressionem sub eodem genere esse, aut sese ut individuum & speciem vel genus habere dixeret? Hoc quidem verum est, humores aliquantulum sæpe in corpore latere posse, antequam tu morbum aliquem producant, & tum potestate sunt, id quod postea fiunt: verum mors, qui ab humore producitur, semper sua natura differt à causa, à qua producitur, sive illa potestate, sive actu talis dicatur. Ita humores vitiosi in corpore delitescere possunt, equam putrescant & accendantur, quæ ubi putrescunt & accendantur febrem citant, quam varia Symptomata, sitis, vigi-

liæ, dolor capitis, delirium & alia comitari possunt: quæ omnia inter se differunt; atque alia natura est humoris putrescentis, alia intemperiei calidæ hinc excitatæ, seu febris; alia sitis, vigiliarum & aliorum Symptomatum; quæ sine insigni errore confundi non possunt. Neque enim causa seu morbi Paracelsici lædunt actiones, priusquam partis, à qua editur, dispositionem immutarint; atque ut causa morborum, non morbi. Impossibile enim est, ut causis actionum non mutatis actio lædatur. Et quod actionem ideo lædit, quia actionis causam immutat, non morbus est, sed morbi causa.

Atque exempla omnia, quæ affert Severinus, non aliud docet, quam rem unam & eandem, quod potest fieri, revera fieri, & causam effectus, quos in sua potestate habet, in actum deducere: nullo vero modo evincunt, ut causa & effectus sint idem. Et licet postquam materia febrilis vel vomitu, vel per alvum rejecta, vel sudore evacuata est, febris cesset, & omnia Symptomata evanescant: non tamen sequitur, quod una omnium fuerit natura & essentia; sed sublata causa continente, simul tollitur effectus, sicut sublata interpositione terræ inter solem & Lunam cessat eclipsis. Ideoque ineptè scribit Severinus, quod videat febrim vomitu rejectam: causam vidit, non febrim. Ineptius adhuc, quod videtur, materiam illam vomitu rejectam, vitalia motus, vestigia,

stigia, febrili horrore aliquantis per demonstrasse. Si legisset aut diligenter perpendisset, quæ Galenus & Galenici de natura & causis horroris & rigoris febrilis scribunt, aliter sensisset & scripsisset.

Verum illud fortasse offendit Severinia-
nos, quod morbis nomina non à causis seu
radicibus, ut appellant; sed aliunde potius in-
dita sunt: verbi gratia, febrem, quæ à calore
denominatur & definitur, potius à causa
morbum nitrosulphureum dicendum pu-
tant. Verum & hic valde iniqui sunt, dum
planè pro suo arbitrio rebus nomina impo-
nere volunt, & nomina satis commoda rejici-
unt. Res enim quælibet à sua essentia defini-
enda & denominanda est. Et proinde nō malè
fit, cum febris à sua essentia definitur. Alia
postea est disquisitio de natura causæ; & hic
disquirendum, an causa febris dici debeat bi-
lis, an verò nitro sulphur.

*Morbis
nomina
unde sint
imponenda.*

Neq; etiā Galenici tam rudes sunt, ut mor-
bi maximā semper habendam rationē cense-
ant, sed sæpe ad causam magis, quam morbum
attendendum esse, probè sciunt. De quo vi-
deantur Instit. p. 884. Multo minus saltem ad
symptomata respiciunt Galenici. Nam sæpe
diversa symptomata ab eadem causa profici-
sci possunt; & contra unum symptoma à di-
versis causis: quæ nisi quis diligenter distin-
guat, & tantum Symptomatibus attendat,
Empiricum ageret, & in curatione falleretur.

hno

Imò in ipsis febribus caussarum maxima habenda est ratio. Exempli gratia, non sufficit, scire aliquam febrem malignam esse, sed caussarum imprimis febres malignas excitantium natura investiganda est; cum earum sit maxima diversitas, & hinc Symptomatum & curationis magna differentia occurrat. Ad quam rem & varietatem caussarum explicandam, si quid Chymici adjumenti afferre possunt, id libenter amplectimur; sed quantum hactenus præstiterint, res ipsa declarat. Interim tamen caussæ, morbi & symptomata non confundenda sunt, sed usitata rerum præternaturalium distinctio, in morbos, caussas & symptomata retinenda. Sed pergamus jam ad rem ipsam.

*Morbus
substantia
sec. Paracelsum.*

Et ipsam naturam morbi quod attinet, primò in eo errorè valde crassum errat Paracelsus, quod morbum substantiam esse docet; imò quod, libro 2. de morbis podagr. morbum totum hominem esse & corpus invisibile habere scribit; idq; exemplo icteri declarat. Locum integrum adscribere libet. *Exempli loco sit, inquit, Icteria, quæ oritur in cetro hominis, id est, felle. Verum nullum damnum affert, nisi ex ea totus homo progenitus sit, id est, nisi Icteria sit integer homo. Hinc enim oritur totum corpus Icteria, quod tam late extenditur, quam late extenditur Microcosmus, id est, in manus, pedes, oculos, aures, & omnia, quæ corpus continet. Cum jam totum corpus repletum est, tum absoluta est,*
Et ha-

Et habet omnia membra, quæ homo habet, ac membra membris adjacent. Hinc manus manuum, pedes pedum, oculi oculorum, ventriculus ventriculi, intestina intestinorum morbos provocant. Atque ita Microcosmus geminus est in tali morbo, habet duo corpora, Et est unus homo, non alio modo unita, quam si aqua in cineres infundatur.

Verum quæ hæc est Philosophiæ ignorantia, ita summa rerum genera confundere & accidentia & substantias non discernere? Cum enim contraria sint sub eodem genere; sanitasq; extra controversiam in genere qualitatis sit; eodem etiam referendus est morbus; omnisq; morbus nihil aliud est, quam qualitas præter naturam corpori inducta, ob quam corpus ita disponitur, ut ad actiones debitas exsequendas ineptum reddatur.

Verum hæc est egregia illa Paracelsicorum Logica, id est, Logicam, qua unâ verum à falso aptè discernimus, contemnere, atque modum sciendi cum ipsis scientijs confundere. Quod & P. Severinus fecit, qui jactat, se ulcerosam Categoriarum dispositionem ad sanitatem revocasse, non sine favo Chirurgiæ ministerio, atque unum panificium omnibus modalium subtilibus, jejunisq; prædicanientorum digestionibus antepone. Verum rectè responder Th. Erastus, *part. 1. disput. contr. Paracels.* Sanè cum venter esurit, præfero ego quoque panificium Aristotelis & Philosophorum

rum de his rebus disputationibus. At eum animus esurit veritatem, longè magis explet ejus famem Aristoteles, quam Pistoris. Deinde malè ideò totum hominem appellare videtur Paracelsus, quod totum corpus quasi pervadat & permeat. Non enim omnes morbi totum corpus occupant, ut icterus, quem exempli loco adducit; sed sunt multi morbi particulares, ut, inflammationes oculorum, aurium & aliarum partium, ventriculi; Epæstis, cerebri, debilitates, & alij morbi, qui totum corpus non occupant.

Morbi Paracelso q. planta.

Error autem omnis ex eo manat, quod, sicut plantæ è suis seminibus proveniunt, ita morbos ex suis etiam specificis & peculiari-
bus seminibus oriri existimant. Atque ut formam illam plantæ, quæ latet in semine, corpus sibi idoneum fabricat; terra verò saltem materiam artifici illi formæ suppeditat; coloresq; plantæ plantam non producant vel constituunt, sed opera illius internæ formæ sunt: ita & humores in corpore nihil aliud esse, quam materiam, ex qua & in qua semina illa latitantia morbos producant; calorè verò & frigus, reliquasq; qualitates quasi umbras esse, quæ abdita illa comitentur, docent. Itaq; & veram morborum curationem nihil aliud esse, quam seminum illorum, à quibus morbi generantur, ablationē. Hæc enim nisi tollantur, per caloris, frigiditatis, reliquarumq; qualitatum mutationem, per humorum evacuationem;

tionem, nullum morbum verè curari. Ut exemplo res clarior fiat: sicut, inquiunt, qui, ne fructus aliquis in horto suo proveniat, laborat, fatis non facit, si fructum illum quotannis decutiat ex arbore; quotannis enim regenerabitur; aut unum, atque alterum ramum amputet; nam & hi regenerabuntur, & residui fructus ferent; multò minus si folia arboris aut ipsos fructus alio colore illinat: sed arbor radicitus extirpanda est. Ita & calorem, frigus, similesq; qualitates per contraria velle tollere, esse fructus solùm auferre, relicta radice, unde proveniunt, existimat Paracelsus, & semina, radicem atque artificem tollere jubet. Nimirum quæ supra omnium rerum naturalium principia posuerunt, ea & hîc sequuntur, & ut reliquas res naturales omnes à suis astris & seminibus, quæ omnium qualitatum & motuum causa & fundamentum sunt, provenire statuunt: ita & morbos in natura sua semina habere opinantur, à quibus omnium generationum & transplantationum circuitus proveniant. Ab elementis verò morbos non provenire, sed Elementa solùm Matricis & loci rationem obtinere, & seminibus ac spiritibus loca & alimentum, subministrare. In seminibus dona & officia formarum vigere; horum beneficio actiones omnes administrari; missiones absolvi; ex his proficisci sapor, colores, calidum, frigidum, humidum, siccum; continere in suis scientijs

princi-

*Morborum
semina sec.
Paracel-
sum.*

principia Vitalia, duritiem molliem, tenuitatem, crassitiem, asperitatem, levitatem, viscositatem & reliqua similia omnia.

*Seminum
morb. oirgo
sec. Para-
celsum.*

De Origine verò horum Seminum morborum ita statuunt. Etsi in prima rerum creatione, ubi virtute divina generationis & multiplicationis vim acceperunt semina, omnes res puræ, integræ, perfectæ, & sine corruptione & morte fuerint: tamen post prævaricationem primi parentis puris illis seminibus maledictione divina supervenisse novas tincturas, ut hac de re loquitur Severinus, quarum missione in calamitosam sortem transplantata sit totius Creaturæ pulchritudo, & prima & pura illa semina novis & infelicibus vestimentis fuisse obducta. Et illa ipsa semina ab eadem potestate sive voce divina, quibus alia semina pura & perfectæ, vim multiplicationis & transplantationis accepisse: sicut ab eadem divina potentia spinæ & tribuli proveniunt.

Hæc autem Mortis & Morborum semina Radicesq; in impuritatibus consistere, ait Severinus, Arsenicalibus, Sulphureis, vitriolatis, æruginosis, Mercurialibus vel Urticosis, Spinosis, napellosis, opiatibus & similibus, quæ impuritate inflammabiles sint, instabiles & ad corruptionem festinantes, permixtæ tamen cum primis purisq; rerum radicibus, cum quibus etiam aliquam affinitatem habeant. Neq; enim quævis impura quibuscumque promiscue

copu-

copulari, sed talia talibus. Atque ista impura semina, quasi hospites & advenas obtemperare radicibus & seminibus puris & perfectis in generationum initijs, & dum omnia secundum naturam se habent, ac fallaci servitutis imagine oportuna nequitiae tempora expectare. Separata verò & exaltata inimicitias suas prode & morborum & mortis auctores existere. Hominem verò, qui omnium rerum sublunarium ministerio utitur, & ex plantis & animalibus suum alimentum sumit, universis impuritatibus inquinari, & morborum & mortis infinitas species obtinere.

Atq; ab his morborum seminibus morborum hæreditariorum ortum deducit P. Severinus. Si quis enim intemperantia vel alia de causa impuritates in corpore colligat, fieri posse statuit, ut individui illius radices & semina ita per impuritates illas inquinentur, & impuritates tam fortiter semini cohæreant, ut etiam in quartam generationem propagari possint. Hinc etiam causam reddit, cur in liberis quidam morbi conspiciantur, qui in parentibus non animadvertiebantur, atque ita ex non podagricis podagrici; ex non Epilepticis Epileptici generentur. Existimat nimirum impuritates in parentum seminibus delituisse; sed nondum maturas & exaltatas fuisse: in natis verò demum exaltari, & ad maturitatem pervenire, & inexpectata sympto-

Morborum hæreditariorum causa sec. Severin.

inata afferre. Contra fieri statuit, ut ex podagricis non podagrici fiant, ex Epilepticis non Epileptici; vel quia semina istorum morborum radicem & balsamum humanum non iam potenter occupaverint, sed superficialiter saltem ei adhaeserint; vel quia potestate naturalis balsami in utero superata fuerint; vel quia ad terminum sterilitatis auctorem pervenerint. Habere enim semina ista, quæ speciei non coherent, sed individuis, suas actus, tandemq; radicibus exhaustis sterilefcere.

*Paracelsi
intemperies
rejiciunt.*

Contra verò caliditatem, frigiditatem, humiditatem, siccitatem, humoresque neque in morborum, neq; in caussarum morbificarum numerum admittant: sed aliquid reale, quod viribus & potestate polleat, quod effectus producere possit, quod suas periodos exierat, quod scientiam habeat, prædestinationes & officia, essentiam quoque vitam & proprietates, quarum beneficio generationum fluxus moderari possit, postulat Severinus. Caliditatis, frigiditatis, humiditatis, siccitatis intensiones & remissiones in vanum adduci existimat, quæ sint umbra rerum, quemadmodum colores, nec radices habeant, nec potestates. Cum verò rei evidentia talis sit, ut negare non possint, aliquos morbos ex qualitatibus primis generari: leviores illos tamen, quam ut Medici operam requirant, esse opinantur.

*De morbi
Compositio.*

De morbis etiam Compositionis non sunt solliciti, sed saltem pro quodam actionum impedi-

pedimento habent, & non magni æstimant. ^{nis sentiri}
 Unde Recentiores, ut apud Severinum, p. 226. ^{Paracels}
 & pag. 247. videre est, duplices morbos cõsti-
 tuunt, quosdam ex seminibus, quosdam sine
 seminibus. Instrumentorum enim viciũ, &
 figurarum & cavitatum morbos, ut & conti-
 nui solutionem ex seminibus nõ oriri statuũt.
 Qui verò vulgò morbi partium similiarium
 dicuntur, eos sua semina habere existimant.

Humores verò plerumq; pro quodam phã-
 tasia invento habent. Et licet Paracels. in *La-
 byrinth. Med. errant. cap. 8.* Humores concedat:
 morborum tamen causas esse negat; & hu-
 mores à morbo, non autem morbos ab humo-
 ribus esse dicit. Utuntur verò contra humores ^{Humores}
 morborum causas iisdem argumentis, quibus ^{è causis.}
 contra humores alimentarios utuntur, nimi- ^{morb. nu-}
 rum, quod in Macrocosmo non reperiuntur. ^{mero à Pa-}
 Ita enim, in *fragment. Medicis tom. 1. pag. 134.* ^{racelso reser-}
 scribit Paracelsus: *Magnus est error calidum &
 frigidum considerare, vel Cholera, Melancholia,
 Phlegma, Sanguinem. Nunquam ullus mor-
 bus calidus frigidis curatus est; nec frigidus cali-
 dis. Ita de modo pharmacandi tract. 1. scribit:*
*quis dicat Fraxinum ex Cholera aut Melancholia
 crescere? vel si crevit, quis dicat fraxinum
 esse Cholera, Melancholia, item Phlegma?*
*Eodem modo nec excrementa, (quæ ipse ster-
 cora vocat) ex humorib. generantur. Quæ enim
 origo est unius, eadem etiam alterius: Et paulò
 post: Fluvium stercus (excrementum) appellare*

Choleram vitellinam; viridem, Choleram prasinam; perinde est, ac si quis dicat; Pyra flava sunt cholera vitellina; viridia poma sylvestria sunt cholera prasinum. Et passim in suis scriptis acerbe, ut in primis *tom. 1. pag. 784.* videre est, Galenicis hoc nomine exagitat: quæ omnia huc asferre operæ pretium non est. Quercetanus, in *Consil. de arthr. & calcul.* humores è caussarum numero rejicit; quia nullus humor, vel falsus vel acidus vel alterius saporis sit, nec sal nec tartarum admistum habeat. Et ridiculum putat, dicere, humores aduri. Humorem enim simplicem ad ignem totum exhalare.

Verum in his multa sunt, quæ fidem non merentur. Primo enim malè ex morbis quasi peculiare plantas è seminibus suis pullulantes constituunt. Monstratum enim jam antea, morbos non esse substantias, sed quiddam corpori præter naturam accidens; & malè Paracelsi affectus causas morborum cum morbis confundere. Licet enim verum sit, quod nemo Galenicorum negat, morbum, nisi causa sublata, à qua pendet, non tolli: interim tamen morbus cum causa non confundendus. Et quanquam negandum non sit, humorem aliquem vitiosum bonos humores corrumpere & inficere, & ab exiguo initio vitium aliquod in totum corpus diffundi posse; eodem modo sicut parum fermenti totam massam inficit, ut præcipue in venenis
vide-

videre est: tamen longè alia est plantarum, alia morborum generatio. Anima enim vegetans, quæ est in semine, ex attracto alimento totum corpus plantæ fabricat, & ex ovo fit pullus, non corruptione, sed perfectione, ut Scaliger, *exerc. 6. sect. 2.* habet: at in morborum generatione longè aliter se res habet, atq; à vitiosis humoribus, quasi à fermento, boni alterantur, inficiuntur & corrumpuntur, corruptorumq; humorum qualitates ipsas partes lædunt, alterant, ipsisque qualitates præternaturales inducunt: nulla verò in morborum causis vis formatrix est, qualis in seminibus plantarum reperitur, quæ eorum corpus fabricet.

In eo verò parùm à delirio abest Manichæorum Severinus, quod post hominis lapsum primis illis seminibus puris maledictione divina novas tincturas supervenisse scribit, quarum commixtione pura illa semina corrupta & inquinata sint, eaq; semina voce divina æquè ac alia semina vim sese multiplicandi accepisse. Quod enim dogma Manichæorum fuerit, docet Augustin. *lib. 5. confessionum, cap. 10.* Et mali, inquit, substantiam quandam esse credebam, & habere suam molem tetram & deformem, sive crassam, quam terram dicebam, sive tennem atq; subtilem, sicut est aeris corpus. Sed in eo tamen saniores videntur esse Manichæi, quam Paracelsici. Augustinus enim, loco allegato, de se adhuc Manichæo scribit.

*Semina
morborum
rejiçuntur.*

*Malum non
est substantia.*

Deum bonum nullam malam naturam creasse, qualiscumque pietas hoc credere cogebat. Hi autem femina illa morborum & substantiam malam à Deo provenisse scribunt.

*Deus nihil
mali crea-
vit.*

In qua opinione multa absurda, imò impia sunt. Primò Deum authorem & creatorem mali, morborum & mortis faciunt, eumque aliquod malum substantiale creasse statuunt; quod impium. *Idio enim Deus, quæ fecerat, & erant valde bona. Neque enim à summo bono potest aliquid non bonum fieri vel conservari*, ut Scalig. exerc. 307. sect. 27. ait, *Et invidia diaboli intraivit mors in orbem terrarum*. Unde rectè August. de Civit. Dei. lib. 11. cap. 9. *Mali nulla natura est, sed amissio boni mali accepit nomen*. Omnis enim substantia quatenus talis, est bona. Cui malum non consubstantialiter sed accidentaliter solum inhæret: Unde idem Augustinus, de civitate Dei, lib. 14. cap. 11. scribit: *Mala siue bonis esse non possunt; quia nature, in quibus sunt, in quantum nature sunt, utique bonæ sunt*. Detrahitur porro malum, non aliqua natura, quæ accesserat, vel ulla ejus parte sublata, sed ea, quæ vitiosa ac depravata fuerat, sanata atque correctæ.

Deinde duplicem faciunt creationem, priorem, quæ benedictione & sex dierum spatio perficitur: Alteram, jam diebus sex elapsis, post hominis lapsum, quæ maledictione Dei rerum parvis seminibus & radicibus radices malæ vel tincturæ morborum & mortis auctores concreatæ & additæ sint: cum tamen licet

re sacræ expresse testentur; DEUM die septimo quiescisse ab omni opere, & nihil amplius creasse. Et maledictio Dei tantum poenam indicavit, non verò naturam pravam induxit.

Illud tamen mirum, quod illam impuritatem & venenum, morborum causam, homini inesse negat Paracelsus, & alimentis tantum tribuit: cum tamen homo peccaverit, & peccando morbos & mortem sibi attraxerit. Ita enim scribit, *Param. tract. 2. cap. 1. Corpus nobis sine veneno datum est, & in eo nullum est venenum: Illud verò, quod corpori alimenti loco damus, in eo est venenum: corpus perfectè creatur est, reliqua non ita.*

Verum, Chymici recentiores ipsi absurditatem huius dogmatis animadvertunt, & proinde semina morborum eo modo, quo Paracelsus & Severinus, statuere vix audent, sed tribus principiis contenti ex ijs omnia morborum genera deducere conantur.

Ex his etiam seminibus non satis rectè deducit morbos hæreditarios Severinus, quasi nimirum illi oriantur ex sui generis seminibus & impuritatibus, quæ suo tempore ad maturitatem proveniant & exaltentur. Hoc quidem verum est. Vicia, quibus parentes obnoxij sunt, cum ipso semine & sanguine materno in liberos derivari, neque illud vitium semper mox à partu, sed alia alijs ætatibus patè fieri: non tamen ita sese res habet, ut illi morbi generentur, sicut arbor & planta ex semine

Et ♣

crefcit,

*Morborum
hæreditario-
rum
causæ*

crescit, quæ suo tempore fructus profert: sed malum hæreditarium est dispositio quædam vitiosa in aliqua parte, ob quam ætatis progressu humores sui generis cumulantur, tandemq; cumulati & aucti sibi congenere morbos producant.

*Qualitates
prima e
morborum
numero nō
rejiciende.*

Deinde malè e morborum & caussarum morlificarum numero Qualitates primas rejiciunt, aut certè non magni, & vix pluris, quam umbram aut colores æstimant, easque Rellollaceas appellāt. Experientia enim testatur, quamprimum alicui parti intemperies aliqua præternaturam, sive calida, sive frigida, sive humida, sive sicca inducitur, ejus actionem lædi, neque eam prius officium suum exequi posse, quam ipsi naturalis temperies restituatur. Id quod in ventriculo quotidie fieri, nec vulgo ignotum est. Refert quoq; Galenus, *lib. 1. de locis affectis cap. 6. in fine*, Musculum, qui in superficie ani est, resolutum quibusdam fuisse, qui sederint super lapidē frigidū, aut in aqua frigida nimis diu fuerint versati. Idem, *4. de locis affectis cap. 4.* refert, quendam tēpore frigido & pluvioso, cum madidū pallium diutius collo obvolutum gestasset, in manus paralyfin incidisse, nervis, qui à spinali medulla ad manū decurrunt, nimis refrigeratis & humectatis. Monet etiā Galenus, *lib. 10. Meth. medendi c. 9.* quod quidā imposito præcordijs refrigerāte medicamento difficultate respi-

respirandi laboraverit; alterverò tussierit, atq; paulo post utrique Symptoma finitum, ubi quod refrigeraverat, est ablatum. Quantum etiā damnum inferat, si quis, ubi nimio motu vel alia de causa incaluit, avidus aquam, frigidam hauriat, nemo ignorat. Et cum secundum Hipp. *Curatio indicet morbum*: quid Balnei aquæ dulcis usus præstare possit in Hæticis, videatur Galenus, *lib. 10. de Meth. medendi*. Et non immeritò contra eos, qui ita contra sensum & experientiam pugnant, illud, quod Scaliger Cardano, frigus saltem privationem dicenti, objicit, usurpari potest: *Soleas abjice & pileum, Cardane, quo tempore ex Alpibus Rhæticiis urit nos Boreas*. Et viatores sæpe magno suo incommodo percipiunt, quid frigus possit, dum ipsis nares, aures, digiti, pedes frigore enecantur. Et quantum æstas illa & siccitas hisce regionibus insolita, æstate anni proximè elapsi 1616. potuerit, satis docuerunt febres illæ Epidemiæ frequentissimè, à quibus vix domus aliqua libera fuit. Quantam etiam humiditas in corporibus nostris mutationem efficiat, anni nos docent pluviosi. De qua re videatur Hipp. 3. *Aphor. usque ad Aph. 26. & in libris epidem.*

Neque quicquam valet, quod affert Severinus; *cap. 8*: ubi loca ista Hippocratis nova interpretatione corrumpere conantur, dum scribit; Austros non facere gravem auditum, nec alia symptomata ab Hippocrate enume-

*Venti quia
et morbos
inducant.*

rata, inducere, quia sint calidi & humidi, sed quia corpora eorum proprietatibus opiatas, cicutarum, solanorum prædita sunt. Ita aquilonem non excitare tussim, quia frigidus & siccus, sed quia corpora aquilonis proprietatibus Berberisatis, acetosis imbuta sunt. Et *cap. 12.* Caliditates, siccitates, humiditates, & frigiditates tantum ut externas signaturas, & potestatum, proprietatum ac tincturarum comites & umbras esse.

Primum enim absurdissimū. illud dogma, ventos, pluvias, nivem & similia alia esse fructus stellarum, demonstrare debebat, antequam fundamento tam ruinoso. ista superstrueret. Deinde quod à qualitatibus primis, ut principalibus agentibus, non saltem ut comitibus umbris & externis signaturis, mutationes istæ, quæ in corpore humano accidunt, proveniant, multa alia docent. Nam, quæ ab intempestivis ejusmodi anni tempestatibus provenire solent, eadem illi ferè familiariter patiuntur, qui in regione vel loco. tali habitant, ut apud Hippocr. *in lib. de aëre, aq. & locis* videre est; unde morbi Endemij, ortum habere dicuntur. Et quid opus est ad occultas proprietates, potestates & tincturas. cōfugere, ubi ex qualitatibus manifestis caussa sufficiens reddi potest, ut ex commentarijs aphorif. allegatis & libris Epidem. Hippocratis patet? Et mirum, Chymicos. nonnullos. ita. efficaciam qualitatum primarum in corpus huma-

num negare: cum tamen eandem in rebus alijs experiantur, & ſciant aliam mutationem fieri à calore humido, aliam à calore ſicco.

Interim in qualitatibus primis non acquieſcendum eſſe, jam ſæpius dictum, Atq; injuriam facere Severinum alijs Mediſis, quaſi omnium morborum cauſas à qualitatibus primis petant, vel unus Fernellius docet, Sed cum hac de re etiã ſupra dictum ſit, ea hic non repeto.

Poſtea de morbis compositionis non bene ſentiunt, atque de ijs parum ſunt ſolliciti: rationemq; falſam afferunt; quod ſaltem actionum quoddam impedimentum ſint. Quasi verò non omnes morbi actionum quoddam impedimentum ſint, ut lib.2. Inſtit. dictum. Et illud impedimentum, quod morbi compositionis afferunt, non minus eſt, quam illud, quod ab humoribus aut à morbis ex ſemine, quos appellant, ortis proficiſcitur, ut in luxationibus, obſtructionibus renum, veſicæ, aliarumque partium & alijs compositionis vitijs videre eſt.

Humores quod attinet, malè eos rejiciunt Paracelliſi; cum ſenſu cõſtet, in diverſis morbis diverſos humores, cum ſpõte à natura, tum per medicamenta, per alvum & vomitum evacuari, atque iſdem evacuatis & è corpore ejectis morbos ceſſare.

Quod cum negare nõ poſſint, alijs nominibus excrementitios illos humores appellãdos cenſent. Et quia per vomitum plures humorum ſpecies

Morbi compositionis non parvi faciendi.

Humores non rejiciendi.

ſpecies

species rejiciuntur salium proprietatibus insignitæ: existimat Severinus, phantasticis nominibus bilis vitellinæ, æruginosæ, pituitæ, falsæ, acidæ relictis, ad salium nïtrosozum, aluminosorum, vitriolatorum genera & ad salium proprietates in plantis, Aronis, Urticæ Chelidonis, Flammulæ, & similia recurrendum esse, mixtionesq; salium cum sulphuribus studiosè inquirendas, & salia Sulphuri & Mercurio adjungenda; Bilis verò, Melancholiæ, Pituitæ nomina abjicienda.

*Humor
quid Gale-
nicis.*

Verum causa nulla est, cur antiquas appellationes planè rejicere debeamus. Nam si febris, Apoplexiæ, Epilepsiæ, Hydropis & alia nomina plurima ab antiquis imposita retinentur, cur hæc etiam retinere non liceat? Neque enim per humorem, ut malè, *in consilio de Arthrit. & calculo*, hanc sententiam Galenicis attribuit Quercetanus, meram aquam intelligunt, sed corpus mistum sui generis. Et quemadmodum per sanguinem non corpus simplex & meram aquam accipiunt: ita nec per bilem vel pituitam vel melancholiam. Sunt, ut dixi, mista hæc sui generis, quæ cum ex diversitate materiæ & dispositione corporis, quod alimentum mutare debet, varia nascantur & tumulentur, varios quoque ea morbos excitant. Et sit, ut per resolutionem humores in principia Chymica resolvi possint, tamen ante resolutionem, & dum in corpore sunt & morborum causa sunt, non sunt corpo-

corpora simplicia, sed mista & proinde appellatio à toto sumenda.

Si quod tamen nomen commodius è Chymicorum scholis peti potest; aut si in varietate humorum explicanda & eorum natura penitus investiganda, aliquid opis Chymici afferre possunt: id libenter admittimus. Optandum quidem esset, ut quod Erasius, *part. 2. disp. contra Paracels. pag. 774.* putat, non magna esset in morborum causis difficultas: verum longè maximam esse, omnes, qui in Medicina diligenter versantur, satis animadvertunt; & præcipuè humorum & venenorum diversitatem in specie explicare & ad species infimas descendere difficilimum. E. g. saltem perpendantur febres malignæ, in quibus non satis est, scire, vel sanguinem, vel bilem, vel alium humorem putrescere & corrumpi, sed terminus ille corruptionis, & in quid mutantur humores, investigandum. Unde febrium malignarum pender differentia, & curationis varietas. Alia enim longè est humorum corruptio in variolis, & morbillis; alia in febribus, quas bubones; alia in ijs, quas Carbunculus comitantur; alia in febre sudatoria. Atque hinc accidit, ut sæpe, quæ in uno pestilenti statu profuerunt medicamenta, in alio parum auxiliij adferant, quod sc. in malignitate in genere plerumque hæremus, nec quæ definita sit humorum corruptio, investigamus. Corruptionis autem diversitatem maximè

ximè venena monstrant. Nam in aliud humores corrumpuntur, si quis à cane rabido mordeatur; in aliud si à Scorpione, serpente lædatur; in aliud, si à lue venerea inficiatur. Id quod in corruptione omni summo perè attendendum.

Quam ad rem, inquam, commodius explicandam, si quid adjumenti adferre possunt Chymici; id libenter acceptamus: modò vero consentanea adferant.

*Qualitates
primæ ad
naturam
humorum
explicandas
non
sufficiunt.*

Nam ut, quod sentiam, dicam, non solum ex qualitatibus primis humorum differentia & natura satis explicari potest, sed specialius & per propriiores qualitates determinanda est; neque de nihilo est, quod Hippocr. libro de priscâ Medicinâ scripsit: *Non validum, non frigidum, non humidum, non siccum est, quod magnam vim habet; sed acerbum, sed acidum, sed amarum, & hujus generis alia.* Horum enim quicquam ubi secretum fuerit, & per se extiterit, cum hominem molestia afficit. Et ut paulo post habet; *si acris humor, quem bilom flavam nominant, effusus fuerit, quænam anxietates, æstus & impotentie detinent? & quibus acati, acres, æruginosi humores instant, quinam furores & viscerum & thoracis lincinationes animiq; dejectiones inde oriuntur? neque hæc præs conquiescunt, quam evacuati, dejecti & alijs permisti illi fuerint.* Itaq; in causis morbificis & omnibus, quæ corpus nostrum

adstrum alterant, non solum ad calidum, frigidum, humidum, siccum respiciendum, sed ad propriam cujusque naturam, quæ sola caliditate, frigiditate humiditate & siccitate, non determinatur, sed alijs præterea describitur: Cum res esse possint multæ, quæ temperamento primarum qualitatum conveniunt, natura tamen specifica non parum differunt. Id quod docet, *ibidem*, Hippocrat. *Exhibeatur*, inquit, *aliquis mihi natura non admodum robusta, sed imbecilliore, qui ruscum crudum & inelaboratum edat, & carnes crudas & aquam bibat. Ex qua victus ratione non dubium est, quin multa & gravia sit perpeffurus. Quodnam igitur ita affecto præsidium comparandum? Calidum, an frigidum, an humidum, an siccum? Certissimum & evidentissimum medicamentum est, sublatis, quibus utebantur, cibis, pro tritico panem exhibere, pro crudis carnibus coctas, & insuper vinum exhibere. Et clarius postea docet, In istis qualitatibus non acquiescendum esse; cum in natura vix dentur seorsim, sed cum alijs potentioribus conjunctæ. Neque, inquit, opinor, ipsis est investigatum, quidnam per se sit calidum, aut frigidum, aut humidum, aut siccum. Et si imperatur, ut calidum vel frigidum agro offeratur, mox querendum est, quale nam calidum vel frigidum; an frigidum acidum, an inspidum; calidum amarum vel calidum dulce, vel calidum inspidum.*

Et.

*Humorum
natura qua
ratione ex-
plicanda.*

Et ad ista simul, non solum ad qualitates primas, esse respiciendum in causis morborum, vel ulcera & humores satis demonstrant. Exempli loco sit nobis cancer, in quo qui salem corrosivum non agnoscat, eum parum perspicacem esse puto; ut jam de prurigne, scabie, & ulceribus erodentibus, serpentibus, que alijs nihil dicam. Clariss. Dn. D. Michael Döringius, *lib. 1. de Medicina, & Medico p. 109.* refert, quendam juris Licentiatum urinam reddidisse, à qua, seu spiritu vitrioli, linteamina erosa fuerint. Ergo ut tales humores vel à sale, vel alio principio Chymico denominentur, non repugno. Licet enim supra, ubi de sanguine & humoribus naturalibus egi, humores illos, utpote in quibus excessus aliquis talis non apparet, à principijs Chymicorum denominandos negaverim; atque etiam humores excrementitios, in quibus non est manifestus aliquis excessus, à principijs istis denominandos non esse, adhuc concedam; imò antiqua nomina retinenda censeam: tamen non est planè incommodum, humorum valde excedentium varias differentias nominibus à sale vel sulphure petitis, vel alijs etiam determinare & distinguere, ubi scil. unius aliquis excessus insignis apparet. Salsum enim, amarum, acidum & similia, quando secreta fuerint ab alijs, & per se exstiterint, tunc lædunt: & humores tales, in quibus est talium qualitatum excessus, ibidem appellat Hippocrates *χυμὸς ἀξένος*

ἀκρότης καὶ διαφύροντας. Imò in ipsis febribus horum humorum differentiam notandam censet Hippocrates. ἔκ, inquit, διατὸ θερμὸν ἀπλῶς πυρεταίνουσιν οἱ ἄνθρωποι, ἔστι τὸ εἶη τ' αἷον τῆς κακώπως μῆνον: ἀλλ' ἔστι καὶ πύρεον, καὶ θερμὸν τὸ αὐτὸ καὶ θερμὸν, καὶ ὄξύ, καὶ ἀλμυρὸν, καὶ θερμὸν, καὶ ἀλλὰ μυρία; καὶ πάλιν γέ, τ' ψυχρὸν μετὰ δυναμίων ἑτέρων, id est: *Neg, calido simpliciter febricitant homines, neg, ipsum solum affectionis causa est, sed est amarum & calidum idem, & calidum & acutum & salsum & calidum, aliq, sexcenta: & rursum frigidum cum alijs facultatibus conjunctum est*: de quo jam supra etiam monuimus. Neque enim sufficit, esse febrem biliosam, sed qualis sit bilis, & in quid corrumpatur, attendendum. Unde febrium & symptomatum diversitas pēdet. Atq; hos humorum excessus, seu, ut ipse nominat, ἀκρότητας καὶ ἰσχύς appellat Hippocr. δυνάμεις, quod scil. in corpore nostro afficiendo maximam vim habeant. ὅσα, inquit, κακοπαθεῖς ἄνθρωπος, πάντε δυνάμειων γινεται: *quicquid mali patitur homo, id omne oritur à potentijs*, id est, humorum excessibus, qui sunt supra humanam naturam.

Neque quisquam miretur, talia in corpore *Humorum vitiosorum origo.* reperiri. Ut enim jam non dicam de mutua rerum transmutatione: illud saltem moneo, cum homo plantis & animalibus, quæ & ipsa plantis alantur, nutriatur; Plantæ autem su-

um alimentum ex terra habeant; terræ verò passim falsos, amaros, aliosq; succos minerales & spiritus in se contineant eosque attrahant, eosdem tamen planè mutare non possint: in hominem talia quoque derivantur. Quæ cum sit *ἀνεντιμία, ἀργεντα κούρη*, ut nominat ipse Hippocrates: vis quidem alteratrix, quantum potest, ea alterat & mutat: à natura tamen nostra nunquam superari possunt. Ergo natura operam dat, ut ea, utpote ad alendum corpus inepta, è corpore excernantur. Si autem retineantur, & à bono sanguine secreta seorsim & per se consistant, corpus variè lædunt. De qua re etiam in Institut. pag. 209. dictum.

*Humorum
differentiæ
à principijs
Chymicis non
negligenda.*

Neque Galenus & alij Medici istas appellationes planè rejiciunt, sed falsos, nitrosos & æruginosos humores nominant: & effectus falsis non solum in ulceribus, ut antea dictum, sed etiam in Catarrhis ita manifesti sunt, ut à nemine ignorari possint. Bilis verò æruginosa, non solum, ut Erasius putat, ita dicta est, quia colorem æruginis imitetur: sed & sapor, vis rodendi & alij æruginosi effectus in eaprehenduntur: vomituq; sæpè adeo acrem rejectam esse, ut pelvis etiam argenteas colore floridissimo infecerit & acrimonia ita erosorit, ut nec lotura illum delere, nec fortis frictio cassare potuerit, annotavit Schenckius, *observ. lib. 3. Sect: priore observ. 62.* Videruntque &

& observarunt. similia alij Medici, ut paulo ante è D. Döringio dictum.

Neque has humorum differentias observare inutile planè, sed aliquid momenti ad curationem habere videtur. Acrimonia enim salium non tam per pingua & sulphurea tollitur, quam per sales. Exempli loco sit nobis spiritus vitrioli, cujus acrimonia & vis rodendi omnibus nota est. At si admisceatur illi sal tartari, vel oleum tartari è tartaro calcinato per deliquium factum: & spiritus vitrioli & salis tartari acrimonia tollitur. Idem fit sale absynthij vel alio è plantis sale parato admisto. Ita vim corrosivam Mercurij sublimati tollit oleum tartari & sal absinthij: ideoque contra Mercurium sublimatum oleum tartari vel sal absinthij antidotus habetur. Consideretur quoque præparatio Bezoartici mineralis dicti. Quamvis enim butyrum antimonij appellatum magnam acrimoniam habeat, & spiritui nitri etiam sua vis corrodingi sit: tamen ubi Spiritus Nitri butyro antimonij affunditur, ita hoc omnem acrimoniam amittit, ut præstans sudoriferum evadat. Qua de re infra quoque de Methodo medendi erit dicendum.

Neque etiam hoc dissimulandum, in doctrina de humoribus, non paucas apud Galeni & Avicennæ interpretes difficultates occurrere: unum nomen pluribus attribui, quorum tamen essentia est diversissima.

Gg 2

Defi-

*In doctrina
humorum
multa ambiguntur.*

Definitur vulgo Phlegma, quod sit humor frigidus, calore albus, humidus; cum tamen phlegma salsum sit calidum: Unde Avicennas Phlegma in genere non definit. Quam etiam humores diversi uno bilis nomine appellantur, satis notum. Ut jam de bile æruginosa, quæ diversæ naturæ est, à bile flava, non dicam: Humores, qui ob eundem colorem flavæ bilis nomine veniunt, etiam non sunt ejusdem generis, sed ex ijs nonnulli nullum amarorem habent. Vidi ante paucos dies à famina humorem planè croceum vomitu rejectum, quem ipsa dulcem esse, imò sapore glycyrrhizam ferè æmulari, affirmabat. Ita sub melancholiæ nomine comprehenditur primò humor frigidus & siccus: deinde atrabilis, humor calidus & siccus erodendi vi præditus.

*Humorum
differentia
sec. principia Chymic.*

Ergò cum humorum longè maxima sit differentia, secundum colores, sapes, consistentiam & ipsam essentiam, & longè major, quam plerique credunt: atque res diversæ distinguendæ, nec sub eodem nomine comprehendendæ sint: Si aliquid adjumenti hic afferre possunt Chymici, causa nulla est, cur eos non audiamus. Videntur autem omnino hic aliquid præstare posse. Cum enim omnis sapor à sale: omnes humores sapidi, quatenus tales, ad sales referendi, & quidem diversi ad diversa: nimirum amaritudo ad salem Armoniacum, aciditas ad vitriolum: reliquique hu-

morum.

morum excessus ad salium & sulphurum prima genera referri possunt.

Dum autem adjumenti aliquid in explicanda humorum natura & differentia à Chymicis expectandum dico, humorum appellationes non plane rejiciendas censeo. Licet enim excedere possit in aliquo humore aliquod horum principiorum: nunquam tamen seorsim planè consistit, sed semper sub humoris natura. Perpetuò Rebarbarum purgat bilem, non salern vel sulphur.

*Humorum
nomina nò
rejicienda.*

Ineptum verò planè est argumentum Paracelsi & Severini, quo concludere volunt, humores non esse causas morborum, quia non reperiuntur in majori mundo. Supra enim dictum est, non opus esse, ut proxima alicujus rei principia, aut quæ ex ijs fieri possunt in toto mundo reperiuntur.

Neque in eo rectè sentit Paracelsus, quod, *Humores sunt morborum cause.* in *Labyr. Med. e. 22. cap. 8.* Humores quidem concedit, at morborum causam esse negat, humoresque à morbo, non autem morbos ab humoribus esse dicit. Nam utrumque verum esse potest, ut ab humoribus morbi, & rursus à morbo, vitiosi humores proveniant. Nam ubi à vitiosis humoribus morbus fuit genitus & debilitas corpori introducta est, coctio seu in toto, seu in aliqua parte rectè perfici non potest. Coctione autem laesa multi vitiosi humores cumulantur. Id quod in Hydrope videmus, ubi humores illos aquosos & serosos

in corpore cumulos morbi & intemperiei in visceribus sobolem esse libenter concedimus. Idem accidit in febribus.

Reliqua, quæ de morborum causis dicenda essent, in differentiis morborum jam subjungemus. Cum enim Paracelsus & ejus Sectatores morbos & morborum causas confundant, ductum eorum sequi necesse habemus, nec semper, quæ sejungenda erunt, sejungere & suis locis tractare, sed morborum & causarum morbificarum tractationem sæpe conjungere cogimur.

*De morbo-
rum diffe-
rentiis.*

De differentiis autem morborum variè loquuntur. Paracelsus, in *Labyrinth. Medic. err.* c. ii. duo morborum genera constituit ex Iliastro & Cagastro. Duo, inquit, seminis genera sunt, ut semen Iliastrum & semen Cagastum. Hoc est, aut ab origine semen productum est, ut poma, pyra, nuces; tunc Iliastrum dicitur: aut ex corruptione, quod Cagastum appellatur. Iliastri enim morbi sunt, Hydropisis, Jctericia, Podagra &c. morbi autem Cagastri sunt. Pestes, Febres, Pleuritis.

Verum jam antea dictum, morbos non, ut plantas, è suis seminibus pullulare, sed à causis præter naturam corpori nostro extra occurrentibus, vel intra corpus genitis & cumulatis procreari. Et quis omnium, quæ in corpore humano accidunt, tam ignarus est, ut credat, hydropem è semine instar plantæ generari: cum notissimum sit, è collectione humoris

serosi

ferosi in abdomine ortum habere. Eodem modo non ignotum, quomodo Icterus generetur. Neque aliter rem se habere, curatio indicat.

Est deinde usitata præcipuè in Paramiro à *Quinque morborum causse & differentia sit. Paracel.* Paracelso tradita, quam retinet Scheunemanus, Crollius & alij, morborum divisio, quæ quinque morborum Entia constituit. Primo Ens Dei sive Deale: & huc referunt morbos, qui à Deo proveniunt: secundo Ens Astrale; sub quo non solum morbos ab astris cœli productos intelligunt, sed etiam ab astris in homine jacentibus, ab astris tamen cœli pendentibus: Tercio Ens naturale, cum naturæ vitio morbus contingit. Considerant autem naturam in tribus principijs. Quartum Ens dicunt Pagoycum sive mentale: atque huc referunt morbos ex imaginatione in seipsum aut alium; sub quo genere & incantationes comprehendunt. Quintum genus est Ens veneni, & continet venena tum naturalia, tum artificialia.

Verum næ ista divisione suam in-Logicis Philosophicisque prædidit imperitiâ Paracelsus, & satis monstravit, se, quid Ens sit, ex Metaphysicis (si modò de ea quicquam cognitum habuit) nunquam didicisse. Nô negamus, à Deo hominibus immiti morbos, sive immediate & supra cursum naturæ, sive mediate: tamen ex ente Dei illos morbos esse, planè

ineptè dicitur; & de causa efficiente locuturi dicunt id, quod est, non quod afficit. Imò non satis piè hoc dicitur. An enim aliquid de Dei essentia hominibus immittitur? Certè Ens astrale aliquid ab astris demissum & effusum esse, statuit Paracelsus, ut mox dicitur. Et licet in poenitentia & precibus in avertendis ejusmodi morbis maximè fidendum sit: tamen nec naturalia remedia negligenda sunt. Eadem loquendi improprietas est in reliquis differentiis omnibus; Cum ex Ente Astrorum & reliquis morbi provenire dicuntur. Et tollerari aliquo modo posset loquendi improprietas: modò subessent res bonæ: sed & istæ desunt. Non quidem inficiamur, cœlestem influxum quorundam morborum causam esse posse: veruntamen de essentia stellarum nihil illis morbis communicatur. Et satis absurdè, in *Paramiro tract. 1. cap. 8.* de origine morborum ex astris philosophatur Paracelsus dum docet: Ens Astrale, quod corpora nostra mutat, esse halitum, vaporem, odorem, sudorem stellarum aëri permixtum: & stellas alias Arsenicum, alias Sulphur, alias Mercurium, alias alia venena in aërem effundere, & hoc modo hominem & alia animalia inficere, ibidem, *cap. 10.* docet. Quæ etiam hæc est rerum confusio & nominum abusus, quod puritates mucilaginosas & lutosas Ens veneni vocat. Mucilaginosa illa excrementa venenata non sunt; neque ideo quia corpori alendo
non

n sunt apta, statim inter venena recenseri
 oët. Imò omne, quod excernitur, non sem-
 est sua natura & per se excrementitium,
 ex accidenti ob debilitatem coëctricis fa-
 tatis, quæ alimentum rectè elaborare non
 test; tantum abest ut venenatum sit. Id quo-
 e defendi nequit, quod ibidem, *prologo 2.*
nero 6. scribit Paracelsus, quod omnes mor-
 quintuplicem, secundum quinque hæc En-
 originem habere possint. Nam, ut ejus ver-
 utat, ex Ente naturali nunquam fiunt
 rbi venenati, & venena non inducunt
 rbos benignos, sed perpetuò malignos.

Postea nec illud laudandum, quod omnes *Morborum*
 rbos & morborum curationes ad quatuor *genera sec.*
 quam Monarchas, Epilepsiam, Hydro- *Severinum.*
 n, Lepram & Podagram refert Severinus,
 .14. Cum enim ad Epilepsiam, referat ca-
 rros, paralyfes, spasmos, vertigines, Me-
 cholias, Apoplexias & suffocationes uteri;
 Hydropem apostemata, Ictericitiam, cache-
 m; ad Lepram, ulcera omnia; ad podagram,
 licam, nephritidem, dentium dolorem,
 haleas: quis in re Medica mediocriter ver-
 is non videt, morbos diversissimos, qui es-
 tia, caussis, curatione ac proinde planè dif-
 unt, ad eandem classem malè referri? quid
 m hydropi, apostematibus, & ictero com-
 ne? Et cur non apostemata potius ad le-
 m retulit? Nec quia in ijs morbis omni-
 , quos sub podagra concludit, dolores ad-

Gg 5 sunt,

sunt, ideo ad eandem classem referri debent. Cum à diversissimis causis dolores oriri possint, & proinde causis & curatione variant. Et an non etiam in ulceribus multis doloris fluxiones adsunt.

*Morbi co-
agulati &
resoluti.*

Neque majoris momenti est illa, qua Paracelsici morbos distinguunt in coagulatos & resolutos. Alias enim impuritates ex seminibus constare dicunt, quorum fructus ad coagulationem vergant, alias ex seminibus, quorum fructus in fluidam resolutionem desinunt. Illos coagulatos Morbos, hos Resolutos appellant. In illorum numero ipsis sunt rosiones stomachi, gulæ compressiones & angustia, dolores Colici, Dysuriæ, Stranguriæ, Nephritides, Cephalalgia omnes. Ex his Lienteriæ, Diarrhææ, Dysenteria, Gonorrhæa, Catarrhi. Catharrhus enim, ut exemplum morbi dissoluti afferamus, ita secundum eos generatur: Si mucilago Tartarea non rectè in ventriculo & primis vijs separata ad Epar transeat, & hinc cum sanguine per venas ad Cerebrum: si spiritus sint infirmi eo loci, non modò dictum Tartarum relinquitur, sed novam insuper ex proprio nutrimento generatur & accumulatur; & cum à spiritibus expulsiuis expelli nequeat, cum sale naturæ saltem rei conjungi dicunt (salem autem naturæ appellant, qui est excrementum principij Salinis intrinseci; Salem rei, qui extra è rebus naturalibus corpori nostro accedit) positisque radicibus quotidiana nutritione incrementa sumere, do-

ec ad summum gradum exaltatum laceſſitis
 iritibꝫ ab aſtro ſuo delabatur, & reſolvatur,
 in forma liquida ad inferiora deſſuat. Verũ
 on credendum, illud, quod in fluxionibꝫ alvi
 cernitur, antea coagulatum fuiſſe & tum
 ſolvi: neque roſiones Stomachi aut dolores
 olici à materia coagulata ſemper proveni-
 nt. Neq; hic de generatione Catarrhi rectè
 ntit Severinus, quaſi ille proveniat ex muc-
 gine tartarea in ventriculo non rectè ſepa-
 ta, & ad Epat primò & hinc per venas ad
 rebrum translata, ibi coagulata & ruruſum
 ſoluta. Eſt quidem hoc verum, à ventriculo
 pe multum materiæ cerebro communicari;
 d non ſemper per venas, verum etiam per
 ipores. At hoc non ſemper neceſſarium eſt:
 rũ ſæpe ob ſolius cerebri intemperiem ali-
 entum ſuum non rectè concoquentis ejus-
 odi ſuperfluitates colliguntur & excernun-
 r. Quas an ſemper rectè tartareas appellare
 ſſint ipſi viderint: cum Dn. D. Petreus, *parte*
ima diſſert. 9. theſi 31. Mercurij excrementum
 legma eſſe dicat. Si enim phlegma eſt Mer-
 rius aut mercurij excrementum, quomodo
 rtarum erit, quod ad ſal refertur?

Severinus ſuis principiis inſiſtit, & dupli- *Morborum*
 s morbos facit. Vel enim ex fructibus Ele- *generatio*
 entorum inferioris globi, vel cœleſtiũ ſemi- *ſec. Severi-*
 um fructibꝫ morbos provenire ſtatuit. Semi- *vinum.*
 morborũ inferioris globi in cibo & potu
 liteſcere docet, atque eſſe illas impurita-
 tes,

tes, quæ separantur, & consuetis vijs expelluntur, dum omnia in corpore rectè administrantur. Ubi autem errores contingunt, functionibus naturæ vitiatis semina morborum radices agunt in corpore humano, quæ statis temporibus morbos pariunt. Priusquam autem impuritates ac semina morborum radices in corporibq; formare possint, adsit oportet oportunitas, tum ex debilitate balsami innati & spirituum mechanicorum, tum ex proprietate eorundem spirituum consentiente cum seminibus morborum. His enim confluentibus succedere morborum generationem. Deinde etiam ex cœlestium aëriorumque seminum fructibus, seu ex aere & spiritu, quem attrahimus, morbos oriri statuit. Etsi enim fructus cœlestes, ex quibus alimentum animalibus suppeditetur, invisibili corporum specie attrahantur, & qualitates & corporeas coagulationes respuant: tamen ubi ad animalium anatomiam pervenerint, ibi coagulationes & signaturas recipere corporibus visibilibus & inferioribus proprias, tradit. Totam autem varietatem fructuum superioris globi ita explicat. Resolutiones, inquit, cœlestium & aëriorum seminum aut conditiones nutrimenti referunt sinceræ, à quibus nullæ medicamentorum proprietates, vel venenatæ vel sensu vel effectû deprehenduntur, quales obtingunt aquarum dulcium, tritici, hordei, lactis, vini proprietates, quibus tanquam domesticis

icis alimentis spiritus vitales assiduè reficiuntur: alia resolutiones & fructus admixtas habent tincturas & proprietates medicamentosas, & leviores, Lactucarum, Cassiæ, Mannæ, Vimeracioris, aceti, agrestis & similiū, è quibus ea tarrhi, tusses, horrores & leviora symptomata proficiscuntur. Nonnullæ verò plantæ medicamentosæ sunt, in quibus Opij, Managoræ, Cicutæ, Solani, Scammonij, Agari, Flammulæ. Persicariæ, Aronis, Vitrioli, luminis proprietates ostenduntur. Postremo sunt fructus siderum, in quibus venenatarum proprietates arsenici, auripigmenti, Sulphuris, Doronici, Aconiti, Napelli apparent, atque nec Epidemios morbos deducit.

Verum de absurditate hujus dogmatis, quod attuit, ex seminibus & plantis morbos proveniri, cum antea dictum sit, actum agere solimus. Et imprimis, quæ de morbis & fructibus superioris globi differit Severinus, multis absurda, nisi aliter, quam verba sonant, excidentur, continent. Hoc quidem concedimus, morborum epidemiorum causas materiam partem ab astrorum influxu pendere, ex aere & spiritu, quem attrahimus, oriri; sed autem quid opiatum, arsenicale, auripigmentale & aliud hujusmodi fructus cælestium corporum & resolutiones cælestium minium sint, id admitti non potest. Materia enim talium *μιασματων*, quæ aeri insunt, & in spiritu attracta corpora inficiunt, non à colore

coelo defluit, sed in inferioribus continetur: eamq; coelestia corpora variè agitare, disponere, miscere & alterare possunt: de quare de pestis generatione dictum.

*Morborum
differentia
sec. Quercetanus.*

Verum Recentiores Chymici pleriq; ipsi absurditatē hujus dogmatis animadvertunt, ut antea etiam dictum, & propterea, et si & ipsi tria Chymica principia defendant, semina tamen morborum, eo modo, quo Severinus, statuere vix audent, sed tribus principijs contenti ad ea omnes morbos reducere conantur. Ita Quercetanus, *in defensione contra Anonymum c. 18.* seminum vix ullam facit mentionem, sed Mercurium, Sulphur & Salem omnis generis virtutibus facultatibus & proprietatibus prædita esse dicit, à quibus infinitæ varietates, colores, sapes, odores & id genus alia proveniant, quæ à temperie sua & aliorū confortio excurrentia morbos varij generis procreent. Si Sulphur immoderatus luxuriat, varias inflammationes inducere scribit, varijq; generis febres, præter alios affectus narcoticos, quos suscitet Sulphur narcoticum ex spiritibus narcoticis, qui idem præstet, quod vinum meracius potū, aut esus vel usus lolij, papaveris, hyoscyami, Cicutæ & similium, quæ non frigida sua qualitate, sed soporifero suo Sulphure somnum conciliant. Ex Mercurialibus, acidis & acris vaporibus deducit Epilepsias, Apoplexias, Paralyfes & omnia defluxionum ac catarrhorum genera: qui quidem affectus

A vene-

veneno aliquo aut malignis & contagiosis
iritibus stipentur Epidemios, venenosos &
contagiosos morbos inde inveni statuit. Ex
libus originem habere opinatur erosiones
ternas, apostemata, ulcera, dysenterias, hæ-
orrhagias, & ex eorum resolutione ardores
inæ & stranguriam. Et ex diversorum Salû
rietate diversa etiam ulcera, apostemata,
osionum genera, per ponticum, austerum &
erbum eorum spiritum, ut & varias colici
doloris species induci. Ex Salium coagulatio-
deducit tophos, scirrhus, & articulorû tu-
ores & nodos & infinita obstructionum
nera. Idem tamen Quercetanus, *eodem cap.*
ficias ire non vult, ex qualitatibus Elemen-
tibus in corpore nostro nasci morborum
nera quædam, sed relollacea Chymicis di-
a, qualia etiam ab excrementitijs & fæcu-
tis humoribus retentis, & super abundan-
us proveniant. Nimirum ex flatuum sim-
iciter aereorum & spirituosorum copia,
aqueis serositatibus nec non terrestribus
tibus varios affectus indies generari con-
dit, sed ejusmodi morbos exiguas & pa-
m firmas radices agere, ut quas vel le-
lima ab Elementarib9 remedia exigere, ijs-
e calidis, humidis, frigidis, siccis satisfieri
sse docet. Exempli gratia: Aerij flatus in-
tinis inclusi & distendendo colicos dolores
ientes nullo negotio carminativis, ut,
cant, clysteribus discutiuntur; serositas
aquea

aquea & superflua humiditas medicamentis exsiccantibus absumitur.

De morbis quoque, quos ex fructibus superioris globi deducit Severinus, multo cautius Quercetanus sentit & philosophatur. Dicit enim cum Fernelio, esse morbos quosdam occultos, qui ex influxibus coelestibus progignantur, & quibusdam hominibus peculiari quodam astrorum influxu aut cœli constitutione aut malignorum Planetarum concursu accidunt. Neque etiam in alijs morbis semper ad semina recurrit, & ex ijs quendam quasi homuncionem cum Paracelfo, aut plantam & arborem, sicut Severinus constituit, sed potius illis tribus principijs contentus est. Quod etiam facit, in *Tetrad. affect. capitis*, ubi ex hisce tribus principijs plerorumque morborum causas reddere conatur.

Negandum tamen non est, eundem Quercetanum, studio imitandi Severinũ, & locutionibus ejus assuetum, interdum seminum facere mentionem: non tamen, quod Severinus facit, perpetuo filo ex seminibus morbos deducit, sed principijs tribus contentus est, morbosq; plerosque ad Sales nitrosos, acres & acutos, aluminosos, ponticos & adstringentes, ad vitriolatos & acidos; ad Sulphura foetida, soporifera, narcotica, septrica & arsenicalia & pestifera refert. Ergo posthac, cum quædam de generatione morborum secundum Chymicorum sententiam dicenda sint, verbis

bis quidem Severini utemur: per semina
 men& radices morborum nihil aliud, quam
 illas morborum secundum alios saniores
 ymicos accipiemus: ne toties contra can-
 on opinionem disputare opus sit.

Commodissima proinde inter omnes, quas *Morborum*
 erūt Chymici, est distinctio morborū ē tri- *differentia*
 : principijs & causis petita: modò in ijs, *sec. Chymic.*
 quò etiam supra dictum, distinguendis sa- *principia.*
 libi constarent Chymici, aut sua dogmata
 rius explicarent. Nam de Mercurio & hic
 valdè intricata est. Si enim, cum Dn. D.
 ræo, *dissert. 9. thes. 31.* Mercuriū non quem-
 et humorem esse dicāt, sed primigenium &
 stantificum partibus omnibus sensum mo-
 aq; largientem: (quo, ut puto, à nostra o-
 ione non dissentit, quā supra statuimus,
 rcurium esse spiritum rebus insitum) quo-
 do morborum causa est? Si verò Mercuri-
 pro causa morbi acceptum, ex eodem D.
 ræo, quis dicat esse Mercurij naturalis ex-
 mentum; & quidem phlegma: non video,
 omodo à Tartaro, à quo catarrhos oriri sta-
 t Severinus, eum distinguant Chymici.

Salis & Sulphuris differentia manifestæ *Morbi ex*
 t. Etenim & acidum, & amarum, & salum *Sal.*
 corpore colligitur & vomitu rejicitur. Ac
 mini cuidam tam acidum humorem in
 triculo collectū fuisse, ut etiam antequam
 nitu rejiceretur, & dum adhuc in ventri-
 o contineretur, illi inde dentes stupe-
 rent,

Hh

rent,

rent. Eædem salium differentia in ulceribus varijs manifestæ sunt, in scabie, Cancro, dysenteria, ardore urinæ & similibus.

Morbi ex Sulphure. Sulphuris quoq; differentia non solum in febribus & inflammationibus apparent; sed & in affectibus narcoticis, in quibus ab internis humoribus sulphure narcotico abundantibus idem accidit; quod post potum vini meracioris aut assumtū lolium, papaver, opium, cicutā & similia evenire solet. Nam hæc, quæ talium usum comitantur, accidentia, non à qualitate frigida provenire, sed à vi narcotica, non solum Chymici, sed & inter Galenicos Clarissimus Platerus statuit.

Tartarum. Pertinent ad hanc divisionem & morbi Tartarei. Inter reliquas enim morborū causas frequenter Chymici Tartari faciunt mentionem, tartareorumq; morborum: sed pauci quid tartarum sit explicant. Paracelsus, *de morb. tartar. lib. 1. cap. 1.* in Galenicos invehitur, quod morbos tartareos vocent arenam, calculum & lapidem; cum appellatio ista sit metaphorica: In Medicina verò propriè esse loquendum, & res à natura sua denominandas. Longè verò aliam rationem esse calculi hominis & calculi riparum, item arenæ hominis & riparum. Perinde eos facere, ait, qui à soliditate hunc morbum appellant calculum vel arenam, ac si quis Simiam hominis nomine dignetur. Ipse verò propriè ac genuino vocabulo Tartarum appellandum censet. Causam
si

æras appellationis, pleriq; hanc afferunt, *Tartarum*
 d Tartaro, quod in vino reperitur, simile *unde di-*
 ple verò, *loco allegato*, hanc affert: Quia o- *rum.*
 n, aqua & tinctura ex eo conficiuntur, quæ
 orantes non aliter atque inferni tartarus,
 endunt ac urunt.

erum enim verò Calculus etiam in homi-
 on solum ab externa forma & ob solidi-
 m cum alijs calculis cõmunem ita appel-
 r, sed etiam ob materiam & internam coa-
 tionem. Tartari verò vocabulum sive ob
 venientiam cum Tartaro vini, sive cum
 taro, id est, inferno peti- tum sit, æquè à si-
 tudine peti- tum, sicut calculus vel arena;
 æ ab ipsa essentia desumpta est ista appel-
 , atque ita propria non est. Deinde longè
 is ab alijs vox Tartari extenditur, quam ut
 ulo solum attribuatur. Nam non solum,
 vox dicetur, materiam duram & coagula-
 hõc nomine appellant, quales sunt cal-
 , arena, tophi in arthriticis; sed etiam
 eriam mucilaginosam, imò quæ sub hu-
 is adhuc forma est, qualis Colicam, rosio-
 & dolores varios in ventriculo generat.
 roinde cum tot diversis rebus Tartari no-
 imponant, ijs æquali modo & ratione
 competit, atque ita planè proprium, quod
 cessus requirit, non est. Sed utantur sa-
 sto vocabulo, verum concessa eadem hi-
 iâ Galenicis & hac lege, ne ipsi planè
 vocabula Paracelsica adstringantur, atque

ea conditione, ne & illi vocabula apud Dogmaticos multis seculis usu trita rejiciant.

*Tartarum
quid.*

Rem ipsam ergo videamus, & an hac quoque in parte inter Chymicos & Dogmaticos pax iniri, rei que huic aliquid lucis afferri possit, tentemus. Clara atque perfecta aliqua tartari definitio apud Chymicos non exstat. Paracellus quidem, *de Tartar. lib. 1. tract. 1. cap. 1.* definit tartarum, quod sit morbus Lephanteus & lapillofus, id est, bolaris, medix inter bolum & lapidem substantix, prohibens naturæ effectum & virtutem. Alijs Chymicis Tartarum est impuritas illa in alimentis, sub forma quidem resoluta, ut discerni nequeat, ad coagulationem tamen & naturam lapideam tendens. Alij ex Paracello Tartarum dicunt excrementum per ejus spiritum coagulatum. Commodissime autem in hac de re loquuntur inter Chymicos, cum quibus & Galenici non pauci consentiunt, qui dicunt succum quendam lapidescentem, ut Fallopius, & Mathiolus appellant, seu materiam quandam coagulationi natura sua aptam, ut Paracellus, *loco allegato*, nominat, passim in terra reperiri. Hunc succum cum alimento à plantis attrahi, & per plantas, quæ animalium alimenta sunt, in ea transferri. Si tamen omnia sese rectè habeant, materiam illam ab utili alimento separari, & à natura excerni. Si autem vel ob coctricis, separatricis vel excretriciis facultatis debilitatem, vel ob ejus succi in alimento copiam, omnis in ventriculo

iculo secerni & hinc expelli non possit: in
eliquum corpus transire, & in corpore cu-
tulari, atque ubi materiam viscosam, muc-
aginofam, crassam, terrestremque apprehen-
dit, eam coagulare, & quidem in corpus ejus
naturæ, ex qua primum ortum habet, & ex
qua plantæ & vegetabilia illum hauserunt, li-
nosum, argillosum, arenosum.

Qua in re pro regionum, terrarum & aqua-
rum varietate magna est differentia, atq; aliæ
terræ & aquæ puriores, aliæ impuriores; unde
vini & frumenti, hincque parati cibi & potus
magna est diversitas; suntque alia salubria,
alia insalubria Colicam, Calculum, arthriti-
dem & alios morbos generant. Etsi verò hu-
jus tartareæ materiæ, quam appellant, præci-
pua separatio fit in ventriculo: tamen quod in
ventriculo non separatum est, in reliquis co-
ctionibus postea separatur. Atque hinc fit in
renibus & vesica calculus, in articulis arthri-
tis & alij morbi generantur.

Quatuor autem Tartari genera constitu-
unt, viscosum, Bolare, Arenosum & Calculo-
sum; atque aliud plus salis, aliud minus in se
continet: unde etiam majores aliud, aliud
minores dolores excitat. In spiritum enim salis
cum tartaro, seu spiritum tartareum referunt
omnes dolores; punctiones, vellicationes,
anxietates & similes molestias. Imò in Tarta-
ro omnium salium species, Communis, Alu-
minis, Vitrioli, petræ, gemmæ, marini Aro-
nis,

*Tartari dif-
ferentia.*

mis, alkali, aceti, urticæ, persicariæ contineri, atque hinc varias morborum tartareorum differentias oriri existimant.

Neque planè hæc abs re dici & multorum morborum causas à tali ad coagulationem tendente falsa vel tartarea, aut quomodocunque appellare libet, materia pendere, multa docèt. Quo enim vina sunt magis insalubria, eò plus talis materiæ tartaræ in se continent, & arthritidem, calculum, Colicam similesque morbos generant. Hinc quoque accidit, ut vina defecata non defecatis longè salubriora sint, & vina illa, quæ tali materia abundant, qualia sunt Moravica, iterata defecatione fiant salubriora. Eodem modo sese res habet in cerevisia. Apparet quoque talis materia manifestè in tophis Arthriticorum: sicut & ipsa urina eam satis prodit: quæ quamvis clara & pellucida apparet: postea tamen, si turbatur, magna pars matulæ materia quasi limosa, & quæ sæpe farinam laterum refert, impletur, quæ vitro ita tenaciter adhærescit, ut vix inde avelli possit, & si sponte etiam sine omni calore violento exsicceetur, salem satis prodit. Excrementa autem arguunt humores in venis contentos.

Postquam hæc ita in genere de morbis & morborum causis & differentiis diximus: jam de singulis morborum & symptomatum differentiis agendum, & quomodo è suis principiis omnia ea deducant Chymici, monstran-

strandum esset. Verum tractatio illa peculiarē operam requirit, quā in aliū locū rejicimus. Breviter tamen quādam exempli loco ex Severino & Scheunemanno afferre libet.

Et primò morbos ventriculī quod attinet, *Morbi Ventriculi ex tartaro.* eos plerosque ex impuritatibus Tartareis deducunt. Si enim, inquiunt, mucilago bolariis, lutosa, aluminosa & styptica ventriculi latera obduxerit, sequitur oppilatio Spiritus Vitæ, omnium actionum naturalium auctoris, qui veluti captivus & sepultus cum suas vires exserere nequeat in alimentum, & separationem puri ab impuro instituire, tarda coctio inde instituitur, ventriculi imbecillitas, compressio, nausea & alia. Si autem spirituum tartareorum potentiores sint tincturæ, & innatos spiritus planè vincant, meatusque planè obstruant, perfecta sequitur *ἀνψία* & corporis *ἀρεοψία*. Quod si spiritus Salini fortiores materiam sabulosam & lapideam invenerint, eamque in arenas & calculos converterint, generantur in ventriculo & intestinis lapides. Si verò impuritates istæ spiritibus peregrinis insignitæ fuerint: alimenta in peregrinam naturam convertuntur, & ructus ac nidores exoriuntur: & si Vomitivas, Helleborinas, aut Antimoniales proprietates habeant, nauseam vomitumque excitant. Si verò mucilagines istæ tartaræ salium acrium &

corrosivorum tinturas habeant, dolores in orificio ventriculi imprimis inducunt, stomachi ardores, morsus & similia. Si verò eadem mucilago spiritus Salis vitriolati acidi obtineat, magna corrodingi, dissolvendi & consumendi vi præditos: sequitur bulimia & lupina & canina appetentia: cum spiritus isti famelici repente & quasi uno momēto, quod ablatum est, arripiunt & consumunt. Nam secundum ipsorum opinionem, ut Severinus hac de re scribit, spiritus esuriant, attrahunt, concoquunt, coagulant, & quo potentiores sunt, eo velocius huiusmodi ministeria absolvunt.

Verum concedamus sanè ab humoribus vitiosis, qui sive tartarei, sive aliter nominentur, jam non disputo; in ventriculo contentis ejus actiones lædi. Docuit enim jam olim Hippocrates, *de prisca Medicina*, quem locum jam semel atque iterum citavimus, si humor amarus, acutus, acris, æruginosus in viscera effundatur, maximos inde dolores, tormina & anxietates oriri. Neque in eo difficiles sumus, si varias doloris, ardoris, morsusque in ventriculo differentias ex varijs salium generibus deducere contentur Chymici. Nam experientia ipsa docet, varias ciborum & humorum in ventriculo & vicinis locis fieri corruptiones, humoresque nunc acidos, nunc amaros, nunc sallos, nunc æruginosos generari. Et optarem, hic æquior fuisset Chymicis Erastus, & quæ
in

in rebus naturalibus sunt, diligentius perpendisset, & imprimis in operib. Chymicis sese exercuisset; quod si fecisset, nec alia quædam, nec ista, *parte 4. disp. adversus Paracelsum pag. 229.* scripsisset. Cum eadem, inquit, & mordacitas *An omnia* universa propter Spiritus salis latentis continuum *acria pro-* solvere arbitratur, nimirum auriculas protē- *per Salem.* dit Severinus. Non enim quicquid erodit & mordet, salem participavit. Equidem non existit quisquam sane mentis homo doctus post hanc mundum creatum, qui omnia acria & mordacia salem in se habere actu putaret. Facit quod acetum acerrimum plus mordet salibus plurimis; in quo qui plus, quam in illis, querit salis, in Sole cum factiosis istis querit tenebras. Hæc Erasius. Certè antiqui plerique Salem nil nisi partes terrenas adustas esse, dixerunt, talesq; in acribus & amaris plurimas inesse, concesserunt. Et an non acetum plurimum salis in se contineat, facile, si voluisset, experiiri potuisset Erasius. Etenim si levi etiam calore humidum in aceto evaporet, Sal remanet, qui in aceto revera fuit, neque ulla unctione genitus est.

Attamen hæc, quam ponit Severinus, non unica causa est læsarum actionum ventriculi, & malè negligit intemperiem sine materia; cum ipsa experientia doceat, ut antea quoque dictum, ventriculū, sicut & alias partes, refrigeratas, calefactas, vel alio modo à naturali statu dejectas officium suum facere non posse.

*Febrinum
generatio
sec. Severi-
num.*

Sed generationem morborum secundum Severinum pertexamus. Generantur secundum Severinum morbi ex impuritatibus istis permistis vel sinceris. Ex permistis generantur morbi sulphurei, foetidi, februm symptomatibus, id est, siti, calore, linguæ amaritudine, capitis dolore, frigore, horrore molesti, quos vulgò Febres appellamus; ipse verò rectius à radicibus suis Nitro Sulphureos dicendos putat. Statuit enim febres habere semina & radices, in quibus sulphuri impuro, foetido, resolutò, mucilagines ac spiritus salini nitrosi permiscantur. Statis ergo temporibus, dum germinare incipit minera nitrosi sulphuris, horrores, rigores, pandiculationes, oscitationes, & similia symptomata pro differentia nitrosi sulphuris induci existimat. His floribus superficialibus, acetosis, frigidis, mercurialibus exhaustis, vapores & spiritus sequi pingues, inflammabiles sulphuris, salium tamen commixtione transplantati naturam magis referentes, qui nota februm symptomata inducant, donec, resolutis spirituum inimicis tincturis & quocunq; evacuatis modo, naturæ quies concedatur, sed cum recidivæ metu suspecta.

*Febrinum
generatio
sec. Scheu-
nemanni.*

Longè tamen aliter de februm origine Philosophatur Scheunemannus è Paracelso, in libro de morbo Sulphureo. Cagastro. pag. 79. Is enim feces tartari cum Sulphure excre-

mentitio, una cum Mercurio & Sale ex digesto in ventriculo congregari, & in unum quasi globū coagulari, globumq; hunc per varias digestiones quasi circulos augeri & incrementum sumere statuit: ut non malè massa illa lapidi Bezor comparari possit. Et hunc globum, quoties ictu Cœli percutitur, accendi putat. Quo accenso subito fumum adscendere, aeremq; inficere; unde fiat leve frigus, rigor, quem tremor, frigus & tandem calor insequatur, scribit. Calorem autem hunc tam diu durare, quam diu hæc massa ardeat. Rarò etiam unicâ vice absumi; cum successivè generatus, & ex pluribus quasi corticibus coagulatus sit hic globus. Dominari autem in cujusque circuli cavitare Mercurium, qui dum exitum querit, ventum moveat, qui flammam exstinguit. Postea alio circulo accenso alio paroxysmo, atque hinc quot circulis, ut appellat, vel lamellis potius massa ista componitur, totidem paroxysmis ægrum tentari; tota verò massa absumta, febrem terminari statuit. Cum autem Cœlum 24. horarum spacio semel revolvatur, 24 horarum spacio accendi semel hunc globum, & hinc paroxysmum excitari singulis diebus, docet. Ex globo simili in epate generari febrem tertianam scribit.

Verum enim verò & hic conciliatio quædā Chymicorum & Galenicorū fieri potest. Neq;
enim

enim Galenici negare possunt, humorum in febribus inflammationes; etsi alij cum putredine; alij sine putredine eam fieri statuant. Concessimus etiam supra, inflammabilitatem à Sulphure dependere. Et si aliquid lucis doctrinæ febrü è suis principijs afferre possunt, Chymici, illud libenter admitteremus; modò rationibus & experientia sua probent. Hoc tamen omnino hic monendi sunt Chymici; ut hic non in genere subsistant, sed si & hoc loco aliquam lucem Medicinæ se afferre posse putant, ad species descendant, & quæ per omnium febrium genera sulphuris illius, quod febrium causam ponunt, sit differentia, monstrent; continuitatisq; atque intermissionis; periodorum, quotidianæ, tertianæ, quartanæ; item cur aliæ febres cum rigore, vel calore, vel frigore; aliæ sine rigore, calore, frigore invadant, reliquorumque, quæ in febribus animadvertuntur, Symptomatum plurimorum, ex his suis principijs rationes vero consentaneas reddant. Et imprimis rem gratam fecerint; si obscurissimam illam doctrinam de periodis febrium clariorem reddiderint. Referunt quidem causam periodorum in febribus in Mercurium, Salem, Sulphur: verum quod à Galenicis sæpe postulant, ipsi hic facere, & exemplis è majore mundo adductis monstrare, quas periodos in alijs rebus observet mercurius, quas Sal, quas Sulphur, easque postea probabiliter & εὐλόγως febrium caus-

sis in homine applicare debebant. Alias enim eorum pronunciata fidem non merentur.

Sed ut hic Chymicis iniqui non sumus: ita illi contra Galenicorum dogmatibus æquiores esse debebant. Primò enim distinguenda est Febris à causa. Causa est materia, quam illi appellant nitrosulphuream; ab illius accensione calida intemperies in toto corpore exoritur, ob quam partes omnes ad suum officium exsequendum ineptæ redduntur; quæ partium præter naturam dispositio Febris appellatur. Deinde nec humorum nomen planè rejiciendum, Nunquam enim nitrum vel sulphur vomitu ejicitur, per alvum excernitur, aut sudore evacuat, sed humores solum. Et concedatur sanè propter sulphur humores accendi: tamen ideò humorum nomina rejicienda non sunt. Accenditur vinum & ejus spiritus, olea, resina, ligna & alia multa: quorum tamen nomina non rejiciantur.

Scheunemanni verò opinio planè ridicula est, & hac ipsa satis testatur; se in Paracelsi dogmata jurasse, atque parùm sollicitum fuisse, quam dogma aliquod rationi vel experientia sit contrarium, modò Paracelsi fuerit.

Qua enim, quæso, vel levissimâ conjectura probare poterit, talem globum ex lamellis pluribus, instar lapidis bezoar, cum in ventriculo, tum in epate generari, atque inde febrem, & febrium periodos ac paroxysmos, eo quo antea dictum modo, provenire? Et certe

magnam

Scheunemanni absurda de febribus opinio.

magnum illum globum, & multas lamellas seu circulos, ut appellat, è quibus constituitur, esse interdum oportet, cum scribat, totidem paroxysmis ægrum tentari, quot circulis massa illa componitur.

*Colicæ
caussa sct.
Severin.*

Colicam postea ex mucilagine tartarea stipticis & acetosis spiritibus permixta produci statuunt hoc pacto. Si *Λιτargία* corporis humani impedita, tartareæ feces & mucilaginosæ impuritas in ventriculo & intestinis non separentur & expellantur, mucilaginosæ impuritas radices primò collocabit, quæ continua nutritione incrementa sumet, donec digestis temporibus paroxysmos excitabit, spiritibus acutis per intestinorum orbes motis. Si tamen renes & vesica mucilaginosus tartareis & ipsa obducta sint, impressione spirituum ex minera Colicæ prodeuntium ad paroxysmum incitabuntur. Ex iisdem enim impuritatibus, quamvis separationum & exaltationum gradibus differentibus, Colicos & nephriticos dolores proficisci statuunt.

Quibus si unam saltē Colicæ causam proposuit Severinus, de nomine cum eo non litigabimus: cum res plana sit, dudumq; ex pittura vitrea colicam generari Galenus docuerit. Si vero causam istam solam Colicæ statuit, valde erant Cum & à flatibus intestina distendētibz acutissimos dolores Colicos excitari

tari posse, notissimum sit, neque acrimonia sua flatus dolores excitent, sed distensione: & proinde quam primum via, quæ ipsis occlusa erit, patefit, dolor cessat, & sæpe uno Clystere omnis tollitur: Et plus non raro ex Clystere in talibus doloribus commodi, quam ex operosis Chymicorum medicamentis percipitur.

A veritate verò alienum est, quod, *cap. 13. pag. 334.* acutissimos dolores tantum à spiritibus salium acutis fieri scribit: dolores verò, qui à contusione, sectione, ustione, externa calefactione vel refrigeratione contingunt, relollaceos vocat. Omnium enim hominum, qui à condito mundo vixerunt, sensu constat, vix ullos acerbiores dolores esse, quam quos distensio, sectio, ustio &c. parit.

Inflammationum postea generationes & differentias hoc modo describit Severinus: *Inflammationum generatio sec. Severinum.* Seminales radices, inquit, horum morborum ad matrices proveniunt non solum in forma resoluta & liquida, sed in forma vaporosa & spiritali, & continua nutritione & fermentatione digesta maturitatum & separationum tempora expectant, quibus instantibus spirituum erumpit ebullitio. Actum explicantur signaturæ in spiritibus antea delitescentes, colores, sapes, odores, caliditates & cæteræ qualitates, & ex nutrimentis assidue attractis corpora constituunt principiorum scientijs cõsentanea, purulenta, mucosa, sanguinea,

nea, cruenta, coagulata, resoluta, graveolentia, rubicunda, nigra, flava, varia, acrida, erodentia, aspera. Spiritibus postea absoluta revolutione evanescentibus, relictam impuritatem sentinam vitalis balsamus discutit, consumit, aut per vias convenientes expellit.

Inflammationum autem species ex proprietatibus spirituum sulphureorum deducit. Arsenicales enim spiritus bubones constituturæ, & inflammationes pestilenciales dicit: Auripigmentales, pleuritides, sed non solum in pectore, sed & in Cerebro, pulmonibus, corde, Epate, Liene, Ventriculo, carnibus: Sulphureos, Prunellas, Cerebri, pectoris, Ventriculi, Epatis, gulæ & omnium partium:

Galenum verò, aliosque Medicos ex copia sanguinis, si exercitia immoderata, casus, contusiones vel similes causæ accesserint, à quibus vasa sanguinem continentia patefiant, inflammationes generari statuentes reprehendit, negatq; ex sanguinis extra vasa sua effusione inflammationes veras generari; nisi in sanguine semina Pleuritidum, Prunellæ, Pestis, Arsenicalia, Antimonialia, Sulphurea maturitati vicina, antea delitescant, quæ occasionem oportunitatemq; nacta ad ebullitiones & paroxysmos excitentur.

*Ulcerum
generatio
sec. Severi-
num.*

De ulcerum verò generatione ita statuit: si ex innata balsami infirmitate sive errore ob immoderatam diætam in mumia sanguinis, carniū, Synovix, defectus separationis puti

puri ab impuro contingant, relictâ impuritate salium corrosivorum scientijs insignita, si hoc frequenter accadat, & potens sit tinctura seminum corrosivorū, transplantata mumia sanguinis, carnum vel Synoviae radices introducent, & continua nutrice ex similibus impuritatibus fomentis acceptis digestis temporibus fructus producent radicibus consentaneos. Cancris nimirum radices & fructus conferre statuit salia ferruginea, quæ in carnibus, venis, membris Martis anatomiam referentibus hospitium nanciscantur, ut in facie, labris, mammis, pectore, utero interdum. Herpetem, Lupum, radices habere æruginosas cancris finitimas, & in carnibus musculosis artuum & pectore sedes querere. Hydropica ulcera crurū propria aluminosas habere radices: Pruritus, scabiem nitrosis, vitriolatis & levioribus tincturarum proprietatibus constare, locisque omnibus fructus emitte- re: hinc etiam doloris, caloris & similium symptomatum causas reddendas esse.

Verum multa in his & falsa & absurda continentur: Nam primò contra experientiam negat, quod casus, cōtusiones & similes causæ externæ inflammationes veras generent: cum id quoridie fieri, lippis & tonsoribus notum sit. Hoc quidem verum est, si sanguis impurus sit, & vitiosi humores in corpore contineantur, talesque causæ externæ accedant, inflammationes periculosiores fieri: nihilomi-

Causa externa inflammationis.

nus & si in corpus purum tales caussæ incidunt, inflammationem in eo excitare possunt. Quæ verò sine caussa externa generantur inflammationes, eæ non ex seminibus, quasi plantæ, pullulant, neque colores & reliquæ qualitates, ac pus, quod in ijs varium generatur, spirituum illorum opera sunt, (hæc enim omnia ita sine ratione à Severino proferuntur) sed res ita sese habet, ut longa observatio, causarumque omnium diligens consideratio, accuratio felix hætenus comprobavit: quoties in corpore vitiosi humores cumulantur, natura si per vias consuetas eos non possit expellere, ad loca ignobiliora, glandulas & externas partes solet propellere. Ubi cum sanguine extra vasa effusi cumulatique calorem concipiunt & corrumpuntur; unde dolor, inflammatio, coloresque cutis varij, pro humoris contenti varietate, oriuntur. Quod tamen ubique natura solet facere, nec hic omittit, sed utile ab inutili separat; & hoc, ut corpori alendo ineptum, quantum potest, alterat & elaborat; unde puris, pro humorum contentorum varietate, varietas. Idem ferè de ulcerum generatione dicendum: quæ etiam fiunt impuritatibus in corpore latentibus ad exteriora expulsi.

*Ulcerum
differentia
ex principiis
Chymicis.*

In differentijs inflammationum & ulcerum explicandi, si ex principijs suis lucis quid afferre possunt Chymici, libenter id recipimus. Etsi enim planè, quod contra Chymicorum

rum

rum sententiam nonnulli obijciunt ijdem effectus in ulceribus & inflammationibus non appareant, quales si in cute extra arsenicum, auripigmentum, vitriolum, alumen, vel simile quid cuti applicetur, conspiciuntur: tamen propterea nihil tale adesse, dicendum non est. Differunt enim sal & sulphur animale à Sulphure & Sale vegetali; & quæ ex terra attrahuntur salia & Sulphuris in vegetabilibus mutationem & alterationem quandam accipiunt; majorem adhuc in animalibus: nunquam tamen planè naturam suam exuunt. Unde postea ab alijs humoribus separata & per se existentia satis adhuc suam naturam produnt, ut in Bubonibus, carbunculis, cancro & alijs ulceribus animadvertere est.

Tandem doloris causas in genere quod attinet, causam doloris tribuit spiritibus salis resolutis. Ubi quidem facile admittimus, salia & acria, atque omnia quæ partes sensu præditas vellicandi vim habent, dolorem excitare posse: Verum hanc solam doloris causam non esse, & gravissimos quoque dolores à sectione, tensione, ustione provenire antea diximus. Sicut & excessus qualitatum primarum, præcipuè caloris, maximos dolores parit. Quis enim ignorat quantos dolores ustio inferat? At certè ignis dolores non excitat per spiritus salis, sed caliditate nimia.

*An dolori-
bus saporū
nomina as-
tribuenda.*

Quod postea Galenum reprehendit, quod contra Archigenem disputans, negaverit; saporum nomina doloribus accommodanda esse: Verum est, à Galeno hoc factum esse, 2. de locis affectis cap. 9: neque planè injuria. Nam quilibet sensus habet sua propria sensibilia objecta, quæ ab alijs sensibus percipi non possunt. Proinde sicut color non potest percipi ab aure: ita sapor à tactu deprehendi non potest, quatenus talis. Aliàs autem non negatur, res sapidas diversas diverso modo tactum afficere, aliumque dolorem à re salsa, alium ab acida, alium ab amara, alium ab austera excitari. Sed hoc non fit à sapore, quatenus sapor, sed re, cui sapor inest. Id quod ipse confitetur Severinus, dum addit. Linguae quidem officium esse, saporum discrimina discernere: affectiones verò & impressiones saporibus coherentes non solum in lingua sed & in alijs multis partibus percipi. Quod cum nec Galenus negaturus sit, frustra hic à Severino reprehenditur.

*Dolorum
vehementia
unde.*

Denique non à nervorum partibus insitorum copia vel raritate dolorum differentias deducit; sed loca ea vehementissimos dolores pati statuit, quæ confluentiam habent cum salibus potentissimis, sive in quibus spiritus Salium acutissimi latent, & ad extremitates ducuntur, ut orificium ventriculi, intestina, renes, vesicam. Viscera verò tantis doloribus non affligi, quia non consistunt ex salibus, sed potius

potius boli & sulphurearum terrarum naturam referant, in quibus spiritus obtusi & insipidi sint.

Verum in re manifesta ludit. Certum enim est, & omnium hominum sensus id testatur, omnes partes sentire & dolere propter membranas seu nervi partem membranosa; ea; quæ destituuntur partes, nullum sensum habere. Itaq; *πνεύματα* viscerum non sentiunt, non quia spiritus salis non habent: sed quia non sunt membranosa, sed carnosa. Et si quem sensum habent, habent propter membranam ambientem. Reliquæ partes, quæ membranas & nervos multos habent, exquisitum etiam sensum habent, & proinde gravissimos dolores perpetiuntur, ut in oculis, auribus, pleura, ventriculo, ureteribus & similibus partibus, ut & vesica, videre est; quæ non solum à causis internis, sed & externis, in quibus ad spiritus salis confugere non potest Severinus, vehementissimos dolores patiuntur. Sed quod non abripit nimium novandi & sectarum studium!

Cæterum cum peculiari modo ad tria *Scheunemanni Medicina Reformata.* Chymica principia omnes corporis humani morbos reducere conatus sit Henningus Scheunemannus, in libello, cui titulus, *Medicina Reformata, seu Denarius Hermeticus, Philosophicus, Medico Chymicus*; qui libellus cum ab illo, qui eum post mortem authoris edidit, verè aureus nominetur, & veræ Medicinæ

fundamentū perhibeatur, in quo morborum vera caussa & cura Paracelsica apertè doceatur, quomodo unò remedio 100. morbi curentur, cum nunc vix 100. remedia uni morbo sufficiant: atque ipse autor, *in præfatione*, se id, quod post Hippocratem nullus à bis mille annis præstare ausus fuerit, quodq; Joh. Quercetanus pollicitus fuerit, at morte immatura præventus vel rei difficultate deterritus, persolvere nequiverit, aggressurum promittat: operæ pretium fuerit, hîc, ubi de morbis & morborum causis agimus, quædam ejus loca obiter perpendere. Etsi enim institutum morbos & morborum causas ad principia Chymica reducendi non planè improbo: tantamen id satis rectè præstiterit considerandum.

*Dee mor-
borū causis
Scheunemannii.*

Proponit Scheunemannus, *pag. 15.* ante omnia 10. morborum causas, atque inde libellum suum Denarium Medicum inscripsit: Mercurium Pneumosum, Mercurium cremosum, Mercurium sublimatū, Mercurium præcipitatum; Sulphur coagulatum; Sulphur resolutum, Sulphur coagulatum; Salem calcinatum, Salem resolutum, Salem reverberatum.

*Principia
Scheunemannii in-
certa.*

Ubi principio meritò hoc in eo desideratur, cum ultra istum numerum, nec citra illud, in rebus quæquâ reperiri neget, ut causas horum principiorum reddat, neq; mox in fundamento Reformatæ hujus Medicinæ dubium Lectorem relinquat. Mira certè philosophan-

ſophandi ratio eſt, tot nova Entia in cenſum Naturæ inducere, nec ullo modo ea probare. Neq; enim quia Mercurius vulgaris, Sulphur, & Sal, quæ nomine principiorum hic intelligi rectè negat, arte Chymica & igne ſæpe violento, poſſunt ſublimari, calcinari, reverberari, præcipitari: idem etiam in corpore humano fiat neceſſe eſt; aut tot quoq; mutationes ſpiritû inſitum & humidum radicale pari oportet; aut tot erunt rerum naturalium principia.

Deinde cum, ſecundum Epictetum, *δεχῆ* *Principiorum nomina ſunt perſpicua* *παρδύτως* ſit ἡ τῶν ὀνομάτων *Πρόκρυψις*: lectorem mox in principijs nominandis obſcure vocabulis detinere non debebat. Eſſi enim iſta ſua principia definiat; nemo tamen Latine doctus (cum tamen Latine ſcripſerit, aut certe voluerit) vocabula, pneumoſus (eſſi Græcus, quid *πνευματώδες* aut *πνευμαλικόν* ſit, ſciat) & cremoſus (quanquam quid cremor vel cremare ſit, Latinus ſciat) intelliget.

Definit autem, *pag. 16.* Mercurium pneu- *Mercurium*
moſum, quod ſit ſpiritus æthereus, ignis natu- *Pneumoſus*
ræ, vitæ noſtræ proximum & intimum indu- *Scheune-*
mentum, corporis humani lumen & numen, *manni.*
omnium actionum motor & rector, qui in cerebri ventriculis hoſpitari creditur &c. Dicam, ut & Galenici intelligant: Spiritus animalis definitur. Inſitus potius dixiſſem; niſi in cerebro eum hoſpitari ſcripiſſet.

Etsi nimis latè ejus officium extēdat, & omni-
um actionum motorem & rectorem consti-
tuat; cum tamen diversa spiritus animalis &
vitalis sint officia. Atque ita Galenicus cum
rem intelligat, de nomine cum eo non mul-
tum disceptabit.

*Spiritus a-
nimalis non
est causa
flatu &c.*

Verum quod postea, cap. 2. hunc spiritum
plurimorum morborum causam constituit,
hoc nulli Galenico, imò nec saniori & in Phi-
losophia aliquomodo versato Chymico un-
quam persuadebit Scheunemannus. Quis e-
nim, quæso, credat, spiritum æthereum, cor-
poris humani lumen & numen, omniumque
actionum rectorem, ita nonnunquam, ut lo-
quitur, ingrossari, ut præter-naturam in folli-
culis, membranulis & cavitatibus includatur
& subsistat; & visibilis ac materialis factus no-
mine privetur, ac Flatus dicatur, & in parti-
bus, in quibus coarctatur, *in Phlogistone*, infla-
tiones seu apostema (quid apostema esset, i-
gnoravit: tumorem dicere debuit) ventosum
procreet. Hoc certè est cælum terræ & aquæ
miscere, non medicinam reformare. Excre-
mentitij humores morbos & affectus illos
producunt, non spiritus insitus, qui longè no-
bilioris naturæ est, quam ut causarum mor-
bificarum & flatuum atq; excrementitiorum
humorum naturam induere possit. Ut jam de
strumis, scrophulis, glandulis, bubonibus, ste-
atematis, atheromatibus, meliceridibus & simi-
libus nihil dicam, quos ex ingrossatione spiri-
tus

tus animalis ac ætherei, seu, ut ipse loquitur, Mercurij Pneumosi deducit: cum nemo Medicorum saniorum sit, qui ignoret, tumores istos partim morbos hæreditarios esse, & à semine vitioso originem trahere; partim ex succo nutriente provenire, qui vel copia peccat, vel alio modo vitiosus est. Cum enim quælibet pars humorem affluentem sibi assimilare conetur, & natura, quæ nunquam otiosa est, etiam excrementa, quantum fieri potest, elaborare nitatur, ijsque formam aliquam inducat, ut non solum in fungis arborum, sed & in ijs, qui corpori humano annascuntur, (de quib9 videatur centuria 2. observ. Guliel. Fabricij, obs. 35. & 36.) videre est: pro cuiusque partis naturâ diversi tumores generantur; alius in carne, alius ad membranam, alius in glâdulis. Hoc nimis crassum est, quod, pag. 24. ex hoc spiritu & mercurio pneumoso hydropis speciem, quæ tympanites appellatur, imò flatus in ventre & intestinis, ex quibus tormina, murmura, crepitus ventris, & ructus oriuntur ac herniam flatulétam, imò hydrocelen & sarcoçelen, & ne quid desit, enteroçelen (quasi verò ex flatibus illa primariò ortum habeat) deducit. Ex flatibus quidem morborum istorum quosdam provenire scimus: at flatus partim coctionis vitio, partim cibi vitio fiunt; non à spiritu illo æthereo, qui in cerebro hospitatur, ut ipse loquitur. Et proveniunt flatus non ab ijs, quæ spiritu æthereo,

quale vinum, sed quæ materia aquea & excrementitia abundât, ut in rapis & alijs ejus generis videre est. Ideoq; qui cû rei Medicæ utilitate morbos eorumq; causas ad principia Chymica revocare voluerit, longè alia via ingrediat, oportet; & Mercurium morborum autorè longè aliter definire; nec tot diversissimos affectus, strumas, scrupulas, nodos, glandulas, steatemata, oriferomata, melicerides, tympanitidem, tormina & murmura ventris, crepitus, ructus, pneumatocalem, hydrocelem, sarcocalem, enterocalem, epiplocelem, varices confundere, & ad unam causam redigere decet. A causis enim diversissimis pendere, ipsa curatio docet. Quos omnes affectus si unico illo suo primo Ente curavit Scheunemannus, boni publici causa curationum illarum historias & testes annotare debuisset. Hominum enim manus hodie sunt oculatæ: credunt, quod vident.

Eodem modo non rectè paralytin & convulsionem ab eadem causa deducit; cum tamen habeant causas diversas, imò illi iidem affectus à pluribus causis proveniant, ut ex observationibus Medicis & libris practico- rum notum.

*Mercurium
cremosum
Scheunemannii.*

Mercurium deinde Cremosum seu destillatum, pag. 14. definit arcam vitæ nostræ, ignis ætherici pabulum ac nutrimentum, verum lac virgineum, humidum radicale seu primigenium primum & innoxium generationis sub-

jectum,

jectum, cremorem dulcem liquidum raram,
permeabilem. Humidum radicale, ut clarè &
sine ambagibus dicam, definit.

Quod verò, *cap. 3.* scribit, hunc Mercurium
sive à partibus solidis sive à cibo & potu se-
gregatum, potestate superiorum, nonnun-
quam per ascensum & descensum tam diu cir-
culari & rotari, donec cum tenuitate summas
potestates summasq; vires acquirat, & apo-
plexiā, paralylin, convulsiones, epilepsiam,
tremorem cordis, incubum, succubum (risum
teneatis amici) ab hoc deducit, nā iterum af-
fectus diversissimos, & à diversissimis causis de-
pendentes, confundit. Primò enim humidum
radicale, quod definit, nunquam horum mor-
borū autor est; neq; ipsū in cibis est, etsi ex ci-
bis sed per multas inutationes, ex sanguine sc.
purissimo fiat. Deinde etsi hos affectū plerōq;
nō ex crassa pituita, quod plurimi opinantur,
sed potius ex vaporosa & tenui materia oriri
concedamus; atq; si ob id ad mercuriū, sed ali-
ter, quam fecit, definiēdum, eos reducere velit
Scheunemannus, cum eo jam pugnare non
velimus: tamē vaporosa illa materia, quæ hos
affectus producit, non unica est, sed specie in
diversis affectibus differt. Neq; enim, quæ epi-
lepsiam excitat, apoplexiā generat, & contra:
& quæ palpitaciones cordis efficit, ut sæpe fit
in hypochondriaca affectione, etsi melācho-
liam aut dolorem capitis excoiter, non tamen
apoplexiā vel epilepsiam tunc generat. Atq;

an hos morbos omnes manna Mercurij curaverit, fides sit penes authorem.

*Apoplexia
generatio
sec. Paracelsi.*

Et ut aliquid in specie hac de re dicam, ex mercurio cremoso seu destillato Apoplexiam deducit Scheunemannus, & ex Paracelso fulguris exemplo declarat. Sicut nimirum fulmen, sacculis illæsis, nummos constat, aut vagina illæsa ensen liquat, integra cute ossa comminuit: ita mercurium destillatum in unam massam cogere & colliquare cerebrum, aut pulmones, haud aliter, ac si cera essent, ferire, penetrare, inflammare atque exurere, quicquid intra cutem clauditur, ipsam tamen cutem, carnem, fibras, musculos, & cæteras molliores partes non lædere; linguæ loquelam activo suo halitu exurere, carnosam tamen ejus substantiam intactam relinquere opinatur. Atque ex partium internarum ista colliquatione omnia, quæ in Apoplexia apparent, symptomata deducit. Postea tamen illud universale (quicquid intra cutem clauditur) restringit, & non omnes partes, quas attingit, lædere, sed potius nervos, pulmonem & cor exurere scribit.

*Opiniones
ipsius refutatio.*

Verum portenta ista opinionum sunt. Si Paracelsitis Anatomia localis, quam appellant, non ita forderet, facile ex corporum apoplexiâ mortuorum dissectis ac discere potuissent, nihil tale in apoplexia accidere, quale pro libitu imaginantur, sed cerebrum, nervos, pulmones in apoplexia mortuus integra repe-

reperiri. Et quid hoc monstri est, Mercurium destillatum linguæ loquelam exurere, carnosam ejus substantiam intactam relinquere? Quasi verò loquela corpus sit, quod exuri possit. Summa hæc Philosophiæ ignorantia est. Neque sibi constat Scheunemannus, quomodo Mercurius ille destillatus Apoplexiam gignat. Primò enim, ut jam dictum, exurendo, instar fulminis, nervos, pulmones & cor, eam efficere dicit: postea tamen, ut Quercetani sententiam retineat, exhalationes Mercurij destillati corpora coarctare, & constringere dicit, ut quasi coagulata & gelu concreta maneat. Idem certè non constringit & congelat, simulq; exurit.

Mercurium sublimatum definit, *p. 17.* quod sit radicalis humidi spiritus acutus, permeabilis, penetrabilis, aerea, fumea, subtilissima, vivifica & spirituosissima substantia, proximum actionum perceptibile instrumentum &c. Galenicus spiritum insitum definiri diceret. Quicunque autem ille sit, si est vivifica substantia & proximum actionum instrumentum, quomodo ab eo omnes ægritudines, quæ interius punctiones cum fervore cient, *cap. 4.* deducit? dum statuit, eum in fumum abire, calefcere & ignescere, non verò flagrare, & quicquid volatilitate sua apprehendit frangere & dolore premere, sed absque flamma. Ab hoc deducit maniam, phrenesin, amentiam, Syncope, melancholiam, typhomaniam, dolores capi-

*Mercurium
sublimatum
Scheunemannus.*

capitis, cordis palpitationem, anginae species, pleuritidem, pestes antriaces.

Verum ubique principium petitur, & diversissimi morbi confunduntur. Hoc quidem non negamus, plerosq; hos morbos à calida & tenui materia provenire: at quod spiritus insitus & vivificus horum morborum autor sit, id probandum erat. Quanquam enim & calidum innatum, ut Galenus loquitur, igneum reddi possit: tamen calor ille præternaturalis, qui illud accendit, aliunde ipsi communicatur, & humores præter naturam incalescunt. Quanquam etiam concedamus, in peste, & pleuritide non rarò venenatum spiritum adesse, quem natura ad exteriora expellit: tamen anthrax & alia, quæ in peste & morbis malignis erumpunt, ut tumores & tubercula, non ex spiritu illo vel mercurio sublimato, ut ille appellat, oriuntur, sed venenatus ille vapor vel spiritus sanguine & humores corrumpit, qui corrupti à natura expelluntur, & tumoribus ejusmodi materiam præbent.

Præterea etsi seu vapor seu spiritus tenuis, seu, ut ille appellat, mercurius aliquis morborum, quos enumerat, causa sit: tamen cum causæ morbos istos producentes specie differant: omninò tot mercurij describendi essent, quot morbos enumerat. Quid enim phrenesi commune cum cordis palpitatione & syncope? Quis causas specie differentes & diversa medicamenta requirentes non agnoscat, in phrenesi,

æsi, melancholia, pleuritide, anthrace, peste?
 Qui sine præjudicio, quæ passim viri doctissimi,
 multorum seculorum experientia adjuti,
 de horum morborum natura & felici etiam
 cura tradiderunt, perpendere voluerit: facile
 animadvertet, morbos & symptomata ita di-
 versa ad eandem causam reducere; tam im-
 possibile esse, quam elementa ex sale, sulphure
 & mercurio componere; quod tamen idem
pag. 42. conatur.

Mira etiam in hoc capite est pestis defini-
 tio, quam ulcus esse dicit, & propterea non
 aliam, quam incarnativam requirere medicinam.

Tandem Mercurium præcipitatum *pag. 17. Mercurius præcipitatum Scheu- nemanni.*
 definit spiritum æthereum verè esurinum, aci-
 dum, acrem, vehementem, incombustibilem,
 qui ignem externum calore vincat, totius
 fermentum vivificum, à quo omnia ferment-
 antur & condiuntur, insita dissolvendi &
 contrahendi facultate obvia quæq; confrin-
 gat ac dirimat. Hos spiritus esse scribit, qui
 esuriant & sitiant, & cibos omnes acida &
 mordaci sua solvendi & conterendi pote-
 state confringant. Quod officium Galenici *Spiritus an esuriant.*
 calido insito & facultati concoctrici rectè
 tribuunt. Non enim Spiritus esuriunt aut
 sitiunt; sicut nec vident, nec audiunt, nec
 ambulant: sed pars calore naturali & fa-
 cultate naturali appetente prædita appetit
 cibum & potum, ac homo esurit & sitit.
 Et calor ille ac spiritus insitus etsi proxi-
 mus

num coctionis instrumentum sit: tamen primaria coctionis causa non est, sed facultas cuiusque membri; unde etiam diversæ in diversis partibus fiunt coctiones, prout diversis facultatibus præditæ sunt. Ventriculus chylum generat, epas sanguinem; os ex attrachto alimento os, caro carnem generat. Præterea spiritus ac calor ille insitus his actionibus inservit, non aciditate, acrimonia & mordacitate sua; quæ nulla in eo deprehenditur; sed blando calore, qui est communis *δημιουργός* & commune naturæ instrumentum: sicut id ex digestionibus suis facile discere potuissent Chymici, in quibus calor ille Balnei vel alius blandus corpora naturalia solvit & digerit; sed non aciditate, non acrimonia, non mordacitate.

*Arthritidis
generatio
sec. Schen-
wormium.*

Ineptum verò planè est, quod *pag. 18. & s.* ex isto spiritu, coctionis & digestionis autore, arthridem deducit: Cum scilicet à suarum functionum officio impeditus & præcipitatus siccas coagulationes maximo cruciatu extremis membris infligat: unde topi nascantur. Quis enim saniorum etiam Chymicorum ignorat, non à spirituosâ & vivifica substantia, quæ proximum actionum instrumentum sit, sed à causâ præternaturali, & eo, quod excrementitium est in alimentis, gigni arthritidem; quod ipsi Chymici tartarum appellant, & ad Salem potius, quam mercurium referunt. Et quamvis concedamus, acutissimos

limos & summâ penetrandi vi præditos spiritus in arthritide esse: salini tamen illi potius sunt ex humoribus excrementitijs, non vivifica & spirituosâ substantia. De tophorum quoque in arthriticis generatione alij saniores Chymici, ut & Galenici, qui nominibus potius, quam re hîc dissident, rectius sentiunt, quam Scheunemannus, qui non ex tartareis & mucilaginosiis succis, sed ex cremore seu lacte dulci, ut ejus verbis utar, quo corporis partes aluntur & nutriuntur, quam Synoviam nominat, eos generari dicit, idq; exemplo lactis declarat. Sicut enim, inquit, videmus aceto tepido lacti infuso confestim coagulatum fieri, quod in durum caseum transit: idem hîc quoq; animadvertimus; ex spiritus acetosi ac dulcis Synovię conflictu fit coagulum album lapidescens, quale ex incisîs podagricorum tophis eximitur. Ponamus sanè & concedamus, ex confluxu & conflictu spirituum aut humorum natura sua repugnantium quid in corpore humano fieri, quale accidere videmus, si spiritui vitrioli, vel aquæ forti, in quo ferrum solutum, oleum tartari, vel butyro antimonij Spiritus nitri affundatur: tamen ea repugnantia inter Spiritus & humores est, qui præter naturam in corpore nostro reperiuntur; non verò inter spiritus coctionis autores, & inter succum, quo partes aluntur, talis pugna accidit. Nam cum in omnibus partibus talis succus sit, & spiritum

insitum quælibet pars habeat, semper in toto corpore talis pugna fieret.

Verum operæ pretium non est, in talibus figmentis refutandis immorari, cum talia sint, quæ proculdubio & à sanioribus Chymicis improbantur.

Sulphur re-
solutum
Scheune-
manni,

Reliqua ergò, quæ ponit morborum principia, breviter percurramus. Proposuit hætenus Scheunemannus spiritum æthereum, naturæ ignem, omnium actionum rectorem, humidum radicale, & primigenium, madore ac rore suo partes corporis nostri irrorans & madefaciens; radicalis humidi spiritum, vivificam substantiam, proximum actionum instrumentum; spiritum æthereum coctionis & digestionis autorem. Verum hæc non sufficiunt: tribus spiritibus quartum adhuc addit; purissimum, candidum, odoriferum, dulcem, pulsatilem, caloris fomentum, totius corporis fulcrum, &c: quem Sulphur congelatum appellat: & humido primigenio seu lacti virginis, quo omnes pontes alantur, quod suo madore ac rore partes corporis nostri irroret, madefaciat ac reficiat, & quod primum & maximum generationis subjectum sit, adhuc aliam liquidam ac mollem substantiā, omnes partes corporis benigno madore irrorantem, spiritus (qui jam quintus erit) etiā plenam, generationi commodam, quam Sulphur resolutum nominat, addit.

Verum

Verum Davi hic sumus non Oedipi. Utinam, si ad medicinam reformandam animum adjicere voluisset Scheunemannus, antiquorum, Hippocratis, Aristoreis, Galeni vestigijs institisset: qui principia & elementa rerum naturalium & corporis humani, morborumque adeo causas proposituri, vel ipsis sensibus ea obvia esse, vel ex actionibus & proprietatibus talia & tot à se distincta esse, docere conati sunt. At hic tot Spiritus & tot principia proponuntur, nec an sint, & an tot sint, vel levi conjectura probatur. Neque etiam ullam appellationum causam reddit Scheunemannus, & cur Sulphur aliud congelatum, aliud coagulatum appellet, docet.

Ex Sulphure congelato accenso deducit inflammationes; cum tamen, *cap. 4.* anginam, pleuritidem, quæ & ipsæ inflammationes, ut & cerebri membranarum inflammationes, ad Mercurium sublimatum retulerit.

Postea & febres ex Sulphure accenso deducit: de quo jam non disputabo: cum & Hippocrates febrem *τὴν* nominet, & Galenus definiat calidum nativum in igneum mutatum, & Galenici incendium spirituum & humorum in febribus non negent. Verum istis non pauca intermiscet falsa, de quibus in doctrina de febribus dicetur.

Quæ de Sulphure resoluta scribit, si dextre explicentur, maximam partem admitti possum. *Sulphur resolutum.*

Nam & Galenici vapores suaves ad cerebrum ele-

*Somni causa
sa.*

varos somni causam esse statuunt: nec illud, quod Chymici soporosos affectus à Sulphure quodam narcotico, non à frigiditate fieri statuunt, negandum est; conceduntque id hodiè non pauci Galenici, atque inter eos Platerus. Verum quod à naturali illa liquida & molli substantia, quæ omnes partes benigno madore irrorat, omnes affectus soporosos deducit, & ex copia illius substantiæ benignæ comatophoram, veterum oriri dicit, in eo errat. Tota enim specie causæ illæ præternaturales, ut earum generatio, natura, & effectus satis docent, ab ista substantia differunt, neque eadem specie qualitas, quæ in opio, mandragora, hyoscyamo & similibus reperitur, in naturalibus humoribus reperitur; sed cum causis potius præternaturalibus, quales in febribus malignis, peste & venenis quibusdam reperiuntur, hic conveniunt. Et quis dixerit, qualitatem, quæ in peste, & quæ in venenis quibusdam somnum gravem inducit, in benigna illa & corpori amica substantia reperiri? Quam commodè verò ab eodem Sulphure etiam vertiginem deducat ipse viderit; cum potius à spirituum agitatione & circumrotatione, (unde & à corporis in gyrum rotatione, sine causa interna, oritur vertigo) quam vi narcotica spiritus ligante, vertigo fiat.

*Plurimè al-
bi causa
sec. Schen-
ner.*

Quod porro ex Sulphure coagulato resoluta profluvia alvi, Diarrhæam, Dysenteriam,

cap. 8.

cap. 8. deducit, ab alijs Paracelsistis dissentit, qui à Sale, & probabilius, omnes alvi fluxus oriri statuunt. Et mira iterum hic ex Paracelso Philosophia est de appetitu ventriculi, qui appetat & ad se trahat partium nutrimentum vel Sulphur coagulatum, in sanguine, in carne & in alijs membris, adipem intestinorum, & res alias in corpore existentes omnes, ut mucum, fluxus, quos ad se trahat, ceu cucurbita sanguinem: qui Sulphuris immaturi edendi desiderio lacessatur, & separationis voluptate capiatur, quasi scire cupiat, quid præstò sit. Docuerunt hætenus Medici, & tormina ventris, excreta, imò cadaverum sectiones id cõfirmarunt, quod humores acres, quos Chymici non malè falsos appellant, & ad salium genera referunt, intestina abradant & erodant, eorumque venas aperiant. Rem tamen tam evidentem & manifestam negare audet Scheunemannus, & ex sanguinis vel sulphuris coagulati in sanguine, quem appetat, & absorbere desideret ventriculus, per intestina delapsu fieri dysenteriam statuit. Norunt quidem & Galenici fluxum quendam colliquativum esse, ad quem corporis tabes, quam ille barbarè Ariduram appellat, consequitur: verum non eundem esse cum Dysenteria, ex signis utriusque facillè patet.

Est & hoc monendum, malè Galenicis à Scheunemanno imputari, *pag. 85.* quod ex-

an hos morbos omnes manna Mercurij curaverit, fides sit penes authorem.

*Apoplexie
generatio
sec. Paracelsi.*

Et ut aliquid in specie hac de re dicam, ex mercurio cremoso seu destillato Apoplexiam deducit Scheunemannus, & ex Paracelsi fulguris exemplo declarat. Sicut nimirum fulmen, sacculis illæsis, nummos constat, aut vagina illæsa enses liquat, integra cute ossa comminuit: ita mercurium destillatum in unam massam cogere & colliquare cerebrum, aut pulmones, haud aliter, ac si cera essent; ferire, penetrare, inflammare atque exurere, quicquid intra cutem clauditur, ipsam tamen cutem, carnem, fibras, musculos, & cæteras molliores partes non lædere; linguæ loquelam activo suo halitu exurere, carnosam tamen ejus substantiam intactam relinquere opinatur. Atque ex partium internarum ista colliquatione omnia, quæ in Apoplexia apparent, symptomata deducit. Postea tamen illud universale (quicquid intra cutem clauditur) restringit, & non omnes partes, quas attingit, lædere, sed potius nervos, pulmonem & cor exurere scribit.

*Opinio
istius refu-
tatio.*

Verum portenta ista opinionum sunt. Si Paracelsitis Anatomia localis, quam appellant, non ita sorderet, facile ex corporum apoplexiâ mortuorum dissectione discere potuissent, nihil tale in apoplexia accidere, quale pro libitu imaginantur, sed cerebrum, aëros, pulmones in apoplexia mortuus integra repe-

reperiri. Et quid hoc monstri est, Mercurium destillatum linguæ loquelam exurere, carnosam ejus substantiam intactam relinquere? Quasi verò loquela corpus sit, quod exuri possit. Summa hæc Philosophiæ ignorantia est. Neque sibi constat Scheunemannus, quomodo Mercurius ille destillatus Apoplexiam gignat. Primò enim, ut jam dictum, exurendo, instar fulminis, nervos, pulmones & cor, eam efficere dicit: postea tamen, ut Quercerani sententiam retineat, exhalationes Mercurij destillari corpora coarctare, & constringere dicit, ut quasi coagulata & gelu concreta maneat. Idem certè non constringit & congelat, simulq; exurit.

Mercurium sublimatum definit, *p. 17.* quod *Mercurium sublimatum* sit radicalis humidi spiritus acutus, permeabilis, penetrabilis, aerea, fumea, subtilissima, vivifica & spirituosâ substantia, proximum actionum perceptibile instrumentum &c. Galenicus spiritum insitum definiri diceret. Quicunque autem ille sit, si est vivifica substantia & proximum actionum instrumentum, quomodo ab eo omnes ægitudines, quæ interius punctiones cum fervore cient, *cap. 4.* deducit? dum statuit, eum in fumum abire, calefcere & ignescere, non verò flagrare, & quicquid volatilitate sua apprehendit frangere & dolore premere, sed absque flamma. Ab hoc deducit maniam, phrenesin, amentiam, Syncope, melancholiam, typhomaniam, dolores capi-

capitis, cordis palpitationem, anginae species, pleuritidem, pestes antiaces.

Verum ubique principium petitur, & diversissimi morbi confunduntur. Hoc quidem non negamus, plerosq; hos morbos à calida & tenui materia provenire: at quod spiritus insitus & vivificus horum morborum autor sit, id probandum erat. Quanquam enim & calidum innatum, ut Galenus loquitur, igneum reddi possit: tamen calor ille præternaturalis, qui illud accendit, aliunde ipsi communicatur, & humores præter naturam incalescunt. Quanquam etiam concedamus, in peste, & pleuritide non rarò venenatum spiritum adesse, quem natura ad exteriora expellit: tamen anthrax & alia, quæ in peste & morbis malignis erumpunt, ut tumores & tubercula, non ex spiritu illo vel mercurio sublimato, ut ille appellat, oriuntur, sed venenatus ille vapor vel spiritus sanguinè & humores corrumpit, qui corrupti à natura expelluntur, & tumoribus ejusmodi materiam præbent.

Præterea etsi seu vapor seu spiritus tenuis, seu, ut ille appellat, mercurius aliquis morborum, quos enumerat, causa sit: tamen cum causæ morbos istos producentes specie differant: omninò tot mercurij describendi essent, quot morbos enumerat. Quid enim phrenesi commune cum cordis palpitatione & syncope? Quis causas specie differentes & diversa medicamenta requirentes non agnoscat, in phrenesi,

æsi, melancholia, pleuritide, anthrace, peste ? Qui sine præjudicio, quæ passim viri doctissimi, multorum seculorum experientia adjuti, de horum morborum natura & felici etiam cura tradiderunt, perpendere voluerit : facile animadvertet, morbos & symptomata ita diversa ad eandem causam reducere ; tam impossibile esse, quam elementa ex sale, sulphure & mercurio componere ; quod tamen idem *pag. 42. conatur.*

Mira etiam in hoc capite est pestis definitio, quam ulcus esse dicit, & propterea non aliam, quam incarnativam requirere medicinam.

Tandem Mercurium præcipitatum *pag. 17.* definit spiritum æthereum verè esurinum, acidum, acrem, vehementem, incombustibilem, qui ignem externum calore vincat, totius fermentum vivificum, à quo omnia fermentantur & condiuntur, insita dissolvendi & contrahendi facultate obvia quæq; confringat ac dirimat. Hos spiritus esse scribit, qui esuriant & sitiant, & cibos omnes acida & mordaci sua solvendi & conterendi potestate confringant. Quod officium Galenici calido insito & facultati concoctrici rectè tribuunt. Non enim Spiritus esuriunt aut sitiunt ; sicut nec vident, nec audiunt, nec ambulant : sed pars calore naturali & facultate naturali appetente prædita appetit, cibum & potum, ac homo esurit & sitit. Et calor ille ac spiritus insitus etsi proxima

Mercurius præcipitatum Sebennemanni.

Spiritus an esuriant.

num coctionis instrumentum sit: tamen primaria coctionis causa non est, sed facultas cujusque membri; unde etiam diversæ in diversis partibus fiunt coctiones, prout diversis facultatibus præditæ sunt. Ventriculus chylum generat; epas sanguinem; os ex attracto alimento os, caro carnem generat. Præterea spiritus ac calor ille insitus his actionibus inservit, non aciditate, acrimonia & mordacitate sua; quæ nulla in eo deprehenditur; sed blando calore, qui est communis *διαιτητικός* & commune naturæ instrumentum: sicut id ex digestionibus suis facile discere potuissent Chymici, in quibus calor ille Balnei vel alius blandus corpora naturalia solvit & digerit; sed non aciditate, non acrimonia, non mordacitate.

*Arthritidis
generatio
sec. Schen-
nerianum.*

Ineptum verò planè est, quod *pag. 18. & 5.* ex isto spiritu, coctionis & digestionis autore, arthridem deducit: Cum scilicet à suarum functionum officio impeditus & præcipitatus siccas coagulationes maximo cruciatu extremis membris infligat: unde tophi nascantur. Quis enim saniorum etiam Chymicorum ignorat, non à spirituiosa & vivifica substantia, quæ proximum actionum instrumentum sit, sed à causa præternaturali, & eo, quod excrementitium est in alimentis, gigni arthritidem; quod ipsi Chymici tartarum appellant, & ad Salem potius, quam mercurium referunt. Et quamvis concedamus, acutissimos

simos & summā penetrandi vi præditos spiritus in arthritide esse: salini tamen illi potius sunt ex humoribus excrementitijs, non vivifica & spirituosā substantia. De tophorum quoque in arthriticis generatione alij saniores Chymici, ut & Galenici, qui nominibus potius, quam re, hîc dissident, rectius sentiunt, quam Scheunemannus, qui non ex tartareis & mucilaginosi succis, sed ex cremore seu lacte dulci, ut ejus verbis utar, quo corporis partes aluntur & nutriuntur, quam Synoviam nominat, eos generari dicit, idq; exemplo lactis declarat. Sicut enim, inquit, videmus aceto tepido lacti infuso confestim coagulatum fieri, quod in durum caseum transit: idem hîc quoq; animadvertimus; ex spiritus acetosi ac dulcis Synovię conflictu fit coagulum album lapidescens, quale ex incisiss podagricorum tophis eximitur. Ponamus sanè & concedamus, ex confluxu & conflictu spirituum aut humorum natura sua repugnantium quid in corpore humano fieri, quale accidere videmus, si spiritui vitrioli, vel aquæ forti, in quo ferrum solutum, oleum tartari, vel butyro antimonij Spiritus nitri affundatur: tamen ea repugnantia inter Spiritus & humores est, qui præter naturam in corpore nostro reperiuntur; non verò inter spiritus coctionis autores, & inter succum, quo partes aluntur, talis pugna accidit. Nam cum in omnibus partibus talis succus sit, & spiritum

insitum quælibet pars habeat, semper in toto corpore talis pugna fieret.

Verum operæ pretium non est, in talibus figmentis refutandis immorari, cum talia sint, quæ proculdubio & à sanioribus Chymicis improbantur.

*Sulphur re-
solutum
Scheune-
manni,*

Reliqua ergo, quæ ponit morborum principia, breviter percurramus. Proposuit hæc-
nus Scheunemannus spiritum æthereum, natu-
ræ ignem, omnium actionum rectorem, hu-
midum radicale, & primigenium, madore ac
rore suo partes corporis nostri irrorans &
madefaciens; radicalis humidi spiritum, vivi-
ficam substantiam, proximum actionum in-
strumentum; spiritum æthereum coctionis &
digestionis autorem. Verum hæc non suffici-
unt: tribus spiritibus quartum adhuc addit;
purissimum, candidum, odoriferum, dulcem,
pulsatilem, caloris fomentum, totius corpo-
ris fulcrum, &c. quem Sulphur congelatum
appellat: & humido primigenio seu lacti vir-
ginis, quo omnes pontes alantur, quod suo
madore ac rore partes corporis nostri irroret,
madefaciat ac reficiat, & quod primum &
maximum generationis subjectum sit, adhuc
aliam liquidam ac mollem substantiã, omnes
partes corporis benigno madore irrorantem,
spiritus (qui jam quintus erit) etiam plenam,
generationi commodam, quam Sulphur reso-
lutum nominat, addit.

Verum

Verum Davi hic sumus non Oedipi. Utinam, si ad medicinam reſormandam animum adjicere voluiſſet Scheunemannus, antiquorum, Hippocratis, Ariſtoteſis, Galeni veſtigijs inſtituiſſet: qui principia & elementa rerum naturalium & corporis humani, morborumque adeo cauſas propoſituri, vel ipsis ſenſibus ea obvia eſſe, vel ex actionibus & proprietatibus talia & tot à ſe diſtincta eſſe, docere conati ſunt. At hic tot Spiritus & tot principia proponuntur, nec an ſint, & an tot ſint, vel levi conjectura probatur. Neque etiam ullam appellationum cauſam reddit Scheunemannus, & cur Sulphur aliud congelatum, aliud coagulatum appellet, docet.

Ex Sulphure congelato accenſo deducit inflammationes; cum tamen, *cap. 4.* anginam, pleuritidem, quæ & ipſæ inflammationes, ut & cerebri membranarum inflammationes, ad Mercurium ſublimatum retulerit.

Poſtea & febres ex Sulphure accenſo deducit: de quo jam non diſputabo: cum & Hippocrates febrem *ævæ* nominet, & Galenus definiat calidum nativum in igneum mutatum, & Galenici incendium ſpirituum & humorum in febribus non negent. Verum iſtis non pauca intermiſcet falſa, de quibus in doctrina de febribus dicetur.

Quæ de Sulphure reſoluto ſcribit; ſi dextrè *Sulphur reſoluto.* explicentur, maximam partem admitti poſſum. *ſolutum.*

Nam & Galenici vapores ſuaves ad cerebrum ele-

cap. 8. deducit, ab alijs Paracelsistis dissentit, qui à Sale, & probabilius, omnes alvi fluxus oriri statuunt. Et mira iterum hic ex Paracelfo Philosophia est de appetitu ventriculi, qui appetat & ad se trahat partium nutrimentum vel Sulphur coagulatum, in sanguine, in carne & in alijs membris, adipem intestinorum, & res alias in corpore existentes omnes, ut mucum, fluxus, quos ad se trahat, ceu cucurbita sanguinem: qui Sulphuris immaturi edendi desiderio lacessatur, & separationis voluptate capiatur, quasi scire cupiat, quid præstò sit. Docuerunt hæc Medici, & tormina ventris, excreta, imò cadaverum sectiones id cõfirmarunt, quod humores acres, quos Chymici non malè salsos appellant, & ad salium genera referunt, intestina abradant & erodant, eorumque venas aperiant. Rem tamen tam evidentem & manifestam negare audet Scheunemannus, & ex sanguinis vel sulphuris coagulati in sanguine, quem appetat, & absorbere desideret ventriculus, per intestina delapsu fieri dysenteriam statuit. Norunt quidem & Galenici fluxum quendam colliquativum esse, ad quem corporis tabes, quam ille barbarè Ariduram appellat, consequitur: verum non eundem esse cum Dysenteria, ex signis utriusque facillè patet.

Est & hoc monendum, malè Galenicis à Scheunemanno imputari, *pag. 85.* quod ex-

crementa morbos ipsos esse statuunt. Paracelsici quidem hoc faciunt, & inter eos Severinus, qui vomitu febrē rejectam se vidisse scribit: sed non Galenici, qui omnino excrementa à coctionibus suis colores accipere, & commodius esse docent, vitiosos humores non generari, quam generatos evacuari, & propterea partes, quarum vitio illi generantur, ad naturalem statum reducendas & roborandas esse. Interim non sequitur, humores vitiosos jam genitos non evacuandos esse. Illud faciendū; sed hoc non omittendum: imò, ut illud fieri possit, hoc prius faciendum.

Morbi salini.
Sal calcinatus.

Morbos tandem salinos quod attinet, triplices illos constituit ex Sale calcinato, Sale resoluta, Sale reverberato. Sale calcinatum definit esse vitæ balsamum, corpus illud firmum, fixum, terreum, Mercurium & Sulphur in unum componens, congelans, & solida redens cuncta, omnium condimentorum optimum &c. Ex hoc, si in corpore humano lique scat, deducit cachexiam, hydropem, œdemata. Salis enim calcinati conditionem esse, ut nonnunquam lique scat. Quod si fiat in corpore humano, naturam eum expellere: atque hinc sudorem ortum habere; ac sudorem nonnullum esse ex carne, nonnullum ex sanguine, ossibus, medullis. Quod si calor insitus sit debilior, quam ut possit sudorem & sale m resolutum expellere, intra carnem detineri, & molliorem corporis habitum, quem Cachexiam

xiam nominant, aliasq; hydropis species fieri statuit, Sale, qui resolvitur & liquefcit, ad inferiora descendente.

Salem resolutum definit esse corpus liqui- *Sal resolu-*
dum, gustu grave, facultate coagulandi & *lus.*
constringendi præditum, saporis sui benignitate cuncta nutriens & conservans, & qui propterea Deorum cibus ac potus dicatur, &c. Qui sal quamvis liquidus sit, non tamen humectare, sed potius vi sua constringente exsiccare & indurare. Hoc sale quod caret, nullum exhibere sui gustum, sed insipidum esse scribit.

Hunc Salem, si ex officio suo delabatur, congelationem pari, indurari, & in refinam, tartarum, arenam & lapides concrefcere, & hinc omnes omnino morbos tartareos oriri docet.

Salem denique reverberatum totius Naturæ generale lixivium & mundificativum esse *Sal rever-*
dicit, quod corpora quæque sordibus inquinata detergendo, reserando, incidendo, purgando, vomitum provocando, urinas ciendo, sudores movendo, mundificet, vivificet & regeneret; ignemque occultum & perpetuo urentem esse scribit. Ab hoc sale pruritus, vitiligines, morphæam, porriginem, scabiem, polypum, verrucas, clavos, abscessus & ulcera varia, phlegmonem, furuncullos, carbunculos, bubones, cancerum, luem veneream, scorbutum deducit.

Verum enim verò etsi, quæ de Sale in corporum constitutione & morborum nonnullorum origine à Chymicis dicuntur, omnia non improbemus, sed & corporum resolutio Salem ostendat, & qualitatibus suis & actionibus, falsedine, acrimonia ac similibus varia salium genera in humoribus sese prodant; & proinde quosdam morbos ad salem reducendi conatum in Chymicis non improbemus: in paucis tamen feliciter id Scheunemannus præstitit, sed etiam, quæ vera sunt, falsis & absurdis additis, apud Galenicis suspecta reddidit. Primò enim, cur tot salium genera in constitutione corporis ponat, causam nullam reddit. Neque enim necessarium est, ut omnia, quæ per artem, ignis violenti ministerio, fieri possunt, eadem & in corpore humano reperiantur. Præterea non necessarium, ut illa, quæ corpus constituunt, causæ morborum quoque evadant: cum causæ morbiferæ plurimæ extra corpori advenire possint. Neque etiam in describendis Salis speciebus sibi constat.

*Saporum
causæ.*

A Sale calcinato saporum omnium originem derivat, pag. 20. & eum nunc amarum, nunc salsum, nunc austerum, nunc dulcem esse scribit. Pag. 98, tamen saporem sali resolutò tribuit, & nihil sapidum esse scribit, quod Sale resolutò careat. Rectius longè Chymici alij à Sale in genere saporem deducunt, & postea saporum differentias Salium specie-

speciebus attribuunt, aliumq; Salem simpliciter falsum, qualis communis est, alium amarum, alium acerbum, alium austerum esse docent. Quod & ipse, si rem Chymicam excolere, & amplificare, ac reformare Medicinā voluisset, facere, & qui morbi à quibus salibus proveniant, monstrare debuisset.

Deinde in reddendis causis sudoris, cachexiæ, hydropis & similium morborum valde *Sudoris causa.* errat. Sudorem quidem Salis aliquid continere non negandum; cum sapor id testetur: sed tantum salem esse, non concedendum; cum in morbis sæpissime foetorem habeat, quem ipsi Chymici à sulphure deducunt. Nec illud concedendum, sudorem esse salem resolutum, & quidem ex vitæ balsamo & substantia partium compacta & solida resoluta provenire. Quanquam enim sudores *Ναφθηλυνξ* interdum accidere non negetur: omnes tamen sudores à substantia partium resoluta provenire, falsissimum: sed serosum, quod est in corpore, illud materiam sudori suppeditat. Habetque sudor & urina eandem materiam, unde & ad sudores copiosos urina imminuitur. Et cum interdum sudores copiosissime profluant, ut in Quartana fieri solet, sine insigni corporis imminutione: fieri id non posset, si ab ipsa partium substantia, seu partium corporis vel etiam sanguinis sale resoluti sudores ortum haberent. Præterea si hæc esset sudoris generatio, quomodo febres per sudo-

res solverentur; quod tamē felicissimē fieri videmus, materia morbifica per sudores sæpe foetidos discussa.

*Hydrops
caussa.*

Æquē absurdum est, quod ex eodem sale partium corporis resoluta cachexiam & Aquam inter cutem derivat, & quidem à superioribus ad inferiora descendere, & hinc partes superiores tabe consumi scribit, Galenicōsq; reprehendit, quod nullam hydropem, nisi epar sit frigidum, fieri doceat. Longē alia hydropis est generatio. Fit nimirum Aqua intercus, cum humor serosus in abdomen effunditur; quod multis de causis fieri potest.

*Hydrops nō
semper ge-
neratur à
frigiditye
epatis.*

Fuerunt quidem nonnulli hactenus in ea opinione, omnem Aquam intercutē fieri epatis sanguificatione, & quidem ob frigiditatem, læsa. Et est hæc hydropis species quidem frequentissima; unde etiam nomen generis ipsi in specie tribuitur. Non tamen in omni hydropē epar afficitur, sed in cadaveribus hydropē mortuorum epar sæpe saluum planè repertum esse, doctissimi Medici observarunt. Suntq; multæ, præter frigiditatem epatis, causæ, ob quas serosus humor in corpore cumulat, & in abdomen effunditur: si scilicet ob retentionem epatis, venarum & renum læsam vel impeditam bilis & serum non secernitur; quod ideo per occultos meatus in abdomen effunditur: si lien malè habeat & aquosus sit; si ob ulcus vel vulnus utereturum, vesicæ facultas retentrix serum debito modo non retinet, sed in loca inconvenientia effluere sinit;

si facultas renum attractrix læditur. Et omnino si cuiuscunq; partis vitio humor serosus multus cumuletur, non excernatur, sed in abdomen effundatur. De qua re doctè disserit Theodor. Collado, *in observationib. in Hollerij method. cap. 60.*

Quas causas hydropis & ab eo & ab alijs Medicis observatas & annotatas omnes qui diligenter perpendet, facile intelliget, non, quod Scheunemannus statuit, ex sale partium corporis humani intercutem aquam fieri, & aquam hydropicorum non esse partium substantiam resolutam, sed serosum, excrementitium humorem, præter naturam alicubi accumulatum, & non debito modo excretum.

*Hydrops nō
est ex sale
resoluta.*

Et ineptum planè est argumentū, cum scribit; epar vel frigidius vel calidius aquam gignere non posse: quia ex accidente non nisi accidens producat; & epatis natura non sit, ut aquam generet. Frigiditas enim vel caliditas epatis aquam quidem non gignit: si tamen epar non rectè temperatum sit, actiones suas rectè exercere non potest, & pro bono sanguine vitiosum gignit. Quod & de alijs partibus verum est, quæ si naturalem constitutionem non obtineant, suas functiones rectè obire non possunt. Et cum epar & aliæ partes coctioni destinatae opus aliquod producant, ventriculus chylum, epar sanguinem generet: si partes illæ suas actiones non rectè obeant, opus illud vitari, & pro bono chylo, & bono

bono sanguine, vitiosum chylum & sanguinem generari necesse est. Neque epar puram aquam, sed pro bono sanguine sanguinem, aquosum & serosum generat; quod serosum si ab eo non secernatur & evacuetur, cumulat in corpore hydropem excitat. Et certe parum observasse videtur Scheunemannus in corpore humano humorum corruptiones, quæ frequentissime ob partium naturalem constitutionem coctionemq; vitiatam accidunt.

Neque ullam causam habuerunt Paracelsus ac Severinus, ut à partium aut Salis in his resolutione hydropem deducerent: cum in cibo & potu, quem quotidie assumimus, satis aquosi & salis humoris sit, qui nisi ab utili alimento rectè secernatur, & e corpore per vias debitas evacuetur, sensim & paulatim cumlatus aquam inter cutem tandem generat.

Et si concedit, epar calefactum bilem, & si adhuc magis incalescat, retorridos, adductosque humores generare, cur neget, ab eodem frigefacto aquosum sanguinem produci?

Nec illud veritati consentaneum, quod scirrhus epatis vel lienis semper hydropem sequatur; nunquam verò eum antevertat, nec ejus causa, sed effectus sit. Contrarium enim testatur experientia: multiq; reperiuntur, quibus epar & lien indurantur, antequam hydropem laborant. Postea quia ob scirrhosam dispositionem actiones epatis & lienis laeduntur,

tur, sequitur serosi humoris in corpore cumu-
latio & hydrops.

Neque cura perfecta hydropis consistit in
salis coagulatione, sed potius, post humoris
serosi evacuationem, in partium illarum, qua-
rum vitio serosus humor in corpore cumula-
tur, roboratione; laborandumq; est, ut parti,
cujus causa serosus humor in corpore cumu-
latus, naturalis constitutio restituatur, ut ac-
tiones suas rectè exsequi possit.

Quæ postea, ea, quæ 6. 10. de Tartaro dicit, *Tartarus morbi.*
attinet, facile concedimus, multorū morborū
origines ex tartaro & sale feculento aut cum
mucilaginosis & excrementitijs humoribus
mixto generari; calculos nimirum in pluribus
corporis locis, arthritidem & similia mala. In
eo tamen errat, quod scribit, salem illum cor-
poris nutrimentum, & Deorum cibum ac po-
rum, nectar & ambrosiam, officio suo delap-
sum morbos tartareos parere. Excrementiti-
um potius tartarum est, ad corpus alendum
ineptum, quod Hippocrates, *de prisca medica-*
na, rectè αἰσπηθῖον, ἀκρῆτον καὶ ἰχυρὸν nomi-
nat; quod nisi è corpore debito modo excer-
natur, vel ad articulos protruditur, & arthri-
tidem generat, vel alicubi in calculos concre-
scit. Unde vina, quæ hujus αἰσπηθῖος, ἀκρῆ-
τος, ἰχυρὸς καὶ λευκός χυμὸς plurimum
obtinent, qualia sunt Ungarica, Moravica &
similia, ad arthritidem, calculum, colicam &
similes morbos producendos aptissimi sunt;
quæ

quæ verò minus tartari participant, qualia sunt Neccarina & Rhenana, salubriora sunt.

Errat deinde in eo etiam cum Paracelso & Severino, quod nihil referre putat, siue tartarum morbum, siue causam morbi, vel symptomata dixeris: de quo supra pluribus dictum.

Ad calculum præcavendum multum in prima coctione situm esse, facile concedo. Si enim ventriculus recte coquat, excrementa recte separantur; quod nisi fiat, ad epar & alias partes corporis transmittuntur: & stranguriæ causam in ventriculo esse posse, jam lib. 3. Inst. part. 1. sect. 2. c. 9. dictum verum an roboratio illa acidis præcipue perficiatur, dubito.

Illud verò miror, quod scribit, solitum fuisse Hermetem post cibum assumptum deglutire semper granum thuris vel mastichis, ne vinum bibitum se coagularet in tartarum. Miror, inquam, unde hoc resciverit.

Sal reverberatus.

Tandem saltem reverberatum quod attinet, studium illud pruriginem, scabiem, vitiliginem, serpiginem, cancrum & alia ulcera similia ad Salem reducendi non improbo, sed & laudo. Atque ipsi Galenici falsos humores talium morborum causas esse, diffiteri non possunt. Sed quid egregij præ alijs hic præstiterit, non video. Cum enim & causis & curatione morbi tales plurimum differant, atque alia procul dubio salis vel falsi humoris species sit in Cancro, quam in scabie, serpigine: illas omnes explicare debuisset, quo labore procul

procul dubio gratiam non solum apud Chymicos, sed & Galenicos inivisset. Neque enim ipsi assentiri possumus, *pag. 117.* scribenti, omnem tutis defœdationem, ut lepram, luem Gallicam, alopeciam, serpiginem, nec non alia similia; pustulas, pruritus, impetigines, unico tantum medicamento sanari satis exactè posse; cum omnium causâ sit unica: licet signa juxta loci affecti partem & dispositionem varia conspiciantur, & dolores acerbiores ad salinorum spirituum majorè & minorè effervescentiam erumpant. Etenim morborum ex humoribus salsis ortum magna est differentia, differuntq; lues Gallica, scorbutus, cancer, anthrax, non solum secundum partem affectam, & majorem vel minorem spirituum salinorum effervescentiam, sed secundum salium species: id quod Chymici saniores concedunt, & propterea diversis morbis è diversis salium speciebus ortis diversa remedia adhibent: Id quod ipse quoque Paracelsus, in *Chirurgia*, fecit. Neque persuaderi possum, ut credam; Scheunemannum unico ex sale remedio lepram, luem veneream, cancrum, serpiginem, scorbutum, atque omnia corroden- tia ulcera curasse, ad quæ Paracelsus ipse diversissima remedia tradit.

Deinde nō pauca à vero aliena admiscet. Primò enim mira philosophandi ratio est, cū scribit; salis reverberati esse, corp⁹ porosū reddere
&

& granulatum alijs principijs annecti, ne omnino corpus plenum & solidum esset. Eundem salem pellucidum corpus reddere scribit: sed ubi tale sit, nisi in oculis, nescio.

Eundem cum ignem esse dicit, multas ignis species constituit. Supra enim, *pag. 16.* Mercurium pneumosum ignem naturæ esse dixit: & *pag. 17.* Mercurium præcipitatum ignem externum calore vincere scribit. Ne quid jam de sulphure dicam.

Quomodo etiam ad reverberatum & ignem referre possit verrucas, clavos, calles & similia, non video. Quid enim hic ignei, acris, in verrucis, in collis, deprehenditur, & quam cognationem hæc cum pruritu, vitiligine, Cancro obtinent?

Neque sibi Scheunemannus in morborum causis reddendis constat. Hic à Sale reverberato deducit ignem sacrum, phlegmonem, frurunculum, Carbunculum, herpetem: *pag. 56.* eosdem morbos à sulphure oriri scribit.

Elegans quoque est derivatio Græci vocabuli Anthracis, ab antro; quia interiora quarat.

Hæc hoc loco obiter quasi & exempli gratia brevissimè de morborum causis ex Scheunemanno afferre volui, nullo modo cavillandi & calumniandi studio, sed ut monstrarem, quam parum feliciter ad Medicinam reformatandam accesserit; quodque liber iste titulum, quem præ se fert, sustinere non possit.

Studi-

Studium ad principia Chymicorum morbos reducendi, quod sæpius jam dixi, non improbo: alio tamen longè modo in origine morborum inquirenda progrediendum. Exempli gratia sunt salium differentiarum plures, communis, vitriolatus, nitrosus, aluminosus &c. Hæc procul dubio morbos diversos & diversam curationem requirentes producant. Atque id ut monstrent, & quidem in specie, à Chymicis expectatur, si rem Medicam juvare, & causæ suæ patrocinium aliquod querere, eamque Galenicis probabiliorem reddere velint.

CAPUT XVII.

DE PARTE MEDICINÆ Semiotica.

DE signis, ut & alijs rebus plerisque, variè loquitur Paracelsus; sicut hujus generis quædam ex eo collegit Eraſtus, *parte 3. disp. contra Paracelsum p. 186.* *De signis inconstans Paracelsus.*

& modo ipsa signa morborum proponit, modo signorum doctrinam rejicit, quare adversarijs reprehendendi ansam dedit maximam. Scribit enim, *loco allegato*, Eraſtus: Hoc argumentum esse certissimum, cum pleraque vel insanum, vel ebrium vel à spiritu tartareo de-

mentatum sic scripſiſſe, ut quid ſcriberet aut dictaret ipſemet nesciverit. Nam dum de particularibus quibusdam affectibus loquitur, eorum ſigna recenset: & in 12. Aphor. ſ. 1. ſcribit, quemlibet morbum ſua ſigna habere, è quibus ejus progreſſus & finis cognosci poſſit. Alibi tamen ſignis vel in corpore apparentibus vel ex ſermonibus ægri petitis parum tribuit. In Paragrano inquit: *Ægri ſermo Medicum non amplius docet, quam ſi in ſpeculo loquentem eum conſpicias, nec tamen audias.* Et alibi jubet, non ad ramos, ſed ad radices reſpiciendum eſſe. Sicut enim ſi quis ramos arboris alicujus ob radicum vitium arefactos decutiendo non præcavet, quin alij item arboris rami areſcant: ſic etiam non ad ſigna & ſymptomata, ſed morbum ipſum reſpiciendum eſſe. In quo quidem ipſi ſuo modo facile aſſentimur: atque hoc dudum contra Empiricos Galenus & omnes dogmatici propugnarunt. Si verò dicat, nullo modo ad ſigna & ſymptomata reſpiciendum eſſe, in eo errat, nec dogmaticorum mentem rectè aſſequi videtur. Nam ſigna & ſymptomata non ſui gratia conſiderantur à Medicis, ſed ut in morborum & cauſarum latentium cognitionem nos deducant. Neque laudandum in Paracelſo & ejus aſſeculis, quod doctrinam ſignorum tam jejunè tractarunt; cum non minor ſit ſemioticæ, quam aliarum Medicinæ partium neceſſitas & utilitas, & non

*Signorum
negligentia.*

non cogniti morbi, nulla sit curatio: & *χασιμὸς* ac morborum latentium cognitio sit sæpe æquè difficilis, ac ipsa curatio. Illud verò vituperandum, quod signa contemnunt, atque ex ijs morborum notitiam haberi posse, negant. Certè ea, quæ sensibus occurrunt, in eorum, quæ latent, notitiam deducunt, & effectus de suis causis testantur. Et qua ratione, quæso, hominem sanum & ægrum discernere poterunt Paracelsici, nisi ex actionibus læsis, dolore, colore mutato & similibus?

Verum cum in genere de signis vix aliquid artificiosi tradiderit Paracelsus, in specie de signis ejus sententiam videamus.

Pulsus primò quod attinet, cum quidam *Paracelsi de pulsu sententia* pulsum ignorantiam Paracelso objiciant; Recentiores contra Paracellum egregiè de pulsibus sensisse, distinctè & nervosè de ijs scripssisse, & exactè pulsus rationem tenuisse scribunt; idq; patere vel ex libro de Pestilentia, tract. 1. ubi hæc habet Paracelsus: *Pulsus est mensura temperatura in corpore secundum proprietatem sex locorum, quæ Planeta occupant. Duo in pedibus attribuantur Saturno & Jovi; duo in collo Veneri & Marti; duo in temporibus Luna & Mercurio; Pulsus Solis est in sinistro latere sub corde. Hinc sequitur, si pulsus celerius movetur, quam fieri debebat, pati septem membra principalia Cor, Cerebrum, Epas, Fel, Renes, Lienem, Pulmones; unde & pulsus irri-*

tetur sive ad iram cōcitetur. Si verò aliquod principale membrum à morbo vincatur, pulsus debiliter movetur, & plerumq; accidit, quando pulsus debiliter movetur, quod àër sive spiritus vitæ e loci obstructus est. Paracellum autem hic non Planetas Macrocosmi, sed Microcosmi intelligere, ijdem monent. Quædam etiam de pulsibus habet l. 2. de Urinarum judicijs, quæ eo loci videri possunt: quo loco non solum pulsus tangi vult Paracellus, sed & infusione aquæ frigidæ vel membri in aquam frigidam immersione, aut petiæ aqua, præcipue rosarum, madidæ impositione, imò ipso colore pulsus explorare & dignoscere jubet. Hoc etiam non prætereundum, quod, tom. 1. pag. 743. scribit, pulsus manere usq; ad mortem, imò aliquando quadrantem horæ post mortem durare.

Verù si nihil melius habuit Paracellus, quod de pulsibus scriberet, quàm quod modo ex lib. de pestilentia fuit propositum, & à recentioribus quibusdam approbatum, nihil nisi ineptias habuit. Quid enim, quæso, ineptius, & quoddam majorem ignorantiam humani corporis arguere possit, scribere potuisset, quam Fel, Renes, Epar peculiarem pulsus habere, & pedibus atque alijs membris externis peculiare pulsus ascribere, pulsuiq; iram & irritationem tribuere. Nam si originem arteriarum, usumque ac finem pulsus respiciamus, omnis pulsus mutatio proxime à corde fit. Fel vero & Re-

nes nullam pulsus mutationem inducere possunt, nisi mediante corde; quod in inflammationibus accidere solet; calore in corde per eas aucto. Ineptissimum verò illud, quod dicit; pulsus aliquando quadrante, horæ post mortem durare posse. Quomodo enim anima, amplius in homine non præsentē, actiones animæ obiri possunt?

De urinis verò prolixior est Paracelsus, ut ex libris de urinarum judicijs videre est. Urinam autem definit, Salem ab ingesto nutrimento segregatum, & quiddam trium primorum excrementorum à natura neglectum; nimirum à ventriculo, epate, & Renibus urinam provenire statuens. In quo quidem & quod urinam ad salem refert, eum non vituperam, & veritati hanc opinionem esse consentaneā, *lib. 1. Inst. cap. 9.* diximus. Plurimumq; salis in urina contineri, tam planum est, ut qui negare id ausit, eum extremè pertinacem, aut rerum naturalium & præcipuè Chymicarum planè ignarum esse oporteat. Neque enim hic illud vulgare nonnullorum, qui Chymicis se opponunt, effugium ullum locum habet; Salem non rebus inesse, sed adustione fieri. Nam Sal urinæ volatilis fit sine omni adustione, & quidem ex ea parte urinæ, quæ primo loco destillat, de quo videantur, *Institut. pag. 1143.*

*Urina quid
Paracelso.*

*In urina
multum sa-
lis.*

Dividit autem urinam in Urinam exteriorē, Cruoris, & permixtam. *Urinam exte-*

riorē

Ll 3

Urina exterior.

riorem provenire statuit ex ijs, quæ comeditur & bibimus, id est, ex nutrimentis; nec quidquam aliud indicare, quam quod stomachum, Epar & Renes attinet. Dicit quoque docet Urinam Tartari, & indicare hanc urinam separationem eam puri ab impuro, quæ fit in tribus principalibus membris, stomacho, Epate & Renibus; & saltem, Mercurium & Sulphur in qualibet urina tali cognosci posse. Hypostasin enim salis qualitatem; Tincturam Sulphuris; fundum Mercurium denotare.

Urina cruentia.

Urinam autem cruoris vel internam esse dicit, quæ non è nutrimento oritur, sed è reliquarum omnium partium excrementis confluentibus nascitur, & à mineralibus, quæ sunt in natura, mittitur. Et hæc ut colligatur, jubet, ut homo urinam collecturus nihil comedat nec bibat, aut saltem siccum panem, aut siccam vel assatam carnem, urinamque tunc post mediam noctem colligat. Quod si patiens laboret aliquo morbo acuto, & nihil quidem comedat, interim largiter bibat, jubet, ut urinam collecturus tota nocte nihil bibat. *Permistam* esse dicit, quæ ex utraque urina Externa & Interna permistis constat.

De urina interna quid sentiendum.

Verum distinctio illa urinae in externam & internam seu cruoris non tam magni momenti est; & forsitan ipse Paracelsus eam non magnificet. Refertur enim, in vita Oporini, quod summus discendi ardor in eo fuerit. Et pro-

propterea cum Paracelsus contra reliquorum Medicorum placita assereret, hominis temperamentum nō nisi ex interna urina, hoc est, si quis per triduum omni cibo ac potu abstinuisset, cognosci posse: Oporinus se ipsum triduo inedia maceravit, & exiguum quid in vitro Paracelso afferens iudicium doctoris sui requisivit. At ille ridens, & stultum eum, qui tam facile obtemperasset, vocans, vitrum parieti allisit. Hoc quidem verum est, aliquid humoris serosi cum sanguine ad remotiores partes penetrare, & sic rursus, ut excrementum, nisi per sudorem & cutem expellatur, ad renes repelli & per urinam excerni posse: illud tamen est exiguum, nec ex eo potest sumi multum iudicij, permisceturque cum reliquo fero, quod statim à sanguine in Epate elaborato secernitur. Nec est, ut quis sibi persuadeat, si ex sententia Paracelsi aliquis nihil aliquandiu comedat, urinamque excipiat, se ita urinam partium privatarum & remotarum spectaturum. Nam primò non omnibus morbis convenit talis inedia. Deinde etsi conveniret: tamen serosum illud, quod per urinam excernitur, potius à renibus & vicinis ramis venæ cavæ, quam à partibus remotioribus, attrahitur. Et cum natura nunquam sit otiosa, si potus nullus aut eibus assumatur, calor in sanguinem agit eumque adurit, ut urina magis uncta excernatur, quod cuilibet in inedia observare promptissimum est.

In eo verò errat Paracelsus, quod urinam internam, seu cruoris, quem appellat, non à nutrimento, sed à partium excrementis & à mineralibus, quæ sunt in natura hominum, provenire censer. Nam nulla sunt peculiaria mineralia in nostro corpore, sed ex alimentis, quod est ferosum & salsum & coctioni ineptum, post absolutam sanguificationem secernitur. Si verò quid post secundam coctionem non excernitur, & ita sanguini permixtum ad partes remotas pervenit, cum ineptum sit, ut corpori assimiletur, à partibus respuitur, & vel per sudores excernitur, vel ad renes regurgitat. Aliud verò & alia de causa cumulatam partes privatæ excrementum tale nullum habent. Neque in parte jam constituta mineræ sunt, quæ peculiaria excrementa de se emittant.

Differentias urinarum postea plurimas constituit, quibus omnibus recensendis hic tempus terendum non est: qui eas cognoscere cupit, vel ipsum Paracelsum consulat, vel Johannem Rhenanum, qui ex mente Paracelsi hac de re scripsit peculiarem libellum, cui titulus, *Urocraterium Chymiatricum*, in quo miras Paracelsicorum de urinis sententias videre est, quarum paucas recensere liber. In urocraterio Chymiatrico: cap. i. scribit Rhena-

*Urina puellarum sec.
Paracels.*

nus: *Puellarum urina habet in fundo adhuc partem coctionis, quæ non benè advertentibus cum superiore contigua appareat: attamen ea hypo-*

hypostasis non est, sed ab illa quamvis minutissima, distincta, matricis vè propria est, ac mulierem sanam & fecundam indicat, quod in viris non accidit. Et numero 28. Ut verò rectius hypostases illas oculis suis subicere possis, movenda est mulierum urina. Mota enim parit parvas bullulas, inter duas illas hypostases, estq; infallibile muliebris urinae signum. Menstruo autem deficiente, hypostasis illa parva amplius non cernitur &c. Fides sit penes experientiam. Manus nostræ sunt oculatæ, credunt quod vident. Certè innumeris tot seculorum Medicis hactenus tam oculatis esse non licuit, ut istam parvam hypostasim, quam isti viderunt (si modo viderunt) videre potuerint. Id quod multi præclari Medici & usu & ætate pollentes confessi sunt; atque inter eos Bernhardus Paternus, in Academia Patavia senex quondam Practicus, dicere solitus fuit; eos, qui huic prædictioni incumbunt, omnium maximè decipi, nec se in ulla grvida tales unquam urinas, quales quidam Arabes, ex quibus ista pleraque mutuati sunt Paracelsici, describunt, per omnem suam vitam observasse.

Deinde quod Paracelsici, quorum dogma, *Urina par-*
cap. 2. numero 7. proponit Rhenanus tria prin-
 cipia in tribus urinae partibus collocant; sulphur, in parte urinae superiore; salem, in media; Mercurium in infima: eo nec sibi nec vero consentanea loquuntur. Nam cum aliàs urine & aliarum rerum colorem à sulphure deducant:

cant: colorq; non solum in parte superiore, sed tota urinæ substantiæ appareat, cur sulphur solum in urinæ parte superiore collocant:& qua de cāussa hic gravitatem & locum infimum Mercurio attribuunt; cum alias Mercurius ipsis sit planè & maxime volatilis & superiora petat?

*Urina
quantitas
sec. Paracelsi.*

Cui etiā persuaderi possit, verum esse, quod, *ibidem numero 11. & 12. scribit; Urinam in decrepitis exactè 8. uncias pendere, in senibus 6.?* Etenim cum non solum cibus & potus alias majore, alias minore quātitate assumatur: sed cibus alius humidior, alius siccior sit: Præterea naturarū maxima sit diversitas, alij sicciores, alij humidiores; ut jam de anni tempore, quo per sudorem & habitum corporis plus vel minus digeritur, non dicam: quomodo in omnibus idem urinæ pondus esse poterit?

*Hypostasii
& sedimentum
an differant.*

Quæ verò in differentijs recensendis occurrunt, omnia persequi, nimis prolixum, nec operæ pretium foret. Cum enim sine omni ratione proferantur, nemo, cui *ῥεῖνος πᾶσις* notus, nisi probentur, ijs assentietur. Quædam tantum recensere libet. Rhenanus (nam cum is Paracelsi de urinis dogmata in ordinem redegerit, ex eo ea in primis allegare libet) *cap. 3.* inter hypostasii & sedimentum distinguit: cum tamen nulla sit inter ista vocabula differentia; nisi quod alterum Græcum, alterum Latinum est.

Nume-

Numero 14. scribit: *In quorū urinis velut arena consistunt, ijs vesica calculo laborat.* Qui aphorismus falsus est; cum idem ex Renibus accidere possit. Imò materia talis tartarea, quam appellant, sæpe longo tempore redditur ab ijs, qui nec vesicæ nec renum calculi unquam laborarunt.

Cap. 4. numero 2. *Urinam tremulam esse dicunt, quæ ascendendo descendendoq; fervere seu ebullire cernitur; & oppilationem significare.* At, quæso, quando viderunt Paracelsici sponte urinam ebullire?

Qui deinde aphorismi calore desumpti, sequuntur aliquot, plerosque falsos esse apprehendet, qui urinas istas cum morbis conferre voluerit. Ita autem dentur tot odorum differentiarum in urinis, quot & quales cap. 5. describuntur, consulatur experientia, & plurima hic à Paracelfo & confictaprehenduntur.

Cap. 6. nimis magnam licentiam sibi sumunt rerum nomina mutandi Paracelsici, cum urinam Rubini & nutrimentum partium sanguinem Rubinum appellant, à colore rubicundo: ut cum ipse Paracelsus humores à qualitatibus primis, quæ tamen magnæ sunt efficacitæ, denominare nolit: cur sanguis à colore saltem Rubinus appellare debeat.

Quæ postea, c. 7. & 8. de urinae internæ coloribus ex Paracelsi sententia habentur, pro libitu conficiuntur.

*Arena in
urina quid
indiciat.*

*Urina tre-
mula.*

*Urina-
rum colores
sec. Para-
celsum.*

*Urina co-
lores sec.
partes.*

conficta sunt, nec sensui monstrari, nec rationibus probari possunt, ideoq; ijs fidem non habemus, donec & istas differentias, ita se habere monstraverint, & causas differentiarum reddiderint; quod nunquam facient. Nam cerebrum dicunt colore esse album; sed quid hoc ad urinam? Nulla enim urina ex solo cerebro excernitur, sed partium excrementa serosa in urina confunduntur. Et cum urinam internam non nisi post inediam excipi velint; at in inedia ab actione caloris diurnam Urina semper magis tingatur: cui persuadebunt, colorem cerebri album in urina apparere, posse? Verum quidem est, partem quamlibet ali nutrimento sibi conveniente, aut potius sanguinem sibi assimilare, & propterea serum quoq; naturæ partis assimilari quodammodo. Sit etiam, ut ex singulis partibus aliquid ad vesicam regurgitet, & cum urina excernatur: veruntamen cum omnes partes hoc faciant, serum illud commiscetur, & propterea in urina, quam vocant, interna unius partis serum seorsum conspiciendum non exhibetur; sed quicquid ab omnibus partibus ad renes pervenit, confunditur.

*Contenta
urina sec.
Paracels.*

Cap. 9. numero 2., contentum in urina dicitur id omne, quod in superficie urinae cernitur: quasi in medio etiam & fundo non datur contenta. Si quoque explicare deberent, quid sit circulus in urina, & unde ortum habeat, non tam liberales essent in prædictionibus

bus ex circuli differentijs, quæ, *cap. 9.* proponuntur à Rhenano. Similiter etiam in eodem & sequenti capite pleraque conficta sunt, nec ullo fundamento Physico nituntur; scilicet ex *urina cognosci posse, phlegma in sinu abundare; sanguinem in capite abundantem secundum tempora dolorem gignere: dolorem in sinistra capitis regione ex humore Melancholico provenire: esse paralyin in altere latero: adesse apoplexiam, tremorem cordis, spasum, morbum secundum umbilicum, dolorem ischiaticum, obstructionem cerebri: Et vel masculum vel fœmellam conceptam esse; ac, quod ridiculum est, in nonnullis gravidarum urinis imaginem quandam propè matule fundum primis temporibus conspectam fuisse.* Et in summa (his enim verbis suum urocriterium concludit Rhenanus) *quicquid homini prosperum aut adversum in valetudine accidit, directè quasi in speculo, in urina deprehendi posse.* Quæ cum talia sint (conscientiam ipsorum testor) ut nunquam à Paracelsicis experientia comprobata, ac circa ægros observata sint, nec deprehendi, multò minus rationibus confirmari possint: mirum certè est, ea tam audacter in publicum proferri & incautæ juventuti pro oraculis quasi, nullis rationibus adhibitis, obtrudi. *Scilicet insano nemo in amore videt; nimioq; Paracelsi amore, qui ipsis Magnus Medicorum Monarcha est, ita viri alias non vulgares fascinati sunt, ut satis ipsis sit, aliquid à Paracelso profectum esse; & si rem*
ita

*Ex urinis
qua prædi-
cant Para-
celsi.*

ita sese habere, nec ratione nec experientia probare possint. Quæ eo fine dicuntur, non ut si quid peculiare circa urinam Chymici observarunt, rejiciatur, sed ut quilibet cautus sit, & non nisi ea, quæ observationibus confirmata sunt, arripiat.

Urina turbata.

In primis autem circa turbatas urinas, de quibusdam utiliter monuerunt Chymici quidam; sed nec soli, nec primi. Etsi enim, ut in *Institutionibus* dictum, Argenterius Joh. Baptistam Montanam urinas turbidas inspicientem riserit: tamen ex urina turbata multa cognosci possunt, quæ in urina clara non animadvertuntur: præcipuè in febribus. Etenim licet urinae dum claræ sunt, sæpe similes videantur, imò non rarò sanorum urinae similes appareant: tamen, ubi turbantur, maxima apparet diversitas, & in alijs quid subsidet farinam laterum referens, in alijs aliud: in alijs quid lateribus vitri ita adhærescit, ut vitrum vix mundari queat; in alijs, etsi diu urina in matula servetur, nihil tale accidit. Id quod facile cognoscitur, si vitrum paululum ad latus inclinetur. Ideoq; in talib; morbis, epidemijs præcipuè, non incertius ex urinis turbatis, quam clavis, iudicium haberi posse, ipsa experientia edoctus existimo.

Urine in febribus malignis.

Chymici quidem in Epidemijs morbis differentiam urinarum non incommodè ad Arsenicum, Auripigmentum & Mercurium referunt; & arsenicum instar calcis vivæ apparere,

rere, vitroq; adhærere, illudq; quasi arrodere: auripigmentum colore ochræ conspici, etiam tenaciter adhærere, sed non ita arrodere vitrum: Mercurium colore quasi cæruleo, imprimis circa circulum, conspici, statuant.

Tandem Paracelsici quidam ex destillatione urinæ de morbis hominis judicare docent. Nimirum certū urinæ pondus, & competens vas & fornacem destillatoriā, parte sexta longitudini justę proportionis & mensurę hominis respondētia sumunt, destillationemq; per gradus ignis instaurant, atque è vaporibus ad hoc vel illud vasis destillatorij latus, partemq; delatis, & id genus alijs de sede affecta, affectu ipso, affectus eventu & alijs judicant & pronunciant; sicut ex libro *Gerhardi Dornai de urinarum destillationibus* videre est. Paracelsus tamen vix hujus probationis mentionem facit, & destillationem urinarum quidem cōcedit, sed eam, qua partes urinarū separantur. Nam, *de urinis tom. 1. p. 745.* scribit: morbos tartareos ex coloribus urinæ cognosci non posse, sed ut morbi causa cognoscatur, urinam coagulandam, & in suas species separandam esse. Et *ibidem pag. 764.* scribit: Sicuti viride, flavum, cæruleum, nigrum si aquæ misceas, cæruleum agnosci nō potest: ita urinæ colores agnosci non possunt, nisi per separationum. Et si aquæ in vitro Sal injiciatur, Sal agnosci non potest, nisi per ebullitionem; & si dulce, amarum, acidum, misceas, nullum horum exacte cogno-

cognosci potest; separationem ergo partium necessariam esse censet.

Sed ut quid de his sentiendum sit; breviter dicamus, primò quidem urinæ in gravioribus morbis, si cui eam tentare placeat, destillationem planè non improbo. Cum enim urina multum salis & materiæ tartaræ, quam appellant, contineat, si morbi graviores & diuturni inde procreentur, licebit cuilibet, urinam destillare, ut quid in se contineat, exactius cognoscatur. Verumq; est, quod hic Paracelsus scribit, salis, dum aqua diluitur, naturam exactè è colore discerni non posse, sed rectius separatione cognosci. Sanè idem rectè in acidulis & thermis fit, quarum natura & unde vires suas habent, rectissimè destillatione & separatione Chymica deprehenditur.

Cætera, quæ de certo urinæ pondere, Fornacis & vasis magnitudine, proportionem, vaporibusq; ad hoc vel illud latus ascendentibus & similibus, quæ in destillanda urina observare jubent, & hinc de sede affecta, affectu ipso, morbi eventu & alijs pronunciant, ineptiæ sunt. Quid enim fornacis altitudo ad longitudinem hominis & urinæ constitutionem? Cur vasis magnitudo certæ parti justæ staturæ hominis respondere debet? Certè omnes homines non sunt ejusdem staturæ, & proinde hæc proportio non omnibus quadrabit, reliquisq; peculiare fornaces & vitra paranda

paranda erunt. Quomodo vapores ad hoc vel illud latus delari, de latere affecto iudicium dabunt? Quid enim in vitro rotundo dextrum vel sinistrum? Et sit vitrum ita formatum, ut homunculum referat, quomodo urina infusa ita sese ad latera conveniente modo applicare poterit? Certè spiritus mechanicos, si ulli urinæ insunt, hic valde negotiosos & prudentes oportet esse, ut suum cuique locum tribuant. Sed nugæ sunt, similes illis, quando in urinæ in matula inspectione etiam dextrum & sinistrum constituunt; & hinc de parte dextra vel sinistra affecta iudicant. Fortuitum planè est, & arbitrarium, quod in rotundo vitro hæc pars in manu Medici dextrum, illa sinistrum locum occupat. Quis ergo urinam ita diriget, ut postquam & emissionem & gestationem conturbata erat, jam postquam hæc vitri pars in Medici manu dextrum, illa sinistrum locum habet, ita decenter in urina omnes partes sibi convenientia loca occupent, ut quæ urinæ pars ex dextris corporis partibus emissæ est, jam ad dextram matulæ partem moveatur, ibique sedem figat, quæ verò ex sinistro latere fuit emissæ, sinistrum locum teneat?

Porro & in locis ac temporibus morborum cognoscendis longè aliter, quàm Galenus, sentit Severinus, *cap. 13.* Principiò per locum affectum non locum posteriorem & ultimum, quales in podagra, hydrope, can-

*De locis
morborum
Severini
opinio.*

M m cre,

tro, paralyſi, herpete noti ſunt, intelligit, fructuum ſcilicet, ut loquitur, diverſorium, ſed fontem, fomitem, radicem & ſeminum hoſpitia. Neque enim ex actione læſa locum affectum vult investigari. Galenumque reprehendit, quod ex actione animali læſa in Epilepſia locum affectum Cerebrum eſſe colligit; cum æque cordis actiones lædantur. Ideoque fontes quarendos eſſe cenſet, unde veniant impreſſiones, ſymptomata, actionum depravationes, non quò vadant, vel ubi ſenſibus ſe patefaciant.

*Seminum
ac fomitis
morbi co-
gnitio ſec.
Severin.*

Si verò quærat jam, cujus ope & ductu radices ſive fontes ac fomites in morbis, occultaque ſeminum latebræ investigari poſſint, Severinus ad macrocoſmi cum microcoſmo comparationem recurrit. Cum enim corporum omnium motus ſtabiles ſint, & conſentanea conſentaneis, domeſtica domeſticis ſeſe naturali deſiderio applicent, ſpiritibus ex majore mundo, qui ijsdem proprietatibus inſigniti ſint & domeſticas ſignaturas obtineant, quaſi ductoribus, utendum eſſe, & ut locus fomitis morbi inveniatur ex effectibus medicamentorum inquirendum. Si enim vegetabilia & mitiora medicamenta ſufficiant, argumento eſſe, radices ſoveri in partibus, quarum Elementa & principia debilia ſint, ut in ventriculo, inteſtinis, meſenterio, vel ſuperſicialiter in partibus poten-
riori-

tioribus, ut renibus, sanguine, receptas esse. Si verò talia medicamenta invalida fuerint, indicio esse, in partibus foveri, quarum Elementa & principia validiora sint, vel si debiliores occupaverint, radices profundius posuisse, & longa circulationis digestionem seminum suorum tincturas ad exaltationem produxisse: itaque subtilioribus opus esse medicamentis è mineralium familia petitis.

Deinde ex symptomatum vehementia & remissione signa sumit. Symptomata enim vehementissima testari dicit, morborum mineras in partibus delitescere, quarum Elementa & principia validissima sint; nisi aliorum potentes impressiones sequantur, ut in venenis. Diuturnitate autem, recidivorum frequentia, & evidentium causarum animadversione hæc distingui.

Verum enim verò ludit Severinus in vocabulo loci affecti; nec morbum & causam, *Locus morbi & causa differunt.* & proinde locum morbi & causam discernit, neque inter partem per se, & per consensum affectam distinguit: Atque injukè reprehendit Galenum locum affectum in Epilepsia cerebrum statuentem.

Revera enim nemo epilepsia corripitur, *In epilepsia* nisi cerebrum afficiatur, & proxima epilepsie *quæ pars afficitur.* causa semper est in cerebro. Cum enim in universo corpore motus & sensus cerebri beneficio, spiritum animale suppetitante, per-

M m 2 fician.

ficiantur, nervique à cerebro originem habeant: rectè concluderunt Medici, motum & sensum partium omnium simul lædi non posse, nisi cerebro simul affecto. Et cum in Epilepsia hoc fiat, cerebrum in ea lædi statuerunt. Interim Galenus tam stupidus non fuit, ut ignoraverit, causam, quæ cerebrum velliat & Epilepsiam excitat, non semper in cerebro generari: imò expressè docuit, & post eum Medici omnes, ab utero, ventriculo & externis quoque ac remotis corporis partibus, illam non rarò suppeditari. Id quod & in alijs morbis frequentissime evenit. Neque enim materia, quæ arthriticidem vel erysipelas producit, semper in pede generatur, sed plerunque è ventre inferiore transmittitur. Hanc morbi radicem, fontem seu fomitem investigandum esse, sciunt, & dudum docuerunt Galenici; utpote sine cuius noticia nullus morbus rectè curari possit. Quomodo autem fomes & pars illa, quæ morbo materiam suppeditet, cognosci possit, hoc difficilimum. Quæ in re si quid novi, quod Galenicis hætenus incognitum fuerit, attulisset Severinus cum alleclis, merito grata mente id Galenici amplecterentur. Verum promissis facta non respondent. Nam fallax, imò periculosum, remedijs solum, ut inter nuncijs, ad hanc rem uti-

*Loci affecti
signa.*

Habent quidem & Galenici inter signorum fontes juvantia & lædientia, & quæ morbum

bum augere videntur, argumēto sunt, conveniētiā morbum habere cum re morbum augente: Si aliquid juvat, contrariam morbo naturam habebit. Fons tamen hic signorum potius causas & morbos respicit, quam locum affectum: neque uni huic signo fidunt Galenici: Sed alia longe evidentiora habent. Atque temeritatis speciem habere videtur, per medicamenta periclitando locum affectum indagare velle; cum alia signa satis clara suppetant, quæ nos in locorum affectorum noticiam deducere possunt.

Deinde in partibus, quas illi appellant, debilioribus, ut ventriculo, intestinis, mesenterio, non semper morbi leviores, & qui levioribus cedant medicamentis, inhærent; in nobilioribus verò morbi validiores: sed contrarium potius verum est, partesque nobiliores non ita facile permittunt, ut causæ morbificæ radices in illis altius agant, sed ad partes debiliores natura humores excrementitios solet expellere; quæ etiam propter facultatum expultricem debiliorem eos facilius admittunt, unde morbi maximè diuturni, & qui non nisi fortioribus remedijs cedunt, solent ex humoribus in mesenterio & vicinis locis cumulatis generari.

Præterea incertus est hic modus morborum semina investigandi. Nam remedium

M m 3

forte

forte æquè monstrat, ex eorum opinione, morbum in parte nobili & ignobili consistere; cum morbum in parte ignobili altius infixum potens remedium requirere dicant. Et cum utraq; partes plures sint, in quam parte debili vel parte potenti hæreat, malifons, non patefacient. Sæpe agri relatio, quam tamen negligit Paracelsus, rectius nos in loci affecti notitiam deducit, quam hi internuncij: Exempli loco, sit epilepsia per consensum ex crure, in qua ex relatione agri Medicus de loco causæ rectissimè erudiri potest: Ut verò medicamentorum internuncijs, quod vult Severinus, id cognoscatur, impossibile est. Aut si Paracelsus non impossibile videtur, facto ipso, non verbis saltem & promissis demonstrari oportet. Interim donec id præstent, antiquam investigandi locos affectus viam retineamus, neque Chymicorum quorundam recentiorum temeritatem imitemur, qui de loco affecto nihil solliciti scribunt; medicamenta habere scientiam inveniendi morbum in centro per se, etiam si Medicus ignoret, ubi & quis hæreat in corpore morbus.

De temporibus morborum. Severini opinio.

Tempora autem & periodos morborum non à numeris, non ab hominum peculiarium natura, non à motu Lunæ, non ab excrementorum certis confluxibus facultatisque expultricis motu certo provenire statuit:

tuit: sed ex seminibus & astris morborum. Ut enim vegetabilia certis temporibus florent, germinant & fructus producunt; animalia certa partus tempora habent: ita & semina morborum certis temporibus germinare & fructus suos producere; & quidem alia alijs temporibus. Morbos hæreditarios, ut Epilepsiam, Podagram, Lepram & similes longa habere digestionum tempora; quædam semina septimo anno ad efflorescentias pervenire, quædam decimo quarto, alia vigesimo sexto, alia trigesimo: qui verò morbi in alimentis semina habent, ea citius sua tempora absolvere. Locorum quoque diversitates tempora variare. Citius enim effervesce, quæ in ventriculo sunt, morborum semina, quam quæ in Epate & Renibus: Servata tamen Seminum analogia. Citius enim febrilia semina in renibus ad germinationem provenire: quam Colicæ in intestinis vel ventriculo.

Cur autem præcipuè in febris, neglecto regionum, ætatum, sexuum, alimentorum, consuetudinum discrimine, circuitus *Periodorum in febr. causa sec. Severin.* ita constantes sint, causam hanc reddit: quod scilicet seminum copia, nascendi facilitas, & locorum oportunitas in febris intermittentibus concurrant. Semina enim & impuritates febriles in omnibus alimentis copiosissimè, in omnibus regionibus inveniri,

niri, deinde in omnibus regionibus, in
sexu & ætate errores in diata committi.

*Continuitas & inter-
missionis ratio sec. Se-
verin.*

Continuitatem & intermissionem morborum ex radicibus homogeneis & heterogeneis deducit. Si enim radices morborum sunt homogeneæ, continuos morbos produci statuit; radices vero heterogeneas resolutiones interruptas producere. Ubi enim radices sunt homogeneæ, ibi etiam fructus omnes æque maturescere; ubi vero radices sunt diverse, ibi etiam fructus alios maturitati esse viciniores, alios remotiores; atque inde accidere, ut hodie partes maturæ efflorescant, cras alia, tertio die rursus alia.

Galenumque hic reprehendit Severinus, quod dispositionem partium morbosam, id est, radices, semina, Elementa, tincturas, potestates, astra morborum neglexerit, & facultatibus morborum gubernationem adscripserit. Silere enim in morbis naturæ ministeria, & à morborum seminibus omnia gubernari: neque expultrici facultati partium, neque excrementorum collectionibus vel transmissionibus circuitus morborum adscribendos esse.

Verum enim verò ut breviter de his aliquid dicamus, etsi verum sit, coctiones & excretiones certis temporum spatijs absolvi: interim negandum non est: inferiora hæc à superioribus causis regi; quod præcipue in

motu

motu lunæ vel rusticis notissimum. Et cum tot secundum ætatem, temperiemq; sint corporum differentiæ, qui fit, quod ab eodem cœli influxu & motu omnes homines æquè afficiuntur?

Illud verò falsum, quod hæreditarios morbus, ut Epilepsiam, Podagram & similes, è suis feminibus instar plantarum, pullulare scribit Severinus, quæ sua digestionum habent spatia, suoque tandem tempore suos proferant fructus, alij scilicet septimo, alij decimo, alij decimoquarto, alij trigésimo anno. Alia enim est longè morborum horum, ut & supra dictum, causa, dispositio nimirum vitiosa in partibus. Quod verò non eodem tempore hæreditarij morbi omnes invadunt, sed alij in pueritia, alij in juventute, alij virili ætate: ratio est, quod causa morbum produciens non in omnibus ætatibus æquè facillè generatur & cumulatur. Epilepsia primæ ætati familiarior est, & ætatis progressu sæpe sponte cessat, ut est, 5. Aphor. 6. Ergo si quis à parentibus ad hunc morbum dispositionem habet, eam incurrit ea ætate, quæ alias huic morbo aptior est. Podagra infantes rarissimè laborant, cum ea ætate materia, quæ podagram excitat, non ita suppetat: plerumq; verò circa trigésimum annum invadit. Ergo & hæreditaria podagra sese maxime exserit ea ætate, quæ causas hujus morbi cumulare solet.

Morborum hæreditariorum causa.

Continuitatis & intermissionis in morbis causa.

Planè verò contra experientiam pugnat Severinus, ut cuiusvis quotidie circa ægros observare licet, dum continuitatem morborum ex radicibus homogeneis; intermissionem ex radicibus heterogeneis deducit. Si enim ægrorum natura, humoresq; , qui peccant & evacuantur, considerentur: facile animadvertimus, etiam ab humoribus mistis oriri febres continuas: & sunt febres continuæ ex humoribus mistis tam frequentes, quàm quod frequentissimum. Contra dantur intermittentes tertianæ & quartanæ, ubi in paroxysmis multis nulla in humoribus mutatio apparet, sed qui humor paroxysmum primum excitavit, ejusdem naturæ est cum eo, qui secundum vel tertium vel quartum excitat. Continuitatis & intermissionis longè alia causa est, ut de febribus dictum.

Verum in tot absurdas opiniones Severinum conjecit sententia illa, quæ putat morbos non aliter oriri, quam fructus in arboribus generantur.

An naturalis facultas in morbis cesset.

Valde in eo quoque errat, quod facultati naturali morborum gubernationem adscribendam, & expultrici facultati morbi circuitus attribuendos esse, planè negat; sed tum à morborum feminibus omnia gubernari docet. Habet quidem passim multa absurda Severinus, sed absurdissimum longè hoc est, Naturæ gubernationem corporis in morbis planè adimere: atque ex hoc uno iudicium formare

mare debebāt ij, qui Severini dogmata omnia tantum nō pro Oraculis habent, & quasi pſitaci decantant. Sibi autē & experientiæ contraria ſcribit hac de re Severinus. Nam p. 153. hæc habet: *En eſt propria facultas omnium vitalium Elementorum, ut in ſuis regionibus nihil alieni ac diſſentanei ferre poſſint, ſed omnia collectis viribus à ſe expellant.* Et rectè. Nam natura ſuo munere nō ſolum fungitur ſanitatis tempore, ſed & morbi, atq; iplam eſſe morborum medicatricē, rectiſſimè ſcripſit Hippocrates, quæ ἀναδευτος ἔχου καὶ ἡ μαθεῖται τὰ δόγματα τοῖς αἰσθεσι. Id quod non de medicamentorum natura, ut nonnulli Chymici mentem Hippocratis depravare conantur, ſed corporis natura eſt intelligendū, ut textum inſpicienti cui libet videre eſt. Actum nimirū cum ijs ægris, in quibus naturæ miniſteria ſilent, & à morbis omnia gubernantur. Quamdiu verò natura ſeſe morbo, ut hæſi, opponit, nondum de egri vita deſperandū. Et naturæ beneficio omnes crifeſ accidunt, quas medicamentiſ velle attribuire, fatuum eſt. Quæ enim corpus formavit natura, auxit, nutrit, gubernat & quotidie excremēta expellit, eadem ne tempore morbi otioſa erit? Et cū multæ crifeſ ac morborū ſolutiones fiant nullis adhibitis medicamentiſ, quæ, quæſo, vi illa adminiſtrantur? Non certè medicamentorū, quæ nulla adhibita fuerunt; neq; morborū, vel cauſarū morbificarum, quæ ſeipſas nō expellunt. Ergo reliquū eſt, ut quod hæc-

hactenus omnium seculorum Philosophi & Medici constanter asseverarunt, adhuc cum Hippocrate, *ἡσὼν φύσιν ἀνθρώπου*, Naturam morborum medicatricem dicamus.

Prognostica.

Tandem in prognosticis non constat sibi Paracelsus. Paramiri enim *lib. 1. de orig. morb. ex pr. trib. substant. c. 8.* omnes morbos, nullo excepto, etiam à nativitate contractos, ut, siccitatem & paralytin à nativitate, curabiles esse dicit. Si enim venenum est in natura, etiam veneni remedium adesse dicit; & qui hostes condidit, eum etiam ipsdem adversarios condidisse, nullumq; morborum esse, qui hominem jugulare queat, existimat. Alibi verò Paracelsus quosdam morbos incurabiles esse concedit: lepram incurabilem describit *lib. 6. Par. in fine.* & in *Scholijs ad l. 2. c. 3. de urinis*, morbi incurabilis signa trahit.

An omnes morbi curabiles.

Ergo hinc præcipuè illa quæstio discutienda est; An omnes morbi sint curabiles. Etsi verò Paracelsum hac in re, ut in alijs plurimis sibi non constare modò dictum sit, ac plura ejus rei testimonia collegerit Erastus, *part. 3. Diss. contra Paracels. pag. 208.* tamen quia recentiores quosdam Paracelsicos deteriore sententiæ Paracelsi partem sequi, & omnes morbos curabiles esse statuere video, quid hæc de sentiendum sit, inquirendum. Primo autem mirum est, Paracelsicos non solum mori, sed morte præmatura mori. Cum tam acriter defendant,

fendant, omnes morbose esse curabiles. In se-
 ipsis enim hujus dogmatis specimen exhibe-
 re debebant. Verum plurimi ex ijs, & inter
 eos ipse Paracelsus, moriuntur morte præ-
 matura. Si *μαρτύρω* senili exstinguerentur,
 res adhuc salva esset: cum nulli hominum
 mortem effugere datum sit: sed cum morte
 præmatura extincti sint, morbo aliquo mor-
 tui sint, necesse est: & quos curabiles esse di-
 cunt, morbos curare non potuerunt. Quæ et-
 iam de Paracelso & ejus admirandis curatio-
 nibus nimis gloriosè prædicantur, repeteret
 hic nolo. Vulgus regitur opinionibus, & glo-
 riosis pollicitationibus temerè fidem adhi-
 bet: sed non vir doctus. Is illum potius imita-
 tur, qui cum in Sacello vidisset multas tabu-
 las suspensas ab ijs, qui in navi periclitantes
 vota fecerant: Si, inquit, *ij, qui perierunt, & fru-
 stra vota fecerunt, tabulas suspendissent, multo
 major numerus esset.*

Deinde quod inter morbos curabiles refe-
 runt Lepram, Epilepsiam, Hydropem, Arthri-
 tidem, morbosq; hos simpliciter Galenicis in-
 curabiles esse, à Chymicis verò curari affir-
 mant, multis modis errant. Nam primò Le-
 pra, Epilepsia, Hydrops, Arthritis, & si qui alij
 tales morbi, nec semper incurabiles sunt, nec
 semper curabiles: qua de re in horum morbo-
 rum tractatione passim apud practicos pro-
 gnostica consulantur. Distinguendum nimi-
 rum est inter morbos per se incurabiles &
 inter

*Morbi
curabiles
& incur-
biles.*

*Morbi in-
curabiles
per se.*

Per acci-
dens.

inter morbos per accidens incurabiles. Per se incurabiles morbi sunt, quorum natura talis, ut nulla arte & humana ope sanari possunt, in quocunque sint ægro, & quorum curatorum exemplum nullum unquam compertum. Per accidens verò incurabiles sunt, quorum remedia dantur, quique natura sua curabiles sunt, & in aliquibus ægris curantur; ut tamen in hoc vel illo ægro non curentur, quædam accidunt, quæ curam impossibilem reddunt. Malè ergo ad morbos simpliciter & per se incurabiles refertur Epilepsia, Hydrops, Arthridis. Imò ipsi Chymici pro incurabilibus simpliciter non habent, sed Galenicis tantum incurabiles esse, à Chymicis curari posse dicunt. Verum & hoc falsum. Nam Galenus, in *præfat. lib. 11. de medicament. simpl. facultat.* historias aliquot Elephanticorum recenset, qui usu viperarum & theriacæ sanati sunt. Hydrops & Epilepsia, ut & Arthritides, Dei beneficio, à Galenicis quoque curatæ sunt, ut, testatur Erasistratus, *parte 4. Dissut. contra Paracelsum.* Plures tales historias collegit Joh. Schenckius *lib. 1. observ. 227. 230. 232. 233. lib. 3. sect. post. obs. 249. 250. lib. 5. observ. 136. 139. 155. 156. lib. 6. observat. 194. 195. 198.* & nunc etiam talia observare licet.

Quæ quidem curationes solum Galenicis Medicamentis peractæ fuerunt. Interim non negamus Chymicorum medicamentorum in tali-

in talibus difficilibus morbis tollendis efficaciam esse longè maximam. Sicut Petrus Palmarius, *de lapide Philos. dogmaticor.* proponit historiam mulieris leprosæ per antimonium & aurum à se curatæ. Omnem verò Lepram, Epilepsiam, Hydropem & Arthritidem curare, æquè impossibile Chymicis, quam Galenicis; & tam impossibile ipsis est, quam non in ipsorum potestate est, mortuos resuscitare. Neque enim datur à privatione ad habitum regressus, & ubi in parte aliqua omnis naturalis *Nature* officium suum præstandi ita ablata est, ut ea restitui non possit, morbus, qui inde pendet, nullo humano auxilio sanari potest; sicut senex in statum juvenilem reduci non valet. Verbi gratia, si epatis naturalis constitutio ad sanguificationem ita ablata sit, ut de restituenda nulla spes sit: frustra in hydropem, qui inde oritur, curando laboratur: & talis curati Hydropis à se specimē nullus unquam Chymicus edidit. Et licet de multis multa gloriōse prædicent: tamen verum est, quod Johannes Paludanus de Severino scribit; *fama factis plerumque superior est.* Imò ipse Severinus, *cap. 14. pag. 349.* idem fateri necesse habet, dum absolutos hydropes, perfectas lepras, confirmatas podagras & Epilepsias universali saltem Medicinæ subjici scribit. Verum parum adhuc præstiterunt, universali Medicinæ Chymi-

isset medicamenta contra omnes morbos creare, sicut notum, à Salvatore multos incurabiles morbos curatos fuisse, imò mortuos excitatos: tamen non sequitur, quod sit invidus, si hoc non fecit. Neque ulla est consequentia, si ad mortem æternam seu secundam, ut appellatur Apocalypf. cap. 20. v. 6. Deus remedium dedit, quod etiam ad morbos, adeoque mortem primam seu corporis (nam hoc sequitur) remedium cōcesserit. Pœna peccati morbi & mors sunt; & nisi primi homines peccassent, ita conditi erant, ut neque morbos neque mortem experturi essent: Postquam verò peccarunt, meriti sunt non solum morbos, verum etiam primam ac secundam, seu corporis & animæ, mortem. Et si ergo Deus pro immensa sua misericordia remedium adversus æternam mortem homini dederit: non tamen invidus, sed justus est, quod contra mortem primam & omnes morbos remedium non concessit. Neque si æternam Deus pœnam remisit: etiam necessario temporales remittit, ut in Davide, 2. Samuel. c. 2. v. 13. & 2. Samuel. cap. 24. v. 12. & alijs videre est. Nimirum ex voluntate Dei de omnipotentia & misericordia ejus actibus judicandum est. Verum qui plura hac de re cognoscere cupit, legat librum Brunonis Seidelij, de morbis incurabilibus.

Na

CAPUT

CAPUT XVIII.

DE MEDICAMENTIS & Methodo medendi.

*Dietam
neglexit
Paracelsus.*



DE Diæterica Medicina parte multa hîc dicere non licet. Diætam enim non magnificisse & ad morborum curationem non adeo necessariam existimasse Paracelsum, in cōment. aph. 5. scilicet. patet. Neque hoc solum docuit, sed & in praxi observavit. Nulla enim ratione victus præscripta aut observata cum suis agros curasse, & cum patientibus suis dies & noctes potando ita eos plenos, ut solebat dicere, ventre curasse referunt.

*Dietæ ad
morbos cu-
randos ne-
cessaria.*

Malè tamen hoc factum à Paracelso, diætæque observationem ad morbos curandos necessariam esse, omnes hætenus Medici, & non immeritò statuerunt. Et qui hac in re negligentiores sunt, quid diætæ neglectus possit, magno suo malo experiuntur. Ut de alijs morbis jam non dicam, sed febrium saltem mentionem faciam: quot febres naturâ suâ curabiles, & citò curabiles, diuturnæ aut planè incurabiles redduntur, si ægri vel nimio cibo utuntur, vel tempore accessionis cibum capiant,

capiant, aut potum vel cibum morbo non convenientem sumant? Quot agri cibo liberius vel minus conveniente utentes recidivas patiuntur? Imò in pluribus morbis bona victus ratio dimidia curationis pars est; sine qua medicamenta omnia frustra adhibentur. Id quod in Arthriticis notissimum. Sed in re manifesta immorandum non est; ideoque ad materiam medicam & Methodum Medendi accedimus.

Ubi mox in principio occurrit quaestio de *An Actur*
 universali Medicina, quam mirè laudant Chy- *Universalis*
 mici. Hac enim, ut Robertus Vallensis, *de ve-*
ritate & antiquitate Chymiae, scribit, Homo ad
 praefinitum à Deo vitae terminum à morbis
 tutus & integer conservari potest. Hac, ut
 Arnoldus de Villa nova, in *Rosario cap. 31.* de
 lapide Philosophorum scribit, *Habet virtutem*
& vim super omnes alias medicinas omnem sa-
nandi infirmitatem, tam in calidis, quam in fri-
gidis agritudinibus, eò quod est occulta & subti-
lis natura. Conservat sanitatem, roborat virtu-
tem, & ex senex facit juvenem, & omnem expellit
agritudinem: venenum declinat à corde, arterias
humectat, contenta in pulmone dissolvit, & ulce-
rata consolidat, sanguinem mundificat, contenta
in spiritibus purgat, eosque mundos conservat: &
si agritudo fuerit unius mensis, sanat una die, si
unius anni, duodecim diebus, si verò fuerit ali-
qua ex longo tempore, sanat uno mense.

sicut Panaceæ nomen jam ab antiquis medicamentis quibusdam, non quidem ad omnes, sed ad plures morbos utilibus, inditum fuit.

Principiò autem, priusquam ad Chymicorum de medicina universali sententias accedamus, hoc monendum videtur: Non paucos quidem hac de re multa gloriòse prædicare; paucissimos verò, imò forsan nullos eam explicasse. Quod si ignorantia fecerunt, non est, quod Galenicis hic se præferant. Agnoscunt enim & ipsi medicinæ hujus, si daretur, præstantiam, & quanto medicinæ cultores sublevari possent labore, qui in loco affecto investigando, medicamento morbis, loco affecto, sexui, ætati, tempori convenienter ordinando, alijsq; in methodo medendi observandis Medico subeundus est, si uno medicamento omnes morbi curari possent. Siquidem sufficeret, scire saltem hominem ægrum esse: de alijs securo liceret esse Medico. Nec opus esset, tot labores, in omnium partium artificiosa sectione, earumq; constitutione & usu investigando insumere; tot mineralia & metalla, tot plantas & animalia, è quibus componuntur medicamenta, cognoscere; in morborum, causarumque morbificarum differentijs, locisq; affectis cognoscendis impendere. Indicationum quoque, ut ipse Severinus, cap. 14. scribit, pluralitates, particularitates, ordines locum non haberent, si uno eodemq;

medicamento omnium morbosarum radicum resolutiones, consumptiones, regenerationes & corroborationes absolverentur: nihilque in hac vita, post sacrosanctum Dei verbum, quo æterna salus proponitur, hoc universalis medicinæ thesauro pretiosius haberetur.

Verum optandum potius hoc medicamentum, quam sperandum; nec hætenus inventus quisquam, qui omnes sanaverit, aut ea, quæ Chymici suo lapidi Philosophico in curandis morbis attribuerunt, præstiterit. In metallorum quidem *μεταμορφώσις* egregia specimina, etiam nostro seculo, ediderunt; ut ea de re amplius dubitandum non sit: In curandis autem morbis quid præstiterint, non ita planum, & fide dignis testimonijs nondum probatum. Bernhardus quidem aliqua de se prædicat. Feruntur & quædam de Arn. de Villa nova, & alij etiam multa prædicant. Verum fides sit penes autores: cum nostro vel superiore seculo nihil tale factum legamus. Nam Paracelsum quod attinet, de eo supra dictum, & mox dicetur. Ex auro ut & alijs metallis & mineralibus egregia medicamenta parari posse, negandum non est: quod autem ullum detur medicamentum, siue lapidis Philosophici siue alio nomine veniat, quod ea omnia præstare valeat, quæ de lapide Philosophico prædicant, re ipsa demonstrandum.

Non

Non verbis, sed factis opus est. Non prius ergo ijs fidem habemus, quam hæc sua ingentia promissa factis expleverint, aut aliquem, qui omnes morbos sanaverit, produxerint.

Neque sequitur; si metalla ignobilia possunt mutari in nobilia, quod idem illud, per quod metalla transmutantur, quod lapidem Philosophicum vulgò nominant, etiam corpus humanum ab omni morbo liberare & universalis Medicinæ loco esse possit. Et in primis in seipsis aliquod egregium specimen edere debebant. Verum tantum abest, ut Paracelsus & alij, qui de lapide Philosophico gloriati sunt, longioris vitæ fuerint, ut etiam immatura morte obierint. Nam ut supra quoque dictum, ineptum est, quod nonnulli longæviorum futurum dicunt Paracelsum, nisi veneno interemptus fuisset. Siquidem, si contra omnes morbos Medicina universalis valeret, etiam omnibus venenis adversa erit, & nisi hoc præstet, non erit universalis Medicina.

Referunt quidem de Joh. Montano, Chymico illo Silesio, ob inventionem terræ sigillatæ Strigensis celebri, quod ejus capilli capitis & barbæ cani extrema senectute in nigros rursum fuerint mutati: verum id Medicamentis Chymicis ascribendum non esse existimat Johannes Francus, Senior, in *Epistolis Chymicis*. Fuit vir iste, inquit Francus, mihi non ignotus, ut existimo 60. An-

norum, viribus non adeo firmis, quem alij vegetiores aetate superarunt, qui medicamentis Chymica nunquam degustarant. Legimus quendam Johannem de Temporibus, Caroli Magni Imperatoris armigerum, vixisse annos 361. ac tempore Imperatoris Lotharij mortuum esse. Is miles, sine dubio, nunquam aurum potabile vidit, multo minus bibit. Et doctissimus Gesnerus scribit, quendam rusticum in Helvetia vixisse annos 130. quem potius lacte, quam auro potabili usum esse, credibile est. Equidem anno 1572. Mense Augusto, paulo ante crudelem illam lanienam Lutetia Parisiorum, vidi & alloquutus sum Virum doctissimum, Dominum Guilhelmu[m] Postellum, qui isto tempore, cruda senectute, habebat nigram barbam & tales quoque capillos, cum ante annos 15. ut à viris fide dignis accepi, capite & barba fuisset omnino canus. Mortuus est, ut scribitur, anno 1581. aetatis 130. Is sine dubio medicamentis Chymicis nunquam usus est. Sed sit nonnunquam, ut propter humores praevalentes homines in morbis canescant, quorum capilli correctis humoribus & morbo curato pristinum colorem recuperant; quod ei quoque existimo accidisse.

Utilia medicamenta an occultanda.

Si verò quidam sunt, qui medicamenti huius universalis notitiam habent, illud verò planè occultant, nam illi valde iniqui sunt, & in genus humanum injurij, charitatisque oblitij, qui tantum thesaurum cum servo illo nequam occultant, eoque nulli profunt. Nulla certè, quod Christianum decebat, tanguntur

mise-

misericordia, cum tot ægros passim tot languoribus & doloribus lancinari & excruciaci vident. Qui cum, ex ipsorum sententia, vulgaribus medicamentis inexpugnabiles sint, eos efficacissimo illo suo medicamento tollere, debebant. Neque est, ut ad frivolum illud confugiant, dicantq; , paucos esse dignos ista Medicina. Propter abusum res bonæ & utiles occultandæ planè non sunt. Alias etiam verbum divinum, quo quidem nihil pretiosius est, cujus tamen maximus abusus est, occultandum esset. Imitari eos potius decebat DEUM Optimum Maximum, qui oriri finit solem suum bonis & malis.

Et istud, quod de universalis Medicinæ occultatione dixi, idem de omnibus utilibus & nobilioribus medicamentis verum esse puto, dubitoq; , an Medicus Christianus, salva conscientia, medicamenta, quibus gravissimi morbi curari queant, occultare possit; & si id faciat, an Christiano rem dignam faciat; cujus est, Proximum diligere sicut seipsum. Et si penitus in causas, ob quas nonnulli sua, quæ ita appellant, Secreta occultant, inquiratur: avaritia & invidia primariæ causæ sunt; quod nimirum metuunt, ne, si alijs Medicis illa medicamenta innotescant, lucri aliquid decedat; aut certè quod alijs se plus sapere videri volunt. Interim verò charitatis Christianæ obliti ægros plurimos gravissimis morbis misere torqueri, imò de vita periclitari sinunt. Sæpif-

finè quod accidit, ut & ipsi morte inopinata abripiantur, atque ita talentum & thesaurus iste absconditus nulli mortalium innotescat, sed perpetuis tenebris & æterna nocte opprimatur.

Neque etiam sibi constant, in determinanda ista medicina. Etsi enim plerique Chymicorum lapidem illum decantatum philosophicum pro universali Medicina habeant: tamen Henn. Scheunemannus, *de Medicina reformata cap. ult.* folia hellebori nigri ferè lapidi philosophico æquiparat, eaque in balsamum redacta, hominem ab externis infectionibus & omnibus internis putrefactionibus præservare, hominem in eo statu, in quo genitus est, conservare, ut citra morbos ætatem secundam attingat, hominemq; excellentissimè supra quævis arcana purgare, radicis evellere auferendum, hominem ab omnibus ægri tudinibus mundare, scribit: & hanc balsami præparationem non divulgandam censet.

Tres de Medicina universali opiniones.

Sed ipsos jam audiamus & quid ad defendendum medicamentum universale afferant videamus. Tres autem de Medicina universali opiniones reperio. Primò enim sunt quidam, qui non primario; sed *deutèrως* saltem Medicinam istam omnes morbos curare dicunt, quatenus scilicet naturam miris modis roboret. Cum enim natura omni morbo ex æquo contrarietur, & ut Hippocr. *6. Epidem. comm.*

Natura vis in morbis curanda.

J.A.I. scribit, Φύσις sint τῶν ὕστων ἡγετοί; & libro de arte, Natura, etli ἀπειδεύει, sapientissima sit, utpote, quæ morbum sentiens mederi magnopere gestiât, &, ut Galenus passim scribit; Natura sit animalium servatrix, morborum victrix, ac decretrix, quæ, quod conveniens est, servat, quod alienum separat, in morbis concoctionem, discretionem atque evacuationem efficit, atque ea ratione morbis medetur: si natura seu nativum istud Balsamum roboretur, & universali medicina adjuvetur, ac promoveatur, vires suas in omnibus partibus explicabit, sese morbo opponet, intestinas dissensiones rescindet, morbosasq; tincturas, in sanitatis tincturam, ut loquuntur, transplantabit, atque ita omnem languorem tollet.

Atque hic in laudem quintę essentiæ, Balsamum *Quinta essentiæ*
 ἡμι & θειοτέρη τῶν καλῶν στοιχείων σώμα-
 τος καὶ ἀναλόγη τῶν ἀστέρων στοιχείων καὶ φύ-
 σιως, excurrunt Chymici, ac quintam essentiã, vitale & incombustibile Sulphur, arcanũ, Florem, Solẽ & Cœlũ prædicat. Hanc suam quintam essentiã, Spiritumq; æthereũ per omnes res naturales diffusum, omnium actionum, omnisq; vigoris fontem esse, in animalib; animare, in vegetabilibus vegetare, in mineralib; & metallis, quod mineralium & metallorum est, peragere dicunt. Et quidẽ in homine, licet ejus fons in corde sit, tamen inde per totum corpus diffundi & diversas proferre actiones
 pro-

pro diversitate partium, in quibus determinatur: in partibus sentientibus sensum præstare; in mobilibus motum; in ventriculo Chylificare; in Epate sanguificare, & ubique in corpore vires suas exserere. Eandem quintam essentiam, si morbus aliquis & hostis impetum in corpus faciat, viribus collectis eidem se opponere, coctiones & crises moli, ritandemq; de hoste victo triumphum agere.

Hunc ergo Spiritum & quintam essentiam ac Medicinam Balsamicam ἐμαρτοκόσμιω & naturæ gremio eruendam & in μικρόκοσμον inducendam, ut, qui est in corpore, Spiritus externis hisce copiis accidentibus roboratus & Medicinæ hujus summæ confortantis assistentiâ adjutus, morbis fortius sese opponere, & quicquid in corpore vitiosum est, vel in naturalem statum mutare, vel è corpore feliciter expellere possit, docent. Et quidem Chymica artis beneficio hoc præstandum esse sentiunt, quæ Medicinam illam summam & Balsamum naturæ ab omnibus sordibus & heterogeneis separet, ut in homogeneo quodam subjecto quasi concentrata, mole quidem minima sit, viribus autem maxima, & cum calore nostro humidoq; primogenio ac insito Spiritu, ob summam naturæ convenientiam, facile uniri eumque augere, ac in summum puritatis gradum exaltare possit; ut non solum à morborum violentiâ sese tueri, sed & gravissimos morbos vincere & expellere queat.

Et si

Etsi verò ista quinta essentia & Spiritus omnibus rebus insittamen in alijs parum ejus reperiri, in alijs abundare cum, scribunt. Ut in vino, frumentis, melle, auro, argento, Margaritis, Corallijs & alijs, quæ propterea, in primis si corporeis vinculis & heterogeneis adjunctis corporibus liberentur, ac nativæ Spiritualitati restituantur, summum Spiritus nostris reficiendi & vires roborandi vim habent. Universalem autem Medicinam ex eo, in quo ista quinta essentia & Spiritus maximè abundet, conficiendam esse, scribunt. Quæ autem & qualis sit materia illa, clarè non explicant.

De qua prima opinione, ut meam aperiam sententiam breviter, primò, quæ de Spiritus insiti & nativi viribus dicunt, libenter admittimus. Docuerunt hoc Galenici passim. Modò hoc attendatur, ne ea, quæ animæ propria sunt, spiritui & calido innato attribuamus, sed animam pro principali & *δημιουργῶ* agente agnoscamus; spiritum verò insitum & calidum innatum pro instrumento animæ proximo habeamus.

Natura vires in morbis depellendis quantæ.

Deinde nec quintam essentiam, quam hic prædicant, planè rejicimus, sed eo modo, quo in Institutionibus, pag. 815. dictum, admittimus; spiritumq; illum insitum & *ἀνάλογον τῷ τῶν ἀσθενῶν σιχηίῳ ὕδατι* concedimus: spiritumque quendam, qualis in vino est, ob quam illud tantam vim corpus roborandi spiritusq; refici-

Quinta essentia.

reficiendi copiosè reperitur, omnibus plantis inesse Chymica resolutione ad oculum demonstrari potest. Atque inesse quid in medicamento, quod non solum primis qualitatibus, sed vi nobiliore agat, è Galenicis plurimi concedunt. Et sicut, rectè ita sentiente Scaligero, venenorum facultates ad primas qualitates referre stultitia est: ita non minus ineptum, Alexipharmacorum & alias nobiliores medicamentorum vires solum à qualitatibus primis deducere. Pars ergo medicamenti nobilior, aut essentia misti virtuosa magis, à partibus reliquis inefficacioribus, quantum fieri potest, separata, à Chymicis quinta essentia non ineptè appellatur; quod etsi ab omni elementorum concretionem libera non sit, ab heterogeneis tamen, quantum licuit, separata, aliquid, quod supra elementa est, (qua de re supra de calore cœlesti dictum) contineat, sicut Scaliger omnem formam, etiam quæ animâ non est, quintam essentiam appellat.

Nimis proinde durum est illud Erasti, *part. secunda disput. contra Paracels. pag. 182.*, scribentis: Quintam essentiam esse somnium hominum otiosorum & fallere alios cupientium; nihilq; quod quinti elementi vel essentiæ nomine venire possit, præter cœlum, in mundo esse asserentis. Sed plura hac de re supra c. 10. dicta sunt.

Verum tamen cum Spiritus hic insitus cui libet proprius sit, aliasq; vires essentia Melissæ,
alias

alias betonicę, rorismarini habeat; universalis Medicinę nomine quanta essentia hoc modo dicta haberi non potest. Id quod ipse Paracelsus docet, qui, in principio libri quarti archidox: cui titulus de quinta essentia, scribit. *Quinta essentia non in omnibus ejusdę natura est, nec quinta essentia Anacardi habet easdem operationes, quas quinta essentia auri, sicut animalia omnia Spiritum vitę habent, nec tamen easdem vires.*

Et sit sane aliquid in rerum natura, quod Spiritu illo & quinta essentia abundet, & quod artificiosę præparatum summam vim confortandi Spiritum nobis insitum calidumq; innatum habeat, & quod hanc ob causam, universalis Medicinę nomine appellari possit: tamen an natura ita confortari & roborari possit, ut sine ulla medicamentorum purgantium, alterantiũ, aperientium, aliorumq; ope tollere queat omnes morbos, id nondum probatum. Certę impossibile est, ut natura aquas in Hydropicis sine medicamentis alvum ducentib9 vel urinam moventibus expellere, calculum in renibus vel vesica cõcretum sine medicamentorũ ope dissolvere, nodos arthriticorum dissipare possit. Si omnes morbi a calido nativo malę affecto dependere, quod illi volunt, concedi posset, uno medicamento, quod calidũ nativum roboraret, omnes morbos depelli posse. At malę definiunt morbum, quod sit affectio, quo impeditur Spiritus vitę; cum sint multi morbi, ob quos multi

Quinta essentia vires.

multi conflictantur calido innato sese bene habente. Et sit, ut omnes morbi, ab impedimento aut læsione spiritus vitalis proveniant: tamen causæ, quæ impedit illam & lædit, multiplex esse potest: & proinde ut sua integritas spiritui vitali restituatur, pro varietate causarum eum impredientium diversa remedia adhiberi debent, & quidem sæpe in uno & eodem morbo varia. Exempli gratia, in inflammatione aliqua in principio astringentibus & repellentibus opus est, postea verò discutientibus, vel pus generantibus.

Spiritus insus quantum possit in morbis depellendis.

Neque ergo sufficit, ut spiritus universum corpus regens solum confortetur: sed cuiusque partis privatæ robur etiam salvum esse debet. Requiruntur enim ad omnes actiones obeundas duo instrumenta: commune, primum; proximum alterum. Commune est spiritus vitalis: proprium, certa aliqua corporis pars. Ut enim Chylificatio in ventriculo recte fiat: & spiritus vitalis, tanquam instrumentum commune, requiritur, & ipsius ventriculi recta constitutio. Ita ut fiat visio, non solum opus est, ut adsit spiritus vitalis, sed etiam oculus, & quatenus partes similes habet, & quatenus organicus est, recte constitutus sit necesse est. Ac pro actionum obeundarum diversitate, propriorum instrumentorum est diversitas, & sua cuique parti peculiaris constitutio, ab aliarum constitutione diversa. Hinc quod uni convenit, alteri non convenit: Et proinde
nec

nec unum medicamentum omnium propriam constitutionem conservans, nec omnium vitia emendans dari potest. Sol quidē omnia fovet & calefacit: At solus Sol, utpote causa generalis, sicut ad nullius rei generationem sufficit, sed ad definitum quid producendum, definitum agens requiritur: ita multò minus rerum omnium particularia vitia emendare potest, ac plantas jam putrescentes aut exarescentes ille universalis solis calor nihil juvat. Ita si vitium nullum sit in ipsa parte, spiritusque à corde affluentes etiam rectè sese habent, actio partis rectè expeditur: at si vis partis alicujus nimium debilitata & pene emortua sit, Spiritus influens eam restituere non potest. Neque si succis vitiosis pars aliqua nimis opprimatur, aut humores excrementitii in parte aliqua nimis impacti sint, spiritus vitalis influens eos absumere & depellere poterit.

Secundò ergo alij, cum hæc animadvertent, universali Medicinæ attribuerunt, non solum vim, insitum balsamum & spiritum roborandi, sed & impuritatum seminarias tincturas, ut loquuntur, seu omnes morbos & causas morbificas resolvendi, consumendi, dissipandi. Hinc Severinus definit Sanationem universalem, esse ablationem impuritarum vel radicum morbidarum, mixtione non necessaria in humana anatomia insitarum, quæ balsamo naturali remediorum humanæ

*An detur
medicamē-
tum Natu-
ram robo-
rans & si-
mul omnes
morbos ex-
pellens.*

naturæ consentaneorum perficiatur, resolvente, consumente & dissipante impuratum seminarias tincturas, corroborante verò, consolidante & custodiente innatum Microcosmi balsamum.

*Rationes
pro univer-
sali Medi-
cina.*

1. An tale autem Medicamentum dari possit, quod non solum spiritum insitum roboret, sed & omnes ex æquo morbos & causas morbificas tollat, jam porro videndum. Afferunt illi quidem pro sua opinione defendenda, quod ignis omnia adurat; quod antimonium omnia metalla auro admixta consumat, aurumque solum intactum relinquat: atque ideo simile fieri ab universali Medicina, eamque cujusdam ignis purgatorii, aut antimonii, instar omnes corpori nostro admixtas impuritates consumere statuunt. Deinde dicunt, dari venena, ut arsenicum, auripigmentum, venenum canis rabidi, quæ omnibus hominibus nocent: Ergo dari quoque posse Medicamenta, quæ itidem omnibus prosint, omnesque morbos tollant, existimant. Præterea & hoc afferunt; esse quædam medicamenta, quæ omnibus ejus partis, cui dicata sunt, affectibus medeantur: Exempli gratia: Epas lupi omnibus Epatis affectibus; Os de corde cervi omnibus morbis cordis mederi: Et proinde dari posse, putant, medicamenta, quæ omnibus omnino totius corporis morbis medeantur.

Eorum solutio.

Verum enim verò hæc omnia non evincunt,

cunt, id quod debent. Etenim nec ignis omnia corrumpit, sed ea saltem quæ adustibilia & inflammabilia sunt: Auro, vitro, Terræ nullum vim infert. Et linum asbestinū ignibus non absumi, sed fordibus igni exustis multò splendidius, quam aquis effici, scribit Plinius, *lib. 19. cap. 1.* Et si ignis modo ista universalis Medicina ageret, quomodo fieri posset, ut humores saltem vitiosos absumeret, sanguini autem & humoribus bonis ac partibus corporis nihil damni afferret. Neque enim in partibus corporis & sanguine major est resistendi vis, quam in humoribus vitiosis. Et licet Galenus theriacam instar ignis expurgatorii humores noxios consumere dixerit: nullam tamen universalem Medicinam, ut Paracelsici, inde exstruxit, sed efficaciam saltem theriacæ summam declaravit. Quæ certè tam in theriaca, quam in alijs *δεσινκοις* medicamentis tanta est, ut non solum in humores vitiosos agat, sed & sanguinem ac corpus alteret, ideoque cautè exhiberi debeant.

Quod verò de Antimonio omnia auro admista absumente, aurum verò non corrumpente, sed purificante scribunt, huc non quadrat, nec aliud quam simile est, quod tamen, idem à Medicina universali in corpore humano fieri, non probat. Etenim antimonium cum metallis cognitionem habet. Et cum metallorum imper-

fectorum compositio, non tam firma sit, sicut auri: fit, ut ab antimonio soluta & corrupta, vel in fumum abeant, vel cum antimonio misceantur. Cum verò auri compositio firmior sit, ab antimonio non corrumpitur; & cum idem metallorum omnium sit gravissimum, postea in regulum subsidet. Probare ergo debent, dari talem medicinam posse, quæ omnium corporis partium dyscrasijs resistat, omnesque omnino causas morbificas absumat, sicut antimonium omnia metalla, præter aurum; corpori verò non noceat, & qua vi id præstent monstrare, sicut de antimonio jam monstratum.

2. Venena quod attinet, fit, dari quædam, quæ omnibus hominibus nocere possint: tamen non video, quomodo inde sequatur, dari medicinam, quæ omnibus morbis resistat. Nam & veneno cuilibet sua & una natura est: habet & homo suam naturam, ideoque cum venenum aliquod, exempli gratia, arsenicum, hominem quemcunque lædit, fit actio determinati in determinatum, non universalis in determinatum. Neque quodlibet venenum omnibus animalibus venenum est; suntque multa, quæ homini nocent, alijs animalibus nihil damni afferunt, araneosque sine damno à gallinis quotidie devorari videmus. Si verò unico medicamento omnes morbi sanari deberent, fieret actio universalis

lis indeterminatum. Sunt enim varij morbi & humores, quorum singuli suam habent peculiarem naturam; atque alia est natura humoris in Hydrope; alia in Lepra; alia in febre; alia in Epilepsia; alia in alijs morbis: alia est intemperies sicca, alia humida; alia natura veneni pestilentis, alia canis rabiosi, alia venerei: quibus omnibus tamen Universalis Medicina resistere deberet.

Tandem nec illud sequitur, si dantur Medicamenta appropriata: Ergo datur universale omnium morborum remedium. Nam sit, ut talia dentur, quæ omnibus unius morbi partis resistent: id tamen non faciunt per se & proximè, sed partem saltem roborando. Id verò non concedimus, dari tale aliquod parti alicui appropriatum medicamentum, quod omnibus ejus morbis adversari possit; ut in Epate intemperiei calidæ, frigidæ; inflammationi, scirrho, obstructioni. Et proinde etsi hinc admittatur dari aliquod universale medicamentum, id non aliud esset, nisi universale roborans, à quo tamen non omnes morbos tolli posse, jam antea dictum.

Qui verò statuunt, non dari universalem Medicinam, rationes proferunt firmiores, quibus probant, non dari posse tale aliquod medicamentum, quod omnibus morborum causis, morbisque inde productis sit contra-

*Rationes
contra uni-
versalē Me-
dicinam.*

O 3. rium;

rium; toti verò nostro corpori familiare & amicum. Primò cum morbi depulsio sit in contrarium morbo statum mutatio; atque omnis mutatio sit inter contraria & à contrario perficiatur: Morborum autem & humorum vitiosorum plurimæ sint differentia, alijsque morbi à qualitatibus manifestis oriuntur, alijs ab occultis, quarum rursus magna est differentia, ut in venenis videre est: quilibet morbus & humor requirit peculiaris remedia: nec omnes uno remedio tolli poterunt; nec unum medicamentum tollet morbos ortos à caliditate, frigiditate; humectabit, ficcabit, adversabiturque omnibus venenis, aut reliquorum humorum tot & tam varia vitia emendabit.

Neque est, ut dicant, medicamentum illud universale ita attemperatum esse & exactam principiorum habere missionem, ut omnibus resistere possit. Nam si temperatum est in qualitatibus primis, quomodo excessus insignes caliditatis & frigiditatis simul emendare poterit; & ut cum chymicis loquar, si Sulphur abundet, sal deficiat, quomodo temperatum medicamentum & defectum salis explere & abundantiam Sulphuris auferre poterit?

*Partes
medicamen-
torum non fru-
stra dantur.*

Solus ergo DEUS omnes morbos tollere valet. Rerum verò naturalium vires de-
termi-

terminatæ & distinctæ sunt, ac dispersa vis Medica in plurima, neque naturaliter uni medicamento omnia peragendi vis concessa. Hinc plantarum & reliquarum rerum naturalium usui medico dicatarum tanta varietas, ut singuli morbi singularia habeant remedia; quæ varietas & copia medicamentorum à Deo frustra esset condita, si unico & universali remedio omnes morbi curari possent, & claudenda jam essent omnia Pharmacopolia omnesque Medicorum libri abolendi, si hæc medicina sufficeret. Verum & Salomon sapientissimus naturæ scrutator, qui de rebus naturalibus à Cedro Libani ad hyssopum nascentem è pariete disputavit, *Ecclesiastæ cap. 38.* de terra creasse DEUM medicinam scribit, commendatque *ibidem* Medicum & Pharmacopæum, nullam vero Medicinam universalem. Præterea non probabile videtur, idem medicamentum simul & maximam vim habere spiritum insitum roborandi & humores vitiosos absumendi & dissipandi. Illud enim requirit summam cum spiritu insito familiaritatem: quæ autem talia sunt, non medicamentosa sunt, ac proinde causis morbificis, instar ignis cujusdam, resistere non possunt. Et certe nimis imprudenter eidem medicinæ & vim curandi morbos, ac quidem tot & tam diversos, & à tam diversis causis, ortos & dependentes;

Oo 4. & ho-

& hominem, ne in morbos incidat præservandi, imò maximam nutriendi vim tribuerunt. Homo enim non totus spiritus est, sed & corpus habet: ideoque nimis spiritus hic suos prædicant Chymici; & prudentissimè cuidam de suis spiritibus glorianti, respondisse fertur Angliæ Regina Elisabetha; si Spiritus puri essemus, solis quoque spiritibus curari & nutrirî possemus. Et certè sunt morbi, in quibus plus nutrimento, atque eo non spirituofo, sed quod non facile dissipatur, quam medicamentis, proficitur, qualis est febris Hæctica: cui procul dubio cibus bene nutriendus & humectans plus proderit, quam lapis Philosophicus. Etenim cum is sit magnæ activitatis, atque instar ignis sese habeat, potius oberit, quam proderit hæctico, eumque ad marasum deducet. Monstrandum ergo hic relinquitur Chymicis, quod medicamentum, & quidem tam efficax, atque ignis instar sese habens, nutrimenti simul loco esse possit, ut calidum innatum instauret & reficiat.

Maneat ergo illud Medicinæ fundamentum inconcussum; quod præter naturam est, tollendum; quod secundum naturam est, conservandum: similia similibus conservantur; contraria contrariis tolluntur. Ipsique Chymici has duas generales Indicationes rejicere non possunt: ideoque suæ universali medi-

medicinæ tribuunt vim Balsamum nativum roborandi & confortandi, ac impuritates morbificas consumendi & auferendi, atq; ita omnes morbos curandi. Verum eandem rem utrumque præstare posse nondum monstrarunt.

Sed non miror Chymicos quosdam in ea esse sententia, omnes morbos lapide suo, quem quarunt, Philosophico, curari posse; cum longè majorem adhuc potestatem ei attribuant, ut cum ex alijs, tum autore *Physica Naturalis rotunda visionis Chymica Cabalastica*, in libello, cui titulus, *Arcani artificiosissimi aperta arca*, videre est.

Ita autem ille, pag. 213. (Germanica Latine de verbo ad verbum reddidi) *Hac re curare potes omnia vegetabilia; arbores steriles fertiles reddere; hyemem in æstatem, & æstatem in hyemem mutare; nimirum ut hiberno tempore omnes plantas habere liceat, quas æstas producit. Imò ut herba vel arbor uno anno quinquies vel sexies fructum ferat. Hac re ex mala herba bonam, ex arbore putrida novam & bonam; ex amaris malis dulcia; ex pyris cerasa, & contra ex cerasis pyra facere, & ita omnes herbas & arbores mutuo transmutare potes.*

Secundo omnia imperfecta metalla in meliora transmutare potes, nimirum in carbunculos, rubinos, Smaragdos, margaritas &c. aurum, argentum; & quidem in tanta copia, ut nec numerare possis. Nam una pars non solum 100000, sed

& hominem, ne in morbos incidat præservandi, imò maximam nutriendi vim tribuerunt. Homo enim non totus spiritus est, sed & corpus habet: ideoque nimis spiritus hic suos prædicant Chymici; & prudentissimè cuidam de suis spiritibus glorianti, respondisse fertur Angliæ Regina Elisabetha; si Spiritus puri essemus, solis quoque spiritibus curari & nutrirî possemus. Et certè sunt morbi, in quibus plus nutrimento, atque eo non spirituofo, sed quod non facîle dissipatur, quam medicamenti, proficitur, qualis est febris Hæctica: cui procul dubio cibus bene nutriens & humectans plus proderit, quam lapis Philosophicus. Etenim cum is sit magnæ activitatis, atque instar ignis sese habeat, porius oberit, quam proderit hæctico, cumque ad marasmm deducet. Monstrandum ergo hic relinquitur Chymicis, quod medicamentum, & quidem tam efficax, atque ignis instar sese habens, nutrimenti simul loco esse possit, ut calidum innatum instauret & reficiat.

Maneat ergo illud Medicinæ fundamentum inconcussum; quod præter naturam est, tollendum; quod secundum naturam est, conservandum: similia similibus conservantur; contraria contrarijs tolluntur. Ipsique Chymici has duas generales Indicationes rejicere non possunt: ideoque suæ universali medi-

medicinæ tribuunt vim Balsamum nativum roborandi & confortandi, ac impuritates morificas consumendi & auferendi, atq; ita omnes morbos curandi. Verum eandem rem utrumque præstare posse nondum monstrant.

Sed non miror Chymicos quosdam in ea esse sententia, omnes morbos lapide suo, quem quærent, Philosophico, curari posse; cum longè majorem adhuc potestatem ei attribuant, ut cum ex alijs, tum autore *Physica Naturalis rotunda visionis Chymica Cabalastica*, in libello, cui titulus, *Arcani artificiosissimi aperta arca*, videre est.

Ita autem ille, pag. 213. (Germanica Latine de verbo ad verbum reddidi) *Hac re curare potes omnia vegetabilia; arbores steriles fertiles reddere; hyemem in æstatem, & æstatem in hyemem mutare; nimirum ut hiberno tempore omnes plantas habere liceat, quas æstas producit. Imò ut herba vel arbor uno anno quinquies vel sexies fructum ferat. Hac re ex mala herba bonam, ex arbore putrida novam & bonam; ex amaris malis dulcia; ex pyris cerasa, & contra ex cerasis pyra facere, & ita omnes herbas & arbores mutuo transmutare potes.*

Secundo omnia imperfecta metalla in meliora transmutare potes, nimirum in carbunculos, rubinos, Smaragdos, margaritas &c. aurum, argentum; & quidem in tanta copia, ut nec numerare possis. Nam una pars non solum 100000, sed

aliquot 1000000 tingit; & quidem ante multiplicationem.

Tertiò potes hominem ab omnibus morbis liberare, ex sene juvenem, ex infirmo sanum redere; Hominis sensus & cogitationes mutare; ex pessimo nequam hominem summe probum efficere.

Sed hæc non satis sunt, in supernaturalibus hæc præstat. Hæc est clavis aperiendi cælum & terram, id est, ut penetrare possis in supremum firmamentum cæli, in centrum terre, in profundum maris. Potes montes, valles, folia, gramina, animalia, hominem, & omnino omnia visu penetrare, quasi per vitrum transpiceres, omnium rerum proprietates indagare potes. Nam omnia arcana tibi patebunt: omnia se tibi subjicient; omnia potes, cogis cælum & terram, omnes Spiritus tibi obediunt, necessario tibi serviunt, & voluntati tuæ subjiciuntur. Cognoscere potes omnia, præsentia & futura. (quantum Deus permittit) Hoc est mundum creare, & ejus potestatem adipisci &c. Quibus quid in Naturam & Naturæ autorem Deum contumeliosius dici possit, ego quidem non video. Et tamen libellus hic à nonnullis, & quidem ijs, qui pia & studiosæ juventuti ad Pansophiam viam monstrare volunt, inter eos libros numeratur, qui Naturæ secreta contineant, & seu à Frat. R. C. seu eorum clientibus in lucem emissi sunt. Sive enim joco sive serio talia proferantur,

rantur; nec à sanioribus Chymicis probari existimo.

Tandè novam de universali Medicina sententiam ante paucos annos Johannes Wolffgangus Dinheimius, Professor Medicinæ Frburgi Brisgojæ, peculiari libello proposuit. Is, *cap. 2.* ejus libri definit Medicinam Universalem, *quod sit quatuor Elementorum mundi seu primordiorum Mundi quinta essentia, seu ipsa elementa; quantum aliquod homogeneum & inseparabile facta; sive inseparabilis certa quadam natura dosi elementorum omnium permixtio, qua mediante ipsa elementa secundum individua sua considerata aequè penè incorruptibilia facta sint, atque eorum materia secundum totum antea fuit; seu ipsa elementa ab omnibus heterogeneis depurata mista.* Huic universali Medicinæ hos effectus tribuit: quod omnes pravos humores, cujuscunque tandem qualitatis ac malignitatis sint, ac quocunque nomine appellentur, ita disponat, ut Medicinis ijs, quæ communiter & secundum Methodum adhibentur, nullo modo resistent, verum etiam ijsdem ad effectus suos certò consequendos strenuò opituletur, non distantibus impedimentis quibuscunque, nisi ab expressa Creatoris voluntate prohibeatur. Non quidem negat, ut hac de re, *cap. 7.* scribit, diversis morbis diversa medicamenta, pro unius cujuscunque morbi qualitate,

*Job. Wolff.
Dinheimi
de universali
Medicina opinio.*

adhi-

adhibenda esse: illa ipsa tamen uno aliquo medicamento universali acuenda esse putat.

Verum etsi de hac medicina multa polliceatur; hætenus tamen de ea altum fuit silentium, neque quid ea præstiterit, etiam inquirantibus innotuit; quod procul dubio factum fuisset, si præclari quid præstitisset. Sit sanè, de quo jam non disputabimus, quod materia aliqua dari possit, per quam virtutes medicamentorum augeantur & roborentur; sicut videmus plantas in eodem agro diversas crescere, & singulas ex eo sibi alimentum attrahere, atque eadem pluvia, quæ æstu solis flaccescebant, recreari: quod verò talis dari possit materia, quæ ita vires medicamentorum cuique morbo propriorum augere & vitiosos humores ita disponere queat, ut medicamentis illis nullo modo resistere possint, nondum vel rationibus vel experimentis comprobarunt. Nam cum medicamenta omnia, quæ ille, *cap. 16. & seqq.* recenset, specifica & propria vi agant, atque alia peculiari vi cerebro, alia epati prosint: necesse esset, ut istud medicamentum universale has específicas cujusque medicamenti vires intenderet. Quomodo autem medicamentum una forma præditum omnium illorum medicamentorum específicas vires intendere possit, ut ultra consuetas vires agant, non video.

Verum cum ipsi Chymici universale medicamentum potius optent & sperent, quam habe-

habeant: particulari curandi ratione contenti, jam de materia medica particulari dicemus. De Materia autem medica non pauca occurrunt, in quibus à Galenicis dissentiunt. Primo in facultatibus medicamentorum investigandis alijs, quam Galenici, ferè utuntur indicijs, & frequenter satis, quas appellant, signaturis. Cum enim maxima in plantis in coloribus, figura & similibus appareat diversitas: hanc non frustra esse factam aut fortuito accidisse dicunt, sed in certum aliquem finem productam esse statuunt. Creatorem nimirum eo ipso, ceu in speculo quodam, ob oculos nobis posuisse naturam & vim plantarum, & cui quævis appropriata & accommodata sit. Hinc statuunt, plantas, quæ repræsentant vel animalia vel animalium partes, vel alio modo similitudinem habent cum aliqua parte, valere vel ad partes roborandas, cum quibus cognationem habent, vel prodesse ad propellendos morbos, qui ab istis animalibus inferuntur, aut in partibus illis excitari possunt. Conjungunt his & dominium Planetarum; & Plantas, quæ Planetæ alicujus dominio subiaceant, partibus, quæ sub ejusdem Planetæ imperio sunt, dicatas esse sentiunt. Cuiuslibet autem Planetæ certas plantas assignant; & quæ plantæ cuilibet planetæ subjiciantur, ex signis quibusdam ac characteribus colligere docent, & signa hæc ex colore, odore, sapore, forma & loco, in quo nascuntur, petunt.

Satur-

*Signatura
medica-
mentorum.*

*Quæ plan-
tæ quibus
Planetis
subjiciantur.*

Saturnina.

Saturno subjiunt ea, quæ aspectus sunt horridi & inamœna, colore nigra, fusca, pallida & plumbea, corpore compacto prædita, macilenta, & aridis fibris striata, sapore styptica, sicca tamē, odore ingrata, locis nascentia uliginosis & sordidis, in convallibus, nemorosis, tenebricosis, septentrionalibus, Solique non expositis. Et talia omnia antipathiam cum solaribus gerere, & lieni dicata esse dicunt. Interea tamen gradus quosdam esse statuunt. Nam quæ ultimo sive tertio gradu sunt talia, Saturni spiritu copiosissime abundare sentiunt; & hæc esse deleteria ac venenata, spiritibusq; vitalibus infesta, corpusq; exsiccare & tabefacere.

Inter Saturnina autem referunt consiliginem, aconitum, cicutam, taxum, helleborum, hyoscyamum, filicem, xanthium, asplenum, tamariscum, Solanum, Cupressum, Sabinam, Senam, Cappares, polypodium, bursam pastoris, salicem, agnum castum, atriplex, blitum, apium, plumbum.

Jovialia.

Jovialia cognosci dicunt ex oleaginosa substantia, sapore & odore grato ac suavi, colore florum rubro vel cæruleo; habere folia plana, gaudere locis pinguibus; Epati esse dicata, sanguinemq; copiosum instaurare & mundificare, imo totum venosum genus respicere, & hinc vulneribus convenire ac rupta sanare. In hanc classē referunt balsamum, oleam, gariophyllos hortenses & sylvestres; ribes, berber.

berber. betonicam, gariophyllaram, lilium, centaureiū, Rosam marianam, fumariam, perficariam, teucrium, verbascum, origanum, Symphitum, chamadryn, amygdalum, rubiam tinctorum, rhabarbarum, corallium.

Sub Martem referunt, quæ colorem habent ad rubedinem tendentem, sunt aculeata & aspera, saporem habent urentem, sunt corrosiva, gaudent locis siccis. Qualia sunt urtica, cardui, ononis, esula, rhamnus, rubus. *Martialis.*

Soli subesse censent plantas, quæ odore fragrant, sapore grato, colore florum flavo vel fulvæ præditæ sunt, gaudent locis apricis, meridionalibus, & quo radij solares liberè pertingunt: talesq; plantas cor roborare, spiritus vitales augere & confortare, oculos clarificare, venenisque resistere. In quarum numerum referunt vinum, crocum, mala citria & aurantia, laurum, helenium, melissam, rorem marinum, hypericum, helichrysum. *Solaria.*

Sub Veneris dominium referunt, quæ sapore sunt dulci, odore lascivo, flore albo, folijs glabris non laciniatis, humore lento. Cujusmodi sunt, Satyria, lilia omnia, lilium convallium, narcissus, Rosa, nymphaea, ficus, hyacinthus. *Veneria.*

Mercurium præesse ijs statuunt, quæ prædita sunt colore vario, nascuntur & gaudent locis arenosis, siliquas gerunt, odore sunt subtili. Pleraq; linguâ & pulmones respiciunt, spiritus animales cōfortant, flatus discutiunt, ob- *Mercurialis.*
structio.

structiones aperiunt. Cujus generis sunt, paretaria sylvestris, chamamelum, aquilegia, fabæ flore vario, bellides, trifolia omnia, juniperus, corylus, juglans, sambucus.

Lunaria.

Lunæ dominio subjiciunt plantas, quæ habent folia mollia, crassa, succulenta, saporem aqueum vel subdulcem, locis gaudent palustribus & aquaticis, citò adolefcunt. In hanc classem referunt, cucurbitam, cucumeres, melones, citrullus, brassicam capitatam, lactucam, allium, cæpas, porrum, mandragoram, papaver, tiliam, pæoniam, fungos, lentem palustrem, potamogetum, Sagittam Herculis, & alias plantas aquaticas.

*Sanguinis
signaturam
habentia.*

Ex his postea Recentiores singulis humoribus & partibus peculiaria medicamenta attribuerunt. Nimirum ex ipsorum sententia cum sanguine magnam cognationem habent flores tunicis, rosæ, pæoniæ, buglossi, borraginis, violarum purpurearum, fumaris, digitalis, glycyrrhizæ, anagallidis; radices rubiæ tinctorum, anchusæ, Satyrium rubrum, Persicaria: quæ idcirco, ubi sanguis per morbum aliquem est absumptus, aut ubi ob nativam aliquam corporis dispositionem paucior generatur, utilissimè adhibeantur, & verno imprimis tempore sumta sanguinem renovent, augeant, & si frequentius usurpentur, sanguinem statim comparent, virens instaurent, & cum cordialibus mixta hilaritatem concilient; & propterea imprimis senibus, in quibus

quibus jam calor sit debilior, sanguis dilu-
tior, sint utilia.

Atq; ex his maximè inservire sanguificatio-
ni existimant flotes tunicis, rosas rubras, vio-
lam purpuream, glycyrrhizam, anagallidem,
Saryrium: Reliqua esse magis medicamento-
sa, ac simul & novo sanguini gignendo, & ve-
teri purgando inservire. Et quidem à melan-
cholico humore sanguinem purgare, buglos-
sum, borraginem: à bilioso, fumariam: à
phlegmatico, perficariam: si sanguis luxuriet
& plethoram intendat, rubiam tinctorum, ut
& anchusam, superfluum cōminuere, & edu-
cere per urinas. Sanguinem etiam & sangui-
nis fluxus filtere omnes plantas, quæ sangui-
nis signaturam habent; ut tormentillum, bi-
stortam, geranium cum radice rubra, radices
iridis luteæ, rosas rubras, lapathum acutum,
acetosam, lapidem hæmatit. corallia rubra,
cārneolos, jaspidem purpureum seu rubi-
cundum, santalum rubeum, sanguinem Dra-
conis, bolum armenum.

Cum succo bilioso cognitionem habere, *Bilis signa-*
& proinde bilem peccantem educere, & *turam ha-*
mnes affectus ex bile ortos, ut morbum regi- *bentia.*
um, scabiem siccam, pruriginem, Erisypelas,
febres biliosas curare, docent, Eupatorium,
rhabarbarum, myrobalanos citrinas, flores
Cheiri, crocum, chamæpityn, carophyllatam,
chelidonium. Huc etiam pertinere acetosam,
malum citrium; quæ quidem bilem non edu-
cant,

gant, sed ejus fervorem alterent, & acrimoniam obtundant.

*Melancholia
signaturam
habentia.*

Humoris melancholici signaturam habere, quæ sunt atra vel fusca, sapore plerumque acerbo, aliquando dulcescente, aliquando styptico: ut polypodium, elleborum nigrum, senam, asarum, filicem, cappares, vitem nigram, tamariscum, ruscum. Veratrum nimirum humorem melancholicum purgando omnis generis melancholicos morbos tollere; bryoniam corporis nigras maculas, in carne serpentes morbos, ut cancrum, tollere: Folliculos senæ flatus ex atra bile ortos discutere: Tamaricem se in ipsum lienis corpus insinuare. Polypodium non quidem educere melancholicum succum, sed tantum alterare, & stypticam ejus flatulentiam & acetositatem eurare, & proinde ijs imprimis prodesse, quibus ater humor in ventriculum effunditur: Asarum specificè, adjuvante potissimum polypodio querno, evellere febris quarrianæ humorem: Filicem quidem melancholicum humorem non evacuare, sed serpentem hinc scabiem & cutaneos morbos tritam & inspersam sanare.

*Pituita
signaturam
habentia.*

Cum phlegmate cognationem habere, atque illud vel evacuare, vel ut gignatur copiosius efficere, colocynthidem, cucumerem asininum, mercurialem, atriplicem, cucurbitas, cucumeres sativos. Ac talia omnia esse sub Lunæ dominio, & ventriculum ac cerebrum spectare;

te; & purgantia prodesse phlegmaticis hominibus & morbis, scabiei humidæ & similibus. Reliqua, quia non purgant, sed pituitam, bili contrarium humorem, gignunt, utiliter adhibentur in febribus atdentibus ex bile natis, ructibus ex caliditate & siccitate ventriculi, aliisque ex caliditate & siccitate natis morbis.

Ipsas verò corporis partes quod attinet, *Cerebro & capiti, propria & ejus signaturam habens.* Cerebrum, cum à Luna gubernetur, cum medicamentis, quæ sub ejusdem dominio sunt, cognationem habere existimant: qualia sunt succinum, ambra, margaritæ, corallia, argentum, Sapphirus, Smaragdus, Lunaria. Ceterum contra omnes morbos cerebri prodesse Lunariam, argentum & margaritas; contra epilepsiam, ambram, succinum & margaritas; contra omnem humiditatem & frigiditatem cerebri, quæ vel aboletur vel infirmatur memoria, ambram valere. Capiti quæ appropriata esse docent, quæ figuram capitis referunt. Ita præoniæ flores, dum adhuc conclusi sunt, & antequam se expandunt, capitis figuram referre, & proinde omnibus cerebri morbis mederi. Eodem modo capitis figuram referre flores nymphææ, quæ calidis capitis morbis medeatur: ut & capita papaveris, quæ somnium conciliant, dolores capitis & calidos capitis morbos tollunt. Sic capitis & capillorum etiam signaturam habere Spon-

giolas illas, quæ cynorrhodo seu sylvestrium rofarum ramis adnascuntur, & somnum conciliare, unde & à Germanis *Schlâff* & *Schlâffapffel* appellantur, & capillorum defluuium sanare, quod etiam Plinius, *lib. 25. cap. 2.* docuit.

*Capillie
propria.*

Capillorum vitijs & defluvijs ob signaturam conferre capillum Veneris, polytrichum aureum, rutam murariam, muscum capillarem, & spongiolas illas, quæ cynorrhodo adnascuntur, de quibus modò diximus, abrotanum, rorem solis, lanuginosum verbascum, muscum arborum.

*Oculorum
signaturam
habentia.*

Oculis ea mederi dicunt, quæ sunt luminosa & splendida, & Soli vel calore vel alia signatura ita cognata, ut spiritum solarem ea gubernare inde colligi posset; qualia sunt flos Solis, Helenium, hypericum, Heliotropium, crocus, Solsequium, chelidonium, flores tiliæ, Buphthalmum, aurum, Sapphirus. Item, quæ signaturam oculorum habent, ut euphragia, sicut & uva lupina, quæ sua bacca oculi signaturam habeat, calidisque oculorum affectibus medeatur. Eandem signaturam floribus suis referre buphthalmum, chamæmelum, calendulam, anserinam.

*Aurium
signaturam
habentia.*

Signaturam aurium habere folia asari, quæ auditum & cerebrum roborant; auriculam muris, quæ vermes in auribus enecet; cyclamini folia, cujus radices tinnitui aurium & surditati prosint.

Dentium

Dentium signaturam habere radices filicis *Dentium
signaturam
habentia.*
illas, quæ squamarum more sibi incumbunt
& dentes referunt, doloribusq; dentium me-
dentur, eos vacillantes confirmant, scorbu-
ticisq; profunt. Item semina granatorum
& nucleorum piceæ, qui & ipsi dentium do-
loribus medeantur: ut & hyoscyamum, cujus
folliculi semen continentes dentes molares
referant, & dentium dolores mitiget.

Pulmonibus ea esse cognata dicunt, quæ *Pulmonum
signaturam
habentia
ysq; pro-
pria.*
Mercurio & Jovi subjiuntur, quæque spon-
giosa sunt, rara, laxa, pensilia, humore te-
nui concreta, ut sunt pulmonaria arborea,
muscus arboreus, qui inde Germanis **Lung-
Frank** appellatur, plurimisq; pulmonis mor-
bis utilis est: pulmonaria maculosa, tussila-
go, digitalis, cervicaria, scabiosa, rosma-
rinus. Item ea, quæ calore aëreo abundant,
& lanugine vestiuntur, & colore accedunt ad
albedinem cum virescente mistam; ut verba-
sca, quæ ideò, quod aëre abundant, pulmonibus
& arterijs; imò ipsi cerebro dicata sint,
& proinde vi specifica juvent phthisicos, ce-
rebrum mundent, & destillationes longè po-
tentius prohibeant, quam eclegmata vulgò
usitata, althæa, prassium, veronica, botrys.

Cordialia medicamenta esse dicunt, quæ *Cordialia
& cordis
signaturam
habentia.*
sub dominio Solis sunt, & colore flavo, atque
aureo splendore, temperamentoque calido, &
odore,

giolas illas, quæ cynorrhodo seu sylvestrium
rosarum ramis adnascuntur, & somnum con-
ciliare, unde & à Germanis *Schlâff* &
Schlâffäpffel appellantur, & capillorum
defluyum sanare, quod etiam Plinius, *lib. 25.*
cap. 2. docuit.

*Capillis
propria.*

Capillorum vitijs & defluyjs ob signatu-
ram conferre capillum Veneris, polytrichum
aureum, rutam murariam, muscum capilla-
rem, & spongiolas illas, quæ cynorrhodo ad-
nascuntur, de quibus modò diximus, abrotan-
num, rorem solis, lanuginosum verbascum,
muscum arborum.

*Oculorum
signaturam
habentia.*

Oculis ea mederi dicunt, quæ sunt lumi-
nosa & splendida, & Soli vel calore vel alia si-
gnatura ita cognata, ut spiritum solarem ea
gubernare inde colligi posset; qualia sunt flos
Solis, Helenium, hypericum, Heliotropium,
crocus, Solsequium, chelidonium, flores ti-
liæ, Buphthalmum, aurum, Sapphirus. Item,
quæ signaturam oculorum habent, ut euphra-
gia, sicut & uva lupina, quæ sua bacca oculi
signaturam habeat, calidisque oculorum af-
fectibus inedeatur. Eandem signaturam flo-
ribus suis referre buphthalmum, chamæme-
lum, calendulam, anserinam.

*Aurium
signaturam
habentia.*

Signaturam aurium habere folia asari, quæ
auditum & cerebrum robovent; auriculam
muris, quæ vermes in auribus enecet; cycla-
mini folia, cujus radices tinnitui aurium &
surditati profint.

Dentium

Dentium signaturam habere radices filicis *Dentium signaturam habentia.*
 illas, quæ squammarum more sibi incumbunt
 & dentes referunt, doloribusq; dentium me-
 dentur, eos vacillantes confirmant, scorbu-
 ticusque profunt. Item semina granatorum
 & nucleorum piceæ, qui & ipsi dentium do-
 loribus medeantur: ut & hyoscyamum, cujus
 folliculi semen continentes dentes molares
 referant, & dentium dolores mitiget.

Pulmonibus ea esse cognata dicunt, quæ *Pulmonum signaturam habentia.*
 Mercurio & Jovi subijciuntur, quæque spon-
 giosa sunt, rara, laxa, pensilia, humore te-
 nuï concreta, ut sunt pulmonaria arborea,
 muscus arboreus, qui inde Germanis *Lung-
 frant* appellatur, plurimisq; pulmonis mor-
 bis utilis est: pulmonaria maculosa, tussila-
 go, digitalis, cervicaria, scabiosa, rosma-
 rinus. Item ea, quæ calore aëreo abundant,
 & lanugine vestiuntur, & colore accedunt ad
 albedinem cum virescente mistam; ut verba-
 sca, quæ ideò, quod aëre abundant, pulmon-
 bus & arterijs, imò ipsi cerebro dicata sint,
 & proinde vi specifica juvent phthisicos, ce-
 rebrum mudent, & destillationes longè po-
 tentius prohibeant, quam eclegmata vulgò
 usitata, althæa, prassium, veronica, botrys.

Cordialia medicamenta esse dicunt, quæ *Cordialia
 & cordis signaturam habentia.*
 sub dominio Solis sunt, & colore flavo, atque
 aureo splendore, temperamentoque calido, &
 odore.

odore, ceu radiis exeuntibus Solem referunt, aut cor figura æmulentur; ut sunt aurum, poma aurantia, citria, granata, cydonia, melissa, nux moschata, trifolium acetosum, anacardium, quod palpitacioni cordis à flatibus medetur, laurus, radices anthoræ, quæ venenis adversentur & cordis palpitacioni, nardus, crocus, hypericum, helenium. Esse tamen quandam inter hæc differentiam admittunt. Nam in universum cordi prodesse, ejus vires augere, contra venenuum munire, melancholicos affectus & syncopen inhibere, aurum, melissam & poma aurantia. Reliquas in certis dyscrasijs exhiberi, ut in frigida & humida, cortices citri, nardum, laurum, calamintham; in calida ac febribus ardentibus succum, mali citri & granati; venenis resistere, crocum, hypericum, citrium malum. Ad humores excrementitios circa cor discutiendos plurimum prodesse helenium: in spirituum defectu nucem moschatam & macim, ac in primis vinum,

*Epatica
& epatis
signaturam
habentia.*

Epati appropriata esse scribunt, quæ sunt sub dominio Jovis, & aliqua ex parte Martis; quæ sunt colore purpureo & sanguineo, temperamento calido & humido, vel epatis signaturam habent, ut sunt flores caryophylli sylvestris & hortensis, buglossum, hepatica, aloë hepatica, trifolium aureum, glycyrrhiza, radices betæ, uvæ passæ, bellides, aspa-

asparagi, borrago, rosæ rubræ, anchusa rubia
 tinctorum, lichen, quæ obstructiones epatis a-
 perit, & hinc Germanis **Brun oder Stein-**
lebertraut nominatur.

Vesiculæ verò fellis in epate magis mederi,
 quæ colorem habent flavum, tenuemque ef-
 sentiam; ut sunt agrimonia, eupatorium,
 chamæpithys, rhabarbarum, centaurum mi-
 nus & majus.

Lieni dicata, quæ sub dominio Saturni *Splenetica
 & splenis
 signaturam
 habentia.*
 sunt, colore fusco, terrestri & subviridi præ-
 dita, tortuosam corporis dispositionem ha-
 bent, in locis declivibus, convallibus, uligi-
 nosis, in putridis arboribus crescunt, splenis-
 que signaturam obtinent, qualiæ sunt, vera-
 trum nigrum, polypodium quernum, sena,
 tamariscus, ceterach, lingua cervina, tri-
 chomanes, asarum, lapis Lazuli, armenus,
 tartarum vini.

Ventriculo conferre ea, quæ humorem ha- *Stomachi
 & ventri-
 culi signa-
 turam ha-
 bentia.*
 bent fortem, densum & crassum, & ventriculi
 signaturam habent, ut Zinziber, nucem mo-
 schatam, angelicam, levisticum, Smirnum,
 pastinacam, carvi, cuminum, olusatrum, gin-
 gidium, fœli, raphanum, cæpam, scillam,
 allium, radices aronis.

Renibus & membris generationi dica- *Renibus
 propria.*
 tis convenire medicamenta, quæ sunt sub
 Veneris & aliqua ex parte Lunæ dominio

vel puro vel cum Marte misto, signaturamq; præferre suam humore seminali, odore & gustu salaci, figura testiculorum aliaque cognata. Et Renibus quidem dicata esse universaliter camphoram, umbilicum veneris, Satyria, orchides, rosas albas, radicem polygonati, radicem cavam, tribulum aquaticum, been album & rubrum, Moschum, Zibetum, nucem moschatam, phaseolos.

*Testium
signaturam
habentia
ijsq; pro-
pria.*

Testibus vel membris genitalibus esse familiaria Satyria, Orchides, bulbos, lilium album, narcissum, aronem, qui caule & bacis membrum virile referat, & insignem vim frigiditatem membrorum genitalium in viris corrigendi habeat, nucem moschatam, tribulum aquaticum, crassulam, peram pastoris, nymphæam luteam & albam, Struthion. Itaque si partium harum vis luxuriat, eam suppressi posse plantis, quæ sunt sub dominio Saturni, quæ tamen loci ratione à Venere & Luna multum acceperint, ut nymphaea, nucleis tribuli aquatici. Si verò languescit vis naturalis, instaurari Satyrio, orchidibus, bulbis & similibus.

*Vesicæ ap-
propriata
& similia.*

Vesicæ appropriata esse, quæ sunt sub Saturni & Lunæ dominio, & vesiculis aut folliculis, quibus aut liquorem aut semen continent, vesicæ signaturam præ se ferunt, & in locis aquosis nascuntur; qualia sunt alke-

alkekengi, staphylodendrum, folliculi senæ, periclinenum, hypocistis, semen plantaginis, fructus asparagi, melanthion & similia. Ita omnes plantas, quæ lapillos referunt, calculos frangere, ut semen milij Solis, saxifragiæ albæ radices, lapidem Spongiæ, Judæicum, lapides cancerorum, percarum.

Utero convenire, quæ sub Lunæ, Veneris, *Uteri signaturam habentia.* vel Saturni sunt dominio, & uteri signaturam habent, ut flores Aristolochiæ longæ, radices aristolochiæ rotundæ, bryoniæ, cruciatam, flores primulæ veris, flores liliorum alborum, asarum, antheram rosarum & liliorum alborum, digitalem, melissophyllon, calamintham, meum lapidem ætitem, item quæ, quod excernantur, purgationis menstruæ signaturā habent, ut Sagapenum, opopanax, myrrhā, asafœtidā. Ex quib. pro diversis uteri affectibus convenientia medicamenta eligenda docent. Ex. gr. humido utero convenire primulam veris, aristolochiam longam, asarum, si ex ijs balneum paretur. In menstruorum suppressione, myrrham, sagapenam, asarum, Calamintham, meum, radices aristolochiæ longæ. Ad partum facilitandum flores Aristolochiæ longæ, antheram liliorum alborum, rosarum, lapidem ætiten: ad facilem conceptionem infestus ex decocto foliorum populi albæ cum floribus liliorum alborum. Impedire verò conceptum struthium, cum asaro.

*Intestinorū
signaturā
habentia.*

Intestinorum signaturam habere, quæ longas corporis circumflexiones habent; ut lupulum rubum, cidæum & vulgare, œnanthen, volubilem, amaram dulcem, vitem nigram, hederam, vitis viniferæ capreolos, sarsam parillam, cuscutam.

*Linguae si-
gnaturam
habentia.*

Linguam repræsentare statuunt cynoglossum, buglossum, linguam cervinam, linguam avis.

*Manuum
& pedum
signaturam
habentia.*

Manibus & pedibus assignant palmam Christi, & insignem in doloribus articulorum vim habere; hermodactylos, qui humores ab articulis evacuant, ricinum, saniculam, leontopodium, & ad tremorem manuum & chiragiram, talia prodesse putant.

*Planta
aculeata.*

Contra dolores pungentes & acutos prodesse docent herbas, quæ aculeata habent folia, ut carduum mariæ, carduum benedictum, eryngium, juniperum.

*Planta no-
dosa.*

Plantas, quæ nodosas radices habent, contra tubercula & tumores varios utiles esse, quales sunt scrophularia, quæ ita dicta, quod scrophulis medetur; radices aronis minoris, chelidonium minus, radices asphodetli, liliorum alborum, ranunculus bulbosus, cæpa, alium, agarius.

Plantas, quæ perforatæ sunt, aut quæ figuram securis, ferræ, vel rei alterius vulnerantis referunt, vulneribus mederi, ut hyperici species, perfoliatam, lunariam minorem, consolida maracenicam, saniculam, betonicam, ferra-

ferratulam, lunariam minorem, securidacam, balsaminam fœminam, geranium, millefolium, verbenam, agrimoniam.

Plantas omnes, quæ succum lentum & glutinosum habent, item quæ gumini & resinam fundunt, vulnera consolidare docent; ut consolidam majorem, fabariam, althæam, malvam, florem seu coronam Solis, viscum, Nicotianam, aloen, myrrham, thus, sanguinem Draconis, terebinthinam, mastichen, gummi elemi, sarcocollam.

Plantas, quæ maculosa & squamosa quasi folia habent, scabiem, & omnis generis cutis fœditates sanare referunt: quales sunt scabiosa, succisa, oxylapathum, scrophularia, polypodium, filix, lingua cervina, asplenium, Sabina.

Plantas, quæ serpentis, scorpionis, vel alterius animalis venenati figuram obtinent, eorum moribus mederi statuunt. Serpentariam pimirum majorem, quæ serpentem repræsentat, item Spinam albam, in qua acutæ spinæ habet similitudinem dentium serpentis, morsum serpentis sanare: Orchidum illam speciem, quæ à florum similitudine *ὀρχίς* appellatur, apum ictibus conferre; Psyllii semen, quod pulices refert, fugare pulices: quæ caudâ scorpionis referunt, ut Scorpioidum varia genera, flores, Heliotropii, magnas vires ad plagas

*Animalium quo-
rundam si-
gnaturam
habentes
Plantæ.*

Scor-

Scorpionum sanandas obtinere. Huc referunt Scorzoneram, dracunculum majorem, chondrillam, Aristolochiam longam, ophioglossum, allium colubrinum, aconitum pardalianches, echium, doronicū, ocymastrum, heliotropiū majus. De quib. plura videantur apud Joh. Bapt. pertram Quercetanū, in tract. de signat. rerum extern. & Crollium de signatur. rerum internis, qui prolixè hac de re agunt. Quercetanus tamen pro internis signaturis non illam figuræ, conformationis & colorum constitutionem cuique plantæ peculiarem intelligit: verum omnium virium ex tribus principijs, Sale, Sulphure & Mercurio investigationem. Nam sapores à sale esse dicit, odores à sulphure, colorem ex utrisque, sed potissimum à Mercurio provenire, & propterea plantas in his aliter atque aliter dispositas esse, prout plus de alio, de alio minus participant.

*Signaturæ
plantarum
an aliquid
inducant.*

Quæ omnia rejicienda non existimo, neque cum Libavio, in *Alchymia triumphante* pag. 537. & in *typo artis Medica* p. 125. facile dixero; fortuitum esse, si respondeant res externis formis. Neque enim figuræ externæ plantis fortuito obtigerunt; sed à facultate formatrice, quæ hanc vim à creatore Optimo Maximo accepit, impressa est. Et à quo, forma nimirum, pendet rei essentia, omnesque internæ proprietates: ab eodē etiam producta est forma & figura externa. Etsi verò quid pleræque figuræ

figuræ & colores plantarum indigent, & quo fine à sapientissimo Creatore ijs inditæ sint, nobis ignotum sit: tamen cum experientia testetur, in multis externas figuras virium internarum indices esse, eas non planè repudiemus; sed suus, inter reliquos facultates medicamentorum investigandi modos, locus signaturis relinquatur. Præcipuè cum Galenici ipsi longa experientia compertum habent, ea ipsa medicamenta pleraque, partibus, quarum signaturam habent, dicata esse atque inservire. Exempli gratia: Pœoniam, papaver, ut dictum, capiti & cerèbro; herbas capillares, capillorum vitijs mederi; radices filicis dentium dolorem curare; cordi prodesse mala citria; pulmonibus, muscum arboreum; spleni, linguam cervinam, ceterach; utero, aristolochiam rotundam, radices bryoniæ; vesicæ alkekengi; testibus, Satyrium & orchides; calculo, semen milij solis, radices saxifragiæ albæ, & alia plurima ex modo enumeratis. Omnino enim in his delecto habendus: Estq; in quibusdam signatura manifestior, quam in alijs, & quorundam vires magis perspectæ quam aliorum. Neque etiam huic signo soli, vel ut primario, fidendum: sed experientia inprimis consideranda est. Neque etiam cum Empiricis in quolibet capitis affectu medicamenta, quæ capitis figuram habent, exhibenda, sed vires propriæ explorandæ, & quod saniores Chymici etiam faciunt, morbi natura consideranda.

derando. Quis enim tam fatuus est, ut nucem moschatam, quæ sano, si moderatè sumatur utilis (nam etiam appropriata immoderatè sumta nocere possunt, ut in croco videre est) in phrenitide aut alio affectu capitis calido exhibere velit.

Neque illud quoque de nihilo est, quod singulis Planetis peculiares plantas subjiciunt. Experientia enim testatur, cælum in hæc inferiora agere, non solum calore & lumine, sed & occulta influentia. Ac cum stellæ quælibet peculiares vires habeant, hinc accidit, ut aliæ cum alijs rebus sublunaribus majorem sympathiam habeant. Verum hæc non hodie primum à Chymicis inventa, sed dudum ab Astrologis proposita sunt; de quibus omnibus prolixè tractat Joh. Baptista Porta in Phytognomonicis.

An verborum & characterum aliqua vis sit.

Secundo loco occurrit quæstio; *An in medicina verborum & Characterum aliqua vis sit?* Et si enim Galenici solum Medicamentis ex mineralibus, vegetabilibus. & animalibus petitis utantur: Paracelsus tamen verba & Characteres addit, & morbos alijs remedijs incurabiles verbis & Characteribus curari posse statuit. Ita enim Paracelsus, *lib. 1. Philosophiæ sagacis c. 6. scribit: Naturæ vires suas in verba imponit, sicut in herbas & radices: ita in Gamaheos.* Et postea: *Imagines & characteres dicit esse pixides, in quibus magus siderum vires asservet.*

Ag

Ac pluribus hac de re agit, in lib. de occult. a. *Philosophia*, titulo de characteribus, ubi morbos, qui nullo alio remedio, neque auto potabili, neque quinta essentia auri, neque quinta essentia antimonij curari possunt, Characteribus curari posse statuit; & fas esse hoc facere scribit, quoniam in hominis salutem cedat. Imò integrum esse, à Diabolo remedia accipere, ut supra è libro de origine morbor. invisibilium dictum est.

Verum primò verba quod attinet, quamq; vox ipsa naturalis sit: non tamen significant *Verba quid*
es que en-
rum vis,
 φύσιν sed βίαν, non natura sed pacto, & ex hominum conventionem. Nam si significatio naturalis esset, & ex sua natura significarent verba, ea omnes intelligeremus, nec tanta esset linguarum varietas, nec unum verbum, apud diversos Gentes diversa significaret. Cogitatio quidem apud omnes eadem est: sed verba seu notæ, quibus exprimitur, sunt diversissimæ, atque eadem etiam verba apud diversas gentes diversissima significant. Cum ergo primi inventores verba tantum notas rerum esse voluerint; quibus animi sui sensa declararent: præter hoc nullam vim habent verba, nec aliquid operantur. Nam omne principium operationis, quo alterantur & mutantur corpora, qualitas est, naturalisque potentia; resque per qualitates sunt efficaces.

Quod

*Verba igno-
ta & pere-
grina.*

Quod verò verba ignota attinet, docuit quidem Paracellus, *lib. 1. Philosoph. sagac. c. 6.* naturā vires suas in verba imposuisse, sicut in herbas & radices. Verum dicit hoc, non probat. Hoc potius verum est, quòd de mysterijs Ægyptiorum, *cap. de divinis nominibus*, Jamblichus Porphyrio querenti, cur Sacerdotes utantur nominibus quibusdam nihil significantibus, respondit; *omnia ejusmodi nomina significare aliquid apud divos seu Demones.* Demones nimirum suis cultoribus olim indicarunt, quibus verbis, signis & imaginibus coli & invocari vellent: atque ita ex pacto valent. Ideoque si aliqua eorum efficacia deprehenditur: ea non verborum est, quatenus verba, sed verba illa valent ex pacto, & quidem eo, quod initum est cum eo, qui primus eam disciplinam à Diabolo accepit. Unde accidit nonnunquam, ut ijs, qui talia verba & conjurationes legunt, etsi non intelligant, quid significant, nihilominus Diabolus ex pacto adsit. Cujus rei exemplum recenset Martinus Delrio, *disquisit. Mag. lib. 2. q. 29. sect. 1.* de Cornelio Agrippa, qui cum Lovanii commensalem haberet nimis curiosum, accidit, ut peregrè abiret aliquando Agrippa, & uxori, quam postea repudiavit, claves musei traderet, addita prohibitionem, ne quem ingredi sineret. Cum verò importuna & instanti petitione copiam ingrediendi impetrasset Adolefcens, ac in libellum conjurationum incidisset, & in

co

eo legisset, janua pulsatur; & cum ille legendo pergeret, iterumq; janua pulsaretur, nec juvenis responderet, Dæmon ingreditur, quaritque cur vocatus esset, territoque ob metum juveni nec respondenti fauces & spiritum interclusit. Ergo si quid verbis perficitur, à majore & superiore vi id omne dependet, & ex pacto cum Dæmonibus, qui ita illudunt hominibus, iisque persuadent, verba præstare, quæ ipsi perficiunt, verbis illis ex pacto provocati.

Quod verò verba sacra attinet, abusus hic illorum est longè maximus. Paulus enim, *2. ad Timoth. cap. 3. v. 16.* Omnes usus sacræ scripturæ exprimit, *ἡ ὅλη γραφή*, inquit, *θεόπνευτος ἐστὶν ὁ φέλιμος πρὸς διδασκαλίαν, πρὸς ἐλεγχόν, πρὸς ἐπανόρθωσιν, πρὸς παιδείαν τὴν ἐν δικαιοσύνῃ.* Hujus verò usus nullam mentionem facit. Neque lingua Hebræa, Chaldæa, vel quæcunque alia hic majorem vim habet, quam reliquæ.

Auger. Ferrerius, *lib. 2. Method. cap. 11.* peculiarem hac de re habet opinionem. Is enim cum & antiquos Medicos hoc curandi genus usurpasse legeret, ut apud Trallian. *lib. 9. c. 4. lib. 12. cap. 7. lib. 10. c. ult.* Aëtium, & alios videre est: recentioribus verò ad sanguinis profluvia, ad Epilepsiam, ad partus difficultatem, ad febres, vulnera, fistulas, luxationes, hernias talia non parva usurpari videret; ut ex Fernel. *lib. 2. de abditis rerum causis c. 16.* patet:

Q 9

Expe-

Verba sacra.

Augerii Ferrerii de verbis & characteribus opinio.

Experientiæ & tot illustrium virorum auctoritati fidem habendam esse existimat, & ijs quæ sensibus exposita sunt, contra venire, sani hominis non esse; Doctorum verò experientiam inficiari, temerarium esse putat.

Curationis autem eventum non è Characteribus, non ex carmine provenire scribit, sed ex vi animi confidentis & cum patiente concordis. Tantamenim vim esse animi nostri, inquit, ut, si quid sibi persuaserit honesti, atque in ea persuasione firmiter perseveraverit, id ipsum, quod concepit, agat & potenter operetur: modo alterius, in quem agit, animum non habeat repugnantem ac diffidentem. Nam si fidentem & adjuvantem habuerit, citius quod intenditur perfici: si neque fidentem, neque diffidentem, nihilo minus vim animi agentis operari. At si forte æger diffidat, aut planè ridiculum existimat remedium, aut circumstantes habeat, qui fidem elevent & remedium coram illo contemnunt, præcantanti nullā vim esse, quia persuasioni suæ repugnantem habeat alterius animum. Si verè citra fidem ad incantandum accesserit, operam ludere; nisi fortè tam stupidum alterius animum nanciscatur, ut simulatione se decipi non sentiat.

Verum nec hæc Medicì aliàs docti opinio toleranda est. Nam cum imaginatio, cogitatio & animi persuasio sit actio immanens, neque

que ex corpore in patiens transeat: aliquid in alieno corpore operari non poterit; neq; verbis aliquid à loquente, quæcunq; etiam cogitet & imaginetur, in rem, quæ incantatur, derivabitur. Et si Medici firma persuasio est principalis causa hujus curationis, qui fit, quod non quibuslibet verbis curatio perficiatur, sed definitis quibusdam? Nam et si Ferrerius puret, virum doctum & sibi constantem non solum, quæ vulgo probata dicuntur, verum quoque alia à se inventa, vel quæcunq; illi ad manum aut in mentem venerint, usurpare posse: tamen nondum ejus rei specimina edita sunt sed certis quibusdam carminibus verbisque vis ea ab authoribus tribuitur: aut si quibuslibet idem potest fieri, causa non est in Medico, sed in ægroto, ut mox dicetur. Et si vis curandi, ut ipse Ferrerius concedit, non est in carminibus & verbis, sed in cogitatione ac imaginatione Medici; quid opus verba accedere? & cur Medicus tacitus, non id præstaret, quæ loquens?

Nimirum si verba aliquis effectus sequitur, quem ex se habere non possunt, necesse est, ut fiat à Dæmone, ut antea dictum: aut si Dæmonis auxilio id non perficiatur, vi imaginationis ægri perficitur; qua ratione ipse Hippocrates fiduciam ægri ad morbi depulsionem conferre dixit. Id quod ipse Ferrerius confutetur; dum scribit, si æger diffidat, aut re-

*Vis, quam
verba habere
videntur,
unde?*


medium tale ridiculum existimet, incantationis nullam vim esse possit: Contra verò etsi Medicus citra fidem & persuasionem ad incantandum accesserit, nihilominus effectum sequi, modò æger Medico incantanti fidem habeat, & tam simplex ac stupidus sit, ut simulatione se decipi non sentiat.

*Characte-
res.*

De Characteribus & Sigillis fere eadem ratio est. Equidem non Paracelsus primò vel Chymici Characteribus & sigillis aliquam vim tribuerunt; sed jam olim Astrologi & hos secuti quidam Medici, atq; imprimis Magi.

*Magia eri-
go.*

Nam ut Plinius hac de re scribit, *lib. 30. natural. hist. cap. 1. Magia fraudulentissimum artium plurimum in toto terrarum orbe plurimisque seculis valuit. Auctoritatem, idem inquit, illi maximam fuisse, nemo miretur: quandoquidem sola artium tres alias imperiosissimas humanæ mentis complexa in unam se redigit. Natam primò in Medicina nemo dubitat, ac specie salutari irrepsisse, velut altiore sanctioreque, quam Medicinam. Ita blandissimis desideratissimisque promissis addidisse vires religionis, ad quam maxime etiam nunc caligat humanum genus. Atque ut hoc quoque suggererit, miscuisse artes Mathematicas, nullo non avido futura de se sciendi, atque eacelo verissime peti credenti. Ita possessis hominum sensibus triplici vinculo in tantum fastigium adolevit, ut hodie etiam in magna parte gentium prevaleat, & in oriente Regum Regibus imperet. Et revera ita, ut Plinius scribit, sese res habet, passim-*

passimq; ex Medicorum & aliorum libris patet. Antiquum jam esse, jaspidi draconem insculpere & annulis inferere, ex Galeni, *lib. 9. de simplic. Medicam. facultatibus, cap. de lapidibus*, videre est. Alexand. Trallian. *lib. 10. in fine*, Herculis erecti suffocantis Leonem imaginem lapidi insculptam ac annulo aureo inclusam Colicæ mederi scribit: atque ibidem, quasi rem sacram & non nisi sacris hominibus communicandam, contra Colicam hunc anulum commendat. Decimo septimo vel 21. die lunæ accipere jubet anulum ferreum, ac circulum ipsius octangulum efficere, atque in octangulum inscribere, $\Phi\epsilon\upsilon\gamma\epsilon\ \Phi\epsilon\upsilon\gamma\epsilon\ \iota\delta\ \chi\omicron\lambda\eta\colon\ \eta\ \kappa\omicron\upsilon\epsilon\upsilon\delta\alpha\lambda\omicron\varsigma\ \epsilon\zeta\ \eta\tau\epsilon\iota$, Fuge fuge, heu bilis: alauda quærebat. Subiectum autem signum  in annuli caput scribere jubet. Et *lib. 10. cap. 1.* contra podagram commendat laminam auream, in qua, Luna in libra vel leone consistente inscriptus sit versus Homeri: $\pi\alpha\tau\epsilon\rho\acute{\eta}\chi\eta\delta\ \delta'\ \alpha\gamma\omicron\rho\alpha\colon\ \psi\alpha\pi\omicron\delta'\ \epsilon\varsigma\ \sigma\upsilon\nu\alpha\chi\acute{\iota}\zeta\epsilon\tau\omicron\ \gamma\alpha\iota\alpha$. qualia passim alia quoque habet Trallianus. Plurimos verò tales Characteres proposuit Paracelsus, in *lib. archidoxeos Magic*. Ipse tamen, in *lib. de Philosoph. occulta cap. de Characteribus*, omnibus Characteribus, signis, pentaculis, sigillis præfert duo; unum, in quo certæ figuræ inscribitur nomen Adonai; alterum, in quo itidem peculiari figuræ inscribitur quinque syllabarum nomen Dei tetragramaton. (quasi verò tetragramaton nomen Dei sit) Atq; hæc sigilla

contra Dæmones omnesque incantationes prodesse & mira præstare scribit. Neque eo modo se nomen Dei prophanare aut invanum usurpare putat: cum istis utatur in hominis commodum, morbosque ab incantatione ortos & nullo alio medicamento curabiles hisce medijs curet.

*Characte-
rum his un-
de.*

Verum non sunt facienda mala, ut eveniant bona. Neque dum monstravit Paracelsus, Unde hæ figuræ suam efficaciam habeant: etsi confidentissime scribat, eas è fundamento veritatis provenire. Nec alij, qui Characteribus efficaciam aliquâ tribuerunt, ut Pomponatius, Alb. Magnus, & Astrologi in reddenda effectuum, quos Characteribus & sigillis assignant causa sibi constant.

2. Opinio.

Quidam è cœlo vires istas deducere conantur & quidem alij aliter. Conciliator, *differentia* tot. ex illo Ptolomæi, *in centiloquio*: *vultus sublunarium subiectos esse vultibus cœlestibus*, id est, species animalium mundi interiores subijci cœlestibus imaginibus, statuit cœlestem scorpionem inferis dominari scorpionibus; serpentem serpentibus.

Verum sit sane (quod tamen nondum ab ijs probatum) Scorpiones inferiores subijci signo scorpij in cœlo: sed quid hoc ad scorpionem gemmæ insculptum? Certè sculptus vel pictus canis vel scorpius non est sub eodem genere cum cane vel scorpione animali.

Alij vim illam instillari sigillis à cœlo & stellis

stellis dicunt, spiritumque astralem in ea influentem & immissum in mundo sublunari, metallis, lapidibus & plantis illis se non accommodare tantum, verum etiam in eorum substantiam occultè sese ingerere, cum quibus mutuum & sympatheticum in prima creatione adeptus est consensum, familiaritatem mox & continuationem.

Verum concedatur sanè, cœlum & stellas nō tantum, quod vult in hac quæstione Erast. *part. 1. Dissut. adversus Paracels. pag. 151.* hæc inferiora calefacere & illuminare, atque hoc modo, ut causam generalem & communem tempore quolibet unum effectum rebus cunctis demittere: Sed statuatur etiam, certas stellas peculiare vires per occultas influētias in hæc inferiora ingerere, & ea, cum quibus habent familiaritatem, peculiariter afficere, atque aliā stellā cum Smaragdo, aliā cum Adamante, aliā cum Rosa, aliā cum alia planta, habere familiaritatem. Verum quid ad hoc faciūt figuræ & characteres insculpti & adscripti? cur illas suas vires astra non æquè in metallā vel gemas integras, nullisq; characteribus insignitas infundunt, quàm in eas, in quas tales characteres insculpti sunt? Certè Pæonia justo tempore collecta, aliæq; plantæ, atque alia omnino omnia, quæ amuletorū naturaliū loco usurpantur, vires suas exserunt, Magnes trahit ferrū & movetur ad polum, sine omni figura vel characterē insculpto; Unde rectè, ut supra dictum,

Galenus statuit, Jaspidem easdem habere, si-
ve illi signum Scorpij insculpatur, siue non.

3. Alij ita se expedire conantur, dum dicunt. Individua, cum incipiunt esse, sub determi-
nata cōstellatione accipere mirabilem quan-
dam facultatem operandi vel patiendi, præ-
ter eam, quam habent à specie. Sed sit hoc
ita: tamen gemma vel metallum non tunc
fieri incipit, cum sculpirur, sed antea erat, &
quidem individua substantia erat, atque ex
ipforum etiam sententia astralis spiritus & vis
in substantiam, cum qua *συμπάθειαν* habet,
sefe insinuat. Inter substantias nimirum na-
turales est occulta quædam familiaritas &
συμπάθεια, non verò inter substantias natu-
rales & figuras artificiales.

4. Alij in ea sunt sententia, figuram quidem
non esse principium operationis, sed tamen
ad operationem plurimum conferre. Nam
deformis figura in animo hominis tristitiam;
pulchra, gaudium adfert: & per instrumen-
ta artificium, pro ratione figurarum, variæ,
sunt operationes, alia per ferram, alia per se-
curim.

Verum nec hæc alicujus sunt momenti.
Quæ enim est pulchritudo vel deformitas
in imaginibus & characteribus hisce? &
quid ad illam pulchritudinem varia nomina
& quidem ignota faciunt? Instrumenta
artifi-

artificum quod attinet, facit figura quidem ad operationes, quæ fiunt per motum localem; non verò ad operationes, quæ per alterationem fiunt; in his figura nihil potest. Gemmæq; si quas vires naturales habent, sub quacunque figura illas exserunt; scribitq; Galenus de Jaspide, *loco supra allegato*, se ejus vim æquè expertum fuisse, sine figura scorpionis, ac cum ea.

Nec; alij etiam quid probabile saltem pro Characterum & sigillorum viribus hætenus adferre potuerunt. Et qui possent tam absurdorum dogmatum rationes & causas reddere; cum sigilla non solum morbos depellere; sed alia etiam hominibus omnibus gratiosum, reddere; alia scientiam, ingenium, memoriam; alia principum favorem, alia victoriam in bello & causis Civilibus, alia felicitatem in aucupio, piscatura, venatione, mercatura; alia amicos fidos conciliare; alia hominem ad summos honores evehere; alia omnium votorum hominum compotem reddere, & nescio, quæ alia præstare scribant?

Vires quas characteribus adscribunt.

Duo enim sunt in Sigillis, Materia & character, quorum neutri illa vis adscribi potest. Materia à Natura est, & vires istas non habet, quod ipsi confitentur; & si haberet, sine figura & characterẽ haberet; quomodo magnetem ferrum trahere, & alias gemmas suas vires sub quacunque figura & sine characteribus habere constat, ut antea dictum. Characteres

Characterum vis resutatur.

*Vis agendi
unde.*

ab artifice sunt, & vires istas nec ab artifice, nec à seipsis habere possunt. Characteres enim sunt ab idea in mente artificis, quæ in exteriora non agit. Ex se vero nihil nisi figuræ sunt. Figurarum autem in agendo nulla est efficacia, ut pote quæ qualitates saltē quantitatis sunt. Omnis enim agendi vis est principaliter à substantia, quæ per suas qualitates est efficax. Atque actio est inter contraria ejusdem generis, qualia non sunt naturalia & artificialia; inter quæ Characteres. Nec artificialia in naturalia agunt, eaque alterant & afficiunt, quatenus talia: sed in ea agunt, quatenus materiam naturalem habent: & contra res naturales non alterant aut afficiunt res artificiales, quatenus tales; sed quatenus ex materia naturali constant. Et proinde imagines vel nomina insculptæ materiæ nihil per se præstare possunt, materiaque si afficiatur à cœlo, æquè afficitur si nullam imaginem sculptam habeat, ac si habeat; nullamq; peculiarem vim cælestium corporum influxus recipiendi Characteres, figuræ ac verba materiæ insculpta ei tribuere possint.

Neque etiam à cœlo vires has accipere possunt. Licet enim materia, è qua facta sunt, vires aliquas à cœlo accipere posset: tamen illam recipere posset sine characteribus, neque hactenus ulla probabili saltem ratione,
monstra-

monstratum est, ad influentiam & vires astro-
rum recipiendas aliquid facere posse tales
characteres. Neque characterum cum cælesti-
bus similitudo aliqua huc facit, cum rerum
cum rebus, non artificialibus imaginibus ea-
rum consensus sit: & præterea imagines con-
stellationibus & Asterismis ex hominum ar-
bitrio & voluntate docendi causa impositi
sunt, qui asterismum, quem piscē aut sagitta-
rium nominant, alio nomine appellare po-
tuerunt: sicut hoc seculo Hollandi signis illis
meridionalibus, quæ in suis navigationibus
observarunt, liberrimè & pro suo arbitrio
nomina imposuerunt.

Cum ergo ex nulla naturali causa vis ali-
qua sigillis & Characteribus adscribi possit,
Sicut Paracelsus, Arnoldus de villa nova
Thurneiserus & recentiores alii multa de his
producunt, si in ijs aliqua efficacia deprehen-
datur, ea vel imaginationi adscribenda, ut an-
tea de verbis dictum, omnibusq; notum est,
maximam vim esse imaginationis: vel si abs
hac sit, à causa supernaturali illa pendeat ne-
cesse est: & quidem à Dæmonibus, qui Chara-
cteribus talibus, ut pacti, quod olim cum suis
cultoribus inierunt, signis tacitè invitantur
& advocantur. A gentilibus enim surpersti-
tioni & Idololatriæ deditis talia ortum ha-
bent Dæmonesq; talia sigilla & characteres
quasi tesseræ militares sibi constituerunt.

Et

*Contra
Phædro-
nem,*

Et proinde ex pacto sive implicito sive explicito valent, eo nimirum, quod Diabolus cum eo iniit, qui primus ab eo hanc disciplinam hausit. Agit nimirum id Diabolus, ut conficitas à se superstitiones confirmet ac stabiliat, easque hominum mentibus inferat, vel insertas confirmet & propaget, ac hominem à creatore suo medijsque ab eo creatis & in salutem hominum ordinatis ad se quocunq; modo avertat. Ideoque talia nihil aliud sunt, quam nocturnæ quædam Diaboli, quibus ad aucupia animarum humanarum utitur. Ac proinde tolerandum non est, quod Phædro, *in chirurgia minores*, scribit, in tali cura characteristica majora & miraculosiora delitescere abscondita mysteria majorum Patrum & antiquorum Prophetarum, quam fas sit profari. Debuisset homo temerarius prius demonstrare, vel à Deo & natura, vel arte characteribus & verbis constellatis, quæ appellat, tantam vim inditam esse, quam in alios Medicos ita debaccharetur, eosque blasphemos alastores, qui honorem Deo in summis & miraculosis Characteristæ curæ operationibus detrahant, nominaret. Is Deum honorat, qui Dei opera, qualia ab ipso condita sunt, contemplatur, admiratur & celebrat: In DEUM verò injurius & impius est, qui rebus vires, quas nec à Deo, nec ab arte acceperunt, tribuit.

Et patres primi ac antiqui Prophetæ, quos cura Characteristica usos scribit, non sunt ij, quorum

quorum in sacris literis fit mentio; cum talia superstitiosa ipsos adhibuisse, nullo argumento probari possit; sed illis, quorum in *Asclepio* fit mentio his verbis: *Quoniam proavi multum errabant contra orationem Deorum increduli & non advertentes religionem divinam, invenerunt artem, qua Deos efficerent, cui inventa adjunxerunt virtutem de animamundi convenientem, eamq; miscantes. Et quoniam animas facere non poterant, evocantes animas Daemonem vel angelorum eas indiderunt imaginibus suis divinisq; mysteriis, per quas sola Idola & benefaciendi & malefaciendi vires habere potuissent.* Atque alij omnes, qui Characteres istos probaverunt & defenderunt, damnatae Magiae & superstitionibus dediti fuerunt, Platonici scilicet, studiosissimi daemonum cultores, Cornelius Agrippa, Paracelsus & similes de Magia infami suspecti.

Neque valet, quod dicunt, talia fieri sine daemonum invocatione & adjuratione, alijsq; modis illicitis, sed vi naturali operari. Nam primò ipsis probandum erat, peculiares virtutes talibus sigillis, quas metalla & gemmae ex se non habent, inesse: quod nisi probaverint, mediis illicitis & à Deo non ordinatis, & in natura non propositis utuntur. Deinde et si pactum cum Diabolo & conjuratio explicita non accedit: implicita tamen adesse potest, agnoscitq; Diabolus istas quasi tesseras suis cultoribus semel propositas. Et quis eorum, qui

*Characteres Magici
tessera Diaboli.*

qui omnem superstitionem & idololatriam in talibus sigillis abesse defendunt, nobis explicare potest, quid illi miri characteres, & ut Apulejus nominat, ignorabiliter literati, & ignota verba, quæ apparent in sigillis à Paracelso, in *archidoxi Magica & alibi*, propositis significant, aut fidem suam interponere, illas figuras & ignota verba non Diaboli teferas esse, quibus suos cultores sibi devinxit? Quid studioso illi Lovaniensi in Museo Cornelij Agrippæ acciderit, supra dictum. Et æquè prohibitum ac nefas est, Diabolum implicite, quam explicitè & expressè colere. Unde prima Ecclesia gentibus ad Christianam fidem conversis mandat in actis Apostoli, ut abstineant ab idolothytis, seu ijs quæ Diabolo consecrata erant.

*An liceat
Magicis
auxiliis ad
morbos pel-
lendos uti.*

Sed, inquit, Paracelsus: Ergone ægri relinquendi & omni auxilio destituti deserendi erunt; cum medicamenta illa naturalia, & quæ morbis à naturalibus causis opitulantur morbis per veneficia & à Diabolo inductis nihil auxiliij adferant? Hic sciendum, primò falsum esse, nullos morbos per Magiam inductos, medijs naturalibus sanari posse: cum exempla talium morborum curatorum apud Medicos occurrant. Neque enim omnes morbi à Diabolo inducti sine causis naturalibus, sed sæpe ministerio rerum naturalium producuntur, qui proinde causis illis remo-
tis

ris per media naturalia tolluntur; accedentibus inprimis precibus, & firma in Deum fiducia. Ita obsessis quibusdam à Diabolo purgantia Melancholiæ medicamenta utiliter exhibita sunt; extantq; ejus rei historiæ in centurijs curationum Rulandi & alibi. Est enim humor Melancholicus, ut vulgò dicitur, balneum Diaboli. Sic per purgantia capilli, acus, ligna & alia miranda, quæ beneficio suspicionem non levem moverunt, vomitu & per alvum dejecta sunt, ægrique inde convaluerunt. Et sit sanè, ut nihil opis à medijs naturalibus in talibus morbis percipiatur: non tamen ad Diaboli auxilium confugiendum esse, jam supra pluribus monstratum. Omnia Diaboli auxilia suspecta & fraudulenta sunt, qui sanat corpus, ut lucretur animam, hominemque à Deo adversum sibi devinciat: morbusque quilibet acerbissimus; imò mors ipsa, sanitate à Diabolo impetrata optabilior.

Quid ergo, inquires; ægro agendum, si nec à medijs naturalibus auxilium sperari potest, nec à Diabolo auxilium petere licet? Contraria contrarijs curari recte dicunt Medici; idq; & hic observandum. Si ergo à Dæmone inductus sit morbus: auxilium divinum ei opponendum, illudq; precibus ardentibus animoque in Deum confiso implorandum. *In desperatis morbis quid agendum.* Dominus occidit & vivificat; deducit ad inferos & reducit; onus imponit, & tamen est salus nostra. Ipse invocandus in die afflictionis & eripiet nos: Ipse

624 CAP. XVIII. DE MEDICAMENT.

Ipse sanabit, quando & quomodo volet. Imò si Domino non placet à morbo liberare, nihilominus cum Davide dicendum: *Et si me occidat Dominus; tamen sperabo in eum.*

Curatio

Magnetica.

Cognata huic quæstioni est alia, de *curatione*, quam appellant, *Magnetica & vi amuletorum*. Multos rerum naturalium effectus esse, qui non per contactum corporum, sed virtualem, ut appellant, efficitur, nemo hodiè, nisi rerum naturalium plane ignarus, negat, Ita Galenus, 6. de *simplic. medic. facult.* titulo; *Glycyfida*, Pœoniam collo suspensam Epilepsiæ mederi scribit; quod & Fernel. lib. 2. de *abdit. rerum causis* c. 17. & alij Medici plurimi confirmant. Ungulam alcis spasimis prodesse, vulgò quoque notum. Aëritem femori alligatum partum promoveri, Dioscorid. lib. 5. c. 118. tradit, observavitq; idem Valeriola, lib. 1. obs. 10. De Satyrione Erithronio Dioscorid. lib. 3. cap. 127. & Plin. lib. 26. c. 10. scribit, vel manibus solum detentum libidinem vehementer promoveri. Sic lapis Hamatites & bubo exsiccatus, manibus tam diu detenti, donec incalescant, hæmorrhagias sistunt. Garcias ab orto, de *aromatibus Indici* lib. 1. cap. 53. refert, lapidi Alequecæ in India Orientali eam vim inesse, ut vel de corpore, suspensus sanguinem ex quacunque parte effluentem sistat. Tincam piscem admotum corpori Ictero mederi, omnemq; bilem in corpore effusam ad se attrahere, referunt Conrad. Gesnerus & Kentmannus.

mannus. Quanta lapidis Nephritici gestati saltem ad pellendum arenulas & calculos sit efficacia, cum alii docent, dum prolixè monstrat, Matth. Unzerus, *de Nephritid. lib. 1. c. 24.* Quis non audivit, contacta torpedine per tridentem, piscatoris manum obstupescere? Umbras quoque arborum quarundam noxias esse, notum est. Quis est, qui vel non viderit vel fando non audiverit, nonnullos conspectum felis, alios verò ejus, quam etiam non vident, in cista inclusæ præsentiam ferre non posse, sed animo linqui, nec melius habere, antequam felis remota sit?

Inter reliqua verò omnia cum admiranda vis sit magnetis, tùm in trahendo ferro, tùm in conversione ad polum: *actiones* ejusmodi, *Magneticæ* quæ, & unde dictæ. quæ sine contactu corporeo perficiuntur, à magnete κατ' ἐξοχλήν, *Magneticæ* hodie appellari solent. Quæ cum ita sese habeant, & tot passim experimenta suppetant, facere non possumus, quin actiones tales magneticas, quæ absque corporis contactu per occultam rerum sympathiam & antipathiam fiunt, admittamus. Sunt nimirum multæ rerum ἀνόρηται, quæ quidem sensibus non percipiuntur, à quibus tamen rerum, quæ se corporaliter non contingunt, occulta συμπαθεία & ἀντιπαθεία dependet. Et qui tales rerum consensus & dissensus negare velit, eum vel rerum naturalium summe imperitum, vel temerarium in

ijs, quæ experientia probantur, negandis esse oportet.

Erasti contra actiones magneticas sententia.

Neq; hic Th. Erasto, viro aliàs doctissimo, assentiri possumus, qui, *disput. contra Paracels. part. 1. pag. 187. & seq.* omnes tales rerum occultarum consensus negat, scribitque, maximam partem eorum, quæ de hac occulta antipathia & sympathia rerum scripta reperimus, vana falsaque esse; & se ex plurimis, quorum facere periculum licuerit, nullum invenisse, verum, præter quam, quæ rationem habent imperitis etiam agricolis cognitam: & quæ de gemmarum occultis viribus dicuntur, meras nugas esse; nihilque hac in parte veri esse concedit, nisi quod à manifestis Qualitatibus dependeat.

Verum enim vero anne & Magnes ferrum trahit & ad polum movetur ob manifestas Qualitates? Nullo modo certè. Quod cum negare non possit: ex uno naturæ miraculo non oportere plura ejusdem generis introducere, contendit. Verum talia miracula, si libuisset, plura in Natura observare potuisset: observantque alij viri docti talia non pauca. Et quamvis non negem, aliquam partem eorum, quæ passim apud autores existant, vana ac falsa esse: magna pars tamen vera est: etsi multa ex ijs eorum Philosophorum, qui Qualitatibus primis occæcati sunt, oculos effugiant: tantum abest, ut ab imperitis agricolis cognosci possint.

Neque

Neque magni momenti sunt, quæ, *part. 4. disp. contra Paracels.* contra amuleta, & quæ, quæ in distans fiunt, actiones affert. Cum naturalia *αἰῶν*, inquit, sive propter formam substantia effectricem, sive propter certum temperamentum rebus subjectis insint: non aliter mutantur, quam per sensibilium qualitatum alterationem, sive temperamenti mutationem. Quippe forma substantialis per se neque corrumpitur, neque mutatur non mutato temperamento, &c. Et mox: Certo certius est, pharmaca nulla potestate latente morbos abigere, nisi quæ causam expellere, vel morbum ipsum delere possunt.

Verum enim verò, malè præsupponit Erasus, nullas in rebus dari qualitates, præter eas, quæ fluunt à temperamento primarum qualitatum, aut si dentur, quæ fluant à forma, non mutari posse, nisi temperamento mutato sensibilium qualitatum. Experientia enim multiplici constat, dari multas occultas qualitates, quæ ab ipsa forma substantiali, non mediante temperamento primarum qualitatum, fluunt. Hæ ergo qualitates cum sui generis qualitates contrarias habeant, unde fit rerum antipathia: possunt illæ qualitates mutari, non mutato temperamento. Nec illud admitti potest, quod putat: occultas qualitates non nisi proxima, & quæ

R. 2. con-

contingunt, corpora afficere; in remotiora
verò, & inter quæ aliquid interjectum sit, non
agere. Reperiuntur enim, ut jam aliquoties
dictum, inter quos & feles ea est antipathia,
ut ad præsentiam felis etiam cistæ inclusæ &
quam non vident, animo deficient. Et ma-
gnetis vires trahendi ferrum nullo obice aut
obstaculo impediri posse, ac per tabulam in-
terpositam ferrum à magnete trahi, docet Jo-
han. Baptista Porta, *Magia naturalis lib. 7. c. 16.*
& 17. Et quod Erasius negat, ferrum à magne-
te per medias carnes & cutem trahi, id affir-
mat Ambrosius Paræus, *lib. 7. Chirurgia cap. 15.*
Ubi refert Chirurgum quendam hernias puer-
orum curasse magnete in tenuissimum pul-
verem redacto & cum polëta exhibito, ingui-
næ verò, qua præcipitabatur intestinum, mel-
le inuncto & subtili ferri limatura asperso.
Quod etiam impossibile esse putat, frustum
lapidis aut radicis appensum cuti tantam vim
morbifici humoris educere, aut morbum
adeo terribilem jugulare posse, id impossi-
bile planè non est. Etsi enim sensibiliter hu-
mores vitiosos non educat: In causam tamen
morbificam agere alio modo talia possunt.
Etenim non ipsi humores, quatenus tales,
causæ Epilepsiæ sunt, sed malignum illud in
humoribus & prava humorum *Aggrais* &
quod peculiari vi cerebro infestum est, quod-
que in minima etiam quantitate magnas vi-
res habet, ut in venenis videre est. Illud si ex-
tingua-

stinguatur & qualitas illa si tollatur, Epilepsia cessat, humore manente, modò is non totus corruptus sit. Nec impossibile est, humorem aliquem qualitate quadam deposita manere, sicut id non solum in coctionibus humorum, sed & alijs rebus apparet. Spiritus viatrioli, exempli gratia, insignem aciditatem & acrimoniam habet. At si aliquid olei vel Salis tartari addatur, omnem illam, nulla parte abjecta, amittit.

Verum cum res creatæ omnes virtutem finitam habeant, & aliæ majorem, aliæ minorem: actio illarum terminis concluditur & definitur; & quidem amplioribus vel angustioribus: quos in Scholis Philosophorum Sphæram activitatis nominant, quod in orbem res naturales suas vires agendo diffundere soleant. Ac proinde & actio illa, quæ per contactum virtualem fit, etiam suis terminis concluditur. In qua assignanda, ne falsamur, attendendum. Corpora coelestia vires suas longissime diffundunt. Elementorum actio angustioribus terminis coercetur. Quæ verò res per species spirituales & occultas virtutes agunt, longè latius vires suas diffundunt, ut in speciebus visibilibus, sono, odore, & similibus videre est: quorum quædam etiam corporum obstaculis in agendo non impediuntur; sicut in sono patet, qui etiam densissimos muros penetrat. Ideoque

Rr ; non

non rectè nonnulli Sphæram activitatis occultarum Qualitatum non latius sese extendere putant, quàm actio caloris in igne se extendat. Lux enim in ipso igne, ut & in alijs rebus, longè latius diffunditur, quàm calor ignis. Non tamen & hi limites nimis latè extendendi, ut ij faciunt, qui actiones ad plurima miliaria extendunt; cum exemplis è natura petitis id probare non possint. Trahit magnes ferrum, sed non longè remotum. Habet pæonia & alia amuleta suas vires; sed in corpora propinqua, non longè remota.

*Curationes
Magne-
ticae.*

Per hos ergo occultos rerum naturalium consensus & dissensus, si quæ curationes perfici possunt, eas libenter admittimus. Cur enim impossibile sit, per occultam qualitatem aut *ὑπόπικον* medicamenti extra applicati, causam morificam vel *μίασμα* aliquod, quod sanguinem inficit & corrumpit, partiumque naturale actionem labefactat, vel discuti vel è corpore extrahi? Ita certè venenum à Scorpione ictu immissum, à Scorpione imposito extrahitur; à vipera injectum, carne viperina; alia ab alijs ob similitudinem attrahuntur. Simile enim simile attrahit. Qualia remedia etiam in peste adhibentur, multaquæ talia experientia comprobata nota sunt, ut oleum Magni Ducis Hæturizæ, oleum Scorpionum Matthioli. Ita febres nonnunquam per amuleta vel vesicatoria

ria

ria tolluntur. Et memini non ita pridem quendam quartana diuturna laborantem, tandemque acutissimos in sinistro humero dolores sentientem, ranunculo, nescio cujus consilio, carpo applicato, & à febre & à dolore liberatum fuisse.

Neque est opus, ut amuletum (quod nonnulli objiciunt) simul habeat vim malam qualiteram introductam tollendi, parti que suum tonum & naturalem suam constitutionem restituendi. Causa enim morbifica sublata, natura, quæ nunquam otiosa est, plerumque impressa illa & relicta à causa vestigia sponte tollit & abolet.

Unum hic attendatur, ne superstitiosa vel *Magica pro*
 Magica, & quæ vel ab imaginatione, vel à *occultis*
 causa superiore, & pacto seu explicato, seu im- *Qualitatibus non*
 plicato cum diabolo pendent, pro Magneti- *venditanda.*
 cis venditentur. Neque sigilla & Characteres ad magneticas operationes referri possint: cum illa vis, quæ ijs à nonnullis adscribitur, nullo modo naturalis sit: & nec probabile quid ii, qui sigillorum vires, quas ipsis tribuunt, naturales esse contendunt, pro sua opinione stabilienda afferre potuerint. Sed si Sigillum aliquam vim habere deprehendatur, quæ non sit in gemmis vel metallis, ea, ut dictum, vel imaginationi vel vi superiori ascribenda.

Quo loco & alia quædam habenda sint, quæ
passim circumferantur, viris doctis & pra-
dentibus considerandum relinquo; cujusmo-
di sunt Aqua Martia & fortitudinis, Balsa-
mus magnanimittatis, & alia quædam, ab
Andr. Libavio, in *defensione Syntag. arcan.*
Chym. contra Henning. Scheunemannum *acti-*
on. 1. cap. 3. proposita. Portentosa est quoque
Lampas vitæ & mortis, ab Ernesto Burggra-
vio descripta. Lampas, inquit, hæc sive lu-
men incensum semel, ardet jugiter, quoad homo
ille, è cuius aptatur sanguine, vitalem ducit
spiritum, atque eodem, quo eandem efflat
ipse, hora sive momento sive puncti scintilla, simul
cum eo extinguitur. Scito insuper: si flamma
luculenta sit, elevata, tranquilla & immota;
nihil homo iste, quod vel corpori vel animo
grave sit aut molestum, sentit. Sin verò secus
habeat, & assurgens flamma varie scintillet, aut
depressior sit, aut nubilosa & torpida; indici-
um tibi anxietatis, tristitia, caterorumque Pa-
rbematum esto. Perpetuò enim ex congenitis
Microcosmi influxibus astralibus, ac naturalibus
inclinationibus, (cum & sanguis ille à sanguine
ipsius hominis, & corpus ejusdem à substantia
hujus ipsius sanguinis, à quo sanguis ad præ-
parandam Lampadem mutuo quasi sumtus est,
enutriatur) flamma ista pro statu & habitu i-
stius hominis sive prospero sive adverso emi-
cat, & spectandam sese præbet. Si hæc non
est Pyromantia, nescio quid pyromantia sit.

Lampas vi-
ta & mortis
Ern. Burg-
graviu.

Et an non talis artifex Deo æquiparatur, qui solus corda & animi affectus scrutatur, & cui soli dies vitæ & mortis nostræ noti sunt?

Nullò verò modo ad Magneticas, & quæ in *Incantatio*
distans sunt naturaliter, actiones referri pos- *per Imagi-*
sunt eæ; quas Paracelsus Imaginibus tribuit, *nes.*
quas, ut supra, *cap. 13.* dictum, ad similitudinem
alicujus hominis vel membri ejus, forti fide,
& firma ac fixa imaginatione fabricare, atque
illis medicinam adhibere jubet. Cum enim
nec Imago talis in hominem longè absen-
tem, cui similis est, ullam ex sed vim agendi
habeat; neque ab Imaginatione ille effectus
dependere possit, ut antea monstratum: tales
Imagines, sive ad nocendum, sive ad curan-
dum sint compositæ, merè Magicæ sunt, & ef-
fectus omnis, qui sequitur, à Diabolò pendet.
Cujus incantationis Magicæ passim apud
Gentiles mentio fit. Horatius, *serm. lib. 1. Sat. 8.*
de Canidia & Sagana, ac duabus Imagini-
bus, quarum altera supplicium, ejus vice,
quem repræsentabat, patiebatur, altera exer-
cebat, ita scribit:

Lanea & effigies erat, altera cerea: major

Lanea, quæ penis compesteret inferiorem:

Cerea suppliciter stabat, servilibus, utque

Jam peritura, modis. ————

Et de Medea Ovidius:

Devolet absentes, simulachraq; cerea fingit,

Et miserum tenues in jecur urget acus.

R r 5

Talis

Talis quoque, lutea & cerea, procul dubio fuerunt imagines, non verò rudis limus & cera, de quibus Virgilius, in *pharmaneutria*, quibus mulier in Magicis sacris maritum suum ab urbe domum revocare conatur:

*Limus ut hic durefcit, & hac ut cera liquefcit,
Uno eodemq; igni: sic nostro Daphnia amore.*

Atque hoc modo per incantationem aliquibus damnum illarum esse hiftoriæ testantur, ut apud Zonaram de Simone principe Bulgaria, Hectorem Boëtium de Duffo Scotiæ Rege, & Genebrandum lib. 4. Chronolog. de Ludovico Rege Galliæ videre est.

Ideoquæ omnes effectus magneticarum, aut aliarum admirandarum operationum in natura titulo & exemplo palliari possunt. Alias & veneficæ, furcâ unguento magico delibutâ per aerem invecatâ, sefe volatu animalium, & sagittarum aliarumquæ rerum gravium per aerem motu, se excusare, & vim sui unguenti prætereendere possent. Atque ut magicæ actiones à naturalibus distinguantur, circumspeditione opus est; neque sufficit effectum aliquem adesse, sed de causa ejus inquirendum, & an à naturali vi vel Diabolica potestate fiat, dispiciendum.

Magnet.

Qui autem penitus actiones magneticas cognoscere, & occultarum rerum *δύμναις* & *αἰνῶντες* investigare cupit, magnetis naturam diligentius inquireat, auctoresque, qui de eo scripserunt, consulat: & qua ratione actiones

ctiones illæ medicationesque, quæ sine corporali contactu fiunt, perficiantur, rectius intelliget. Est enim hæc vis in magnete maximè conspicua, atque ab eo, ut dictum, etiam nomen obtinuit. Neque alicui mirum videatur, quod *ἀνόρροιας* illæ & vires ad loca sæpe remota pertingunt, aut quod una res, unam saltem rem afficit, reliqua vero non afficit. Nam aeri externo & qualitatibus primis nulla in hæc agendi potentia est; sicut videmus species visibiles sine omni mutatione in aere tam calido, quam frigido, tam humido quam sicco, tranquillo & à ventis moto propagari. Deinde ea saltem se mutuo afficiunt, quæ naturalem cognitionem habent: sicut videmus à sono tantum aures, non oculos vel nares; ab odore nares, non oculos vel aures affici. Sed hæc de re & de modo, quo actiones, quæ sine corporum contactu per tales *ἀνόρροιας* expediuntur, jam supra etiam cap. 10. actum, totiusque Magiæ Naturalis, quæ revera talis est, fundamentum hic consistere, & ex his occultis rerum effluvijs & *ἀνόρροιας* petendum esse, dictum.

*Species Spirituum
aliarum
natura.*

Videtur hujus loci & illa quæstio esse, quæ controversitur: An plantæ ad usus medicos certo tempore, & quidem secundum stellarum aspectus & positus, colligi debeant. Negat quidem hoc plurimi, atque inter eos quoque Clarissimus Erastus, *part. 1. diss. cont. Parac. p. 290.* & sacris literis hoc prohibitum esse autumat: & in

*An plantæ
certo siderum
positu
colligenda
sint.*

& in plantarum collectione ad id tantum attendendum esse, ut alia vere, alia æstate, alia autumnò colligantur, alia cœlo sereno, alia pluvio, alia aère calido, alia frigido. Verum ubi in sacris literis hoc prohibitum sit, ego quidem nescio. Aut ijsne etiam prohibitum est, ut ligna ad ædificationis usus potius decre-
sciente, quam incrementum sumente Luna
eadantur? in plantis quibusdam serendis & arboribus inserendis Lunæ *Phœris*, quod Agricolis est notissimum, observetur? Ergo hic potius cum Marthiolo, *in præfat. in Dioscorid.*, & plurimis viris doctis, cum quibus hic Chymici plerique consentiunt, statuo: in plantis quibusdam colligendis certos siderum adspetus observandos esse. Cum enim inferiora hæc à superioribus gubernentur, & cum ijs consensum habeant: non absurdum est, pro vario cœli positu vires plantarum quarundam fortiores vel debiliores esse. Putantque plurimi, doctissimi viri, quod notissima & celeberrima contra Epilepsiam planta præsentia non omnium votis satisfaciat, causam nullam aliam esse, nisi quod non iusto tempore colligatur. Et Galenus, *lib. 2. de antidot. c. 11.* Alyssum herbam contra canum rabioforum morsus inter caniculæ æstus colligendos esse docet. Atque ex rei Medicinæ utilitate esset, talia plura diligenter annotare.

*Qualitates
 præsentia in
 colligendo*

Porro de medicamentis, quæ ad sanandos morbos vulgò adhibentur, etiam non parum dissen-

diffentiunt à Galenicis. Primò quidem, ut *quid pos-*
ubique & hîc Qualitates primas carpunt ple-
 rique & non magnificiunt. Verum contra
 experientiam, qua constat ab excessu Quali-
 tatum primarum intemperies in corpus hu-
 manum induci, & per contrarias easdem rur-
 sum expugnari posse. Et quid saltem frigidus
 potus possit, ex Galeno & quotidiana expe-
 rientia patet.

Illud tamen hîc diffitendum non est, eos
 parum rectè ægrorum rebus consulere; qui
 saltem ad primas Qualitates intenti occulta-
 rum proprietatum nullam rationem habent:
 quod tamen facere & utile & necessarium est.
 Cum enim, exempli gratia, calidorum & fri-
 gidorum medicamentorum ingens sit nume-
 rus: singulæ tamen calidorum & frigidorum
 medicamentorum species speciales & singu-
 lares habent proprietates, quibus unum ab
 aliò differt, & quibus diversis partibus &
 morbis dicata sunt. Et proinde non solum in
 præscribendis medicamentis primis Qualita-
 tibus intentum esse, sed & quæ cuique parti &
 morbo propria sint medicamenta, conside-
 rare decet. Atque utilius est, in capitis morbo
 frigido adhibere betonicam, rosemari-
 num, stzechadem Arabicam, quam piper, ve-
 ronicam, aut pimpinellam &c. Præstat pau-
 ca, probata tamen & propria medicamenta
 in usu habere, quam nimium generalibus
 Qualitatum primarum regulis solum niti.

Deinde

*Vulgaria
medicamē-
ta non reji-
cienda.*

Deinde etsi Chymici plurimi vulgaria medicamenta integra, qualia à Natura nobis suppeditantur, non planè rejiciant: tamen aliqui eorum omnia ferè medicamenta, quibus ad hunc usque diem Græci, Arabes, Galli, Itali, Germani aliæq; nationes usè sunt, ac passim in Pharmacopoliis parantur & prostant, omnia venenata & maligna esse proclamant, & propterea non nisi arte Chymica ab impuritatibus separata & præparata in usum trahenda esse censent. Idque per omnes classes medicamentorum probare conantur.

Purgantia.

Et primò quidem purgantia quod attinet, etiam Galenicorum & Græcorum ac Arabum medicorum consensu malignitatem in purgantibus reperiri, & ut Galenus, *comm. 2. de ratione victus in acutis*, ait, medicamentorum purgantium naturam corporum nostrorum naturæ contrariam esse & deleteriam quasi, asserunt. Et in specie, quod hic recensere, ut notum, operæ pretium non putamus, quæ singula purgantia corpori nostro damna inferant ex Græcis & Arabibus prolixè recensent, & hinc omnia, quæ in officinis vulgaribus purgantia exstant, ut venenata rejiciunt; nullumque illorum usualium medicamentorum est, nulla pilularum, potionis vel Electuarij purgantis descriptio, quæ ipsis veneni labe infecta non videatur.

Deinde

Deinde & alteratia, venenata, maligna, *Alteratia.*
 corrosiva & impura esse eodem modo probare conantur. Crocum secundum Dioscoridem, *l. 1. c. 25.* lethalem esse, si ℥ij pondere sumatur. Coriandri periciciem è Dioscoridis *l. 6. c. 9.* notam esse scribunt; ut & papaveris, Hyoscyami, Cicutæ, Absinthij, & aliarum plantarum plurimarum noxam & incommoda. Neque solum in his, quorum quædam incommoda nec Galenici planè negant, venenatas qualitates evidenter conspici asserunt, sed & ea, quæ sanitati solum inservire videntur, Rosas, Violas, Melissam, Valerianam, Lavendulam, Stæchadem, Betonicam, Argentum, Aurum, ab impuritatib9 non esse libera, sed morborum, mortisq; adjunctas habere radices existimant, quæ velut adjuncti hospites fallaci servitutis imagine oportuna nequitix, expectent tempora, atque ubi exalta & ab alijs separata fuerint, calamitosa symptomatum pernicie ostenderet innatas vires, & dissolutionum ac mortis auctores existet.

Porro labem & malignam istam remediorum qualitatem ob peccatum pœnæ loco à *Veneni in medicamē-*
 Deo inflictam esse, & naturam in calamitosam sortem transplantatam non produ- *tis origo sec.*
 cere jam puras essentias, sed in libra una Croci decem uncias veneni reperiri. Qui moderatiores sunt, venenata quidem omnia medicamenta esse non dicunt: multum- *Paracels.*
 tamen

tamen impuri habere admistum, quod vires utiles impediat; ac eos, qui integra medicamenta exhibent, non secus facere, ac si quis aves cum nidis coqueret, cochleas cum testis devoraret.

*Vulgares
medicamentorum
præparaciones
rejiciunt
Chymici.*

Alchymiam verò uni cum instrumentum esse, quo non solum maligna ista qualitas ob peccatum à Deo insita tollatur, verum etiam impuritates, quæ vim & potestatem spiritus vivifici impediunt & frangunt, abjiciantur. Vulgares verò istas medicamentorum præparaciones, quibus medicamenta incisa, contusa & in pulverem redacta, per se aut vino, aqua, sero lactis, aliòve liquore vel etià saccharo aut melle excepta, sub pulveris, portionis, Electuarij, pilularum, vel alia quacunque forma, adjectis quoque aromatibus, exhibentur, planè rejiciunt, & ista præparatione & mistione pestíferas & venenatas qualitates medicamentorum non tantum non corrigi, frangi & debilitari, verum potius longè peiores & ferociòres reddi censent. Etenim ipsius Galeni, 3. de simpl. medic. fac. cap. 15. testimonio malignas qualitates non tolli aliorum admistione, sed saltem gustum falli, existimant: unde postea medicamenta assumpta non minori vehemèntia, quam si sola exhiberentur, suam ferociam exserant, & æque, ut antea, corpori inimica mancant & vires debilitent. Atque hinc etiam juscula abluentia post sumtas purgationes exhiberi dicunt: Et hinc longam

gam texunt historiam symptomatum, quæ ex purgantum vulgari modo præparatorum usu excitata sint.

Neque mirum esse putant, si hæc ita fiant; *Quæ in vul-*
cum nulla in vulgaribus præparationibus pu- *gari medi-*
ri ab impuro fiat separatio, neque venenata *camætorum*
qualitas longâ fermentatione mitigata fuerit. *præparatio-*
Maximam partem istorum medicamentorum *ne reprehē-*
non fermentatam exhiberi, & licet quædam *dant Chy-*
composita diutius asserventur: tamen in istis *mici.*
cruda, crassa & impura ita misceri, ut nulla
possit fieri fermentatio. Atque hîc in vulga- *Composita*
res componendi medicamēta leges invehun- *medica-*
tur. Primo enim reprehendunt, quod nimis *menta.*
magnus medicamentorum numerus in com-
positis coacervatur. Cum enim quilibet mor-
bus unicam naturam habeat, & propterea u-
nicum remedium appropriatum requirat,
frustra etiam viginti vel triginta aut plura
coacervari, ubi unicum simplex medicamen-
tum sine ulla aliorum remissione sufficere
possit. Deinde cum cibus simplex sit optimus
in homine, varius verò noxius: multò ma-
gis in corpore ægrotante & debili, simplicia
medicamenta convenire; naturam verò de-
bilem tantâ medicamentorum farragine of-
fendi. Præterea habere nonnulla medica-
menta certam inter se repugnantiam, quam
nisi medicus longo usu & experientiâ nove-
rit, unius interdum permissione multorum
egregias vires obtundi. Etsi enim quædam si-

miles effectus edere videantur : occultista-
men quibusdam viribus dissentire possunt,
quarum ratione, si unam compositionem in-
grediantur, se mutuò oppugnent. Ideoq; ne-
cessarium esse, ut in composito simplicia non
solum primis, sed etiam occultis & omnibus
omnino qualitatibus consentiant. Id quod
medicum præstare, difficile est; cum unica na-
tura veras miscendi leges calleat, quæ morta-
libus ignotæ sint. Atque hinc factum esse scri-
bunt, ut doctissimi olim Medici, Hippocrates,
Galenus, & alij raro operosiores composi-
tiones usurparint, sed unico vel duobus aut tri-
bus simplicibus junctis mira effecerint. In
hunc sensum multa coacervant, quibus ipsi
Medici Galenici contra nimis operosam me-
dicamentorum compositionem utuntur, & ex
Plinio loca quædam, in quibus in composita
medicamenta invehitur, colligunt.

*Compositio-
nis medica-
mentorum
causæ à
Chymicis
rejiciuntur.*

I.

Quas verò compositionis medicamento-
rum causas afferunt Medici Galenici, eas pla-
nè rejicere conantur isti recentiores. Primò
enim quod dicitur, si nullum medicamentum
simplex morbo idoneum suppetat, compo-
nendum esse tale: id negant, & nullum esse
morbum dicunt, qui non legitima sua habeat
remedia, & ubique locorum simplicium præ-
stantissimorum magnam suppetere copiam.
Quod verò compositarum intemperierum
causæ plurima medicamenta interdum mi-
scenda

scenda sint, id planè, negant, vanumq; esse dicunt, morborum & sanitatis causas qualitates istas statuere. Deinde quod eo fine compositio medicamentorum necessaria esse statuitur, quod medicamentum simplex ob venenatam malignamq; qualitatem correctione, aut si quod sit imbecillum aut ignavum, stimulo opus habeat, & id rejiciunt, & malignam venenatorum medicamentorum qualitatem non solum corrigentibus istis adhibitis non minui, sed etiam augeri statuunt. Quod verò purgantium ignavorum & imbecillium vis acriorum permissione stimulari possit, experientiâ carere, dicunt. Neq; etiam directorijs opus esse existimant. Si appropriata & Chymicè præparata adhibeantur medicamenta, nec attenuantibus nec directorijs opus esse. Neque etiam opus esse, ut corroborantia addantur; cum nullum remedium ita affectum esse debeat, ut noceat, sed prodesse debeat. Ita nec durationis causa opus esse, ut componantur medicamenta; cum si Chymicè præparata remedia fuerint, etiam si simplicia sint, diu integris viribus persistere possint. Tandem nec ad jucunditatem conciliandam compositione opus esse putant; cum si Chymicè præparata sint, satis jucunda esse soleant.

Verum itaq; medicamēta præparandi modum saltem esse penes Chymicos statuunt: vulgares verò præparationes, cum scilicet

§§ 2 medi-

medicamenta contunduntur, in pulverem rediguntur, scinduntur, assantur, uruntur, infunduntur, coquuntur, & inde ex ijs vel per se, vel cum saccharo, melle, succo aut liquore aliquo, ut vino, sero caprino & similibus variz medicamentorum formæ fiunt ut pulveres, conservæ, tabulæ, trochisci, pilulæ, Electuaria, condita, Eclegmata, infusa, decocta, Syrupi, toto cœlo aberrare scribunt. In hisce enim præparationibus omnibus spiritum illum naturalem, actionum omnium authorem, durissimo illo, quo conclusus est, carcere non liberari, venenum à medicamento, purum ab impuro non separari, medicamentorumq; vires perdi ac dissipari; atque hinc crudis istis, immaturis, venenatis, deleterijs, corrosivis & ingratis medicamentis maximum hominibus damnum inferri, eademque ægris plerumque tantam nauseam parere, ut solâ imaginatione etiam ægris molestiam concitent, & nonnulli mori, quam talibus medicamentis uti malint.

*Decoctiones
reprehenduntur à
Chymicis.*

Postea verò in specie plerasque vulgò usitatorum medicamentorum præparationes & formas reprehendunt. In coctionibus, ajunt, plurimæ & præstantissimæ virès deperduntur & evaporant: impuritates non separantur, saporum, odorum, caliditatis, frigiditatis & similium qualitatum ingratae impressiones relinquuntur; quæ clarificatione per ovi albumen vel admistione sacchari, mellis & aromatum

matum corrigi non possunt: vires medicamenti alienæ humiditati commiscetur, indeque debilitantur.

In infusionibus non omnes vires extrahi *Infusiones.* dicunt, sed eas solum, quæ in tenuiore sunt substantia: præterea aquâ, ut in Syrupis decoctis vires easdem obtundi.

Syrupos verò imprimis ob saccharum & mel, quæ acutissimos & venenatos spiritus & abominabiles feculentias contineant, averfantur.

Electuaria purgantia rejiciunt, quod non *Electuaria.* fiat in ijs impuri à puro, veneni à medicamento, corticis à nucleo separatio, sed crudas radices, cortices, fructus & similia contineant, ac dissentanearum rerum mixtionem habeant.

Pilulas quoque venenata, deleteria, corro- *Pilule.* siva & impura, nullâ artificiali adhiberâ præparatione continere pharmaca purgantia, pulveresque illos, è quibus fiunt pilulæ, promptè in venas distribui non posse, sed diu in ventriculo hæerere scribunt.

De alterantibus & præparantibus idem ferunt judicium, nimirum in pulveribus, confervis, conditis, Eclegmatis, Electuarijs, Tabulis, Trochiscis commisceri res naturæ planè diversissimæ, & non aliam in ijs esse harmoniam, quam in lupinis & ovillis chordis, ac nullum ullius hominis tam robustum esse calorem, qui cruda illa & solida medicamenta

vincere possit. Quo nomine etiam reprehendunt confortantia medicamenta, confectio-
nes laticantes, Diamargaritum & similia;
cum tam solida ijs admisceantur medicamen-
ta, ut à calore nostro, quò exhilarent, & spiri-
tus reficiant, resolvi non queant.

*Quid in
vulgariis
medicamen-
tis repre-
hendant
Chymici
quidam.*

Atq; ut ipforum verbis hæc omnia in sum-
mam contrahantur: vulgatum medendi &
medicamenta præparandi modum impro-
bant; quod, quibus utuntur, tam purgantia
quam alterantia sint venenata, deleteria, cor-
rosiva, impura, injucunda, inefficacia, variè
inter se confusa, peregrina (de quo postea et-
iam dicetur) naturis nostris contraria, varijs-
que modis corrupta & adulterata; quod in ijs
omittantur (de quo etiam postea monebitur)
lapides, mineralia & metalla; sintque ita præ-
parata, ut non tantum qualitas venenata non
sit sublata, verum potius deterior reddita;
sintque præparationes omnino illegitimæ &
spuriæ, ut nulla doscos observetur vel obser-
vari possit ratio. Hinc pharmacopolia vulga-
ta miris modis exagitant, pixidesque illas in
pharmacopolijs deauratas nihil aliud esse
scribunt, quam vasa immunditiei, cadavera &
stercora medicamentorum continentia.

*Chymico-
rum medi-
camentari-
bus.*

Contra verò Chymicas medicamentorum
præparationes laudant & extollunt. Primo
quidem quod vires medicamentorum Alchi-
miz

miæ beneficio rectius cognoscantur & investigentur. Inveniri enim dicunt plurima simplicia medicamenta, quæ propter diversas partes diversas vires habeant, purgent & adstringant, ut Rhabarbarum; inficiant veneno, & veneno resistent, ut Scorpius & Vipera; calefaciant & refrigerent, ut acetum: quæ ut rectè cognoscantur, separatione Chymicâ opus est, ut vires, quas expetimus, sinceræ atq; ab alijs separatæ habeantur.

Deinde cum danda sit opera, ut citò, tutò & jucundè medeamur, primum fieri non potest, nisi talia medicamenta usurpentur, quæ summâ penetrandi vim habeant, in ventriculo nō diu morentur, sed mox suam vim exserant, postea efficacia & valida sint, ac morbum radicis tollant. Talia autem sunt medicamenta Chymicâ, quæ à materia crassâ, quæ operationem impedit, separata sunt, viribus exaltata & spirituosâ, ac propterea naturæ minus negotij facessunt, ut in actum deducantur.

Præterea eadem sunt tuta. Nam quæ vulgò operosè per corrigentium admistionem, sæpe tamen incerto eventu, instituuntur malorum qualitatuum emendationes, ex felicius & rectius operationibus Chymicis absolvuntur, quarum beneficio alienæ & noxiæ qualitates tolluntur, solum verò puræ & expectatæ medicamentorum vires conservantur,

atq; etiam exaltantur & augentur. Imò Chymicâ arte ex venenistuta medicamenta fieri possunt. Notissima enim est venenositas Mercurij & Arsenici: utrumque tamen ita præparari potest, ut sine periculo intra corpus assumi possit. Tandem etiam Chymica medicamenta sunt jucunda & grata, ut sine ulla nausea assumi possint.

*Peregrina
medicamē-
ta rejiciun-
tur à qui-
busdam
Chymiciis.*

Sunt quoque quidam ex ijs, qui pleraque medicamenta vulgaria tam alterantia quam purgantia, ut Hermodactylos, Turpethum, Rhabarbarum, Costum, Caryophyllos, Scammonium, Soldanellam, Cinnamonum, Calamum Aromaticum, Elaterium, Sennam, Mechoacannam, Spicam Indicam, Agaricum, Mannam, Colocynthidem, Sebesten, Diétamnum Creticum, Bolum Armenum, Terram sigillatam, Sanguinem Draconis, Cassiam, Zedoariam, Crocum, Grana Paradisi, Lapidem Judaicum, Opium & similia eo nomine rejiciunt, quod sint peregrina & cum magno ægrotantium detrimento in usum trahi scribunt. Naturam divitem ubique saluberrima diffudisse remedia dicunt, ita ut nulla necessitas sit peregrina conquirere & domestica negligere. Imo peregrina ista corporibus nostris minus convenire, Naturamq; quæ omnibus providit, abundanter, procul dubio etiam facturam fuisse, ut ista apud nos nascerentur, si nostris corporibus convenirent. Ideoque Deum invidia

argui,

argui, si exotica præferantur, ut pote, qui remedia cuilibet regioni ad sublevandos morbos non creaverit. Et cur qui animæ nostræ prospexit, etiam corpori non prospexisset. Præterea dicunt, nostra posse colligi convenientibus temporibus, cum sæpe ignoretur, quando peregrina collecta, & quam justè aservata sint. Et talia multa, quæ Tabernæmontanus & alij medici Galenici de nimio abusu peregrinorum & contemptu domesticorum, medicamentorum scripserunt, ex ijs colligunt & contra universam Medicinam Galenicam detorquent, tandemq; concludunt medicamenta ista peregrina Arabum medicorum nugamenta, & Seplasiariorum & Pharmacopolarum suis potius commodis quam ægrotum saluti intentorum, esse commenta.

Denique & hoc carpunt, quod Galenici *Mineralia
& metalla
commen-
dant Chy-
mici.* Medici lapides, metalla & mineralia vel negligant, vel rariùs adhibeant: cum tamen ex omnium medicamentorum genere sint præstantissima, & vegetabilia ad plurimorum morborum extirpationem non sufficiant. Licet enim vegetabilia etiam planè non rejiciant: tamen pleraque esse imbecilliora statuunt, quam ut morbos firmis radicibus inhærentes extirpare possint; cum sint fugacis vitæ, nec stabilem balsamum obtineant, nec à putredine præservent, quod metallica præstant, quæ diu integra conservantur. Mineralium enim, præcipuè perfectorum metallo-
rum,

rum spiritus corruptioni minimè obnoxij sunt, & propterea vires suas efficaces exerunt: deinde plantæ pleræque à spiritibus metallicis vires suas accipiunt: ideoque & ipsi Galenici Medici eos, qui alijs medicamentis curari nequeunt, ad Theriaca & acidulas mittunt, quæ omnem suam efficaciam à spiritibus mineralium & metallorum habent. Atque ita cum & materiam Medicam selectiorem & efficaciorē habeant Chymici, eandemq; diligentius præparent, fieri etiam dicunt, ut multos morbos Galenicis incurabiles, Apoplexiam, Epilepsiam, Elephantiasin, Hydropem, Podagram, Quartanam sanent.

An vulgaria medicamenta omnia sint venenata.

Capita ista accusationum nec pauca nec levia sunt: quæ si omnia probari possent, merito Galenica, & hæcenus usurpata medicamenta omnia rejicienda essent. Verum ab ijs Galenicis vindicare non difficile est. Nam primò quod de veneno maledictione divina omnibus rebus indito dicitur, sine omni ratione profertur, satisq; id dogma supra, cap. 16. refutatum est, ut hic plura addere opus non sit. Et ipsi Chymici saniores hæc de re aliter sentiunt, ut videre est apud Ruand. in *pro-gymnasmatibus alchimie quest. 25.* Deinde nec ex effectibus hoc probant, nec sequitur, Crocum venenum esse, quia nimia quantitate sumptus nocet. Nam vel optima medicamenta & quidem Chymicè præpara-

ta, damnum inferunt, si nimia quantitate sumantur.

Præterea valde inepti mihi illi esse videntur, qui illud, quod usui alicui Medico inutile rebus admistum est, venenum esse contendunt. Quasi enim illud, quod ad unum aliquem effectum utile non est, ob id venenum dicendum sit? Constat, exempli gratia Rhabarb. partibus heterogeneis, & cum parte purgante mista est quædam pars terrestris adstringens; quæ licet ad purgandum utilis non sit, non tamen ideo venenum est, sed ipsa etiam suum usum in roborando obtinet. Et sit, purgantia quædam, puta vehementiora, naturam corpori nostro adversam habere: quid illud tamen contra Galenicos, vel quid pro Chymicis. Agnovit illam qualitatem in purgantibus Galenus, neque opus fuisset tot Galenicorum in re non controversa testimonia congeri: sed hoc eorum testimonijs probari debebat, quod ideo & quia aliquid corpori nostro adversum obtinent, planè rejicienda sint. Habent Cauteria, sectiones, imò vomitoria sua incommoda: non tamen ideo nunquam adhibenda sunt. Ita etiam si purgantia, præsertim fortiora, aliqua molestia agrum afficiant: Commodum tamen, quod adferunt, purgando vitiosos humores, longè majus est. Et si quæ damna insigniora inferant purgantia, id fit, cum non rectè exhibentur. Unde expressè Fernel.

lib. 3.

lib. 3. meth. med. cap. 15. vitiosæ purgationis incommoda recensent, quæ malè omni purgationi rectè institutæ attribuuntur. Et Chymica medicamenta purgantia, nisi rectè adhibeantur, eadem secum incommoda conjuncta habent. Ideoque talia non temerè & quibusvis adhibenda, sed morbi natura, ægri constitutio & alia, quæ ad purgationem rectè instituendam sunt necessaria, prius diligenter perpendenda sunt, antequam exhibeantur.

An Chymica purgantia vulgaribus sint benigni ora.

Nec est quod dicat aliquis, non simpliciter talia purgantia rejici, sed cruda, & ut vulgo adhibentur: chymica verò separatioue venenum tolli ac utile medicamentum fieri posse. Nam quocunque modo præparentur talia purgantia, nunquam naturam suam planè exuunt; neque adhuc purgans aliquod exhibuerunt Chymici, quod purgando nullam molestiam exhiberet ægro. Et vis illa corpori humano adversa non tamen est in illo crassamento, quod separatur, quam in ipso illo succo purgante: neque ullus adhuc inventus Chymicus, qui illam, salva vi purgante, planè tollere potuerit. Ideoque extracta purgantia non minus cautè, quam integra, exhibenda. Quæ enim vis erat in integro, & per drachmā unam vel alterā dispersa, ea in grana aliquot contracta, & à corpore, à quo obtundebatur, liberata, fortior est, & magis corpus afficit: ac gratia sæpe solum est in parvitate. Ideoq; saniores Chymici etiam extractis & Chymice præpa-

præparatis purgantibus corrigentia & corroborantia, ut olea destillata, aromatica & alia addunt.

Neque illæ ex diversis partibus compositio à maledictione divina est: sed creator rerum omnium pro sua sapientia rebus omnibus naturalibus sua corpora artificiosè composita dedit; quorum partes etiam singulæ suos in medicina usus habēt. Imò Creator potentissimus ac Optimus, hoc ipso salutis humanæ prospexit, quod in medicamentis (ut & alimentis,) tales partes terrestres admiscuit, ut medicamentosæ parti quasi freni loco essent, ejusq; potentiam, corpori noxiam futuram, non nihil cohiberent & remorarentur, ne præceps sit in agendo, ac liberius corpora invadat, sed lente procedat, & sine damno agat. Ubi tamen subita & potentiore medicamenti Chymicorum vi opus, Chymicè præparata exhibere licet. Exemplum hujus rei in omnibus cibis ac potibus inest, in quibus ea ipsa de causa Creator partem alimentosam alijs non alimentosis immiscuit. Nam verbi gratia, etsi præcipua vini vis ac potentia spiritus reficiendi in Spiritu ejus sit: tamē longē commodius potus loco sumitur vinum, quam spiritus vini. Etenim Spiritus vini à partibus reliquis, cum quibus mixtus erat, separatus, nimis subito in omne corpus sese penetrat, caput tentat, facile inflammatur, iterumq; corpus inflamat ac Spiritus accendit, ac subito dissipat.

*Medicamē-
ta non fru-
stra habent
diversas
partes.*

diffipatur: at cum reliquis vini partibus mixtas gratissimum potum constituit, ventriculum ac reliquas partes blando calore fovet, Spiritusque, qui vino inest, sensim cum Spiritibus & alimentis miscetur, & in omne corpus distribuitur, ei que robur conciliat. Id quod etiam de aliis alimentis & medicamentis verum. Quæ qui negant, & quibus res omnes naturales ob venenositatem ita suspectæ sunt, solis spiritibus nutriendi essent, ipsique pro vino & cerevisia spiritus vini, hordei, vel tritici; pro pane & carne, extractum horum dandum esset. Quod si fieret, ipsa experientia procul dubio edocti rectius hac de re sentire inciperent, neque opera Creatoris veneni nomine infamarent. Hinc etiã de Hiuca ita scribit Scaliger, *Exerc. 153. sect. 5. Hiuca succus lethalis, farina salubris: eo modo quo porri succus perniciosus, porrum ipsum editur sine noxa. Ratio pendet à duplici causa; una est, partium tenuitas: unde facilitas penetrationis: altera libera qualitas & facultas in succo ipso, posteaque soluta est societas, quam iniverat cum parte terrestri à primordiis ipsis ortus ipsius planta: quæ pars adversa qualitate ferocitatem ejus ita cohibebat, quemadmodum crassitie sua tardabat celeritatem.*

Atque ob hanc causam data est corpori facultas secretrix & expultrix, ut partes illæ inutiles corpori alendo, è corpore, per vias ordinarias evacuentur. Quod ubi fit,

fit, corpori nullum damnum inferunt. Idem etiam fit in medicamentis. Et licet facile concedamus, recte in multis separationem Chymicam institui, & talia facilius in actum deduci ac potentiora esse: tamen sunt quoque multa integra simplicia & ex his composita, ut theriaca & alia, quæ & ipsa facile vires suas assumpta exserunt. Et actum est jam cum eo agro, ubi vis naturalis ita prostrata est, ut nullum medicamentum in actum deducere vel cibum concoquere possit.

Tempus ergo & sumptus sæpe Chymici nimis curiosè perdunt, qui omnia medicamenta, quæ natura ipsa nobis ratis rectè præparata suppeditat, resolvere conantur. Quasi enim conserva Rosarum aliæq; plurimæ, ut & condita & pulveres, atque hinc confecta composita non cum summa utilitate in morbis adhibeantur, imò sæpe tutius & commodius, quam olea & Spiritus. Quæ tamen non eo dicuntur sine, ut Chymicorum medicamenta rejiciantur: cum suam laudem mereantur, & suam sæpe præ alijs prærogativam habeant: sed ut solummodo monstretur, medicamenta integra aut vulgari modo præparata non omnia venenata, atque ob id planè contemnenda esse, sed suo loco etiam suam utilitatem habere. Et annon ipsi Chymici, cibos, quibus vescuntur, & suis ægris exhibent, non essentijs & oleis destillatis

*An medicamenta
semper Chymica præparatione
indigeant,*

stillatis aromatum, sed aromatibus saltem pulverisatis condiunt.

De compositionis medicamentis sententia.

Quæ vero contra vulgarem medicamentorum compositionem adferunt, non ejus ponderis sunt, ut ideo vulgaria Pharmacopolia planè claudi, & usitatus hæctenus medicamenta componendi modus plane aboleri debeat. Et pleræque quibus hic pugnant, tela Galenicorum sunt, quæ ipsos non ferunt. Nam primò, quæ ex Plinio, Fernelio, Johanne Baptista Montano, Tabernæmontano, afferuntur, per se clara sunt. Atque omnes doctiores Medici eos reprehendunt, qui sine causa in uno medicamento tot simplicia cumulant: ac temerarium esse judicant, uti compositis, ubi simplicia sufficerent. Et vitiosum esse censent, in eodem composito ponere simplicia ejusdem plane facultatis. Ideoque etsi quidam inepti Medici sint, qui in omnibus ferè medicamentis ponunt radices, cortices, folia, flores, semina, fructus, & singulorum sæpe longum Catalogum & hunc modum scribendi formulas medicamentorum in omnibus religiose observant; & à Pharmopæis, quibus ex ista medicamentorum farragine plus lucri accedit, non rarò artis esse putetur, tot medicamenta congerere, & hi, quibus id in usu est, laudentur & extollantur, alij verò, qui paucis & selectis contenti sunt, vituperentur; talia tamen artificum errata, arti imputanda non sunt,

sunt, nec causæ, ob quas componenda putant
medicamenta Galenici, futiles sunt.

Nam primò quod dicunt recentiores Chy-
mici, nullum morbum esse, qui non legitima
remedia habeat simplicia, & proinde opus
nunquam esse, ut plura componantur, fidem
non meretur. Quis enim est Medicorum, qui
non tam in morbis, quam in causis variam
complicationem videat? ubi ad plures scopos
medicamenta dirigenda; quod uno simplici
medicamento semper exsequi non licet: cum
in simplicibus tot facultates junctæ semper
non dentur, quot Scopi medico proponun-
tur. Id cum in morbis temperiei manifestum
sit, negant quidem qualitates primas sanita-
tis & morborum causas esse: sed sine ratione
negant; & supra satis hæc opinio, quæ cum
manifestissima experientia pugnat, refutata
est.

Interim tamen, quod modò dictum, liben-
ter concedimus, in medicamentis varijs mi-
scendis cautè agendum esse, atque opus esse,
ut eorum, quæ miscentur, medicamentorum
vires & consensus ac repugnantia mutua nota
sint, ne ea misceantur, e quorum mistione no-
xium medicamentum evadat. Spiritum vitri-
oli sine damno propinari posse, notissimū est:
exhibetur & nitrum sine damno. At si spiritus
nitri & vitrioli misceantur, fit inde aqua for-
tis, metalla omnia, præter aurum corrodens:
eidem si sal armoniacus addatur, fit inde aqua

*Causæ compo-
sitionis
medica-
mentorum.*

1.

T r

Regia

Regia aurum solvens. Tale aliquid inter vegetabilia mista evenire posse, absurdum non est.

2. Cum eadem experientia, imò suæ sectæ affectis pugnant, qui malignas & noxias qualitates medicamentorum aliorum admistione corrigi negant. Videantur saltem descriptiones Medicamentorum purgantiū apud Crolliū, qui inter Chymicos hodie non postremus habetur. Si enim sola digestio vel separatio sufficeret ad malignitatem purgantiū tollendam, cur adderet suis cōpositis, Cinamomum, Cāriophyllos, nucē moscatā? cur scammoniū succo Citoniorum & rosarum præpararet?

An vis purgandī aliorum admistione intendi possit, nec ne, vel Tartarum docet, quod purgantibus ad mistum, eorum vim intendit. Etsi enim & illud alvum stimulandi aliquam vim habeat: tamen purgantia, quibus admiscetur, plus purgant, quam si utraq; seorsim sumerentur.

3. Directoria quoque inutilia non sunt. Purgantia quidem certos humores respiciunt, sed plerumque cum certis partibus nullam peculiarem convenientiam habent: Ideoque si ijs appropriata, quæ vocant, & certis partibus dicata medicamenta admisceantur, ijs quasi vehiculis & directoribus ad partes eas, cum quibus habent convenientiam, pertinent.

4. Quod Roborantia addenda nō esse censent ideo, quod nullum medicamentū ita affectum esse debeat, ut noceat: nullius momenti est.

Revera

Revera omnia medicamenta eo fine exhibentur, ut prosint, non ut noceant: interim operatio quorundam medicamentorum non sine aliqua molestia perficitur: neq; Chymici vomitoria talia adhuc monstrarunt, quæ sine omni molestia operationem perficiant.

Rem quoq; manifestam negant, cum durationis causâ medicamēta cōponenda negāt. Si omnia simplicia in spiritus, olea, salia, vel extracta resolvēda, ijsq; tantū utendū esset: nullo quidē sacharo, medicamēta à corruptione cōservāte, opus esset. Verum sæpe integris medicamētis opus est: neq; quisquā vel per aquā vel per spiritū Rosarum id præstabit, quod per cōservam rosarū effici potest: quod de fructibus etiam plurimis, quales sunt ribes, cerasa & alia plurima, verum est. Ergo integra etiā saccharo admīsto in necessarios usus cōservāda sunt.

Quod jucunditatem attinet, ,cujus gratia etiam nihil admiscēdum censent, modo Chymicè præparentur medicamenta: illud etiam cum veritate non planè consentit. Multorum enim medicamentorum sapes nulla præparatione planè tolli possunt; nisi simul ipsa virtus tollatur. Et efficacia medicamētorum plurimorum ita cum sapore conjuncta est, ut nullo modo ab eo separari possint. Tollatur amaritudo absinthij, & efficacia illa, quam in plurimis morbis præstat, simul tolletur. In extracto Rhubarbari illud nauseabundum & ingratum æquè inest, ac in integro.

Suam ergò & quidem maximam Chymicæ præparationes laudem habeant: suis tamen etiam locus vulgaribus præparationibus relinquatur. Et hominis est vel nimis curiosi vel otiosi, omnia Chymicè præparare velle, & ubi vel pulvis vel conserva sufficeret, extractum, oleum, vel spiritum exhibere. Et idem faciunt, qui nullo, nisi Chymicè præparato, medicamento uti volunt, ac si quis sitienti pro vino spiritum vini exhiberet, & cibos non pulvere Piperis, Zinziberis, Cinamomi, Caryophyllor. Croci, sed horum oleis destitutis condiret.

*Dosis parva
in medica-
mentis Chy-
micis quâti
habenda.*

Neq; illa Chymicorum medicamentorum commendatio, quod minori dosi & sine nausea exhiberi possint, sufficit, atque ideo vulgaria medicamenta planè negligenda sunt. Hoc quidem verum est, si medicamentum aliquod tutum ita præparari potest, ut vitæ ejus minori dosi concludatur, gratiam tale medicamentum apud ægros mereri. Verum sola dosis parvitas ad commendationem non sufficit: alioquin multa agyrtarum & Empiricorum medicamenta, imò ipsa venena, hoc modo commendari possent. Ideoque non satis est, ut quid sine nausea sumatur, sed hoc etiam, atque inprimis quidem, attendendum, quos in corpore effectus edat. Ergo licet sine omni nausea sumi quid possit: si tamē corpori sumtum noceat, tantum abest, ut eo nomine commendationem mereatur, ut etiam inter vene-

na numerandum sit, quorum multa potui & cibis misceri possunt, ut gustu non percipiantur.

Neq; etiam quæ in specie, contra usitatas & vulgares medicamentorum cōpositiones afferuntur, talia sunt, ut propterea planè aboleri debeant vulgata medicamenta. Et primò qui- *Decocta ut*
dem quod attinet decocta, fatendum quidem, *paranda.*
hac in re frequētissimè à pharmacopœis peccari: propterea tamen decocta planè rejicienda non sunt; cum aquæ destillatæ vel extracta vel aliæ præparationes Chymicæ in multis id præstare non possint, quod decocta. Adhibenda potius diligentia, ut errores vulgares corrigantur, & decoctio fiat non vase aperto, sed clauso, seu duplici, ne spiritus evanescant, sed collecti decocto addantur; quod per instrumentum idoneum factu facilè est. Potest quoque clarificatio fieri non solum per albumen ovi, sed cōmodius per digestionem & fermentationem, per quam crassiores feces separantur & sponte subsident. Nec est, quod aquæ admixtio metuetur. Certè ipsi Chymici nec vitrioli nec alios Spiritus solos exhibent, sed cum alijs miscent, quorum vehiculo quasi in totū corp⁹ penetrare facilius & tutius possint.

Infusiones etiam ob aquam eadem de cau- *Infusiones.*
sa non rejiciendæ. Nec tamen infusiones solum fiunt in aqua, sed & vino, alijsq; liquoribus, seu menstruis, quæ appellant, parari possunt.

*Mel & sac-
charum an
medicamē-
tis admi-
scenda.*

Nimis verò superstitiosi sunt, qui
pos & conservas ob sacchari & melle
itionem averfantur: quasi cibos melle
charo conditos nunquam sine damno
dissent. Neq; est, ut spiritus acutissimi
nenatos in ijs metuant. Sint sane alio
tus acuti in melle & saccharo: tamen
ti non sunt; & ita à natura misti sunt
is, ut nihil periculi & damni adferant.
non dum probarunt, tales spiritus in sac-
& melle esse: Licet varijs modis in cor-
mutationes & corruptiones subire possint
sicut idem in alijs quoque accidit. Po-
quidem vinum, cerevisia, panis & alia
rima, quibus alimentorum loco uti
ita corrumpi, ut homini noceant: quod
pterea tamen non planè rejicienda, aut
nisi Chymicè præparata in usum trahi
sunt.

Electuaria, purgantia & pillulas & plura
alia medicamenta vulgaria rejiciunt, quod
nulla in ijs puri ab impuro, veneni à medicame-
mento fiat separatio. Verum antiqua ista
tilena est, neque demonstratum, venenum
mnibus inesse, aut in omnibus separatione
opus esse. Cui tamen libet, etiam ex istis ex-
tracta purgantia parare, poterit.

*Quando
vulgaribus,
quando Chy-*

Quæ omnia, ut hæc concludam, cum ita se
habeant, errant & ij, qui nunquam Chymice
præparatis medicamentis, sed saltem integris
utun-

utuntur, Chymicasque præparationes planè *micis medi-*
negligunt. Sæpe enim expedita agendi poten- *camentis*
tia opus est, quæ maximè reperitur in Chymi- *utendum.*
cè præparatis medicamentis: & diversæ non-
nunquam facultates eidem insunt medica-
mento, quæ separatione indigent. Errant
contra & illi, qui semper Chymicis utuntur:
cum sæpè integro, quale à natura suppedita-
tur, medicamento opus sit. Medici ergò pru-
dentis est, & Chymicis & vulgaribus ac inte-
gris medicamentis instructum esse, & nunc
his, nunc illis, pro morborum, loci, temporis,
aliorumque circumstantiarum ratione uti.

Cæterum illud quod attinet, quod Galeni- *Exoticis*
ci eo nomine reprehenduntur, quod exoticis *medica-*
medicamentis utantur: ut eorum institutum *mentis an*
non probamus, qui peregrinis utuntur, cum *utendum.*
domi æquè utilia habeant: ita præter rem mi-
hi sapere videntur isti, qui exotica planè reji-
ciunt medicamenta: nec tamen vina, quæ do-
mi suæ non crescunt, nec aromata exotica,
quibus cibi quotidie condiuntur, averfantur.
Non omnis fert omnia tellus. Ideoque Negocia-
tiones & commercia instituta sunt, ut una re-
gio alterius inopiam sublevet. Multæ sunt re-
giones, quæ nullum salem ferunt: ideonè illarum
incolis cibi insulsi comedendi. Certè metalla,
quibus ipsi creberrimè utuntur, non in suis regi-
onibus inveniunt, sed aliunde advectis utuntur.

Laudantq; ijdem Galenum, quod in Cyrene & Lemnum cognoscendi medicamenta, eo loci proveniunt, causa profectus sit. Quod labore quid Galeno opus fuisset, si quidem regio saltem medicamenti domi suæ ostendi deberet? Verum ipsi absurditatem huius sententiæ tandem agnoscunt, & postquam nostris in peregrina medicamenta inveci sunt, ita suam mentem explicant: taxari saltem illa, quod, neglectis nostris medicamentis domesticis, peregrina in usum trahantur. Verum quid hoc contra Galenicos? Omnes Medici prudentiores illam nimiam curiositatem ac luxuriam potius in medicamentis reprehendunt, censentq; , si per domestica medicamenta morbus aliquis curari potest, sine causa exotica anxie conquiri, & sæpe talia, quæ temporis diuturnitate ac tempestatis injuria corrupta aut adulterata sunt. Si vero domestica medicamenta non satisfaciunt: nulla causa est, cur non exoticis uti debeamus. Medicusque peritus adulterata & corrupta à genuinis & integris discernere potest. Nec refert, quod in alio Climate nata sunt: cum aromatibus peregrinis quotidie in cibis & medicamentis, imò vinis exoticis non solum sine damno, sed cum commodo utamur.

Ex Metallis & mineralibus medicamentis an utendum. Tandem cum recentiores quidam Chymici hoc carpant in Galenicis, quod metalla negligant, vel illis rarius utantur: hæc questio ista explicanda. *An ex metallis & mineralibus*

parata

parata medicamenta tuto usurpari possint; & an medicamentis ex vegetabilibus & animalibus desumptis præferenda sint. Dictum autem est in Instit. p. 140. nos cum ijs non facere, qui medicamenta ex metallis & mineralibus planè rejiciunt. Et si nihil aliud esset, quod usum medicamentorum è metallis & mineralibus paratorum persuadere possit, thermæ & acidulæ sunt, quarum vis, quæ in morbis gravissimis maxima est, tota à metallis & mineralibus provenit. Verum & antiqui medici ista non solum extra sed & intra corpus adhibuisse, Chalybem scilicet, sandaracham, Sulphur vivum, æris squamam, æs ustum & similia, patet è Dioscorid. lib. 1. c. 17. lib. 5. c. 47. 53. 54. 81. Galen. de medicament. fac. parat. lib. 2. cap. 36. de composit. medicament. sec. loc. lib. 9. c. 5. Celso lib. 2. cap. 12. Si ergo mineralia & metalla cruda & non preparata, quæque sua malignitate non carent, in usum traxerunt: cur non Chymicè præparatis & ab arte mitiorib9 factis uti liceat? præsertim cum eventus respondeat, multique graves morbi eorum usu depulsi sint.

Ut jam testimonia & exempla Chymicorum, quæ forsàn alicui suspecta esse possent, non adferam; à dogmaticis plurimis ea & usurpata & commendata fuere. Quis hodie Medicorum, nisi qui forsàn eum nunquam vidit, Spiritum vitrioli non usurpat? commen-

*Vitrioli
Spiritus.*

Tt 5

dat

dat eum Crato, *consil.* 27. 72. 75. 234. Horat. Aug. *de pest.* lib. 3. c. 17. & alij plurimi.

Ita spiritum & flores Sulphuris, Spiritumque salis plurimi in usum hodie habent.

Quis nescit, quantum medicamenta è Chalybe præparata ad viscerum obstructionem, Cachexiam & alios morbos tollendos à plurimis dogmaticis commendentur? ut apud Ludovic. Mercat. *lib. de recto præsidiorum usu* cap. 7. *de Morb. Mul.* lib. 2. cap. 8. Matthiol. *in comm. supra lib. 5. Dioscorid.* cap. 54. Hor. Aug. *tom. 1. Epist. epist.* 7. Capivacc. *lib. 3. præct.* cap. 26. Eustachium Rud. *lib. 1. præct.* 3. Reiner. Solenand. *sect. 1. Consil.* 12. & *sect. 3. Consil.* 13. aliosque plurimos videre est.

Nitru præparatum.

Nitrum præparatum, quod Sal prunellæ appellant, hodie in anginis, febribusque ardentibus tollendis felicissimè usurpari, pauci ignorant.

Ex Antimonio & Mercurio medicamenta.

Antimonium & Mercurius, etsi fortiora sunt medicamenta, & omnino cautius, quam reliqua usurpanda sint: tamen rectè præparata & morbis convenienter ac rectè exhibita ea efficere, quæ alijs medicamentis præstari vix possunt, experientia ipsa testatur. Et quantum Mercurius; si rectè præparatus fuerit ac cum iudicio exhibitus, in Hydrope possit, quantumque alijs medicamentis prævaleat, qui nescit, experientiam, & viros doctos, qui istud experti sunt, consulat; & tuto ac cum summa utilitate hydropicis exhiberi possit, fatebitur.

tur. Qua de re plura videantur apud Jacob
Zvvinger. *in exam. princip. Chymic.* cap. 5. &
Thom. Mouffettum, *in Dialogo Apologetico*,
pag. 89.

Neque aliquid solidi adferunt, qui ex Me- *Metalla an*
tallis & mineralibus medicamenta rejiciunt. *in corpore*
Nam quod docent, metalla esse tam dura, ut *nostro in a-*
à calore nostro in actum deduci non possint, *ctum deduci*
verum est de plerisque integris; sed ubi solu- *ei possint.*
ta & Chymicè preparata fuerint, tam actuo-
sa sunt, ut & in lingua mox suas vires exse-
rant. Et licet aurum (ut id solum exemplum *Aurum*
adferamus) ita constitutum sit, ut igni invictum *fulminans.*
persistat; tamen Chymicè resolutum tam
spirituosum evadit, ut etiam q. fulminet; &
propterea calcem illam auri fulminantem,
lignea saltem spatula, non ferrea, & quidem
lenissimè tractare, nulloque ignis calore ad-
hibito, sed sponte saltem exsiccare liceat. Cu-
jus granum unum atque alterum si incalescat,
flammam cum tanto sono ac strepitu concipit,
ac si maxima bombarda explosa fuisset,
& scrupulum unum istius auri potentius ferè
operari, quam libram dimidiam pulveris
Tormentarii, Crollius scribit.

Neq; id alicujus momèti est, quod nonnul- *An metal-*
los movere videtur, Metallica esse naturæ no- *la sint cor-*
stræ inimica, nec ab ea vinci posse. Nam prius *pori nostro*
quod attinet, habent hoc cum multis vege- *inimica.*
tabilibus commune, scammonio, Colocyn-
thide, helleboro, elaterio & aliis multis: quæ
tamen

tamen propterea nō plane rejiciuntur, sed suo loco commode usurpātur. Et illa ipsa vis corpori nostro inimica in nonnullis præparatione fere planè tolli potest, ut in Antimonio diaphoretico, bezoardico minerali, imò ipso arsenico videre est, quod cum alias prælentissimum venenum sit, Chymica præparatione noxam illam penè omnem deponit. Quod verò deinde dicitur, medicamenta metallica à natura nostra vinci non posse, id nec opus est. Nam alimēti proprium est, ut à natura vincatur & in substantiam corporis vertatur; medicamenti verò est, corpus nostrum alterare.

*Antantum
metallica
medicamē.
i.e. usurpant
de sint.*

Verum enim verò etsi hæc ita sese habeant: tamen propterea eorum institutum non probandum, qui latissimos medicamentorum campos paucis metallis concludunt, & nulla fere, nisi metallica medicamenta, usurpant, & se Chymicos esse non posse putant, si è vegetabilibus aliquod, inprimis vulgari modo præparatum, usurpent, & hoc unum agunt, ut in minima dosi medicamenta palato non ingrata exhibeant; quam verò illa interdum violenta, corpori noxia & inimica sint, parum solliciti. Quasi verò Deus optimus Maximus vegetabilia frustra condiderit! Meminisse hic debebant illius, quod Hippocrates habet, *in fine libri de loc. in homine. In morbis debilibus, inquit, Medicamenta fortia non sunt exhibenda: neque imbecillitas medicamenti paucitate est estimanda: Et debilibus morbis debilia,*
valen-

valentibus valentia medicamenta adhibenda sunt.

Ergo, ut rem paucis complectar, primò temerarij est, ubi lene & benignum medicamentum è vegetabilibus sufficeret, fortia è mineralibus ac metallis exhibere; ac omnino tale, quale si Herculis personam & cothurnos aptare infantibus velis, ut Quintilianus, *lib. 6.* loquitur. Nec, ut jam ex Hippocrate dictum, imbecillitas medicamèti paucitate æstimanda vel jucunditate: recteq; ait Sanctorius, *de statuta medicina sect. 2. aphor. 15. Quod proditoriè disponit viscera ad malum, saepe nec grave, nec injucundum videtur.*

Præterea magna cautione opus est in metallicis medicamentis exhibendis. Et licet morbus vel morbi causa interdum talia medicamenta postulare videatur: ægri tamen natura ea non semper admittit. Mercurius dulcis appellatus fere hodie in omnium Chymicorum ore & manibus est, & tutissimum habetur medicamentum. Verum non semper sine damno exhibetur. Medicus quidam doctissimus cum Mercurium dulcem, recte præparatum, & quem plurimis sine omni damno exhibuerat, ipse usurpasset, in gravissimum periculum incidit. Gingivæ enim, fauces & lingua intumuerunt & nigredinem contraxerunt, ut per integrum mensem nihil cibi solidi assumere, imò nec jusculum cochleari forbere potuerit, accessit salivatio & omnia omni-

omnino. Symptomata, quæ mercuriales in-
 unctiones sequi solent. Cujus periculosissimi
 sui morbi historiam procul dubio ipse
 quando in lucem edet, ut metallicorum me-
 dicamentorum admiratores & laudatores ni-
 mii cautius mercari & alieno periculo sapere
 discant. Johan. Francus senior, in *epistolis*
Chymicis, scribit, se vidisse, virum nobilem hy-
 dropicum, medicamentis Chymicis, utpote
 oleo vitrioli, Spiritu Tartari & similibus tu-
 isse curatum, sed cum iisdem diutius esset usus,
 in marasimum incurabilem incidisse, quo et-
 iam paulo post extinctus est. Neq; id sufficit,
 quod nonnulli pro suorum metallicorum
 medicamentorum commendatione afferunt,
 pluribus se sine damno ea exhibuisse. Si in hu-
 mido morbo vel temperamento ex Mercurii
 alicujus usu unus atque alter nihil incom-
 modi sensit, non sequitur, quod alius in alio
 morbo vel temperamento nihil mali passu-
 rus sit. Præterea sunt venena, quæ non mox,
 postquam assumpta sunt, occidunt, sed longo
 post tempore ægrum sensim interficiunt. In-
 super reperiuntur quædam in vegetabilibus,
 quæ an in metallis reperiri possint, judicium
 sit penes experientiam. Quantum medica-
 menta quædam è vegetabilibus & animali-
 bus petita, suavissimo odore & sanos & ægros
 recreent, omnibus notum: quod minera-
 lia idem præstare possint, non dum proba-
 tum.

Ex

Ex altera parte timidi nimis sunt, qui in morbis gravibus & qui levioribus medicamentis non cedunt, fortiora illa ex mineralibus & metallis adhibere verentur. Putant quidē nonnulli, lenioribus illis sæpius reperitis idem, quod fortioribus, effici posse: sed falluntur. Nam cum mitiora illa vix primas vias excedant, nec humores valde moveant; Coluvies verò humorum sæpe in remotioribus & anfractuosis recessibus ac locis ita infixa sit, ut non nisi fortioribus medicamentis excuti possit: lenia illa humores illas vix attingunt & movent, tantum abest ut emoveant. Qua de re egregiè Leönh. Jachinus, in 9. *Rhassis cap. 5.* Animadvertere, inquit, oportet, quod ignavi vestri temporis medici magnarum agritudinum curas sustulerunt. Quis hodie Comitiales, quis melancholicos, quis Elephanticum morbum curari vidit? rarò paralysin, rarò antiquos dolores, rarò podagricos. Quod sanè non alia ratione evenit, quam quod fortia medicamenta omiserunt, tum purgantia, tum etiam aliorum generum siccantia & vacuantia, qualia sunt Theriacis sales, qualis viperarum esus. Quod verò magis indignum est, hoc est, quod sæpe, qui morbi ipsis incurabiles perstitere, à rusticis & mulieribus curari vident, non sine multo medicorum dedecore. De quo etiam Capivacc. lib. 2. *pract. cap. 2.* Quæ etsi saltem de vulgaribus medicamentis dicantur: locum tamen etiam de Chymicis & Metallicis, utpote fortiorib. habent:

nec

*Fortiora
medicamē-
ta interdū
usurpanda.*

nec nunquam factum, ut Empiricus aliquis temerarius fortiori medicamento morbum alijs Medicis incurabilem habitum sustulerit. Quorum temeritas etsi non imitanda: hoc tamen inde patet, in pertinacioribus & gravioribus morbis, fortioribus remedijs opus esse.

*Galenico-
rum & Chy-
micorum
medicamen-
torum col-
latio.*

Ex ijs quæ hætenus sunt dicta, facile quidem decidi posset quaestio: *An Chymica medicamenta Galenicis: an verò Galenica Chymicis præferenda sint.* In specie tamen quædam de ea dicere, & quæ antea dicta sunt hic applicare libet. Sunt enim, qui non solū vulgaria medicamenta Chymicis præferenda censent: verū etiam medicinam Chymia planè carere posse putant: alij contra medicinam non solum Chymia non carere posse, sed & medicamenta Chymica Galenicis longè præferenda existimant. Imò audaciores ex ijs, Galenica præ Chymicis planè contemnunt.

*Galenico-
rum medi-
camento-
rum asser-
tio.*

Qui priorem sententiam sequuntur, tempore Hippocratis & Galeni ac multis retro seculis ignota fuisse medicamenta Chymica, & nihilominus ægros feliciter sanatos fuisse dicunt, Hippocratemq; tantum vulgaribus medicamentis tantam gloriam sibi peperisse, quantam vix medicorum ullus, qui cum sequuntur. Idedque & nunc, quibus olim caruit, sine damno carere posse medicinam medicamentis, existimant. Deindè sua, quæ à vegetabilibus & animalibus petuntur medicamenta, minus lædere dicunt, quod naturæ magis fami-

familiaria sint, & ad alimentorum naturam propius accedant, quam metallica (venenata enim esse planè negant) & proinde mitius & sine majori violentia agant: viresque suas integras, quales à natura obtinent, retineant, nec ignis vi ac resolutione quicquam amiserint: & propterea morbos sæpe tollant, qui Chymicis medicamentis tolli non possunt: sicut Heurnius refert, se Colicos dolores sæpe placavisse decocto anisi, quos oleo ejusdem destillato tollere non potuerit. Id quod etiam in alijs accidit: Thus enim integrum curat vulnera, quæ oleo ejusdem non curantur. Contra putant, Chymicorum è metallis & mineralibus medicamenta à natura maximè aliena, corrosiva & venenata esse, ac nimis magna vehementia agere: Spiritus & calidum innatum dissipare, ac ea venenatæ qualitatis impressa vestigia relinquere, quæ vix postea tolli possint. Ita ut licet à morbo convalescere ager videatur, paulo post tamen in graviores incidat. Et si quæ è vegetabilibus usurpent Chymici, ea tamen resolutione suam Crasin & hinc dependētes vires amisisse. Licet verò interdum, cum vulgaria medicamenta adhibentur, curatio nonnihil protrahatur: nihilominus cum Rondeletio censent, satius esse, remedia minus efficacia & *degrada* habere, & longiore tempore curare, quam periculosa exhibere. *Sat enim cito curatur ager, si sat bene & sat tuto.*

V u

Contra

*Chymico-
rum medi-
camenta-
rum asser-
tio.*

Contra Chymici sua medicamenta com-
mendant, quod nec sapore nec odore sint in-
grata; tenuium partium & spirituosæ, ac pro-
pterea promptæ & maximæ efficaciz & adhi-
vicina: cum crassa & corporea materia, qui-
bus operatio impeditur, artificiosè separata
sit; corruptioni minimè obnoxia, & propte-
rea corpori à corruptione vindicando conve-
nientia; & asservari apta. Cum contra Ga-
lenica medicamenta non rarò cum maligna
& venenata materia conjuncta sint, eademque
non nisi maximo labore à calore nostro sepa-
rari & in actum deduci queant, facile sint cor-
ruptibilia, & propterea corpus humanum à
corruptione vindicare non possint: sint in-
grata & nauseabunda, & quæ ægro non minus
molestiæ, quam ipse morbus pariant.

*Novæ in-
venta non
rejicienda.*

Verum enim verò non rectè hic dissidium
quæritur ea in re, in qua non ita difficulter
concordia & pax iniri posset: si absque præ-
judicio omnia pensitemus. Nam primo sola
antiquitas vulgarium medicamentorum Chy-
micis nihil detrahit, neque Chymica ob no-
vitatem Galenicis postponenda. Stultum e-
nim est, inventis frugibus, glandibus vesci.
Et quis hodie libris typis exscriptis non uti-
tur, quibus antiqui caruerunt, & tamen docti
fuerunt. Et ij ipsi, qui Chymicorum medica-
menta ob novitatem contemnunt, rhabarba-
ro, mechoacanna, cassia, ligno Guajaco, sassa-
fas,

fas, Sarsaparilla, lapide, Bezoar & plurimis alijs medicamentis utuntur, quæ Hippocrati & Galeno fuere incognita. Et qui ante Hippocratem & Galenum vixerunt, etiam bene vixerunt: non tamen ideo hodiè scripta Hippocratis Galeni abolenda sunt. Quot hodiè utilissimæ Medicorum doctissimorum observationes exstant? quot item optimæ compositiones medicamentorum, quæ tempore Hippocratis & Galeni erant ignotæ, quibus hodiè medicina plurimum illustratur? Sunt nimirum sua rebus initia, progressus & perfectio: nihilque simul inventum & perfectum. Ad propterea nostrum est, laborare, ut non solum majorum inventa tueamur, sed & quantum possumus, à majoribus inventa excolamus, amplificemus & perficiamus. Ideoque sola antiquitas non sufficit, ut vulgaria medicamenta Chymicis præferantur. Si experta incompertis comparentur: compertum & quod multorum seculorum usus comprobavit, incompertis & novis præferendum. Sed de hoc hic quæstio non est. Verum quæritur: an Chymicè præparata sint præferenda integris & vulgaribus medicamentis, an verò hæc illis? Inter quæ, si experimentum spectes, nulla differentia est. Etenim dogmaticorum & Chymicorum medicamenta non differunt; nisi præparationis modo; cum eandem habeant materiam. Nam easdem vires habet oleum Cinamomi

& in eodem usus adhibetur, in quos integrū: extractū Rhabarbari, in quos Rhabarbarum. Et quicquid antiqui de viribus medicamentorum annotarunt, id libenter admittunt Chymici. Adhibent enim Chymici eadem medicamenta, quæ antiqui: sed ad usus illos aliter disposita.

*Medicamenta ex metal-
lis & mineralibus an
usurpanda.*

At inquit quidam Galenici, in vegetabilibus se forsan acquiescere posse, quorum vires dudum exploratæ sint: At mineralia & metalla in usum medicum trahere, planè novum esse, eaq; si in usum adhibenda sint, periclitandum esse de salute hominum. Verum enim verò nec metallica medicamenta omnino incognita fuere antiquis, ut jam antea dictum. Et licet huic vel illi regioni serius ea innotuerint: alijs tamen planè incognita non fuere: imò à plerisque inter secreta habita fuerunt. Exemplum ejus rei præbet Frat. Basilius Valentinus, qui jam ante centum annos in Germania vixit, & medicamenta plurima ex mineralibus & metallis descripsit, & à se usurpata testatur: quæ tamen ante paucos annos innotuerunt; imò nec dum forsan omnia cognita sunt.

*Cautio in
metallicis
usurpandis
adhibenda.*

Hic tamen cautione opus esse libenter concedimus, ne nova, nec ab artificibus probata, sed ex agyrtarum empiricorumque, qui ex uno exemplo de viribus medicamentorum Chymicorum judicant, officina profecta & ab ipsis gloriosè commendata, statim in usum trahan-

trahantur. Interest enim multum in Chymicis medicamentis, quis ea præpararit, & quis ijs utatur. Ac talia, ex Antimonio, Mercurio & similibus præparata medicamenta, non nisi in possessione virorum doctorum, experientia & prudentia clarorum, manere debent. Juniores verò (nam & hoc monendum, cum nonnulli ex talium medicamentorum usu famam satis temerè captent) in eorum usu parciores sint, potiusq; ijs utantur, à quibus non tantum ægro, si quid non rectè fiat, periculum imminet. Aversandaque meritò eorum audacia & temeritas, qui omnia, quæ, (quod fieri solet) in operationibus Chymicis, fortuito sæpe & aliud quærentibus offeruntur, ægris statim propinant, & si non per mortes, tamen per ægrorum pericula experimenta agunt, necessariamque Galeni admonitionem negligunt, dum 1. Aphor. 1. scribit: *In corpore humano ea tentare, qua non sunt experientiâ comprobata, periculo non vacat; cum temeraria experientia finis sit totius animalis internecio.* Consentiuntque in eo omnes Medici prudentiores, Medicamentum id, quod plures experti sunt, illi esse præferendum, quod experientia nondum satis comprobatum est. Ubi enim de salute corporis humani agitur, non unicuique fides habenda, sed ea medicamenta usurpanda, quæ temporis examen sustinuerunt. Medicamenta ut amici nobis sint, ex quibus novos nec dum satis cognitos veteribus, quo-

rum fides dudum nobis perspecta est, novitatis gratia anteferre non dect.

Ideoque nonnulli merito cautiore esse deberent, qui ut aliquid supra Medicinam Galenicam sapere videantur, Medicamenta ex mineralibus & metallis parata plurima non parca manu suis libris non solum inserunt, sed & mirè commendant; & quidem talia, quæ à glorioso aliquo operario Chymico acceperunt, aut ex aliquo descripserunt, aut ab alio forsàn etiam nimis credulo acceperunt, ipsi verò nunquam vel vix semel atque iterum in usum traxerunt. Quæ cum Juventus novarum rerum studiosa legit, avidè ea arripit, ac sæpe aliorum autoritate decepta in talibus cum ægrorum damno periclitandam ansam captat. Eorum tamen, qui medicamenta multiplici experientiâ satis probata, boni publici causâ, in lucem edunt, laudibus, quas merentur, nullo modo hic obrectare cupio.

*Chymicorum
medicamentorum
commendatio.*

Deinde ex altera parte, quæ pro commendatione Medicamentorum Chymicorum adferuntur, libenter admittimus, & fatemur, quod Chymicorum medicamenta pleraque grata sint, & ob dosis exiguitatem & ob saporem minus ingratum; quod sint efficacissima, quia à corporea mole, quantum fieri potest, sunt libera, ut in spiritibus, oleis & extractis
vide-

videre est. Spiritus enim terebinthinæ & vini longè efficacior est, quam terebinthina vel vinum; Cera oleum, quam cera; oleum cinamomi, Caryophyllorum, fœniculi, carvi, quam integra.

Inprimis verò utilem præstat Medicinæ Chymia laborem, dum medicamenta, quæ diversas vires, ob diversas, quibus constant, partes, obtinent, artificiosè resolvere docet, & in qua parte quælibet vires hæreant, monstrat, easq; seorsim usibus medicis exhibet. Unde multæ quæstiones, hætenus non satis explicatæ, decidi possunt. Verbi gratia, Opium frigidum esse hætenus creditum fuit; quia narcoticum: atqui amarum est: amarà verò calida. Quem nodum facilè solvet Chymicus, monstrando, vim narcoticam, non tam à frigiditate, quam à sulphure aut substantia oleaginosa narcotica pendere, salem verò esse amarum in Opio.

Ex quibus omnibus jam patet, suum locum & Galenicis & Chymicis medicamentis esse & laudem deberi. Si verò quærat, quæ medicamenta, vulgarianè, an Chymica præferenda sint: nec hæc illis, nec illa his simpliciter præferri possent. Etenim, & si Chymica habeant quandam prærogativam: tamen non reipsa meliora sunt Galenicis, sed tantū modo rei, nimirū præparatione, ut antea etiam dictū.

*Galenicand
an Chymica
medicamē-
ta præfe-
renda sint.*

*Quando
vulgaribus,
vel Galeni-
cis medica-
mentis ut-
tendum.*

Deinde nec ob hanc ipsam prærogativam simpliciter præferenda sunt Galenicis. Utrisque enim suus locus est. Et imperiti est, semper integris, nunquam Chynicè præparatis & resolutis, ac contra nullis planè integris, sed saltem extractis vel essentijs uti velle. Nonnulla enim medicamenta ita vires suas per totum corpus diffusas habent, ut eas vel omnino vel maxima ex parte perdant, si partes separantur. Alia verò alias vires in alijs partibus habent; ubi considerandum, in qua parte quælibet hæreat. Utendum igitur integris, cum vis, quæ expetitur, in toto est, & in solutione perit: Resolutis verò, cum vires medicamenti diversæ à diversis partibus proveniunt: aut cum vis medicamenti in compendium quasi, in utilium separatione, redigi potest. Et ubi Clyster sufficit, quid essentias, quas dicunt, prodigere opus est? Et si potu aliquo medicato, vel conserva, vel leniore aliquo alvum movente medicamēto tolli potest morbus: imprudentis est ac temerarii, Antimonialia vel Mercurialia, vel alia medicamenta metallica ad eum expellendum exhibere.

*An purgā-
tia minera-
lia planè
benigna &
lenia fieri
possint.*

Neque enim, quocunq; modo præparentur Mercurius & Antimonium, tam benigna acuta fiunt, ac cassia, manna, tamarindi, Sena, Rhabarbarum, & similia; & ex grano uno horum plus damni resultare potest, quam ex illo.

illorū uncia una : Ac semper quocunq; modo præparētur inter fortia medicamēta referenda. Jactant quidem nonnulli singularia arcana, singularesque præparandi rationes alijs incognitas: sed dum tandem in lucem veniunt, nihil novī adferunt. Ideoque hic assentiri non possum Martino Rulando Juniori, qui, in *progymnasms. Alchym. quæst.* 77. scribit, si antimonium & metallica medicamenta furiosius operentur, id saltem accidentis vitio contingere, operariorumq; imperitia, tum ad ministrantium inconsiderantia : ab artificibus tractata antimonium, tum præcipitatum, tam benigna reddi, quam sunt Manna, tamarindus, Cassia. Sit sanē, ut Elleboro, Colocynthide & similibus, mitiora reddi possint; ut verò tam benigna, quam Cassia, manna, tamarindi & similia fieri possint, adduci non queo, ut credam. Atque ipsa dosis & effectus id docet; cum in uno grano talium medicamentorum plus sit vehementiæ, quam in semuncia benignorū, semperq; dum vim purgandi habent, inter *δραστικά* & *μοχλικά* referenda, & ad morbos pertinaces & graves destinata sint. Mineralium enim istorum vis purgandi in Spiritu seu parte volatili consistit, quisi figatur, omnis purgandi vis perit, ut in antimonio diaphoretico & Bezoardico minerali videre est; quamdiu vero illa volatilitas permanet, cum eadem etiam vis corpus humanam vellicandi, turbandi, & longè poten-

tius affiendi manet, quam à manna, tamarindis, Cassia, Rhabarbaro, & similibus fieri solet. Ideoq; hoc Chymicis probandum erat, quod Spiritus ille volatilis purgans, totumq; corpus permeans, talis manens, in antimonio. & ꝑ, tā benignus, & naturæ nostræ familiaris fieri possit, quam est Cassia, Tamarindi, & similia. Quod vix obtinebunt. Facilius enim planè tollitur vel figitur, quam ut de natura sua aliquid remittat. Ex quo patet, quid de gloriosis nonnullorum pollicitationibus sentiendum sit, qui jactant, se medicamenta talia fortissima artificiosè præparasse, ut dupla vel tripla dosi, imò instar sacchari tuto sumi possint. Non intelligunt homines simplices, se innatas medicamenti illius vires vel destruxisse, vel sub quodā involucro occultasse.

*Quando
Chymicis
utendum.*

Ex altera parte, ut sectè Matthiolus, *lib. 4. epist. ad Andr. de Blauu.* ait, ubi tota massa sanguinea in universo pene ambitu corrupta est & referta malorum morborum semina-rijs, hi morbi citra metallica vix vinci possunt. Extremis nimirum morbis extrema debentur remedia.

Utatur ergo prudens Medicus nunc his, nunc illis; prout morbi natura & aliæ circumstantiæ requirunt; nunc pulveribus, decoctis, infusis, nunc destillatis, extractis, oleis; simplicibus, compositis; veteribus novis; domesticis, exoticis; levioribus, vehementibus; vegetabilibus, mineralibus, metallicis.

Quia

Quia cum sæpissimè medicamentorum integrorum vires, quales à natura nobis suppeditantur, expetantur: frustra Chymica resolutio ac separatio tunc instituitur, imo resolutione vires illæ peribunt. Exemplo sit nobis conserva Rosarum, quæ, ubi roboratione & adstrictione opus est, id præstat, quod Spiritus vel aqua vel Sal. ejusdem nunquam præstat. Contra non rarò vires medicamenti, quæ expiciuntur, à Chymicis longè nobis nobiliores suppeditantur, quam sunt in integris, ut in extractis, Oleis, & Spiritibus videre est. Separatur enim pars illa medicamentosa à reliqua inutili, quæ ipsam in operando impediēbat, atque ita sola pura illa pars, in qua vis medicamenti insidet, exhibetur. Ideoque si Chymica medicamenta simpliciter consideres, ipsa quidem per se nobiliora sunt; quia puriora & magis actuosa & libera: non tam ideo semper & ubiq; Galenicis in curatione præferenda: sed evenire potest, prout circumstantiarum multitudine, ut aliquando extracto vel oleo præferendum sit integrum: evenire etiam contra potest, ut Extractum, oleum, vel Spiritus præstent integro: nonnunquam nihil interest, utrum adhibeatur.

Verum hic nonnulli contra Chymic. medicamenta obijciunt, specificū id non esse, quod ex soluta Crasi emergit, & Chymicos, dum

An in Chymicis præparat. virtus medicamenti destruitur.

ista solvunt, essentiam rei non servare, sed totum perdere ac destruere. Verum enim verò, ut, *lib. 1. Instit. part. c. 2.* dictum, Non totum corpus, Rhabarbar. ex. gr. formæ illius, à qua vis purgandi fluit, subjectum est, sed cum proprio subjecto ex accidenti mistum. Neque plantarum emortuarum, quibus in medendo utimur, corpora mista plane homogenea sunt, sed ex diversis partibus constant, quæ corpus Organicum plantæ, dum vivebat, constituebant; quæque in medicina diversos præstare possunt usus. Docetque ipse Galenus, *lib. 3. de simplic. medicament. fac. cap. 14.* Omnia propemodum medicamenta, quantumvis ad sensum simplicia, natura tamen composita esse, ac diversas facultates obtinere; ejusque rei exempla, *cap. seq. cap. 15.* adfert; tandemque concludit, *cap. 16.* unamquamque simularium medicamentorum partem non multas sed unam duntaxat qualitatem obtinere; quod verò totum est dissimilare, complures. Sunt ergo secundum Galeni sententiam mista duplicia: dissimilaria, quæ diversas qualitates in diversis obtinent partibus; & simularia vel simplicia ac verè mista, quæ ex miscibilium alteratorum unione constituuntur. Hæc qui solvit, ille vires misti perdit: neque ea amplius est in illis vis, quæ fuit in misto. At illa qui solvit, omnes vires non perdit; sed cum quælibet pars peculiare habeat, seorsim eas exhibet. Ac supra jam dictum, non semper

Mista duplicia.

semper fieri resolutionem usque ad prima elementa, sed artem sæpe in proximis principiis subsistere. Falsū ergo quod P. Palmarius, *in lapid. philosoph. dogmat. cap. 10.* scribit: Resolutionum vires tantum esse communes, non particulares, non ad hoc vel illud definitas: tantum posse sal Cichorii, Lactucæ, quantum Sal absinthii & aliorum. Dictum enim antea, partium mistorum diversas sæpe vires esse, quæ post resolutionem remanent. Præterea à forma qualitates quædam producuntur, quæ etiam formatorius non amplius præsentem, nihilominus remanent. Et an sales non differant inter se, sapor & effectus facile produnt. Itaque cum talia corpora artificiosè resolvit Chymicus, & corpus dissimulare in similes partes dissolvit, tantum abest, ut vires medicamenti perdat & destruat, ut potius eas in proprio subjecto, ab omnibus heterogeneis admistis separatas, exhibeat. Nec, ut quidam recentiores scribunt, omnes modi solutionum Chymicorum ita comparati sunt, ut potius transmutent rem, quam depurent; nec ea, quæ per Chymicos operationes fiunt, non sunt idem cum specie præexistente, sed aliquid inde factum per naturæ potentiam. Nam non semper ignis & calor violentus, qui aliquā mutationem essentialem inducere possit, sed lentus sæpe adhibetur. Imò sine calore externo ipsum menstruum, quod appellant, id, quod rei inest, ad se attrahit: quod in Chymi-

*An extra-
Ha & sepa-
rata Chy-
mica in in-
tegro insint.*

Chymicis operationibus versatus notissimum. Certè Spiritus, qui leni balnei calore vel aere tepido è vino elicitur, arte non fit, sed ante in vino erat, omnesque vini potentia ab eo pendebat, & specie ac numero idem est, cum eo, qui in vino erat. Ita id, quod per Spiritũ vini vel alium liquorem è Rhabarbaro extrahitur, & extracti nomine appellatur, illud ipsum specie & numero est, à quo vis purgandi in integro Rhabarbaro pendet. Sicut butyrum, quod agitatione è lacte separatur, revera in lacte erat; non arte fit, sed saltem segregatur. Ac facile concedimus, sicut qui butyrum dat, non totum lac dat: ita qui Extractum Rhabarbari dat, non totũ Rhabarbarum dare, sed partẽ illam, in qua vis purgandi Rhabarbari inest. Nempe medicamenta per resolutionem facta, non sunt quidem eadem specie cum integro toto, sed cum partibus integri, è quibus parantur.

*Essentia
quid Chy-
mica.*

Quod verò Chymici dicunt, se rei essentiam extrahere & exhibere, facile excusari possunt. Neque enim vocabulum Essentiæ Metaphysicè, sed Chymicè & Medicè usurpant. Nam cum in medicina non res ob essentiam simpliciter, sed ob vim operandi, expetantur; & vis operandi ab essentia pendeat: illam vim operandi, seu partem illam medicamenti, à qua vis, quæ expetitur, pendet, ipsis Essentiæ nomine appellatur. Ergo quia ob purgandi vim Rhabarbarum expetit medicus; ipsi illa
solum

solum pars Rhabarbari, quæ vim purgandi habet, essentiæ nomine venit: reliqua, in qua nulla purgandi vis, ad hanc essentiam non pertinere putatur. Idem de alijs dicendum.

Neque illud nos movet, quod ajunt, si essentia est in uno principio, vel parte integri, non fuisse plurium mistione opus. Considerantur nimirum plantæ, vel ut vivunt, vel ut mortuæ ad usum medicum applicantur. Dum vivit tota planta, partes omnes una vegetatæ anima reguntur, & in commune officium singulæ conspirant. Ubi verò discessit anima vegetans, manent singulæ sui juris, neque amplius unum mistum simpliciter constituunt. In vivente, verbi gratia, Rhabarbaro, omnes ejus partes ad actiones Rhabarbari exercendas necessariæ erant, corpusque Rhabarbari organicum constituebant: non tamen hinc sequitur, quod omnes illæ partes ad purgandum necessariæ sint, & à toto Rhabarbari nō amplius viventis corpore vis purgandi pendeat: sed eadem planta sæpe diversas vires habet, quæ etiam in diversis partibus fundantur. Docuit hoc jam olim Mesues, qui scribit, jam suo tempore in usu fuisse Rhabarbarum adulterare. *Ejus integri*, inquit, *magna quantitas mergitur in aqua per quinque dies, & dimittitur illa aqua, & fiunt inde Trochisci, qui sunt medicina Regum.* (extractum Rhabarbari hoc est) *Rhabarbarum verò siccatur ac venditur, & est*

*Plantarū,
ut vivunt,
& ut mortuæ sunt,
consideratio.*

est sicut quod perdidit animam. Verum hac de re prolixius agit Jac. Zvinger. *in exam. princip. Chymic. cap. ii.* ubi pluribus probat, Chymica resolutione & præparatione vires medicamenta non amittere.

*Medica-
menta cum
ratione ex-
hibenda.*

Et ut tandem hanc concludamus quæstionem, hoc ultimo loco monendum, solum pharmacopœiam non sufficere, ut quis Medicus audiat. Ideoque cuilibet danda opera, siue Galenicis siue Chymicis medicamentis, uti velit, ne Empiricorum more curet, sed methodi & indicationum ductum perpetuò sequatur. Alias siue vulgaria siue Chymica medicamenta fuerint; si absque methodo usurpètur, magis nocebunt, quam pròderunt; & quo præstantiora & efficaciora fuerint, eò magis nocere poterunt. Omnino enim rei optimæ pessimus est abusus. Novi non ita pridem duos infantes oleo destillato succini, alias, si recte usurpètur, bono, necatos à vetulis duabus fuisse. Alteri enim infanti vix ante decem dies in lucem edito cum vetula olei destillati succini aliquot guttas propinasset, toto corpore pustulæ magnæ eruperunt, ac si aqua fervente perfusus fuisset; idemque paulò post expiravit. Alterum verò paulo aultiozem, cum idem oleum ei exhibitum fuisset, continui vomitus & alvi dejectiones affligerunt, tandemque interemerunt. Ideoque Erasto facilè assentior, qui *part. 4. disputatio- num contra Paracels.* statuit, in plerisque mor-
bis

bis & ægris minimè nocere, qui pharmacis vulgari more apparatus utitur, quam qui Chymica, ubi non opus, aut non rectè administrat. Quamquam enim culpa medicamento-
rum Chymicorum non sit, sed potius Medico-
rum, ijs non rectè utentium: tamen id om-
nino monendum fuit, cum ob juniores nõ-
nullos Medicos, qui, ut præ alijs sapere videan-
tur, neglectis penè omnibus vulgaribus & lō-
ga experiētiā probatis medicamentis, solis
Chymicis, ijsque sæpè nuper inventis, & non-
dum satis probatis utuntur, atque ex eorum u-
su famam captant; cum nonnullorum Gale-
nicorum, qui cum rerum Chymicarum planè
ignari sint, ne tamen Chymicis aliqua in par-
te inferiores videantur, Chymica, quorum vi-
res & præparationis modum ignorant, satis
periculosè usurpant. Plurimum verò hæc in *Pharma-*
re hodiè à Chymicis multis peccatur, qui *copius notu*
mnium reliquarum partium medicinæ igna-
ri: tamen, quia in Pharmacopœja & operatio-
nibus Chymicis quādam peritiā nacti sunt,
reliquos Medicos superciliosè despiciunt, &
se pro perfectis Medicis venditant: cum ta-
men ultra Pharmacopœjam nihil sapiant, at-
que ita cum sutore ultra crepidam judicent.
Longè prudentius de his veteres senserunt. A-
ristoteles multò majoris negotij rem esse scri-
bit, etiam quod sciveris effectum dare, quam,
quæ salubria sunt, nosse, & animo compre-
hendere. Et prudenter Plato Phædrum, So-

cratemq; colloquentes inducit, hunc in modum. Socrates. Si quis dicat: Ego quidem scio illi corpori admoovere, quibus & incalcescat pro meo arbitrio, & frigeat, & vomitus & dejectiones & aliæ purgationes perficiuntur, & ejusmodi plurima teneo, quibus cognitis & Medicum me esse profiteor, & alium quacumlibet Medicum evadere posse dico: quid alium responsurum autumes? Phædrus: Nihil aliud, quam percontaturum, num quid etiam sciat, quibus, quando, & quousq; singula horum sint adhibenda: Quod si nesciat, necesse est, cum insanire, qui, quod ex aliquo Medicorum libro audierit quicquam vel in medelas nonnullorum inciderit, neq; artis aliquid intelligat, Medicum se evasisse putat.

Restat tandem, ut de methodo medendi dicamus; ubi illa inprimis controversia est discutienda; *An in curatione morborum contrarijs, an vero similibus utendum sit.* Principia methodi medendi prima, è quibus omnem curandi rationem deduxerunt hactenus Medici, sunt hæc: *Quod secundum naturam est in corpore humano, est conservandum: quod præter naturam, tollendum. Similia similibus conservantur: contraria contrarijs tolluntur.* Atque hinc Hippocrates Medicinam dixit esse adjunctionem & subtractionem. Adjunctionem scilicet deficientium, per similia: Subtractionem eorum, quæ abundant, & corpori præter naturam accidunt, per contraria. Quæ methodi medendi fundamenta ex ipsa natura deducta sunt. Nam cum cura-

An similibus an vero contrarijs curandum.

Contraria contrarijs tolluntur.

curatio sit inotus à morbo ad sanitatem; & motus, ut est, *s. Physic.* fiat ratione contrarij: etiam per contraria fiet. Etenim si remedium morbo simile & non contrarium esset, sed ad idem, ad quod morbus, tenderet: morbum augetet, non expelleret. Nam, ut rectè Galenus sæpius, & Aristoteles *l. de Gener. & corrupt. c. 7.* dicit: *ποιοῖσι καὶ παύει τὰ ἐναντία τῶν ἀλλήλων.* Et: *παθητικὰ καὶ ποιητικὰ ἀλλήλων ὅτι τὰ ἐναντία, καὶ τὰ μετὰ ζυ.* Et: *τὸ ὅμοιον τῶν ὁμοίων πάν ἀπαθές ὅτι.* Et: *τὸ ὅμοιον ὁμοίων αὐξητικόν: τὰ ὅτι ἐναντία φθαρτικὰ τῶν ἀλλήλων.*

Chymici tamen recentiores similitum esse *Similia si-*
 similia remedia dicunt. Et cum similitudo *miliū*
 duplex esse possit, vel cum natura, vel cum *sunt reme-*
 morbo: si quæras, utram similitudinem intel- *dia sec. Chy-*
 ligant: utramque respondent. Nam primò ex *mic.*
 Hippocrat. docent: *Φύσις ἐστὶ πῶν νοσούντων ἰατρὴς.* *Naturam esse morborum medicatri-*
cem, & naturam solam plurimos morbos cu-
 rare, hanc concoctionem efficere, humores
 vitiosos evacuare, & eà rectè sese habente o-
 ptimam de salute agri spem esse: Contra τῆς
Φύσεως ἀντιπερατήσεως κενὰ πάντα. Natura
 reluctante & succumbente omnes Medici
 molitiones, atq; omnia auxilia frustranea esse.
 Unde ipse Galenus Indicationem vitalem re- *Natura cū-*
 liquis omnibus præferendam, & virium maxi- *servanda*
 mam semper habendam esse rationem, sæ- *per similia*
 pius inculcat. Talia ergo auxilia adhibenda
 censent, quæ naturæ similia & familiaria

sint, ipsamque robovent, ut confirmata & roborata morbo sese opponere hostemque vincere queant. Nam sicut qui in civitate, in qua, seditione oborta, pars melior civium à reliquis ferè opprimitur, seditionem sopire cupit, debiliori auxilia mittit: ita in hoc naturæ & morbi duello, ut natura salva maneat, morbus opprimatur, natura similibus fovenda.

*Morbi etiā
requirunt
similia sec.
Chymic.*

Deinde & morbi & caussarum morbificarum respectu similia adhibenda putant. Nam & purgantia totius substantiæ similitudine humores vitiosos trahunt: & alterantia cum parte, cui adhibentur, similitudinem habere dicunt, atque alia pulmoni, alia cordi, alia cerebro, alia Epāti dicata sunt. Præterea morbos ex sale ortos curari medicamentis ex salibus depromptis; sulphureos, sulphureis; Mercuriales, Mercurialibus, docent.

Cōciliatio.

1.

Verum enim verò, si nulla major esset discrepantia inter Galenicos & Chymicos, quam in hac quæstione, facilè concordia iniri posset. Maximam enim partem in verbis potius, quam in rebus ipsis dissensio est. Primò enim in hoc Galenici cum Chymicis planè consentiunt, semper virium habendam esse maximam rationem, & per similia eas conservandas esse. Neq; cum hoc axiomate pugnat illud alterum: contraria contrariorum esse remedia. Distinguendum enim hic inter Indicationem vitalem & curatoriam in specie

cie dictam: Maximaq; illa Hippocratis: τὰ ἐ-
 ναντία τῶν ἐναντίων ὀφείνεται, non de indi-
 catione vitali, sed de eo, quod præter naturam
 est, tollendo, intelligenda. Et cum plura ad
 consecutionem sanitatis pertineant, non ad
 omnia extendendum est hoc axioma, sed ad
 ea solum, quæ præter naturam sunt. Ideoque
 Severinus, *cap. 14.* malè Indicationem vitalem
 & curatoriam confundit, dum morbos eodem
 modo indicare sui ablationem putat, quomo-
 do famelicus panem & sitibundus potum ap-
 petit, dum scribit: *Non filiis esurientibus & pa-
 nem petentibus scorpionem porrigimus, neque si-
 tientibus acetum felle inquinatum offerimus, sed
 consentaneos, similes eisdem liquores exhibe-
 mus &c.* Non enim idem est appetere & indi-
 care. Nulla res sui appetit interitum, neque
 se perditam cupit; sed qualibet res, etiam præ-
 ter naturam, se conservare conantur. Ideoq;
 morbus, v.g. calidus, non sese perditum cupit,
 sed potius alia quoque calefacere tentat: sicut
 nec sitis vel fames sui destructionem expe-
 tunt. Verum homo ingenita vi percipiens
 rem noxiam & molestant simul ejusdem abla-
 tionem desiderat, ægerque remedia morbo,
 cum quo conflictatur, contraria desiderat, si-
 cut sitiens potum, sitis, remedium: non verò
 ipse morbus remedia desiderat; sicut nec sitis
 potum appetit, sed sitiens. Atque ita ex illa
 generali regula; Omne, quod præter natu-
 ram est, tollendum; Morbus sui ablationem

*Morbus
quomodo
contraria
indict.*

indicare dicitur, non quod ipse morbus, aut quicquid est in corpore p. n. sui destructio- nem desideret, sed quia, ut homo conservetur, quicquid præter naturam illi evenit, tollen- dum est. Nullo modo verò ea toleranda sunt, quæ idē p. 367. primæ ed. & p. 382. secundæ edit. habet, ubi spiritibus, & quidem non illis insi- tis & animalibus, sed morbificis, & qui per sudores, vel vomitus, vel urinas, vel insensi- biles transpirationes evanescent, sitim attri- buit, & remedia eatenus morbis similia esse dicit, quod defectus & desideria resarciant, quodque amica saturitate Spiritus & impuri- tates consentaneas delinientes, resolutiones, consumptiones & tacitas ablationes molian- tur. Certe si tollunt, resolvunt, consumunt, & omnino quatenus contraria sunt, non iis amica erunt, nec eorum desideria explebunt: nec morbi sui ablationem desiderant.

2. Deinde nec hoc negatur à Galenicis, eli- genda esse medicamenta, quæ parti laboranti familiaria &, ut loquuntur, appropriata sunt: quæ familiaritas & ipsa in similitudine & oc- culta quadam sympathia consistit.

3. Tertiò nec de contrarietate alterantium aliquam revera inter Galenicos & Chymicos putò esse dissensionem. Neque enim credo, ul- lum Chymicum vel Paracelsicum tam faru- um esse, qui morbo calido, quatenus talis, ca- lidum,

lidum, quatenus tale, adhibeat remedium; aut corpus exsiccatum, quatenus tale, amplius exsiccandum putet. Cum ipsa experientia & sensus doceat, calida refrigeratione, frigida calefactione, humida siccatione, sicca humectatione indigere. Id quod tam evidens est, ut non solum hominibus omnibus, verum etiam brutis notum sit, quæ magno in æstu refrigerationem, in frigore calefactionem expetunt. Manet ergo maxima Hippocrati: τὸ ἐναντία τῶν ἐναντίων εἶναι ἰσχυρόν. Recteque scripsit Galenus, lib. 9. meth. medend. cap. 15. *Sanatio nihil aliud est, quam presentia in corpore vitiosi affectus in naturalem habitum mutatio. Cum autem contrarii hi affectus sint, necesse est per contraria fiat eorum, alterius in alterum translatio. Quoniam enim id, quod egrotat, ei, quod valde, est contrarium: ubique per contraria & ab illo in hoc via.* Et licet inter ipsos Galenicos de axioma hoc controversia aliqua excitata sit, & nonnulli ejus universalitatem evertere conati sint: tamen id obtinere non potuerunt, ut videre est apud Conciliator. *different. 153. Turisanum, in art. part. lib. 3. com. 35. Argenterium, ibidem cap. 89. Valesium, lib. 8. Controvers. cap. 4. Valeriolam, locor. commun. cap. 14. Ludovic. Mercatum, tom. 1. lib. 3. part. 3. Clas. 7. Horat. Augenum. Epist. medic. tom. 3. lib. 1. Epist. 3. cap. 4. Montaltum, de homine sano, lib. 3. cap. 14. dictumque etiam hac de re est, lib. 5. instit. pag. 867.*

*An medica-
menta caus-
fis morbis.
sint contra-
ria.*

Restat ergo saltem controversia de causis, quomodo scilicet medicamenta sese respectu causarum habere debeant: an ijs similia, an verò contraria esse debeant. Ubi etiam concordiam iniri posse, non planè diffido. Nam si sic regula ista: contraria contrarijs curantur, explicetur, ut in Instit. loc. modo alleg. factum, nimirum per contrarium hic intelligi omne id, quod effectivè tale est, seu quod effectum affectui præter naturam contrarium producere potest, non refragantes, ut opinor, habebimus Chymicos. Nam & ipsi certè eo fine exhibent medicamenta sua, ut ijs causa morbifica & hinc morbus tollatur, non conservetur & augeatur. Neque hic ullum Paracelsicum tam stolidum esse existimo, qui non admittat, quod Hippocrates, 2. Aphor. 22. scribit: *δοτο πλεονησις οκόςτα, αν νοσήματα γινεται, κένησις ιηται: & οκόςτα, δοτο κενώσιως, πλεονησι: & τῶν ἀλλῶν ἢ ὑπεναντίως.* Qui à plenitudine morbi sunt, evacuatione curantur: & qui ab inanitione proficiuntur, sanantur repletionem; caterorumq; contraria sunt remedia. Sunt enim hæc tam manifesta & nota, ut à Paracelso & ejus asseclis ea de causa (etsi minus rectè) ferè neglecta videantur.

*Contrarietas inter
qua sit.*

Atq; hoc ipso loco notandum, malè à nonnullis Chymicis Galeno attribui, quasi contrarietatem Hippocraticam saltem ad qualitates primas extendat; quod nunquam Galeno in mentem venit: cum passim contrarieta-

rietatem per totam methodum medendi & omnia morborum genera extendat. Atque inter alia in art. medic. cap. 89. scribat: ἡ ἱασις εἷνα μὲν ἔχει καὶ πρῶτον κοινώτατον σκοπόν αὐτῶ τ' μέλλοντι λυθήσεσθαι τὸ ἐναντίον. ἐκ τῆς γὰρ γένεσς ἐστὶ πάντα τὰ διμμεγνῆτα τὴν ὑγείαν τὰ αἷμα: κατὰ μέρος δ' ἐκ τῶν καθέκαστον ἐναντίων. *Curatio unam precipuam & communissimam habet intentionem ad id, quod est dispositioni auferenda contrarium. Ex hoc enim genere sunt causa illæ omnes, quæ sanitatem efficiunt. Secundum partem vero ex unicuique dispositioni contrarium. Quo in loco, ut & alibi, Hippocraticum axioma non solum ad intemperiem retulit, sed ad omnes ex æquo morbos & causas extendit.*

Supereſt itaque ea ſaltem quæſtio: quomodo ſecundum vires internas & ipſam naturam & ſubſtantiam medicamenta ad cauſas morbificas ſeſe habere debeant. Atque hic verſatur controverſiæ cardo. Cum enim Paracelſici morbos aut potius cauſas morbificas ad tria ſua principia referant, & alios morbos eſſe Sulphureos, alios ſalarios, alios mercuriales ſtatuant; Sulphureos, per Sulphurea medicamenta; ſalarios, per ſalaria; Mercuriales, per Mercurialia curandos doceant. Si nimirum Sulphur accendatur, illud extingendum eſſe dicunt; atque in hoc contrarietatem admittunt. Verum hoc non fieri poſſe per ſalem, vel Mercurium, ſed per Sul-

*Quomodo
remedia
ad cauſas
ſeſe habe-
ant.*

phureum tantum medicamentum continent. Ita si ulcus excitetur, à sale id esse, nihilque in natura corrosivum nisi salem esse dicunt: eamque exulcerationem tollendam, carnemque generandam, & ulcus conglutinandum concedunt: & eatenus quoque contrarietatem in remediis admittunt.

Verum remedia, per quæ id præstari possit, esse salaria statuunt. Ita & de morbis tartareis, quos ex superfluitatibus excrementitijs provenire docent, sentiunt: cujus generis sunt calculi, eosque per tartarea remedia tollendos esse docent. Hinc convenire calculo solvendo lapides, qui in animalibus concresecunt, ut sunt lapides cancerorum, percarum, lapides, qui in vesica & renibus animalium inveniuntur, lapis lyncis, Judaicus, spongiæ, radices rusci, Apij, Althææ; & calculo præservando ea convenire, quæ mucilaginosæ sunt; coagulata, quæ in lapideam duritiem coagulata sunt. Atque ita morbum semper simul remedium monstrare sentiunt.

Conciliatio.

Qua in re etiam si videatur esse inter Galenicos & Chymicos discrepantia: danda, tamen opera, ut & illa, quantum fas, conciliari possit. Et primò, plerique Galenici non negant, purgantia familiaritate substantiæ humores vitiosos trahere. Id tamen nihil de axiomatibus illius, contrariorum contraria esse remedia, universalitate tollit. Nam licet respectu causæ aliqua insit similitudo, in purgantibus

gantibus: tamen respectu morbi, imò ipsius
 causæ etiam, suo modo sunt contraria, effe-
 ctive scilicet, tollendo nimirum morborum
 causas. Morbus enim semper tollitur contra-
 rijs, seu mediata seu immediate, seu per se, seu
 per accidens. Distinguendum etiam hic inter
 indicationem & remedium, quod est instru-
 mentum, per quod indicationi satisfacit. Indi-
 cans præter naturam semper sibi contrarium
 indicat. At instrumentum, per quod efficitur,
 quod indicans præscribit, licet causæ sit si-
 mile, nihil refert, modo indicationi per id sa-
 tisfiat, & causa tollatur. Quamvis enim simi-
 litudine substantiæ Rhabarbarum bilem at-
 trahit: eo ipso tamen facit, ut Rhabarbarum
 e corpore evacuetur. Et ipse Aristoteles, ubi
 de actione mutua rerum naturalium agit, *i. de*
gen. & cor. c. 7. scribit: *τὸ πᾶσι καὶ τῷ ποιῶν*
τὰ ὑπὲρ γένεσι τὰ ὑπὲρ καὶ ὁμοία: τὰ δ' εἰς αὐτὴν ἀνό-
μοία. τοιαῦτα δὲ τὰ ἐναντία. Patiens & agens
genere quidem sunt eadem & similia: specie
vero dissimilia. Talia autem sunt contraria.

*Curatio per
 similia quo-
 modo perfici-
 atur.*

Et quod docent Chymici, sulphur sulphu-
 re, sal sale esse curandum: non planè de nihi-
 lo videtur. Neque enim quælibet materia à
 quibuslibet patitur & dissolvitur. Notissimum
 est, pingua non affici aut pati ab aqua, sed à
 pinguibus. Ita Gummi arabicum, ceraforum,
 tragacanthæ, prunorum, in aqua dissolvi-
 tur; quia aquosa hæc sunt: thus vel myrrha

non

non item. Ita Sulphur in oleo dissolvitur, ob naturæ cognitionem : ab aqua forti Sulphur non solvitur, quæ tamen argentum & alia metalla facile dissolvit. Et quæ aqua fortis argentum dissolvit, eadem aurum dissolvere non potest. Videmus etiâ calculos à Spiritu salario coagulatos, & ipsos nō à pinguib. & sulphureis, sed à talibus, quæ sale abundât, dissolvi. Itaq; non abs re facere videntur Chymici, dum cuique causa morbigicæ non quævis resolventia opponenda esse censent, sed talia, quæ vim specificam resolvendi & è corpore exturbandi quamlibet causam habent. Neque enim sufficere putant, si humori crasso attenuantia adhibeant, sed humoris naturam attendendam, & pro, cujusque natura specifica & propria attenuantia adhibenda esse, Sulphurea Sulphureis, Salaria Salaris.

Neque interim, dū dicunt, similia similibus curari, contrarietatem plane negligunt, sed illud Aristotelis paulò ante propositum, ut admittant necesse est; *Agens & patiens genere quidem esse similia, specie verò dissimilia & eatenus contraria.* Et si chim Salia Salibus curari dicunt: tamen Salia alia vim resolvendi, alia coagulandi vim habent. Et propterea humores à sale coagulatos, non per salem coagulantem, sed per Salem solventem curandos dicunt. Ita ex eorum sententia febris, ex sulphure $\Phi\lambda\omicron\gamma\alpha\varsigma\tilde{\omega}$ & inflammabili orta non curatur per sulphur inflammabile, sed per sulphur acidum,

acidum, quod Spiritus illos accensos coagulet, compescat, & ad inflammationem ineptos reddat. Id quod pyrii pulveris exemplo probat Quercetan., *de prisc. mat. medic. c. 3. & 8.* Ersi enim Sal petrae & Sulphur facile sint inflammabilia: tamen utrumque acidum in se continet Spiritum, quo si imbuatur pulvis pyrius, amplius flammam non concipit.

Atque hae si ita distinctè explicentur, vix aliqua controversia inter Galenicos & Chymicos revera relinquitur. Alio enim respectu similia similibus, alio contraria contrariis curari dicuntur. Similia nimirum requirunt vires, & parti affectae similia, appropriata, & familiaria medicamenta adhibentur. Inter purgantia quoque & humores, ut & dissolventia & humores, cognatio intercedere debet. Contra verò morbus & causae, quatenus praeter naturam sunt & tolli debent, requirunt contraria.

Si quis vero nulla distinctione adhibita hanc quaestionem decidere velit, & ubi quaeritur de morbo vel causa morifica, de parte affecta respondeat, is multis modis errabit. Id quod accidit Crollio, cui cum omnia Galenica planè sordeant, & nullam propterea conciliationem quaerat, satis imprudenter scribit, *in praefatione admonitoria, p. 59. Naturam corporis nostri proprium sibi met esse Medicum, qui ab extrinseco Medico nihil aliud requirat, praeter instaurationem aut fortificationem, exteriore medi-*

*Natura an
sola morbo-
rum medi-
catrix.*

medicamento repurgatissimo. Quod si simpliciter verum, quorsum ergo vomitoria κατὰ γένος & κατὰ φύσιν descripsit? Et mox addit, sgra corpora qualitatibus contrariis curare velle, nihil aliud est, praterquam natura, bello intestino satis labefactata, bellum intrinsecum in totalem sui ruinam movere. Ergone nunquam vidit Crollius, aere & potu frigido calore ferè enectos refocillari? Si non vidit Hecticorum corpora exsiccata humectantibus curari, & ulcera pulmonum solo aere sicco exsiccata coalescere, & phthysicos hoc modo curari: legat Galenum, lib. 3. & 10. method. medendi. Et qui nullos morbos sola primarum qualitatū contraria alteratione curare negat, ea, negat quæ sensus vera elice docent, & vix dignus est, cum quo disceptetur. Et iterum: Contraria se mutuò non recipiunt: Et si mutuò se non recipiunt, nec in se mutuò agunt, nec à se mutuò patiuntur aliquid. Ubi igitur actio & passio vera non est, ibi etiam effectus naturalis verus non sequitur. Ergo medicamenta non possunt esse contraria loco affectò. Quæstio est, de contrarietate medicamentorum, & morbi ac causæ morbificæ. Is verò respondet de parte affecta: & an contraria vel similia mutuò agant & patiātur, facile cognoscere potuisset, si legere ipsi libuisset Aristotelem, 1. de Gen. & Cor. c. 7. & quæ commentatores ad eum locum hac de re scripserunt.

Et quanquam Galenici ultrò concedant; Naturam esse morborum medicatricem; & longè ante Chymicos id Hippocrates, *6. epid. sect. 5. t. 1.* docuerit; Naturamque omnia, quæ potest, pro animalis salute agere, & absque Naturæ robore omnia à Medico frustra tentari, extra controversiam sit: tamen, ut Galenus, *ibidem*, ubi hunc locum explicat, rectè art: non simpliciter verba hæc accipienda sunt; sed altior sensus accuratiore indigens explicatione in his verbis delitescit. Ac rectè dicitur, & naturam morbos medicari; rectè verò & artem medicam, & medicum. Natura nimirum, ut Galenus explicationem hujus loci concludit, omnium artium ad medendum primaria & potissima est: ipsa tamen nec omnia, nec sola, quæcunque ad sanationem necessaria sunt, semper præstare potest. Sed, *Quid natura, quid ars possit.* ut rectè, de *constit. art. c. 13.* Galenus ait: alia Naturæ, alia Medico concessa & negata sunt. Natura quidè alimenta coquit, in corpus distribuit, partibus apponit: in morbis humores vitiosos concoquit, secernit, expellit, cavum ulcus carne replet: eadem tamen, ut os laxatū aut fractū conformare, & reparare, aut copiosas in ulcere sordes ipsa abstergere non potest, sed ministeri Medici & medicamentorum indiget: ita pertinaces obstructions ipsa solvere nō potest, sed aperientia medicamenta id præstant: humores crassos sola incidere non valet, sed attenuantia medicamenta id præstant,

præstant, calida refrigerare non potest, sed medicamentis refrigerentibus opus; multò minus scirrhum emollire, aut calculum fortiter compactum dissolvere potest. Falsum ergo, quod omnia medicamenta saltem Naturæ opitulentur, & quod salubrium medicamentorum virtus saltem in conservatione Naturæ occupetur & consistat: cum jam monstratum sit, non pauca directè & immediatè causis morbificis opponi, & in eas proximè agere easque demoliri.

*Qui veri
sint Galenici
&
Chymici.*

Atque hæc, quæ hactenus de Galenicorum & Chymicorum consensu ac dissensu diximus, si quis sine præjudicio perpendere voluerit, id inde commodi, ut spero, percipiet, ut discat, nec Chymica ob Galenica, nec Galenica ob Chymica negligenda esse: sed nonnulla Paracelsi ac Paracelsistarum dogmata tam absurda & ab omni veritate aliena esse, ut meritò ab omnibus, quibus magis veritas, quam Paracelsus vel alius quispiam, amica est, rejicienda sint: in non paucis tamen concordiam iniri posse, nec dissidium tantum esse inter Galenicos & Chymicos, ut ideo nova secta constituenda sit. Ac proinde pessimè suis rebus consulere, qui, antiquorum scriptis neglectis, è solis recentium Chymicorum libris se egregios Medicos evasuros existimant. Contra & illos peccare, qui nullam veteri Medicinæ accessionem fieri posse putant. Elegantem utilium medicamentorum supellectilè Chymia

mia nobis suggerat: si eadem quid in morborum causis & medicamentorum facultatibus investigandis opis afferre potest, & hoc beneficii loco acceptamus: & proinde verum esse putamus, quod Matthiol. *lib. 4. epist. ad Andream de Blau*, scribit; Neminem Medicum absolutum esse posse, imò ne mediocrem quidem, qui in Chymia non sit exercitatus. Cum enim Medicus sit ille admirabilis, qui quod est divinum in morbis, in medicamentis, in natura novit, actionumque fontes investigat: ista omnia præcipuè Chymia beneficio Medicus assequi potest; qui verò in rebus nihil qualitativis primis præstantius querit, id non potest. Reliqua, de corporis nostri constitutione, facultatibus & actionibus, de morborum & symptomatum differentiis, de signis, prognosticis, & methodo medendi, rectissime ex Hippocrate & Galeno eorumque interpretibus cognoscuntur: quæ qui negligit, Empiricus potius evadet, quam verus Medicus.

Ergo non amplius opponatur Galenica *Galenici* Medicina Chymicæ; sed PseudoGalenica Chymicæ, & pseudo Chymia Galenicæ Medicinæ. *Galenici* enim non sunt, ut nonnulli eos malè definiunt, qui purum & impurum confundunt; sed qui artis Medicæ fundamenta à Galeno & Philosophis petita, *ratione* probata, & *experientia* confirmata amplectuntur, & hoc duplici *negotio* verum à falso distinguunt. Atque hi non negant, quod Ars Medica ab

Hippocratis & Galeni temporibus & theorematum accessione & medicamentorum copia & ornatu altior & perfectior evaserit. Et inter accessiones illas libenter etiam Chymiam referrunt, atque agnoscunt nostro tempore & remedia multa antiquis incognita rectè usurpari, & multò commodius præparari, atque extracta olea, spiritus, sales & similia libenter admittunt. PseudoGalenici sunt servum illud hominum genus, qui nihil, nisi quod in Galeno reperitur, recipiendum censent, & in dijudicando vero ac falso non tam ratione & experientia, quam Galeni auctoritate nituntur. PseudoChymici sunt, qui nullarum rerum naturalium & Medicarum cognitione instructi ex operariis Chymicis subito Medici facti, omnia Galenicæ Medicinæ fundamenta subversa cupiunt.

PseudoGalenici qui.

PseudoChymici.

Conclusio.

ATque hæc sunt, Lector benevole, quæ de Chymicorum Recentiorum cum Aristotelicis & Galenicis consensu & dissensu in genere dicere potui. Voluissem & debuisssem plura: verum ut effectum darem, quod volui, alia negotia non permiserunt. Si verò & hæc forsitan satis multa alicui videbuntur: is cogitet; nullam in principiis explicandis operam facile nimiam esse posse. Non tamen ita res omnis expedita est: sed quæ in genere facta est inter Aristotelicorum Galenicorumque & Chy-

Chymicorum sententias collatio: eadem in omnibus Medicinæ partibus in specie tentanda, & quàm bene vel malè de morborum & symptomatum natura & causis, medicamentorumq; facultatibus Paracellus ejusq; sectatores sentiant, per singulas morborum & symptomatum medicamentorumque differentias ac species explicandum. In primis de medicamentis è mineralibus & metallis petitis, quæ quasi propria sibi vendicant Chymici, in specie dicendum, & quæ ex iis admitti & cum ægrorum commodo usurpari, quæ ut periculosa & noxia rejicienda, monstrandum. Neque enim persuaderi possum, ut, quæ intra annos non ita multos innotuerunt, & adhuc indies in lucem prodeunt, plurima medicamenta Chymica, omnia ejusdem notæ esse, atque omnia eas, quæ ipsis tribuuntur, laudes sustinere posse, credam. Et cum ex eodem minerali medicamenta, quæ diversissimas vires obtinent, parari possint: diversitatis hujus causæ omnino reddendæ sunt, quæ medicum & in operando & in exhibendis medicamentis certum reddere possint. Exempli loco unum saltè attingere libet. Ex chalybe fieri medicamenta, quæ & ad pertinaces viscerum obstructions aperiendas, & ad varios fluxus sistendos utilia sunt, notissimum est, earumque vires & efficacia non solum Chymicis, sed & Galenicis, cognita & laudata est. Qui autem fiat, ut idem chalybs & adstringat, fluxiones sistat, ac

Y y 2 robo

Hippocratis & Galeni temporibus & theorematum accessione & medicamentorum copia & ornatu altior & perfectior evaserit. Et inter accessiones illas libenter etiam Chymiam referrunt, atque agnoscunt nostro tempore & remedia multa antiquis incognita rectè usurpari, & multò commodius præparari, atque extracta olea, spiritus, sales & similia libenter admittunt. PseudoGalenici sunt servum illud hominum genus, qui nihil, nisi quod in Galenio reperitur, recipiendum censent, & in dijudicando vero ac falso non tantum ratione & experientia, quam Galeni auctoritate nituntur. PseudoChymici sunt, qui nullarum rerum naturalium & Medicarum cognitione instructi ex operariis Chymicis subito Medici facti, omnia Galenica Medicinæ fundamenta subversa cupiunt.

PseudoGalenici qui.

PseudoChymici.

Conclusio.

ATque hæc sunt, Lector benevole, quæ de Chymicorum Recentiorum cum Aristotelicis & Galenicis consensu & dissensu in genere dicere potui. Voluissem & debuissim plura: verum ut effectum darem, quod volui, alia negotia non permiserunt. Si verò & hæc forsitan satis multa alicui videbuntur: is cogitet; nullam in principiis explicandis operam facile nimiam esse posse. Non tamen ita res omnis expedita est: sed quæ in genere facta est inter Aristotelicorum Galenicorumque & Chy-

Chymicorum sententias collatio: eadem in omnibus Medicinæ partibus in specie tentanda, & quàm bene vel malè de morborum & symptomatum natura & causis, medicamentorumq; facultatibus Paracellus ejusq; sectatores sentiant, per singulas morborum & symptomatum medicamentorumq; differentias ac species explicandum. Inprimis de medicamentis è mineralibus & metallis petitis, quæ quasi propria sibi vendicant Chymici, in specie dicendum, & quæ ex iis admitti & cum ægrorum commodo usurpari, quæ ut periculosa & noxia rejicienda, monstrandum. Neque enim persuaderi possum, ut, quæ intra annos non ita multos innotuerunt, & adhuc indies in lucem prodeunt, plurima medicamenta Chymica, omnia ejusdem notæ esse, atque omnia eas, quæ ipsis tribuuntur, laudes sustinere posse, credam. Et cum ex eodem minerali medicamenta, quæ diversissimas vires obtinent, parari possint: diversitatis hujus causæ omnino reddendæ sunt, quæ medicum & in operando & in exhibendis medicamentis certum reddere possint. Exempli loco unum saltè attingere libet. Ex chalybe fieri medicamenta, quæ & ad pertinaces viscerum obstructions aperiendas, & ad varios fluxus sistendos utilia sunt, notissimum est, earumque vires & efficacia non solum Chymicis, sed & Galenicis, cognita & laudata est. Qui autem fiat, ut idem chalybs & adstringat, fluxiones sistat, ac

Y y 2

robo-

roboret; & contra obstructions aperiat, non ita omnibus perspectum. Galenici quidem nonnulli hujus rei causas reddere conati sunt; sed plerique parum feliciter. A Chymicis, quibus natura metallorum penitus cognita, in diversitatis hujus causis reddendis meritò rectius quid expectatur. Factum tamen, ut nonnulli nec firmiores hujus rei causas reddiderint, sed & in ipso medicamentorum ex chalybe usu aberraverint. Inter quos & Crollium esse puto, qui sui Croci Martis essentiam ad si standos menses, gonorrhœam, hæmorrhoides, dysenteriam, & diarrhœam, urinæ incontinentiam & omnes hæmorrhagias; & simul quoque in omnibus jecoris & lienis obstructionibus deploratis commendat: cum tamen ab uno croco diversi hi effectus nō proveniant. Unde rectè hodie Chymici quidam crocum Martis in aperientem & adstringentem distinguunt. Ideoq; unde in eodem chalybe diversæ hæ vires dependeant, inquirendum; quod Chymicis peritioribus ignotum non est. Et quod de chalybe dixi, de aliis medicamentis plurimis locum habet: cum ex diverso præparationis modo diversas vires plurima accipiant; ut in antimonio videre est, quod & vomitum atq; alvum, & sudores, pro diverso præparationis modo, movet. Ideoque quicumq; Chymici nomen cum laude sustinere cupit, non solum det operam, ut ex præscripta formula aliquid operari possit, quod & o-

perarii

perarii Chymici, quos Laborantes vocant, multi satis expeditè præstant; sed & in id incumbat, ut omnium inedicamentorum, quæ tractat, naturam cognitam habeat, & operationum suarum! causas reddere, ac ex præparationis modo de viribus medicamenti judicare possit. Quales cum in Germania nostra, quæ hodie Chymicæ peritia nulli Nationi cedit, habeat non paucos, eos meritò illo, qui hexametrorum omnium primus fuisse perhibetur, versu alloquor: Συμφέρετε τὴν τὰ ὀίωνοι, ἀνθ' ἧς μέλιος αἰ. Nemo enim se solum sapere, aut omnia in hoc genere perspecta habere, sibi persuadeat; sed, ut Cicero ait, *optimus & gravissimus quisq; confitetur, multa se ignorare, & multa sibi etiam atq; etiam esse discenda*. Et rectè Scaliger, *exer. 148. sect. 4.* scribit: *Ego nequaquam homines esse nos dicere consuevi, sed partes hominis. Ex omnibus enim aliquid fieri posse; idq; non magnum: ex singulis penè minus, quàm nihil*. Ego, si Deus vitam, vires & otium concesserit, pro mea tenuitate, si quam potero, symbolam lubens conferam.

DEUS opt. max. qui Medicum & Medicamenta creavit, omnium consilia & cogitationes dirigat, ut ad artis Medicæ & Chymicæ ὁμοδελφίαν stabiliendam, veraq; Medicinæ incrementum, & humani generis commodum tendant, faciantq;.

ILLI SOLI HONOR ET GLORIA.

Yy 3 INDEX.

roboret; & contra obstructions aperiat, non ita omnibus perspectum. Galenici quidem nonnulli hujus rei causas reddere conati sunt; sed plerique parum feliciter. A Chymicis, quibus natura metallorum penitus cognita, in diversitatis hujus causis reddendis merito rectius quid expectatur. Factum tamen, ut nonnulli nec firmiores hujus rei causas reddiderint, sed & in ipso medicamentorum ex chalybe usu aberraverint. Inter quos & Crollium esse puto, qui sui Croci Martis essentiam ad si standos menses, gonorrhœam, hæmorrhoides, dysenteriam, & diarrhœam, urinæ incontinentiam & omnes hæmorrhagias; & simul quoque in omnibus jecoris & lienis obstructionibus deploratis commendat: cum tamen ab uno croco diversi hi effectus non proveniant. Unde rectè hodie Chymici quidam crocum Martis in aperientem & adstringentem distinguunt. Ideoq; unde in eodem chalybe diversæ hæ vires dependeant, inquirendum; quod Chymicis peritioribus ignotum non est. Et quod de chalybe dixi, de aliis medicamentis plurimis locum habet: cum ex diverso præparationis modo diversas vires plurima accipiant; ut in antimonio videre est, quod & vomitum atq; alvum, & sudores, pro diverso præparationis modo, movet. Ideoque quicumq; Chymici nomen cum laude sustinere cupit, non solum det operam, ut ex præscripta formula aliquid operari possit, quod & o-

perarii

perarii Chymici, quos Laborantes vocant, multi satis expeditè præstant; sed & in id incumbat, ut omnium inedicamentorum, quæ tractat, naturam cognitam habeat, & operationum suarum! causas reddere, ac ex præparationis modo de viribus medicamenti judicare possit. Quales cum in Germania nostra, quæ hodie Chymix peritia nulli Nationi cedit, habeat non paucos, eos meritò illo, qui hexametrorum omnium primus fuisse perhibetur, versu alloquor: Συμφέρετε ὡς τε γὰρ οἰωνοὶ, ἀνῆλθε μέλιος αἱ. Nemo enim se solum sapere, aut omnia in hoc genere perspecta habere, sibi persuadeat; sed, ut Cicero ait, *optimus & gravissimus quisq; confitetur, multa se ignorare, & multa sibi etiam atq; etiam esse discenda*. Et rectè Scaliger, *exer. 148. sect. 4.* scribit: *Ego nequaquam homines esse nos dicere consuevi, sed partes hominis. Ex omnibus enim aliquid fieri posse; idq; non magnum: ex singulis penè minus, quam nihil*. Ego, si Deus vitam, vires & otium concesserit, pro mea tenuitate, si quam potero, symbolam lubens conferam.

DEUS opt. max. qui Medicum & Medicamenta creavit, omnium consilia & cogitationes dirigat, ut ad artis Medicæ & Chymicæ *ὁμοδελφίαν* stabiliendam, veræq; Medicinæ incrementum, & humani generis commodum tendant, faciantq;.

ILLI SOLI HONOR ET GLORIA.

Y y 3

INDEX.

INDEX.

A.

A cria omnia an propter salem.	pag. 489
A ctiones naturae sunt ordinatae.	224
A ctiones multae a forma substantiali, non mediante temperamento fluunt.	627
E gyptiorum libri Chymici a Diocletiano combu- sti.	53
A eris qualitates.	163
A es Esdra an Chymicum fuerit.	51
A es Judicum.	52
A estatis & hyemis causa sec. Paracels.	325
A natomia vitalis Chymic.	436.
localis.	435.
A nima Mundi Platon.	146.
de anima mundi Aristotelic. sententia.	147
A nimae vires.	183. 186
A nima an actu in semine.	206. 197.
operationes animae in semine.	ibid.
A nima non est ex Elementis.	247. 331.
corporis formatrix.	185. 188. 204
A nima matris non est formationis causa.	207
A nimae potestas in corpore formando unde.	185
A nimae astra dicuntur Severino.	188
A nimatum corpus omne an sit organicum.	230
A nimator. propagationis modi.	203
A nimalia ex putredine nata an sint ejusd. speciei cum aliis.	349
A nnulus Trallian. contra Colicam.	613
A nseres Scotici.	339
A nti-	

I N D E X.

<i>Antiquorum errores ut tractandi.</i>	<u>37</u>
<i>Antiquorum inventis & laboribus carere non possumus.</i>	<i>ibid.</i>
<i>Apoplexia generatio sec. <u>Scheunem.</u></i>	508
<i>Arabes Chymiam exercuerunt.</i>	55
<i>Archæus Paracels.</i>	<u>113</u>
<i>Argonautica Expeditio.</i>	<u>48</u>
<i>Aridura Scheuneman.</i>	<u>517</u>
<i>Armatura Martia.</i>	<u>377</u>
<i>Arthritid. generatio sec: Scheuneman.</i>	<u>512</u>
<i>Artificiale quid.</i>	<u>290</u>
<i>Astrum quid Paracels.</i>	<u>179</u>
<i>Astrorum fructus.</i>	<u>324</u>
<i>Aurum Chymicum an sit verum aurum.</i>	<u>25</u>
<i>Auri proprietates.</i>	<i>ibid.</i>
<i>Chymica arte facti historia.</i>	<u>23. 26</u>
<i>Aurum fulminans.</i>	<u>662</u>
<i>Aureum vellus.</i>	<u>48</u>
<i>Auxilium num à diabolo petere liceat.</i>	381.
<i>non licere.</i>	<u>386</u>

B.

<i>Bitumen Libavio idem, quod Chymic. Sulphur.</i>	312
<i>Bombyces.</i>	<u>336</u>

C.

<i>Cabala Antiquis quid. 373. quatuorplex.</i>	<u>374.</u>
<i>Canticum Canticorum malè ad Chymiam pertrahitur.</i>	51
<i>Calidum</i>	<u>4</u>

INDEX.

Calidum innatum an sit Elementaris naturæ 338.
ab elementari differt 255. *cælesti analogum.* 261

Calori cælesti frigus elementare non contrarium.
256. de calore cælesti doctor. quorund. sentent. 260

Cerebrum in Epilepsia affici unde constet. 548
Chaos. 329

Characteres & Sigilla diaboli tessera militar. 620.
621. eorum vis unde 614. refutatur. 617

Chrysopæia difficilis & periculosa 27. *eam promittentium impostor fallacia.* 28

Chymia nomen unde 1. appellatur Spagyria 12.
Ars Hermetica 3. *Ars perfecti Magisterii.* ibid.

Chymia quid 15. 18. *non est scientia* 16. *non est pars Physica nec ei subalternatur* 17. *per se est Ars* 6. *Physico utilis & necessaria* 33. *id est. Medico* 16. 40 *ab Arabib. primum pauca ante secula inventa* 38. *Adamo an nota.* 39.

Chymia origo. 40.
Inventor Tubalcain. 39

Chymia finis duplex 6. *externus & internus* ibid.
9. veritas & dignitas. 20

Chymia an novam pariat Philosophiam & Medicinam 13. *an opus habeat novo stylo.* 114

Chymici quidam 4. *Recentior. à Paracels. in quib. dissent.* 455

Chymici veri qui. 704

Chymicus circa quid versetur 4. *quomodo circa corpora naturalia* ibid. *non medetur.* 16

• *Chymi-*

INDEX.

Chymicus & Pharmacopæus in quo convenient & differant.	7
Chymiatría.	9
Chymica præparationes an novæ 10. an medica- mentor. virtus his destruatur.	683
Chymica medicamenta efficacia 32. grata ibid. du- rabilia.	33
Cibi suaves cur utiles 401. ex insuavi etiam per se bono quidam in febrem inciderunt.	ibid.
Coagulatio quid.	365
Cognitionis initium à sensib.	121
Cognoscendi facultas dupl. homini data.	ibid.
Colica causa sec. Severin.	494
Colores unde.	315
Comparisonibus & Analogie quantum tribuen- dum.	137
Concretio dupl. 305. Concretio Salium.	ibid.
Contraria contrarijs tolluntur.	690. 695
Corpor. natural. proxima principia 274. ordo 273. corruptio natural. 288. violenta 289. resolu- tio non semper fit in Elementa.	292.
de resolutione corpor. natural. quomodo judi- candum.	293
Corporea an ex incorporeis fieri possint, & contra.	334
Corpus homini dupl. sec. Chym.	421
Creationem duplicem faciunt Chym.	454
Crollii impia de fundamento Magiæ Cabalist. o- pinio.	382
Cuprum ex ferro esse verum cuprum.	21
Curatio an contrariis an similib. instituenda 690.	
Ꝛy	5
	simi-

F N D E X.

familibus fec. Chymic. 691. 692. 699.
 decisio quæst. 692

D.

Democritus. 52
 Dieta ad morbos curandos necessaria. 562.
 à Paracels. neglecta. ibid.
 Deus nihil mali creavit. 454
 Diei & noctis causa fec. Paracels. 325
 Discrimen inter Chymica principia & Elementa. 296
 Doloris causa. 499. vehementia unde. 500.
 an tantum à spiritibus salium. 495
 Doloribus an saporum nomina tribuenda. 500
 Duritiei causa. 393
 Δυσάμεις Hippocratic. 278

E.

Elementum quid. 160
 Elementorum vires. 162. fructus. 156.
 divisio fec. Severin. 157. Paracels. 154. 155
 de Elementis sententia Crollii. 158.
 Quercetan. 159. Beguin. ibid.
 Elementa quomodo in Misto manent. 356.
 iis non solum inherendum. 168
 Ens Deale, Astrale, mentale, naturale, Pa-
 goicum Paracels. 471
 Erucarum & papilionum generatio. 337
 Extracta & separata Chymica an insint. in inte-
 gro. 683
 Facul-

I N D E X.

<i>Facultas natural. an in morbis cesset.</i>	<u>554</u>
<i>Februum generatio sec. Severin.</i>	<u>490.</u>
<i>periodorum <u>causa</u>.</i>	<u>551.</u>
<i>continuitat. & intermittentia <u>causa</u>.</i>	<u>552.</u>
<i>improbatur.</i>	<u>554</u>
<i>Febres continua ex humoribus mista frequentif- sima.</i>	<u>554</u>
<i>Fel an pars corporis,</i>	<u>428</u>
<i>Ferrum in Cuprum mutatur.</i>	<u>21</u>
<i>Fides miraculos.</i>	<u>381.</u>
<i>natural. Paracels. figmentum.</i>	<u>383</u>
<i>Fixorum differentia,</i>	<u>365</u>
<i>Fluxuum alvi <u>causa</u> sec. Scheuneman.</i>	<u>516</u>
<i>Famina quid ad generationem conferat.</i>	<u>211.</u>
<i>quomodo in se generet.</i>	<u>213</u>
<i>Fomitis in morbo <u>investigatio</u> difficilima.</i>	<u>548</u>
<i>Forma quid.</i>	<u>182. 183.</u>
<i>Unde suas vires habeant.</i>	<u>223. 207.</u>
<i>an educantur e potentia materia.</i>	<u>193.</u>
<i>de origine sententia varia.</i>	<u>191.</u>
<i>sententia Peripateticorum.</i>	<u>193.</u>
<i>Author.</i>	<u>192</u>
<i>Forma <u>omnis sui</u> multiplicativa.</i>	<u>195</u>
<i>Forma an misceantur.</i>	<u>219.</u>
<i>non sunt extra Individua suarum specier.</i>	<u>225.</u>
<i>subordinata.</i>	<u>336.</u>
<i>Forma & semina rerum non latent in abyssis.</i>	<u>332</u>
<i>Formatricem vim investigare difficile.</i>	<u>189</u>
<i>Formationis causa princeps est in semine.</i>	<u>200.</u>
<i>non potest esse aliquid externum.</i>	<u>220</u>
<i>Formationum causa in semine est anima.</i>	<u>202</u>
<i>Fun-</i>	

I N D E X.

<i>Fungor. decocto vel succo arborum radicib. affuso fungi nascuntur.</i>	<u>345</u>
<i>Fundamenta Medicinæ sec. <u>Chymic.</u></i>	368

G.

<i>Galenici qui.</i>	705. <u>704</u>
<i>Galenici Chymiam coluerunt.</i>	34
<i>Generationis opus <u>admirandum.</u></i>	189
<i>Generatio quid Chymic.</i>	315
<i>Generationes in globo triplic.</i>	<u>321</u>
<i>Generatio animal ib. plantar. mineral.</i>	<u>322.</u>
<i>ex Cagastro. Iliastro Paracels.</i>	ibid.
<i>Generatio equivoca an detur.</i>	<u>343</u>

H.

<i>Hellebori nigri folia ferè lapidi Philosophico æquiparantur à Scheunem.</i>	570
<i>Hermes seu Mercurii plures.</i>	<u>41</u>
<i>Hermes Trismegist. quo tempore vixerit.</i>	ibid.
<i>doctissimus.</i>	ibid.
<i><u>Hermetis</u> an sint libri genuini, qui hodiè ejus nomine circumferuntur.</i>	46.
<i>Tabula Smaragdina.</i>	43
<i>Hermes Arabs an aliquis fuerit.</i>	<u>42</u>
<i>Hermetici hodierni.</i>	43
<i>Hesperidum poma.</i>	49
<i>Hippocrat. Orcus <u>319.</u> Lux.</i>	ibid.
<i>Homo quomodo microcosm. sec. Paracels. <u>125.</u> 135.</i>	
<i> & quomodo sec. Peripat.</i>	128
	Homo

I N D E X.

Homo invisibil. Chymic.	422
Hominis Creatio.	423.
corpus sec. Paracels. dupl.	127.
partes Mundi partib. ut respondeant.	129
Humores quid Galen. 432. sunt morborum causa	
450. 476. sunt corpora mixta, quatenus morbor.	
causa.	461
Humorum naturam quomodo <u>explicanda.</u>	464
Humorum doctrina difficilis.	467
Humorum differentia à principiis Chymicis non negligenda.	466. 468
Humores alimentarii & excrementitii an differ- rant specie.	434
Humorum vitiosorum origo.	465
Hydropis causa.	522
Hydrops non semper generatur à frigiditate Epä- tis. ibid. non est ex Sale resolutio 523. quando incurabilis.	560

I.

Iliadus Paracels.	113
Imaginationis vires sec. Paracels. 383. Effectus miri 395. de hujus virib. opinio falsa. fons ope- rationum magicarum.	417
Imaginatio non agit in corpora 395. an agat in externa 403. 415. <u>quomodo</u> humores & spiri- tus moveat 391. <u>quomodo</u> corpus alteret. ibid. <u>quomodo</u> morbos pariat 398. <u>quomodo</u> morbos curet 400. <u>quomodo</u> pestem inducat 398. <u>quo-</u> <u>modo</u> factum mutet. 405. 407. 410. quo tempore ei	

I N D E X.

ei notas imprimat <u>413.</u> quales notas ei imprimere possit.	<u>414</u>
Incantatio per imagines.	<u>633</u>
Inflammabilitas unde.	<u>297</u>
Inflammationis generatio sec. Severin.	<u>495.</u>
Causa externa.	<u>497</u>
Intemperies à <u>Paracelsic.</u> rejiciuntur.	<u>450</u>
Inventa nova non rejicienda.	<u>674</u>

K.

κρητεια doctrina quæ.	<u>124</u>
-----------------------	------------

L.

Lampas vitæ & mortis Ernest. Burggrav.	<u>632</u>
Lapidescencia.	<u>307</u>
Lapidescendi vis sine sale non est.	<u>ibid.</u>
Libavii objection. contra seminum vitam diluuntur à	<u>211. usq. ad 220</u>
Libri Chymic. an omnes Author. quorum nomina præ se ferunt.	<u>56</u>
Loci affecti signa.	<u>548.</u>
per medicamenta exploratio periculosa.	<u>549.</u>
agri relatio ad hujus cognitionem <u>multum facit.</u>	<u>350</u>
Lumen gratia Paracels.	<u>118</u>
Lux Natura Paracels. quid.	<u>117. 123</u>

M.

Magia origo.	<u>612</u>
Magia quatuorplex.	<u>254.</u>
Naturalis. 253. Veterum. 417. Paracels. im-	<u>piæ</u>

I N D E X.

<i>pi.</i> 379. Paracelsica fundamentum.	371.
<i>Vis</i> à diabolo. 380. species sex.	372
<i>Magica</i> ut dignoscenda.	389.
pro qualitatibus occultis non venditanda.	631
<i>Magnetica</i> actiones quæ & unde.	652. Curationes.
624. 630. Erast. hoc negat.	626
<i>Maria</i> Moſis soror an fuerit Chymia perita.	47.
<i>Materia</i> prima Paracels.	139.
recentior Chymic. 145. Aristotel.	ibid.
<i>Materia</i> duplex; permanens & transiens.	286.
<i>Mas</i> quomodo in alio genere.	212
<i>Maximi</i> Olybii lucerna.	59
<i>Medicamenta</i> Mineralia & Metallic.	33.
à Chymicis commendantur.	649
<i>Medicamenta naturalia</i> à Magicis ut discernenda.	391.
<i>Medicamenta</i> vulgaria non rejicienda.	638.
non frustra habent diversas partes.	653
<i>Medicamentorum</i> varietas non frustra data.	582
<i>Medicamenta</i> utilia an salva conscientia à Medico Christiano possint occultari.	568
<i>Medicamenta</i> pauca, probata tamen, & propria in usu habere præstat.	637
<i>Medicamentorum</i> cõpositiones & præparationes vulgares cur Chymici rejiciant. 640. & seqq. usque ad 645. de medicamentis compositis Author. sententia.	656
<i>Medicamenta</i> an semper Chymica præparatione indigeant.	655
<i>Medicamentorum</i> Compositionis causa.	657. 658.
	659
Medi-	

I N D E X.

- Medicamentor. dosi parva quanti habenda.* 660.
Medicamenta ut decoquenda 661. *ut infunden-*
da. ibid.
Medicamentis quando vulgarib. quando Chymi-
cis utendum 663. *Exoticis an utendum* ibid.
Mineralib. & Metallic. an utend. 664. 676
Medicamenta ex Antimonio & Mercurio cauti-
us usurpanda. 666.
Metallica an sola, reliquis reiectis, usurpan-
da. 668
Medicamenta fortiora interdum usurpanda 671.
quando vegetabilia, vel mineralia 669. *qua*
cautione. ibid. 676
Medicamentorum Chymicorum & Galenicorum
collatio. 672. *Galenicorum assertio* ibid.
Chymicorum assertio 674. 678.
Galenicane an Chymica preferenda 679.
quando his, quando illis utendum 680. 682
Medicamenta cum ratione usurpanda 688
Medicina *universalis an detur* 563. 577.
rationes pro universali Medicina 578.
har. solutio. ibid. rationes contra universalem
medicinam. 581
Mel & saccharum an medicamentis admiscen-
da. 662
Mercurius quid Chymic. 266. 316.
in plumbum mutatur. 21
Mercurius pneumosus. Scheuneman. 503.
*Cremosus ejusd. 506. sublimatus 509. prae-
tatus.* 511
Metalla an possint transmutari. 20. reliqua an pos-
sint

INDEX.

<i>sint in aurum transmutari.</i>	<i>23.</i>	<i>Transmutatio-</i>	
<i>nis historiae.</i>			<i>20</i>
<i>Metalla & lapides an vivant.</i>	<i>230.</i>	<i>an crescant.</i>	
<i>235. an semen habeant.</i>			<i>236.</i>
<i>non sunt tantum mista.</i>			<i>231.</i>
<i>habent suas formas specificas.</i>			<i>ibid.</i>
<i>renascuntur.</i>	<i>232.</i>	<i>renascentium historia.</i>	<i>233.</i>
<i>Metalla an sint corpori nostro inimica.</i>			<i>667.</i>
<i>an in corpore nostro possint in actum deduci.</i>			<i>ibid.</i>
<i>Meteorolog. Paracels. absurda.</i>			<i>333</i>
<i>Mistorum generatio.</i>			<i>272</i>
<i>Mista duplic.</i>			<i>684</i>
<i>Mistio sec. Chymic.</i>	<i>326.</i>	<i>In Mistione an sola qua-</i>	
<i>litates prima operentur.</i>			<i>350.</i>
<i>Mistionis princeps causa.</i>			<i>352</i>
<i>Monachi Chymie cultores.</i>			<i>57</i>
<i>Morbis unde nomina imponenda.</i>			<i>443</i>
<i>Morbi, causa & symptomata à Paracelsist. con-</i>			
<i>funduntur.</i>			<i>439</i>
<i>Morbi Paracelso substantiæ.</i>			<i>444.</i>
<i>quasiplanta generantur.</i>			<i>446</i>
<i>Morborum semina.</i>	<i>447.</i>	<i>origo.</i>	<i>448.</i>
<i>generatio sec. Severin.</i>			<i>475.</i>
<i>differentia sec. Paracels.</i>			<i>471.</i>
<i>Monarchæ sec. Severin.</i>			<i>ibid.</i>
<i>Morbi salini.</i>			<i>481.</i>
<i>Sulphur.</i>	<i>482.</i>	<i>Tartarei.</i>	<i>ibid.</i>
<i>Morbi compositionis saltem pro actionum impedi-</i>			
<i>mento habentur à Paracels.</i>			<i>450.</i>
<i>non ex seminibus oriuntur.</i>			<i>451</i>
<i>Z z</i>		<i>Morbo.</i>	

I N D E X.

<i>Morborum semina rejiciuntur.</i>	<u>453-470</u>
<i>Morbus quomodo contraria indicet.</i>	693
<i>Morbificis causis an convenient contraria.</i>	696
<i>quomodo.</i>	697. & <u>seqq.</u> usq; ad 701
<i>Mulus quomodo generetur.</i>	318
<i>Mundi major. & minor, analogia.</i>	<u>125.</u>
<i>decisio questionis de hor. analogia.</i>	131
<i>Mysterium Paracelso <u>quid.</u></i>	<u>142</u>
<i>quotuplex.</i>	<u>142</u>
<i>Mysterium magnum unde finxerit.</i>	143

N.

<i>Natura D E I ministra.</i>	<u>187.</u>
<i>morborum medicatrix.</i>	<u>555-557-701.</u>
<i>conservanda per similia.</i>	691
<i>Natura Vis.</i>	168.
<i>natura beneficio Crises fiunt.</i>	555
<i>Natura in morbo pellendo quid possit, quid Ars.</i>	703
<i>Nomina trita non temerè mutanda.</i>	<u>431</u>
<i>Nox Orphei.</i>	<u>223</u>
<i>Oleo Succini duo infantes necati.</i>	688
<i>Oratio obscura vitiosa.</i>	110
<i>Orationis Virtus perspicuitas.</i>	116
<i>Origo & propagatio rerum naturalium.</i>	<u>330.</u>

P.

<i>Paracelsi natiuitas.</i>	<u>57.</u>
<i>Genus.</i>	56.
<i>Vita dissoluta.</i>	<u>104.</u>
<i>Modestia. 60. Bibliotheca. 77. Præceptores. 71.</i>	
<i>dogmata</i>	

INDEX.

<i>dogmata absurda.</i>	81.	<i>impia.</i>	84.	<i>35. medica-</i>			
<i>menta.</i>	93.	<i>96. Curationes infelices peregrina-</i>					
<i>tiones.</i>	74.	<i>Mors.</i>	102.	<i>Encomia.</i>	62.	<i>Eruditio.</i>	80
<i>Paracelsus linguarum ignarus.</i>	78.	<i>Magia Stu-</i>					
<i>diosus.</i>	105.	<i>Chirurgus.</i>	97.	<i>98. Ulcera neglecta</i>			
<i>diata feliciter curavit.</i>	67.	<i>Sacra parum cura-</i>					
<i>vit. ibid. Sua ebrius dictavit.</i>		<i>ibid.</i>					
<i>novas creaturas introduxit.</i>							86
<i>Paracelsus unde dogmata sua hausert.</i>							72.
<i>de Mose.</i>	86.	<i>de Resurrectione mortuor.</i>					87.
<i>de Carne Christi quid senserit.</i>							88.
<i>quos morbos curaverit.</i>							95.
<i>an desperatos curaverit.</i>							101.
<i>an justis de causis nova vocabula usurpaverit.</i>							109
<i>Paracelsi sectatores.</i>							58
<i>Paracelsistarum cognoscendi modus.</i>							116
<i>Pathemata animi quomodo satum afficiant.</i>							408
<i>Pharmacopœus non est Medicus.</i>							689
<i>Philosophia vitalis Chymic.</i>							268. 367
<i>Physica doctrina unde exstruenda.</i>							153
<i>Plantæ in plantas degenerant.</i>							334.
<i>quibus Planetis subjiciantur.</i>							589.
<i>Saturnine, Jovial.</i>							590.
<i>Martial. Solar. Mercurial.</i>							591.
<i>Lunar.</i>							602.
<i>aculeata, nodosa.</i>							ibid.
<i>animalium Signaturæ habentes.</i>							603.
<i>Plantæ an certo siderum positu colligenda.</i>							631
<i>Plantarum ut vivunt & ut mortuæ consideratio.</i>							687
							222
							Podā-

INDEX.

<i>Podagra plerumq; circa trigesimum annum in-</i> <i>vadit.</i>	333
<i>Principia Chymicorum.</i>	264
<i>Unde his Chymici nomina indiderint.</i>	ibid.
<i>quid sint.</i>	271.
<i>non sunt arte.</i>	290.
<i>a natura ostenduntur.</i>	291.
<i>non sunt ante Elementa.</i>	269.
<i>non tollunt Elementa.</i>	281.
<i>eorum proprietates.</i>	265
<i>quotuplicia.</i>	281. 286
<i>Principiorum Chymicorum probatio.</i>	283.
<i>Ufus 298. Numerus.</i>	299.
<i>Auctoris de his sententia.</i>	315
<i>Principia cognoscendi.</i>	117
<i>Prognostica.</i>	556.
<i>Proprietates occulta unde.</i>	135
<i>Propagationum diversitas.</i>	344
<i>PseudoGalenici qui.</i>	706
<i>Pseudochymici.</i>	34. 706
<i>Pulsus mutatio unde.</i>	532.
<i>de pulsu sententia Paracelsi.</i>	531
<i>Purgantia Chym. an vulgaribus benigniora.</i>	652.
<i>Mineralia an planè possint fieri benigna & le-</i> <i>nia.</i>	680
<i>Putredo animalia ex se non generat.</i>	308.

Q.

<i>Qualitates primæ non sunt inefficaces.</i>	167.
<i>ex his omnium ratio reddi non potest.</i>	170.
<i>quo-</i>	

INDEX.

quocumq; modo mixta non possunt fieri venenata.	176.	non agunt ultra vires suas.	175.
in curando quid possint.	636.		
ad naturam humor. explicandam non sufficiunt.	462.		
Qualitatum primar. temperamento conveniunt, qua differunt natura specifica.	463.		
Qualitates occultae qua,	173.		
earum Vis,	172		
Quercetanus cautius morborum differentias venatur, quam Severinus.	478		
Quinta essentia Chymicorum.	571.	Vires.	573

R.

Radices Paracels. quid.	1	180
Relollaceum Paracelfo quid.		113
Rerum naturam nemo hominum integrè perscrutatus est.		35
Rerum multarum essentia sub alterius forma dominio delitescere potest.		345.
Rei essentia quid Chymic.		686
Rerum naturalium ordo & actiones non omnes à cælo.		223
Res natural. qua. 288. artificiales qua.		ibid.
Resolutum quid.		365

S.

Sal Chymic. quid.	266. 299
Salis proprietates.	300

INDEX.

<i>Sal an sit concretionum & coagulationum causa.</i>	301
<i>Salium differentia.</i>	309
<i>Sales plantarum non planè videntur simplices. ib.</i>	
<i>Salium acrimonia non tam per pingua & sulphurea collitur, quam per sales.</i>	467
<i>Sal Naturæ & Rei Chymicæ.</i>	474
<i>Salomon an fuerit Chymicus.</i>	50
<i>Sanguis an pars corporis.</i>	425
<i>an multiplex in corpore.</i>	432
<i>Sanguinis usus.</i>	424
<i>Sanguinis signaturam habentia medicamenta.</i>	592
<i>Sapor non est ab Elementis.</i>	171
<i>Saporis causa.</i>	520
<i>Scheckii opinio de forma examinatur.</i>	199
<i>λέγειν & πλάσσειν rejicitur.</i>	202
<i>Scheunem. opinio absurda de febribus.</i>	493
<i>Medicina reformatio parū feliciter tentata.</i>	513
<i>Scientia animæ Severino quid.</i>	186
<i>Semina quid Severino.</i>	179
<i>Semina & astra Severin. sunt forma rerum natural. 181. Paracels. quid.</i>	178
<i>Semina in Element. sec. Paracels.</i>	180
<i>Semina rerum natural. non sunt in Elementis. 166</i>	
<i>Semina sua res omnes naturales in se continent.</i>	ibid.
<i>Semen non solum agens instrumentarium.</i>	200
<i>quomodo potentia animatum dicatur. 206. vid. 208. 211. an possit dici animal. 216. maris & femine ad generationem necessarium.</i>	216
<i>Semina</i>	

I N D E X.

<i>Seminis natura admiranda.</i>	<u>205.</u>
<i>In scenam mundanam progressio.</i>	<u>222</u>
<i>Semen analogum.</i>	<u>346</u>
<i>Signorum necessitas.</i>	<u>530</u>
<i>de signis inconstans Paracels.</i>	<u>529</u>
<i>Signatura determinata quomodo fatui imprimantur.</i>	<u>407.</u>
<i>Signatura medicamentorum. 589. plantar. an aliquid indicent. 604. soli non fidendum. 605.</i>	
<i>Signaturam dentium, pulmonum. 597. Epat. 598. splen. stomach. Renum. 599.</i>	<u>Cordis. 597.</u>
<i>Testium, Vesic. 600.</i>	<u>Uteri. 601.</u>
<i>Intestinatorum Ling. manuum, pedum habentia.</i>	<u>602</u>
<i>Soliditat. & duritiei causa.</i>	<u>306.</u>
<i>Specier. spirital. natura.</i>	<u>635.</u>
<i>à qualitatibus primis non afficiuntur.</i>	<u>ibid.</u>
<i>ad aëris motum non moventur.</i>	<u>252</u>
<i>Sphæra occultar. qualitat. quàm latè se extendat.</i>	<u>630</u>
<i>Spiritus vocabul. equivocum.</i>	<u>241.</u>
<i>apud Antiquos ψυχῆς vocab. expressum.</i>	<u>242.</u>
<i>Spiritus quid.</i>	<u>241.</u>
<i>Chymic. quid.</i>	<u>365</u>
<i>Spiritus Mundi.</i>	<u>148</u>
<i>Spiritus insitus.</i>	<u>240.</u>
<i>cujus natura. 244. non est ex Elementis. 245.</i>	
<i>quantum possit in morbis depellendis.</i>	<u>576</u>
<i>Spiritus an se mutuò penetrent. 258. an vivant.</i>	
<i>421. non simpliciter agendi scientia præditi.</i>	
<i>424. an esuriant.</i>	<u>ibid. sui</u>

I N D E X

<i>Spiritus animalis non est causa flatuum.</i>	<u>504.</u>
<i>Stomachus quid Chymic.</i>	<u>428.</u>
<i>Stylus Magicus.</i>	<u>115.</u>
<i>Sudoris causa.</i>	<u>521.</u>
<i>Sulphur quid Chymic.</i>	<u>266.</u>
<i>primum odorabile.</i>	<i>ibid.</i>
<i>ejus differentia.</i>	<i>ibid.</i>
<i>Sulphur resolutum somni causa.</i>	<u>516.</u>
<i>Sympathia & antipathia rerum naturalium unde,</i>	<u>136.</u>
<i>Sympathie & antipathie exempla.</i>	<u>134.</u>
<i>Synovia Chymic. quid.</i>	<u>415. 416.</u>

T.

<i>Tartari oleum contra sublimatum antidotus.</i>	<u>467.</u>
<i>Tartarum quid.</i>	<u>484.</u>
<i>differentia.</i>	<u>485.</u>
<i>Tartarei morbi,</i>	<u>525.</u>
<i>ex tartaro morbi ventriculi.</i>	<u>487.</u>
<i>Tartarum Purgantium vim intendit.</i>	<u>658.</u>
<i>Transplantatio generationum accidens sec. Chymic. 327. 335. in animalibus.</i>	<u>327.</u>
<i>mineralibus.</i>	<u>328.</u>
<i>Tubalcain Græcorum Vulcanus.</i>	<u>39.</u>
<i>Chymia inventor.</i>	<i>ibid.</i>
<i>Venenorum vis.</i>	<u>127.</u>
<i>Ventorum generatio.</i>	<u>324.</u>
<i>qua vi morbos inducant.</i>	<u>457.</u>
<i>Verborum & Characterum in Medicina an aliqua vis. 606. Ferrerii de his opinio.</i>	<u>609.</u>
<i>Verba</i>	

I N D E X.

<i>Verba peregrina & ignota ex pacto cum damone</i>	
<i>operantur.</i>	<i>609. Verba sacra. ibid.</i>
<i>Veritas quid.</i>	<i>120.</i>
<i>omnium Authoritati praeferenda.</i>	<i>38</i>
<i>Verus discendi modus.</i>	<i>121</i>
<i>Vermes certi certis ex plantis generantur.</i>	<i>338.</i>
<i>item ex animalibus.</i>	<i>347</i>
<i>Vinum spiritu Vini cur commodius bibatur,</i>	<i>653</i>
<i>Viri etiam magni errarunt.</i>	<i>36</i>
<i>Vita quid Aristoteli.</i>	<i>226. 229.</i>
<i>quid Chymic.</i>	<i>227</i>
<i>Vitale & mortuum quid Chymic.</i>	<i>268</i>
<i>Vita mineral. sec. Chymic.</i>	<i>223</i>
<i>Vitrioli Spiritus,</i>	<i>665</i>
<i>Viventia quomodo generent.</i>	<i>195</i>
<i>Vivere & agere an differant.</i>	<i>228</i>
<i>Ulcera generatio sec. Severin.</i>	<i>496.</i>
<i>different. ex princip. Chymic.</i>	<i>498</i>
<i>Vocabula nova quando fingere liceat.</i>	<i>111</i>
<i>Vocabula Anatomia ineptè.</i>	<i>112</i>
<i>Tincturae improprie usurpat Sever.</i>	<i>112</i>
<i>Urina Paracelsi. quid.</i>	<i>533</i>
<i>different. sec. Paracelsi.</i>	<i>534. 536.</i>
<i>plurimum salis continet.</i>	<i>533</i>
<i>Urina partes.</i>	<i>537</i>
<i>quantitas.</i>	<i>538.</i>
<i>hypostas. & sediment. an differant.</i>	<i>ibid.</i>
<i>colores.</i>	<i>539.</i>
<i>color. sec. partes figmentum.</i>	<i>540.</i>
<i>Tremula.</i>	<i>539.</i>
<i>arenosa.</i>	<i>ibid.</i>

I N D E X.

<i>ex Urinis quæ prædicent Paracels.</i>	541.
<i>ex turbatis non incertum judicium in morbis Epidemiis haberi potest.</i>	542
<i>Urinarum destillatio in morbis gravioribus non improbanda.</i>	544
<i>Urocritério Rhenani quid tribuend.</i>	547

W.

<i>Weigelii doctrina Enthusiastica.</i>	119
---	------------

Z.

<i>Zosimus scripsit χουεύπνα.</i>	54
<i>Zwingeri de dogmat. Paracels. Judicium.</i>	149.

F I N I S.



Errata

Errata hæc magis enormia, Lector
benevole, ita lege & corrige.

Numerus prior paginam, alter lineam significat.

P. 11. l. 16. nativa. 16. 21. & exp. 51. 29. cro. 29. 14.
verò. 35. 2. Herm. 40. 22. adaptatis. 62. 10. thecis.
97. 22. humores. 110. 12. nihil. ib. l. 23. *αὐτῶν*. 116.
24. gare velle. 126. 17. homine. 136. 4. bet, ho. 149.
29. cum sit. 165. 1. quod El. 180. 24. femin. 186. 7.
boro. 192. parat. 193. 25. acced. 205. 28. è glande.
216. 22. dele. in. ib. l. 23. vir. 224. 3. buunt. 230. 2.
dele, quib. vit. princ. est an. ib. l. 8. dele tum. 251.
7. ullo. ib. 27. aff. 225. 23. puto. 289. 15. plantæ. de-
le, et, l. 16. pro eis, nisi. 297. 25. pyrio. 301. 6. gene-
ratione. ib. 25. Cubic. 311. 16. *Φλα*. 314. 7. illa. 315.
26. dele, dum. 330. 9. beant. 349. 13. unit. 355. 16.
Qui. 382. 11. c. 5. 410. 1. naretur. 413. 16. meri mu-
tatio. 414. 8. form. 431. 27. probata. 457. 18. tus il-
lc. 476. in 498. 29. dis. 506. 8. scro. 9. athero. ib. 11.
12. len. 513. 16. coagulum. 514. 22. partes. 422. 30.
uterum. 524. 13. Scheuneman. 527. torum. 528.
14. callis. 539. 13. colo. 19. dele, et. 24. et. 542. 28.
quid. 544. beant. 570. 1. quoq; 573. 21. cipali *δημι*.
& agen. 597. 6. nucleos. 602. 3. Idæ. 603. tianam.
604. 7. Portam. 28. pressæ sunt. 607. 11. quan-
quam. 621. 3. illi. 623. 4. Choliām. 624. 19. tyrio
eri. 626. 26. 27. nam, sam. 635. 15. cognat. 652. 20.
tam. 655. 13. riosi. 683. 19. tamen. 685. 29. adhib.
702. 15. rari.

Reliqua

Reliqua leviora sunt, atque ipse facile animadvertes Legendum esse: 2. κα' 4.4. mam. 6.10. mia. 104.8. das. 110.6. alter. 182.8. ac 194.3. tia. 243.6. εμψ. 250.26. tu. 300.23. tum. 304.24. quam. 308.23. milari. 316.20. luimus. 329. δεvος. 379.8. Techel. 382.14. μων. 433.9. ta, 462.14. propior. 463.11. trit. 499. tabili. 512. arthrit. 526. rina. 536.2. quam. 538. δείας. 542.11. tanum. 549.23. tatem. 591.13. fulvo. 602.14. Chiragr. 621.18. inquit. 623.9. ficii. 636.28. dicæ. 652.2. censet. 653.4. illa. 247. marg. cal. quæ. &c.





Daniel Sancho Jimenez
No. 1. 1/2 Log Leger.

Handwritten text, possibly a signature or date, located at the top of the page.



